













材警編

北京大學《儒藏》編纂與研究中心

#### 圖書在版編目(CIP)數據

儒藏.精華編.二六五:全二册/北京大學《儒藏》編纂與研究中心編.—北京:北京大學 出版社,2016.8

ISBN 978-7-301-11983-9

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館CIP數據核字(2016)第190292號

書 名 儒藏(精華編二六五)(上下册)

RUZANG

著作責任者 北京大學《儒藏》編纂與研究中心 編

責任編輯 魏奕元 陳軍燕

標準書號 ISBN 978-7-301-11983-9

出版發行 北京大學出版社

地 址 北京市海淀區成府路205號 100871

網 址 http://www.pup.cn 新浪微博:@北京大學出版社

電子信箱 dianjiwenhua@126.com

電 話 郵購部62752015 發行部62750672 編輯部62756449

印 刷 者 北京中科印刷有限公司

經 銷 者 新華書店

787毫米×1092毫米 16開本 83印張 802千字

2016年8月第1版 2016年8月第1次印刷

定 價 1200.00元(上下册)

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370



國家出版基金項目

教育部哲學社會科學研究重大課題攻關項目

北京大學「九八五工程」重點項目國家社會科學基金重大項目「十一五」國家重點圖書出版規劃項目・重大工程出版規劃

## 《儒藏》精華編第二六五册

集 部

劉蕺山先生集〔明〕劉宗周下册

# 劉蕺山先生集

長 峰 校點 類宗周 撰

譜正篇 人極圖 人極圖説

人譜續篇

五

四

一九

解八 一六二	解七 一六一	解六 一六〇	解五 一六〇	解四 一五九	解三 一五九	解二 一五八	解一 一五八	證學雜解 原旨 ············· 一五八	劉蕺山先生集卷七 一五八	學言下 一二四	劉蕺山先生集卷六 一二四	學言上 八七	劉蕺山先生集卷五 八七	易衍 七〇	讀易圖説 六二	劉蕺山先生集卷四 六二	證人社會語 三一	
原性 一七三	原心 一七二	解二十四 一七一	解二十三 一七〇	解二十二 一六九	解二十一 一六九	解二十 一六八	解十九 一六七	解十八 一六七	解十七 一六六	解十六 一六六	解十五 一六五	解十四 一六四	解十三 一六四	解十二 一六三	解十一 一六三	解十 一六二	解九 一六二	

二四六	辭少司空疏	辭右通政疏 二一三
四五	應召請寬限疏	請先臣劉棟謚典疏 二一〇
- 四 二	請恤畿輔凋殘疏	辭光禄尚寶疏 二〇九
四一	三申請告疏	奏疏二 二〇九
四〇	再申請告疏	<b>劉蕺山先生集卷九</b> 二〇九
三三八	參奏閹豎疏	請卹神廟罪廢諸臣疏 二〇四
二三七	請告疏	敬修官守疏 二〇一
三五五	請定大興宛平兩縣經制疏	修正學疏 一九七
三五五	奏疏三	條陳宗藩疏 一八四
三五五	劉蕺山先生集卷十	再懇侍養疏 一八三
	再請申飭京兆職掌疏	懇賜侍養疏 一八二
三九	極陳救世要義疏	奏疏一 一八二
三三七	冒死陳言疏	劉蕺山先生集卷八 一八二
三五五	請推廣德意疏	原學下 一七九
=======================================	請發帑大賚疏	原學中 一七八
	請修京兆職掌疏	原學上 一七七
二六	除京兆謝恩疏	原道下 一七五
三五	辭京兆尹疏	原道上 一七五

辭總憲疏 二八三	敬陳聖學疏 二七四	再辭少宰疏 二七三	辭少宰疏 二七一	身切時艱疏 二六八	予告辭朝疏 二六七	三請告疏 二六六	再請告疏 二六五	請告疏 二六四	修陳錢法疏 二六一	請禁言利疏 二五九	奏疏四 二五九	劉蕺山先生集卷十一 二五九	恭申對揚疏······· 二五六	三申皇極之要疏 二五三	再中皇極之要疏 二五一	痛切時艱疏 二四八	再辭少司空疏 二四七	34
與周綿貞年友 三一三	復周生 三一二	與陸以建年友 三一一	書一	劉蕺山先生集卷十三 三一一	糾參輔臣王應熊疏 三〇八	恭陳辭悃疏 ······· 三〇六	被放謝恩疏 三〇五	申飭憲綱疏 三〇一	糾參餽遺疏 三〇〇	申明巡城職掌疏 二九八	請飭覲典疏 二九七	申救熊大行姜給諫疏 二九五	請嚴考選疏 二九三	條列風紀疏 二八八	陳沿途見聞疏 二八五	奏疏五 二八五	劉蕺山先生集卷十二 二八五	

三五九	與章格菴掌垣	三三八	劉蕺山先生集卷十四
三五九	答范質公	三三七	與侯陸珍司農
三五七	與王雪肝五	三三六	答祁世培侍御
三五七	與王雪肝四	三五五	答秦履思四
三五六	與成台道	三三四	答胡生二
三五五五	與王雪肝三		答胡生一
三五四	答王雪肝二	1111111	答徐蓼莪兵垣
三五四	與王雪肝太守一	11/11/11	答王右仲二
三五三	答沈進士	三九	答王右仲州刺一
五五一	答曹進士	三六	答葉潤山民部一
五	答秦履思五	三五	答趙生君法
三四九	答葉潤山二	三四	答陳生一
三四九	答諸生	三四四	答秦履思三
三四六	答胡嵩高朱綿之張奠夫諸生	111111111111111111111111111111111111111	答秦履思二
三四五	與黄石齋少詹一		答秦履思一
三四二	答王金如	0 11	答李生明初
三八	與温員嶠相公	三八	與朱平涵相公
三三八	書一	三四四	與張太符太守

與祝開美三 三七五	答門人惲仲升 三七五	與祁世培 三七四	與祝開美二 三七四	答門人祝開美一 三七三	答葉潤山三 三七〇	答陳紀常 三六九	答錢生欽之 三六八	與黄石齋 三六八	答史子虚 三六七	答陳生紀常 三六七	答劉乾所學憲 三六六	與張自菴 三六五	與永侯族侄 三六五	與祁世培 三六三	與王雪肝六 三六二	書三 三六二	劉蕺山先生集卷十五 三六二
曾氏家乘序 三九六	張慎甫四書解序 三九五	張慎甫易解序 三九三	同心策序 三九二	方遜志先生正學録序 三九〇	尹和靖先生文集序 三八八	馮少墟先生教言序 三八七	序上三八七	劉蕺山先生集卷十六 三八七	答史子復三 三八三	答史子虚 三八三	與祝開美六 三八二	答駱學師 三八二	答門人張考夫 三八一	答祝開美四 三八〇	答史子虚 三七九	答史子復二 三七七	答史子復一 三七六

目

	3.5
族叔原鑑翁七十壽序	書學小序 四一九
丁長孺元配吴夫人六十壽序 四三六	御學小序 四一八
王母司馬氏六十壽序 四三五	射學小序 四一八
陳太母徐安人七十壽序 四三三	學樂小序 四一七
别門人祝開美序 四三一	小序 四一
重刻方正學先生遜志齋集序 四三〇	四
陶石梁今是堂文集序 四二八	學的小序 四一六
稿序	古小學集序 四一四
序	古學經序 四一二
<b>史乘語序</b>	明儒四先生語録序 四一一
工道 小序	史雁峰詩集序 四一〇
	禮經考次序······· 四〇八
	河漕綱目序 四〇六
	錢緒山先生要語序 四〇五
古小學通記序 四二一	重刻傳習録序 四〇二
序下 記 四二一	李懋明西臺疏草序 四〇一
劉蕺山先生集卷十七 四二一	辛復元先生集序 四〇〇
聖統小序 四二〇	陶庸齋慥慥集序 三九九
數學小序 四一九	禪宗定案序 三九八

徵士印臺章公墓誌銘 五〇八	誌銘 五〇五	葬墓	大中丞張浮峰先生暨配胡淑人合	誌銘下 五〇五	<b>蕺山先生集卷二十</b> 五〇五	部浙江司郎中文源李公墓誌銘 五〇〇		公墓誌銘 四九五	諫議大夫原任工科右給事中聚洲王   1	墓誌銘 四九二	醒涵臧公暨配誥封安人吴氏合葬	奉政大夫南京吏部文選清吏司郎中	刑部河南清吏司郎中日乾趙公墓誌銘 四九〇	福建布政使司右布政馬湖來公墓誌銘 四八六	子孟嘉婦何孺人兩世合葬墓誌銘 四八三	江西寧州知州竹渠章公暨配俞宜人	ジロイ耳(で言)と参言移画章/2·夏言金 ロノ(
累封太恭人加贈淑人劉母貞節周氏	勅封侍御磐石金公墓表 五四○	太常寺少卿養冲姜公墓表 五三六	亞中大夫江西布政使司右參政誥贈	墓表 五三一	光禄大夫太子太保謚文介淇澳孫公	資政大夫禮部尚書兼翰林院學士加贈	丁長孺先生墓表 五二六	墓表 行狀 五二六	劉蕺山先生集卷二十一 五二六	劉子暨配誥封淑人章氏合葬預誌 五二二	陳母劉氏姑婦同圩誌 五二一	從祖太虚公暨配沈安人合葬墓誌銘 五一八	北渠章公暨配顧安人合葬墓誌銘 五一七	五一〇	等處地方恒岳朱公墓誌銘	貴湖川雲廣五省軍務兼巡撫貴州	年

黄白安侍御像贊 五七八	張守齋像贊 五七七	共姑傳 五七六	章貞女傳 五七四	孝愍周氏傳 五七三	世父學可公傳 五七一	章端齋暨配先姊合傳 五六九	外大父章南洲先生傳 五六五	文學沈本人傳 五六三	徵君辛復元傳······· 五六〇	大司成芝臺陳公傳 五五六	傳 贊 祭文 五五六	劉蕺山先生集卷二十二 五五六	人行狀 五四九	府君暨先妣誥贈淑人貞節章太淑	先考誥贈通議大夫順天府府尹秦臺	光禄寺少卿周寧宇先生行狀 五四四	墓表 五四一
<b>賑嵊緣起 五九六</b>	義倉先聲 五九五	題楊椒山先生佚稿 五九四	題勤王紀略 五九三	題張幼青弔忠録 五九三	三統考 五八七	雜著 五八七	劉蕺山先生集卷二十三 五八七	祭王生金如 五八五	<b>祭張慎甫 五八四</b>	祭丁長孺 五八三	祭張二無副院 五八二	祭周海門先生······ 五八一	祭魏廓園給諫 五八○	祭孫淇澳先生 五七九	祭趙儕鶴先生 五七八	陳中湛總憲像贊 五七八	王聚洲年友像贊 五七八

經梁武墓 六二二	皇祖○念祖以砥修也 六一四
金陵懷古 六二二	知命賦 六一一
大柳客店見高存之題壁慨然和之 六二一	淮南賦 六〇九
採蕺歌 六二一	賦 詩 六〇九
酬崑崙叔勸駕 六二〇	劉蕺山先生集卷二十四 六〇九
吴興道中 六二〇	書王生伯含扇頭 六〇八
題百福衣 六二〇	贈朱綿之進學解 六〇六
寄懷李懋明兼呈王止敬 六一九	書管石峰卷 六〇六
和楊龜山先生此日不再得吟示學者 六一八	恩綸册跋 六〇五
答晁弟書 六一八	明德淵源録跋 六〇四
自慰 六一八	素菴忌祭跋 六〇三
山居即事 六一七	芳齋三世祀典跋 六〇三
湖上贈别丁長孺 六一七	芳齋公三世家乘跋 六〇二
旅懷 六一七	王堇父廟制書跋 六〇一
陽穀道中辭春 六一六	易經古文抄義引 六〇〇
過張灣 六一六	會稽縣荒政引 五九九
河干别諸父昆弟 六一六	大宗世業引 五九八
酬别長安友人呈于參政張副院 六一五	蒙求句解引 五九七

題廣孝别室得鳬字 六三一	再上雲門仍次前韻得八首 六三〇	雲門雜咏 六二八	送祁世培北上 六二八	挽周寧宇先生 六二七	白鷴 六二七	無題 六二七	即事用前韻 六二六	長安 六二六	還山小咏 六二五	壽健甫兄七十 六二五	贈吴元水舊寅 六二四	贈王聚洲年友 六二四	同洪溟上人天衢弟登秦望 六二四	初訪雲門 六二四	官梅 六二三	歸興 六二三	咏姬僕 六二二
萍鄉詩韻 六三六	過錫山同張奠夫訪第二泉用濂溪先生	别祝開美兼示紫眉汋兒 六三五	春暮和紫眉通城感懷 六三五	答陳生章侯 六三五	次韻酬劉湛陸翰撰 六三四	癸未元旦 六三四	除夕 六三四	自嘲 六三三	春日示王紫眉 六三三	謝恩口占 六三三	過鳳林 六三三	志感 /	上雲門 六三二	和灌雲叔懷古 六三二	遊天衣寺 六三二	避暑廣福菴 六三一	壽章鴈峰舅 六三一

<b>維命</b> 辭	· 汋	示秦壻嗣瞻	潛忠布衣許公	司寇肖形孟公	車駕伯玉金公	職方元升成公	閣學質公范公	宫諭湛陸劉公	御史大夫懋明李公	憲副四明施公	大司農鴻寶倪公	太常磊齋吴公	哭殉難十公用前韻
: 六 匹	: 六四	: 六四	:六四	: 六四〇	: 六三九	: 六三九	: 六三八	: 六三八	: 六三八	: 六三七	: 六三七	: 六三六	:六三六
			O	O	九	九	八	八	八	七	七	六	六

#### 校點説明

取 宗 絶 於禪,今之言良知 家 爲 追 因 政 司 陰縣(今紹興市)人。 精 周 謚 左 諍 行人。天啓、崇 强 食二十三日 順天府尹、吏部 研,歸 之 都 言 日 劉 者稱念臺先生,又 學、出 忠介。 教授, 御 直 宗周(一五七八—一六四五),字起東, 史。 諫 於自得。 而 自許孚 講 宗周 弘 而 數 學 死。 光 遭 者,參之情 二 十 禎間, 左侍 通 覆 革 睹 遠、迨入東林、首善二 籍 萬曆 明 亡, 職 浙 餘 郎 四 稱 魯 歷 奪 河東之學 潞 年,從遊 + 蕺 王謚 禮 二十 官。 都 王 識 五 山 部 察 降, 年,立 "蕩之玄虚, 先生。 日 主 九年進士, 南 院 忠 宗 事、 自新 明 者 左 端,清 弘 不下 朝 周 都 通 浙 光 僅 決 御 政 建 江 朝, 書 數 史等 四 意 司 乾 宗 授 紹 而 院 百 年,在 殉 復 號 周 漸 隆 右 行 興 國 職 博 起 憂 X 間 念 通 X Ш

> 敬,敬 之,舉 静,步步實 之本然,從嚴 爲宗,始 則 證 人書 誠 從 歷 主 可見。 晚 院 毅 敬 年 清苦之中, X 集 愈 門,中 同 粹然集宋明 精 志 微, 講 年 愈平 發 肄。 專 爲 用 光 實,合於 宗 諸 慎 周之學,以 儒 風 獨 霽 之 工 成,卓 月,消 無 夫。 聲 然 息 無 慎 慎 臭 爲 獨 動 則

理

學

殿

軍

改字, 據 福 希 易 輯 三十年,山 兩 集等多種編著, 劉子全書》。 年譜》,流 初刻 浙 圖説 ,共得二十四 建 轍及宗周之子劉 陳 學 劉 而且 本重 廣寧 使王 宗 居 證學 傳 陰 卷 著 據 掞 加校 不 杜 首 是書係 捐 述 康 廣。 雜解》等數十 卷 春 這些文字大多收 删 宏 熙 俸 紬,是爲 生、 T 豐, 刻 題 汋 刻 道 董 劉宗 共 爲《劉 本 於 沈 光 有《人 瑒 校 山 同 復 四 王 周 的《鈔 刊 陰,今佚。 編 至 粲 子全書 刻 種 弟子董 譜 重 訂, 又 + 本。 專 \*, « 刻,但 五 述 對 康 入了 著 年, 聖 全 道 遺 熙二十五年 一場、黄宗羲、 並 嘉慶十三年, 學 書 光二 卷 此本不僅 四 編 蕭 有文集、 宗 十卷本 進 末 山 要》、 行 + 又 後 王 有 了 宗 删 光 T 有 姜 炎 續 至 由 的 詩 讀

是 大 者, 緒 張 生集》, 蕺 爲 + 羲年 Ш 其資料價 存奏疏以下十七卷 四 家 1 又稱《 年 庫 以 求 雷 遺 重 本《 刻 本 書 值 劉 劉 進 本。 重 不 蕺 蕺 梓, 及 復 Ш Ш 乾 雷 删《人 先 得 集》。 隆 刻 入别 二十 生 + 本 遺 譜 七 然 集》。 集 四 \* 年, 四 類 卷, 學 雷 庫 是 題 言 E 鋐 本文字 》諸 爲《 督 而 劉 開 學 蕺 劉 書 四 浙 删 之 蕺 Ш 庫 江 改 專 集 Ш 館 行 先 較 即

宗炎刻《劉 雷 鋐 子全書遺 刻《 此 次整 劉 子全書》(簡 蕺 理,以, 編》重刻本(簡稱 山 先生 北 一集》爲 京大學 稱「全書本」) 底本, 置 遺 書 編」) 館 以 藏 和 道 爲校本。 光 乾 光 隆 緒 + + 五 年 七 1 王 年 年

言、 皆 稿本、録本之異、全書本 文字來源複 語 以 出 小 録 原 校。 和 字加以 本書 日 性 等 校勘 理 部 說 類 雜 奏疏部 分, 明,以 著作 有 早 爲  $\equiv$ 在 中最爲突出。 便 示 分在 董 點 於 謹 需 瑒 比 遇到文字不 慎 涉 編 要 對 及明 説 訂 這 與 明 全 研 書本 末 本 問 究, 一,由 時 書 題 同 時 事 凡 前 在 的 就已 和 於 有 七 劉 地 明 異 卷 劉 宗 方, 有 清 文 的 周 宗 交 者 的 皆 T 居

> 三 處 説,文字 遇校本文字 删 爲 字稍異又不影響文義的地 戰 復 避 削 原 的 則 書信、墓誌、序跋等部 免煩 潤 貌 地 酌 色之處,只要不影 方, 爲 情 簡 瑣 原 出 潔 因 可 校 則 異文説 扼要 出於忌諱 以補 勘 儘 凡 而 量 充底 明。 底本 通 補 順, 出 而 本, 分,底 響 和校本文義 方,則 有所删 改 顯 閱 且 係 正 能幫 本相 讀 經過 且 不 改, 出 助 對 律不 修 凡 校 理 相 於 出校 改 記 此 解文義 通 全書 出 與 但 皆 而 説 校, 潤 稍 本 對 以 明。 之 有 文 而 恢

指 致 〇〇七年《劉 謝。 IE 此次校點,參考吸收 本 人學 宗 力所 周 全 限, 集》標 錯 誤 了 點 在 浙 本 所 的 江 難 校 古 免, 點 籍 成 出 懇 果, 版 請 社 方 家 並

校點者 秦 峰

序

及先 藉 簡 術 請 秋 而 乃 Ш 不 以 端 屬 得 源 先 汩 生,有一 讀 郡 流 手 生 風 ? 竊 乾 於名利、奪於禍患事變,俯 命 先生之書 遺 讀 惟 學 隆 厲 録 顧 量 蕺 辛 多 博 若 書 其 不肅 鋐 移 未 Ш 李 士 僅 干 倡 書者當自得之。 江 仲 先生彪炳宇宙 · 君 凱 卷。 蘇 然 見《 則 鋟 ,學先生之爲 夏, 愾 此 不 等 爰 人 越 鋐 然 書 可 與 譜 歲 董 校 起 以 非 郡 校 郡 **>** 士: 無 而 能 守鄭 至紹 册 敬 言 以 照 守 人, 表 鋐 且 學 蕆 仰 章 何 侯 耀古今, 詢 興 今天 則惑 慕 博 厥 此 先哲 謀 人,敢序 其 者 屢 事 呕 身, 開 後 於 下 哉 以 問 雕 裔 與 聲 言 實 學 是 ? 序 蕺

序

者 業當 之空言哉? 内 罪 蔽。 能 於先 道 而 變哉? 生 君 趨 造 先 廷埽 之流 者 禽之界, 以以 不 不惑於聲色、不 德,培養國 生 不 似 因急功利 「。 學其· 生者 可 相 猜忌反疑 何 必 風 近 除之 救。 亡 如 同 去 或謂 節 迁 議 ? 也 懸 無 表著 真 闊 職 先 嗚 絶 激爲 其 拊 先 地 贵 脉 知 Ē 忠直 生 呼 霄壤 先 循 可容 徒 始 生當岌岌 寔 嗚 亟 若身際治平 甄 生 懦 以 汩於名 以 仕 踐 呼 請 维 刑名,流 别 而 矣 收 是 帥 自 風 也 力 除 流 身 一蔽 ! 天下 蓋 失 遁 節 詔 品 際 即 嚴 律 危 益 著 浮 明 利、不奪於禍 或謂 獄 振 之誅 泮 治 劾 慎 喜 于 亂 不此 沉 莊 哉 平,所 魏 猜忌 獨 涣之人心 汰 之時 委蛇 逢 起 世 烈 先 忠賢 ,此豈 之務 之功 迎 俗 新 之 人才,其 生 且夫 遂 餉 進退, 至 積 以 Ħ 適 動 其 、學先 無-招 於 此 當 墮 成 患 輔 稱 又 自 何 用 其 無 事 敗 雍 乃 草 王 功 絶 末

者,可以知所趨向矣。先生之子伯繩,守其 之見也,有心世道者,更訪求而表章之。 逞辭辯,而先生率以躬行,競尚虚無,而 之爲教也,好言本體,而先生獨重工夫, 天下治日常少,亂日常多,職此故也。 小人爲撥亂扶危之要務,昧者猶 也 家學,抱道甘貧,稱爲貞孝先生。 生返以平寔。」嗚呼,盡之矣! 生之學術,其門人張氏考夫有言曰:「世 至 比温 體仁 爲盧杞, 無 非 以 後之學先 目以 進君子、 其遺集 迂闊 至先 生 退

鋐序。

乾

隆十七年三月上浣後學閩汀

雷

646

### 劉蕺山先生集序

堂 學 契。 時 程朱,然總 陽明教人致良知 而 Ш 石 베 大學》夢覺、人鬼 簣、石 便 創 龍 别啓津梁,瓣 ,登龍門之坂 正之,社署證 是 Ш 越 原夫玄黄 爲 中 一小天 因 梁 果説 兄 傳 故 以 弟。 講 爲 敬 質 地 直 也。 香 錢 人。 學之林 爲 前 判, 人生其 ,故全乎天,斯全乎人,出 石梁沿 兩 緒 在 一趨禪、 常 先 先 關 遊其門者如 陽 Ш 惺 生教 生之學, 而 也。 明 寂。 惺 王 流 一之,雖 而 法, 龍 人證獨 揚波, 自 柱 念臺 中, 溪, 則 陽 其 切 七尺 又若 升 明 豎 磋 劉 講 再 流 八體,蓋 先 闕 義 先 傳 失。 學 于 墮 符 東 里 生 少 生 白 爲 之 起 左 倡 異 取 顧 林 馬 陶 地

> 君 魏,洊擢 著爲《人譜》, 乎人,已入乎禽。 胎 真 時 切 爲陽明之功臣 士 「要以 英所搆, ,淵乎莫可 經濟,乃道 補苴之説。 薑桂老 京 格 而 心 危 兆 測 學 爲 愈 爲 言 一髮千 國亡 而已。 中 也 辣, 主, 危 温 先 自然結撰,而 行 絶 松柏 體 而 生憂古今人類之終絕 鈞,岌岌是懼,又不徒 考先生立 粒 仁所嫉,福 不 以 一,尚從 屑 寒 碩 而 爲 果 不凋, 救 容講 自 其 朝,首劾客 時 命。 根 王 濟 真 道 時 器 爲 名 其 如 所 節 馬 平 事 肧

 $\equiv$ 試 爲 四。 會 布 先生遺 諸 稽 乾隆十六年,學使通 海 仰 内 蕺 書半飽 屬 麓之巋 太守潮陽鄭 壁 然,悼 蟫,今所 傳 君 政 薪 集所著述,募 存 寧 之易熄, 化 者 雷 纔 公按 什之 思

<sup>■「</sup>玄」,原作「元」,今回改。下文皆徑回改,不再一

之燭 道,正 書 視浙 不 鄉之文文肅、周忠介 髮爲豎,再讀之而 已 生之書者,印先生之心,其必有乍讀 毛,直發程朱 余王父止菴公輯《儒門 書不傳者。 金 ]炳汗 重 教、辨儒 鋟 立説反復數千言,提 平哉 也 學,刻將成,爰序之。 板 氣凛凛,又可 青,獨其覺世婆心 於 釋 各體不規規於古法,而因 以 年冬,雷公調 所 使百世共證 未 書 怡然 發,有以 想見其爲人。 謂 兩公,氣節 能 涣然,如 法 撕 曉曉不 洞 任 語》,採録 警覺,始有 維先生 其爲 哉 見骨髓, 江 ! 蘇 夜行 人,是 已,有 相 余 蓋 直 余 似 先 者 之 脱 願 以 聲 啣 過之。 文見 刻 生 而著 或 而 讀 落 非 視 亮 命 論 顧 假 毛 皮 是 吾 節 再

-歲次癸酉孟陬上浣長洲後

彭

啓

豐謹

序

乾

隆

十八年

之旨 惜 所 慨 未 與 近 出 儀 口 著 古 其 然 在 守 逮 乎 即 其 聖 諸 於 力 也 人 嘆 余向 蕺 爲 而 賢 則 越, 不 集 息 Ш 忠 悵 而 于 足 之 思 歲 而 乃 然 恨 與 誠 辛 書 以 讀 欲 想見 ^ 得 明 府 者 其 體 未 之。 振 見 相 遂 署 史》 久 道之云 之,欲 其 或 ,納言雷公視學 表 先 其 相 之。 周 裹 書, 生 中 視 素 去數 情 講 讀 付 而 因 志 死 遠, 越 孔思, 學 念 之 索諸 不 如 里, 庚 開 時 天 臺 問 可 歸 午, 皆 涯 先 即 先 雕 以 日 後 非 走 生 光 恭 極 兩 文 人 生 而 字 得得 偶 謁 傳 膺 望 浙 玉 里 志 義 潔,蓋 然 簡 求 焉 祠 居 按 先 道 貌 輒 者 下, 命 也 則 部 德 不 生 而 心

之近 者。 壤 朝 竣 出 韓 爲 也。 典 其 諸 相 行,志必 志 至 言之傳,豈 之,而 文之 之士 之得 型 素 百 教 屬 勸 紹 歐 在 世 所 抑 乎 戒 大 及 即 陽 進多 亦亦 滅 昔, 師 吾 誦 以 余 哉 諸 昌 存 取 今復刻 文 没 鄉 習 爲 紳 黎遺 且 奉 乎 爲 先 昌 忠 者 士 也 額 士 有 以 愛 言 温 易 生 此 得 黎 非 久 而告之曰: 手 集乃 國 爲 遺 飽 頑 事 而 其 先 共 諸 公《 矣。 也 計 日 廉 師 集 哉 爲 維 生 肩 隨 0 : 昭 士人 謀 而 天下 廟 世 集, 厥 公按 宋 州 如 懦 流 此 付 此 碑 翼 任 當五 興 民 傳 使 非 東 立 日 梓 法。』夫 》首云: 盛 教之功 「夫學 間 亦 者 部 星 及 多 徒 髮 及 事 首 代干戈之際 時,動 受書, 敗 遠 士 識 今 益 尚 而況 也 捐 簏 將 趣 朝 坡公 必 無 而 以 資 \_ 之陋 中 披 妄希 非 以 本 增 知 兀 于 窮 刻 大 以 夕 聖 亦 于 表 韓 夫 淺 桑 乃 鄉 Ш 督 爲 誦 賢 躬 斗 文 知 僻 而 鮮 梓 而 亦 率 口

序

諸四 之重 之刻,夫非適逢其會乎? 爲之序。 肅然正容 之責也。 勸戒其里之人相與懋勉于德義,此守土者 相襄贊,使鄉先生之墜緒久而 惟與古同道孜孜尚友者,始能扇揚懿美, 海 則 而共尊, 集之 用爲爾多士勗之!」于是,諸 日 : 顯 敬聞命矣。」語既終,遂 垂 晦 諸奕世 亦有數存乎其間 而不敝也。 夫仰承德意,共 愈新, 而 斯 生乃 因 以 集 而 而

乾隆壬申歲中秋日韓江後學鄭肇奎

拜書。

序

問 養之 其 源 於 捐 生 之者,蓋 愛之性 顧 者 念 爲 其 頂 而 (無素 臺 人。 踵 成 天 有 無 松 道 先 赴 視 也 筠 書 似 始 德 於 生 公家 歲 磊 院 然 而 終 或 爲 所 三里居 戊 激 砢 藎 事 即 若 養 每 基 之難 辰 發於 臣 如 經 讀 址 也 向 奉 誼 家 雪 乃得之北 節 時 以以 書 士 輒 事 霜 命 此 先 傳 日 清 而 意 守 而 其 生 更 而 標直 見古 者 後 氣 不 一講 越 平 衰 思 繼之 之 城 横 改 學 居 季 以 節節 甫 人 所 蕺 發 柯 處 以 扶 而 爲 以 下 奇 Ш 爲 易 慨 理 也 持 無 車 之 節 哉 死 氣岸,忠 葉 學 變 然 而 麓 偉 ? 者 爲 步 即 想 是 色 振 · 山 行, 贵 見 甲 定 救 淵 却 而

> 卓卓一 守是 共十 之守郡者未久 令子及其 爲念臺先生舊學之所,宜 之,爲白 其子孫皆 趨 餘 正 年之間 祁 有 而 邦 人。 可 於 饗堂 忠 先 紀者。 其 生 於大府 而 敏 甲《傳 家 高 側 與 得 數 而 諸 第弟 貧 者。 焉 楹 越中之磊 以 君 以 蓋 四 芳録 桐 展 子 去, 奉 子二 壁立 已 以 城 爲 其 先 甲 蓋 而 欲刻 肅 学 方公,著 夙 世名 + 嚮 自 復 磊 然 因 願 所紀 慕 勝 悉 其 有 軒 再 者 歲 宦 之久 人 專祠, 遺 朝 詢 拜 天 如 爲令。 捐 者皆是 與 集, 陪 正、嘉 地 王 如 如 此 Ŧi. 其 且 祀 文 者, 迺 + 而 親 鄉 成 篤, 皆 至 獨 以 金 以 先 力 也 得 而 惜 幸 名 先 還 有 先 分 倪 蕺 執 輩 給 來 行 牛 然 百 不 甲 生 經 數 Ш 文

鄭 私 淑 先 生 先 寧 化 謀 生 之 雷 刊 公 誠 蕺 以 Ш 與 名 遺 甲 集 卿 契 鉅 首 儒 先 因 視 捐 與 學 余 資 兩 僚 爲 浙 友 司 韓 蓋 其 江

逮

月 且

不暇

也

序

邗 娓於責 其夙 也 焉,猶恍然走謁祠下, 者久矣。 明 宜 者。今讀其遺書,兢兢於人道危微之介,娓 色,立朝 深造自得, 勸 躬行實踐,誠意格 朗 乎先生之從容就義,至于絶 ,爲額手稱 後學杜甲敬書。 因喜 然 負者,洵盛 事 難 不 而 而 然 少 竣,至省, 陳善之言,率意直書,總不出 群 謂 變也。 爲 小爲之側目,蓋其素養有如此 聖賢 嘆,愧慰 之序。 披其 事也 必 心, 集, 甲今守杭,不復 甲首迎謁公, 可學 相 時 交集,若得所 先生得文成公之傳, 而 則 與 乾隆 當寧爲之改容 几席之上先 而至,提要鈎玄, 俯 仰 壬 食瀕 拜 申 即 伏於其間 端午日, 藉 道 至 死 生 而 以 其 蕺 此。 神 正 償 在 所 Ш

斯 孟 横 功 同 於 翕 夫 曰 良 論 渠 周 偉 知 道 子 者 陸 然 徒 之説 自 子 焉 宗 而 孔孟 又 Ш 可 紫 滋 其 悖 之, 謂 陰 爲 有 陽 口 再 於朱。 寔 劉 其 不 既 天 以 亦 舌。 生 百 發 蕺 得 没, 孤 地 曾 爲 之仲 餘 前 Ш 力於 以 陽 先生 有 噫 年 思 先 人 來 由 明 宋 尼 ! 之亞 而 所 生 朱 此 一踐履 子 前 乎 諸 得 未 唱 可 不 觀 復 有 陽 1 大 發, 絶 嘅 合 篤 之, 而 出 五. 明 儒 學 明 己。 於 然論 陽 實 子 子 云 起 於 道 諸 明 王。 行,矩 其 東 後 而 賢 不 先 見 蓋 者 承之, 南 有 讓 傑 步方行 道 生 紛 力 謂 陽 者 Ŧi. 顔 之言 統 直 紛 其 明 子, 子, 也 厥 時 追 異 日 近 子

學 驗 也; 稍 獨 以 也 傳 明 耶 不 之役,以 咸 主 天 而 而 慨 不 雜 性 暇 捐 壤 檢 敬 子 而 不 處 來 ? 於徵 釋 焚香 世 化 惑 貲 道 而 爲 善爲宗, 然謀 患 雖 學 其 爲 典, 昭 不 要。 夢 蕆 耶 難 雜 愧 古 偏 抱 諸 士先,余適 後 静 ? 語 所以梓之。 不 厥 見 而 則 陽 ; 學乎? 書 於 對 以 事 之 不 參 由 則 明 絶 記 傳 課 史 憂 倫 是 道 燈絶 讀 之才 爲 可 附 善 播 業 ; 册 紀 生 書, 此 其 不 海 會 不 佐 學 則 由 爲 學,星 紛紛 而 書 而 謂 内 也 記 而 是 正 言 而 使 是 準,以 順 想 無 之 語 邦 前 惡 學 雷 者皆 坐 過 而 見其爲人。 其 厚 焉 死 郡 由 乃 星 術 先 而 公之按 隱 不 存 遇,造 幸 是 侯 不 不 而 言 生著 也 亦 妄 言 惡 杜公、 誠 詳 安 窮 歟 墮 ; 得 也 功 揚 起 爲 而 不及 陽 俟 試 其 述 則 任 善 樂 先, 而 遠 信 明 諸 大 鄭 寥 簿 於 第 較 何 行 也 達 應 公 利 書 紹 寥 陽 儒 以 抵 正 平 以

序

學聖人者共勉之。 學聖人者共勉之。 今先生死矣,先生死矣,先生死矣。 學聖人者共勉之。 學聖人者共勉之。 今先生死矣,先生死矣。 是而思, 是而盡得從人之門,則爲陽明子可。即由 是而盡得從人之門,則爲陽明子可。即由 是而盡得從人之門,則爲陽明子可。即由

乾隆壬申歲冬十月毘陵後學湯大賓

敬書。

# 劉念臺先生祠堂記附刊

堂 郡 生 此 蓋 其 云 豆 展敬 年講 其 以 讀 即 之者,亦 生 有 前 理學 其 性之安焉 平 自 白 首 ",則 學處 書院 碑 游 古 詣 歲 其 大 者 處 聖賢浩然之 里 逾 儼 蕺 後 儒 所 維 爲 在 居 遠 吾 Ш 乎 桑與 成仁 爲悽 者已久, 焉。 · 望 在 而 問 若 魂 蕺 彌 今之人 先 其 梓之間 授 然 奎以宗仰先生久,甫 魄 存 山 生之 祠 氣 命 墮 之麓 猶 也 而 宇 卓 淚 雖 應 士 提 鄉 ,爲 也哉 循 羊 則 孤 登此。」 亦 然 命 人之尸祝 ·叔子 肅 精 行 有 爲 於 而 然 爽 於 學先生 天 上 上則 動容, 游 尤 宇 嗚 下 者。 念 峴 依 宙 臺 而俎 呼 豪 先 Ш 之 生 先 傑 Ш 登 至 ! 而

> 于大府、 之所 寢 以 繫之以詩,補堂 宦 Ш 承 不 若《禮》之高 學者乎? 師,然猶尊禮之如 公、《書》之伏生,皆是 義 學 泯 志 與 其 其道: 嚮 鄉 者 越 如 甚得 先輩 慕之誠 方公,奉爲先生 人之畏壘 凛 日 乎 古者 也。 德之淵 數公之主,補 焉。 皆知 堂 先 生、《 亦 春 方公按 所 也哉 後若 慨 所 此。 入學 懿、 以 樂》之 然 興 忠義 扶 屬 專 若蕺 部 起, 也。 契云 則 世 和。 祠 堂 至 饗堂舊有越之名 制 則 之激 釋 翼 前 杜 彼 越 山 百 教 氏 菜 兹并 君 特 謁 爲 遷 世 前 發, 守郡 於 先 爲 他主於後 一之師 詩 先 附于後 于祠下 生 使 蓋 学之 師 時, 後之 經之 講 久 也 毛 而 學 謂

江鄭肇奎記。
乾隆庚午歲清和月之下澣守郡後學韓

蕺 山 書院謁劉念臺先生待 漏 圖 遺像

桐 城 方觀承

藏 黜 鄒 春風 拜闕 魯 道 吹 衣冠 重 短 光。 蕺 古, ·采薦 陳 舊 廷 宅 有餘 涕 Ш 淚長。 同 香 仰 遺 江 編 湖 穴 身 口 屢

白簡

霜

宗傳 祠,以 爲御 日 知 印衆。 名。 史時 從 吾家舊 意 遊 蘭 ,巡鹽兩浙,與先生訂 如 高 芷 弟 欣 聰馬 荒 二十二人配。 私 尚 淑 外, 情 風 義 重 重 山 交,講學共 聞 生 平 河 絃 徒 生。 遥 聞 誦 問 風 相 聲。 家廷尉 興 社 推 起, 重。 弟 杜 來 仁 守 子 願 學 設 植 盡 識 者 專 公

和

詩

邢

上

杜

甲

誼 藏。 節, 後哲動 今日覲 廷尉 經歌 來 遥 清光。 采 巡 威 情。 蕺 浙 重 俎 曾 丹宸 日 理 豆發. 聞 學 月光 託 玉 尼 奇香 友生。 漏 忠節 Ш 長。 接 雲 啚 前 平 霄 賢 書 生 仰大 敦 宛 瞻 古 委 大

名。 昔年講學處 猶 聽 咏 歌 聲

## 明史本傳

嘗憂 生 中。 家。 治。 酷 七 歸 年 貧 事 始 服 宗 萬 念之 之。 母 劉 攜宗周 宗 .] 章 翼 赴 周 氏 補 析 不 奔 <u>二</u> 十 周 選 薪 置 喪, 育外家。 妊 行 字 母 汲 九年,宗周 遂 五. 爲 人,請 起 以 水,持藥 月 東 堊 節 成 而 聞 室 疾。 養 後 山 坡 于 中 祖 以 亡。 陰 糜 朝。 門 成 以 父 宗周 人。 外, 進 貧 母 然 既 士 故 0 體 大 生宗 父 日 遭 父 坡 孱 哭 忍 母 喪, 老 周 甚 泣 卒 爲 而 家 疾, 其 于 母 居 不

言 姜士 時 東 有 林 昌 崑 劉 顧 黨 憲 元 宣 珍 成 黨 輩 講 ·皆賢 與 學 東 處 人,于 林 爲 高 難 攀 玉 立 龍 宗 Ţ 劉 周 元 上 永

> 必 可 薦 不 也 較 然 争 可 。」黨人大譁 不 意 欺 見不 其 (志,有 可 宗宗 攻 或 周 東 1 乃請 林 風 口 告 諸 也 歸 臣 黨 摘 崑 流 品品 官

名賢 之罪。 應乾、 范 未 方用 指 以 魏 派 正 忠 一、尚 作 以 伸 舉 交私之罪, 戮楊 忠賢也 鹿 導 仗 T 請戮崔 天啓元. 爲 正 兵,奈何以 皇 逐 寶、 牛 節 急進 元薦、李朴等, 馬,生 喪 諫 上 維 太僕 ,大怒,停宗 徇 師 臣 馳 曜 義 年, 李三才爲 失 射 文昇 殺予奪, 少 之氣。 劉 人, 地 戲 起 天下委閹 卿 之罪 或 鎬、李 以 劇 儀 罰 縉 移 正 制 諍 帝 周 制 奉聖 兵 戮 疾 弑 主 傅 人,皆 如 或 切 臣 俸 部 歸 君之罪 事 高 植 豎 責 或 楊 半 家 夫 尚 次李 乎? 以 之。 漣、 出 年 大 書,録 人出 出 四 疏 正 命。 胡 維 戮 中 年 劉 言 累遷 棄 尋 翰、 進忠者 旨 嘉 人 重慶等 用 起 盧 今東 城 以 自 棟 鄭 右 光 清 逃 受 或 魏 由 潰 康 以 法 將 禄 西 通 議 進

扑 不 克 小 戰 刻 未 簡 于 許 速 治 痌 力 近 足 聚 以 期 近 日 瘝 利 有 卒 而 宵 斂 崇 峻 者 戰 奉 功 功 明 出 不 節 加 旰 年 之 者 禎 饑 望 無 塞 餉 而 以 何 道 靡 非 政 九 以 風 軍 元 日 路 火 非 以 或 修 寧 月 當 司 而 束 年 耗 致 吞 此 計 刑 兵 農 然 正 此 人 軍 甲 冬, 唐 聲 計 平 事 政 都 告 者 程 供 愈 水 虞 ? 之 乎 而 召 驕 空 效 小 不 匱 早 之治 左 ? 威 爲 陛 大急, 足 民 几 而 災 疏 聚 也。 信 順 至 下 陛 盡 誠 傷 ? 時 天 日 繼 布 之 賣 下 留 天 以 今 下 不 所 之, 以 夫 秋 方 屯 府 妻 心 日 之 免 今 雜 講 陛 切 一 民 鋭 需 守 尹 軍 所 竭 見 求 日 派 下 不 意 子 瘼 爲 以 者 規 以 天 所 小 間 ; 勵 以 辭 歲 中 E 科 皆 下 惻 博 精 規 急 利 應 月 策 興 之 敲 罰 掊 于 急 然 不 而 求

後。』 者,特 堂之上 摘 心 著 恥 深 誤 也 + 以 無 而 有 有 0 發 陛 文 餘 催 所 焦 及 狗 摘之不 府 司 矯 巧 賈 徵 爲 指 彘 誠 庫 嘉 思 人, 以 嚴 下 飾 誼 之 詆 日 之 導 掊 爲 精 予 于 稱 亦 外 贓 而 勝 財 之 日 見 考 心 明 上 克 而 賄 絶 安 貌 吏之 貪 : 不 以 摘 課 委 其 爲 賂 者 能 天 以 所謂 遭禮 風 以 任 禮 者 煩 循 下 可 欺 誅 于 而 告訐 未 以 者 苛。 禁 良, 遷 陛 得 將 是 禁 即 朏 未得 盡 自 未 下 改 察之? 矣。 率 業 之 名 人 陟 而 爲 息 事 宰 之途,益 然之先 人 未 奔 經 實 之 撫 賢 正 執 事 功 1: 所 有 法 紊 走 昭 然 字 直 人 糾 以 節 利 以 亡。 士: 之 集 且 雪 也 而 君 之不 下 之 日 以 導 君 事 法 法 習 陛 政 子 猶 隳 見 之 便 今 子 欲 之 爲 **\$** 施 坐 下 絶 用 勝 從 動 給 人。 者 之 官 滋 求 所 頑 己 重 ; 之 糾 吏 行 爲 然 切 邪 未 以 鈍 典 或 E 而 也。 議 以 才 绺 之 善 無 註 者 家 官 而 頃 H 廟

不自 已,積 公,前 衷其 聰 之所 治之心,操之過 折 户 中 雍 免 之太備 而 而 轉 君 殺 明 間 有 成 又安 何 子 憑 是, 發 天 自 悮 知 之, 爲 爲 以 日 而 者 以 悉 下 用之心。 刑 或 所 壅 追 則意見有 人 使 猜忌之端 皆 平 幾 且 名 覆 得 蔽 喜 以 臣 之 小 陛 誠 許 ,刑名 轍 賢 · E 起 短 下 英 能 下 義之良,仁 人之氣,用 正 急。 將 之 者 而 不 所 斷 建 臣 人心之危 時 復見 盛 廢 而 遂 擘 中 得 不已,流 下 醖 移。 猶 而 長 乎 用 從 畫 立 盡 救 西襄 ? 使 之? 于 章 此 極 其 過 責 以 方且 動 諸 而 天 起。 默 小 延 忠 數 不 育 之太 出 爲 爲 所 人 下 不 大 + 得 給, 天 諸 猜 爲 證 功 潛 以 夫 則 夫 己。 也 年 下,義 忌 苛 其 利 此 内 臣 成 恃 滋 或 耳 讒 來, 降 或或 人矣, 意 心 暗 陛 猜 君 目 諂 功 陛 人 表 不 使 利 下 子 下 以 爲 有 者 大 長 忌 之 之 不 IF. 心 求 欲 門 留 得 時 大 求 而 不 不 调

> 以 騰 弱 幸 騾 留 其 俯 百 下 萬 中不 忠 養 躍 僚 視 己 伏 動 ,又令百官進 民 老 請罷 ,明言宗廟 待 上者。」乃 人心 自 疾 報 報 未 日 朝 嚴 幾 躋 安危 自 廷 九 傳 于 晨 行保甲之法 都 門 達 詣 目 堯 馬。 迄 Ш 城 税 于 午 辦 乞陛 舜 暮 陵 被 四 門, 修 布 矣。」 中 宗 在 兵, 海 賈 囊 此 下 吅 周 官 莫 品 帝 一人心 帝 出 日 頭 傳旨 固 以 百 非 不 以 御 諫 守 處 視 仁 皇 爲 稍 日 是 中 外 乃 貧 義 朝 于 極 安 官 無 必 退 民 之化, 門 闊 他 競 章 或 有 爲 計 延 奏 然 米 勢 以 獻 價 見 遷 名 粥 强 馬 嘆 陛

之本 陰 任 至 面 咎 此 痞 疑 諸 群 時 識 御 禹 樞 臣 臣 者 便 輔 憂之。 湯 負 群 殿 諸 罪 任 臣 以 臣 己, 使, 盡 延 多 今日 在 興 見 下 無 疑 士大 也 所 獄 當 中 勃 者 逃 開 焉 罪 宗 夫, 日 示 積 周言 誠 以 陛 曩 月 心 票 皇 下 累, 擬 爲 1 亦 濟 結 宜 歸 以 或 爲 閣 難 情 分 事

罪 不 臣 使 廷 效 臣 縛文 恩 闖 從 悮國者。 」又 作帝 以 威 以 而 庶 錯 吏 意 更 外 政 置 如 置 歸 次 一、文武 孤 之, 第 部 刻 雛 委之。 院 馬 無 皆 而 世 以 坐 不 視 龍 錮 獻 足信,乃 武 自 可 以 張鳳 健 古 成 替 士不 未 其 否 翼 有 專 罪 子 啻 言官 吴 宦 任 騎 官 乃 四 子 典 衡 者 等 兵 内 漸 朝 不

當宜 厚 言 則 必 去, 失 願 詔 民 體 祈 以 獄 事 朝 生 平。 「法天之大者莫過 鍛 有 天 上 署 年, 永 副 鍊 誅 天 則賦 中 陛下 命 好 爲 都 半 以 之 忠 生之 御 斂宜 染 疾 直 以 史 切 赭 道 · 蒼 易應 重 在 心,首 緩 註 衣 也 典 告, 宜 誤, 鷹 繩 昌 于 輕。 乳 除 進 而 法 重 下 以 重 虎 詔 祈 最 天之大者莫過 者 平 民 今者宿 接 逆 獄 傷 天 杖 反 黨 命 踵 或 永 死 且 下 于 有 體 則 命 寬 吏, 逋 夫 誅 輕 者 刑 之 見 應 下 法 者 無 封 罰 征 昌 矣。 説 于 宜 可 如 謫 疆

> 宗周 激帝 懌。 天下 黨之 陛 然 心 餉 跡 司 及 大 下 陛 并 于 爲 來 毋 條 置 怒 祻 土 天 以 下 巡 民 歲 驅 嚴 方 畫 時 宰 厲 崩 下 天之宗子 預 擬 飭官 除 毋 黷 以 方 輔 之 矣。 征 旨詰 異 寵 對 貨 貴 禱 率 勢。」 己, 節 方, 利 州 由 雨 願 延 之, 何 節 居 巡 體 搆 則 特 周 問問 儒 而 追 成 且 撫 朝 而 簡 祈 上 輩 延 下 宗 令 功 呼 蘇 輔 士 天 天 不 儒 吏 了,導 周 陳 亦 琰 臣 以 能 永 好 間 願 稱 足 吸 以 宗 温 生 人 大 命 難 閻 體 兵 疾 膏 行 子 體 獄 之又 之心 主 木 吮 李 之家 仁 足 指 以 敝 人 結 脂 被 餉 見 富 爲 首 或 好 之輩 許 貪 相 道 之 疏 偃 强 家 生 除 於 吏 也 蹇, 也 不 之 西襄 監 朋 新 接 益

嘗 清 言 出 伯 事 蒼 輒 爲 見 京 不 頭 優 應 歐 尹 人籠 或或 政 諸 篋 生 \$ 相 宗 一,焚之 詬 新 誶 周 宗 捶 通 挫 之, 衢 周 豪 治 家 枷 賙 事 尤 武 恤 力 自 清 單 如 門 閹 外。 下 武

户備至。居一載,謝病歸,都人爲罷市。

已卒 言 先 者 温 行 帝 民。 賊 非 獗 趨 生 布 而 ", 不 舜 木 寬 令太 以以 狀 體 堯 無 干 有 今急 宗 八年 舜 流 禦外 餉 - 肯盡 與 孫 盜 周 之政 羽 司 寇 煩 之 釬 迁 慎 賊 周 固 宜 七 舞 本 用 其 以 行、 言 職 人 辭 進 由 參罰 月 則 以 而 朝 治 言 朝 業,故 不 此 退 有 林 收 有 廷 内 天下 内 日 將 天 陛 釬 苗 重 拾 許 命 赤 帝問 爲 閣 繁。」 下 及 下 不 釬 格 則 有 人 本 子 自 求 宗 缺 士 能 明 輔 吏 心 人 9 人才、兵食及流 平 願 治太 周 人,命 内 帝 撫 太 治 治 年 爲 而 政 陛 治 名上 之 輕 兵, 又 壞 宗宗 本 無 正 對 下 急, 修 諸諸 問 有 月 人之用, 畢 吏 吏治 有 以 收 周 遠 道 兵 人 用 趨 兵不 部 堯舜 拾 臣 他 詔 都 事 法 出 畏 則 壞 用 推 X 所 自 太 之心 宗 罪 則 心 還 能 有 寇 慎 在 帝 司 服 嚴 周 當 猖 爲 餉 飾 旋 民 殺 行 敦 籍 顧

授工部左侍郎。

救。 之役 德 詔 心。 督 木 横 屑 日 術 罔之習 士 施 意 旨 遂 意 長 紳 尚 爲 求 而 而 賦 以以 盜 次 治 泯 雜 自 政 , 廠 踰 刑 而 愈 謀 此 治 三尺法 轉 第多未 賊 衛 五. 月 體 名 堂廉 浦 而 或 耳 年 甚 日 刀 司 傷  $\overline{\mathcal{H}}$ 上 政 無 刑 筆 ·恢 譏 目 起 ; 帝三 之等 ^ 敲 參罰 體 歲 參 良 得 事 治 察 復 痛 不 扑 歸 于 要領,首屬 絲 事仰 總 之 伸 憤 夷。 朝 王 躬 而 近 叢 在 綸 説 理 時 于 治 廷 而 斷 告訐 心胜, 天 侍 錢 任 成 而 艱 進,是爲 人人救 民 獄 始 天 司 穀 獨 王 而 牛 腹 下 疏 寇 以 有 之 言 而 斷 臣 意于 ·之道 瘁 數 心 下 風 積 下 官 褻, 而 千 過 言 寄于干 事 輕 禍 嚴 而 熾 之功 愈 犯 邊 未 不 日 誅 諂 士 刑 胎 而 貪、 者 給 功 暇 諛 壞 大 求 詔 陛 重 好 能 日 城 講 斂. 吏愈 及 之 獄 夫 己 生 不 而 下 而 衆 薄 瑣 之 之 交 風 巳 欺 及 治 罪 鋭 口

之誼 郡 誅 忠 陛 得 酷 儒 監 心 輕 滌 撤 風 無 日 威 雷 令并 或 改 慮,以 殺 厚 下 總 吁 吏之威 視 武 慎 베 培 文震 良 監 作 ; 必 ; 遣 咈 弁 爲 天 且 必 體 得 或 之任 報 窮 之 而 潢 招 廢 聯 還 布 念 功 以 脉 上 孟 于 封 風 撫 改 法 泰 内 簡 祖 陳 疆 天 督 而 授 使, 生 交, 維 而 重 廷 此 子 要 宗 發 生 之 以 撫 之途。 靈 兵 新之化,方 守令之選, 赦其 掃 歸 出 鑑 物 政 壯 單 責 而 益 日 除 政 于 古 施 之 辭 朝 任 而 不 驕 塗 無 之 令, 之 心 或 以 報 意 廷 輕 遣 炭 罪 將 役 收收 制 體 调 君 以 罷 勒 廷 以 督 與二三臣 懦 而 下 敬 戅 使 臣 限 以 人 臣 寬 正 天 撫 流 兵 弓 心 坐 平. 率 天 相 齎 大 日 懦 下 大 亡 無 驕 辜 非 遇 旌 賊 養 祖 内 天 泮 帥 臣 者。 權 而 而 帑 之 之 淺 牖 人才 失 涣 使 失 I 而 不 而 朝 而 難 招 鮮 聖 之 律 朝 和 洗 陳 巡 徒 將 不 行 廷 者 衷 也 宁 收 之 之 致 心 師 行 倚 衷 間 日

> 足」。 時,不 哉 清 外 明 仁 募 雖 意 每 險 Ш 年 及 直 解 擬 ! 隘 不 猶 成 陰 焉 悦 朝 上 當 帝 降 疏 堅 可 人許 覲 國 以 旨 帝 心 效 不 壁 公朱 宗 時 詰 瑚 輒 善 小 殺 清 瑚 太 帝 同 周 問 手 其 臣 野 疏 純 僕 怒 邑, 其 以 忠 人 歸 謂 論 缺 臣 甚 輸 疏 聽 過 知之宜真,遂已 「宗周 馬 而 以 益 貲、 覆 其 朝 諭 價 下 畢 欲 大 閱 窮 廷 免 皆 閣 此 道 大 臣 有 爲 而 覲 起 有 役 臣 學 詔 論 用 自 名 爲 捐 行 擬 有 事 願 奚 高 歸 數 大 助 嚴 餘 體 捐 待 宜 辱 周 不 旨 者 才諝 于 且 誅 體 或 又 用 患 聽 再 議 觀 獎 渠 或 已 之, 四 其 帝 罷 體 之 度 不 兵 而

語 門户之 兵,遂留 己巳之變, ,次第去之。 其秋,三 怨, 養 疾 異 誤 疏 己 或 自 請 + 者 者 此 告去。 月, 概 袁 小 崇 坐 人 事 焕 以 進 稍 至 崇 定, 天 而 人。 焕 津 君 乃 黨 子 小 聞 上 退 日 人 疏 都 造 中 競 城 日 畫 修 被

之失 對 群 己 鳳 之累累若若可 以 以 死 俾之專 政 大 復 釀 用 而 佞 斯 驅 多 日 臣 知 逗 ? 成 日-事 翔 言 事于 之 隳 似 小 州 遛 以 除 李 而 諸 蒙 信 今不 八 征 外 告 爲 人之禍 邊 也 邦 此 鎮 縣 詰 邊 何 廷 許 人言 華 乃 勤 萬 防 也 浸 之生靈 責 且 進 杞 難 諸 以 世 王 日 頻 幸 人國 疎。 以 ; 之 盧 何 而 壞 辨 之 以 服 臣 年 無罪者 陛 張 之或 以 師 責 杞 同 姦之要,故 所 王 以 無 結 文 下 鳳 之戴 女 己 治 争 今日之禍 服 以 來 己 法 録 翼 之死? 相 戍 先 邪 耿 爲 時 日繁, 陛 之溺 清 朕 容隱 又 罪 或 飽 如 人 姦 也 下 節 '', 何 何 杞 衛 去 颺 邪 0 殊 惡 職 之局 之死 者 實己 欺 乎 ? 以 『大姦 也。 昔 以 以 加 不 私 幾 中 图 謝 覺 唐 臣 服 贵 1 交, 樞 ? 韓 日 臣 德 下 昔 劉 巳 則 魁 臣 似 爌 也 甚 宗 不 多 而 于 廷 策 以 每 群 今且 楚 爲 忠 之 臣 謂 臣 是 異 張 臣 聞 等 來 朝 而

陛 天下即 之, 心 猶 當 察。 爲 惟 至 有 有 中 地 總 臨 曲 并 官 ? 督 緩 恭 恐 明 復 下 用 德 謹 則 無 急, 以 凡 傷 逐 治 誠 小 ; 容 用 是 置 有 聚 往 陛 其 若 欲 乏才,何 中 理 人之君 ; 中 相 真 遣 必 總 天下之小人立于 不 人? 者 進 下 陛 官 此 官 引 以 督 出 委 起 君 又重 尚 下 者 心 參 重 封 何 于 以 子退 而 綜 崇 者 制 子, 而 至 疆 身 地 IE. 君 大 争之,陛 其 覈 勵 之, 御 盡 嘗 ? 尤 家 似 終 子 任 小 體 精 史金光 出 非 試 而 利 信 此 無 獨岸然 人 總 統 中 所 臣 也 禄 而 似 明 黨 督 等 下 決 官 以 朝 下 臣 協 忠 比 示 無 宸 即 下 理 之總 陛 且 瑣 示 下 自 之 以 小 權 有 ? 有 竟 不 窗[ 小 奔 天 下 屑 異 遣 類 人之君 以 用 左 所 消 下 不 人 督 置 吹 走 而 不覺 右 此 長 其 每 撫 察 究 也 故 通 陛 求 承 逐 言 之 袒 中官 下 自 比 按 而 其 以 順 矣。 機 子。 也 津 古 何 周 用 何 用 示 以 每

怒 爲故 臣 嗚 故 無 典 戍 今 厲 口 告 ? 階,至今爲 呼 智 也 不 日 何 體仁 ! 坐, 能 輔 刑 以 至 而 而 文 爲 政 鄭 廷 何 以 肅 又上章 首 震 之 年 莫 以 臣 鄤 懲 最 孟 揆 ·之間 梗。」體仁 須 久 示 貪之令? 無 如舛者, 引 温 有之 干 敢 敦 力詆 繩 體 言, 鄉 倫 誰 批 仁 鑽 之化? 議 成 遂 陛 根 之 秉 刺 解 德, 下 申 斥 謂 或 而 戍 矣 即 爲 成 亦 紹 傲 杖 何 也 向 此 芳 吏 民 無 母 語 驅 而 以 數 之 從 疏 也 日 至 除 + 昭 獄 知 事 奏 于 異 抑 餘 而 之也 者 是 或 帝 誰 己 競 年 以 之 皆 大 牛 以 之 監 贓

言 当。 凡 朝 E 躬 數千言 可 聖 道 帝 + 用 學 中 四 臨 也。 進 年 以 朝 = 帝 建 九 而 優旨 劄 治 月,吏部 遂 嘆 要 以 謂 報之。 命 曰 大臣 之。 明 缺 日 聖 左 重 明年 再 學 聖 侍 劉 學 以 辭 郎 宗 八月,未 端 不 以 周 廷 需 治 得 清 推 治 本 乃 正 不 至 化 趨 敢 稱

> 德 戮誤 懲官 望。」 冬十 之。 是。 象之。 對 擢 鍋 吏治 御 文 日 以 以 史 君 華 左 月,京 其後 父,下 備 備 喻 乃列 邪 都 或 清 殿 而 在 責 大臣 御 南 奸 上 反 飭 正 民 E 建 下。 猷 成 攻 臣 史。 帝 可 師 吏治 己 嚴 生 猷受李 楊 道揆、貞 巡 法, 問 質 被 以 防 遂。」 帝 嗣 方 力 兵。 雲京,薦 六 天 小 IE 潞 不 昌 辭 下 事 百 其 臣 都 能 以 自 帝 法 逮 請 士大 寮。 以 有詔 首 廉 備 察 盡 成 日 守、崇國 跋 旌 獻 務 透 袁 行 顯 院 : 紀 夫, 必 死 敦 扈 渡 也 職 愷 帝 職 綱 存 悍 事 趣 卿 褒 而 掌 卒 成 振 諸 防 盧 將 力 體 巡 納 後 爲 安 勇,帝 肅 中 象 踰 通 左 行 方 焉 百 昇 世 良 清 者 在 月 津 以 得 職 寮 玉 伏 俄 副 掌 並 則 人 而 防 奸 臨 追 從 則 在 劾 朕 對 口 見 而

埰、 熊 里 開 月 元 晦 以言 日 召 事 見 下 廷 詔 臣 獄 于 宗 中 周 左 約 門 九 卿 時 共 姜

 $\equiv$ 

不 目 原 年 留 息 紀 見 之法,專 及 誠 救 加 目 才, 來 爲 河 布 可 前 禍 宗 爲 然 人 日 下 對 間 主 追 ? 公,公天 罅 始 人 烽 此 開 周 召 朝 漏 反 今 紛 我 恃 火 請 御 善 下 試 言 更 爲 大帥 處 紛 非 先 用 火 史 日 聞 逼 後 絃 路 火 器 宗 當 無 下 之 楊 密 畿 長 易 分未當 去 安 器 跋 次 益 周 空 旨 治 制 若 爲 轍 督 甸 在 所 扈,援 之舉 署 第 近來 之道 置二 好 [?] 宗 日 橋 師 破 欲 且 致 : 争 與 悪 薦 范 乎? 或 ? 人得 以 陷 天 也 合 邊 人死,宗 志 西 有 師 必 家 周 城 0 下 完,且 洋 臣 帝 今日敗局。 改 切苟 逗 敗 或 之 或 破 曰 帝 更 人 發 不 乃令議 遛 壞 人 「在 家 亦 邑,豈 變色日 湯 始 講 刑 己 爲 且 周 可 大 曰 奈 若 戰 部 之 愕 極 用 制 計 陛 何 無 守 望 帝 督 始 舍 政 然, 我 : 十 當 下 不 善 撫 反 火 屯 已 日 器 開 謂 如 進 前 補 追 五. 去 姑 法 不 戍 火

宗周 之。 論 兵二 由 功 舉 遇 不 選 何 罪 方 大 日 貪縱使然,故 日 1?」宗 將 下 者 惜 此 : , 先才後 則 動 事 將 「大將 勅宗 、偏、 觀 部 日 不 恢 但 或 敢 死 詔 選 之,操力 朝 足, 前 論 得 張 ,則天下太 求 將 周 才望 周 裨 人。 無 賢 别 他 軍 守。 必 何 稱 曰 起。 言 無 有 先 守爲 以 士 不 : 益 姜 日 宋 官 才局 不問 不 畏 具 濟 擇 宗 才 採 成 臣 武 于 下 變言 威 賢 主。 由 論 平。 望 周 敗 是宗 曰 備 , 詔 熊 者。 操守, 督 賄 哉 非 日 : 必先練 如 取 獄 開 帝 撫 進 ? 斯言,今日 『文官不 : 徒 愈 范 爵 周 ",擇賢 若 者 色 元 操 宜 未有操守 所 志 前 出 帝 位 徒 解 守 先 有 以 完 兵, 奏 則 日 以 臣 曰 可 守 督 之, 愛錢  $\equiv$ 操 濟濟 敗 有 日 議 : 遽 練 望成 後 撫 守 軍 壞, 鍼 餘 論 自 以 不 朕 兵 才 必 解 不 砭 武 捷 言 陛 變之 功。 皆 謹 必 已 責 先 謹 也 帝 臣 得 官 下 先 知 事 由 而 吏

寺 宗 言 救 職 黨 何 體 得 比 并 主 亦 法 黄 始 如 之罪 官 使 周 外 道 命 人 有 公 有 不 刑 宗 疑 役 傷 有 議 可 何 恩 陛 日 貪 周 部 堪 使。 體 不 贓 周 處 私 下 亦當 議 即 憲 尚 帝 言 付 度 壞 日 帝 宗周 錦 職 罪 蒙 爲 翼 怒甚, 即 量 : 法、 法 衣 付 日 且. 可 使 陛 日 卓 司 : 閣 用 罪 法 欺 過之 膏 越 有 下 也 臣 金 臣 光 日 一二言官 司 用 君 道 粱 問 間 0 之, 光 誠 妄 持 宸 : 典 图 子 周 貪 帝 「法司、 不及道 宸 不 貶 日 今遽下 如 上 弟 不 贓 有 大 發  $\Rightarrow$ 争 : 臣 可置 壞 學 皆 臣 怒 何 之。 宗 秩 開 捧 法 何 有 錦 周 何 不 詔 日 調 知 周 原旨 之。 元 遽 守, 帝 可 衣 獄 然 不 欺 禮 用 此 傷 戅 皆 幸 問 宗 叱 君 義 非 如 終 朝 御 疏 即 直 或 光 半 ? 乎 刑 前 周 此 體 必 于 有 廷 不 如 宸 ? 官 臣 懇 有 偏 聽 或 待 激 革 應 臣 ?

都 作 陛 侍 官。 發 之。 静 閫 鎮 江 孤 義 杭 嘻 喪。 下 臣 旅 郎 静 外 左 天 州 東 作 宗 言 鳴 宗 非 渡 下 朱大典,故 歸 嗟 扼 遜 不 周 江 將 此 偏 忠 問 駿 責 乎 徐 思 周 避 發 以 之心 何 安 洲 年 義 師 日 計 枕 勃 今日 淮 之 大 時 之 : 撫 而 期 而 戈 然 耶 北 仇 是 業, 也 氣 黄 ; 京 給 福 發 泣 曰 大 未 則 非 烏 鳴 師 控 事 安 王 請 喪 : 計 血 報 毅 足 日 鳴 駿 陷 豫 監 中 所 必 進 然 與 君 駿 發 日 激 舍 不 章 得 州 或 啚 待 宗 據 決 有 父 喪 唯 勵 討 哀 敢 于 īF. 甲 哀 江 西 策 變 形 爲 討 周 唯 賊 受 宸 南 詔 口 仗 北 詔 顧 哉 勝 親 出 賊 徒 仇 復 熊 哉 職 京 未 荆 明 非 步 征 仇 以 具。」 鳴 反 宗 鳳 汝 自 起 常 日 荷 襄 規 宗 藉 乃 鳴 駿 陽 霖 亦 無 稱 周 戈 進 宗 與 公 號 無 以 草 周 召 駿 復 口 誡 而 取 故 鎮 南 以 表 莽 募 故 周 專 中 乃 趣 以

有 能 藩 金 收 地 法 進 稱 天 臣 肅 逃 封 家 侯 禦亂,争先 陵 燕 既 軍 臣 屏 行 下 皆 高 是倡之逃 漕 濫 爵 情 屬 京 以 謂 不遠,請 在 聞 不 有 晉、燕 資 既 寄 路 劉 而 文臣 赦 重 彈 在 之敗 撫 破 請 江 振 解 存 則 壓 封 分 ,有受僞 飛 南 南 也 隨 體 以 奪 臣 亟 守 齊 别 鎮 之説 逃 坐 之, 下 駐 也 宜 伯 子 皆 淮 而 必 各 守 亦 于 親 分别 爵 負 外 陽 有 逃 帥 致 可 淮 封 官 是 征 罪 江 臣 數 響 者 封 斬 軍 城 之 鎮 而 定 日 引 又 既 夫 賞 北 應 百 也 法 臣 師 叛 有 核 罪 以 慝 誰 濫 里 而 者 孰 劉 舊 臨 以 奉 中 左 塊 之心 不 起 爲 設 當 澤 大小 官 當 使 帥 陣 家 有 土 者 日 戒 清 璫 兩 孰 命 之 脱 以 慎 屬 受 拱 封 將 隨 節 銓 濫 恢 爲 立 者 高 浮 手 從 爵 逃 而 之, 來 鉞 除 授 此 官 臣 復 輕 賞 者 傑 舟 日 挑 言 謀 馳 謂 幸 當 問 以 必 至 昭 共 危 獨 閩 王 封

斬

則

而

以

遂

遠

賊

0

不

重

武

恐

紀

而

暫

漸

去

亡 奮 壯 大 且 于 疆 之 己 雪 帥 宜 或 不 哭九 介, 聲 江 俟 鄭 不 諸 策 確 倡 僞 而 當 事 自 - 俟終日 芝龍 南 朝 援 命 忠之當 臣 不 爲 賊 或可 廟 諸 間 卸 應 食。 財賊 北 救 南 之當誅 曲 X 兵 道 臣 援 晏 F 秦 説 爲 以 遂 北 奮 權 則 先 首遣 然, 方且 誅 流 海 得 徘 進 于 戈 封 帝 以 宫 者 者 而 師 晉 閫 疆 長 而 徊 而 惑 遺 仰 又 又 檄 訪 諸 北 下 外 起 諸 驅 順 漸 詔 聲 人 燕 伐 直 臣 諸 犯 臣 過 逆之間 心 及 0 首 息 之 計 中 沽 王 之當 督 闕 畿 之,今 戰 罪 父 新 于 啚 師 不 尤 撫 九 南 老 廢 朝 定 南 以 出 更 宜 誅 坐 邊 不 遠 ,起 既 實 諸 中 贖 策 此 不 不 乃 視 誅 聞 督 者 く繁有 之功 然 然 立 前 近 臣 争言 概 塞 君 絶 遣 則 鎮 之後 愆 洶 父 量. 0 用 合 則 舉 上 則 徒 洶 之 騎 從 名 又 朝 謀 固 新 起 项 自 X 則

宗

周

矣

矣 微 言 則 知 臣 挑 不 V. 疑 勞 或 兵 激 逃 朝 之 者 宗 中 臣 廷 陛 逃 端 名 周 朝 臣 可 本 下 將 譁 内 非 之 連 以 矣。 紀 則 龍 閣 然 也 士 黨 疏 汲 已 進 聚 飛 逆 英 請 劉 而 引 論 疎 淮 黨 訟 乎? 中 奉 告不 孔 方 甸 可 而 若 樞 何 而 興 昭 以 閣 驕 官 得 天 群 以 于 以 燃 部 何 子 實 命, 言 陰 是 功 銜 灰 諸 暇 浸 子 且. 賞 李 匡 遂 世 之。 臣 啚 翩 有 攘 寬 不 沾 廕 抗 且 河 翩 修言 之 均 尾 反 疏 次 晏 乃 北 起 正 略 劾 大之憂。 第言 發憤 然 之 有 矣。 之 定 士 當之 賊 扈 路 英 借 去 高 冢 蹕 ?

答之, 之。 者 之 位 幕 感 伊 宗 諸 淮 不 督 辭 雄 自 不 且 古 勢 還 鳳 始 以 將 府 召 長 其 心 陽 書之 ? 各 前 來 中 陽 惟 未 責 其 失 而 至 揚 與 而 陛 者 有 桀 有 樞 事 生 聯 言 皆 分 有 則 士 促 史 舊 驁 下 奄 剖 皆 絡 内 勳 于 英 亦 不 其 而 册 總之,兵 汛 首 宦 臣 江 諸 臣 高 朝 當 難 速 相 小 地 辨 用 盧 北 則 鎮 爲 傑 爲 自 日 譴 人。 犄 人 陰 事 九 政 而 亦 几 弘 撫 淮 角 決 與 陽 戈 德 鎮 置 恃 人 光 臣 而 而 樞 士 用 奄 劉 消 之命 盜 若 以 士 倡 第 將 北 貮 京 英 兵之策。 宦 公 長 慰之, 道 賊 英 奕 之 帥 佐 誉 自 大 之幾 又 歷 臣 碁 卵 美 也 能 皆 之。 則 怒, 提 往 稱 以 河 翼 政 安 洶 樹 士 從 草 督 往 謝 以 0 也 佯 英 京 得 出 功 陛 洶 史 小 莽 南 相 獨 具 王 口 士 于 誉 有 下 不 爲 孤 表 劉 斷 英 方 自 啓 疏 優 别 法 不 立 連 安 氣 臣 裹 仍 得 其 資辛 寢 開 即 域 或 祖 雞 黄 得 類

烽 言 以 駿 容。 鐁 復 爲 周 夜 疏 不 E 召 王 在 草 其 廣 案, 統 謀 生 遂 書 火 居 : 人 欲 宗 初宗 靈 宗 [X] 守 覲 客 所 鐁 新 宗 吴 爲門 兵 以 之 前 兵 以 危 唐 命 周 疏 周 言 甡 司 己 罪 後 周 之 禍 殺 時 勸 陰 合謀 馬 爲 抵 伏 户 宗 明 署 宗 地 至 請 在 上 懿之 京 撓 信 丹 主 示 處 傑 者 移 劉 周 丹 恢 也 親 П 盟 陽 也 不 皇 蹕 蓋 者 良 陽 閉 復 不 良 征 臣 與 鳳 1 當 非 倡 佐 亦 不 欲 城  $\vdash$ 佐 敢 天子 防 終 謀 陽 宗 得 急 議 亦 震 廣 拒 而 加 及 江 誅 日 危 厝 備 親 疏 君 恐。 蓋 心 與 乃 也 害 黄 兵 臣 危 君 征 言 雄 以 遣客 史 \_\_\_ 等, 而 相 得 父, 坐 人 而 膽 于 疏 可 啚 其 去。 鳳 擊 功 逆 激 澤 大 未 宗 是 未 欲 晁錯 + 法 鬭 陽 私 名 謀 清 下 變 澤 安 周 嘗 輩 擁 翊 而 高 人 上 士 置 清 乃 澤 之 力 士: 牆 朱 戴 黄 有 刺 傑 V. 之, 心 姜 清 持 宗 干 自 劾 英 鳴 惰 非 潞 統 日 所

> 已,以 奏。 耶 乘 其 可 江 ? 法 録 赴 輿 本 舉 遂 遷 闕 懷 可 示 得 七 朝 之别 法 據 傑 月 大 故 面 功 以 不 詰 + 駭 陰 疏 傑 平, 郡 人 諸 八 結 辨 告, 日 遣 奸 日 傳 死 : 如 : 澤 使 諭 党, 人 甡 正 清 臣 徧 我 朝 和 翦 宗 輩 春 不 詰 輩 衷 除 由 周 秋 預 諸 武 集 初 是 諸 人 聞 鎮 事 討 澤 氣 都 忠 賊 泪 咸 清 乃 士: 宗 然 臣 之 云 疏 預 英 周 等 義 後 不 出 寢 不 朝 迫 即 知 不 事 遣 得 疏 渡 劫

傳。 部 制 歸 左 知 近 娱 耳 添 兵。 作 興 亡 註 忽 將 士 似 遠 行 英 右 有 疏 老臣 不 猷 侍 詔 既 復 疏 郎。 冠 嫉 有 不 陳 不 宗 或 帶 中 敢 Ŧī. 聽 家 周 宗 陛 原 不 事 不 周 益 志 見 宗 幸 曰:「大 者 争之。 欲 周 遭 未 去 遂 日 之, 幾 此 土 告 修 鋮 木 大 不 中 而 聖 歸, 崇矣, 變,今紛 聽 進 旨 薦 政, 退, 詔 則 特 阮 珍奇 毋 許 係 授 大 亦 紛 以 乘 將 兵 江 鋮

習 者 惡 武 虚 正 恩 視 輕 動 柄 右 綱 矣 座 集 工 之 朝 弁 引 氣 不 大 稱 矣 而 若 身自 戚 無 禮 所 祻 傷 日 冤 廷 而 則 有 腑 俳 推 樂 之心 從 謂 朋黨 臣 朝 秉 疆場 樹 餘 主 駢 至 先 優 恩 紀 征 龍 權 故 狃 恩 黨 戮 鬒 諸 帝 之説 勳 雜 伐 也 近 事 視 傷 則 矣 而 末 舊 劇 君 彼 再 娱 同 漸 揆 E 臣 坐 造 排 子 陳 小 此 推 則 兒 佐 紀 而 不 讒 他 厥 後 可 抑 矣 日 雄 恩 陳 人 戲 命 忽 自天 人 所 夫 鑒 先 舊 ; 長 乞至 大 明 以 自 遠 昌 以 由, 也 内 死 人。 或 臣 加 表 陛 黨 子 圖 言 即 豎 于 今未 止 是, 裹 推 君 下 彻 出 爲 今 則 黨 充 私 以 路 呼 恩 子 即 更 無 犯 所 閣 己 交 廷, 應 扼 位 近 謂 死 爲 以 所 1 部 西襄 ; 重 人 侍 于 官 長 謂 或 邪 無 川 中 日 金 動 可 進 二元 君 等 邪 徇 鋒 褻 家 以 常 吾 有 推 則 外 振 用 鋒 父 主 空 危 之 藐 恩 左 臣 亂 滿 或 兼 王

言 積 蒼 屠 攻 前 忘 徒 孰 假 經 化 窮 殺 而 鷹 之 萬 者 令人 雖 令有 教 提 外 毒 運 危 辨之? 釁 乳 術 淮 化 問 不 兀 先 正 日 又 衛 殺敵 鎮 陽 主 虎 耳 禹 開 而 也 帝 氣 日 臣 遽 告 之 額 好善之巡方 頗 釀 虧 也 又職 怨毒 有 科 煩 變, 内 有 不 之兵,索 兵 尚 至 不 罪 朝 稍 憂 司 各三萬 日 刑 德, 未 敢 方 滿 名 廷 裁 也 古 名 , 戎 幾 問 天 以 講 傷 ; 邦 抑 端 + = 政 者 而 未 下 而 天 治 和 優 本 不 治 惟 之 借 高 殺 科 下 體 詔 則 術 萬 奸 何 毋 機 近 加 成 罪 用 黄二 狥 報 廠 弊 德 爲 以 不 先 派 如 之 以 所 名 聞 無 衛 者 道 横 殺 以 外 貪 動 己 殺 謂 鎮 之 以 先 敵 媚 征 釁 吏 于 矣。 刑 敵 急 設 V 路 之餉 追 之 權 温 醒 夫 刑 治 名 而 嘖 何 誅,不 贓 内 體 相 所 以 先 名 自 兵 爲 有 必必 罰 憂。 謂 + 相 相 而 煩 又 教

明

年

Ŧi.

月

南

京

亡。

六

月,

潞

王

降

杭

淺 也 待 棄 乎 其 進 不 不 有 里 亦 如 一茗飲 ? 失守。 得 出 當 尚 平 人 社 北 ·時 也。 死 辭 與 稷 若 都 有 ,舟人 土 郭 ,後勺水不下者十三日 祖 之變,可 望 日 尚 宗周 閏 今吾越又 外 墓 爲存亡乎? 宇 身不在位,不當與城 六月八日卒,年六十有 舟 中興 扶出之。 可 有 方食 過 勸 以 以 也。 西 降 死 以 死 推 洋港 文、 矣,老 絶 可 南 可 案 此 謝 食二 以 都 以 慟 江 躍 故 無 臣 無 之變,主 哭,自是 萬 事 死 十三日 人 不 死 ,與門人 里 水 爲存 者 以以 死 所 以 八 中 宗 以 遂 尚 俟 上 身 始始 問問 自 水 死 周 何 繼 在 不

起

田

曰

州

獨

嚮。 講 守 稱 道 立 君 鮮 主 安貧。 念臺先 敬 移 有 仁 不 肄 或訊 益 其 時 以 不 功 遠。 流 面 且 聞 生。 或 大 也 從 于 死 宗周憂之,築 獄,會 謝 召 禪 爲 語 子汋, 就 敬 病 者。」宗周在官之日 敬 門 道 則 徒 大 常常 誠 字伯 議 步 曰 : 朝 誠 家 不 對 證 繩 居 雖 能 則 學 明 天。 處 具 之要 旨 布 書 冠 暗 袍 院 裳。 必 室 良 少, 誠 粗 却 不 知 集 飯 而 學 之説 其 坐 敢 同 己 志 拱 事 樂 南

畿,再 皆 宗 與 雜 高 周 宗 于 亦 攀 傳 禪 龍 周 與 爲 始受 焉 輩 周 奭 講 汝 業 龄令 越 習。 登 講 于 中 學 陶 許孚遠,已入 自 馮 望 從 王 龄 馬 守 吾 Ш 仁 首善書院之會, 後,一 傳 爲 大 爲 東林 果 陶 傳 説 奭 爲王 書院 去 龄令

猶

# 劉蕺山先生集卷一

自序

其 性 道。」今之言道者,高之或 讀 信有之乎? 道不遠人,人之爲 而 而 非 生轉移 疑 友 人人有 性 之。 也 了 示 果報 予竊 卑之或 凡 予以袁了凡《功過格》者,予 皆 自言嘗 以 道 取 爲 出于 之功 而 病 授旨雲谷老人,及 淪 遠 于 功 于 過, 鑿鑿不 道 人,不 利 虚 也。 無 以 以 可 爲 子 以 語 爲 日 爽, 爲 語 命 :

近 篤信 邪妄 亦 遠 事 人之意 明之故,有非淺 傳染至今,遂爲 之説,正 説 起 人 爲 有《感應篇 主于了 而 見 最 利 思 于 Ī. 爲 道 非 是。 課 過 與與 而 高 甚 也 者 命 因果, 輒 半 也 著《人極圖 妙,雖吾 生死,其 也 功 吾 動 而《記過格》終焉。 學者 老氏 矣。 總題之 儒 援 利之尤者也。 非性 然二 佛 虚 惠 以 以 誠 將 度 鮮 無以 氏 身示 迪 要歸 儒 非 虚言道,佛氏 日《 知 者 馴 世 者。 從 亦多言因果,大抵從 亦 「説》以 命, 是 同 人之所 設教。 津梁,則所關 人譜》,以 之自 視 法,亦不 逆之旨霄壤。 而 出 子 非 以 至 異 了凡學儒 人 因之有 示 爲 私 以 言過 于聖人之域, 名, 也 學者,繼之以 猥云功行, 不及。 自 爲 ·必實 以 爲 利。 而 則 感,特 無言 人,而于 不言功,以 證 皆遠 于道 功 有是 者 是虚 人者莫 故 乃其 利 道 也 本 術 實 生 太 之 人以 事 道 恣 其 惑 功 六 譜 晦 無 死 E 意 而

崇業 遂序而傳之。 廣 又何 蕺 疑 乎 Ш 長 ! 者劉宗周 友 人聞 書。 亟 許 可

字,皆經再三參訂 秋,不孝男汋百拜謹識 者辨諸,毋 刻于湖,鮑長孺再刻于杭, 而是《譜》則乙酉五月之絶筆也。 按:《人譜》作于甲戌,重訂于丁丑, 負 先 君 子 而成。 臨岐苦心。 向者吳 俱 舊 本 己丑 戀 也 句 0 穉 孟 讀 初

人譜正篇

人極圖

O 圆即太極

**圖右畔** 

000

0000

解,且左右互易,學者詳之。極圖》之第二圖,然分而爲二,自有別極。之第二圖,然分而爲二,自有別按:此第二、第三圖,即濂溪《太

#### 極 置 説

無 善 而 至善,心之體也

才而 即 周 言 子所謂 謂之極,分人極 太極。太極 而 本無 言 謂 極 之善 也, 其 統

也

繼之者善也

動 而 陽 也 乾知. 大始是 也

成之者性 也

静而陰也,坤作成物是也。

繇是而之焉,達于天下者道 朋友有信。」此五者,五性之所以著也。 父子有親,君臣 有義,夫婦有别,長幼 也。 放勳 有序, 五性 日:

既著,萬化出焉。 此人道之所以 五性之德,各有 達 萬化既行,萬性 專屬 也 以以 配水火木金 正矣。 士,

> 善也。 者,皆其與吾之知能者也。 坤作成物,吾簡 際爲乾 萬 物,一性 ,下蟠爲坤。 無善之真,分爲二五,散 也。 能 性,一 也。 乾知 至善也。 其 大始,吾易 俯仰 于乾坤之内 爲萬善。 至善,本無 知 也

《西銘》以乾坤爲父母,至此以天地爲 女,乃見人道之大。 蟠之地。 乾道成男,即 而 萬 上際之天; 物之胞 與,不 坤 道 言可 成女,即下 知矣。 男

思何慮 大哉人乎! 天下何思何慮!」 能,其惟心之所 ! 天下同歸 無 爲 知 乎 而 而 ! 無 殊 不 ^ 塗,一致 易》 知 , 曰 無 能 一天 而 而 百 下 無 慮 何 不

能 無知之知,不慮 ,是之謂無善之善。 而 知 ; 無 能 之能,不學而

物 全書本作「性」。

馬。 以 君子 善,終于無 禽之路 盡 吉 存 人之學也 也。 X 悔 不善。 善 吝,惟 知其 莫 積 不 所 其道至 焉 善 感 ; 也。 以 小 一善,其一 改 積善 去 于善,始于有 之, 積 要無咎,所 不善, 過 莫 加

過 謂 君子存之,即 ,所由 主静 也 立 殆 人 與 極 存 不 是 此 思 也 何思. 善 惡之旨 然 何 慮之心,周 其要歸之善 異 矣。 此 子 聖 所 補

### 人譜續篇

證人要旨

○無極太極。一曰凛閒居以體獨。

學以學爲人,則必證其所以爲人,證其所

著無 真 君子 也 起, 也。」吾姑 謂 事 所 人 相 以 之極,君 立之中, , 吾亦與之毋 從 畢 心 傳 无妄在 之「閒居爲不善, 獨處之時 爲 無善 益 矣。 出 有 心 人, 曰:「閒 獨 法, 也 之時,而 子 而 可著, 證 體 即 然 不睹 所 自 其 焉 閒 可爲 獨 慎 爲 則 知 居 所 體 即 不 更 居 獨 自 自 必 之 日 以 己 至 聞 何 以 下 而 天命之性,而 慎 嫌 慎 欺 地 爲 不 無 微,安所 之 手 不 證 中 獨 其 而 心 可 覺 所不至」,至念及揜 地 善 此 法。 和 獨 己。 已 再 懼 其 而 心, 位 可爲? 具 無 也 已 則 爽 也 而 育,天下 容 此 有 則 所 9 日 然自失矣。 在 ·慎? 容 時 而 率性 夫 渾 雖 自 慎 小人,仍 轉 然 吾 止 昔 獨 念 閒居 之能 一之道 惟 自 有 至 善 可 孔 善 不 未 欺 啚 有 門 夫

■「自知自慊」四字,全書本無

之,即 静 子曰:「每日 爾 之分,人禽之辨也 坐 小 是 是 人得之爲 閒 證 中喫緊一事, 性之 取 半 路 聚惡之藪,●而 一,此證 日 蓋 静 敬 坐,半 其 人 肆 第 次 之分 則 日 一義 君子 讀 讀 也 也 善 敬 如 朱 肆 反

● 動而無動。 二 曰 ト 動 念 以 知 幾。

是

行之一二年,不

患

無

長

進

之 不 之象 累 慎 正 性 生 獨 而 而 善。 就 心 體 動 陽 過矣,卒流于惡者有之。❷ 是以君子有 獨之學。 復 動 日 之物,則 本 無 七情 其 念 無 纔 不 動静 有 初 時一加 君子以 8 善 著 不善, 矣 嗜 七情之動不 焉 動 悠忿 而 提 過 亦静 懲忿窒慾。」懲窒之功 未 動 念 此 嘗 醒 懥 念 如 不 以 也。 不 居 其 其 往,便 知 勝 使 端端 其 初 偶 之而 窮, 流 大者 倪 著 于過 有 則 也 而 止之,止 蔓不 情 約 念, 而 之爲 返 動 損 及 爲 大 平 而

> 當下 幾 之。 只是 壑。」 雖 啚 忿,吾知之; **慾室慾, 慾愈** 終 不 者 雖 只此知之之時,即是懲 豈 已動 提 以 日 本 直 醒 知 之 昔人云: 慾 懲忿,只 如 慎 ,當下廓清, 最初之心 窒 此 而 獨 本自 慾。 難 潰 仍不失其先見之吉,正知幾 ,宜其有取 是以忿懲忿;終日 則 亦 以忿懲 懲忿如 無 心 爲 本自 慾, 無 置 何等 所主,滋 之 忽 忿, 推 無 于 于 省力! 焉 Щ 之窒之之時 忿,4 推 忿 有慾 其 室慾 愈 Ш 蔓 爲 忽 填 增 吾知 室 物 故 焉有 壑之 至 如填 ; 化 慾, 耳。 此

<sup>「</sup>聚惡之藪」,全書本作「萬惡淵藪」。

❷ 「偶著一念」至「惡者有之」,全書本作「轉一念而不

<sup>「</sup>獨」,全書本作「動」。

<sup>→ 「</sup>最初之」,全書本作「人」。

于此也。 此之謂 最 得 力 也。 處 此與幾善惡之説不同,學者詳之。 0 謂 ^ 非 易》 獨 日 體之至神,不足 : 知 幾 其 神 乎 以 與

静而無静。三曰謹威儀以定命。

之; 生陰 間 當 澄 曲 静,無以暴戾心失之,頭容當直,無以 以 慎獨之學,既于動念上卜貞邪,已足端 無 立 弛慢心失之; 天命之性不可見,而見于容貌辭 源。 容當德, 重,無以輕佻心失之, 手容當恭, 獨 有爲之符者矣。 以 心失之; 口容當止,無以煩易心失之,聲容當 也。 體閑之,静而妙合于動矣。 表 而誠 暴 于焉,官雖止 心失之,此《記》所 無以 氣容當 于中者形于外,容貌 目容當端,無 徙倚 肅 賦形有定,◎所 心失之; 無以浮蕩心失之; 而 神自行,仍 以淫 謂 色容當 九容 氣之間 辭 僻 如 爲 無 足 静 氣 心 也 莊 容 之 邪 失 以 本 而

> 威儀 成性、變化氣質爲先,殆謂 莫不各有當然之則,是 所以 定命。 昔横 渠教 則 所 是與 人,專 謂 性 也 以 知 故 禮 日

◎五行攸敘。四曰敦大倫以凝道

陽之火; 5夫婦 臣 天然定位。父子有親,屬 而 友 人生七尺, 墮地後便爲 有信, 有 所性之理與之一齊 義,屬一 屬 陰 少陰之金;●長 陽會合之土。 有别,屬 俱 五大倫 太 到。 少陽之木;❸君 陰 幼 之水 分寄 此五者,天 有序,屬 關 切之身, Ŧi. ; 6期 行, 太

<sup>■「</sup>當下提醒」至「最得力處」,全書本作「當下廓清,可

<sup>「</sup>賦形有定」四字,全書本無。

<sup>「</sup>木」下,全書本有「喜之性也」四字。

<sup>「</sup>金」下,全書本有「怒之性也」四字。

<sup>「</sup>水」下,全書本有「哀之性也」四字。「火」下,全書本有「樂之性也」四字。

<sup>☞ 「</sup>土」下,全書本有「中之性也」四字。

言 以 常懷不盡之心,而黽勉以從事焉,庶 敦篤,❷以無忝此率性之道而已。 當, 動外之何以 大者先授之五倫,于此尤加謹凛,隨 下之達道也,率性之謂道是也,然必待 逭于責乎。 心生色,暢于四肢,自當發于事業。 究其節目之詳? 而 曰:「五倫 後行。 故學者工夫,自慎 間有多少不盡 極其規模之大? 總期踐履精純 分處。」夫惟 獨以 昔人之 内 來, 幾 慥 之 分 而 其 慥 何 體 其 其 根

**33**物物太極。五曰備百行以考旋。

之也。 孟子曰 大是 便 明、處之當,無不一一責備于君子之身, 子、兄弟、夫婦、君臣、朋友也。 如 身關 由 體 「萬 中 五. 切。③ 傷 大倫推之, 盈 物皆備于 殘 了 倘 一肢 其間 我矣。」此 一節,不成其 有 天 地 處缺陷,₫ 間 其間 皆 非 知之 吾 意 爲 父

> 古。」 慎獨 逐事 肢節 我。 以貫之。 不實,至此乃見盡性之學,盡 無所不辨,言序則無所不讓,言信則 仁則無所不愛,言義則無所不宜,言 受傷 ,方真見得萬物皆備于我體段,一反 又曰 簡點,只爲圓滿 虧旋之地,⑥正是不廢 《易》 非 「細行不矜,終累 即 稱 心 「視 腹之病?6 此 ~獨體。 履 查考耳。 考祥,其旋 大德。」 倫 故 如是學以 盡 君 物, 然非 無 别 安見 子言 元 則 所

践履

純

慥慥敦篤」,

全書本作「踐履

敦篤

謹凛隨

分體當」,全書本作「致力」。

<sup>「</sup>身」,全書本作「體」。

<sup>1 「</sup>倘」,全書本作「痛癢然而」。

<sup>「</sup>心腹之病」,全書本作「腹心之痛」。

<sup>「</sup>虧旋」、全書本作「吉祥」。

恕 身 山 莫 而 誠 ൬ 行,物 近焉。」反身而誠, 自 樂莫大焉。」又 得 物付 不 極 假 也 外 日 求 統 : 0 體 强 故 恕 日 極 而 也 行 反 ; 强 求 身

其要无咎。 子自 謂 其 窮 即 自 但 人 亦 纔 即 次只 者 就 于 無 舉 已 古 是 ; 如 善是 本 聖 不 窮 未 道 此 歷 無 \_ 公案, 如 心 歷 可 是 過 現 六日 明處 過 味遷善改過,便做成聖人,如孔 不善,本心 之 此 善 見,聖人一生用 上 成 遷一 是過 域 上五條公案,通身都是罪 五. 的 如 而 遷善改過 ,此證 條公案,通 聖 善 此 決,決定 改, 人,即堯 是善,不 而 無 原 時遷時改, 過 窮,以 人 自 之極 無 以 如 歷 心 作 窮, 身 舜不 如 善 此 落 全在 聖。 則 因 仍 不如 分明 進 此 忽不 也 是 廢 過 善 便 這 兢業。 小亦 改過 罪 學 是 彼, 覺其 裏。 然 過。 過 過。 便 所 無

> 己 使 時 日 是 本 時 見 心 有 君子 得 愈 遷 明 如 改 無所 此 則 工 不 而 夫 杳 用 即 簡 可 其 以 做 愈 極。」 爲 細 T 更 全靠 手 須 地 小 不得 也。 心 窮 今日 理, 故

#### 人譜 篇

記 過 格

**\**物先兆。 日 微 過 獨 知 主之。

妄獨 而離 其 天者是

- 0 得,便 物備 然非 我,恐只是鏡中花 須 逐 事 至「不 與之践 假外 履過」。 略見 求一, 得 光 景 作 如 今學 此 是 真 言 見
- 8 2 聖人一生用心全在這裏」十字,全書 如 此 書本作 如如 此如此」。 本

未 以 上 起 一過 念 以 前 實 函 彷 後 彿 來 不 種 可 種諸過,而 名 狀 故 藏 在

原從 無過 中看出 過 來 者

微 之後。 者 程 元氣 名、爲生死,其粗者爲酒、色、財、氣。 面 妄字最 子曰 --, 便 一 目 乎微乎 偶 只一 誠與 : 難 虚 生受虧,無藥 耳,然 「无妄之謂誠。」誠 解 點浮 僞對,妄乃 ,直是無病 妄根 百邪 氣 所 所 從 中 中 可 此易 生 痛 療,最一 曰惑,爲利、 如 爲 可 履 入,人犯此 指。 尚 也 霜 可畏也。 在 之象, 妄無 无妄 如 爲 人

**動而** 有 動。 二曰 隱 過 ,七情主之。

溢 喜損者三樂之類。

傷 哀長 戚 戚

遷

怒尤忌藏怒。

多 懼 憂 讒 畏譏,或 遇 事 變 耐 失其 (所守。

溺 愛多 坐妻子。

> 作 惡多坐疎 賤

縱 欲 耳 目  $\Box$ 體

消煞一 之真 以 以 不 仍 怒則 上 可 坐 面 前 諸 見,但感之以 佛然 下,然後可議及此耳。 過,過 微過 目于此 而遷,七情皆如是 來,一 在 斯見。 心,藏 喜 過積 則侈然 今須將微者先行 而 未露 過。 而 故 溢,感之 而 日 微 微過 過

●静而有静。 擎拳 箕踞 攘臂 交股大交。 三日 顯過 高卑任意以上手容 小交。 ,九容主之。 趨 蹶 以上 足容

偷 視 邪視 視 非 禮以上視容。

貌言 易言 煩言以上口

高聲 謔 笑 **詈**罵以 上聲容。

好 剛 使 氣 怠 懈 以 上 氣容。 岸冠

脱

幘

揺首

側耳

以

頭

跛 倚 當門 履 閾 以 上立容。

九

令色 遽色 作色以上色容。

狀 地 微、 會交股,怒也會交股,其 也 會箕 伏 即 È 隱二過 七 在 諸 踞 裹 情穿插 過 怒 許。 來 授 也會箕 今姑言其 于身, 其 過 中 積三 踞 故 每 容 他可 過 日 略, 如 都 顯 交股,喜 如 以 有 箕 類 七 仍 九 踞 推 種 容 坐 之 前 也 喜 情

⊗五行不敘。四曰大過,五倫主之。

遊 走 非 不 先 道 意 不 恪 事 守 失 親 懽 成 私 業 貨 親 定省 過 財 不 不 謹 私 失 諫 出 節 疾 人 責 侍 善 唯 諾 疾 私 交 輕 不 不 遊 謹 致 違 謹 教 浪 奔 令

祭祀 讀 日 以 禮 降 不 哀 不 不 以 敬 慎 上 飲 父 酒 失齋失 衣服 子 茹 類 葷 飲 戒不備 皆 食居處 坐 爲 事 物。 之類 人子 伯 叔 者 父 繼 其 述 停 母 爲 父 不 喪 無 而 視 聞 不 過 葬 父 可 母 忌 以

類

推

出 托 成 **令** 筮 非 仕 公事 欺 X 傲 道 衙 鑽 私 上 君 事 刺之類。 門 議 官 貪位 君 公祖 遲完 古 誣 陵 長 寵 告以上 父 或 下 君 母 遷 課 位 官 轉 不 逢 君 謹 欺 居 政 脱 臣 君 類 事 鄉 君 漏 罷 美 差 把 夤 始 緣 悪 持 軟 徭 進 速 官 欺 化 府 貪 縱 擅 君 子 擬 考 弟 囑 酷 較 詔 宦

謹如 交警 妾 爲人夫者,其 縱 無 不 婦 故 時 女 娶妾 爲婦而 人 廟 聽 燒 婦言 過 香看 可以 婦言 燈 類 看 夫 踰 推 戲 妻 閾 之 反 以 類 目 上 夫婦 私 帷 類 寵 簿 皆 婢 不 坐

謹 先 非 形 嫌 途 不 道 舉 讓 事 久 鬩 私 牆 蓄 行 踈 出 兄 人 動 不 疾 遇 定 外 蚤 族 年 訴 稟 行 尊 命 先 踈 分 爨 長 長 視 聽 于 猶 妻 憂 侵公 途 患 子 子 衣 不 食 離 不 起 産 間 恤 凌 遇 居 族 競 以上 異 侍 兄 貧 弟 富 母 疾 語 長 相 相 次 不

恥 勢 類 規 皆 交 下 初 坐 問 終 群 爲 利 渝 居 人幼 盟 交 游 嫉 者 視 談 其 諍 濫 匿 爲 怨 流 友 交 長 連 者 善 狎 而 酒 强 過 不 食 比 聒 可 相 匪 以 類 長 緩 人 好 推 急 爲 過 不 延 人 譽 相 不 師 視 相 以

丽

友類

以 生 坐 友 出 其 語 諸 前 上 來者。 大過 諸 微 他 以之事 過 可 隱 總 過 以 在 顯 父 在 類 容 則 或 推 貌 過 家 不 辭 孝, 天 來 謂 氣 下 諸 以 上 過 之事 故 過 見 皆 日 積 自 如 大。 兄 四 高 心 則 调 仍 上 不 聲

物 古 游 書 物不 玩 處 夢 繇 内 徑 極 室 好 戲 五. 書 動 好 閒 日 狎 畫 叢 使 謾 過 語 婢 床 博 第 女 百 嫌 私 弈 行 言 挾 疑 主 娼 流 之。 連 造 妓 蚤 花 次 眠 養 宴 石 俊 起 乘 僕 好 危

> 受 假 謀 誅 遺 肆 袒 輿 惡 不公虧小經紀一文二文以 好訟 市 報 行 我借: 求 馬 飲 畜 方 風 不 語 居間 還 便 水 親 科 優 暴 宿 人 跣 饕 稱 故 輕 人 終訟 人 怨 如 排 有 持 爲 赴 餮 陰 綽 輕 難 恩 籌 利 觀 人 事 武 窮 衣 號 施 解 席 憎 戲 冠 追 主訟 斷 不 紛 食 遠 場 報 獻 異 造 田 鄉 面 與 勸 宅 媚 製 年 宴 訐 歌 曲 人 善 上,及買 當 失盜 阻 縱 債 會 行 拒 方 謡 期 人 惡 人乞貸 飲 途 不 負 員 侈 懷 调 設 爽 之類 避 誓 傳 靡 約 居 窮 田 深 婦 嫁 躁 治 譏 流 違 産 居 短 處 進 女 議 言 咒 例 娶 輕 夜 多 價 器 飲 横 侈 取 捐 詛 遇 取 前 暑 交易 棄故 事 稱 逆 息 靡 輩 月 習 不 濫 市 相 輕

● 「謂諸過皆自」,全書本作「爲是」。

草 告 院 毁 耕 舊 牛 文字 慢 殄 拜 輕 野 遇 流 踈 僧 刻 天 禽 死 九 寓 詩 雌 物 喪 尼 族 文 黄 殺 不 虐 假 經 起 恤 褻 使 薄 道 近 傳 瀆 蟄 僕  $\equiv$ 學 方 神 見 僮 黨 士 骼 讀 社 無 故 書 不 欺 欺 拔 禱 掩 凌 鄉 無 田 賽 序 寒 里 風 草 賤 怨 特 折 作 殺 主 侮 雨 創 字 擠 隣 木 庵 潦 食 棄 佑 無

其 之以 抵 前 以 皆從 百 微 類 E 食色 過 相 諸 隱、 五. 所 從 過 倫 財 略 舉,先之以 顯、大四 自 不 氣 以 微 - 敘生來 ,終之以 百 而 爲 過 著 謹 則,故 分大 來 學 獨 而 日 過 而 關 叛 叢。 小, 道 積 而 者,大 五. 仍 各 綱 過 紀 以 坐

迷復。 祟門 妖門 隱過 微 六日 過 成過日 成 過 成 曰 過 微惡 隱惡,用小訟法解之, 爲衆惡 用小訟 門 法解 之 以 閉閣 克 閉 閤 終 時 時

> 뾆 戾 門 門 大過 顯 過 成 成 過 過 日 日 大惡 顯 惡 用 用 大訟 小 訟 法 法 解 解 之 之 閉 閉 閤 閤 終 日 時

賊 門 叢 過 成 過 日 叢 恶, 輕 者 用 小 訟, 重 者 用 大訟

登聖域。

聖

域

諸

過

成

過

還

以

成

過

得

改

地,

進

以

訟

法,

立

之,

閉

閤

如

前

是不泯 聖 恁 子 明, 引 如 以 其 ×, 一域。 地 上 此 壞 如 火然泉達,滿 不 訓 去 了 積 ·得。」 過 ,依然與聖人一 惡 可 事 惡 准 奈 人 蒙 雖 齋 何 若 惡,惡 頭 ? 犯 沐 纔 何 盤 極 矣。 正 提 ? 已 惡 不 恐直 是 起 樣 大 且 可 日 聖人。 此 既 罪 只 縱, : 是不繇 心, 其 故 爲 説 如 耿 習 良 終 或 在 此 耿 之 染 心 日 **^** 孟 又 小 以 所 仍

## 訟過法即静坐法。

是言。 内自 曰: 容。 此 復 日 自 微星,赤光發頰,若身親三木者。 落千仞 上帝,如臨師保,❹呈我宿疾,炳 日 唯 出 以 奮 心浩然與 唯。」復出十目十手,共指共視,皆作 €「莫得姑且 訟 戒慎 後, + 否否。」于是,❸清 應日 炷香,一 日 目 乃 肅 「是予之罪 不睹,恐懼 十手, 5 爾 潤 天地 躬 乃 就 一盂水, 唯唯。」于是方寸兀兀、痛 坐, 禽 固儼然 同 證 供認。」又應曰:「否 6 嗟 流。 佐 不 也夫。」 齊 置之浄几。❶ 皆 明 聞 人耳, 何及 之氣 手 作 , 祗祗栗栗, 乃 輯 如 知從前都是妄 則 矣 足 徐徐來,復 是 如也。 ~! 朝 3 又内 言。 已而 跌足 屏 應 方 自 否。」 又 躍 因 如 息 會 日 應 訟 平 如 墮 然 汗 而 對 Œ :

> 緣,妄 正 任一回,忽有一 起,閉閣終日 無 勿忘勿助,勿問 好與之保任,忽有一 來,隨之無去,却是本 則 非 真。 塵起, 效 驗 真 如 自 輒 塵 何。 若, 來 吹 起, 真 湛 落 輒 面 霍間 湛 吹落。 目 如 澄 也。 此 澄 ,整身而 數番 又保 迎 此 之 時

或咎予此説近禪者,予已廢之矣。

- 「几」下,全書本有「布一蒲團座子於下」八字。
- ②「肅」,全書本作「一」。
- 「齊手輯足」,全書本作「交趺齊手」。
- 「戒慎不睹」至「如臨師保」、全書本作「正儼威間、
- ⑤ 「因而内自訟」,全書本作「乃進而敕之」。
- ⑥「墮落千仞,乃獸乃禽」,全書本作「乃獸乃禽,種種墮
- 「内自訟」,全書本作「敕之」。

0

- 「復出十目」至「于是」,全書本作「頃之一線」。
- 然,此心便與太虚同體」。 「復覺此心浩然與天地同流」,全書本作「若向太虚

既 而 思 之

乎 ? 程 子 每 見 人 静 坐 便 嘆 其 善 學

又 日 不 是 教 人 坐 一禪 定,蓋 借 以 補

小 學 一段 求 放 心 I. 夫。」旨哉言 乎 然

説 則 **\*** 静 坐 一通,其一 贵 無 事 是撒 事 ? 手 懸 近 崖 高 伎 忠 倆 憲 其 有 参静 是 坐

儒 小 心 者 着 談 地 學 伎倆 每 言 ,而公終 存 養 省 以 察, 後 又 説 日 爲 静 正 而 存 今

養 無 動 而 省 察,却 教 何 處 分 動 静 無 思

無 爲 爲 静 而 乎? 此 心 常 應 止 事 者 接 自 物 然 動 常 乎? 運 ; 雖 雖 應 無 事 思

者 接 物 即 省察之實 而 此 心 常 地 運 者 而 其 自 常 然 常 止 者 止 即 其 存 養 常 之 運

真 省 機 察 二者,不 總 是一 時 可 截 小 然 心 分 着 爲 地 兩 I 事 夫。 而 故 并 存 不 養 口

省

察

是

奴

婢。」今爲

鈍

根

設

法

請

先

爲

其

念過

便

從

當念改;

又

授之顯

過

矣。當·

身

過

以

動

静

分

也

陸

子

日

涵

養

是

主

翁

時

將

故

而

:

日 此 静 坐 法 也 静 坐 非 學 後 奴

養 日 者 静 門矣。 得《訟 坐 故 過 仍 法 存 然 其 此 説 外 而 亦 不 别 廢 無 大 所 補 謂 註 涵

改 调 説

及,雖 際,有 是 謂 本 天 不 不 命 心 能 及, 流 無過 亦過 何 行,物 過 不 之有? 也。 及之差 與无 過 妄,人得之以 也 者 惟 而 是 有 妄乘 氣 過 機 而 之, 後 乘 爲 爲 有 除 心, 之 厥 不

能 病矣。 毫 釐 乃 而 其 其 造 究 端 甚 甚 大。 微 譬之木, 去 無 過 之地 自 本 所 而 争 根

心

不

幹 而 標 水水 自 源 而 後 及于 流、盈 科 放 海

日 時 尋 知 斧 過 柯 涓 時 涓 是以 時 不 改 息 君 過 將 子 慎 成 俄 防 江 而 其 河 授 微 之 也。 綿 隱 過 綿 防 矣, 不 微 絶 當 則

四

則又粗 專言 之 不 之路 公則 矣。 矣。 改; 痛 則 始 過 可 幾 絶 便 復 者 對 幾 從 非 成 四 在 心亦 而 又 日 程 乎其勝之也。 其 雖 孔 于 人言者。」庶 云 毋 當 無 毋 子 次爲 授 然 ,故夫子僅許之曰「可 我 無 身 子曰 意 工 顯 之學。 爲其 之 簡 改 某平 過 且 非 毋 夫 即 原 叢 點 ; 微 -: 必 得 吃 顔 可 徒 過 生無 憲之克伐 又 毋 無改 緊, 則 可 求 喜 故 無 氏之克己, 矣 授 幾 固 叢 之 也 張子十五 日 知 // 之大 免 總 甚 毋 乎 隨 過 一二出 非 顯著之地 是 于 過 在 我。」 ? 事 對 大, 過 學不 大過 怨欲 微 過 人 治 過 凡 而 處, 矣 真 則 即 處 然視子 年學 隨 法 以 此 不 成 乎 不 得 事 能 邢 當 皆却 也。 但 耳 爲 事 改 行 恕 力云。 公卿,入則 謹 無 有 個 難 改 境 之學 焉 微者 真 則 是 妄還 若 多 司 恭 矣」,言 调 已 謂 邢 能 視 馬 改 當 事 少 而 子 也。 粗 未 恕 病 安 之 改 真 過 不 温 顔 境

> 難 其 事 一去道 父兄 自 原 憲 彌 喪 遠矣。 而 事 下, 不 敢 落 學者須是學孔 不 勉 格 轉 不 粗 爲 酒 格 子之學。 木 不 夫 彌

## 改過説一

嘗息 之暗 之過 明 明 爲 也 不 故 人 改, 無 0 處 親 真 明 也 人心自 是 切 如 故學在去蔽,不 不 有 耳 中之暗 又從而 勝妄, 日 過 心, 蓋 月 耐 暗 暗 面 真 本 不 之食」, 則 即 則 文之,是暗 處 心 自知 而之妄, 明 成 過 是過,暗 是 嘗 妄, 始 者 明 過 以 在 面暗 如 有 喻 除 其爲 非 而 魑 不 明 中 中 人 妄。 有 不 魅 及改者 中 之 心 究 加 本 妄 能 不 明 有 也 明 體 也, 孟 暗,妄中 不 能 暗 之明, 明 即 暗之機, 受 子言「君 矣。 畫 但 不 是改,手 暗 暗 見 自 勝 于過 非 加 固 明 暗 有 極 子 惟 妄 未 然 而

子之心 子則 則 喜 綴 滿 此 心 白 造 過 勢 有 立 而 日 更 學者 當 當當 怡 果 地 子 甚 頭 正 不 心 便 丽 如 ·自知 仍 與 庭 然 是 無 歸 何 曰 此 曰 : 痛 員 虚 之文過 之擴 以 雖 親 經 如 如 事 謂 内 救 滿 抵 者矣。 心遜 冰 切 也 何 缺 自 頭 之文過 死 暗 此 丘 充去, 釋者 如 ; 陷 訟 足 旭 讎 亦 志 也幸,苟 病 此 但 如 對 明 日 痛 昔者子 常人之心 時 便 念有 反 矣。 而已。 不 得 光 7 覆 救 事 故 止 務 似 在 力仍 明 足 推 刻 大《易》言 過 就 有 求 有過 + 暗 察言觀 耳 路 勘 與 過, 個 明 雖 中,反 敗 分 直 在 之補 人告之 中 然, 討 十分明白 缺 用 雖 若 勘 直 明 色,以 難 用 個 力, 中 明 只 到 勘 必 人固 在 出 補 掩 分 個 亦 是 以 念後 到 然 知 也。 明 過, 提 曉 暗 之。 歸 事 輔 皮 中 有 有 TE. 而 當當 醒 之 乃 吾 于 亦 前 過 謂 有 彌 纔 故 面 法 事 夫 所 然 调 員 謂 必 之 則 縫 補 明 君 知 兩

知之不逮,尤有不容緩者。

## 改過説三

知之而 言知 先 者 徹 知 過 知之實。 者行之始,行者知之終; 復行之行 不 談 者 知 即 繇 永 善 之寥 徹 後 未 常 行 虎之説 或 是, 己 行, 而 嘗 知 曰 常 故言. 寥 知 不 而 是謂 謂 而 人 近之。 知 也 爲 知 進 知 真 後 無 ? 要, 如 知 于 過 常 知 成 知 有 電 則不必言行,言行亦不 真 非 知 夫知 曰 : 之 ; 未 過 顔子之知,本 光 難 知 常 嘗 未 而 石 真 所 人之 有 嘗 不 知 不 改 火 知者行之審,行 知 真 知 行 自 復 调 以 如 轉 知, 之 知, 只 知 行 爲 有 明 者。 知。 眼 是 也 難 致 習 有 鏡 心 即 常 知之法。 心 之 常 事 今第 除 抑 有 顔 之 知 懸 知 未 何 子 知 學 必 即 嘗 者 改 有 知 

爲賢 得 昔 以 年不 前 焉 故 惟 也。 苟 此 致之于國 心 允蹈之也。 大學》言『致知在格物』,正言非徒知之,實 改 此 者 其猶. 没 愈 無 之知,無過不 正,致之于身而身修,致之于家而家齊, 則 地? 也。 更作 程子 身未 致 過 者累,亦以 未經感發,則此 誰謂知過之知非 亦致吾之知 不知 有不 而 見獵 甚矣! 如是觀乎? 愈 而 已,而致知之功與之俱未已也。 又安知既經感發以後,遲之十二 故 致之于意而 誠、不正、不修、不齊、不治且 知。 國治,致之于天下而天下平。 而 見改過 愈知 知 喜,蓋十二 此遷 學 ; 而 心 行此之行, 以 而 已矣,此 善改過之學,聖人所 即改過之行乎? 此雖 了不自知 愈致 致 之 意 知 難 年 誠,致之于 細微之惑,不 ; 爲 IE. 如 惟 格 要 在 無 尚 無過復行。 也 物之極 知過之尤 日 過 于 復行, 也 學者 心而 何 足 致 功 平 而 而

> 知, 若子路,可謂力行矣。 子聞之曰: 量 灰三斗 姑 于平日聲色貨利之念逐一查簡 日 亦可。 用 蕩滌 過端下 山 昔者子路有過,七日 肝 知 腸,于 落 改 過矣。」亦 則 此 請 取 雖 露 以爲吾黨 謂 出 之 靈 點化 明 而 行 不食,孔 到 直 方 勗 語 然 許 用 也 後 純 商

● 「知」下,全書本有「到」字。

# 劉蕺山先生集卷一

# 證 人 社 約崇禎辛未三月

### 學機

首 儒 派 傳 歎 胡 委 獨 方 遂 表微言 拒 趾 蓋 王 闡 羲 聞 吾 統 皇 危 何 學 生 於 於 微 有 以 惟 於賢 之 長 衰 作 等 學人 周 秘。 夜。 貌 首 聖? 類 乃 原 杏壇 幸吾 迨 於 真 群 性 三復遺 乾 洙 夫子 人與 聖人没,而 命 坤? 泗 之宗 之間 興,而 編 古 同 ; 往 斯 堯 慨 斷 六 今來, 大, 舜 焉 籍 中 斷 永 員 還 相 從 衍

足,而 浸假 迷既 爲? 慥 期 或 氏 溺。 維 或 泯 出 和 之英; 於其 廓清 慥 善 指 躬 本 蘭 洪 講 點 凡 上達之路直 爾 相 往之途 世 不加 詩 矧伊 或 亭之楔 水 天性 鄉, 之力。 愈降 鞭 以 長 》、《書 談 是吾憂。」又云: 説 猛 存 而 印證 辟 寧免 人兮,所學 經 於當 愈 뾆 而 過 天 ; 近裏之功 事 而 殷 之際,岌岌 生 相 人愈危 理之幾 似 過 ,終虞寶 以 修 接 而旨 下 可 規 於 築 門之憾? 論 素業,或 維 尋。 其 或 有 且 世 何事 愈晦 于 皇。 《希,抑 後, 非 昭 基 務 藏 相 或 秋 「人稱 揭 懼 H 歸 能 須 ? 先 彼 塵 借 勝 較 肺 焉 有 口 亦 無 禹 埋 知 鳥 立只今之志。 へ 禮 點 藝 事 肝 如 省 耳 景 拯 此 ; 穴之靈 兮, 旅 好 於大 以 良 而 ; 且 民 益 》、《樂》以 行之思 有 理 辯 啓 知,多 未 恢 月 日 信 求 生 人 鵞 歸 廷, 恢 有 新 此心 於 人 友 光 非 湖 深深 試 知 具 總 何 王 未 陷 得 學 倡

昔 命之 質 常 借 門。 言 者 裁 世 嵫 而 人 請 人 之 ! 新 典 人 也 而 人 事 良 所 策 蔽 有 2 型之 之諱言講者,轉以 狃於習者, 寄 申 以 啚 若濂、洛淵 駕 也 知 百 斯文之重。 嗚 睠言歸 年 久矣,念之悚 呼 地,推私 以 應 而 後生 冉 永好,庶踐平生。 視 不 冉 每 我 事 與,而 何 七尺 可畏,激霄漢以 心 以 擴 源 淑 使文成墜緒 自 道 充 而 止 之人; 昂 吾黨因之,不 先得。 然。 半 難 學二字避流俗之誚 躬行一途開暴 何、 昂 宿 免電 老大無 蘧 王 緬 豈 辱 廬 而 光 在 徒 懷 繼 ! 遠 揚 淪 同 孔、 成, 塊 狂 欲 虚 遡 輝 没。 簡 決 然 孟 棄之 此 望 共 形 之 願 日 以 崦 則 聊

## 會儀

一會期。取每月之三日,辰而集,午而

籍者, 者 會 舉 散 H 不 固多 課 矜 籍 司 會 其 勢 是 另設 會呼 次。 一,而 分, 會 以 願 也 虚 庚 浮 雖 展 人 席 引 會 游 專 求教之誠。 諸 待之。 坐,毋 往 而 色 以 來者、 1 人 講 久要者,隨 學 不 得混 遇遠方賢者至, 亦不乏人,特置 · 禁焉 明 道 望後聽諸 亂。 故 然 其 時 紳 真 後 登 衿 生 至 心 載 駢 則特 自 姓 好 不 學 氏 至 舉

禮 者 战 者 下 先 畢,分班 請 紳 仍 至, 监 謁 與 會禮 於 先 延 紳 聖,贊 紳。 諸 战 序 . 0 战 於前廳 友 士: 遠方賢者用客禮,不齒。 人。 與 四 東 拜 士 西 既 設先聖孔 禮 齿, 相 集 向 如 謁 司 揖。 先賢 士 贊 子位。 而 鳴 监 列 止長揖。 雲 坐各 德 板 表 司 著 以

- 「裁」,全書本作「才」。
- )「徒塊然形質」,全書本作「是一包膿骨」。

定, 右 分班 聽 講 揖 畢 , 而 退 復 謁 先 聖 先 賢 俱 揖 左

者 筆者。 特 歌 證 板 贊傳雲板三聲,命 更端者, 於諸 詩 司約 聲,請開 乃 不得 另設 縉 會 起。 傳雲板 俱 譁 紳 講 侯 然 下 講 講 案 並 諸友 設 畢 舉, 於 聲糾之。 虚 在 童子歌 堂 位二 就 坐者静聽 亦 出 中,以 坐, 不 位 席, 詩。 得接 拱 司 講畢,命童 待質 以 會 而 歌畢, 耳 其有 待 者 立 疑 私 講 進 互 者 談 疑 復 友 書案。 子 相 義 及 傳 復 犯 欲 雲 載 印 可

先賢。 畢, 聽 坐 中 具 隨 會者捐 果 會費。 取 會友既 餅二器,不設席,令侍者: 而 啖之。 資 自 集,先進茶。 每 期 至會記 錢以 司 會者 上 有刻,會課 多不 茶畢,開 具 香 捧 過 燭 盤 於 講 以 有 錢 先 刻 進, 講 聖

> 鄙 問 毋 也 褻。 答 交足,毋接耳,毋 録 但 會戒。 犯者,司約糾之。 成,呈之主位者, 取 其 凡 足 以 與 發 兹 及 朝 會 明 以 斯 ,毋謔言, 事 訂 道 遷除 可 否 毋 乃 毋及 及 毋 浮 付 戲 里 蔓 梓。 笑, 中 口

期永貞 贊 屬 人,皆有 而 復始。 以 臨 相禮 時 會友。 專 選擇 講 司 屬 以 會 立會 而 闡 者供給諸事。 司 使之。 道 會 講一 史 四 以 人,會史一 會約二人,會贊二 記 在籍 事 各相協 約 者 輪 以 力,以 糾 值 無 一,周 儀 專

約言

社有約,約爲學之大旨而言之,凡以

■「畢」上,全書本有「講」字。

會録

每

會推掌記者,記會中語

言

修 爲 證 學 人 者 地 幸 也 相 與 并 守 附 之。 諸 戒 條 於 後 即 證 即

淵 問 乎 非 也 偶 以 至 也 在 來 不爲, 方謂 ? 人 ? 尊 自 人 ,即聖人矣。 凡 我 、即
関 聖 大 且 之人, 者是堂堂 虧欠之人,而 見 纔 予何人也? 且以一人非 (聖賢 者 岐 貴 地 作 亦 之 第 也。 何 猛 間 更 又可 皆從 資 開 省 蓋 不 無 地 義 聖 ? 不 偶 天 眼 容 第二 做箇 學 乎? 人亦 之 所 聖 孔, 遂 自 在 日 髪。 繇 有爲 問 謂 人 虧 等 先開 : 人不發憤 人 中 人爾, 前 以 生 欠,故成 明 人 者 顔 病 在 出 與 不 而 見 眼 可 淵 遂 讀 亦 不 我 與 非 地 者, 爲,出 學以完其 何 謂 書 爲 若是。」學 曰 聖人之人, 者 禽 : 风夫。 用 爲 舉天下 耳 當 獸 如 合下 工 直 讀 舜 自 聖 此 伍 夫。」 纔 自 書 得 人 何 如 暴 讓 皆 以 所 見 始 何 而 之。 狂 聖 棄 知 非 我 子 爲 得 可 非

> 學,不 應 讀 戒 書 : 及讀 譏 侮 非 儒 聖 先 之書 詆 訶 名 不 講

求 露 其 之童 説 者 子 地 知 親 自 兄 善也 道 實 於此 仍 知 孩 此 成 性 地,不必更 愛 者 人生必 是 提 無 知 性 ,成之者性 稍 善宗旨 朗 不 遇 最 轉 以 此 知 然 長 長 真。 是 後 愛 有 以 所 知 不 ()。儘 盎 其 謂 所 後 事 學者 敬 致 減 然, 親 自 良 玄虚。 可 此 毫 也。」 者 來。 知 雖 識 之知, 亦 見 竅生 末 當 也 及 不 取 地 ; 繼 大《易 良 其 旦 增 既 即 生 善 更 知二 長 畫 孟 毫 開 遇 以 時 孰 有 子 也 9 末 親 前 字, 常 無 何 無 日 日 只 長 一之時 流 此 事 不 向 是 性 暫 不 露 良 容 孟 體 違 孩 繼 此 知 知 故 夫 之 敬 之 中 此 遇 提

<sup>「</sup>問見地何資」至「發憤用工夫」、全書本無。

❷ 「見地既開」,全書本作「欲參性宗」。

曰:「堯舜之道,孝弟而已矣。」

中宴樂,酷好風水年久停喪。 應戒:私財,私爨,私出入交際,制

乃吾 恕乎 滿 只向 事 親 步 大,無有不愛且敬者,君子所以 焉,又有 也 長 古人務 者,又何 處,至 推 長、使衆之日 朋之間 腔子生意流行,自 |儕每 繇 良 不 立愛自親始,立敬自長始,不 吾 知 去 本之説 患天 此 鄉里焉,等而 試問己所不欲處,果是何事 有不 落 不勝 親 情 恩 根 長 地 無 疎 勝其怨惡者矣,況出 其有 處討分曉,於此果 而 也。 萬 可 乎? 而 推 推之,有親 物之不歸 愛薄,分隔 我之見,自 若更 隨 有火 若是者, 施之,漸 處成 作對治 然泉達而不 吾 缺 戚 親 而 缺 推之天 陷 焉, 法,必 廣仁術 無 敬 長 體 陷 自 耳。 弛 乎? 而 而 缺 有 仍 親 鄉鄉 外, 陷,則 事 下之 · 容 朋 學 也 坐 長 君 也 此 者 友 已 親 里 止 强

應戒:利己妨人,駕勢毆人、辱人及

致人於官。

利,道 印,即 總 成 向 天下之公也 君,總從利字落根 而 而 孔子以 存箇 隔 爲忠,其忠必不至。 人分上推 爲孝,其 礙、●於凡辭受、取予、進退、死生之際, 語云:「學莫先於義利之辨。」義 德 利心。 爲 切 事 德 異 孝 功 不 之賊 端 必不 皆利 利, 去,只 利 曲 也 來。 云。 · 真 ; 利 學 也 者,一己之私 也。 爲 亦莫不 爲 語 充其 爲 私 大要在 日: 人 人子者, 名,亦利也。 己心未除,所以動 臣 自 類,便是 ❸「差之毫 者, 鄉 破 愿 也。 有 有 除 脱 弑 所 所 鄉 也者 胎,故 吾 如以 利 利 愿 父 儕 與 焉 焉 窠

」,全書本作「故

<sup>●「</sup>陽礙」,全書本作「我見

<sup>「</sup>總」上,全書本有「弑逆大故」四字。

去,便 頭。是 謬 以 千里。」學者只 利 了百當 是 義。 若 於 就 此 動 辨 念處 得 明, 早 莫 勘 與 人 含 禽 糊 弱

生 事 應戒: 地 方 7,把持つ 會中 官 投 府,雌黄 遞 書 揭, 人物。 及借名道 學,

先 體 時 也。 更 慾 感 處 恭 時 耳 爲 何 必 正 湛 + 簡 室。」真 有言 唤 處 然 學以克己爲功, 酒 遇 而 生而 年 容 公,每於身經 醒 交際 色、 雖 不能 得 治 此 有 「真 財、氣 忿 有 知之勢,如 知 頗 四者之感, 怒字, 不 慾 己, 知是忿,忿必 漸 與 能 在 即 几 用 感 ? 不 有物 者。 歷 其 一切 克 設 俱 若猶 火燎毛,一 處 治 他 將 着,則 亦 氣 四 欲之累,其 體 之功 迎 可 順 質 不 者之於 懲; 驗所 知 見 以 能 無 己 0 以 真知 應 無 下真 所 學 私 化 曾 晚 之 用 人,本 着 爲之主 記 之。 最 年 如 也 是 丽 事 知 遇 沉 日 姑姑 慾, , 昔 客 師 絶 溺 :

科

而

世

不

禮

色, 爲學者言如 氣 既 日 : 而 日: 前 此 此 慥 較 猶 前 有 慥 染 時 君 增 在 子 減 哉 遇 分 拂 數 意 如 何 事 ? 或 時 動

坐與 三千三百而 頭 禮 食 有禮以 ,其教必本於小學,繇 童 立也 ,挾優妓,摴蒱 渴 群 教 人之所以 蕩 應 處 而 以以 然,士多習 爲之節文,斯進 戒 則 飲 人 兄弟 謔 異 嗜 呼 道 浪 於 慾 盧 笑 始 則 爲生,求 禽獸 而 酩 爲 頡 傲,以父子 備 牝 頏 猲 酊 者 牡 小學而 不 故 狂者,燕 於成 飲 幾 問後 田 聖人 盡 問 以 希,至散之爲 蠢 則 人也易。 長 舍,終訟 與先也 人大學, 惓 蠢 嘻 居 夜, 惓 嘻 耳 則 箕 於 畜 不 饑 莫 問 踞 學 頑 如

<sup>0</sup> 若於 回 此 頭,莫放錯 了 百 全書本作 不 能瞒昧自

下真知」,全書本作「一 知 切

若其 公私 具 也 是 存者,蓋 而 有 退、一 推 ,進之以 可 之辨 之。 三千 大者,施之家 以 爲 飲 亦 三百。 己 人 學 寡矣。 乎 禮 食、 能 ? 不 禮 苟 庭 未 作 問 者 能 默門。 日 也 聖之 體 致 用間 答、 也 謹 學 正 地 於 請 者 近取 慮 其 斯 視 曉 從 其 在 然 文 而 之 無 聽 公公四 是 即 心 所 於 莫 乎 有 持 義 進 禮 不 ! 不 循 利

閫 箕 行 祈 無 坐 禳。 之 惰 應 容 類 戒 喪 衣 側 不 不 聽 用 紫 浮 淫 履 視, 屠 無 疾言 祭 朱, 無 冠不采。 遽色, 淫 外 神 跛 閨 立 動

此 名 直 不 言 節 藩 固 其 白 爲外,又 籬 政 沙子 而 公欲 中 己 以 未 Ė 乎 將 藩 有 : ? 籬 以 能 「名節者,道之藩 重 何 守 道 名節 者。」· 者 無 爲 内 非 夫名節 内 外 而 以 學 守 藩 之? 無 之於 籬 籬 内 外 外, 道 名節 藩 白 贵 沙 籬

> 緣,或 聞 命。 進 免 才 其 解 無 難 行之尤者。 艷 也 論 時 病 取 人 所 且 慕之,而 也 行 於 根 不 不 至於出 如 人情若不 但知 倚 至者。 路 徑 實 患 淫 可 貨 自做 已壞,欲異 誠 坊 以 難, 香 不知 財 入公庭 薛文清 酒 廉 [夜乞哀] 士 實損自己 居 看 幸 肆 秀才時 恥 人所 自 間 而 吾 破,枉做 狗, 況 有 得 公日 似 謁 爲 道 儕 日爲賢士大夫,未之前 不 呈身有 之,立身 足誇 者傍 龍 廢,而 見 斷 一之廉 更 : 官 斷 小人, 無 不 之富 囑 觀 耀 長 託 堪 恥 得 司 託 之,正 流 足 呈身 之不 告 或 來。 敗,萬 輩 公事 之 貴 夫免 借 語 理 可 若做 舉 之巧 得 者 文 辱 恥 字 俗 人 事 乎 雖 身 日 不 於 作 乃 有 賤 秀 瓦 有 能 争 1 具

以 碑 軸 應 戒 獻 諛 結 當 交 途 者 衙 門 官 吏, 説 事 過 錢,及

子曰:「性相近也,習相遠也。」人生千

習尚 之壞 故 證 惟 之,未嘗 甚。 儉 義 病 口 本 有 繼 者 孤 何 萬 教焉 者。 ,從俗一 載 奢者 從 痛 掌 成 胥 都 狂 不 好修 及 坐 顯 瀾 追 牢 從 可 若 本者 溺 習 悔 也 中 尤 不 欲 夫 而 上來 而 ]。」 豊 前 於 之 口 俗 在 性 不終,守 己。 流 事 破 便 吾 失 知 也 俗者 地 途 即 黨 世 禮 濫 每 也。 氣 壞 而 故 奢 道 示 觴 日 質 終 寧 人 能 而 不 已 緣習 亦 奈 情 儉, 己 枚 不 非 事 屬 此 趨 固 其 舉, 養 聖 之 後 無 之 朝 性 無 人 恒 後 而 事 權 如 0 夕之 以 必 有 害 奢 何 騖 之 舍 ? 繇 不 於 爲 習

柬 仍 痛 餚 輿 禁梨 不得 餚 馬 應 禮 服 五. 過 袁 戒 用 葷 飾 豐。 宴 紅 踰 嫁 會, 折 素。 制 遇 娶 邀 非 相 官 加 切 常 競 禮 府 慶 之 凡 宴 弔 亦 禮 者 宴 會 然。 用 會 稱 餚 湯 相 家 不過 往 用 餅 高 有 來 几 無 十,尤 小 宫 果八 用 菜, 室、 折

> 之,爲 非 説 内 甚 逞 所 E 口 道 者 正 正 即即 所 意 尺不 耳 謂 徙 聽 信 義 間 見 義 口 夫子以學之不 修 是學問 有 而 給禦人 、改 壞人 角 如行一寸。」 伎 德 所 而 塗 倆 見 求 異 説 地 不善,則講 進 必徙之,與 心 同 耳。 德 於 或或 且 步 術 坐 反 縦 問問 之 處 若 講 下 躬 説 尤 學 棄 焉 泛談 爲 學云 體 有 得 爲 者 而 也 所 憂, 勺 貼 何 不 常 非 名 謂 水不 者 去, 淺 關 而 令精 所 無 理 不 先 疑 涉 乃 專 正 無 善 漏 之 或或 ? 語 神 講 類 澽 而 提 曰 云: 完 形 告 亦 是 子 求 明吾之 修 話 養 焉 乎 只 必 E 德 柄 是 在 説 ? 改 而

我 者 未 昔 必 者 應 能 顔 戒 子 且 多言,及言市 以 多 乎 能 ? 問 不 吾 能 儕 井、 學 以 多 而 閨 問 後 閫 知 寡 事 不足, 況在

● 「養」,全書本作「近」。

也 牆 則喜 過 遷改乃已。 相 以 取 夫,層層剥换,不登巔造 久要,聽其 有 仍,尤 過過 鳴 犯 人 ,卒歸下流,悲夫 察自 一、識者 爲 過者,各務 ,人所時 鼓之攻,不待言矣。大抵 善,自 賴 封, 以 明 去籍。 其或中 爲 使 眼 不 有,改過 借 容已, 正言 百 人樂告之以善。 甚者干 世師,信乎! 證。子路人告之以 拒 相 飾 大要 規, 極 一端是聖 非,徵色見辭 不已。 犯名教,遺 在 婉 詞 破 除 相 惡 賢 自今吾儕 常人 至 導 我 於 不 獨 見, 恥聞 玷 步 可 意 俾 有 過 門 犯 非 其 调 惡 無

應戒: 腹誹背 憎 樂 道 人 短 若 怨

結交。

約 戒

戒不孝。

語言 觸 件、 行 事 自專者, É 罰

甘旨 不供, 陰 厚 妻子,及妻子 觸 忤 舅、

姑者,上罰

異 姓 承祧, 出 繼 他姓, 越 次奪 繼者

罰

制中嫁娶、 宴會 葷 酒、納妾 近 婦 女者

上罰。

虧體辱親, 若 喪 赴試者, 出會。 借出繼

色赴試

同

器者,上罰 親殁改名、忘先志、 違祖訓、 毀遺 書宗

親過不諫、侍 不哀、停喪不葬、繼述 疾 不謹、祭祀不 無聞者 上罰 敬、忌 日

戒不友。

分析不 平,争 財 搆 釁 者 上罰

偏聽内 言 嫉 妬 傷 和 者 罰

異 母母 相嫌 鬩 牆 外訴者,上罰

一貧富相形,憂患不恤者,上罰。

戒苟取。

一倚勢欺凌、設機誆騙者、出會。

交結官吏,説事過錢者,出會。此戒在縉

紳尤易犯之。

把持官吏,武斷鄉曲,拿訛詐錢者,

出會。

一設機局騙,逐戲賭錢者,出會。

貪婪慳吝,交易不明者,中罰。

爲證作保,好訟、終訟、唆訟,和事取錢

者,上罰。

戒干進。

一賄求權勢,鑽刺衙門者,上罰。

懷挾買題,債人代筆者,上罰。

一豎碑刻石,要結當途者,上罰。

一借名講學,奔走勢位者,上罰。

一易姓冒名頂替,僥倖結拜權要者,

比會。

一戒閨幃。

一棄妻寵妾,以妾爲妻,妾飾怒

上罰。 一棄妻寵妾,以妾爲妻,妾飾擬主母者,

上罰。一交警不時,夫妻反目,婦言踰閾者,一交警不時,夫妻反目,婦言踰閾者,出會。一縱妻女延僧拜師、削髮爲尼者,出會。

以相誇耀者,上罰。一縱妻女學做詩詞、寫扇作畫、操琴下棋

一戒貪色。

一少年娶妾,及有子娶妾者,中罰。四十無

子,方許娶妾。

溺 罰 多畜婢妾,屢進屢出者,中罰。 改之,斯得矣。 亦難加。 比 頑 童 今第存此戒條,倘事 若長惡不悛 攜 挾 娼 優、 ,徑聽出 買 在可已,早圖 妓 會可 作妾者, 也。 此等過 而 端 預

出 會

淫汙外色,有干名義者,出

戒妄言。

期約 不信。 面 諛背毀者, 罰

文過飾 非,巧言佞 П [者,上] 罰

雌黄經傳,妄議 先儒者,上 罰

好談 閨 閩 攻發 陰私 者,上 罰

搬鬭 是 非 ", 使 機 舞 智者,出會。 犯 此 戒者

尤爲敗類,故 特從 重 典。

戒 任 氣。

强項自滿 剛 愎 拒 諫者,中 罰

凌虐寡 弱 動 輒毆駡者,中 罰

戒 過 飲。

呼盧 酩 酊 長 夜 不 止 者 中 罰

擎拳攘 臂 脱脱 巾岸幘者,上

使酒駡 座 一致成 嫌隙者,上罰

盛 餚 奇 品品 ,梨園娼妓宴客者,出 會。

戒奢侈

衣冠過麗,隨俗習非者,中罰

飲食過侈 暴 殄 無 紀者,上 罰

田 宅方圓 ,嫁娶侈靡者,上 罰

戒遊 蕩

戲動 遊謔言, 閒遊好事者,中罰

觀戲 場、看 龍 舟、神會、婦女者,上罰

宿娼妓 博 奕、賭 錢、縱飲者,出會。

習 市語, 稱 綽 號,造 歌謡、傳奇、小説

者,上罰

戒惰

容。

科 頭翹足,恣肆不檢者,中

拍肩執袂,相 接無禮者 中 罰

藏古· 説 坐訟 而 小學中。 分中上等耳。 以 過,立下便改,至赴 上 約 戒 + = 仍治具,供湯餅 一則,凡 上罰,杜門 會 五. 日 + 捐 謝 次,諸友不 古書一册, 條 會 即 次,静 參前

二八

更齎 立 下 若 便 分。 大 改 而 中 至 竟 罰 赴 不 杜 赴 會 門 會者 日 謝 捐 「聽之。 會 古 書 次 册 静 坐訟 藏 古 過 小

## 社約書後

梁 退,石梁子首發聖 聞 息機林 難 絶 爲 百 王 二十心! 學者 子 如 年 諸 時 不鄙 綫 君 吾 二三子從 聞之,無 下,余偶 師 鄉 至 子 屬 而 海 自 並 余,而欣然許 望 陶 陽 迨二先生没,主盟 起 之久矣。 先 明 不 爲 焉。 石簣 過之,謀所 生有 汗 先生倡道 之羽 人非 下者。 於是有 兩 弟石梁子,於時 翼 頃者,辭 先生,復 人之論 諾, 嗣 以 龍 余因 上 大 此 壽 山 無人,此道不 相與 巳 流 斯 時, 爲 濟陽之檄, 沿其緒論 次第 之 道者。 風 多士告, 則有錢、 商 不 其 稱二 訂 絶者 儀 石 舊

> 也; 聰 也。 聽 不 不 也 至 所 人 盡 述 節 以 知 可 人 所 明、 耳,五官具、百骸備 恭重 2 目之所以 況 以 而其莫之爲而 視 聰,持行之所以恭 耳, 聞 人盡視聽持 以 恭重 不 聽 以 示 何證之有?」❸余乃告之曰:「 於性乎 不 知 約之,從石 持行者,形 可 與手 耳 人,思知 久, 至聰 視,手足之所以 ! 遂 足 行耳,至視之所以 題 期 爲 況 明 梁 人不 其 也 於天乎 者,則天 而 云耳? 重 不與 子 社 ; 手 ,人不知 志 可 日 聰 足 耳 以 也 明 至 1 持行, 證 Ħ 至耳 不 也。 恭 或 期 是 知 也。 重者, 明, 吾 之 曰 故 又 天。 而 ,聽之 所 人 君 形 不 耳 不 而 子 性 盡 盡 且 知 以 知 目 稍

<sup>「</sup>相與」、全書本作「進余於先生之る

<sup>「</sup>因」下,全書本有「命門人某」四字。

<sup>「</sup>有」,全書本作「庸」。

聲而 揆。 無 於無 行。 視 石梁子之志。」 易言也。 證乎,證乎! 明先生曰『良知只是獨知時』, 則其證之也可若何?」曰:「以人證,不 者,盡乎天者也;天者,盡乎人者也。」「 ,可與知天,即 地 聽持行者是; 慎獨一着,即是致良知,是故 而 已矣;終日 形 非二之也。 已矣。 而已矣; 余請 又何以加於此 孔門約其旨 與二三子没齒從事 持行 終日 以天 君子終日視 人即天,即 聽 證,非視 而未嘗持行,持行 而 口『慎 未 乎! 本體 嘗 而 非 可謂後 聽, 未嘗視, 獨」, 聽非持 焉,以終 即工夫。 雖 聽於 可 與 先 而 視 知 陽 於 無 非

## 劉 蕺 Ш 先 生集卷三

## 證 社 會語門人雜記 附 臨 殁 語

知 直 (),聖人. 義 眼 爲 须须信贷 孔 後 此 學 八却人 拔 不 我 去自暴自 講 人人可 輩 久 人人是 矣。 做 棄 文 箇 於此信 病 成 人,人便是聖 根 指 出 得及,方是 今日 良 知 開 人之 口 字, 良 第

則 得 來 心 抑 安 此 全 意 是 或舉「 心 心 愜 純 箇 體 乎 敬 更 素位」章, 自 天 體 何 然 理 境 無 如 而 遇 時 此 無 足 質自 不 暢 以 戒 滴 毫 動 得 慎 ? 人 其 之義 欲 無 先 中 之 乎 時 生 從 ? 私 不 日 主 恐懼 若 敬 何 自 只 等 得

> 認 作 快 或 舉 活 景象 學 而 便 己 章 落 質 無 忌 時 憚 習 之義。 流

輩 堂 ? 今日 諸 事 未 相 日 發 倡 涉 日 與。 友 : 今日 境 千 足 在 率,後輩 若 里,又 會堂 前 則於 無 或 真 不 先 身 反 ·是學。 是學,出會 有 學字不 何疑 勉從; 坐堂 問 要 爲學問、做 知 自 乎? 中 己 如 明 此 更或以 何 發 详此 心 便謂之時 堂 唤 馳 何 聖賢 亦 作 會 念 物 講學盛舉,姑 是學,即 終 學。 外 頭 成 來 ; 習 段 即 虚 又 此 真 今 或 設 而 隨 相 意 先 坐 其 時 以 聚 下 生 前 爲 則 如 來 應

學 古 頭 覆 者 落 發 最 而 即 於 難 明 不 或 問問 極 破 。」先生曰:「學問 미 人 便 力用 解 「人不. 蓋 將 有物 天之與我 功夫,於諸 天 知 所 欲之累 不 以 愠 與 似乎 到 我之體 ,聲色貨 本是聖 物 此,只有 欲之累 與 人體 盡 利 説 行 頗 這 種 樂 埋没 段 能 種 箇 相 次 膠 但 歸 反

第 體全無湊泊,考勘至此 又 從 銷 除 何 處 直 來 到 後 只 來 爲 尚 胸 有 箇 ,方是徹底學問 中 仍 名 是 根 箇 不 化 物 欲 此 於 名 本 根

曰: 人,便 無 心安得有 三丘 點。」 心,往往己不及知。 何宏仁曰:「學莫先於改過否?」先生 然。」曰: 已 也幸,苟有過,人必知之。』然 知 過? 得 「先改 八 心有 九 分了。 過便是惡 心 因 過 不知,故不改。 否?」 先 學 也 者 須 過 生 時 在 乘 日 故 聖 於 時

吾輩須尋箇真自訟手段

簡

觀 用 輪 便 雖 未 ? 致 工. 更 發,而 夫?」 先 横 或 只是 無躲 問 決, 若 日 查簡自己 閃, 倚著之私 生 於此 則 延 曰 : 中 平 處 教 體恍然在此,而 病 隱 未 查 人看未 痛 隱 考、 發 到 已 分 微 伏 時 明 密 發 有 處,方 氣 纔 何 如 有 氣 已發之 貫 倚 知 象 風 如 時 何 車 口

> 想像 後 不 待 邊,便失古人本旨 言 矣。 此 之謂 善 觀 矣。」 氣 象 者, 若 落 在

寡思 慮、 絶 嗜 欲、薄滋味三者,養身之

要也

也 誠 此 爲 誠之至也 故後儒 本。 忠者,●盡 何 弘 仁問 忠信 日 : 乎人者也; 『三省只是一省。』」 誠 省之旨。 也。 傳習者,傳習 信則盡乎天矣。 先 生 日 : 此 學 忠 以

爲學莫 先 於 辨 誠 爲。 苟 不 於 誠 上 立

脚,千修萬修,只做 得禽獸路上

耳,而 處 君父之變,望不覺 小人一朝之忿,忘身及親猶 勇 怯 異。 総欲 廢然 之與 而 返矣。 循 理 , 甘之,平居 取 前後 舍 i 有素 人

者」、全書本作「孝」。

平居」二字,全書本無。

也,此豈可以聲音笑貌爲哉?

矣。」 父召 鄉 静 加 矣 時 已矣。」 無諾 「其有未能 行 或 資 問 也 於事 躬 ,則行於家矣; ; 動 行之學。 父以 時克治,動時 ,如之何?」曰:「學之不 事君 先 生 徐行後長 則 日 行 行 : 於 也。 静 國 時 繇 與 則 存 天 是 行 養 Ė 下 而 於

得 於 死 破 真,有 義 自 生 祁世 死 死 利 眼 尚 何 如 培 有 前 生 何 問 未 止 死 破 浄 日 見 可 得 : 「人 . 處。」 言? ? 義,不 只 先 於 從 義當生自 生 生 見有 義 日 死 利 : 關 生 辨 頭 死 若 生,義 得 不 從 在 清 破 生 當 認 死 恐

此 日 娓 精 謂 日 娓言之。 氣爲物,游 友以 須 年 生死 ·之事 從 先 Œ 魂 爲 生 月 以 爲 問,陶 微 初 此 變」及「原始 示 H 日 終 石 做 語 梁 而 起 日 先 也 : 生取 年之事 反終」之道 臘 《繋 月三十 不 辭 自

> 。」其 否 ? 問 友語 先 聖 生 塞。 賢 日 之樂 -先 生 有 只 日 此 是 : 理 從 子 戒 然 且 慎 從 子 恐 只 事 懼 於 是 中 謾 戒 得

問

來

慎

恐懼去。」

勘 教異 問  $\equiv$ 同 ,且當下 教同 源 辨 否? 人 禽 先 兩 生 路 日 莫 懸 虚

调 即 不 眼 辦 良 心 此 人決 古人成説 雖認 乍見, 志 有 則 得 爲 講 ,不爲我 亦 如琴譜,要合拍 人、不爲 説領受俱 如鬻 有 去家 禽 是 뾆 産 之志、 П 須自 護 偶 禽獸 復 方可。 「家彈 從 機 此 穽 荷 經

進 全 不 要 能 步 與 致 晦 其 翁云 剛 決。」故牽牽纏纏之人,斷 體 相 非 應, 至 提 明 得 不 起,放 能 燭 其 得下,才有 幾 是 非 無 至 健

念紛擾,奈何?」先 友問 : 承 先 生 生 教 日 某 静 吾 坐 輩 坐 心 時 不 愈 能 覺 妄

無 只 欲 爲 有 根 在 所 以 濂 溪 教 必 先 之 以

若常 關 曰 日 歲 : 矣。」先 「近 門 惺 静 舊 惺 人 坐 學 來 生 是 者。」 問 還 夢 養 謝 境 章 氣 門 縫 不 頗 先 I. 敏 新 人 清 夫, 生 日 功卜 無 先是 近 : 可 雜 先 工 以 夢 夢 變 何 先 生 亦亦 寐 化 似 生 己 有 ? 氣 打 時 嘗 質 無 破 年 書 夢 先 門 夢 Ŧi. 時 + 覺 聯 生

見 不 處 處 層 義 每 可 必 流俗之意,此意最 友人 自 拈 爲 刻 示後學 請 責 如 饑 ,故樂與 : 渴之於飲 否? 先 生 同 先 真 初 志商 生 年 食, 志 比 日 其 求 來 道 耳 實 從 某 鮮 及 事 自 有 今 學問 愜 幼 得 有 力 心

日 張 大抵人之大患只是 看 應鰲舉「 此章 書 顔 全要 淵季 識 路侍」 有 得 我 聖 認 賢 章 萬 請 形 質。 物 骸 爲 體 先 之 生

> 得在 身 周 是 兄 原 事 非 隘 將 有 來 中 者 我 流 是一 ,皆己分内 ? 父 推 自 思弟,是兄 與 弟 母 人? 處 祇 此 ,皆是喪 萬 己 今人能 何 不 道 兑 體,父有 及彼 看 物 自完 處 得 弟 不 得 口 審 可 把 所, 修 之説。 體 甚 亦 其 如 事。』假 成 與 容 車 儘 隘 己也 是皆 未 是 得 此, 間 我 裘 推 有 何 如 安, 隔 原 己。 不 則合 而 」,❷豈二 象 我 等 如 何 ? 是 弱 相 至 即 對 Ш 本 廣 推 參破 於 是我 通 天 然 分中 父 先 大, 不大 廣 今之役 體,兄 位 者。 地 所 思 生 得 更 天 子 謂 可 萬 闕 云 去? 便 孝,是父與 何 不 地、 職 物, 有 胸 哀 陷 役 知 處 不 乎 體 未 宇 中 育 時 力 如 吾 即 盡 可 安, 萬 者 廓 謀 與之 宙 何 人 容 物 本 推 即 料 我 内 亦 狹 家

<sup>)「</sup>何似」二字,全書本無。

<sup>「</sup>是」,全書本作「自」。

絕無勢利之念,這是人道的關頭。

夫 夫 必 遂 本 ? 至 夫 猖 無 愈 陶 先 則 但 狂 事 精 先 既 生 縱 事 密 生 夫在 識 日 恣 日 本 則 可 : : 流 其 不不 體 以 本 中。 學 爲 縱 體 即 無 識 者 横 愈 須 若 忌 本 須 自 昭 認 憚 不 體 識 如 瑩 之 定 識 認 歸 六 本 果 本 今 本 通 體 體 ൬ 如 謂 後 無 用 説 何 既 己。 礙 工. 下 識 識 甚 夫。 勢 I 後 得

作 詐 不 忠 佔 如 便 先 欺 看 宜 生 世 來 歎 事 盜 寧 忠 E 名等 於己謀 不 人 可 輩 謂 痛 者 日 爲 亦 日 人 少 戕 不 賊 肯 如 此 機 如 身, 變、 爲 己 誤 如 認 貪 故

恐 吾 好 若 名 未 輩 爲 之 倡 可 或 抹 之, 名 心 日 壞 而 耳 諸 如如 起 三代 友 先 是 今 當 生 率 日 以 裹 日 下 天 之會,來 足 惟 下 而 而 此 恐 不 爲 言 人矣。」或 而 不 亂 其 聽 好 臣 有 者 名。 賊子 亦 病 爲 名 日 有 字 這

> 若 神,所 世 生 大 事 稍 從 莫不有 抵 業 古人一 涉 謂 勳 聖 也? 名心 賢 誠 名 學 起 也 言 段 問 見 便 真 是 惟 動 從 先 至 誠 不 自 凡 生 精 故 誠 可信之當 日 不 神 能 起 建 在 見 誠 内。 立 不 ; 則 要 豪 故 無 時、 此 錯 傑 足 物 傳 一段 建 看 不 何 諸 T 立 精 從 後 事

心 謂 旧 欲 曰 吾 之昧。 能 無 輩 則 只一 欲 問 常 問 致 講學,正 ,只是 明 知 不 有欲 名 致 無 之 此 必 欲 心 上 知 如 無 更言 心 不 又 便 而 把 欲, 之明 須 能 後 T 無 止 添 斷 利 可 欲 争 若言 言 刃 所言 奈 明 頭 良 斬 何 昧 腦 致 知 ? 斷 有 知 否 相 此 欲 就 先 ? 去不 根 只 又言 如 生 耳 是此 先 今 日 遠 無 生 所

習 任 染 情 日 而 降 流 便 而 是 人 大 心 惡 萬 古 如 能 知 日 非 自 反 便

是 大 獣 彼 真 其 善 庶幾 是 可 可 見 乎 危。 善 惡 每 只 日 在 自 勘 念 做 轉 移 能 間 自 出 免 於 此

體 認 相 日 : 湊 只 時 即 泊 在 恍 識 弘 日 惚 夫, 認 無 用 祐 之見,不 終 乃 惡得 常 曰 索道 屬 : 行 想 以 中, 於虚 像 陶 可 專 邊 先 以 遽 談 無 事 爲 生 以 本 影響之間 言 爲 别 體 即 有 識 T 偶 少之?」 徹 認 有 物 也 本 乎? 所 可 體 得 先 且 以 本 亦 生 兩 識

更 無 餘 朋 友 事 中 可 明 相 ; 期 此 只 事 有 T 學 問 更 無 餘 事 事 可 此 T 事 明

起 無 日 浮 試 雲不 物。 友 敬 看 人舉「 則 念不 天行 礙 今且 心 太 中 起 健, 虚 飯 問 無 時 聖 疏 如 何 事。 食 嘗 人 何 先 之心 是 一息之停? 生 章 太 曰 請 虚 亦 : 質。 之體 然, 心 無 直 先 ? 所 是 時 生 謂 其 空 而 日 不 洞 不

> 起 念 只 是不 起 妄 念 耳

磨勘 儘 來 夫 日 也 仍 : 多差錯 得 是 問 然。 精 差 「今人 故 明 錯 但 不 夫子 自 故 體 然所 講 全 驗 重 道 要 行 到 躬 理 自 本 無 行 甚 心 失,此行先 心 好, 上 至 有 查 及 是 以 一考得 處 夫?! 按 其 隨 所 的 着工 先 生 行

之。」日 伊、 大矣。 方所之内,不 大。堯、舜之爲君, 所之外也。」問: 可 上天下地 謂 與?」先 周 之見大矣?」先 或 不 問問 無外之謂 可 「巢、許 生 ,況巢、許乎 曰字, 曾 日 可 : 點 謂 天,無 如如 讓 往 巢、許 伊、周 之大。 漆 天 古 何 生 下 雕 來 外 .謂 日 開 而 之爲 今日 之謂 遺 之大?」 : 大者 若 不 見 世 以 受, 可 孔 大 之士 相 道 宙 如 其 子, 意 猶 先 能 四 斯 無 謂 足 堯、舜、 海 然 外 何 可 生 超 之包 以 局 之 謂 於 如 日 見 謂 於 之 方 斯

天弗違 人乎? 先; 伊、周 伊、周 爲漢 以 之拘也。 即道之所在,其趨一也。 臣 使孔子而爲君,如堯舜而已矣;欲爲臣盡 孔子居君相之位,必复絕古今,不與堯、舜 九 一子之見大矣。」其人躍然曰:「先生, 道 . 過 垓, 相,孔子之所以 時既 '伊、周,臣之至也,使孔子 ,有原有委,可得 中國之水,或爲 而 同 白 ,後天而 況於 其量乎?」先生曰:「甚矣! 子言 已矣。堯、舜之所以君,伊、周之 )II 至,聖人 欲爲君盡 四 鬼 瀆皆在範圍之中 奉天時。 神乎?』知乎此 不 師,時爲之也。 君道、堯、舜、君之至也 敢 江 後。 而究 ,或爲 時未至,聖人不 天且 故曰 也。」曰:「然 淮,或爲 弗 者,可與言 而爲 ,其餘諸 違 時之所 前 先 相 河, 況 天 敢 命 于 而 爲 所 則 或 如 子

誠者,天道之本然。聖者,人道之

極至。

改過工 恕爲 所爲皆惡也,非 人不得。」 無 先生做諸 夫且用不着。」又曰:「爲不善却自 害,不知宇宙儘寬,萬物可容,容 生日: 過 也 吾 學者只 輩 習俗 有去惡 既深 可言

謂 而 知從此過而推之, 重先尚 其出 究之,後尚 吾輩偶呈一過,人以爲過亦無傷。 有 原,而 有幾 流 十層。 無 窮 也 有幾十層 故過 而 不已必惡 從此過 不

夫可言。 苟志於仁矣,無惡也。然後有改過工

君子立志之説 加 未至者,士君子反躬之義也。如爲子 寧學 聖人 而 也。 未 至 寧 以 無 以 善 成 善 名,無 成 名者 學聖

❶ 「推」,全書本作「勘」。

當 死 不仁之甚者也 爲 孝 而 爲 臣 曰「吾不 死 忠,古今之常 ·欲以一 善成名」,是又 理。 乃舍 見 與於 在 之

者。 落 道 何討 弟 乎? 影 友,夫子猶以爲歉,學者乃欲遠 響邊 下手? 陶 中庸》言「道 石 梁每 事, 乃門 愈求 提 識 下便 不遠 愈遠 認二字, 人」,其 欲 为 識 果 認 而 未 要歸 反 箇 經 恁 人 識 人以 之子 於 麽, 認 坑 臣 爲 塹 轉 如

苟 至老 有 不嫌 無 近看 孫淇 ,則餒矣。」 事 不合於義, 澳書, 覺 更 方養得 嚴 密, 謂: 浩然之氣。 「自幼

家 體認 《易》經從造化説到人心,其妙 出 來 處須自

畫 是陽 原從象數 加加 悟 畫 便 理 是陰, 來。 非 有 也

出

濂 溪 明道之語 淳 而 無 弊, 餘 亦 便 須

> 善 會

此 又復忙 字,不能 面 復紛擾。 與 時 學者或 門 動静是一是二? 亂 人講學, 打 症 ; 合, 雖二 或 於 如 於 静 何 見, 動 中 面 言 見 時 其 應 學? 得 頗 實 幡 道 謂 軍 理 近 陽 病 務 道 如 明 也 前 纖 此, 在 毫 軍 動 静 而 中,一 不 静 中 動 亂 又 時

心乎? 吾從 千 惡不善,正 曰:「人心 頭 萬 而 存 有讀《人譜》, 好之; 誠 緒,其爲 善惡者心乎? 去僞是第 止 是 有 人 有箇 好 性之善。❷ 矯揉也多矣。 惡 疑「 不善, 義, 無善」二字者。 機, 識者當 吾從 君子小人只 若説 好 便 辨之。」 且 而 好 心 惡之。 謂 善 有 好 箇 在 惡 惡 先 則 生 誠 便

下,

<sup>2</sup> 「是」,全書本作「見」。

學貴閣修,聲塵一 些不露。

學者務遜志以下人,隨處求益

先生倦 惓説箇誠字,又惓惓説思誠

先生愛舉「天下何思何慮」、「誠無爲」、

無欲故静,有所向便是欲」等語

廓然大公,物來順應,分明天地氣象。

無事時惺惺不昧,有事時一真自如,不

動些子。

物不 容之中,而有真實無妄之理。

以爲 虚, 莫虚於此矣;以爲實,莫實於

此 矣。

艮卦上達天德,分明到頭學問。 四爻

見也,即 屋 ~漏意。 示人以下手處。 大象思不 出 非

止諸 船,退藏於密也,船從昌,取 無事時,只居處恭便了。 脊吕之義。 背

其位,又示人下手親切工夫。

夜氣清明之際,正天心來復之期,從此

天理一點微妙處,提醒工夫,在有意無

有火然泉達之機,自有欲罷不能之妙。

意之間。

性即理 省察是存養精明 也 理無往而不在,則性亦 處。

無

往而不在。

謹名教,循規矩,不可詭異孑孑以

自命。

憂勤惕厲,聖人心法也。

尹先生只長吟「心廣體胖」一句,是得

手氣象,真深於慎獨之學者。

遷善改過是學者獨步工夫。

先生論寂感,曰:「寂然不動之中,自

有感而遂通之妙。」

静中工夫須在應事接物處不差,方見

真得力。

心中無一事,浩然與天地同流。

象山不差而慈湖差,陽明不差而龍

溪差。

坐間 之一元生 生意 工 日 爲學亦 此 日 夫,方有 本 周流 間 先生 斷 來 斷 耳。」●先生日 養此 百三 原 意 又 而 進 無間 周 從 無 步。」 一元生生之氣 何 流 間 觀 斷 來 而 也 春 ? 無 ; 夏秋冬,而 : 間 觀喜怒哀 日 學者 「有三説 也。」 知 間 但 而已。」曰 大 斷 從 知天 謂學者 《樂,而 足以 即 第 禪 之 續, 盡 句 知 一元 日 之。 正 人 做

絶四民之業。 一絶聖學, 二絶彝倫, 三

史者,以天下無心外之事也。」 ,其究也爲 友喜 讀 功 史,先 利。」又曰: 生日 -: 所貴 讀 史 先 而 經 不 而 後 窮

薛文清公隨處體認天理之學。

簡 無 ,私鬻祭産,先生訟之官,遂囚服 矯飾之意,非名譽心 予於本 朝 極 服 膺 吴康 净盡 齋先生,其弟 ,曷克至 以質,絶 此 不

非 中 之又如是? 道之意徹乎表裏,安能 使賄之,不變。 卒,先生所 東白斂之以 在官 使訐奏,被逮,卒於途。 學者以 陳克菴先生地位甚高, I賞罰 黜 立志 朏 絡衣, 吾有 吏張褧走京師 陟 繇 爲 出 以 此 第 曰:「成先生志 乎至公,安 觀 觀之,圖非平日安貧 一義,不立志不可 先生存誠之學矣。 使朋 時暑月,友人張 , 2 抗 官廣 友信 能 東 疏訟冤,中 使 之 布政 黜 如 也。」既 是? 吏化 爲 以 守

「正坐」,全書本作「不免」。

<sup>「</sup>先生所」三字,全書本無。

③ 「此」,全書本作「二事」。

<u>V</u>

誠,

當

下

已在聖人位

上,不

必

言學。 若人,至與 心。 人以 又 名位 日 (禽獸) :「人不 不若 不遠,真可恥之甚 人爲 · 知 立 恥 志 亦 而 當 不 也。」 知 發 此 羞 愧 心 之

之間 之即是,又多乎哉? 吾力以求之,故 作 世之遠人以 止 語 默 愈求 之際,無非 爲道者,以道爲一物,必 愈遠。 道體之流 其實 揖讓 行,反 進 用 退

或問剛體。先生曰:「立志即剛。」

得有惡?剛而不過便是柔克。」

或

問問

剛

亦有惡

乎?」先生

曰 :

剛

安

者? 静存 用之 日 用 主 之間 之中 一之微。● 間 或 故學者 問 往 ,始有過不及之事 差耳。 曰 : 往 有 不 過 某所存自 言以 必求之行事 此中先 ,何也?」 先 蔽之, 有 爲 日 間 己善。 之著, 事豈 誠而 隙, 生 而 已矣。」 離 而 而 發之 後 止 心 發 仍 求 而 之 造 之 是 日

他求。

過, 乎?二 復 湊 所 皆爲有益 遷改綱領也。 静 静,故學亦無分於動 所學,二 曰 知 日 聞 轉, 泊 惡 損、益二卦。 進 「不然。 於先生。」 武 動之病, 然。」已而 以後 德 於 進張 無 無 身 也。 。不識乾元,則心 以 起爲 日 心 要識 : 静 固 得此 非 無渡 了 日 對 懲忿窒欲,克己也 功, 終身用之不盡 體 此旨自元公後,不 無 得 綱 即 江 用 干 静 乾元 讀 先 領,則功 請 少 先 生 涉 有 正 以静 原之 日 生所著《人譜 乾 贵 於 得 無 : 先生, 知 力,總 爲主, 能 主 夫 心 學 一宰,爲 大始,懲 人 直 者。」先 也。二二 無 , 粗 圖 達 屬 遷善 便 先 分 入細 今日 本 人 外 有 於 生 緣 原 爲 牛 無 喜 改 動 叩 而

● 「存主」,全書本作「念慮」。

几

四二

好 先?」❷先生日 外之理。」問: 他 心只是此 處 ,求其放 養在 問 心 其 心 心,言心 性 而 中。 「存心 : 兩 已矣。」 三 字,是 故 而性 夫只 孟子 養 性 在 在 是二?」先生 日 」; 工 其 存 : 中 『學問 心 夫 天下 上,存得 以 何 之 .道 者 無 日 恰 當 無 心

之一郡 者 其 則 平,此· 政 平其 平, 邑令問 而 心 中 政 平則推之一 和 而 郡 爲 位 己 得其平,推之天下 政之要。 矣。 育實 際 無作 處。 邑 先 而 好 生 邑得 無 日 作 : 而天下 「爲 悪,心 其 平,推 得 平. 上

矣。」 腦 思 色, 誠 賢賢,疇 無 須從誠意來,已占了學問 蓋 語 友 有 人舉 好惡 曰 是 不 處。」先 『觀 發於性真,不可 思 賢 (賢易 事 親 之好好 生日 事 色」章請 恶, 君、交友,若不 「古人言學必 可 假 第 質, 以 也 曰: 知 義 其 如 爲 本 疇 好 有 故 好 頭 於 於 不

> 貫 之賢。 君、 本 於誠 去,所謂 親、 爲却 纔説 也。 友分上各有 何 賢賢 到 真 事 人 來 則 分 即 善 上 承 切 當 善之别名, 皆真,不是 便隔 靴 副 至 搔 不 四 誠 癢 是 者 心 賢 今日 隨 又 須 人 地

得 所 必 我 渾 身 不皆然,君、父二字可 有忠君之心,而 實 之 謂 有 然 而 父,君便是 萬 或問 有孝父之心,而後 誠 萬 物 體 物 萬 者, 至 便 此 此 物皆 萬 不 身 纔 後 物皆 我 親 在 見 備 成 之君 切 天 得 之義。 其 因 地 萬 推 爲 須 推 間,無 成其爲我之父; 我 物 却 我之君, 知 而 非 之五 先生 在 盈 名。 萬 身 少 天 物, 欠 日: 外 倫 地 如 此 缺 乎? 以 我 間 父 所 往 非 謂 便 本 纔 何 我 實 莫 然 見 是 無 反

<sup>0</sup> 其中」二字,全書本 無。

<sup>2</sup> 以 何者當先」, 全書本作 還 做那 還

者,即上文反身之功、思誠之則也。」 如之!」曰:「敢問恕與仁之别?」先生 恕即仁之下手處,非有安强之分。 强之云

址,每 習慣便成自然,既成自然,❶則離此 樂,奈何?」先生曰:「人未嘗不自知苦樂。 人往 時,心安意肯,有欲罷不能之妙,比從欲惟 作惡之人,始初心地上亦打不過,只因 苦趣?」先生曰:「以苦爲樂。」曰:「以苦爲 得乎在 營營苦趣者,則 危之樂,何啻霄壤之分乎?」曰:「 日與之親切,緣來都自我本來故物。❷ 正爲耳 往 問:「學在尋樂乎?」先生曰:「對一 事設箇勉强 初學道者,一下便從打不過處立 我而已。」曰:「然則世人何故自尋 去彼 自 聞 而 見 取 都 樂。 是 此,又何也?」先 法, 漸次積習去,自 君子無樂可 副家當,❸便習壞 然則世 生 刻 到 然 漸 但 日 此 便 基 漸 適 種 日

> 乎? 從其 權?」先生曰:「立誠。 權,不見平旦之氣,其好惡 人。」曰:「何故性無權?」先生曰:「性 煩惱了人。 天下事大都狗名而未嘗責實,吾人之 逆而 少間把捉不定,便與俗作緣,然終覺 苦者乎?」 學者將從其順 問: 立誠之外 而樂者 與 如 何 無學矣。」 相 乎? 奉 近 性 氣 本 以 抑 象 有

子喜獵心勘之。」 破十餘年矣」,●予謂尚説得容易在 或問勢利關。 曰:「昔謝上 一蔡曰『 當當 以 已打 程

病,

大都責人而不知反己。

先生日 邢 生問:「四 非 也 教疑 此 博約之説 亦就根器 也。 而 施 自 與? 文而

自我本來」,全書本作「是我本然」。 既 成自 然」四字,全書本無。

家當」,全書本作「當計較」。

日 昔」二字,原脱,今據全書本補

之性 約之行 心。一 則 自 日 信 行 而 約之心, 忠、信有二 則 日 義 忠; 説 不得 自 心 只 而 是 約

息之 先 斷 他 通 日 生 : 誠 即 機 祝淵 日 此 則 要 是 心 復 常 無 人 問 原 若 即 息之 提 是 生 有 醒 天命之不已也。」以下 醒 思 意 體。 否 醒, 慮 静 求 ? 0 時 静 其 純 生 是 要 乎 先 便 無 生 只 天 生 是 不 思 是一 理 日 己 無 寂 : 慮 滅 無 同 誠  $\neg$ 祝 時 不 造 淵 節 記 誠 毫 必 祝 化 ? 淵 間 提 則 不

上 打 疊 不 乾净,聲色 必 在聲 色 貨 貨 利 利 念 上 頭 鍥 自 然簡 除 只 淡 在 T 本 體

惟 孔 虚 孟 故 之後,論 能 誠 性 惟 學 誠 惟 爲 能 濂 虚 溪 爲 是。

處,不 顔 · 是他 子「高、 得 力 堅、前 處 他得 後 力處 章 -,是 全在 他 不 苦 遷 心

怒」二句。

去着 息, 語 清 明 在 落?」 先生 吞 而 聞 言 最 也 云 嚥 若 好。 只 之,常覺 落 淵 7 不 涵 吾 下 他 問 養 常常提 ? 句 儒 0 日 只 日 先 話 静 : : 淵 在 而 儒 即 坐 心 己。 醒 請 禪 動 云 猛 時 舉示 静、 家 而 原 力下手去做, 略 蓋 事 已。」又 參 自 語 綽 心 物 話 有着 默、 之本 提 先 不 頭 撕 曰 生 作 交, 玄玄 落 體 日 止 便 的 原 却 門 之 是。 生硬 初 覺 間間 坎 如 學 不 如 之 薛 覺 何 離 大 得 何 物 此 文 患 要 即 己 着 調

爲 得 學 固 無 間 動 静 初 學 亦 須 謝 事 静 坐

不 可 荒 淵 言 廢 立 亦 志 不 之 可 難 拘 迫 先 生 人 之於 日 : 道 學 者 猶 魚 用 之 功

0

要常提

醒否」,全書本作「只要嘗提

醒念頭」。

❶ 「思慮」,全書本作「實無無思無慮時,思慮是」。

<sup>716</sup> 

學者信 節 志 中 將 於 身 水 更要立 字 先 跳 生 得 也 魚 及,則 終 曰 多。」王毓 志 勢 日 : 往 必 在 無 此 何 跳 水 適 是 處 在 芝舉 而 忽 吾 求 水 然念日 非 道 外 儒 道 ? 誰 最 矣。」 人何 能 上 知 『吾今人 出 得 嘗 層 不 及 不 學 由 連 水 在 户 術 立 道

將 反 身 覆 體 印 人 驗 證 須 纔 用 功讀 見聖· 番 書, 疑 人 説 將 聖賢説話 話 番 是 得 真 力 實 不 反 須 誑 覆 是 語 參 實 求 實

履 朱 夜 略 竊 人 言華 代 歎 時 履 坐 不 致 先 優 先生之嚴冷,深媿 先 胸 衮 向 游 顧 生 中 生 先 往 寓 亦 無 日 之 潞 某 一:「蚤 生 異 誠 河 生 流 亦 念 并 時, 述 俗 唯 及 間 其 此 ? 唯 有 否 某友 父 吾輩 ? 不 生 某 不 死 一家 生 父父 知 因 丙子 顧 向 世 來 他 舉 既 謁 爲 當 Ė 難 先 其同 死 世 迨 年 鳳 求 生 别 情 難 换 洲 埋 去 唯 先 來 E 何 没。 唯 淵 得 友 生

> 手 年 俱 何 刃 衰 孝 父 父 子 既 絰 ,父含 警,終 被 淵 戮 悚 冤 身 鳳 然 死 衰 洲 有 經 白 省 孝 不 幘 子 改,殆 終 能 其 文 身。 章 臨 斂 絶 又 及 意 舉 傳 進 蕭 取 Ш

之道 蓋 怒 未 嘗 顔 復 子 句。 而 要 行。」 時 知 識 不 時 人 故 得 貳 過 必 過 曰 過 時 如 者 顔子 時 「有 此, 知 非 然 不 是 時 後 善 生 終 謂 未 時 學 身只 之好 復, 嘗 問 不 通乎 只 學。 有 知 在 畫 知 不 過 遷 夜

滋 席 多 有 味 S 所 無 著 某 論 友 譬 撰 衆客不曾下 ",以 請 如 我 日 惠後學。」 : 是 庖 先 廚 得箸 生 讀《易》已完, 先生日 般, 連 整 庖 「議 備 人 亦 T 許 得 未 論 嘗 多 間 儘 乞 筵 其

之樞 紐 小 周 德 子 |I|流 太極 大 圖 德 説 敦 》本之。 化」,爲 中 庸 \* 書

《中庸》全部收到闇字,最是聖學真

種子。

好,裏 言 凡 不 利 不 利 好 底 容 非 外 好 之 利 X 邊。 利 私 不 先 名 擇 不 邊 甚 渾 住。 定着 之 害 善 生 而 受病 是 身 名、 己 夜 所 道 能 真 是 坐, , 好 以學者 好 工 非 擇善, 率 益 假 因 名 語 夫 名 利 深, 歎 所 再 到 淵 之利 最 名 要在 不 究其 以 邊; 無 此 日 害 利 特 : 際 救 道 撥 二字 所至 無 説 顯 心 纔 藥。 吾 上 便 不 然 不 好 嘗 是 轉 辨 用 名 好 倚 外 適 利 手 謂 之 名 利 工 伏 邊 0 之 段 以 世 大,工 至 定 判 甚 老 修 成 人 間 如 斷 精 微 着 辣 其 飾 好 人 不 得 夫 好 説 自 其 諱 利

學 先 何 狠 生 起 下 便 見 手。」 先 日 是 ,若從 : 生 異 語 毓 既 端 芝 毓 君 爲 芝曰 日 儒 或 只 : 者 要 上 : 起 只 體 若 自今去, 見 爲 勘 定 舉 我 要 便 子 爲 棄 是 舉 業 須 天 去 業 將 舉 割 理 念 業 此 不 ; 若 頭 得 事 爲 從 從 聖 狠

> 承,此 崇 明 榮 内 究 點 中 異 外 竟 階 後 進 榮 常 於 上 大小之 華 將 人不知不 進 自 起 人 膴 無 之 己 見 處 念 同 所 辨 身 ? 是 不 消 便 不 上 覺 只 穿 至 是 除 曾 可 被 不 衣 私 不 有 不 能 子 間 欲 浄 同 明 謂 巷 自 毫增 是 只 主 士 正 喫 些 人 爲 飯 益 遂 小 愚 自 平 高 否 鄙 何 日 初 擡 驚 念 學 曾 第 起 所 喜 以 在 問 有 以 奉 半 至 胸 不

發; 全 不 至 在 後 踐 議 儒 履 論 議 好 遠 論 看 不 儘 如 明 前 備 輩 9 往 往 可 見 發 學 前 問 喫緊 所 未

Ш 己 事 知 求 天下三分,後 可 功 求 成 便 面 是 六 霸 出 術 祁 Ш 武 定 侯 要 未 身 出

非

<sup>● 「</sup>吾嘗謂」至「一撥便轉」,全書本無。

<sup>2</sup> 爲名 特 顯 類 利 然 而實 至「一 非 毫容 爲 不 住 全 書 本 作 類 名 而 實

死營中,此其人何等光明俊偉。

喻 起 道 註 見 盡 謂 於 利 者 心 恥 即即 凡 惡 役 吾 是恥 乎 衣惡食」,朱 輩 外」,俗 勿 惡衣 論 道 惡 學 念俗 註 食之根 種 謂 子 念, 被 識 稍 此 兩 趣 之謂 從 卑 先 軀 生 陋 小 殼 1 字 人 + 程

宇宙 殼 子 在 上 毫 間間 宇 人 上天 起 我 宙 道 見, 相 間 下 德 , 着 此 地 事 須 是 功, 日 將 宇, 内 毫多 在 身 外、 人 往 子 寡 在 古 與 公 勝 我 萬 來 私、 負 今 物 總 相 王 日 是一 總 例 宙 霸、 之爲 看 般, 義 士 軀 着 利 凡 君

此 離 心 却 心 每 之 聽 昔 人 心之 静 心 人 命 體 解 焉 動 别 人 也 無 體 心 道 也 如 道 然 心 此 ; 當 心 當 説 衣 如 衣 是 説 當 知 而 食 道 寒 衣 審 身 思 心 當 爲 于 有 衣 義 食 主 知 一,而 理 心 而 饑 矣。 食 即 思 人

> 又 與 要 思 起 衣 箇 思 當當 食 衣 \_\_\_ 時 而 並 衣 當當 到,不 食 是 而 食 説 的 思 念 衣 頭 思食了

皆 纔 氣 氣 着 所 役 物 也 心 便爲 之 非 非 便做 炯 心 然 也 主 所 常 牽 不 覺 一引去。 得 故學者 者 氣 無 必 凡 是 時 先 不 養氣 切 種 然。 憧 浮 游 憧 只 之 往 因 氣 來 爲

不 即 功 徐 如 便 不 讀 有 世 疾 書 人 種急 純 即 難 是 讀 通 迫 强 書 處 不 陽 便 且 雅 之 是 留 馴 氣 養 下, 的 用 氣 氣 難 事 象, 記 所以 處 此 且. 最 讀 留 礙 書 下 事 用

他 便 便 心 馳 與 不 心 得 向 天 自 同此 外 開 地 邊 相 闢 理。不合將自己 去。 似 至 位 今日 人苟 外一 識 神 切 得 聖 恢 心 至 張 看 體 凡 得 炫 庸, 素 赫 小 分毫 位 T ·, 精 而 同 行 動 神 此

甚 微 平 İ 毫未 [學問 浄 專 爲 日 掃 後 除 當 勢 熱 利 鬧 場 但 中 此 念 潛 見 伏 口

不住。欲,便從此一毫未淨處牽引將去,便是站脚欲,便從此一毫未淨處牽引將去,便是站脚

泊 自 非 切 不 得 真 誇 學者· 有 多 定 然 有 鬭 儒 力,有實爲聖賢之志 志 捷 門 爲 積 澹 學, 習 泊 盡 便 是 情 將 其 弄 掃 本色也 聰 除 明、 銷 自 計 歸 耐 毁 闇 此 譽、 淡。 澹

窮 手 至樂,不能 日 便是聖人路 不 累 則 獨 得 積 日 善 漸 明 易 深, 何 上人。 無 日 也 等浩落 簡 向 人 非 束 後 自 不 不 出出 忍抛 放 日二 無 何等 過 鬼 即即 却 責, 日 坦 前 此 以 達 功 蕩 至 則 自 六 日 共 雖 日 然 繇 歇 有 七 日

齋譏 語 此 語 甚 是。 之日 亦 有 翕 病。 : 聚 如 陳 則 是 白 不 則 能 沙 將 發 日 此 散 理 藏 作 而 以 簸 後 心 弄 發 體 了。 觀 胡 敬 此

擇善不是外面去擇,外面人品之邪正、

之氣 惟 免 去; 事 心 高 理 粹 疎 精 無 爲之是 舉 手 易、只此一念,便流怠慢邊去。 然 惟 通 夾雜之中 動 勢略 體 中 未 之功。 流 非, Œ 免 略 露 略 輕 此 緩些,聲音 稍 此 率 易 無 之謂 稍 些子 明 只 手 白 此 勢 動 過 容周 未 重些, 些 惟 念 免過 於 子 旋 便 此 聲 不 悠, 中 流 音 中 禮 及 須 舉 未 粹 躁 此 是 動 免 中 動 然 過 是 和 此 未 邊 天

害道 行。 盡 滯 在 路 其 步 不 境 歸 凡 試 在 1 問 界。 時, 我。 未 切 此 只行 得 事 留 譬 惟 歸 功、 滯 如 坐 路是坐下 躁 行 却 下 德業、 路 急 躁 的 刻 念 急 成 頭 欲 所 人 事 敗 當 欲 歸 務 何 要 爲 可 利 爲? 以 到 的 鈍 非 歸 家 素 不 都 當 此 却 位 是 可 前 最 其 留 而 不

字須 要 讀 用 古 他 人 書 字,都 一,讀 是 句 計 須 功 要 利之念 鋪 張 句, 讀

從 件 俗 道 爲 説 謊 理 之, 胸 昧 字甚微,不 中 了 明 自 曉 心, 得 是 該 隨 説 得 人 以 如 脚 亡 此 步 爲 外 , 有 此 面 便 姑 只 是 是 且.

説

謊

之可 或 是隨 失。 放 心 Î 擬 求 聖賢 ,亦可該數義 此 也 指 放 心 點 隨 心,或 本 舉求 欲復 方接 善 日 自 引 此 致 即 氣 心之良,初 良 或 可 拘 知 該 日 物 或日 數義 慎 蔽 獨 以 無 存 來 舉慎 或 門 天理, 日 往 户 獨、 求 名 往 求 總 目 昧

學問 隙 只 空 是 處 學者 此 可 言也 ?,亦不 心 無 不必去除 ·使 刻不 有 念慮 在 毫墮 坐 於 下 亦 用 形 不 着 必 氣 要不 不 此 使 外 起 别 有 意 無

充 ~; 即 塞 宇 所 俯 謂 宙 仰 講 是 静 明 講 之學, 觀 明 物 , 理 語 不 默 是 無 動 靠 非 静 定 師 書 友 即 册 語 仰 默 動 觀 道 静 俯 理

> 理 耳 是 一分作 講 爲 講 明 兩 明 截 講 朱 T 子 明 釋 後 格 纔 致 去 未 做 嘗 誠 差, 意 工 只 夫, 不 合 是 將 以 道

間 子之誠 ,於此益 子 嘗見童子持錢人市, 故 也 驗得 即 誠 能 此 便 動 物。 見 渾 莫之或欺 沌 氣 象 尚 在 以 童

培得 論聖 是 良 不 知 曾體認 凡,不論今古,時 夜 、性善,此是聖賢 孟子言赤子之心,言夜氣,言本 氣所存,便 得 見 得 喫緊 時 渾 具足, 箇 沌 唤 氣 醒 象。 人處 箇完全,只 此 心,言 理 但 不

氣 勝 審 知 問問 泛 有 如 濫 ,有難字便 下 後 何 生 章,讀上 而 得 多者。 讀 長進 書 一句 ? 要 須 今人只是一種夸多鬭 不 要 查考,如 知 細 有 心 下 理 此 句, 會 讀 有 得, 讀 疑 少 上 義 靡 時 章 便 定 習 要 不

今人讀書,只爲句句皆已明白,所以便

無法可處。説道理亦然。若有不明白處

便好作商量也。然徐而叩之,其實字字不

明白。

柔佞輕巧,終身不可救藥。

明是明此誠,誠是誠此明。

生死 從 鼎 鑊 關 凡 影 刀 頭 鋸 響 學 上 此 問 打熬過始 用 平 不 · 着 日 間 學 模 者 樣 用 儘 功 好 須 到 實 勢 實 利

之,所謂尊德性 尊 心 即 所 以 而 尊 道 德 問 學 性 , 也 尊 心 而 耳 目 從

也,舍心而尊性。 人品之壞也,雜品而言才,學術之壞

東萊 利 此 不 種 可 計 早年 不 下 凡人學術,以 功 慎 種 之 留留 子,終身不能 説。 心史學 時 所讀之書謂 在 先 丁,其後 昔 入者爲 賢 變易。 者 遂 偶 爲 主。 不 然耳 賤 免, 昔朱子譏 王 少 尊 況 時 其 霸、 肄 後 實 習 之 謀 吕 即

人乎!

惡也。 吉 盡 於此 [X] 悔吝爲之緯,以善補 以 易》教所言趨吉 今人解吉凶 矣。 元亨利貞 爲之經 都說 避 向 以 [X] 過 人事上去,大錯 者, 中正 爲 要歸、易 蓋 爲之的,以 趨 善 而 避

讀書須再三潛玩,意味愈出

却。 子 終身愛護,却 頭 ,此心 日 子。 此 人被 譬 纔 最 私 有 得 警 欲 志 廓 不肯向 切 汩 聖學, 然。 没 火 朱 如 須 中 晦 飄 盡 煅 翁 人 情 煉 譬 大海 斬 人拾 煅 却 煉 終 得 不 便 身 留 知 無 銀 抛 出 此

爲學喫緊是要打破一欺字關。即如居

■「尊心」上,全書本有「學者惟有尊心而已」八字。

更 都 常 説 是 語 恁 此 默 麽學問 欺 動 字 静 下 最 ? 根 微 株 吾 最 這 細 若 裹 是 簡 纔 此 點 説 字 着 不 學問 剗 到 除 處 不 便不 錯 盡 失

容

假

借

分

毫

吾 正 今之視 正 勸 色 諸 淵 曰 事 昔 公着 偶 功議 心 語 眼 : 論 術 明 却 萬 不 些,不然,後之視今, 好,不似 曆 IE 相 更説 業 今時 0 甚 張 事 相 江 功 臣 陵 議 心 先 亦 論 術 生 猶 欠

義 者 君 宰,只因 除 思 先 養 去 雜 生 反 聽 日 淵 自 念 心 只 今以 之法, :「邪妄之念,自 問 命 不 向 莫 能 於氣, 來没有養氣 增 往 静 他 必 切 遂遷 坐 事 先 剗除 一時,游 事 養 人心之靈,本 流 求 不 氣 積 慊 工夫,氣去動志 思 然 ·妨且 漸 養 于 存 雜 氣 心。 留 念 無 與 之 不能 所 不 放 自 昔 功 不 得 下,不 做 莫 賢 至。 盡 如 得 若 所 除 天 能 集 學 謂 主 游

> 然逐 條 日 之間 件 如 銷 此 除 做 閒 去 言 漸 語 漸 少 説 歸 併 幾 句 路 閒 游 事 思 件 省 雜 念 下 自 幾

己 身 是 本 他 人若. 與 根 凡 株 游 天 無 思雜念,究 體 私 名 相 便 利二字, 似 與 天 天之 所 體 自 總 所 起 般。 根 以 我 畢 爲 見 竟 天 生 名 無 利 來 私 字 而

着皆有警醒。 學貴自得師,能自得師,凡邇言近事

觸

之則 先 先 過 生 有 爲 是 學 淵 日 所 : 者 見 見 離 先 作 之則 兩 如 聖 生 家 無 之 於 非 所 功 雲 言 見,所 門 吾輩 悟 而 舉 祁 謂 會 果 季 言 遷 中 有 超 所見? 修。 改 淵 則 俱 以 以 總 無 見處便 學 遷 之,合 當 者 善 也 必 改

<sup>0</sup> 曆 徑 回改 原 作 歷 不 再 避 出 清 朝 校。 乾 隆 皇 帝 諱, 今回 下 文

學問 惜 力 道 到 道 是 製 遷 水 也 地 盡 彼 只 改 深苦索,於凡事 釋 見 聲, Ш ; 窮,看 果 在 氏 然從前 作 能 則 揖 遷 來原 懸 打 改 空 恭 己 想 是 遷 變倫 枉 吃 着 開 改 却 飯 天 口 處 物 許 措 穿 地 正 多 衣 足 間 是 心 切 本 處 别 見 力, 等 不 有 無 理 真 所 所 吾 非 口 謂 即 謂 此 儒

胸

有 即 愛 如 Ш 人 人 心 忽 林 有 心 不 此 厭 可 朝 有 即 市 欣 是 厭 心 厭 Ш 此 有 林 即 欣 心 是 厭 戀 便 朝 有 市 取 心 舍。

724

舉業、 之病 事 病 人主之病,病 聖學 在 學、仕 爲 二事 爲 ; 在 朝 通 事 講 ; 之病, 爲二 士人之 事 病 ; 病 在 士 言、 大 病 夫 行 在

居 即 獨 處 有 退 時 志 而 與 省 爲 學 大 其 庭 私 鮮 廣 不 私 衆 背 字 爲 地 即 有 獨 小小 箇 處 家計 小 之 視 時 聽 必 言 如 得 動 燕 今

> 與 承 祭 見 賓 時 爲 如 此 纔 口 稱 爲 好 學

五三

漸 莫 而 祗 潛 善 吾 先 悔 悔 消 輩 漸 便 中 此 促 默 知 0 行 纔 胸 顔 緊來 化 過 中 子 有 謂 悔 如 略 怒意 纔 知 響之 者 頻 知 之 有 以 復。 無 過 外面 喜 未 抵 幾 應 便 其有 吾輩 意 嘗 微 於 聲 能 外外 不 滲 復 改過 便 失而 遠 不 漏 行 如 有 面 也 能 何 嚴 故 後 便 其 幾 行 到 能 厲 有 有 曰「不遠 不 之不 乎 顔 不 之色。 悔 舞 行 子 · 行 ? ! 蹈 也。 處 懈 地 之狀 最 位 復 後 有 顔 有不 微 面 Ħ. 失 無 子

應 用 神 義 事 只只 接 也 學者只管言覺體 物 在 自 見 然妥當, 得 己 過 不 知過 不知 必 更言 改 心體 過 是 覺 原 覺之第 是 覺之第 如 此

坐下 不 明 白 在 章 句 上 勘 求 章句不

<sup>0</sup> 事」,原作「字」,今據全書本改

明白,在坐下勘求。誠能在坐下勘求,未有

不明白者。

做 工 一夫,縱 吾儒學問 然 面 在 壁 事物上 九 年, 一磨練。 終 無些子得力, 不向 事物 此 上

儒

釋

之分

也

私 此 爲 氣 而 質所囿 人性· 以第 中。 其 復 本無所 也, 要改 便有 繇 爲 過 于本心之覺。 過 過 處 亦 其 過 過 無 於 也 所 彼 爲 有 ()便不 不及處 聖賢 於 形 及 心 氣 於 法 之 只

曾放 事 安 心 來 升 而 大 先生 降下。 下,因 此 成 癸未四 想 中 火。 抵 憧 此一 語之曰: 家 憧 學者只 在 月十七 ,終無歇 舟 時 抵 不 拘縮 家 因 日 安, 終 後 息 日 舟 · 未 因 種 次津 説 思 遂 事 飛 免不 降 從 汩 揚 未 門,子 氣 跋扈 没至老。 陸 T 得 ; 曾 發舒, 從 之性 又 汋 不 復 陸 肯 病 遂 未 不 將 氣

> 吾只勸; 是者 爲 養心之法。」 而 爲 何 也 汝放下罷 的 ? 若是 蓋 大 即即 安土 此 中 此是却 敦仁,自 紛 紛 擾 病之方 然 擾 当皆 隨 即即 遇 是 而 此是 有 安。 所

得之以 之妙。 得 也 具五行之性 如 人,物得之以 之以 此説,是先有個 以下 濂 故曰 爲天, 爲道 溪《 又 是 太 : 即即 極 爲物,即至 地 不 陰陽之上更無 此 段 置 得 知 是陰陽之理 太極之理 冷將 説 之以 盈 ×, 天 天 前 爲 根 地 地 面 荄 地,人 間 貯 與 是 太 皆 鱗介,無 人 ,即此是 在 極 是 分作 空虚 得 段 也 此 之以 個 前 兩 太 不 惟 天 各 爲 極 人

至當 陰 立 陽 地 不易。 之道 不 淵 陸 可謂 子所言 問 日 《易》曰:「立天之道曰 道 柔 禪 將 陰 與 家 剛,立人之道 陽已 參 義 話 亦 是形 不可 頭 而 亦 謂 上者」, 道 是 乎? 陰與 求 與 放 此 陽 心

Ŧi.

四

死 否 ? 氣 先 吾這 生 日 裹 純 是 他 生 是 生 死 不 心 已之機 法 此 中 是 股

心 子 明 真 加 亦 講 可 天 \_\_\_ 焉 不 果 血 明 見 儒 既 先 能 先 失 事 雖 脈 此 者 有 生 爲 撥 意 生 求 窮 不 意 一誦 孔 曰 亂 可 居 可 生 明, 必 反 不 出 有。」 一此 功 才 正 如 損 師 求 必 此 焉 淵 却 論 亦 未 成, 如 而 未 如 最 捷 分定 此 後 大 凡 曾 于 何 好。 身 而 知 日 生 先 故 後 孔 : 孔 切 吾 在 也, 死」二語 知 明 計 儒 明 假 如 終 雖 身 學 使 功 此 此 身 問 謀 是聖 大 上 當 世 草 行 利 界? 加 年 只 日 廬 學 孔 之 不 要 此

初

度

日

問

孝。

先

生

嘆

日

吾

輩

時

時

:

身即 此 恨 身 欲 務其 父 報 淵 母 之 初 度 之身, 無 (遠者 日 繇 , 大者 身在 先 先 生過焉 生 而 即 日 己 父 : 母 淵 父母 在 感 父 雖 今當 母 不 早 在 愛 吾 背 重

淵 問 先 生進 學 亦 有 次第否?」先 生

> 免 研 畢 近 曰 有 竟 來 究 變 人 此 雖 初 微 識 稍 除 年 見 有 未 悠 意 所 盡 毫假: 忽 見,然 思 過 頭 未 借 T 出 浄 却 不 日 頭 在 得 不 子 没 細 能 晚 時 勘 心 年 有 來 與 動 漸 理 名利 處 覺 爲 繁 方 , 未 雜 字 知

速 讀 明,復思旁及,此 多 厭 將 不崇朝 竟則 許。 飫 君 善讀 父 放 無 今人讀 唱三 書者 味。」余謂 ,精神已 在 面 嘆, 書 前 于 只 中 神 先 便 讀 讀書 泛 清 疲 書 濫 氣 毫荷 味 罷 得 亦 不 定, 誇 養 然 且 昔 多 勝 讀 身之術 鬪 人 忙 得 得 謂 靡 迫 少 : 此 時 仕 優 如 段 勝 宦 未 此 游

有 昔 下 人 有 全 書 云 本 : 有 生 即 有 天 五. 亦 幸。 初 無 此 等 幸 意 爲 思, 不 過

出 此 人精 光便了 更不 計 其利鈍」二十 七字。

0

幸爲 身; 幸爲男子,三 又 無所不 味 長 又須 士大夫。 戚 至。 戰 戚 戰 隨 幸有父兄, 這分明是顛倒了。 兢兢,惟 便當 處都若不足,及至放 洒 洒 恐 落 四幸讀書識字, 墮落此 落 自 家 身。」今人 尊 肆 重 五. 却 此

滕文。」 君 如 日 爲學之志 : 也 此 阽 孟 春秋之世,道在衛武 後 危,而信道之篤一 子 人即知爲學,稍 全副 都灰 精 T 神交與滕文公, 那 得 如 稍 至于此,真千 此 境 戰國之世 篤 履 艱 切 文公 ? 難 吾 古 或 道 便 在 嘗 將 勢 賢

其亡 子因 可 語。 此 真 免 識其 之不 乎? 痴 君臣 惜也 人説 早矣。 之義,無所 心。 董 '越境乃免」六字,是夫子誅 夢 狐一亡 彼 將 後 不越 人 以 逃于 把 爲 夫子 境」, 越 夫 境 地 話 此 可 之間 語 看死煞了 免,將自惜 自差,夫 即 心 越 之 境

之深如此。 「江漢以濯之」二語,是形容心體。聖

漢陳 道。 者不能,俱宜表章,以 楊雄于聖統 仁,夫子 種議論,害世不小 乃後 象山 蕃、李膺、范滂諸君子,非從事 節義之士 屢屢言之。 人 見道甚真,朱子學力甚苦 謂 ,録昌黎《 一,後儒 其行 險 多所不取,不知 如 與大顛 僥 見節 屈 倖 大夫、賈 義 《書》爲 而 與 周 聖 海 長 聞 學 於學 殺 道 沙, 反 無 身 問 此 列 東 成

哲之説 地之間 自説 不 危邦不入」,夫子 乎? 得此 ,況祖宗數百 一語。 君 年 臣 就 培養之士 之誼 當時 無 如 可可 此 所 説 托 逃 今人 言 于天 明

本心是 吾人只 也 率 學 問問 初 深 念 者 做 去 率此 便 是 念 去 此 孟 子所言 學 問 . 未

是臨 意 念時 已,必遂其 醇 反惑矣。」《孟子》「可 相 必 復轉 發 事 有 河,此 揣 轉 度, 私 念 念, 與 正 而 夫子 所 己。 然 仍 謂 而 與 轉 不 是 以 故 初 念 非 日 取 日 念合矣。 與 之心 可 如 三則 初念合 之何 以 仍 無 在 若 私 ,如之何 取 也。 意 轉 當 轉 起 其 節 而 不 轉

門 輯 程 門 其 惟 壁 帖 尹 和 大 靖 半 無 是 失。 録 前 和 人 靖 語 不 事 心 著 無 述 往

而

不

在

是窺 見至隱 東銘 影戲 底 言出 語 後 于思,戲 人 推 尊 動 ^ 作於謀」,此 西 銘 而 忽

東銘 》,何 故 ? 3

子 往 凡 説 事 而 淵 不 不 問 離 在 微 此 顯 無 不 微 心, 間 可 體 分 心 用之義。 外 外 語。 無 面 事 可 見 事 先 者 外 生 爲 無 日 事 心 : 0 吾 故 無

此 心之覺,自堯、舜與桀、跖 也 而 其

> 善者 也 所 以 ,專指此 氣 有 有 堯 萬 舜 殊 心之覺 桀 則 跖 性 之 處言· 有 殊 萬 者 也。 殊 以 其 孟 子 氣 所 有 謂 萬 性 殊

以一 此 必 察要 是 不 爲。 作聖 毫 精 静 私 明 而 朱子 要 意自 ,見得義 存養要潔 領,此 日 蔽。」周 示不 當 外 净,不沾 更 爲 無 子 以 便 日 别 必 爲,義 法 毫 私 無 塵 欲自累,不 欲 不 ; 故 當 動 爲 而 便 省

掃 風 那 迅 掃 或 人 邊也。 問問 心 更無點翳。 之私 「上等資稟人 吾嘗夜坐看此,最 如 千尺 不是説 浮 宜從 雲, 掃 陸 層 了 有 子之 層 會 邊 障 學,下 蔽 更 去 疾

等資 稟人宜從朱子之學。」吾謂 不然。 補

孟 子 可 以 至 初 念 也 原無, 今據 全 本

<sup>2</sup> N' 無往而不在」六字,全書本無

而 忽 東銘 何故 」,全書本作「真不解」。

只 是 是 是 資 無 有 心 向 不, 碍 個 稟 外馳 人,方 本 假外求,有 若下等資稟人,必須先 領, 求 可 去做零碎 ,鮮不悮 從 事 了 朱 本 盡 子之學, 工夫,條 領 平 生。 方去爲學,不 以 分縷 識 其 得 胸 析 道 中 然 在 亦 己

我 心 可 之 以 道 求 無 理 往 得。 行 着 而 自 便是,不 不 在 朝 至暮 也 不是説 道 無 有 往 箇 道 而 理 不 在,以 在 彼,

切 也 大 ? 小 、順逆, 不 道 那 可 理 得 須 千 不真 摠 變 臾 在 一萬 離 篤 此道之中 化 可 離 無 非 非 道 此 人能信得及「道 也 心之妙。 那得 不 吾 親 身

辭 養 此 讓 之心 箇不 積習儘 忍之心,勿 ,摠要平日 有功,君子 養 使 得 戕 遠 完 庖 賊 成 壞 廚,亦是平 了。 凡羞惡 時 涵

此 個病 友人言及失第 痛 最 深,如 今學 後甚 難 問問 排 正 遣。 一要打 先生 破 此 闘

> 無益 之則 處 我 去始得。 大 頭 樹 以 作 生 下 自 處 愠 即 T 0 此 第 動 般 安身立命之符,除了 有 陽明 並 我 他 生 今日用 坐之際,一言順 純純 心 全被 根 先生有云: 爲 是 株 恥。」此念勘 得 既 功,要將此箇 此 失、 深,徒 種 念 毁 人以以 學、聲、聲 頭作了主。 然 之則喜, 此 得 斫 念,更 根 浄 下 去枝 色、 株 盡 第爲恥 貨 盡 無 不 葉, 譬 站 利 必 斫 摠 如 拂 脚 念

- 0 之至; 也。」」 率天下 於知外 不然,只是 子之學,下學 知 必 行何可 須 先識」 行之至, 更求行 而 爲 懸空 至「悮盡 禪 ,而上 廢, 乎? 方是 想像 亦 達 本 不 體 知之至。 始得 平生」, 日: 求吾 可作 不 重 識得道在吾心,不去外求。 然 道於 兩 I 全書本作: 項 則 夫 後 虚 看 所 重 無寂 言 知 以 知 即 者 致 之至,纔 滅 「尤宜 知 非 吾 即 乎? 之鄉,寧不 道 行, 之 從 大 能行 不必 日:
- 2 處」下, 全書本有 所 以 禪 家 有 剗 斷 命 根 革 卦 有 革

更言了生死。

立身行己,最忌夾帶。

問 利 時 是 在 主 靖 實實 只 張 胸 以 爲之,便 陳 中 策 箇 先 此 問問 布 生 實 不 築 便 衣 謂 爲 有 應 不 無 箇 不 非 淵 所 舉 是 失 根 應試 日 見。 遂棄 道 着 底 基 意,此 一,有 以 今人 趂今壯 陳 去。 質 有 白 不 漫 幹 司 前 沙 是 待 有 無 年 畫 不 士 爲 -,正該 枝 所 應 此 無 葉 名 見 等舉 舉 禮 後 便 此 砥 以 動 來 是 中 志 老 尹 學 大 先 都 爲 和 母

無暴其氣,正是持志功夫。

輕 能 發, 之。 習 俗敗 然却 味 誠 壞 要 心 已極 此 且 中 挽 省 積 外 得 口 事 此 習俗 誠 意 惟 遇 有 事 志 之 不 士 口

世間人可法則,一毫苟且不得。處今之世,一語一默、一動一静,都要

易》

日

一,一一時

乘六

龍以

御

天。」

凡吾

人

的 如 言 道 此 纔 理 是 于 動 非 此 禮 呼 能 勿 不 視 吸, 失其 聽 言 皆 中, 動 具 箇 纔 潛 口 見 謂 惕 之時 躍 飛 亢

正 知 解 是吾心生生不已之機 憂憂 層 層 乎 剥 陳 去。 言之務 古人云「温 去 如 今把 故 知 舊 新 行 履、 新

覓 事 此 箇銷歸 易喜易怒、輕言輕 病 根 安 最是不 頓 處 小。 動 如 今 只 要 是 將 此 種 種 浮 浮 氣 氣 用

之通 死物 本虚 南 明 常常 至 惟 北 此 照, 佛氏 也 至, 内 爲 虚 返 以 中 佛 具 故 而 鏡 自 氏 有 靈 屈 喻 之偏。 有 其 陰 者 心 生生不已之機。 爲 陽 往 禮 只 不 若吾儒 而 與 説 息之妙。 伸者爲 智 常 誠 照 以 常 之復 日 如 寂 . 與 如 喻 心之體 也 義 日行 心, 鏡 誠 光 是

緊, 儘有 先生 平日 謂 淵 高 日 談性 二、人 命 極 生 是精妙, 末 後 着 臨 極 期 往 是-往 要

功夫 之間 利所 之來, 旨 露。 道 世 指 世 止 此 即即 害 凡 一,原 爲 全 違 動 道 事 又一 綱常 能 夢 無 不,不 仁,故 此 在 障、 莫 寐 盡 必 其 種是禪學,禪 平日,學者 生 甚 名教忠孝節義 爲 之際 爲 理 受 死之道。 于 能 害 障 聖學之志 病 禪。 此 造 所 有 次 懾 心 切 。」驗之日 昔 必于 矣。 不可不 屹 掃 人 家 利 然不 都 云 除 是,顛 惟 以 是 害 屬 而 其平 無 兢兢 『能 僞 動, 當 歸之空, 用之間 善一邊, 善無 沛 學 前 自然 日 盡 也。」 必于 無 惡 飲 全 飾 終 故 禪 不 順 食 爲 體 名 淵 是, 爲 之 惑 家 宗 逆 日 盡 欺 記

至矣。 知 知 止 止 至 善 明 者 明 知 至于定、静、 學 至 德, 明 則 言明 明 還 明 德 其 德之體渾 德 之極 本 安、 即 明 是 慮 則 而 良 也, 而 然完復 止,不 知,不必更言 得 而工 其 必言致 所 前 夫乃 止 意 則 始 于 也 是 知 干 良

> 致良知 止之知 之,而 乎誠,心 正 心之説,不皆架屋 明 格物 則 于 明 明 德 是 乎 明 即 于 德 是 天 正 格 下 又 ,推之修、 疊牀 安 矣。 其 頓 有 乎? 故 善 在 致 齊、 何 無惡之物 處? 知 治、 只 是致 平 并 誠意 以 其 如 日 知 貫

外 境界。 處 良 今人漫言主静,無 選,乃 知 陽 也。 定、静、安、慮、 朱子曰「人心 明 學者必 是 則欲 但 致 朱 自 處 子 歷 異 此 則 之 首 過 而 得, 靈 五. 欲 無 一,莫 自 闘 尾 皆 致之于中,不 此 知 不 何 方 而 止 怪 有 于 以 知, 學 霍 後 有 致 即 必 即 真得 之于 是 所謂 散 歷 知 之

拳 慮 陽 裹 一當前 討 乎 明 消 亦 良 知 息 有 即是。 不 萬 要 慮 參 死 而 今乃作 要 知 悟 生 , 如 得 謂 + 開 來 非 分 手 之 九 玄 見 語 年 解 掌, 向 面 慮 壁 握 無 乎"不 不 手 事 甲 見

詞嚴 諦 妙解,亦只是至善註脚,終脱 》、《九解 理直,凛乎 師 許恭簡公與周海 辨 日 有 月 辨 爲 無 昭。 可 門在 爲 今即 不得 詳 南都有《 盡 善字。 從 海 而 門 師 作 九 論

《大學》者本之。 本來面 義,故曰「不思善,不思惡時,見本 佛氏之學,只主 目,仍只是一 靈 點 明, 靈 明 而 而 抹 已,後之言 去善惡二 來 面 目

小者從之。目口鼻其支也,聖人踐形,先踐其大者,而目口鼻其支也,聖人踐形,先踐其大者,而耳形色,天性也。心是形色之大者,而耳

最是 分,止争知 爲聖人,不知止 里」章,謂: 禽之説, 日 喫緊 當 事至古 與不知 出 「《大學》之要只 乎 小 ·姑且爲之」,不知一出乎人, 則 學 耳。」先生曰:「人禽之辨 便 人不如 請 人 教。 乎 鳥。 禽。 諸 在 生 知 聖狂 世之人不知 拈 止 知 人禽之 邦 畿 止 則 千

> 其爲 時甲申 滿城之中都喪了人氣矣。」 意,使越中有箇 如今已不少。 禽也 ·四月 便在脚下。 聞流寇破山西,故先生云云。 所以要 人種。 借重公祖父母 古人云『率獸 如 今到 座聞 處 開 之悚 門 留 食 延 人一, 些生 寇

疑驚懼,而 以對父母妻子,吾 作兒女子態。」毓 人求生不得生,吾 曰:「紫眉 「先生心境若何?」<a>●先生日:「他</a> 先生絶 來 吾心中泰然, 食中, 乎 ! 芝日 求 王 死 吾輩 毓 可 死 以 芝來 得 如 當以 「然。」已 對 死 是 候。 天 ; 而 道 他 地 已 義 先 人 祖 人生不 而 相 終 宗 生 嗚 問 成 迎 日 呼 日 勿 他 憂 可 謂

在此乎」三十三字。 有玄趾爲侣,相對談心,不亦樂乎。毓芝曰:先生樂 有玄趾爲侣,相對談心,不亦樂乎。毓芝曰:先生樂

抑又何求!」●以下五則臨殁語。

三致意焉。 一 為學之要,❷一誠盡之矣,而主敬其功也。敬則誠,誠則天,若良知之説,鮮有不也。敬則誠,誠則天,若良知之説,鮮有不也。為學之要,❷一誠盡之矣,而主敬其功

荡荡地,则天理自存,人欲自去矣。」 汋請示訓,先生曰:「常將此心放在寬

則人而天矣。一事,凡有事皆人欲也。若能行其所無事,與天地同流,不覺精神困憊。蓋本來原無與天地同流,不覺精神困憊。蓋本來原無

賢哉? 賢處 日自 此 處無錯誤否?」毓芝曰:「甚正。 他日,毓芝侍立榻前,先生曰:「 ,不過如是。」先生日 求不爲亂臣 賊子而已矣。」 : 吾 豈: 敢 雖聖 吾 望 聖

「求」下,全書本有「因撫腹曰:此中甚涼快。乃吟曰」

0


十二字。

) 「要」,原誤作「學」,今據全書本改。

六一


# 劉蕺山先生集卷四

### 讀易圖説




五,地六,天七,地八,天九,地十。天數五,《易傳》曰:「天一,地二,天三,地四,天

以成變化而行鬼神也。」此《河圖》之數也。五,地數三十。凡天地之數,五十有五。此所地數五。五位相得,而各有合。天數二十有




體 體 員 爲 也。 可 十乎? 圓 使仍 知 五. 河 以像天之圓 居 以 圖》,象天者也。 中, 上 今姑 見其爲天圓 而 規之而 + 下,而分之爲 環 則 於 之象。 從圓。 以 外, 天道 中 則 數 圓, 之五 + 蓋 中 員 必 《圖》之中 又安 故《圖》亦 合 則 十知之 見其 爲 外 亦

數 所 繇 以 是 訓 卦皆備矣。 五. 天道 陰 統 十,妙 也。 陽, 以 陰陽 故聖人因之以 次 規 以 員 合 於外, 德 即 作《易》,亦 而 太 極 兩 之 儀 象。 几



夫,皆 劉 九 蔡氏 歆 履 朱子曰 一, 左 三 謂 魏 日 如 關 此 朗 : 右 子明, 圖  $\overline{\wedge}$ 至 洛 》、《書》之象,自漢 劉 書 牧 有 四 宋康 始 爲肩,六八爲 取 兩 龜 易其名, 節 象, 先 生 故 孔安國 邵 而 其 雍 足。」 諸 數 堯 家 戴

因之。」故今復之,悉從其舊。



之也 分 亦 道 類 守 以 藴 岡 體 見 也。 四 焉。 方, 其 分柔, 體 洛 爲 四 中 書 以 故 維 地  $\forall$ 各指 象 正 聖人因之以敘疇, 既 方之象。 象 以 地之方 方 其所以矩 地 無 則 違 者 中安得不本之而方 也 蓋《書》之中數 即 則 皇 以 方,而五 地 極 四 道 之象。 亦 維之周 方, 所 行 故 以 五 以以 方知 繇 訓 事 書 之 地

圖

言也。 與! 有,即 溪子曰 意 今請 無 相 此人心妙有之象,爲《河》、 形容 實 極 點 佛氏亦有是圖,然其中一 不 爲 者 ,變化無方。 未必 雖 太極 得 同。 日 然,滯于有矣,夫 三無 纔 無 周子之旨也 余嘗 上點睛 點些 極 而 形 有 而 子曰: 三兒面 太 有 詩 表是圖。❶ 極。 理。」益 譏 目 之曰: 易有 肥。 抑 淪 《洛 圖 點 亦 於 其 淪 仍 其爲 亦就彼 孔門之説 無 太 總 於無 「偶 似之也。 作空解, 矣。 極 啚 卷 象 矣。 家 日 解 員 中 濂

圖二



内而 在内而 皆一 也; 具《河圖》之象。 代不窮,四氣 周流不息,二儀分焉。 此人心全體太極之象。 十之居中。 八,爲六十四,爲四 氣之變化也, 陰生 陽 陰處 處 其外。 於左,陰根陽 其外; 行乎其 其中陰陽 啚 而 千 右 理在 間 九十六,至于無 方 左 也。 陽生於右,陽 矣。 渾 自 方 其中矣。 然一 自 相 南 陰陽相生,禪 又分之而 薄 北 而 氣之中 處 西 而 東,陽 〇此 即 陰 根 窮 Ŧi. 在 陰 爲 而

點 全書本作「起廢」。



之以 旋以 以 矣。 根 《洛書》之象。 陽 觀之,陽嘗居中,孕之以陰,陰嘗居外, 爲主,而 分一氣以 又 而 此人心中 屈 旋 極 也 已矣, 也 總 陽, 極 是故 外 于 往 午; 于子。 以 尤著 陽之變化也。 而 陰 而 以 陽生于子,在 爲陽 統 屈 陰 以輔之,陰 陰 陽 陰。 者 扶 陽 生于午,在 統陰 其分既 也。 書》陽 分,非 陽 陰 抑陰 也 之象。 邵 饒 己 氣 謂 純 來 不 故 子 之教 陰 也,而 如 則 分一 純 盈 陰之中, 得 乏,陽 所 盈 此 必 陽之中 天 與 焉。 謂 天 氣 往 矣,又合 地 陽 來 地 月 以 生于 間 擬 〇此 伸 而 而 間 窟、天 爲 左 也 伸 則 陽 而 中, 具 旋 者 氣 統 而 右 明 必

即

地

也。

其

曰「參天

兩

地

而

倚

數

何

也

昔

者聖人之作《易》也

出出

贊

於

神

明

?

而

生蓍,於是

有

數馬

聖人因

而

仰

觀

俯

乎

以

心

參天,心

即

天;以心

兩地,

!

參

兩之説

也,

而

贵

知

爲

人心之所

自

有

之,故六。

六者非

他

也,三才之道

也

此

剛,立人之道

日

與義。」「兼

三才

而

兩

此人心中參

天

兩

地

之象。

易

傳

>

日

立天之道

日

陰

與

陽

立地

之道

柔

與

置

四

六 Ŧi.

數,此

正

以

心

參

兩

之事

也。

故

立

掛

分

爻

之後,遂

以

和

順于道

德

而理

于義,

窮

理

性以至於命

道義性命,

非

繇

外

鑠我

也

得

地數、三得

天數,以

 $\equiv$ 

乘

兩

而

得

六

畫

之

察,裁之以

參

兩之法,置一

爲太極

而

兩

劉

蕺

山

先生集

卷

易豈 故 在 也 我 有 數。」 日 心 古 一畫 即 外 在 有 易 之 乎 心 ? 外 以 也 前 乎 明 原 至 心 借 有易。」予亦 一矣哉 數 數豈 非 以 離 顯 在 心 出出 心, 心 有 贊之爲 日 外 易 非 乎? 離 也 心 義 前 蓍豈 有 然 也。 原 則 數

圖 五.



動 蓋 之一,其 者,有天 已也。 此人心先天之象。 之微 至動之中 三五七九,二四六八十,皆左旋, 者 八道焉, 天道 數 也 也 而 左旋,三百 有 所謂 而 此 不 數 具《河圖》之象。 動 太極之 從 者主乎 維 中 六 天 起,天 十五 之命 ~體,其 其 度 間 樞 於 儀 几 建 而陰 穆 所 分 于 圖 謂 度 陽 不

陽

相

配

五.

行

以

相

生爲序,五十居

中

-, 有

天樞之義

圖六



者,山 天道 月 也 地 日 月 此人心後天之象。 而 二曜、爲 月 五. Ŧi. 道 地 氣 者,五行之精 星皆 天 道 也 也 行 星 川土石之謂 道 也 于天。 而 而 五. 盈 右 後 ; 總 星 氣 其 天地之間,凡 有 旋 有 皆 周 不 此 炤 于玄默 流 可 地 夫 臨 七 也 也 任 見 天 道 後 政 ; 不 五 維 而 也,故 日 天 也 運 玄 可 月 者 屬 氣之中, 而 行 精 維 天 聞 者 Ŧi. 動 可 氣之上浮, 右旋。 地 體 者 星 穆 見 猶不 質具 道 非 耳 左 可 則 也 地 聞者 得 旋 天也 於 然 無 天 道 雖 地 道 即 日 氣 日 地

之象。 陰陽 是 金 旋。 之功者,實以 盈 陰遇,乃成歲功,故曰: 生生不已也。 四 而 心 方 九 也 行之以 六日之病,而 統 非 水一統六 而 何獨不然? 居 四 得之妙,雖 (書》皆以陽統陰,而 用逆,何 而 中。 漸 居 時 地 左右 而居下,火七統 以 上,木三統 時 道 終能過 陽統 以 相 夫人心有七政焉,七情 用 有 作聖? 互旋,順 克而 節 逆,●分布之爲七政 陰,以 宣 而 「易,逆數也。」於 不相害。 之妙,天道 不過,以成造化 五行 陰間 ○此具《洛書》 逆相 而 居 二而居右, 相克以右 生,陽 陽, 左 一,土統 尤見 所 得 以

圖 七

相

0

此 心 中 天 員 合 地 方之象。 天 道 員 地

分,乃 天也。 天包乎 象, 道 方。 而 著生成之德。 河 地之外,而 圓者運 故 圖 天地之氣,妙 》在其中。 而無迹,方者處 即 人 合 乎地之中 此 無 全

間

體

而

兩

而

有常,

故

後先

具《

洛

書》之

圖 八



信 秋冬爲陰,中氣行焉; 怒哀樂,中 經,東西爲 此人心四氣之象。 是也 元 亨利貞 是故 和出焉,其德則謂之仁 緯 元 中 生 万亨利 央建焉 春 天 夏 貞 有 地 秋 即 四 ; 有 冬 春 時 四 也 夏 有 方 春 秋 四 夏 義 左 南北 冬之表 氣, 爲陽 右 禮 前 智 喜 爲

0 用一, 全書本作「一」。

六七

然,豈其然乎? 生氣,性 發爲性 義禮智爲性,喜怒哀樂爲情 義,非仁義禮智生喜怒哀 西 後 南 即 北 東 ,已發 也 西 生情。」 南 北 爲 之 義 情 又 表 禮 也。 曰:「心 義 智即 後儒之言 非 喜 樂 左 統性 怒哀 右 也 也。 前 ; 曰 情。」 樂 又非 又非 後 之 生 其 理 未 表 東

圖九



氣之分旺四時,而十二辰建焉。土者,沖、大方風氣正焉。《易》曰「帝出乎震,齊乎巽,相見乎離,致役乎坤,説言乎兑,戰乎巽,相見乎離,致役乎坤,説言乎兑,戰乎此人心具有十二辰之象。天地以一中分此人心具有十二辰之象。天地以一中分

位 元來只是 氣 一<del>,</del> 山 也 天 澤 地之合德 通 氣 窗。 雷 風 也 相 薄,水 故 又 日 火不 相 天

射。」

地定

圖十



霜露 力所 名洋溢乎中國,施及蠻貊。 此人心六合一 几席,而極于家 所 通 隊,凡有血 ,天之所 體之象,有地 覆 國 氣者,莫不尊親 天下。 地之所 故 載 舟車所至,人 曰:「是以聲 日 道 焉 月所 始 照 于

圖十一



此人心萬古無窮之象,有天道焉。始于

同 晷 百 之上有聖人出 也。 刻,而 世 之下 極于世 有 聖 焉 運會元。 人 此 出 心同 焉, 故曰: 此 此 心 理 同 同 一千百 世 此 理 千 世

#### 圖十二

此人心 乎 滋 無 同體,自 徙,莫不皆然。 時之盛衰,氣運 造化之理 木之榮枯,昆 遠,反 ! 不 變也。 油入于麪 六 常滋 新 + 日以 有之,其惟人之積 四 新 蟲之起蟄,日月之晦明 甚 人囿于大化之中,與萬 不可復 故 卦、三百 往 南北之往來, 陵谷之遷 乎? 故,相 前 少而 盍 推 出 八 + 而 于 壯 不窮。 《易》 四 而 孰知 氣、 爻之象。 老 而 道 積 去 如草 死, 習 焉 人 物 四

思之。

也; 後,以補前説之未盡 左 法以求之,安往而非學乎 至,而不 不 所以爲心也。惟人心之妙,無所不至,而 極。 大 太極。」三極一極 天地間之易皆人也,人外無易 而見吾心焉,盈 「六爻之動,三極之道 可 而 ,題之曰《讀易 地之所以爲 以 人極立,而天之所以爲天,此易此 得《易》道 余嘗著《人極 圖 可以 像 求,故 思 焉。 議 天 地,此易此 也,人之所以爲 圖 置 地 人。 聖學之妙,亦 説 盈 説 間 也。」 天地間皆易 盡 》,以 學者苟 皆心 人者,繇 而 極 又 明聖學之要, 復 因述 也。 也。 故故 曰 能 衍 : 人,心之 無所 任 是而學 讀 爲 其 人外 故曰 「易 也,盈 ~ 易 緒 取 圖 有 無 於 如 不 極

● 「出」下,全書本有「此其不變者也」六字。

劉蕺山先生集

焉,庶乎其有得矣!

易衍

乎? 其 乎? 趾,負 體 有 惟 人 性 于 人道之撰,而 乎 形。 故神,神故化,陰陽不滯于氣, 《易》,其 微 陰 孰 性自然,故曰命,吾舉而 1 主 乎 而抱 以 張 順 靈萬 是? 人而 至 陽,胲百 微乎 矣 順 物,以 人,故 性 乎 孰 ! 命 推行是? 骸 其 之理 參 夫《 日 而 、爲物 道 地天,其人乎 麗九竅, 易 也。 ;道本然,故 歸之日 ×, 不貳者 無乎? 聖 員 方圓 可爲 首 人 乎 所 而 1 不 有 方 以

右第一章

居,莫非《易》也。 易》 道 其 本 于人乎 輕 清而 氣 浮者, 夫 陰 載 與 道 陽 而

> 人也。 之間 矣,六位成矣,参三才而 辭焉而 也 ; 重 而 故《易》三之而成象,六之而 濁 命之以成占,而人道備矣。 而 理分見 質 凝 者, 者, 柔 與 仁 剛 兩之,人之所以 與 也 義 也。 妙 合于 成變, 兩 儀備 氣 爲 質

右第二章

故曰:「天得 常足以 以爲天下貞。」 大哉 妙萬物 人乎! 以 之變者, 清, 勿貳 地 其 以二,勿參以 得一 惟 聖人之心 以寧,侯王得 乎 而 !

右

第

三章

之一跌云」。 説》,誠亦自 因 行其 述 爲 説 圖 於 媿瞽 後 至 「有得矣」, 以 見矣。 補 前説 殆繇是而發軔 之未 全書 盡, 本作「 總 題 因 焉 之 再 庶 日 述 諸 存 跬

步圖而

斯以 天地 爲 超然獨存,不與衆緣伍,爲凡聖統宗。 心 萬 生 爲天下 善。 ,天地是儀; 曷 而 爲 爲 始于幾微,究于廣大。 天下易? 陽,生生爲 極 以 類 陰,生 日 萬物,萬物是宥。 心。 心, 生不 己 生 出 爲 而 以建 無 己 四 垠 矣。 端 其

右第四章

自,在 西北 之墟 之依,爲天之倪。 隅。 ; 惟 心 惟 天 爲意,在意 人有 有 至矣哉 極,北 極,乃背脊膂。 辰 爲 之 極之爲 知 樞 , 即 地乎 惟 知 地 方之屋 爲 有 性。 極, 在境 漏 爲 沆 命 爲 室

右第五章

陽之大分焉。神,陽之爲也,形,陰之爲君子之學《易》也,首證之吾心,而得陰

心以神 形神 見役 也 心 也,可以 得遇,皆 人于潛,而 健而外順 爲主,人 0 于 陰所 相 常常 形 抱, 治世。《泰》曰:「内陽而外陰, 所 内君 以 純息 心聽焉。」亦其旨與 使陽自外來,而爲主于内。 則 妙 以 輔 陰 合 尊 陽 爲守; 子 陽 「無端, 神 而外小人。」朱子曰: 形 消 也。 所 長 有時悔乎亢,而 生生不 以 之 神 載 勢 尊 神 也 而 窮。 也 形 故 爲役矣。 推是道 君 神 无首 有 子 褻 道 内 尊 時 而

右第六章

所以 聞 微 是故君子戒慎乎其 天之命, 乎 此 爲 君子仰觀 慎 心也。 穆穆 於穆不已, 獨 之 乎 説 則 于天,而 也。 心 所 不 蓋 不覩 天也 至 曰 已者乎 得 哉 天之所以 先天之易焉。 ,恐懼乎其所不 獨 乎 ! 獨 體 蓋 爲天 不 隱 息之 心之 乎 也 ١

微、至 間 下之達 陰陽 物 中, 不 而 也 測 中 顯 君子所以 陰陽 一發此 道。 也 至 元 見 常 故 及 之謂 也。 運 中爲 其 獨 必 京喜怒、 至 慎 故 也。 和 天下之大本,而 也, 其 ,陰陽之象 日 哀 獨 其爲物 「體用 察乎 樂 也 四 天 此 氣 不貳 也 性宗 原,顯 地, 周 流 至 和 則 兀 也 微 隱 爲 其 存 氣 生 無 至 此 天

體。 也。 而言 蔡西 理 曰喜怒哀樂,以 喜怒哀樂 非 Ш 氣不著,故《 氏著爲圖 即 仁義 理 中 而 禮 見《新書》, 庸》 言曰仁 智之别名。 以 四者指 義 可考。 禮 智 以 性 是 氣

右第七章

故 盡 性 性 本 炤, 君 非 天 子 炤 心不 者 俯 心 也 察 體也。 常寂 於 心, 地 而常感。 本 心 而 也者 人 得 者 後 ··, 覺 感之以 也 天之易 而 天 已矣。 可 非 喜 覺 夫 而 不

> 焉,惟 時,即 于 至于傷者。 喜,感之以 四者之中,喜得之而不至于淫,怒得之而 七者皆炤心 欲、爲愛,怒之變爲惡、爲哀, 感,得易之逆數焉 慎獨之實下手處 君子時 可怒一 所發 合而 發而 而 也, 觀 時 怒, 止 之,即人心之七政 而 此 心 時時 此之謂後 發 其 則 法之極 大端 返 其 馳 炤 矣。 而 也 則 天 懼 心 也 而 衆 則 喜 而 奉 人溺 之 立 不 也。 天 逐

懼者 雖 者,陰陽之勝 之運。 如 中 此 天左旋,日月五星右旋,乃造化 曆家以爲七政 説 氣 亦 不 愛者,火氣;惡者,金 氣 妨, ,二曜之象; 實 病 亦 大 左旋,但 道 哀者 行遲耳, 水氣; 氣 喜怒 自然 欲

矣」十四字。

❷ 「道」下,全書本有「本朝高皇帝特斷其不然,其見❶ 「下手處,心法之極則也」,全書本作「實功也」。

樂與 皆備 冬亦 急 春 冬; 如 是怒而 在 時,分作兩際,殊 春 大 -即 者,木氣。 **嚬**詈當喜怒哀樂,因 口 曰 定輕 疾 亦有 寒大暑; 此 方呼方吸即 夏秋冬, 況晴 哀樂 喜怒哀 懼字。 哀 後 有 無物 微 哀。 收 誠 燠 雷 相 時 通 ,從之必 時, 斂,末復 如 生 不 陽明子曰 貞下 笑啼 陽 處 懼 ○喜怒哀 有,無 終 夏亦 ,便是喜 愛惡 明歌 是 雨 不 起元,循環不已,故《記 非 即 嚬詈,即天之晴 喜 重 雷 悠 有 可 欲 法 時 與 「戒慎 暢 中 謂 電 揚 涼 以 呼 即 怒, 樂, 備 不然,即 有 舒 庸》本旨 乎? 而 温 時,秋亦有 振 吸 發時, 樂; 既 天 即 涼 心恐懼 起。 春 暢 間 之 天之 寒燠 後 夏 呼 今人 誠 亦 既 温 這 必 秋 是 又 復處, 可 雨 言 急疾 聲 春 有 謂 冬。 吸 以 本 涼 理 電 雷 氣 即 笑 四 未 即 寒 夏 體 時, 電 會 , 自 開 是 便 動 是 燠 秋 啼 氣 發

右第八章

别 無 以 也 而 知 體 與哉? 無 無 彰 轍 用 吾 水 何 迹。 即 則 火 以 6 用 天 《易》曰 燥 知體用之一源,而 今夫日 地 以 溼 求體 可 而 以 月,炤而 己 「精義 類 存而 矣, 推 而 入神, 不宰, 已矣, 燥 故 無 溼 君 先 終 以 子 之 而 致 外 後 日 知 炤 用 微 天 行 本 亦

- 「從之必重暢,舒暢後必」九字,原漫漶不清,據全書
- ❷ 「振起」至「豈是强」十二字,原漫漶不清,據全書本補。
- ③ 「皆然,陽明亦有所本」八字,原漫漶不清,據全書本
- 「右第八章」四字,原漫漶不清,據全書本補。

補。

清,據全書本補。 「以知體用之一源,而無先後天也」十三字,原漫漶不

6 4

七四

大可爲 之或 道 誠之于思乎 也 也。」 利 知 用安身, 也 也,化不 窮神 以崇德 可爲也。 知化,德之盛 故 曰 : 也。 「思誠者,人之 下學立 過 此 也 以 心,其惟 雖 往 未 然,

右第九章

戰。 乃渝 坤。 地 也 乃 以 授之以巽。 也,天下雷行,誠之動 故故 得 離 時而定位矣,山澤時 止 戰乃得勞,息之至也,故授之以 矣,◎天人之際,常貞勝矣,故爲乾 順 君子之學,其始于 終之以艮。 明而 之至也, ●故授之以兑。 兑而説 止 則 人而不已,則致 不已,和順于道矣,故授之以 誠, 萬 至于 物 也。 交養 而 之 誠 通氣矣,雷風 乎 所 動 虚 互發之機 以 而 而 成 萬 後 明,故授之 始 物 入焉, 而 坎。 之出 則 成 時 説 息 之 故 震 而 天 終

相薄矣,水火時而不相射矣。其爲物不貳,

右第十章

又

者進而君之。 甘之,浮者沉之,蕩者止之,積者藏之,支離 怠者作之,結者散之,濡者熯之,苦者

右第十一章

乎艮,生萬物、成 莫疾乎風 爲言者 説乎澤,潤萬物者莫潤 夫人 也 ,燥萬 心 有 動 造 萬 物者莫熯 物 化 萬物者莫大乎乾 者 焉。 莫 呼水 疾 神 乎 乎 也 ·, 止 萬 火,説 雷 者 妙 物者 撓 萬 坤 物 萬 萬 莫盛 者 物 物 莫 者 而

- ■「也」下,全書本有「順無乎不悦」五字。
- ②「渝」,全書本作「淪」。

此 取 也 各付物,吾無與 備 焉 矣。 知 通乎彼 無物之爲物者,其知神之所爲乎 吾 生者生,化者化,物不得而 何 以 也 測 也。 其 及物之功 萬物 氣 運旋之中 物也,一 哉 ? 知 而 物非 誠 萬 世 物 動 物 物 恣 于

### 右第十二章

乎體 存之爲 圓。 至圓 至 員 以 爲 也 智 以言乎其體也,方以言乎其用也,易以言 出 出 三千三百。 用之全也。 其體爲貌言視聽,其 易》 處、 君 乎規,至 好惡,發之爲七情,措之爲百行,殺 六爻之義,易以貢。」蓋 子 日 進 本一 : 退、辭受、取予 一方出 蓍之德,圓 一規 方圓者象也,有 中 乎矩 以 萬規,以有 建 倫爲子臣弟友,其 也。 極, 而 ,其遇爲富貴、 神 而 規矩,方圓之 規 善言心 尚 卦之德,方 天下之至 矩 是象者, 出焉。 也

> 小相 至 貧 之至神 而 從 方 賤、 成 心所欲 夷 員 ,其孰能與于斯? ,以有天下之至易。 狄、 以 不踰 體 患 方,方 難 矩 0 以 用 矩 員 萬 子不云乎「七十 嗚 矩 呼 萬 以 1 有天下之 各正,大 非天下

### 右第十三章

日 或 宇宙以生心。 矣,往古來今,一 知宇宙之所自 一息之所自 前 指 前 上下四方 月,而 天下,仍 息之爲無窮 歲,而 起 繇一 起乎? 乎? 日 指 宇, 息而 世 指而 無 也 運 一念而已矣。 往 極 , 上下四 會元,仍一 已矣。 古來今日 繇 也者,可與言《易》 席 而一 息 方,一 又孰 而 息也 宙 家,而 知 君 指 時 子 夫 而 指 孰 通 知 而 己

● 「富貴貧賤夷狄患難」,全書本作「素位」。

. 七六

No. 日月合其明 又曰 故 日 夫 堯舜 與 大 兀 其心至今在。」 時 人 合其 者, (序,與· 與天地 鬼 合其 神合其 德 吉 與

右第十四章

陽 進而 則傷 始。 進 化 善變之功焉。 者尚其變,以制器者尚 而 占,此聖人之全學也。 (易))有聖人之道四焉, 一,則 以 知 氣 質。」 陽進 四 陽, 夫變,以通乎 , 亢可言也, 傷不可 學《易》 見善必遷。 + 則沉潛 進 ,則西南得朋,陰以陰退,則 九年之非,行年六十而 極 有要乎? 陽 而 剛 退 退 ,所窮 故 克。 而 日 則 陰, 故 其象,以卜 也 而善學者,乃自 以言者尚 有 言也 曰 : 曰:「學莫先 過 則 遽 陽 高 伯 必 有。 窮 改 明 玉 是 別方, 其辭 六十 - 筮者 行 柔 以 ; 變 年 退 克 君 爲 化。 東北 于 陰 | 尚 五. 子 知 以 極 要。 變 有 + 變 其 陰 動 窮 而

> 喪朋 此者也。 人居,如 故 鮑 知象則 魚。」. 與 知變 知 善人 辭 則 與占矣。 居, 知 象矣。 如 芝 蘭 象 也者,象 與 不 善

右第十五章

而 已,爲金之融,爲 已,爲虎之炳,爲豹之蔚,君子所以 革去故, 鼎取 而 游 踐 高明 善乎《易》之言變也,莫備于鼎、革矣。 成 德 者其 者 新 其 然乎 也。 然 玉 ! 乎 之 革之去故也 ! 潤 鼎 之取 君 嗚 子所 呼 新 ! 也 以 革 不 脱 策 新 占 渺 而 凡 而 修 近 不 而 不

**出**单,已日乃孚。元亨利貞,悔亡。

初九,鞏用黄牛之革。

以視虎豹,質之醜也。 占曰:鞏用黄牛,一革而巳得中色焉

六二, 巳日乃革之, 征吉, 无咎。

占曰:巳日之革,再言革也。

九三、征凶、貞厲。革言三就、有孚。

占曰: 革言三就, 革之至也。

九四,悔亡,有孚,改命,吉。

占曰:改命之革,革之盡也,去凡以入

聖也。

九五、大人虎變、未占有孚。

占曰:未占有孚,有諸中,彰于外也。

上六,君子豹變,小人革面。征凶,居

貞吉。

占曰: 君子豹變, 闇然日章也; 小人革

虎炳而豹則蔚矣。有收斂章光之儀面,的然日亡也。孚不孚之辨也。蓋

焉,革之成也。

**出**難上鼎,元吉,亨。

记许。 初六,鼎顛趾,利出否,得妾以其子,

无咎。

占曰: 顛趾出否, 先去故也。得妾以

子,新乃生也。

九二、鼎有實、我仇有疾、不我能即、吉。

占曰:鼎有實,能取新也。我仇有疾,

終慎所習也。

九三、鼎耳革、其行塞、雉膏不食。方雨

虧悔,終吉。

占曰: 鼎既熟矣,無耳不行,道未光

也。方雨虧悔,重洗新也。

九四、鼎折足、覆公餗、其形渥、凶。形渥

仍從本文。

占曰:覆公餗,基不固也。其形之渥

新何如也。

六五,鼎黄耳,金鉉,利貞。

占曰:金鉉,新之燦也。舉耳以養中,

七七

七

八

德之美

九、鼎玉鉉、大吉、无不 利

潤 鼎、 占 取新,取新乃去故 正 對者八卦 矣。 革二 曰 : 卦,相爲反對 玉鉉,新之極也,蓋金精 其所利,上帝聖賢之養 也。 易 ,其畫上下互易。 》卦反對者凡 五十六卦 也 蓋去故即 而 玉 按: 更

右第十六章

之統 讀 統 讀 咸 而 焉 得 无 而 未 焉,讀 妄 得 濟 萬器之統焉,讀 吾 讀 萬 讀《易》,于 而 而 需 得 得 倫之統焉,讀蒙 姤、復 而得 萬古之統 萬 心之 萬事 十二卦 乾 統 之統 屯 而 焉 得 而 馬, 萬 而 得 而 讀 得 得 萬 理之統焉, 讀 履 萬 萬 類之統焉, 而 賁 化之統 性之統焉 得 而 萬 得 行之 讀 萬 禮 讀 坤

右 第十 七章

> 伏羲 已矣。 言文字爲哉? 多乎哉? 效 風 沕 于無窮。 穆穆。 靈。 雨 調 氏之道,不可 乃一 以 探 聖人曰:「道在是矣!」吾何 四氣 爲之一變一合,而六十四 舉 月窟,躡 前 天不言, 順以八方,山 得乾策, 得 而徵矣。 天 根,鼓 再舉 以行與 以 洪 而 111 雷 河 濛 得 事 霆 嶽 初 坤 示 掛 次次 判 之而 以 潤 相 又 第 語 生 以 沕

右第十八章

此! 遂通 虚體 之,一非數也。 之。 盈天地 焉。 天下之故 夫道 右第十九章 嗚呼! 心 不 無 間 可 思 吾讀《易》而得主 萬 非 得 故聖人起數于二,使人 也, 而 有 天下 名 無 不 也, 爲 齊 之至 也,寂 者 聖 數 神, 人 也, 一之説 然 姑 其孰 不動 而 以 能 以 -與 自 畫 感 悟 君 干 顯 而

焉。 敘疇 卦以 極之說,其本之大《易》乎? 象教,太極之體,藴于無形耳。 善發伏羲氏之藴者,其神禹 ,始闡之爲皇極,而居中用 河 出 啚 洛 出 書, 聖人則之。 《易》六十 乎 事 有 九疇 至神 君 学有 禹 道 几

右第二十章

順,三才之所以不朽也,《洛書》之教也。各止之也。天止止而萬化貞,人止止而萬事義也。曷止之? 心止之。曷又止之? 物化,無不運也。而艮爲止,止而又止,兼山之化,無不運也。而艮爲止,止而又止,兼山之

右第二十一章

皆坤 形而上者謂之道,形 也, 夫子又取 而 乾 坤、 其 積 乾,何也? 而超焉者 而下者謂之器。」離器 盈 也。 天 地 故 之道 曰

表坤德也,則《連山》之竟義也。無道也。又曰:「下學而上達。」曰《歸藏

右第二十二章

乎? 得其大首,不可疾貞。」貞,臣道也。 難,文王以之。」三爻辭 異用。」②然 夫子繫之曰:「内文明而 也,終以既、未濟,徵治亂也。 里之際,見臣道焉。 ·文以書演《易》,與箕子之序《疇》, 子曰 夷不極,不大明 :「作《易》者,其有憂患乎?」美 則商周之際,其大道晦 也。 始 日: 以 外柔 乾、 明 坤,辨 夷于南狩 道在明夷, 順,以蒙大 或曰: 明之日 同 冠 原 而 履

- 「之道」二字,全書本無。
- 「用」下,全書本有「故夫子並及之」六字。
- 「夷不極不大明」六字,全書本無。

### 右第二十三章

乎! 考志 外 其常也; 内 爻,大抵多危辭,吉凶悔吝之辨,何其諄 于「厥宗 也 而 『公孫碩 内 也,道在家 周 約之以 公之繫辭 故繫《家人》曰「無攸遂,在中饋」,道 變而 噬 繫《睽》曰「遇主于巷」,道其變 膚」, 中 不 膚 失 而 正,見貞 人與睽。 赤 也,其在 其常 喜 舄 可 几几。 其 知 居東之日 一之道焉。 睽,外也 也。 惟 周公乎 三百八 乎? ! 家 + 詩 也。 承 諄 至 几

者,象也。 以 以之占,❷得聖學焉。 自强不息;地勢坤,君子以厚德載 易》 道 象也者,像也。」是以聖人觀 至 孔 子 而 故曰:「天行健,君 大 備 矣。 其 曰 : 物。」 象 子 易 而

右第二十五章

曷于此求之! 也。 道焉; 敬恕之示,得 以貫之,渾然太極也。 克己復禮 春秋之際、《易》其在孔門乎! 幾于一 坤 矣。 道焉。 求仁之學,善 忠恕之唯 善學聖人者 吾 得 體 道 元

右第二十六章

右第二十四章

乎 ? 或 日 日 : 顔 顔 子 子 傳 没 聖 人 而 之 聖 神 人 者 之 也。 學 亡,信 神 無

<sup>■「</sup>曰」字,原無,據全書本補。

❷ 「占」字,原無,據全書本補。

苦心乎 見其進 返其樸乎!」 至乎? 不傳之傳,不學之學,我博我約 方,而易無體 也,未見其 迫欲就之,若將失之,故曰:『吾 神不可傳,易不可學。 止也。」又孰得 而 擬 其 口 漸 所 真

右第二十七章

曰反身而誠。萬古宗傳,其在斯乎! 故子思子曰誠身,孟子亦曰誠身,又曾子之言誠意也,其修身爲本之極則

右第二十八章

其 也。 識 取 無 耳。 若 極之説 後千百年而得不傳之學于顔氏子者, 日 故其後繼之曰「主静立人極」。 「太極 乎 ! 從心 何極?」易 悟者也 非 ,非以解 極 也,隨 太 極 人

右第二十九章

也! 純公可謂善發師門之藴矣!雖淵源有自,而得之以研體,有味哉其言之程子以天理爲宗,其太極之别名乎!

右第三十章

是矣。 是矣。合而言之,道在之言主敬也,幾于明誠矣。合而言之,道在

右第三十一章

曰:「佛以覺爲性,然乎?」曰:「覺非性也, 與則,是在後死哉! 是在後死哉! ● 或 關萬古聾瞽,正統已明,割據之雄自廢。摧 又五百年而文成子出,特倡良知之旨。

■ 「是在後死哉! 是在後死哉」,全書本不重文。

ハ

千 而 里 覺 其 也 性 之者 也 0 良 知之與 本覺 毫 釐 而

右第三十二章

刑乎? 其或 焉。 道 不效,修之而 近亦然。 而 不 天,春: 風 右第三十三章 時 雷 民始叛。 甚矣! 是以 焉 霜 生 ,物遂爲 雹皆其 己。 萬 王者,純任德 物 夫《誥》與《誓》 申、商之禍,萬世 殷作《誥》 而 具 厲 秋 也,非 以 復其 成 而 有 而 常則 不 民 時 Ĭ. 萬 任 無 始 然,而 而 已焉。 刑。 物 己 疑 殺之 皆 時 德之 周 況于 致 也 也。 君 養

故知 自 治 治 焉 進 而 而 易》爲君子謀, 而 已,非 以 又知 小 人治 求 退, 以 知 小 勝 存 信 小 而 人 則 乎? 又知亡,知 也 各 安其 日 君 子 分 得 以 君 矣。 君 子 而 又 是 自 子

0

賊」,全書本作「夷」。

亢, 其 正 年; 也。 知 金 有 時 喪 元之阨者數 而小人遂化 宋之君子 龍 復, 并 君子 德 亂 知 而 者 以 小 亢焉, 有 人 百年。 亢, 而 時 之 身 爲 治 而 知 爲 能 賊 小 進 進 世 無 終 人 退 退 道 窮 遂化 存 之 存 六朝之 乎 亡 所 亡 ? 一之道 而 焉 以 爲 漢 阨 萬 賊 之 者 古 則 而 • 数百 君 常 往 不 子 存 終 者 失

右第三十四章

乎 神之 耳 無 潛焉,愈不 潛 視 之視 于聽? 主 其 易》 也 無 日 可 無 用 目 聽 思 測 潛 也 之聽 矣。 潛 而 于 而 視,心 龍 無 無 是以 思, 勿 其 不 用 斯以 潛 用 君 静 于 子 也 專 爲 龍 思。 善潛 而 龍德乎 神 無 守 思 其 物 思之思 之。 也 神 也, 者 焉 又

# 以下至旅、皆用初爻。

趾之謂 其初而已矣。 也 徒言艮背,不已玄乎? 之氣,好惡與人相近之幾希也,●則 一,動 知止而定焉、静焉、安焉、 易》曰 而 也 不離 :「艮其趾 由是進而 乎地 視其日夜之所息, 其 有身,所以 止則初 ,无咎。」趾之爲言 也 慮 止 而 而 君 諸 得 知所 得 子 馬,艮 躬 平. 亦 也。 止 止 日 慎

化耳 水者 也。 善惡 未 離 。」幾 ,斯進乎學矣。 《易》曰:「履霜,堅冰至。」周子曰:「幾 ,凝而爲霜,堅而 乎善也。 知水之可以 本善也,介于善,可以之惡焉,猶 有履霜之象焉。 爲 冰,又知冰之復可以 爲冰,忽還其本,則水 本一氣之變 爲

不善乎? 言不遠乎性也,謂其能以性之近曰:「性相近也,習相遠也。」顔氏之子猶有《易》曰:「不遠復,无祗悔。元吉。」子

復焉。」劍之去也,何啻千里!乎!」若曰:「念已惡矣,因而止焉,幾幾乎勝習之遠也,故曰:「復其見天地之心

時爲 物昌,聖人作而萬民 已矣,貧賤之類居其三者,非學得其中,行 狄行乎夷狄,素患難行乎患 之蒙氣?❷吾故甚惡夫悠悠而 君子之志于學者,非大有作焉,何以發一 左个而頒政 素富貴行乎富貴,素貧 《易》曰: 春。 《易》曰 盤蟲 :「利用 令,與天 「素履往,无咎。」子不云 奮,草 康,得風雷之象焉。于 木 爲大作。」天地 下 萌,水泉滋,天子居 更始,皆作之大也。 賤 行乎貧賤,素夷 難。」❸富貴一而 不振者。 作 而 乎 生 萬

<sup>●「</sup>希也」,全書本作「焉」。

<sup>「</sup>氣」字,全書本無。

行乎」。 「子不云乎」至「行乎患難」,全書本作「子不云素」位而

依 之者 乎 庸 了, 請 三 其 能 免 復虎尾之説 于 戾乎? 故 君 子 慎 其 所 以

是以 與,即 乎? 爲甚。 退焉 呼 君子致念夫始之者也 ,徒爲是屑屑往來之不已,則 《易》曰 次、資斧、 必 旅之時義 君子之仕也,行其義 也既 一、「旅 度 童僕三者備 其 大 瑣 君,又度其 矣 哉 瑣 1 斯 人盡 其 也。 所 而 身,又度 旅道 旅 旅進 取 賤 也 災。」 不 幾矣。 焉 其 亦 而 所 甚 旅 仕 嗚

乎 乎 與 生乎 乎 庶 而 必 ? 幾 ? 動 ? 直 以 君子者乎? 易》 忽忽 富貴貧 白 乎? 介 死乎? 年 曰:「觀其 乎 乎? 而 ? 賤 起 已 處 乎? 居食息必以 天 進 而營營 之齊乎? 觀 而 理 生,君子无咎。」 乎 乎? 君子 行 所 乎? 學, 曰 : 人欲乎? 觀 時 夭壽 乎 乎? 退 而 君 荷 而 不 何 苟 大哉 吾 貮 明 辭 生 乎? 悠 所 受 静 乎 乎 悠 取 ? ? 志 虚 生

> 吾童 生乎 乎 ! 心 盤 而 夙 而 女 興 不 德 夜寐,死 薦 神 隙 道 無 而 其 後已 窺 、設教乎 乎? 觀 ! 乎 1 乎 觀

右第三十五章

多而 福 少 能 常 轉 下,●多紀其變,其 氣數者,亦受制于人事者 于 不爲倖 ,是故其 爲受命 而 亂 氣 E 遯、臨 數 經首乾、坤、言天地之常, 少,是故 不爲 者 福 辭 以下,多 也。 危 衡 其 危 下 命; 間 辭 以 紀 經 非 易,易 盡 言 其 首 無 乎其 也。 X 變,其間 咸、恒,言 出于人事者,亦受 事 以 言天道者 人, 者 事 乎 而 則 X 非 其 屯、 人 能 多 無 天,則 事之 爲 蒙 出 而 治 求 吉 以

右第三十六章

❶「以」,原作「已」,據全書本改。

子之難 斁; 謀,其在是乎 也; 行,小過 躬,艮以 而 時 和 漸 德之晦 能 止 而嚴,夷,闇而章,蹇,藏往而知來,艮, ,德之序也,巽,德之人也; 節、苦而 小過,德之謹 同 而 咸、恒以 時行; 也; 進 素位 以 而 遯以藏 累 蹇,德之修也;艮,德之止 易退 甘 功,未 漸 下,抑何 漸 處 以自安,巽以 也。 用, 小過,矯枉 也,未濟,德之亨也。 濟以 而 多故 明夷以正志,蹇以 遯,德之時也;明 有 迄濟。 常,巽,小心 乎? 而 入世,節以 中, 《易》爲君子 節,德之辨 甚矣 未濟 1 而無 也; 遯, 異 夷, 制 君 有

## 右第三十七章

其占 子居則觀 」,未常言 《易》爲· 其 卜筮設,有諸? 象 卜筮 而 玩 也。 其 解,動 居則已矣,君子考 則觀 子言之矣,「 其 變 而 玩 君

> 爲 動 以效之,象以像之,事爲著 者,效此動者也,象也者,像此動者也。 也。 得一爻之變焉,則其爲一爻之占,可得而 日 所憂虞也; 无咎者,善補 卦之占,可得 卜筮設也, 蓍龜云乎哉 于念慮之微,而 「智者觀其彖辭, 吉凶者,占其所 而 知 也。 得 得失也;悔吝者,占 則思過 考動 卦之變焉,則 過 而 于事爲之著, 也。 半矣。」夫《易》 念 慮 是故爻 微 其 也。 爲 故 爻 也 其 知 而

## 右第三十八章

+ 方, 用爲大, 離,易之用也,震、艮、巽、兑,易之成也;六 四卦,易之盡 神之所以存也。 《易》者,易也。乾、坤,易之體也;坎、 右第三十九章 兩 在 不 也。 測,化之所 易有太極,此之謂也。 莫非 易也,而坎、離之 以 知 合 無

八五

也夫! 過雖 過乎 焉。 戢其羽,乃知所 前,以示大幾也。 離之前,以示 有棟撓之象焉,所托之地然也,然爲周公之 之辨也。 中薄而外豐,名勝實也, 大,小也; 旨 此皆《易》道之窮也。 小過,小人之道 《易》之序大、 大用 止 小過,過雖 也。 《易》言「善補過」,有以 也; 大過, 下經 也,有飛鳥之象 小,大 小 次既、未濟之 故上經次坎、 過 君子之道也, 抑而從下,載 也。 也。 大過 陰陽

右第四十章

乎 患其不立也; 之,患其 息,以千百年爲見在者,其時習者乎! 故君子欲及時,以勉學也。 逝者如斯夫,不舍晝夜」,其易之爲易 未有 成 繼 也。 學之,患其 與 日 俱 不進 邁, 孜 也 始學之, 孜 , 終學 而 故 不

君子惜陰,聖人積陰,小人死而已矣。

弟,兑爲慈。 行,震爲智,坎爲仁,艮爲勇,巽爲孝,離爲思,巽爲動,離爲容,兑爲言。乾爲德,坤爲思,巽爲動,離爲容,兑爲言。乾爲德,坤爲思,巽爲動,離爲容,炎爲意,坎爲志,艮爲

右第四十二章

卷終

# 劉蕺山先生集卷五

### 學言上

帝 賞之爲《春秋》,節文之爲《禮》,升降之爲皇 爲《易》,政 有 常,是爲 是 四 員 베 爲 者 者 王霸,皆是 憲,是爲 爲 四 立 中規 地 只 方。 而 此 五常。革而 運 天下之道冒是矣。 ,方者中矩 心, Ŧi. 事 生 而 禮、六樂、八征、九伐。 也。 之爲《書》,性情之爲《詩》, 而 不已,是 自 不 只此一心,散爲 然 窮,是爲 不悖,是爲三統。 平者中 能 爲 方能 四氣。 萬 員 衡 際 類。 直 而 能 處 平能 萬化,萬 爲 者 而 建 陰陽 天,蟠 中 不 治 而 壞, 繩 直 刑 之 有 而

> 不知其 化 故 虚 迹,萬類 六 無 復 知 死 歸 方 生之説 所以然。 無情 無 征、九伐 心。 員 兩 無 元 大哉 平 儀一物,方遊 運 無 無 無 法,三統 心 直 紀, 乎! ,其要歸 六 經 無 原始要終, 于漠,氣合于 無 時,五 于 文,五禮 自然,而 常無

物, 矣。 事。 邊 物看,已是大家主人翁 此 也 己。口 事,若爲己而設, 是恁次第 學者常將 天理人欲,本無定名,在公私之間 吾儕日用之間 求仁,孔門第一 假令此己不立,雖聲色貨 此 己 一揚 放在天地間 義。 即 道德性命 隨感 眉 克復,求仁第 瞬 而 目 做做 應 亦 利 無 人 公 因 亦 非 物付 共 欲 而 天 護 邊 義 理 持

一「己」下,全書本有「過惡皆從此生」六字。

有 寡、無小大,只是一箇工夫。❹ 心法也。❸ 無有動静顯微前後巨細之岐,是千聖相 求,欲從腔子内覓歸根,又是將 向 ·放失在外,不知主人翁在 敬,爲操存之法,隨處 吾人有生以後, □此心隨 學者繇洒掃應對而 流行,隨處静定, 何 物 人,至于無 處。 心覓、 而 逐, 一旦反 心。 衆 傳 惟

適莫起念便是子莫。四下分消,粹然立中 起念便是鄉 念便是老,從名實起念便是申、 正 念者是。凡從生死起念便是佛,從成 之極,便當下是聖人體段 夫子所云異端,即近在吾心,從人欲 愿,從人我起念便是楊、墨,從 韓,從毀 毁 譽 起 起

歉 于理也。 情 動 而溢者,昏于性也; 事 過 而 留 者

養矣,君子哉 處 紛 加 不亂, 在樂 而 不淫。 吾以 觀 其

#### 誠立 ,而萬善從之。

本也。 定辭,安民哉。 聽言動,如斯而已。 吾人」上, 儼若思,貌之敬; 全書本 小學之功,非禮無以 有「《曲禮》曰: 安民、言其效也」六十字。 安定辭,言之敬。 毋不敬, 立,而敬又禮之 儼若思,安 非 禮 勿視

逐」,全書本作「感而逐於物,則五官爲之牖矣」。

又曰: 也。 敬 之無閒斷 提撕唤醒 敬最詳,有曰: 往多得之敬。 子得統於二程,倦倦以主敬授學者, 修,在孟子謂之勿忘勿助,在程門謂 在湯謂之日躋,在文武謂之敬止敬勝,在孔門謂之敬 「也」下,全書本有「在堯舜謂之兢兢,在禹謂之祗台 也。 破 綻」二百一十四字。 敬該動 正 處 無不敬之義。 兼内外 是敬之接續 静,静坐端嚴,敬 惺惺不昧,精明 康齋傳之敬齋,皆 端莊整肅,嚴威儼恪,是敬之入頭處; 容貌莊 處。 大抵聖學惟敬,自小 肅 主一 敬 也; 不亂,是敬之效驗 無適,湛然純 也; 一以敬字做成,其言 隨事 至明儒 N' 之居敬窮理、朱 地湛 檢點 貫大,更 致謹,亦 相傳,往 一,是敬 亦敬 處。

4 「夫」下,全書本有「昔有打破之説 之小人。戒之! 戒之」二十字。 鮮 不流 爲 無忌

用 中 理 雖 真消息。 一心,錯 湛 簿 書 寂 鞅掌,金革 若一 心; 静 中 事不 當 理 事 見 - 倥偬 理,可知一心忙亂在 諸 域壞 緣 就 齊俱 攝 事 0 了 學 諸 此 無 事 本 就

領

漫漫言主

静,

無

益

也

謂 格 下 吾 與吾儒 差,慈湖言無意,禪家 知 遺 覺 物 儒 不 同 却 ,所以 自心 ,亦只是虚空圓 釋氏之學本心,吾儒之學 盡 其所 而 物之心 心 無 推 意 與 謂心,亦 之意 天 則 不同。 無 通。 與 寂 知 机 知,其 只是虚 之覺,與吾儒體物之 釋氏言心便言覺, 軸一盤托 無知 象 山言心,本未嘗 則 工 空圓 夫 亦 無物。 出 實 本 寂之心, 地 心。 其所 却 合 在 但

謂 知 無 既 間 覺 可 不 知 截 行 立 無 自 故 餘 有 事 一亦難 云合 即即 次 第。 知即 但 行, 噫 知 後 其 儒 先 要 而 喜 是率天下 行 歸 以 即 覺 于 言性 從 無 之, 知 而

禪也。

于多言。 罪莫大于褻天,惡莫大于無恥,過莫大

淫者 學術亂矣。以上庚 曰 學術之邪 義 利 正 也 申 判 前録。 之 利 義 乃 利 所 以 而 己 爲 義 有 也 辨 川 而

化,此垢猶 何日 却 今不力,墮落百 步。 ? 三十年克一私字 古人云「一 存。 年。 塵土坐以 日 用 不去,背城借 旦 力」,思之汗 挾以俱 無光,發猩 盡,形 狸 顔 定在 顧 銷 骨 而

- 「當」,全書本作「常」。
- 2 三十一字。 學」上,全書本有「即 如喫飯穿衣 有甚 豎得 奇事? 許 多 纔 功 忙 能 亂 亦是沙水不成 已從脊梁過
- 「一」,原作「下」,據全書本改。
- ▲ 「坐」,全書本作「借」。

性,各得其所, 不 可 是何 息 等氣 藏 殺 象 機 看 萬 物 遂 生 復

義,而 楊 有公私之辨。 毛不以利天下 而 在名義中較量哉? 氏 己。 反 枉一尺不 非天下之通義 之也。 -者,楊三 吾 夫楊 以 儒 利尋丈者,吾儒 有見于義,無 氏 特其所 氏也。 則 所 適以 謂 其跡 爲 就其一 毛者,亦豈 義,乃一己 見 相 也 于 似 己之 ; 利 拔 而 利 之 不 實 而

之,而 之利 利之學,楊氏正 毛而 其最 ,而實一己之 楊墨之見,不甚相 術 利天下,有 愈 巧 初曷 當從 用之,而 利 所 天下 也。 不 遠。 爲矣。 其情近; 荷無 起 見? 試觀 利 同 于己, 乎自 墨 摩 雖 氏 頂 日 反 私 放 雖 天 用 自 下 拔 踵

警以 養吾之識,剛大以養吾之氣,果斷以 清 明 以 養吾之神 湛 以 養吾之慮 養 沉

> 量 吾之才, ,嚴冷以養吾之操 凝 重 以 養 吾 之 器 寬 裕 以 養 吾 之

可言。 斬 釘 截 鐵 胸 中先淬一 利刃,方有 建 醫

會自 鄉 妄人,于他 未至者言,若吾儕小人直是自 章,我必坐一 人亦不易及也。 反, 每 遇 方得 拂 人 意 報 項 到 事 在 君 施 即 子 平 可 等耳。 不 且 須 愧 孟 誦 哉 **企** 孟 子 無 蓋 禮 不 子》「三自 處横逆,自 知 爲學聖 地 位 又 經 一人而 幾 正 反 是 + 處

此 而 不墮 言之過; 行之過 凡人一言過, 禽獸 也 0 行 ! 蓋 過,則 人 則 情文過 終 終 日言 日 之態 行 皆 皆 輾 如 轉 輾 此 轉 而 幾 文 而 此 文 何

説 應 無 接 根,或 賓 日 用 客, 之 思 或 間 想已往 散 漫 北 庭 無 未來,或 除 事 事 或 或 静 理 出 窺 藥 書 人 餌 囂 册 選 或 或 擇 談 或

惡 子; 生。 此 適 事 衣 不以 以 甲 食 及一 往 前 裹 或 H 不 自 造 詬 誤 朝 如 謂 次 童 可 讀 前 患 頗 僕 而 勝 作 日 無 違 數 或 書 0 妄 大 仁。 措 起 追 過 故 此 饔 原 君 飱 杜 念, 所 子 書 門 自 恁 不 此 便 守 地 以 多 成 拙 捱 念 閒 坐 附 排 禍 便 前 居 會 莫 而 下 H 亦 無 肆 推 種 無 口

于忌 焉 苟 試 諂 此 有 反 面 嫉忌我者 幸 以 每 諛之人乎  $\Box$ 而 之外求忠 念當 思之, 當 而 吾之過 言 世 \_\_\_ 此 無 有 無 告 嫉 忠 及 顧 無 忌 告之友, 我 幸 往 也, 我 者 而 而 者 則 矣, 非 亦弗 當 胡 吾 忠 則 爲 告 無 又安 遽 思之甚 乎 從 也 抵 知 來 抉 之 非 使 哉 吾 日 矣。 吾 ? 讒 调 :

得 亦 引 而 人言之及 吾自不 不 發。 察耳 我 譏 者 稱 0 2 進 蓋 甚 反 亦 之間, 者 寡 或 矣。 示 使 我 幸 以 而 思 意 及之, 而 意 自

> 意 轉 至 不 哉 失 喻 可 之 意 若 而 而 而 復 徵 往 意 于 阻 色 拒 之, 吾 諫 飾 3 目 使 非 擊 人之抱 之態 焉 而 亦 亦 意 意 而 何 喻之, 來 所 者, 不

避。」 又有告诉 者 應 吾 如 日 加 之日 是 ? 與 反 : 「某未之 乎? 之, 既 吾 忽有 曰:「敢 解 罪 我 其 一夫 者 告 售 焉。」 劉 不 焉 我 聞 夫 日 子 善 請 : 者 忽 也 也 憮 者 則 某 遇 亦亦 日 0 或 然 而 何 之 謗 : 果有之,吾 欲 曰 去之。」 何 如 罪。 且 : 聚衆 或 ? 至 辱 謗 非 于 不 我 日 汝。 然 而 謂 是? 得 者 : 反 辱 則 此 于 擇 則 則 汝 吾 也 唾 前 果 將 其 迴 罪 面 有 應之 善 則 車 吾 則 而 者 將 將 乾 何 而

<sup>● 「</sup>及」下,全書本有「夫時移境改」五字

<sup>「</sup>吾」上、全書本有「良工苦心」四字。

③ 「復」,全書本作「後」。

礪人以進吾學也。」以上癸亥。

之心 生具 爲 天 則 心,便 没 備 飢 賊  $\mathbf{\Pi}$ 承 全 曲 1 父兄 寒 百 而 倍 體 有 于 天 後 一端 曲 須 贵 有 便須 于 此 之 已 皆 啓 基 有 不 珍 義 而 所 見 牖 業 雖 是 此 辜 有 却 奇 禮 不 以 非 天 而 終 扶 羞 又 負 玩 能 既 智之性 與 之 亦 不 持 有 無 惡 先 好 守 有 我 無 能 心。 一端。 之心 安 繇 人, 成,至 良 又 者 如 反 全 人 田 爲 有 之何 身承 四 禽 ,較之祖 甚 ; 廣 似 不 于 詩 者 恍 有 美 如 宅, 矣。 受,必 肖 書 更 好 時 有 且. 隱 之 禮 家 途 又 不 時 富 哀哉 父蔭 當 樂 蕩 迭 甚 有 欲 去。 見 不 見,一 盡 乎 辭 見 縱 無 百 如 似 身 讓 惻 物 或 子 所 戕 尤 受 見 之 隱 器 上 弟 汩 不

中 有 隱 時 無 今世 隱 此 之學 物 處 毫 有 道 釐 以 者 走 出 自 作 平 謂 其 彼 F. + 處 分 + 或 親 分 潛 切。 虚 或 假 露 覺 只 時 此

> 催 者 志 間 何 不 道 爲 蠅 何 人 人 不 甚 事 耳 足 其 頭 而 上 ? 也 以 可 争 志 恥 口 ? 路 動 與 悲 得 須 惡 在 不 知 之, 語 此 有 衣 乎 有 思 蝸 男兒 言, ? 惡 爲 頂 何以 而 角 若于 食者, 天 者 自 不 争 顏 負七尺 亦 立 爲 在 鬭 棄 淵 此 志? 若是。」 地 彼 者 未 信 日 溷 做 也 足 不 軀 不 厠 第 及 可 聖 與 舜 之 讀 孟 \_\_\_ 子 議 便 與 人 中 流 聖 何 子 有 曰 直 也 無 争 賢 人,直 人 日 : 爲 鄙 法 臭 書 也 其 士 口 自 味 欲 衣 最 所 爲 志 治 岢 學 食 子 與 無 于

至 間 倒 不 大 斷 都 能 爲 在 無 游 忽 擾擾矣,此 這 所 思 然 用 裹 妄 走 想, 但 何 作 暇 用之于學者既 不 吾 游 主 必 立 客 思 苦 之勢 刻 妄 事 與 想 禁 之追 也 ? 遏 專 即 究 大 則 這 去 抵 裹 亦 起 人心 不 無 不

人千 修 古 萬 人 行 千 ,亦只要求 言 萬 語 只只 解 要 下 解 解 得 下 盡 即 便 是 吾

便見 有 不 人皆不解 解 解 人,不 聖解 是 凡 凡 夫 盡 夫。 我 安 解 則 得 則只是 爲 獨 凡夫不 解 賢 解。 ?此 解此 此之謂 解 解 之謂 • 有 耳。 分 纔 凡 不 數 求 今日 夫。 解。 是 解 學 則 又 人, 惟 立 日 聖 地 全

復 内 云: 外 去之。 「心有 ,其渾然不 此心放逸已久,纔向 總之, 所 向 便是欲。」向 見 未 内 得 外 天 處 理 即 内則苦 之 内向 所 天 安 理 外皆欲 而 耳 也 不 適 心 先正 也 無 忽

此 就 未 其 來 處 中 逐外 理 此心絕無湊泊 一會得 間 不容毫髮處 是人 分明? 爲, 則大本達道皆從 處 搜 從 裹 ,恰是此 是 前 鬼 是 窟 過 心 去,向 真 四 此 凑 路 出 泊 把 . 後是 處。 截

須 指 如 點 所 Ŧi. 更清蓝 謂 學問 大約 寸 之道 夢 鐵 使人 時 殺 只只 人 思 血 者 戰 有緊關 而 是。 幾 自 場 得 聖賢 也 之。 下 之 此 難 訓 認 項 多隨 工夫,直 得 清 楚, 地

> 道 此 見 與 外 郭 思 求 心 然而 道 無 即 妄 物 大公 與 累 消 也 便 融 物 是 去, 見 來 道 爲 即 而 妄見, 莫于 順 此是善學。 應。 此 思 外 爲 妄 更 君子之 思 求 有 道

之 除 在 理,而 則 利 胸 中 心 順 切 在 逼 萬 褒譏 窄, 物之應乎 則 得 不 以 切 能 利 動 容 ? 我。 害 物 得 只 又 以 是 何 動 名 以 我 利 觀 名 天 心 小 未 F

物 惚 此 前 求 氣 看 而 未 中, 己。 三十 象,正要 喜怒哀樂之未 便 年 正 伊 去 ĬΙΙ 胡 恐 人人在 做 亂 人 謂 Ι. 走,今日 滯 「不當于喜怒哀 慎 夫, 發謂 在 獨 贵 氣 上 之中 不 象 始 做 上 辜負? 知 Ι. 道 夫, 將 先 不 樂 非 儒 中 遠 昔 未 字 教 想 人 發 作 像 人 如 之 看 恍

■ 「凡夫」上,全書本有「自聖人以至凡夫,必以是爲差

贵 本。 以 達 和 温 一功 道 不 戒 乎 睹 懼 莫見 慎 隱 行 念箇中 獨 ? 微 屬 焉 不 聞與 之功 致 乎隱 ,此《易》 者,未 致中之外復有致和 中 字 獨 全 慎 莫 發 有 伊 獨 理 用 顯 之中 111 屬 之以 之易明 乎微 體 便 致 乎? 謂 ; 和, 立 故 他 顯 者 大本, 兩 之功 中 不 戒懼 見 也。 者 如持 爲天 者 分 乎 與 而 配 戒 己 ? 下之大 乃朱子 獨 天 動 發 珠 下之 慎 之 有

之體 時 得 栽 走 全 夫 作 培 無 毫? 灌 問: 用 而 此 發 溉 否 若 時 工. 慎 此 走 如 如 夫 獨 静 時 何 作 曰 都 專 存 後 用 : 在 屬 毫 不 工 便 如 之静 根 得 私 夫 覺 樹 ? 上 力 意 得 用 木 存 著 苟 纔 有 便 不 枝 則 能 喜 根 與 得 葉 動 纔 他 方 上 時 怒 又 如 有 痛 如 工 如 其 時 枝 夫 何 何 未 便 葉 著 此 用 發 會 果

喜 怒已 過 T 仍 是 静 存工 夫也

> 乎? 乎? 子 物 痛 乎 毛 引 吾 又 ? 必 善 之 ,又可得乎? 周身之痛,一 之言忠, 亦不仁之甚者矣。 與 失 善 遇父 君子之言孝,正 遇 之量 天 所 君 下 有 有 正 即 同 原 不 不 我 以 歸 如 慈 毛 成 之失所 知 于 此 非 其 善、然為 血 而 而 外 君 而 肉 以 日 日 之仁 況 也 之 成其父之慈 吾 非 後 吾 處 痛 徒 有 忠 孝 壞 綱 也 而 安 以 已 已 周 常 不 全 盡 至 拔 身 至 倫 知 之 其 也 也 義 理 而 也 性 而 二,得 之 毛 理 護 ; 近 蓋 之 君 得 而

問 合 事 還 而 「何 多 無 動 事 中 間 事 以 有 不 也 能 静、静 則 如 之?! 日 静 事 省 以 省 事 中 宰 有 有 . 動 以 動 事 無 者 事 動 不 欲 復歸 天 順 如 事 以 理 無 静者,人心 上乙丑 一之所 事 則 事 以 以 丙 無 寅 妙

天

地之大,本

吾

體

盈

天

地

間

有

静,時 性至命之極 而 之所以 人 心惟 動而 有 主 以 動 則 静 而 即静即 也 常 爲 主 也 動 以 静 故 無静無 爲 天 理 主 動, 無 則 動 時 君 無 静 子 静 盡 而

所從出 孰綱維是? 陰,生生不 對 而言, 誠 通 息處 而 則通復皆屬 言, 便 則誠 是動, 復爲静 然 之動 而 孰 ; 主 蓋 本 一氣之 一張 生陽 是? 生

也。」 著不 然則 見 蓋 偏 動 處 動 以上甲 得註 何 静 静生陰陽,兩者缺一不得,若又于其中 周子主静之静,與動静之静迥然不同。 以 焉 只 脚,只得就流 戌 又下箇静字? 是 則 將 理, 何 以 而 爲 陰 行處討消 生生化 陽 티 : -太極 化 只 只是 之本 息。 爲 主 亦以 宰 乎? 事 處

更無旁蹊曲徑可託,纔一跌足,墮落千仞。只做向上人,只問向上路,只此一路,

上乙亥元旦壁帖 愚,省事以守吾之拙 味 退藏, 味 亦 闇 可 淡, 以寡過 寡 言 矣乎 以 抱 ? 吾 之 以

車輕路熟時,不知是一是二。 克治力居多,進步之後,涵養力居多,及至

正諦當時,切忌又起爐竈。

是助病,幾時得箇忘也。」 問涵養。曰:「勿忘勿助。學人大概

志,必求諸非道。」君臣、朋友皆然。「有言逆于汝心,必求諸道,有言遜于汝知人之道,莫先于知言、《書》有之:

之要,職掌爲主,流品次之。論人之要,心術爲本,行誼次之,官人

意,提綱挈領在進賢退不肖。本正則末洽,格君心,定國是,端本澄源在正心誠

綱舉則目張,兵農錢穀,各有司存。

無事時戒一偷字,有事時戒一亂字。2

未信于人; 有憎己者,知我之不肖; 己者,皆我 有勝己者,有憎己者,有疑 師 也。有勝己者, 有 異己者, 有疑 知 我 知我之不若 己者,知我之 己 之尚未 ]者,有日 同 異

點 當?」蓋點鐵成金語 日三 檢點,程 子曰 也,只爲和 : 其 叔 餘 並未 時 做 甚 檢 勾

程子曰「无妄之謂誠」,无妄亦無誠。

以 公,巧似智,此人臣之六賊 猛 爲 許 似直 威,以愎爲斷,以自用 ,佞似忠 諮 似恭,曲 也 爲 以 勵 似 精 察爲明, 慎 ,以私 刻 似

之術,而攻之以六賊,必無幸矣。

凸

北有可耕之地,而無其人,況大亂之

智小

術

爲

作用,此

君

之五

窮

也

挾

五

窮

農,合天下之農以寓兵,即天下之兵以 後,千 兵,又鼓天下之商以 賦,人主亦何 幾而理也 下流移之衆以歸民,聚天下流移之民 士,而又率天下之士以爲民事,則 里 爲 塘, 以 吏守 立 國 ? 無 佐農,教天下之農 民 爲今之計,宜 之 地, 官 天下 出 無 事 以 以 散 田 養 歸 爲 天 之 口

積疑: 同 之情面 人情以狗一己之情,反謂之無情 今之所大患者,在人臣 秦、越, 其臣 王道本乎人情,又曰 ,正爲以私交廢公義 <del>"</del> 則 君 畜以 臣 之情 奴隸 ; 有私 離 下積 矣, 二人情 交而 也。 此 畏 否之象也 其 面 廢公義 而 即 君 乎? 今者 天 · 而 理 絶 謂

<sup>●「</sup>格君心,定國是」,全書本作一條。「端本」至「

二「戒」字,全書本均作「得」。

③ 「未」字,原無,據全書本補

忍 不 牙食子之 吾黨之直 議 謀 卿 矣,此睽 欲 于 大 以 同,人情本乎天而 國 己之私 就 卿 夫 不 無危亡也,得乎 大 之象 類 己 是 謀 夫 亦 以 也 于土 而 也。 是 就 而 不 天下 也 情 爲 庶, 如 趨 面 私 致 是 前 而 人 去 ? 人,有 則 如 獨 不爲公,如 諾 其 亦 周 大 斷 心 可 則 公、 抵 獨 時 而 謂 僚 行 情 拂天下之公 從 孔子之過 絶 寀 ; 面 面 起 情 之 士 與 殺 面 有 情 庶 人情 妻、 矣, 時 離 不

巧, 愈 E 借 自 主自 滿 主 術 是 之病 官 則 邪  $\equiv$ 逢 之 迎 病 愈  $\equiv$ 曰 工. 自 主 , 用 主 自 自 用 滿 日 則 自 則 規 是 威 卸 福 愈

勞,而 小人 必 身犯 相安之日 世 遺小人以逸; 道 天下之害, 昌 明之日 則 恬 而 其 世 者必 遺 道 君 小 艱 爲君子,競 子 危之日 必 以 身 利 任 者 當 其 天 必 君 君 下 之 爲 子 子

> 小 争,是亦小人而 制 小人,負者必爲 之乎? 人;當君子小人争 日 : 制于 君子 已矣,斯亂 人。 勝之日 然則治 之道 以 君 亂之數, 也。 子 則 勝者 而 與 必 小 又 誰 爲

有 食之,陽盛 日 有 食之,陽見 而 凌 陰 亦 蝕于陰,日之過 日 之過 也 也 ; 月

乎 時 求 ? 知 而 ,是程子所 心 離 曰 以 心 : 物爲 乎? 惟 心 體 謂 無 日 離 反 外 : 鏡 物 無 索 無 時 照 知 非 也 物。」 0 今欲 然 心 則 離 在 物 物 有 以

人 爲 逐 盡 物 也 人以達天 而 喜怒哀樂,性之發也; 遷,人之爲 忿懥、恐懼、好樂、憂患 也 衆 人 以 因 感 人 心 心 而 而 之發 動, 汩 天, 天之 也 聖

只 故 、是盡 其 要 大學》言心 歸 心之功,故 之慎 獨 到 ; 其 極 ^ 要 中 至 小亦歸 庸 處, **※**言 之 便 性 是 慎 到 獨 盡 極 性 之 獨 至 功 處

也。形而上者謂之性,形而下者謂之心。

來,則 時 顯 也 是 獨 思 日 是 然性體即 慮 十目 虚 未 位 起, + 手, 在 鬼 從 心 神 性 是 體 莫 體 思 中 知 看 慮 看 時 既 來 出 也 起, 則 吾 從 日 莫 心 心 見 獨 體 莫 看 知

也 道 而 日 達 誠 ,聖人也。 于不 誠 思誠者,人 心之官則思, 者, 思 不 而 此 之道 勉 得。 心 性 思 而 之 也 中 又曰:「 日 辨 ·, 不 睿, 也 睿 思 作 誠 而 故 聖。 者,天之道 得 學 始于 從 性 容 之 思 德 中

若思 何 學人言, 人言 思 ; ,曰弗 思之一字,古人往 爲 曰 聖 思耳 慎 人言 思 日 爲 日 近 無 庸 思 思 人 往 ; 言, 而 喫 爲 無 緊 日 賢 乎 爲 思 不 人。 無 言 思 邪 爲 亦 日 爲 儼 小 

重 故 耳 每 拜 誰 疏 謂 君父,多 不 蹈 鄙 以 夫 輈 行 張 徑 履 ? 錯 蓋 且 得 就 失 得 太

失心搜求去,是今日喫緊工夫。

惡 不 小 人 勉 而 己 後 朱 于 善 天 子 之司 云 而 隱 密 命 制 微 其 深 即 命 錮之疾」, 尋 者 常發 既定 卒亦 心 此 措 即 事 爲 歸 未 于 爲 嘗 輩

見 有 坦 每 日 然 間 釋 然 只 處 是一 此 專 害 私 道 意 甚 憧 者 憧 往 來, 全 不

省察。」 問服官之要。曰:「静時存養,動

明 中 有 問 有 我 誠 誠 之病 誠 明 亦 曰 惟 教 : 也 發 誠 爲 中 勝 有 心 勝 明 氣 明 最 亦 難 性 持 也

故 明 謂 之 自 誠 者 性 明 不 ; 誠 勉 謂 誠 之教 之者 而 中, 不 擇 思 善 而 而 得 古 執 故 曰 者 自 也 誠

神 以其理 天命 之 而言,則 謂 性。 以 日 其 太 極 情 ; 狀 以 而 其恍 言 兮惚 則 曰 鬼

時

而言,則曰幾、曰希,以其位而言,則曰獨。

至 者 中 看 紛 工 夫不 處 出 心惟 求 ,始見得 . 得 一,至偏 不向 危 道 心性 危處 倚 心 處 惟 起, 求 而二、二 微 是就 中 也 道 至 心 而 粗 即 處 在 求 然學 人 精 心

處 所 箇 以 執 説 爲千萬世 中 虞 -,是指 箇 廷 精 説 箇 本體工 一,是指 心學之祖 惟 微 夫合 工. 是 夫 至 指 微 • 道 至 至微 體 妙 至 處; 至妙 微 至 又 處 説 妙

憮 自 面 來,安知千 往 任 然 人 矣,豈 如 亡友 此。 劉 檢 載後又無 知 静 乃今只 點 千 之尚 載 我 而 也。 論 是 檢 下 Ŧ 檢 點静之者?」其 被静、 懿 古 點 哉 得 當 之檢 失,嘗 吾 面 友 點 曰 却 破 : 爲 被 刻 綻 古古 之 當 厲 出

便 是 自 纔 説 棄 聖人爲 纔 説 聖 不 人 可 爲 爲 必 姑 口 做 爲 第 仍 做 等人」,

等人」,便是自欺。

矣。 自 師 世 道 立 鮮 師 而 善 道 人多 故 擇 ',若取 友 爲 急 友 則 損 益 種 種

毫 功,只 得 位。 決 故 至者 行 執 處 云耳 無 力 第 中 所以 終 大禹 之傳 也。 在 生只 後 用 堯 是行 人。 勤 如 來 處 日 被 天 儉 大舜 只是克 顔 是 此 漸 所 他 開 如 二字, 子 舜,學知之至者 舍己 是 登高造極 無 做  $\Box$ 神 善學舜,曾 一生只認得自 他 説 事 T 艱, 從 大 所 真 聖 人 而 智 是 謂 口 人, 心 己 人。 迥 處 勤 口 惟 自 好 乃 説苦 隻千古, 即 將 禹 子 危 庸 問 知 也 補 善學 治 人做到 是舜之稱 好 禹 舜 己 説 拙 ; 水 之聰 察 是 禹 艱 真 爲 是 禹。 儉 庸 其 自 聖人 聞 極 木 生 以 明 道 大智 見 知 寡 知 噫 大 也 若 故 之 事 地 安 调 生

●「一」,全書本作「著」。

是 不 處 是 見 母 也。 録。 爲 不 在,但象語是僞,舜答是真,此 號泣」二語是真實 得 是 與 必 處 得 愈 些子 無之 處,與舜只争先後 當 繇 不 弟 事 舜 達 愈 然者。 Ė 時 此 處 見 愈 流 如 得 事 也 父 推 人倫,未 上 愈 母 之, 此 事 ,只「鬱 一,便 下,終 已 做 及 ,❷我必 兄 可見當 如 舜 瞽 弟 是 免 此, 極 瞍 都 聖 陶 語 成 有參 有 難,不合有 之間 人。 坐 思 允若之日 凡 時兄 不 我 在 君 予嘗斷 商 夫; 是 原 要之, 庸 耳 皆 弟 處。 無 人 是分聖、狂 纔 依 語 天 不 局 焚 不 認 起 己 舊 相 理 纔 是 内, 廩 是 認 存 脚 認 傳 有 人情 處 處,故 得 不 其 大 是 浚 處 無 父 實 體 是 舜 井 有 只 處 不 之

説 言不 中 明 庸 **》**有 而 數 日 喫緊 賢者過,不肖者 語 日 知 不 行 及」,言 合 之

> 天之載 是也; 也; 也 不 可 誠 而 ; 己。 行 以 明 有 有 合 前 而 隱 天 有 知 無 曰 之説 言言 人 顯 見 聲 合一 合 知 微合一之説,「 無 言 者 一之説 明 臭」是也 之説 過, 則 誠 誠 愚者 則 明 而 君子 闇 前 不及」是 然約 鬼 然 日 之 神 曲 而 之則 至 之 道 日 能 也 爲 章 費 誠 有 之道 德 誠 而 慎 隱 是 是 獨 日

如 嚴 癸 則 哉 亥 爲 此 天 看 便 獨 命一 夫。 是 學者于進 篡 日 故 後 未 武 絶, 王 退、 日 以 則 語 Z 甲 爲 默 丑. 子 君 便 日 動 臣 是 興 静 ; 之宜 坐 若 一失事 日 先 既 機 絶 日

❷ 「事已」,全書本作「自己」。

③ 「耳」下,全書本有「自來說父頑母囂象傲舜大孝,千

理 以 \_0 明 善。 爲 天 善 理 去 人 惡 欲 毫釐 同 行 而 而 千 異 里 情 故 故 知 即 其 欲 不 口 善 以 還 所

終歸 不可 焉 學之全功于是乎在矣。 難 伏于仁者之中。 不 心 複 日 而 好好 爲 本 語 力致其決,以全其有 以 有仁 于不仁 者轉足以 好惡之正者,終自 ,然所好者必合之所惡 夫子既言「好仁」,又言「惡 蓋 不能 欺好惡 有 無不仁,而 之矣,我未之見也。」 如 而已。 好 故故 勝 好色,惡不 仁,此 至于仁不仁 日 : 「 然 氣 人雖 拘 仁無不仁之體, 時 不 若于 我 爽 其 物 尤 未 可 能 賴 蔽之後,不仁常 以 · 此 而 見 而 如 衡 本 相爲倚 力不 目 後 不 (悪悪 心 欺 又復 清 而 之明 前 ·足。」 吾 臭, 伏 自 則 蓋 古 又 亦 聖 似 終 欺 發 而 人 不

罶 然 日 讀 章是 一尚 絅」之詩, 也。 天下文章莫著于是,而 而 識 獨 體 之蘊 焉 所 謂 却

> 馬,一 怒字。 其疚 矣。 天衢 顯 中 知 真 且 當奏格之時,止有一 漏 而 藏 淡 知 也,善學者 面 不 于 之詩, 簡 又向 而 又讀 君子 可 病之門, 故 目。 至 又 理 温 百 窺,而 闇 讀 辟 渾 日 屋 慎獨 「靡争」之詩,而 而 之 知遠 一句 已刑之。 不 可可 然,名言莫措,并 漏 中 愈 民 時 處 而 與 之功 知 顯」之詩 Œ 己 之近」三句,獨 不 時 討 猶 人 慎 見 化。 提 可 德」。 消 慮 獨 湛 焉,首從人所 當此 獨體之妙, 醒 得 其 息 之 然 賞 而 孔 功 謂 此 純 又讀 愈 并 而 之時,内 睹 昭 心 焉, 知 便 己 愈 其 賞 也。 不可 是聖 慎 之,即 氣 知 不 德 中 同 潛伏」之詩 分 獨 象,并喜 慎 自 且 可 河州《中 是 不見處杜 又讀「屋 路 喜 得 外兩忘, 之功焉 獨 得 歸之不 爾 有之真 也 ,便是 而 之功 室 而 · 對 庸 聞 怒 之 見 下

❶ 「人雖可以目欺」,全書本作「其如可以自欺乎哉」。

臭」。 獨 又微 至焉 又連 係先子自註,後註 而 著子,故曰「道 體只是箇微字,慎 化 咏 于 嗚呼! 曰「不大」,曰「如毛」, 繇 道 明德」之詩, 人 所不見處,一 只 、是篤 同 至矣! 心惟微 恭 獨之功亦只于微處 而 而 無以 知君子慎獨之功之 天下平,慎之至 步推 以 此。 日 復加矣! 人一步,微之 「無聲」 「賞謂 心 且 賞之」 可見 也 下 無

上了」,可知纔言無意,便是意也。慈湖言無意,陽明子謂「不免著在無意

多言,浮也;謔言,淫也;辨言,愎也;

巧言,佞也。

妄故 何以 故 有不 也 ? 故 善 真 曰:「復則」 未 知 嘗 故 不 也 知 不 何 知 妄。」 以 之未 真 知? 嘗 復 行 真无 也

來? 自 豈. 來 所 久 謂 少工 月一 課, 至 者 此 耶 心 ? 憧 憧 或 日 爲 却 官 何 家 事

有公幹。」然不曾爲公幹廢却三餐。

既 于 成 固 前 已無及。 愎之一字最 成于我 也 難 治, 須從起處下手方得力, 起 于意,遂 于 必,流

心 極 即 而 太 動也。」并此二心,即 陽 極 明子曰:「惡 動之心 無 非 静 静 無 也 動 水水 即即 静之 是無

澤借 自不 弗全矣。 可 光也,珠玉之所 珠 藏 掩 故君 澤而 也。 自 子之道,闇 及夫剖 媚 以 玉 珠 弢光 藴 斲璞,而至寶 然 Ш 于 而 而 至静 日 含 章 輝,非 者 其 之性 爲 神 Ш

處。 人爲 車 買 予謂 臣 槨 高存之以 一爲 無 :「夫子 窮 臣 理 有 不許顏子之厚葬及子 盡 臣 性之至,獨 當 正 正 日 是一 原 自 副 異 説 見 得 于 成 佛 分 道 明 路 氏 理 言 使 雖 性 門 賣

0

之謂 夫婦 動 故 天 可 人慣慣 與 然 八知者。 自 不見 有 之性。 耳 此之謂 門人輩 天然自有之理,此 一只爲 私 意 所

生意是仁,這一點生意純一不雜處是義。辨心種者,仁義而已矣。心中只一點

也 氣 人之命 也 盡 天之命脉獨鍾于人,飛潛 仁者 脉 盡 其 獨 人人者 ,并義禮智信與之俱盡矣。 鍾于仁,義禮智信 并飛 潛 動 植 與 動 ,皆仁之餘 一之俱 植 ,人之餘 盡 矣。 氣

中,而 特 己。 則 止 而 精之合意、知、物,粗之合天下、國、家與身, 合意、 後 日 表之日 凡聖賢言心,皆合八條目 成其爲 天下、國、家、身、心、意、知、物。 Ш. 心 脉 知、物言。 明 也, 愈統 仍是一 心。 德 而言之則 貫,正是此心之全譜,又 若單言心,則心亦一物 惟《大學》列 日 而 心,析而 言者 在 八目之 也 惟 言 ,或 而 之 心

> 致其知: 在主意 亦 者,至善之所止也,而工夫 之本在身,❸身之本在心,心之本 止至善云耳。 更無格致可言。 而二者 《大學》之教,只要人知本。 中,方是真功夫,如離却意 止之知,而 也 格 致者,誠 格其物 故格致與誠意,二而一 有本末之物,歸 意之功。 則從格 天下國 致 在 根 功 始 意 一步, 夫結 正 家 于 意

今必謂. 后意 項 夫 誠 知 知 止 也 則聖學斷 止 0 而 意誠 定、静、安、慮、得,所 節 是一 則 不如是之支離 正 項工 心以 夫,致知又是一 上一以 而 謂 貫之矣。 知 古人之 至 而

<sup>0</sup> 謂 而 不可以 言 Ü 則 也」,全書本作「心一也,合性 日 覺。 心爲性也。 覺即仁之痛 又」。 癢處 不可 而 言 則 以 日 覺 爲仁,正 仁 性

②「心」,全書本作「覺,爲覺,爲其仁也」

③ 「本」下,原有「遞」字,據全書本删。

教 亦 何 至 架 屋 疊 床 若 是 平

之所 爲 旨 于 發 無 所 惡 善 訓 乎 言自 發 發 也 意 而 不二 非 是 將 中 而 所 心之 孰 是。 之 于 惡 發 爲 好 得 惡 所 先 傳 所 惡 · 正 以 于 存 存 日 所 所存,豈《 非 見 : 乎 于 發 ? 此 善 所 如 言 心之存 而 發 惡 乎? 如 不二 也。 惡 大 心 臭, 學 爲 主 于 如 朱 》知 所 意 有 如 惡 子 存 本 爲 善 好 以 意 心 而 好 所

此

見 則 陽 也 心 無 0 最 所 明 不 謂 淪 則 初 爲 子 意 易》 之機 善 爲 于 不 曰 動 悪 有 心 著 M 之微 Ē 之所 可 于 善 但 惟 吉 知 好 有 微 幾 存 X 善 惡 則 之 者 可 日 惡 者 動 體 則 知 動 惡 意 而 至 也 之 之 意 無 而 静 謂 微 已 動 動 非 吾 者 ,吉之 吉 可 幾 請 莫 好 知 何 之先 折 也。」意 如 惡者 ; 也 先 以 意 謂 見, 孔 見 非 先 者 子 此 意 乃

> 幾 也 獨 非 幾 乎

體 用; 之謂 ; 知 知 心 無 體 無 無 用 用 體 體 以 以 以 原,此 意 物 意 爲 爲 爲 用 之 體 體 ; 謂 意 ; 顯 物 意 無 微 無 用 無 無 體 用 間 以 心 以 以 爲 知 知 用 爲 爲

豈 今人 有 日 加 言 仁 誠 正 以 義 意 則 心 (大學》 之 性 禮 循 工 日 後, 智 也 喜 夫 序 以以 自 怒 是 求《大學》, 又有修、齊、治、 誠意之後 哀 心 理 樂; 貫 而 而 言 言 血 則 則 脉 故 另 理 日 日 謂 不 喜 也 平工 有 是 [怒哀樂。 格 義 自 正 循 致 禮 夫 性 心 智 之 序 耶 工 而 後,另 工 自 言 夫。 氣 间

平, 和 真 提 延 消 口 遂以 訣 息 自 平 濂 姑 但 夫 看 溪 即 説 有 所 喜 中 不 主 謂 怒 以 得 静 哀 未 求 前 立 樂 發 獨 後 極 未 以 體 際 之説, 發 前 耳 氣 以 而 象 前 傳 和 蓋 在 氣 之 獨 即 豫 其 象 不 是 中 章、 離 獨 爲 中 此 中 單 延

言道 端 折發 念邊 守程 爲 前 慎 語,庶幾不謬于慎獨之説 而 베 倪 善 -專 獨 敬之一字,又所 是静 爲 明 學延平者,然終未得《中庸》本旨。 事 斷 門主敬之法以 真 既 第 不 方便 矣。 内 思 寂 有 能 即是已 義 故朱子 法門 無弊。 以 爲悮 機,直欲 心 也。 發」,果 以 前 爲 教學者。 終不 至《 流 主 後儒 仍歸 求 一,則 湖 貫 取 之思 然 乎 南 延平 之涵 性 則 不察,謂 最後 特其 中 動 情 慮 心 和 ·之説 静之間 養 未 各 行 更以 以獨 問 有 路 起之先 未 答 路 統 絶 察識 發 爲 遂 語 理, 等 可 轉 動 專 以

所 知 而 個 下 發言 後 動 不 喜怒哀樂,而 儒 字。 得 程子云:「喜怒哀樂未發謂之中,此 個 苦于未發前 之和 静 然 人 字。」已 蓋 安 得 以 自 求氣象,不已惑乎? 爲千: 表 其 有 裏對 所存言謂之中,自 無 古卓 喜 待 怒 見,却不 言 哀 非 樂之 以 肯 ·時 ? 前 後 其 下 時 須

陰陽動静而妙合無間者,獨之體也。際言也。中,陽之動也;和,陰之静也。

合

所 睹 斷 不 矣。 而 聞 戒 但言道 2 直 慎 正爲道本之天命之性, 乎其所不睹,就 時 不 時 可 與天 離 0 命 即 對 睹 越 所 聞 也 聞 時 而 故 己 恐懼 須 君 子 臾 乎 就 無 其 間 所

是判 其所 不聞 不 夫,亦是禪門流 · 着 時 方 成兩片矣。 不 或 睹 曰 是須臾不離道 . 即 ; 既 後 君子 世 嘗 弊 學者, 恐懼 且 既 聖學原 人 嘗 自 所 戒 有 否? 聞 朝 慎 無 至 矣,又必 所 此 種 夕, 曰 : 睹 教 瞑 矣, 法。」 終 目 及 杜 無 如 又 聰 睹 此 其 必 聞 川 所 及

莫見乎隱,亦莫隱乎見;莫顯乎微,亦

2

<sup>1 「</sup>但言」二字,全書本無。「離」下,全書本有「若止言

<sup>「</sup>時」下,全書本有「用工夫」三字。

莫微 顯 微 之謂 乎 顯 獨 故 此 之 君子慎之。 謂 無 隱 見 無 顯 微 無 隱 見

怒哀 怒哀 其 樂 率 所 未 哀 動 而 加 加 未 樂 以 始 未 之時,又有感 己 無 心 也 發 滯 未 發 樂 樂 爲 静 始 有 不 或 即 ·睹不 問 終 終 性 始 寂 故 ,謂之陽之動, 反 于 淪 睹 滯 當 也 感。 爲 當 也 有 于 即 聞,天之命也; 于 静 冥 無 造 氣 故 不 性 有。 動 當 乎 于 于 ; 機 而 睹 及 ? 之所以 其 而 及 有 無 之屈 遂 即 其 其 寂 無 以 象。 端 通 曰: 已 聞 動 動 然 其 感 之時。 伸 爲 發 即 而 未 不 安 感 而 0 性 静 不 無 性 謂 始 動 得 遂 而 亦 畢 3 聞 而 動 之 之 無 淪 通 以 遂 睹 寂然 竟 獨 無 即 故 陰之 之 時 未 通 于 動 亦 有 静 心 也; 之體 喜怒 之時 之時 無 際 静 發 聞 . 寂然 之所 静 者 爲 喜 性 以 故 性 也 ', 喜 喜 動 也 以 之 其 當 怒 哀 不 之 静

> 之有 乎其 皆 俱 若 外 喜 動 止 謂 怒 静 滅 動 于 則 中 所 節 有 中 無 哀 無 則 而 不 時 静 謂 事 樂 極 性 性 止 睹 矣,是 之 而 未 而 體 互 有 于 和 動 發 太 恐 爲 不 時 中 極 謂 懼 與 因 其 謂 而 則 纔 之 乎 感 根 獨 時 動 生 有 動 中 分陰 之 其 乃生; 位 極 滅 本 于 體 所 爲 復 矣。 矣 中 静 不 推 也 静 分陽 是 有 聞 即 遷 而 ; 蓋 謂 時 發 生 纔 動 時 故 何 陰 兩 静 發 于 而 而 位 時 君 外,發 静 于 儀 極 生 即 位 不 子 外, 陽 立 復 動 能 發 戒 與 動 静 慎 感 即 無 于 即 而

或問:「元亨,誠之通,利貞,誠之復。

2

爲

心

也。

<sup>0</sup> 發 氣 總 上, 機 全書 矣。 本有「人 若夫」二十 is in 既 無 無 喜 怒 哀樂之 時 而

下「静」字下,全書本有「神也」二字。

③ 「性之所以爲性」,全書本作「動而無静,静而無動,物

樂相 見; 相生 天道 哀樂,其爲 然?」曰:「在 傾耳 生之故者,可 亦不能 循 環 而聽之,不 無端。 不乘 通 天 爲元亨利 時位 Ë 復 以語道矣。」 明 同 可 . 爲 目 也 得 動 而 而 i, 真, 在· 静, 視之, 《記》 聞。」人能 何 日 人爲 獨 不 人 可 『哀 心 喜 知 得 哀 樂 怒 不 而

之性?」 命之性 或 否?」曰: 曰:「慎獨 是第二義,學者 「不慎 獨, 如 何 識 須 得 先 天 識 命 天

變矣。 召使然,而天卒不改其常 感之以怒,當怒而 天有常 如冬日愆陽,夏日伏陰,惟 運,人 忽感之以 有 常情。 運 喜, 至 于 則 當 情 人事之感 喜 與 之 而 俱 忽

及爾 終 日 凛凛 出 天命之謂性,此 王。 如 昊天曰旦 對 上帝 獨 及 體 爾游 也。 昊 衍 :。」故 天 日 君子 明

問:「中即獨體否?」曰:「然。一獨

耳,指其體謂之中,指其用謂之和。」

徹上徹 爲格物下手處,在《中庸》爲上達天德統宗 寒暑災祥 意、知、國、家、天下一 慎 只此喜怒哀樂,而 獨是學問 下之道 ,達乎萬物 也 第 即 義。 齊 萬 達 俱到 物之疾痛 乎天地 言慎 故 獨 即 在《大學》 而 疴 身、心、 天地之 癢

胸 睹,以恐 然不若《中庸》説得 中 實 伊洛拈出 無 懼 個 敬 屬 不 字 敬字,本《中庸》戒慎恐懼 聞 也 有 總 2 只 着 落。 爲這 些子討消息 以 戒慎屬不 來

有惕然阻喪意,懼有凛然崩隕意。二義一戒有毅然止截意,慎有恪然封守意,恐

2

字。

<sup>■「</sup>然」下,全書本有「敬字只是死工夫」七字。

<sup>「</sup>也」下,全書本有「故主静立極之說最爲無弊」十

聲無 不 若于此 説 根 步 睹 最 入 臭」, 處 微 夫 更微,顯字視見字更顯 亦 故故 步,四字 不加謹 →恐懼 不 成 夫子六十而 洩 復 漏矣。 凛,仍不免一 兼 就 微 色言,意 層 處 末章言「上天之載, 進 説 耳 層,蓋、 工 蓋 順, 絲洩漏 夫。 也 如 誠 此。 戒 難 慎 并其 之 微字視 心 就 也。 惟 隱 無 所 耳 處

學》止言小人閒居 處,便是萬惡淵藪 善可爲? 小人只是無忌憚,便結 只 是 ,正是小 爲不善耳 種 懶 散 人無忌 精 閒 果一 神 居 生。 漫 憚 時 無 處 有 至《大 何 落 可 不

是戒 忌 是 憚 非 慎 者。 ,總是閒居爲不善情狀 凡今一 乎 除却 其 切 所 不 此 閒 等,更 睹 言語、 恐懼 有 閒 乎其 何 勾 所謂 事 當、 所 可 閒 不 爲 小 臆 聞 想 若 便是 而 只 閒 無

宅中于庸,闇之至也。

千里之謬。 過之耳。此意湊泊處只是毫末,而其究,成過之耳。此意湊泊處只是毫末,而其究,成

言。 經旨晦至今。 發,更無人力可施也。 IE. 者合而言之,皆欲 而 性情之變,離乎天而 用之于此。 不齊。所謂「感于 至殺 喜怒哀 而 爲 樂, 若喜怒哀樂 七情 雖 也。 錯 物 出乎人者,故紛然錯 曰喜怒哀懼愛惡 綜 後人解中和,誤認 君 而 其 子 動 文, 四者,其 存 ,性之欲也」,七 理 實 遏欲之功, 以 發與未 氣 七 欲,是 ]情,故 序 出 而

少陰;哀屬水、太陰。然天一生水、地六成喜屬木、少陽;樂屬火、太陽;怒屬金、

爲

君

子

而

時

中。

<sup>「</sup>隱」,全書本作「莫見乎隱」。

<sup>「</sup>微」、全書本作「莫顯乎微」。

③ 「故夫子」至「難之也」十二字,全書本無

成之; 莫不各 地二 地 生火,天七成之;天三 兀 生金,天 九成之。 四 生木,地 氣之中, 又 八

有

陰

陽

也

其于 仔 復 喜 此 獵 耳。 此 心 者 有 後 好 細 喜 理 習氣自覺輕淺, ,定與十二 ,不覺有喜心 矣,茂叔曰: 更當如何? 伯 日萌 會始得 心 淳 少喜獵,既 亦不害其 動,復 年 未 乃, 前 予嘗謂 如 見周 即 不 爲 初 知 也。 再 同 矣。」 伯子。 其 過 茂叔後,自 伯 但此 果 + 既嘗學問之人, 淳 後 未 二年,見獵 學者于此宜 十 二 十二年後之 心潛 也。 年 但 隱 謂 復 不 未 已 仍 知 見 發 無

常 難 蓋 制 平 止 莫 Ħ 在 顏 0 如 從 子 怒,已 不 事于慎 其于七情, 遷 怒, 得 獨之學 個 不 不遷 是 得 只 地位 如 就 力既 是 怒上 可可 久,即 知 做 他 獨 易 夫。 體 發

或 問問 顔子不遷怒,能終身打 成 片

> 遷 否?」曰: 時 便 是 過 也 「未也。 顔子但 不貳過耳。」言怒纔

不去,便是他過人 薛 河 東二十年治怒字不去, 處 常見得 治

爲 懼 0 切 然人情 程子曰:「克己可 利 害 所勝 亦 有 學者須自 生而 多懼 以 治怒,明 者,膽 持 其 志 力不 理 可 足, 以 治

至 只 利 得 害 古 人恐 倒 當當 做 前 懼 T 無 可 字嘗 迴 避 用 只 在 得 平 赤 康 體 無 承 事 時 世 及

愛惡 有 喜 欲。 怒 有情 而 愛惡 有意; 好惡 有 理 而

爲 聲 琴 色,淡之爲花草,俗 書,大之爲功名,小之爲 欲凡重之爲貨 利, 之爲 輕之爲 田 技 宅 衣 藝, 輿 食,濃之爲 馬, 須 雅之

0 可 知 他 全書本作 其 他 可 知

對壘 過 而 朱子 獨 約 以 財 色兩 關

溪, 無 極 後 只 老 則 無 翁 白 欲二字,直 無 沙, 欲 教 亦 于 此 番拈 下 做 有 到 得。 動 了聖人。 番 白 新 沙 前 詩 乎 日 濂

對 則 日 而 待 : 至 理 之静 屬 于聖人立 或 陰陽 静 日 氣 動 周子 屬 静 極 動 無 處,偏着一静字, 既 處 故 以太極之動静 無 日 之。 循 理 如 爲 理 静 非 氣 生 何 也? 陰 分 動 陽 静

之累? 聖人 友 人 病予 情 順 Ħ 萬 躁,深 事 而 爲 無 切 情, 中 何 因 嘗 知 多欲 有 七情 在。

更不 誠 而 須 周 已,故又説個 説 子 第 日 . 義。 聖 幾字。 誠 纔 説 而 第 已矣。」 義 誠 只 則 是 無 明 事 此

言、 悠悠之漫言、謔言、綺言、 去此矜己之言與短 人之言, 戔戔之 流言,終 日 陳 無

> 可 啓 口 者,此 即 不 睹 不聞 路 處 巾

口 容 止,聲 容 静 静 亦 静,動 亦 静 也。

手 容恭、足容 九容、九思,一主静二字足以概之。 重 如 如 何 做 恭 重樣子? 只 不 如

動 亂 動 便是。 程 子 日 : 未 有 箕踞 而 心 不 放者。」

戲

出

于

爲

也

味 學不得 九 容分 吾 明 畫 病 出 其 有 狗 道 外 形 而 容 爲 氣 人 象,然 也 學 者

者亦一 日 如何是一 一一可 只有 横 渠 知 + 一病, 學 病?] 曰 Ŧi. 不 成 年 ,有多少 學 一:「心 病除, 個 恭 病 白 病 而 病 痛 安 在 除 不 一子 成 或 程 謂 問 學 子

0 陰 陽 動 静 至 「故曰」,全書本

容貌

辭氣皆

心之妙用,2非

但

德

符

而

2 「氣」下,全書本有「之間」二字。

莫見 引 賊 入室 莫 絲 顯 , 永 處。 竇漏 難 若 破 于 除 此 隙 厥 更 害 加 缺 匪 裝 陷 輕 點 下, 正 意 是 思 獨 體 之 似

體 君子 者 也 是 人道之形。 不問 語 誠 也 日 則 其形之者,而 人道之形,醉 必 「人無所 形。 天道之形,見乎蓍龜 有 誠 不 者 惟問 至 面 一,惟 天道之形 盎 背 其誠之者。 天不 施 容: 于 有 僞 動 几 0 乎 誠 體 故 是 之 几

以爲聖也。《孔叢子》曰:「心之精神謂之聖。」精神即鬼神之别名。精藏于陰,神著于陽,其神即鬼神之别名。精藏于陰,神著于陽,其

學問 爐 當 ,無所不化 矯之以 如 只令獨 云 寬、躁 輕 當矯之以 知 當矯之以 轉 重,急當矯之以 種 静,皆不是 種 瑕 累 如 無 緩, 本 褊 紅 領

人身遊氣耳,而心爲效靈之官,以其静

則衆侮交起,將何恃 而 終有大敗,以其國君,凶 能 治 也。 今等天君于百 而 不 亂 體 乎? 而 同 其 易》曰 擾擾,

導 于誠矣; 然善反之,則天地之性 于和矣。 精、氣、神三者,僊家 以 神御 氣 止 存 于 中 焉。 所 恃 矣 以 以 , 以 精 長 氣 藏 生 還 久 神 視。

恐不及。遇異己者亦然。處嚴憚之友最有益,使人檢身之功,惟

矣, 知 而 意挑之,即有 我 收 亦取 之,佞 佞也 好佞者惟恐人之不知 · 其遠 時 乃 時 以 于 愈 其意覆 而 佞者 集 我規矣,亦 矣; 而 之, 好 佞 佞 之,佞乃愈工矣。 即 我 人者 取 好 有 也 其 時 ), @ 時 惟 而 近 恐 知 于 人之 我 佞 以 佞 其

- ●「等」,全書本作「夷」。
- 2 「知我好」,全書本作「我佞」

此之謂相得益彰。

遷善改過,直如此端的。 象山先生嘗自言所學,只是切己反觀

有得矣。」 思 其 思 所 則 無 得 思, 之,又 則 無 日 思矣 無 思 ; 得 何 其 謂 所 也 無 ? 得 日 則

恁地 着 人心 孟 忘 力? 子 勿 謂 助 昏 朱子云「略 之間 之助 點 香 纔 「不得 虚 着 長。 明 力 , 綽 時,便 不 然不 炯 提 自 炯 撕 提 着 不 有 言 自 力 昧 眼 醒 時 本 中 用 耳。 又 金 自 力 屑之 之 提 此 味 不 撕 之謂 病,在 放 多 何 倒 也 用 勿

若 其中 見。 能 也 不 情 恣 良 如皎 知 覆 識 爲 以 上點, 情 日 意 情 識 之下 見 識, ; 紛紛 本 合 自 有重雲然 即 紛 于 炯 就情 用 義 炯 事 理 識 而 不 然 而 處 乘 得 其 良 于 提 爲 知 不 物 膠 隱 便 良 感 覆 爲 知 醒 意 自 不 ; 于

> 覆以 仍 是良. 意 知 見,即 2 更無提 就 意 見 醒 處 此 良 提 知 者 便 醒 0 便 醒 處

無 京邸書,名《獨 這 本體工夫可 此 上天之載 子 本 ,仍不得分此 體只是這些子,工夫只是這 證編 分; 無 聲 則 無 亦 爲 臭」。 并 本 無 體 彼彼 至矣! 這 些子 以爲工 业当子 可指 以上 夫。 丙子 既 故 并

轉 十四四 又 溪 而 日 後 日 云 中看 之人 無是 太 無 易有太 極 極 出, 又 無」,語 而 本 執 極」,❸夫子只 非 太 無 無 極 實 極」, 愈玄 于 有一 有之上 4 蓋 無 而 物 恐 道 極 踞 就 人 則 愈 其 則 執 晦 有 上 四 極 有 極 宜 也。 六 是 之 于 象 八 轉 無 有 山之 故 與 矣。 也 濂

<sup>■「</sup>人心一點虚明」,全書本作「良知一點」

<sup>○ 「</sup>知」下,全書本有「之能事」三字

<sup>「</sup>易」上,全書本有「子曰」二字。

<sup>● 「</sup>夫子只」至「濂溪曰」,全書本作「周子則云」。

足 斷 以 斷 知 而 濂 訟 溪 也 也 0 惜乎 0 象 山 知 太 極 之説, 而 不

;

乎? 陰之 不 周 以 相 氣也 極 主 陰 而 河 必 蓋 誤 物 子 爲 居 生 置 矣。 有 以 似 内 焉 前 太 静, 外 畔 陽 河 者 太 爲 極 爲 與 者 生于陰,陰 言陽之動 啚 周 而 而 也 爲 極 太 動 正 圖 子 爲 陽 ,若以 極静 此言 反 左 而 意不 居 皆 主 毫釐之差,千里之謬也 以 畔 生 蓋 外 乎 以 者, 而 陽 陽 陽 太 同 ? 河 太 生 生于陽也。 而 ; 居 居 陽 極 蓋 啚 極 陰。 ^ 反 内 内 内 雖 生 左 擬 河 生 **>** 者 以 陽 各 陰 0 兩 圖 夫子贊《易》之説 之 是《 而 陰居 生 生 儀 有 將 右 也 > 陰 陰 氣 于 河 取 以 則 皆 至 居 内 生于 陰, 圖 義 也 内 自 周 以 太 外 者 外 右 極 相 而 而 子 内 陽, 者 爲 氣 周 終 啚 者 右 實 生 畔 有 則 自 而 子 以 僞 主 太 爲 畔

按《易 傳 》「天地 定位」一 節,乃造化 陰

> 贵 者。 陽 而 别 言,後天 日 氣 氣 至 以 坎 已,❷作《易》者 易》者,天 乎 文 于 : 爲 西 止 帝出 配 自 一,安得你 之説 王 ? 夏、商,而 而 此 合自然之理,非 體 元 以 邵 伏 用 若先天後天之説 乎 專 而 前 前 子圖之,以 羲 復有 地 震」一章,蓋 亨利貞, 以 言《易》者,不 原 先 處 不 繋、 用 之有 當定 所 天之《易》,豈 人而 顯 言 彖 謂 微 乎 以 爲 定 位 文 互. 有 己。 無 ? 時 一、水火 王 此 有 位 所 序 間。」 運 謂 之《易》哉 損 尤 文王後天之《易 也 得 造 總 文王 旋, 益 乾 之, 贵 有 化 屬 不 仍還 乃 南 伏 其 止 先 附 四 几 必 邵 坤 羲 時 象 時 天 以 相 會 北 子 之伏 而 專 八 有 次 八 易 濟 圖之, 後言 節 節 後 序 以 乎 離 程 如 羲 之 儒 自 體 子 此 之 東 而

<sup>0</sup> 宜 象山 」至「濂溪也」二十六字, 全書 本

全書本作「易一」。

人,若不能省察,説甚存養! 先儒每言存養省察,畢竟工夫以省察

即 之義盡是矣。然約之不過 無 以 與 運 後,復轉 之戰,存養 澤 繼之以致役之坤,省察之後宜 而 己。 先 時 濟 坤 水 之以 窮,無 後工夫之可分。❶ 並 Щ 之順,震之動 君子之于學也,必大有 又以 致 如 而 静 風 水之濕 ,交養互省, 對 時 之中有省察也。 氣 震,貞下起元,存養 雷 待之體言之,則乾之健 可 也,即存養之説 火, 息 ,
兑之
説 即 ,此聖學之所 動 濟之以巽之人,火之燥 氣也,即 有勿 後儒 即 存 志 至 濟之以艮之止, 以 或言涵養是主 勿 省察之説 養、省察二 作之, 省 艮 而 存養也。 以 助 察 以 間 日 之妙 之功 即 成 之以 則 進 終 濟 無 八 更更 之 者 卦 迭 乾 之 疆 如 而

> 真。 人,省 遠 此 皆人心之撰 敬,進學則在致知」二語 省 取諸 察,未 理平分,物我 盈 察是 太極、陰 物如 天地間皆道 免 奴 落 此,大取 也 婢; 于 陽 無間 偏 聖 或言 几 也,而 指 人近 **③**無 諸 象、八卦 天 無 庶 惟 取 大無 事 地 歸管于人心爲最 程 諸 幾其 時 亦 子 身 而 存 如 小,直是活潑 無弊與 如 六十四 此 養, 涵 此 養 方 有 既 見 須 事 得 而 用 時

該 小、常變之故一 只此一字,將 其 中? 聖人于道 天 齊托出,天地間 體 地間 指 出 有 一易 無、 第字,大 動 静、 更有何事不 終 是 始、大 奇

無間」二字,原脱,據全書本補

潑

地,令人不可

思

議

❷ 「真」下,全書本有「故慈湖有心易之説」八字。 ● 「無」,全書本作「何」。「分」下,全書本有「乎」字。

<sup>786</sup> 

之 無之間 伸 當 吾 日 遡 也 其 太 自 屈 之 或 極 也 未 日 而 有 虚 始 自 而 即 生 有 之 無 有 氣 氣 無 而 即 之先 之有 無 無 虚 是謂 而 即 未 有 亦 氣 始 而 太 無 也 無 未 往 虚 何 也。 始 而 又表 生之有 有 非 非 ; 氣 及 有 而 也 其 尊 非

形 者 之總名,非 萬器之總 天 者,萬 與 物之總 名 形爲 非 與 偶 名 器 也 非 爲 與 體 物 也 爲 君 性 也 萬 道

貸 各 之 物 天 物 以 行人, 統 也。 具 統 爲 體 體 天, 盈 而 也。 天 而 言 此物 地 太 地 言, 人未嘗假貸于天,猶之物 得之以 林 間 極 蒼蒼之天 未 林之人、芸芸之物 嘗 物 氣 假 物 爲 也, 各 貸 地 亦 具 氣 于 人 即 物 彼 物 太 理 也 物 得之 極。」 ; 也。 故 自 曰 : 各 以 未 自 太 天 有 極 嘗 爲 得 太 之 假 之 極 萬

> 明。」 之器。 差萬 言,不可 道 在 錯 0 又曰 子 程子 總從 日 離 以 : : 器 先後 曰:「上下二字,截 道 形 而 此 道 言。 即 句 而 不 器 上 來 「有物 可 者 器 見, 謂之道 即 道 故 先 道 天 形 器 畢 地」,異 得 可 竟 道 而 器 器 以 下 端端 者 上 最 在 分 謂 斯

也, 亦 也 亦 故 體 物 故 也,而 也 大統 靈 氣之變,雜 含 而 小 蠢 靈 大 者 者 小 蠢 不得 不 亦 亦 然 統 得 含 流 大。 不 不 靈 行 大, 靈 ; 類 類 靈 大 萬 萬 無 無 體 物 以 以 而 而 分 異 觀 觀 于 于

象。 人 虚 心 故 徑 靈 9 寸耳 靈 故 , 而 覺 空中 . 覺 四 有 達, 主,是 有 太 日 誠。 虚 之

<sup>2</sup> 0 下「在」字,全書本作「亦在 斯

故」下,全書本有「生」字。

故」,全書本作「生」。

全書本作「意」。

蒙創 此 天 見。 命 之 體 而 性 道 教 所 從 出 也 覺 有 主 是

天者, 無外之名, 蓋 心 體 也

教。 此 心 《中庸》三言 生之 謂 性,心率 註 脚 之 謂 道 心 修 之謂

于 覺 天 樞 轉 于於穆,地 軸 亘 于中央,人 心 藏

獨

不爲偏 柔,在 聖 是 合 此 行 聖 渾 理 ,方見此理之妙 五. 然 合德 人爲仁 一行生 太 ,靈不爲全,聖不 齊 極 致,萬 俱 天 圖 成 義。 到 地 説 萬 ! 碎 物 人與物 是一 萬 在 太 物 圓 天 極 鍾 事 不 加豐,凡 爲 生 亦 靈 似有 陰 陰 煩 復 有 陽, 陽, 比 同 層 擬 不 得 在 級 陰 不 加 此 0 地 陽 立 嗇, 理, 假 豊 爲 極 生 作 直 蠢 岡川 知 有 五.

推之,乃知天地有大始終。 凡事皆有始終,繇一言 然始無所始, 動、 呼 吸

> 之用。 其始, 有終之用 終終始始, ; 終 相 禪 無 所 無 終, 窮 間 當 其 不 容 終, 有 始 總

六

甚。 體 虚 則 呼一吸之積 人心 無 非 惟 以 天 虚 太虚 則 通 ,渾然一天 精 無 萬 即 以 行 物 氣, 草 體 皆 非 受 也 木皆 鑄 虚 則 于 然 虚 無 故 以 而 藏 人心 皆 神 有

爲

非

虚

卑 外。 性 而 之不 學者從事于人道之路,高之不 即 氣質之本性,千古支離 知 理 淪于 此 即 則 是氣之理,斷 象數,道術 知道心 即 始歸 人 然 心 不 之説 之本 于 在 氣 乎 墮 心 先 可 ,義 于 以 不 盡 虚 理之 在 掃 無 氣

氣, 則 理于 何居?」曰:「有 或 問 何 麗? 理 但既 爲 氣 是氣 有 之理,乃 是 方有 理 則 是 先 此 理 儒 理 謂 尊 無 理 是 -而 無 生 氣

上,遂足以爲氣之主宰,氣若其所從出者,

非理能生氣也。」

不欺,所以致明也。程子曰:「无妄之謂誠,不欺其次矣。」

謂 故能 其 之,是以 故,逃于出世之大而不足以返性命之原, 理 之無善也 造 而 心體渾然至善,以 言 萬 蔽于一身之小 謂 有。 亦宜 之 無。 而二氏者 至 虚 其 而不足以通天下之 虚 故 氣而 而 能 虚之,無 含 言謂之虚, 萬 象 至 而 以 則 無 無

妄之理也。命,而物物賦畀之,非流行之外,别有個无命,而物物賦畀之,非流行之外,别有個无天命流行,物與无妄,言實有此流行之

繼體 女配 道」,非迭運之謂 之長 乾坤合德而 故 子 曰 : 而 長女配之,成乎 無爲,故曰「一陰一 也 繼之者 至化 善善 育之功, 也,成之者 少男, 實 陽之 始 而 謂 性 少 乎

> 位 之獨體 也。」今日 也,分明造化之理 不 繼静 可 以 動 而 動,亦 静 言 非 而 動 也。 静 以斯 者 其 知 所 乘之 人 心

極圖説 聞 如此。 終之以艮 無倚,可謂 日 不大, 曰 日不言 良 故《中庸》一書 ×, 知不學不慮,萬古常寂,蓋 止 日 深 無 不動 之義 無,曰 切著明。 聲 無 日 静 臭, 不 《通 見,曰 極 日 至周子始據 隱, 其指點 書》 無 日 日 微 爲 誠 心之獨 日 無 此 日 曰 不睹 爲, 作 闇 不 太太 顯 不 知 而

者? 《中庸》以喜怒哀樂言之,人孰無喜怒哀樂 乃所以爲 性之善,猶 孟 當其 子以 善善 未 曰:●「有性善,有性不善。」惟 惻隱、羞惡、辭讓、是非之心 也。 發謂之中,及其 惻隱之心,喜之發也;羞 已發謂 之和

❶ 「曰」下,全書本有「有心善,有心不善。故曰」九字。

八

是非之心,哀之發 惡之心,怒之發 義禮智之性 也 也 也 , 辭 喜 讓 怒哀樂之未 之心 樂之 發 發 也 則

見 尼二 聞 故 相 何 能 氣 獨之後方 而 君 傾 能 生 以 ,和只是中 有之,又如 至于 嗚 子 以 四 陽 耳 循 呼 四 時 明 戒 而 環 之氣 有 中 端之情 子 慎 聽 無 和 此 言 其旨 乎 氣 何 端 之, 相 二字? 氣 良 其 流 養 禪 象」。 相 不 正 知 微 成 露 所 不 生不已? 明 可 矣。 則 得 處。 不睹 窮 每 得 目 反不 ? 贵 ? 謂 而 而 天 知 中 若 視 恐 聞 人 能 中 個 户 之, 若 故曰 信 無 懼 個 和 是 無中 中 故 乎 不 若 0 四 氣 謂 : 日 其 心 不 可 . 時 「哀 氣, 必必 所 是 得 如 之 有 樂 不 中 是 何 生 慎 仲 而 如

者 而 喜 即 性 情 常怒而 心 而 之德,有 言, 怒,當哀 則 即 寂 心 然 而 不 而哀,當樂而樂,繇 見者 動 感 有 而 離 遂 心 通 而 見

> 懥, 之藏 導 樂 如初 出 喜 爲 以 即 樂,自樂 離 中 加 循 分 和 前 溢 心 導 與 心 合言 有顯 屬 即喜 離 樂 喜 環 淫 爲 而 和 哀 即即 哀 屬 言, 心 之分數 , 好, 也 而 有 是 總總 怒 喜, 也 而 微 怒,自 哀 而 則 樂 前 也。 感 哀 見此 際, 而 分 也 喜之暢屬 維 後 故 減 而 樂之中, 傷 爲 際, 天 怒 而 寂 而 遂 又有 心之妙, 恐、 於 而 溢 亦 而哀, 然 通之際, 而 且. 穆 忿 非 爲懼、 爲 不 實 陽 逐 懥 樂,喜之斂 各有 截 樂, 動之中 自 非 德 感 而 然分爲 恐懼 氣 判 哀 衰 爲 怒 丽 四 心之 喜 然 流 而 見 而 也 憂、 氣 怒哀 分 行 者 復喜,繇 陰 憂患之分 又 與 而 几 兩 自 爲 屬 慘 爲 積 迭 如喜 性 在 氣 怒,喜 樂 患,非 用 爲 以 實 不 焉 時 事 然 忿 也 相 中 而 時 口

2

<sup>● 「</sup>反不能信」,全書本作「又」。

哀」下,全書本有「餘倣此」三字。

數居其偏勝,則去天愈遠,心非其心矣。

明,而 于此 天理 繼以 時,自 斂得 柳 即 哀 以 親 化 能 不返之勢而逆收之,以還之天理之正 不 樂相 其 消 得。 桮 害 忍 切 收斂 間 化。 棬 矣。 流 默 其 陽 當繼以忍默 以 工夫亦自不 之説 爲 此 忿 明 非 得 行 爲 時 若必借 之妙 非 怒 子 無 循 此 中 ; 保之, 有有 正 憤 嗜 過不及之差,而 環之妙,有不 天下之大勇 曰:「言 意 和之德。學者 怒嗜 欲 0 氣 一氣之自 良 時 而 則 IE. 正 ; 難。」 知 欲既 而伸也必矣。 于 到 雖 意氣 到 語 爲鑒察,●欲 所謂 沸 發 日 正 愚 不能 騰 通 到 揚 用 既 到 待 謂 自 沸 良 時 快 動 時 品品 到 性 但 言 以意時, 知 騰 静之間 體 復,分明 發 節 證 然 語 便 便 時, 限 揚 原 得 見 亦 既 廓 翕 就 自 制 時 性 莫 得 自 然 然 便截 到 其 周 而 喜 體 親 則 莫 當 自 良 能 能 快 流 然 非 分 往 切 怒 當 然 繼 意 知 消 收

> 哀樂 耳, 離。 也。 自 須 世 也 喜,仁之德也; 心,于天道則 而 如 知一 其油 何 起 , 而 親 哀,智之德 也 若以 人無 不 無 喜樂又 ^ 戚既没 中 心 怒 謂之喜 然而暢也謂之樂,于 必 庸》言喜怒哀樂,專指 耳 也 一時 七情言 徧 3,雖誅 4 犯 人皆 ,雖欲哀,誰 元者善之長 于 離 重 而 也 怒,義 喜怒哀樂, 氣 ; 所 具, 而 兀 如 機 而 性 N N 止爲三? 何 而道 流 之 其 不 爲 止 行 德 所 也 爲哀者 四? 過 有 之際 可其 所 · 于 謂 也 故 與 時 性 中 道 四 且. 心 以 樂, 而 爲 ? 即 聖人 德 爲 自 應 不 即 時 禮 可 云 禮 是喜怒 而 其 信 惻 得 可 爲 離 四 言 隱之 盎 之罪 固畢 須 之德 之德 春 也 然 臾 3

<sup>「</sup>爲鑒察」,全書本作「以覺照」

<sup>「</sup>則」下,全書本有「心之與性,先自相讎,而」九字。

<sup>「</sup>言」下,全書本有「非以七情言也」六字。

<sup>)「</sup>人無一時」至「須知」,全書本無。

\_\_

乎其間 天道 謂之哀 時 和 爲 時 爲 之氣 義 爲 也 夏 則 ,于心爲羞惡之心,于天道則利者 讓 而 所以 之心 貞 ,0于所 耐 其 自 者 發之即 時 于 循 事 其 爲秋; 環 之幹 性 肅 夫 爲智,于心 而 然 謂 道 也,而 不 而 之太 則 自 斂 窮者,獨 亨 其 也謂 者嘉 和 于 愀然岑寂 元 爲是非之心 時 之怒,于 之會 氣 賴 爲 冬。 是 有 也 中 以 而 乃 所 氣 謂 . 義 止 而 于 存 四 之 性 之 也 其

> 慎 者。 自 此 哀, 態 獨 喜怒哀樂之説 度 獨之學,即 外 推之一動 體之妙 無 即 不 有 陽 陰慘之色, 舒 中 所 者 以 和 静、一 不明 , 即 即 内 位 隱 于後世 有 動作 語 育 即 陰 此 見 慘 默,莫不 態 之 千 即 而 度 性學 聖 微 心 無 學 即 不 爲 晦 ·皆然。 脉 顯 陰慘 怒 前 也 爲

之。」《 樂而 極 盛于冬也。 者,有餘之氣也,如 樂者,喜之餘 日 哀。于此 必生悲, 立人之道曰 不淫,哀 關 雎 **×** 故王右軍云:「欣暢之下 惟自樂而怒是 輾 ,益足發明《中 氣 而 轉 寤 不傷,專指 哀者 寐,豈 與義,而 春之氣盛于夏,秋 ,怒之餘 是 庸》之旨 相 涕 克之數,然人 其 禮 泣 盛 智該 氣 之謂? 者 《關 言 感 焉。 之氣 慨 雎 故 盛 樂 係 而

「聖人定之以仁義中正,而主静立人極

外言

謂之和,不必其已發之時又有氣象也

利

貞

運

于於穆者是也;

自喜怒哀樂之發于

必

其

未

發

之前

别

有

氣

象

也,即

天道之元

亨

季。

故自

喜

怒哀

樂之存

諸

中言

謂之中,

不

之心,于天道爲

乾元亨利貞,而于

時

爲

几

中,

謂之和,于所性

爲

信,于心爲

真

實

無

妄

發

總

是

機

故

中

和

渾

是

性。

如

内

有

陽

即

天道、

之元

亨利貞

呈于化育者是

也

惟

存

舒

之心,爲喜爲樂,外即有陽舒之色,動

作

之于慎獨 焉。」分明爲《中庸》傳 極耳,故曰:「一陰一 言「定之以仁義 云, 慎 中正 獨 所 陽之謂道 」, 亦 以 神。 致 陰 中 蓋 陽之外 和 日 致 中 而 别 和 周 無 子 而 先 太 要

中有 地 有身與國、家、天下, 萬 命 物,是性之無盡 心中 命 有意,意中 中有天,天合道 藏處 有 是 知, 心 之無 道合教 知中 盡 -有物, 藏 3,教合 處 物 9 天 性 中

主静。

惡,非 千里! 念之好惡不同。 起念之好惡,兩在而異情。 或問 以所發言乎?」●曰:「意之好 子 以 意之好惡,一機 意 爲 心 之所 以念爲意 存, 而 好 惡 互 善 與 見 何 起 啻 惡 ;

厥 也者,動氣 心 念字? 今心爲念,蓋心 病 心意知物是一路,不知此外何以 還 也,動 爲意病 而 爲 遠 知 乎天,故念起 病 之餘 爲物病。❷ 氣 也 念 滅 故 餘 又 容 念 爲 氣

> 昏明 也 滅,心本無起滅也 有善惡 本無真妄 念有 也 9 而物即 念有 香 也 明 前 真妄,而 念有起滅,而 與之爲善惡,物本 知 即 故聖人化念還心,要于 意 與之爲 即 與之爲真妄, 心 昏 即 明, 與之爲 無善惡 知 本 起 意 無

起之時。 來之思矣,如官犯贓,乃溺 物化,一 故人心無思 心之官則思,一息不思,則官失其 點精明之氣不能自主,遂 惟 物感 而 無乎不思,絶 相乘,而 心爲之動 職 無所爲 也 爲 憧 思 則 憧 思 慮 職 往 未

思即是良知之柄。

知無不良,只是獨知一點。

- 「或問」至「言乎」,全書本作「意者心之所存,非所發
- 「還爲意病」至「爲物病」十字,全書本無
- ③ 「要于主静」四字,全書本無。

爲 心出入存亡之機,實係于此。 來,念有 性之欲也。」欲動 心崇也,如苗有 人生 起 滅 而 静 起 ,天之性 滅 情 相 熾 尋, 而 也 念 復 治結焉。 自 感于 甚矣! 起 自 物 感 滅 而 有 念之 動 去

聖路 情 此 也 思積 狂門也 ; 念積 而 爲 慮,慮返 而 爲 想, 爲 想結 知, 爲 知 識 返 爲性, 識 結 此 爲

顙 謂 思,心之性也;耳 性者,生而 目之性也,未發謂之中,未發之性 激 之和,已發之 朱子以未發言性,仍是逃空墮 而 行之, 有之之理, 可 使 性 能 在 也 聽,耳 Ш 無 搏 ,勢之性 之性 處 而 無 躍之, 也 之。 也 也 目 幻之見。 可 如心能 能 已發 使 視 過

怒哀樂之未發謂之中。」程子曰:「性即氣,氣即性。」故曰:「喜

程子又曰:「論性不論氣,不備;論氣

性即 也 説 不 非 義理之理乎? 論 也。 亦 在 或 近 性,不明。」是性 其 盈 儱 中。 天 侗。 地 有氣質之性,有義理之性 間 如 凡言性者,皆指 止 日 有氣 氣質之 與氣分明 質之性 理 即是,豈 兩 前 事 氣 矣, 質 義 理之 一。亦 而 可 即 前

之數 古如 乾 分四 過 乎 度,一 此。 時,温涼寒燠不爽其則, 周天三百 而 剛 終不易造化之大常 即 健中 歲一周天。 其間 六十 庄 亦 ,純粹精 五. 有愆陽伏 度四分度 而 天 也 以 陰 此 之一, 歲 所 氣 釀 如此 謂 爲災 進 「大哉 退 祥 萬 H 平

則 中 變,變則通 趱 天道有 出 過不 氣 及之端,如大舜之不告 通 盈 則 朔 久 虚 積 處 而成閏,最是「 其 在 人 心 而娶 即是 窮

不過也。❶以上丁丑冬日。 委曲旁行以全其愛親敬長之心,所謂過而 周公之破斧東征,皆處時勢之不得不然,而

子莫之學,不特尾生、孝己,恐自大賢以下皆不免」三 十一字。 「也」下,全書本有「不然,則聖人有死地矣。後世如

0

## 劉蕺山先生集卷六

## 學言下

知矣。 無知 發。 之地。」于 然專 乎 朱子 ? 獨下 以 曰:「獨者,人所不 使 屬之動 知 · 補 一 有 間 知字 念邊 于 動 事 可 静 何 謂 知 耶 則 擴 而 不 前 己 得謂 聖 贵 所 静 所 獨 之 未 中 知

誠中之明。 以知還獨,是明中之誠,以獨起知,是

至聖、 〈易》 曰:「知至至之,可與幾 至誠及天載之至,皆指: 大學》言至善、《中庸》言至德、 出 也。 獨 中 知 至 消 乎 息。 道 此

者,謂之到家漢。

曰: 者,人之道 人之道 又曰:「慎思之。」 日睿,獨體 誠者,天之道也, 君子以 也, 也。」思字于慎獨之義 還明之路 慎 思不出其位。」慎之至也。 獨之功 也。 也。 獨之體也 故夫子于《艮》象 孟 子 更分 曰: 誠之者 明, 思 故 誠 思

樂四 時; 無風 情, 哀樂之時。 即春夏秋冬,非 之變又有風 謂笑啼恚詈即喜怒哀樂,非 氣 雨 天有四德,運爲春夏秋冬四時, 有 露 而 無笑啼 雷 四 知此 雨露雷 之日, 氣之變又有笑啼 也 可 恚 ; 書 而 人有 以效其 知 之日 決 未發已發之說 無 四 用, 德 無 而 春 決 悲 書 謂 也。 運 夏 無 風 爲 秋 無喜 故 以 喜 雨 而 冬之 天有 效 露 怒 四 怒 其 哀 雷 時

心無存亡,但離獨位便是亡。

程子云:「凡言心者,皆指已發

而

乎 是 以 是 説 以 念 以 愈煩 念 念爲 爲 是以念爲意 爲 知 而旨 物 也 心 也 也。 愈 陽 晦 後 也,又以 明 朱子云:「意者,心之 也。 世 子 心 以 學 格 獨 不 去 知 明 物 偏 如 欲 屬 此 爲 之動,是 , 毋 怪 格 物, 所

《大學》言正 情言,中正 意以所存言,益明矣。 言,周子言 之,是指 程 子 其 心 以 中 所 指已發言之說, 心,以忿懥、恐懼、好樂、憂 義 Ė 發言也。 理 即 言 中和 也。 之别 中以 知 心以 亦 名。 體 本之《 言, 所發言, 中 正 大 和 /學》。 以 以 患 性 用 則 證

裏,生 樂,非 藏 故 哀 機 傷 屬怒,非 也 惻隱,心 故 嚴 中 有 屬 肅 辭 奮發也 也; 克, 哀 讓, 動 克 非 貌 羞惡,心 心 中 分 即即 秩 ; 辨 有 是非,心 貌 性之生機,故屬 生 也 克貌,即 即 發中 性 又 湛 之 四 有 貌 長 性之收機, 德 藏 即 機 相 故 喜, 性 藏 爲 之 表 中 屬 非

有

本焉。 樂 而 : 相 用 爲 陽 喪, 禮之用, 表裏。 也。 與其易 又 又曰 日 和 爲 也 一忠信 貴 「喪禮,忠之至 寧 而 戚。」聖人以 ,禮之本也。」 以 節 爲 體 也 證 故 體 禮 故 陰 哀

日

靈明 心 而 乎 獨 葆 ! 于智見其體,蓋深 智者,良 任 得 地處,故曰:「復 知 静 深 之體 根 寧 極 良 知 其見天地 之後,正 貫 乎四 德 點 之

求仁,而陽明子以良 仁統 貞下 四端, 起元,是天道人心 智 亦 知 統 立 四 1端,故 教。 至妙至 良知二字,是 孔門之學先 妙 處

0 總之,未明大道 專以死念爲工夫,及其有得,又以念起 毋 怪 一乎」至 晦 非 也」,全書 認賊作子 本作 則 認子 「故佛 作 念滅 氏 切 妙。 埽 用。

醫家倒臟法也。

之後 或 象。 其 則 舉,則八風皆 凝 霽,天道 自 序, 結 東 ,吾道之賊 雨 澤 若 繼 天道 則 氣 不降 動 以 雲 風 清 乃 不 日 滃 適 冱 肅 萬萬 風 以 暄 而 能 也 得 寒 萬 之氣, 時 雨 萬萬 物 殺 其 萬 物 受 物, 調 萬 或 物 自 物 刑 分 物 而 長 互. 自 長 養 資 故 金 相 明 成 而 通之人 生 西 喜 氣 凌 成 而 自 方之教 怒哀 實 爲 越, ; 自 自 西 盛 或 心。 則 樂 南 四 北 紛 金 雲 中 時 則 行 順 于 氣 然 節 各 斂 如 重 雨 盛 中 飈 之 循 陰 潤 風 而

各 否? 心 之所以 止其所否? 日 生意 詩》云:「維天之命,於穆 用 之間, 爲 周 心 流 也 如 常 無 0 此 間 見 乃是真實 大哉 否? 得 滿 乾 行 腔 元,萬 I 子 而 不已。」 夫 不 生 也 物 過 意 資 其 蓋 流 則  $\Box$ 行

和,幾始著矣。日新之謂盛德,富有之謂

大

語 後 人往 體 用 往 信 原 顯 不 過 微 無 間 此 宋 儒 見道之

之動。」・ 是 致 故 也。 意 無 致 「《大學》之道, 者 即 事。 惡之體,而 日 則有「意在 先修 用 至未起念以 看《大學》不明,只爲 漢疏 夫 以 無善 E 求 其 體 八 心 身、欲 無惡者心 必 乎 誠 目 而既 也 先之有 前 事 意 先 修 親 即 工夫,反 先 而 誠 等語 其身者,先齊其家,又 用 誠 之體,有善有 已矣。」❷ 意 善 求 故故 意矣,今欲 有惡之意 意字悮 體,將 是亦 坐之正 文成 乃 解, 必 他 以 本 而 心 求 欲 惡 念 之 非 日 位下 誠之, 者意 誠 無 爲 解 與 曰 善 其 意 格 格

心之幾

也

乾

道

變化,各

正

性

命、保

合太

;

<sup>● 「</sup>矣」下,全書本有「極是」二字。

成之 供 而 誠 知 文 先 曰 民 之治 意 成 狀 乎 正 已 頭 矣; 學,以 ? 也 起 所 意 之功,格物而已矣,格物之極,止至 致 0 處 以 或 中 其云: 中 止至 求 、平天下,種 看來果是《大學》本 明 事 無 致良知爲宗,而不 知 故 其 工 善知惡之實地,● 善之則,致知 明 「《大學》之道,誠 夫,工夫專在 日 德。」 : 種 至 明 俱 明 以 宜 之 德 文 而 致和上。」 倒 ·言致 解 以 否? 已矣。」 説 無乃 意 親 中 也。 而 中 民 庸 粗 已矣; ٠, 夫 此 視 專 此 而 善善 文 其 良 以 亦 親 亦

非 意 無 是 説 云: 則 師 心 死 不 應圓 矣。 念 辨,并夫子毋 慈湖宗 慈 定 法。 湖 本 龍 等語,此 不 谿 可 無 夫意,❷ 免 知 有「無 意 着 亦以 在 意之學亦 若子之毋意 的 則 心之心 無 傳慈湖宗旨 何 念 意 可 上。 爲 無 則 意 不 者? 體 則 明。 3 也 寂 龍 也 正 谿 無 無 無 慈 口 意 之 文 湖 與 意 意 成 説 之 誠 之 則 只

> 者,毋自欺也。 意之説相發明。誠意乃所以毋意也,毋

意

得 故 而 疵 是 并 不 不 存 毋 有 私意,今意云私 子絶四,首 了, 必、 大抵歸 ,無端 固 我。 之神 倪 云 毋 口 自 意,是以 窺 意。 明 意 即即 不 而 聖人心 測 就 積 而 念爲意 其 成 己。 存 爲 同 主 惟 我 太 也 處 毋意 虚 纔 亦化 説

至 子,永無敗着。 庸 不 至 》指 明立而 則 宋人云乾坤 出 進 二字, 之以 誠 至,故 爲 誠 學 互 問問 誠 畫 相 雙 不 爲 鞭 歸 至 誠 鎖 則 人 明。 上 進 鑰 之以 道 誠 如 也 立 連 明 而 環 中 刼 明 明

治道之要在知人,君德之要在體仁,御

<sup>「</sup>起」下,全書本有「滅」字。

<sup>· 「</sup>夫」字,全書本作「禪門謂之心死神活,若」。

③ 「毋」,原作「無」,據全書本改。

安民 在 臣 之 經 要 制 在 足 推 用 誠 之 用 要 人 之 在 要 薄 在 斂 擇 除 言 寇 理 之 財 要 之 在 要

造 受 河》、《洛》 化生心 命 化 德 念 合 還 天機 無 虚 化 疆 識 齊輻 理 還 從 虚 輳, 此 化 所 顯 氣 謂宇 數 還 虚 從 宙 在 此 虚 手, 出 中

便 不 理 起 屬 荷 我 日 能順 見, 見 用 之 强 則 以 間 我 應 亦 之, 合 無 動 道 往 静 如 動 而 云 饑 非 爲 成 食 道 莫 渴 兩 矣。 不 判 飲 各 夏葛 纔起 有 自 冬裘 然之 見,

德日慎小,心日謹微。

性, 行, 日 自 則 邢 非 行 日 生 也 而 信 問 約 此 之 忠 四 博 心, 信 教 約 有 疑 則 之 亦 説 曰 就 義 忠 世 根 説 ; 器 自 自 不 而 文 得 心 施 而 而 與 只 約 約 ? 是 之 之

心。

説 説 便須 得 察 存 是省察個恁? 力,只 不得 養 方是真存養、真省 且不繇 不 不 無 力,且 繇人不 得 事 合查 時 力 人不省察 存 考。 就 且 養 存養 此 無 就 時 存 事 有 有 昭 養 不 時 察。 事 事 不 昭 是 得, 存 時 時 得, 然 存 養。 省 省 揭 亦 養 亦 察 察。 出 并 個 并 若 ; 恁? 無 無 兩 有 若 個 存 省 者 事 無 本心 養 皆 察 省 時 事 察 口 不 省 口 時

之路 卒導于 故過 也; 惡生 與 也 凡 惡 惡 過 于 生于 每 過,然所以 君子 相 因。 誤,然 惓 而 惓 所 過 于 造是過者 以 尤 改 易 造 過 犯 是誤 所 過 亦 以 者 誤 而 杜 不 而 必 爲 Ė 惡 调

足。 人之 凡 以 發明性善之説,此陽明 最 心, 孟 後 子 言 言 又言良知、 四端之心 本 心,言 言赤 良能 良 心 益 言 之教 子 之 人 勘 心,言 心 所 人 自來 親 切 不 也。 處 而 忍

然以之解《大學》,殊非本旨。 其曰致良知亦即是「知皆擴而充之」之意,

蓋 不良,即就明德中看出。陽明特指點出 言矣,將置明德于何 曰 就 「良知即 工夫參本 大學》言明德,不必更言良知。 天理,即未發之中」,則全以本體 體 耳 ·, 非 地乎? 全以 本體言 也 知 又 無

不曰 無知」,輾轉 之旨、《大學》是學而 致知存乎心悟。」自是陽 「知得良知却 以良知爲性體, 翻駁,總要開 是誰 則必 知之者。 」,又曰 有知 明教法,非《大學》 人 、悟門、故又曰 此 此良知者, 知之外 更 獨

處 外,陽明則欲自此 良 知 異,乃是致 也。 朱子曰「人心 但朱子則欲 處 異 之靈 而 一一致之于中,不是知 自 ,莫不有 此 而 知,即 致之于 所 謂

上士樂天,中士制命于禮,下士制命于

刑,小人制命于欲。

德。 己,務闇然而日章。 友人有問學者,每拈此語 身置名教之中,心 不 愧 融 爲 的 屋 物 漏 理 立之妙, 即上 達 真 乎天 切 爲

戊寅。 者也,任心之學,則小人而 索隱行怪,自以爲是 本心之學,學得其心,聖學也; 異,有本心之學,有師心之學,有任 學問之宗,心尚矣。 而 不 然心一也 可與人堯舜之道 無忌憚矣。 師 心之學, ,而學或 心之學。 以上

依空立 又何 則忍 等執著! 情 佛氏止言一心,心外無法,萬法歸空, 世 割 愛,逃 界, 何 等説 乃言空耶,流 親 棄 君 得 事 高 妙 事 落 遯 既 邊 乃 際 其 窮,則云 見,此 教 門

● 「乎」字,全書本作「至後人益張大之,搬弄此二字,益

幾何而 滅,時 心,可 加 空本 又不 謂 起 無 自居 不 空。 喪 時 認 滅 心之極 賊 識 作 隨 却 神 子 起 指 乎 隨 起 ? 滅 點 時 隨 識 至 即 識 神 是, 謂 認 起 之不 則 ),滅時 作 佛氏之言 起 本 來 隨 滅 識

皆 假 性 去 借 此 備 命 二惑,方可言 之見 盡 之説 佛氏 蔽 形 將三界虚 以 骸 斯 成 誤 其 者 道 認 有 空 相 天 我 盡 命 矯 之私 攝 謂 而 自 性 相 性 非 儒 語,以 者 動 皆 將 引 1 惑 萬 自 成 也 其 物

然與 克 言,亦 看 過 己 物 復 人心本無惡,近 是。 禮 同 體 然形 爲 , 有 氣之病 己 此 而 是 儒 後 聖 獨 解 有 學宗旨,不 非 物 克己」不 私 安得 耶 ? 仁? 可 以 草 者 去 草 私 故 渾

處事之要。 決機審,慮患長,與人周,見利淡,四者

> 本是一個 涵 養須 存 其 用 心, 工 敬 夫,却 進 養 其 學 性,存 須 則 兩 在 句 致 得 知 説。 恰 好 正 處 如 便 宋 是 儒

亂之。 不明, 命 故 如紡 動 輪 曰 0 : 謂 同 於穆不已。」 之「居 是動 吴朗 車 幾者, 遂令聖真千載沉 運 筦 公云 静 轉 其 動 判 線 所 無 之微, 吉之先 然 0 一天 極 此 息之停,故 其 眇 物 可 無 實 忽 以 也 錮, 時 處 不 悟 而 線之微 天 動, 心 其 見 樞 曰 : 體 者 氏 動 而 之動 之妙 安 之説 也。 天 與 維 可 樞 几 甚 此 得 天 見 則 面 之 故 學 ? 不 車 而

父即 講 居 與 妻講 獨 在 處 當 學不 門 與子 無 以 在 口 可 主 外 講 講 不 即 與 時 在 講, 當 鄉 即即 與 兄 尤 里 當自 僕 即 不 親 講 當 可 戚 心 與 朋 在 自 弟 時 門 友 講 講 講 以 不 如 講 内 在 若 何 與 夫 是-家 即 而 如 燕 當 爲 在 人

淪 便覺耳目 食 息 爲 ,小之而 如如 何 無所 有 九法 而 爲 加 時 斁 起 可放 ,手足無所措,大之而三 居, 空耶 如 何 ? 而 爲 纔 聖 時 爲 放 狂 一、爲 却 綱

有 中 禍 有 險阻 敗 君子謹 焉 焉,袵席之内有鴆毒焉, 除 身,勿勿乎 夕訓兒輩。 以 如不 上己卯 及也。 衣食之間 平 康之

不成 五官 後成 也 其所謂 至哉 其 百骸,有 啓口 物有 位 ! 置 而不 虧欠,并物物皆成滲 我,若一物不備,我分 萬 一官一骸之不備,則衆 故君子 敢 物 忘信 備 我之説。 早 也 足 而 萬 漏 不 物 中 皆 敢 官 便 如 忘 骸 備 人 有 皆 身 敬 虧 而

耳。 暗 矣 而 滯矣,然而 又如明 心 而 如 明 鏡,全體渾是光明,習染薰之而 穀 體 種 生 未 滿 意 嘗 未嘗 腔 不 存也 都 不在 是 生 拂 也,疏、 意 拭 而 之 物 己 欲 而 耳 錮

> 惟 惓 與 미 留 之 于謹 有 拘 明明 内起之賊 獨 體 物與之蔽 以 可 此 覿矣,是謂喪心之人。 ,從意根受者 則 表裹夾攻 不易除 更 君子 無 更 生 加 惓 意 氣

憂裹怒裏過 ,不是小小。 從前 旬日皆落空,忽忽從忙裏 , 須得陽和 轉 方 解。 過, 此 箇 或從 病

痛

不能 道 不 須 可離者,不是我 學者須是見道分明。 臾 離 我 不可 須臾離 見道 後 道 方 直 知 是 所 謂 道

者 《詩》云「維天之命,於穆不已」,氣之本也 誠 惟 者天之道也 知之至,斯養之至,養之至,則 之道也。● 知言 是 學 ; 問 勿忘勿助,敬之至也,思誠 人 路, 養 氣 是 學 知 問 益 至 進 矣。

0 詩 云」至「人之道也」,全書本另作

 $\equiv$ 

覺消 處體 觀,終與消 念 可 縱 動 融 于欲, 是勿忘勿助中最得力處 省 體 立與 不去 察二字, 得 委是 融 消 便 ,仍作如 而 就 融 後 忿,忿不 猶覺 正 欲 已;一念動 存 處 是觀 養 體 消 中 可逞,立 體 融 ,終與之消 喫 不 得 緊 于忿 去,仍作 委 工 是欲 與消 夫。 便 融 融 就 欲 如 如 而 猶 忿 是 後 不

統于一 萬。 萬 我 無 殊。 萬 矣, 問 萬形 統 致 矣。」問:「一何 無 「萬物皆備之義。」曰:「萬物 于萬, 統 者體 之 于 身矣,萬化統 一故無 是謂 仁之功 一,萬統于一,萬 統乎? 滙 本,無 萬 于 者强 萬 心矣, 曰:「統 之萬是 恕之説 萬 統 謂 故 于 心 于

> 爲方 飲一 曰: 公于己而公于人者也。』日 曰 : 也强 示不 「以易始之,以 食,子臣 欲 而難,子之言方也 勿欲,不 弟 友, 難竟之,斯 爲 如 斯 勿 爲。 而 已。」「然則古之 : 미 順 近 請 矣。」 取 而易乎?」 問 諸 其 身, 方。

深 氣 《從何 不得其度,緩急不 應事 火氣 一平, 便無 處熾然? 接物,儘 有差處,只是心 得其宜 入不自 皆犯 得。 此一 心 麄 麓 也 道 火 淺

究 不 一之心。」又曰:「從聞 見消 竟。 **示韓參夫云:「力剗浮誇之習**, 歸 庶 幾 ; 從 慎獨之學。」 思 慮 中 研 見上 審 一體驗。 即 向 何 即 思 從 深 不聞 培 何 慮 真

之以 之要。 静 輕當矯之以 褊 當 矯 之以 重,急當矯之以緩,躁 寬, 四 者 「爲 變化 氣質 當 矯

涵養全得一緩字,語言動作皆是。

己。」目

:「恕己

焉

已乎?」曰

「恕己

則

盡

平

周子曰: 『公于己者公于人,未有

不

乎?

二乎?

安乎?

勉乎?」

問

恕。

曰 :

恕己。

己所

不

欲

勿

施

于

之教所 上庚 斷 資 以禦寒,然且率天下之衆 無 而 之言道者 味 性 下 即 地 之 異 ·之岐 上 滅 于 爲 理 間 而 辰。 Ш 人有 者,而 采 菽 即 性 極 皆 君 以 反 事即 種 粟,禦寒者取 則 子 珍 性 此 有無 惑世誣民,流禍天下 寓于平淡之中,●亦率性 之所 海 以 ,視平淡爲平淡,于是妄意 也 盡 求之虚 所 物, 錯 性 爲 性 以 謂 神 不 者 兩遺,❷善惡 而 謂 可 道 奇,則天下之真 渾然一致, 無、既既 道 命 中 者, 以 適于布帛, 庸 也 中 療饑,明 率性 之道 庸 遯 命一 而 者 有 不立 奔 也 無 而 也 天 無已時也。 而 走之,此 珠 己 有乎 而 也 入無, ,其究歸之 翠 矣。 神 故 然 療 天下之至 天 奇 羽 饑 學 精 也 所 矣 謂 即 佛 又 者 以 盈 不 麓 遯 老 可 取 以 形 後 盡 上 心 天

纔 有 念 萬 便 起 是 萬 滅 妄 也 總 是 念亦有善乎? 一念起 滅。 聖 人 日 無 「克

念作聖是也。」③

易, 妄念難。」「心 無妄心難 身無妄 動可 無 妄念 乎?」曰 可乎?」 : 無妄 日 動 無 妄 念 無

者,賢人也; 感 也。 而 天下之道,感應 忘者,聖人也 隨 感 ; 而 而 隨 應, 已矣。 感 隨 而 感 應 隨 而 感 隨 流 而 感 者 應, 而 常 止 隨

知 日 之謂 事 幾 或問 語 聖人之心, 廓 次 神,故曰:『知 多詭 未有是心,先有是意, 幾。 隨,亦見主心之不 日 : 然 未 而 幾 有 大公, 其 神手 是事,先有 物來 曰心幾。 而 順 是 應, 理, 先

- ■「采」,原作「菜」,據全書本改。
- 「遣」,原作「遺」,據全書本改。
- 「念亦有」至「是也」,全書本另作一條。

所 身 不 睹 不 、恐懼乎 動 此 子 其 日 所 : 不 聞 有 動 平 ? 戒 慎 乎 其

勘之曰:「無所不至。」 小人閒居爲不善,只爲惹却些子,聖人

念 勝 前 起 主 念 静 念 敬 ,知道者 古 也 是 (悪,除 若言主 ,覺之而 一念 敬, 己 便 亦 贅 是 此 惡 主 字。 然 後

出 E. 争 手 處 討 饒 太 在 消 性 減 麓 情 息。 也 應手太急 E 然間 理 會 有 但 太軟太弱 便 有 是 過 過 不 不 及 時 必 口 總 到 商 向 分 廓 數 如

克 竊 挑 見 前 發 識 動 輩 矣。 根 升 周 好 因 株 沉 寧 議 平 得 臨 宇 如 論 日 境 失 每 何 種 之際 時 只 以 得 孽 雖 將 徹 此 既 不至大段決裂,然既 此 底 自 深 因 種 廓 責。 感 按 子 清 而 護 伏 ? 看 動 持 且 來 平 不 久, 在 此 日 能 内, 雖 事 乘 忘 大 間 全 有 情 有 又 不 好 難

> 最 害 何 此 難 如 病 便 瘳 ? 根 全身 也 則 放 出 今且 倒 手 耳 展 作 足 朱子 猛 不 地 免 所 覷 時 謂 破 時 隱 法 掣 微 肘 直 深 進 當 錮 之疾 大 步 利

之 若 討 罅 真 被 飯 中 袗 糗 決 隙 得 本 野人者幾希。 與 心是如 渾 茹 古人之心,看 衣,鼓琴,二女果,若固 江 孟 木石居,與 草也,若將終身焉。 河 子 然天 沛 稱 何 舜, 地 然莫之能 便 相 及其 鹿 超 其 似 則 豕 超 禪 聞一 日 遊 學者 長 代 禦。」一 : 轉 善言 其 格 及其 常常 舜 换 所 有 去。 將 處 則 之 之。」此 以 見一 此 絶 爲 曰 異 居 氣 天子也 深 于 無 一善行 「舜之 象 等處 深 山 之 尋 絲 Ш

浮 氣 性 大 人心一氣 則 因 以 以 有 樞 有 浮 紐 質 之 浮 而 地 想。 ; 己 有 霍 矣, 浮 然 爲 質 散 而 此 矣 樞 四浮,合成 因 紐 以 散 至 有 微 則 浮性 浮 纔 妄 有 ; 人 有 浮 麓

漸矣。 爲此一妄,種成萬惡。嗟乎! 其所繇來者

住; 所 有 步便 倚 有去住 至矣。 著, 本 心湛 爲 因 安 以 然, 排 因 有 以有轉 無 方所; 心 思 有 無 安 换。 爲,爲天下 有方 排 則機 因 所 以 械變 因 主 有 以 0 倚 有 著 過 去 無 此

慎 神 藏 而 才之道備矣。 其 明 下,本地者也; 獨 著 宅,不可睹聞,是 而 人心之體,氣行而上,本天者也, 成 焉 位 成 乎其中 天 形 于 日 知宅其中,本人者也,三 矣。 地 神, 德 名 地 行 日 獨 祇, 顯 焉。 發竅 人曰 故 鬼,鬼 于天, 君子 形 麗

子 静 İ 也 夫全 了。」子 先 儒 一在養 謂 論 静 氣 静 氣 坐 以以 有 亦好,氣 得 此 云: 静 正 此 是 得 氣 涵 養 静 法,孟 非 心

或問勢利關,謝上蔡曰:「已打破十餘

心勘之。「予謂尚説得容易在、當以程子喜獵

臘 程 心勘之,亦犯險着 不合 程子宴妓一 與 宴耳。 案,畢 伯 淳 徒能 · 竟 伊 作 ĴΙΙ 大言, 爲 正 若以 只 是二

焉 所不欲,如 也 倖苟免焉,一爲桎梏, 爲,莫之致 ,率而繇之,真也,無 莫非命也,順而受之,正也,莫之爲而 爲湍· 水,一 而 斯 致,如 而 已矣。 爲杞 斯 柳 一爲巖牆 而已矣。 爲其所不爲 矣。 如故 安排焉 矣。 受制焉, 無欲 莫非 造 其 性

際; 處; 盡 終言 繼言 修 孟子言 之盡 存 殀 盡 乃 壽不貳、 養,方著 心 得 悟之盡 知性、知天,是 修 修 身以 持 · 正 邊,此 俟, 是 心盡 方 其 悟 是 悟 境 處也。 修之 境 到 實 頭

●「主」,原作「王」,據全書本改。

其 在 此 爲 ,難矣哉 而 己。 物 猛省 不 至 貳, 此 是自 猛省 只今 方謂 心本來 之立 動 命, 家 静 方 當 間 得 能 盡 親 不 心 作 佔 者 地 胖 步 盡

輪。 處 勝其苦。 也 然孟 顔子喟: 孟 子晚年造詣 然 子 盡 嘆,是説 心 如 諸 此 章 自 所謂 ,猶是對 家 屋 學 裹 話 Ė 塔 説 到 故 相 聖 不

處言 死,時 非 有 息之呼吸, 時 命 而 也,而 也。 然而然,不期然而 晦 有 矣。 恒 今人專 漸易以 言 日之書 日 以 性 七尺之成毁, 生 命。 夜,推之以至百年之生 死 然,莫非 言 繇 性 一念之起 命 則 蓋 性 性 也, 指 命之説 滅 則 其 莫 盡

尊 時 子 也。 孔 子 思 如天,曾 子 五嶽四 子 如 地 孟 子則泰岱、黄 顔 子 如 斗 柄 河 建 之 几

> 輕, 安能立 纔 開 口 德 便 佞 安 能 動 人? 纔 措 足 便

已矣; 而 已矣。 應 心 盡性之道, 事之道,順 放自多言始,多言自言人短 中 而 而已矣; 已矣;立 事天之道 心 之道,正 長 始 ,誠 而

些子靈 來舍焉 爲在物之理; 疎者續之不堅也。 耳目之用神。 于在天,以爲天命之性,推 無所 後之學者,每于 明 有 可 乃 如客子之過逆旅,止 恃 日夕乞哀于三者 又推 反而求之吾心,如赤貧之子, 爲續 當是 一分于古今典 命之膏,又被佛氏先得 道 時 理三分之: ,主人貧甚 一分于 堪 而 幾 籍,以 萬物, 宿 推 幾 一,尚 所 乎其 分 有

<sup>■「</sup>曾子如地」與「顏子如斗柄建四時」,全書本倒文。

哉?」并其 望門行乞以 今典籍皆關亡, 則益望望然恐曰 (靈明 死。 而 而 嗚呼,悲夫 棄之。 返求其一 「我 于是天 宿 儒 而 也,何以 地 不 可 萬 得,終 物、古 佛 爲

手, 上壬午。 日豈非昨日之日乎? 曰:「無以 或問 日剥换一日,方不犯人間烟火 爲也。往者過,來者續,今日之 「孰有以 學貴日 一念爲 新 萬年者乎?」 日日取 氣。」以 生

不 意 就 旨本定于無,已是一了百當,故龍溪直 言有言無,言格言致,自謂儘 相 虚 有 善有 謀 事 知見也,又即爲善去惡以合之,可謂 王門矯朱子之説,言良知 也 悪以 然其如言心而心病,言意而 但恐無之一字不足以 故指知善知惡以統之; 窮之;仍恐一無 可 以 一有 無 起教 四 弊。 語 終 對 意傷 也, 立 病 待 説 然宗 教。 費 其 故 出 而

> 言 柄。 動 谿輒欲以己説籠罩前人,遂有天泉一段 一言之,實未嘗筆之于書,爲教人 知 成矛盾,本欲易簡,反涉支離。 甚矣! 而 知 岐,言物 陽明之不幸也 而 物龐 四四 事 不 八定本。 蓋 相 陽 明 龍 偶

無善之善,古之人未嘗及也。後人奉以爲無善之善,古之人未嘗及也。後人奉以爲無善之善,古之人未嘗及也。後人奉以爲無善之善,古之人未嘗及也。後人奉以爲聖書,❸無乃過與!

離 善有惡者氣之動。」 氣 無 陽明先生曰: 理,動静有無,通 無 理無 善無 動 無 惡者 静, 氣 理之静,有 今以理爲 有 寂

- ■「得」,全書本作「據」。
- 上「無」字上,全書本有「王門倡」三字。
- 「後」上、全書本有「即陽明先生亦偶一言之」十字
- 「氣」,原作「意」,據全書本改

祭歌之。

静,以氣爲動,言有言無,則善惡之辨輾轉

謙。 指 希。」 乃見其所爲善者。 曰:「平旦之氣,其好惡 善、惡必 平 旦 此性 心是無 自之爲言繇也,自之爲言獨 之好惡 惡 善第 如如 善 無 火之 而言,故 惡,其 義 孟子 熱、水之寒, 也 如 欺 《大學》之好惡 性善之説 與人相近 動 日 而 自 爲 也 欺 斷 好 謙 本 深,好, 斷 也者 此 不 日 爽, 自 Ē 幾 故 必

生心,故曰本。猶身裹言心,心爲身本也。心之主宰曰意,故意爲心本,不是以意

乾,勞乎坎 此 乎巽,相見乎離 分之爲 也,自其主宰而言謂之意。 正 體用一原,顯 天,一也, 八節 ,成言乎艮。」即 十二辰 自其 ,致役乎 微 主宰而言謂之帝; 故 無間 坤 曰 : 處。 説 主 宰 帝 言 天有 今以意爲心 即 乎 出 流 , 兑,戰 乎 五. 震 一帝,而 行 心, 也 齊 平

> 之所 終不可以 發 亦 心 無 爲所存 不 可, 意爲 言 所 發 所 發 而 所 存 在 其 中

也。 善; 惡也。 以 剩 感之以 在此,所惡 [自謙。 幾。 誠 二字乃 夫恐人不識 敬也。 惡在 之者 意本 陳 如惡惡 若以 可悪 剩 原來只是自好自惡,故欺 不 既自 夫 其 在彼 主 故以 之也 善即 所 曰:「《大學》誠 而 玉 臭,如 感 慎獨義,故以主一二字代之。 好自惡,則好在善,即 惡 鎖 即 心 時言,則感之以 ,方有分用之機。 匙也。」 好在 誠還之,非 慎 好 體仍是一個。一者 獨之説, 好色」,蓋 善,故好惡 夫 意 誠 意本有兩,吾 者 是 言獨體之好 繇 可 鐵 誠 雖 自欺 敬 門 好 然 惡 兩 也。 關 而 所 在 意 謙 也 好 誠 好 不 而 主

有善可知, 意可言有善有惡, 而以誠還意, 心可言無善無惡, 而以正還心, 則心之

知

時

乎

蛇

足之見

也

畢

竟

知

無

可

知

!

棬 則 意 乎 ? 之 無 惡 戕 可 賊 知。 杞 柳 能 以 順 爲 杞 桮 柳 棬 之性 也 而 以 爲 桮

以 乎 自 口 ? 爲 知 以 善 之,吾自蔽之,不能 爲 心 日 也 善矣,乃所以 無 善 乃若 若 悪 夫 信 其 爲 乎 知 不 爲 ? 善善 則 善也 知 日 非 口 所 : 0 以 意 止 乃 意 爲 焉 之 若 有 良 耳。 罪 矣,乃 其 善 也 悪 意 所 吾 則

見。 格 格 或 所 欺 粹 謂 以 其 致 致 云 離 精 知 在 几 疏 從 天 自 人穆然 端 古 乎 其 帝 也 中。」 無 盡 本 萬 ! 平 無 所 在 善 終 又意 天下 謂 則 爲,而 帝 意 涉 參 天者 格 中 者 附 者 天 以 見 致 乾道 解 會 獨 地 至 離 ; 工 中 心 而 毋 正 夫 或云: 意 所 贊 有 自 渾 心 無 畢 謂 知 化 然 欺 所謂 竟 誠 育 剛 無 良 毫 言 句, 意 體 健 知 盡 心 無 諸 中 者 誠 只 云 在 而 傳 下 Ē 是 不 意 意 心 體 獨 自 而 中 純

> 之道 至。 得 亦 反 謂 果 特 德 致 知 起 傷 不 須 在 格 照 知 揭 點 無 從慎 誠 莽 善會本文,不得 誠 本 正 何 修 則 口 物 何 不 意 蕩 身 地 德 致 知此 之義 患 意 本旨。 獨 ? 必云自欺 靈明, 性 爲 乎 而 不 二字 自 本, 之謂 ? 已矣。」 知 已, 止之歸 然 ? 于 後 今即 認 無 之 曰 知 學 其 章 只 : 餘 知 取 以 知 止 根 問 知,不 患 又言  $\sim$ 謂 業 藴 明 辭 此 果 T 知 不 大 格 已 之 矣。 害 此 無 知 學 知 在 至 藏 意 致 謂 必 之 干 止 其 是 **>** 也 故 于 云 在 知 何 首 謂 涉 誠 身 所 不 獨 先 其 地 日 言 物 意 之 止 中 ? 知 中 故 格 知 大 托 本 有 I 首 明 此 決 而 本 而 知 學 不 致 明 知 章 則 明

0 也 在 并陽明 下, 物之 全 書 之 後, 良 本有 知 則 亦 一若 格 無開 致 從 已 石 口 有 本 處 特 矣」四 以 物 十六字。 不 有 特 本 木木 朱 子 條次 致

四

0

要? 之則 惡 是 修 夫 以 宗旨 事 可 誠 格 義 致 言 身 大 良 惟 乎 致 合 意 總 知 别 章 學 知 包 後 中 于 ? 何 攝 蓋 大 無 乃 精 》之道 然 一明 舉 子 本 看 等 諸 好 質之 所 抵 乃 是 日 不 出 其 聖 義 鄭 謂 則 陽 而 以 及 善 惟 誠 中 謂 經 説誠 知 誠 如 致 知 誠 明 重 欲 是 言 好 意 而 善 至 知 其 離 意 意 婉 工 正 誠 意 善 無 後 知 惡 却 本 爲 末 T. 轉 誠 心 身工 夫」之説 而 故 惡 工. 惡 悪悪 傳, 夫 主 意 歸 又 意 首 已 夫, 陽 惡 直 者 不 意 根 云「故 到 矣。」 傳 終 夫, 而 而 是 明 是 是 以 工 致 正 誠 知 不 單 良 好 步 另 **^** 博 夫 良 心 豊 意 其 打 致 古 即 知 提 君 豈 文 只 知 亦 美」, 合 以 良 非 項 本 是 直 子 不 是 爲 在 下 舍 言 前 更 知 序 知 指 必 直 大 約 仍 只 好 致 更 及 無 爲 誠 不 好 禮 誠 善 此 考 截 知 無 致 只 以 意 及  $\mathbf{I}$  $\Box$ 學》 之 夫 惡 惡 就 便 簡 工 知 其 先 餘 而

> 若 者 不 心 前 無 不 爲 即 宿 惟 精 了 有 即 之既 ? ? 得 惡 意 君 善 惡 云 誠 麄 是 視 則 致 方 子 其 良 有 動 知 主 則 乃 誠 抑豈《大學》知本 欲 知 有 静 ; 惡 惡 知 意 當 莫 去 意 知 誠 善 提宗于 之始,有善 意 既 惡 在 之關 知 云「大學之道 非 其 有 且陽明 致 之 于 何 之與意, 惡 悪 謂 有惡 動, 意 之後,只 處 , 直 之意 既 致 審 莫 贵 善 知 既 知 是 有惡 如 約 T 惡 以 後 只 過 之 不 誠 此 善 正 誠 落 于 雜 是 路 謂 斷 ; 其 之又 意 亦 心 誠 揉 得 斷 致 方 然 乎? 有 安 而 意 配 合相, 橋 做 知 去 爲 善 欲 向 誠 見 己 半 好 之終,無 小 使 身、約 何 收 矣」 其 古 歸 如 個 善 人 分 人 功 處 謂 所 口 小 始 ? 放 不 于 討 今云 斷 誠 謂 既 禮 北 IF. 善 意 得 歸 吾 伙 良 知

惡 濂 濂 溪 溪 日 日 動 幾 而 善 未 惡 形 有 陽 無 明 之間 亦 日 者幾 有 善 也 有

幾 後 E 陽 也 不 0 形 乎 儒 明 - 日 言 亦 則 則 幾 先 日 幾 平 儒 也 分 又 意之動」, 以 善 在 有 日 惡 何 善 無 而 惡 處 之 然 己。 言 ? 間間 兩 言 有自 意 賢 或 幾,後 之言 非 日 善 幾 : 而 儒 相 也 惡 意 似 以 之 獨 非 有 而 幾 非 實 而

所 不 中 曰 謂 謂 仁 有 忍 惡 德, 濂 宜 與仁 言 溪 幾 日 日 義 也 對 , 道 幾 義 理 乖 非 善 心 與 出 惡 禮 惟 義 于 微 分也 通 中 即 也 Ė 繼 智 之 即 幾 守 日 本 是 日 : 幾 善 信 之惡。 德 而 善 此 愛

必 之 則 不 先 知 也 雜 所 知 凶 易》 之,不 字。 惟 止 先 日 矣。 見 . 君 以 故 子 或 幾 禍 先 見 日 者 福 知,先 吉 幾 動 言 下 之微 而 也 有 作 知 [X] 之 ,吉之先 所 字 謂 謂 知 仍 善 幾 是 見 必 0 不 先 知 幾 善 知 更

有善有惡意之動,知善知惡知之良

之耶 將 得 來 良 知 下 不 與 得 意 語 意 經 贵 無 亦 心 爲 ? 傳 先 決 容 乃 良 良 動 不 無 則 魑 如 即 ; 能 而 更 有 意 法 知 魅 如 知 以 相 惟 不待言矣 先 ? 即 知 隨 人 意 有 動 意 先 若 之 爲 除 乎 而 則 主 或 耶 意 心 ? 知 知 驅 而 ? 不不 外者。 隨 與 果 意 意 之, 抑 當當 意 繼 于 即 知 誠 分 之, 心 則 知 求 先 意 之 明 即 知 其 則 主 矣。 外 落 兩 意 説 離 而 後 事 照 意 且 獨 則 而 着 之 繼 自 以 知 不

主静立人極,只是意誠好消息。❷

港 審 又 安得 有 如 此 動 幾 者 之者 打 截 動之微,不 并 看 在 貫? 則 而 幾 是 心 予 則 前 之 謂 界 此 中 周 乎 有 隨 子 動 個 處 誠 静 静 是 之 神 地 絶 間 後 幾 流 此 非 斷

<sup>●「</sup>也」下,全書本有「先儒解幾善惡,多誤」八字。

② 「意誠」,全書本作「誠意」。

三事,總是指點語。

得全是無也。周子云「有無之間」,謂不可以有言,不可以無言,故直謂之微。《中庸》以一微字可以無言,故直謂之微。《中庸》以一微字

于今。《大學》止辨公私、義利,而不分理欲、《大學》止辨公私、義利,而不分前後

觴之弊 之辟,❷又再流而爲民好之辟,民惡之辟 流 過 反以意爲麓根,以 正 爲 此 心」章 一月 忿懥,又 如惡惡臭,如 微而 視 至 誠 于 再 此 意,微著之辨 著矣。 流 心爲妙體,何 總 而 好好色, 爲親愛之辟,❶爲賤惡 爲 好 不 而 誠 全是指 流 彰 意 爲 耶 彰。 故。 好樂 ? 點 然則 而 悪 微 世 滥 體 儒 以 而

忿懥、恐懼、好樂、憂患,❸只此是心不

4

修」字,全書本無。

心之體」云爾。 莫須有之獄,不已過乎? 亦曰「無善無惡正實供。今乃舍此而摘及「有所」二字,爲

説乎? 惡。 緣 眼 中 何 着不得金 辨 于 金 玉 ? 玉 屑 凡 乃 以 累 是 眼 之物, 伸 無 善之 總 是

正、修、齊、治、平之爲末。」
末。」予請申之曰:「格、知、誠意之爲本,而不以,於身之爲本,●而家、國、天下之爲以,以,以淮南爲正,曰:

- ■「辟」,原作「僻」,據全書本改。
- ❷ 「辟」,原作「僻」,據全書本改。下兩句目
- 失之病有 患,見忿懥之變 只爲意不誠, 此意之好者機; 忿懷恐懼好樂憂患」,全書本作「正心章 如 此 則 者。 此 者 言忿懥,見此 心無主,往往 機。 而 淫 蓋好 ,怒而恚,哀而傷,余謂」。 惡之性 意之惡者機 任情 發 而發,不覺其 而爲四 言恐懼憂

居 ? 在其 庶 而 有 八目遞言之,其要歸之知本而已。」 中, 合于明 從朱子之補傳,則學問 日 至 一篇成書,只是 謂之《大學》, 善誠 身之説 則學 流其 而 思辨 今皆廢之, 問 道之所 可 思 以 辨行 兼 在 舉 皆 何

緊,而 至慎 握 獨二字認 所發。」不過是就事盟心伎倆, 于法已疎矣。 朱子一生學問,半得力于主敬。 無異旨,而 至易簣,乃定爲 燈 獨 而 朱子表章《大學》,于格 于誠 索照 二字,明是盡 取 意 亦以心 前 也 反 欲 今《章句》,曰:「實其 草 綴敬于格物之前 草,平 之所發言,不 性吃緊工 日 不 致之説最 夫,與《中 知 更踈 作 今不從 真 何 八心之 所 乎? 爲 解 庸 謂 慎 吃 ?

誠 之。」又將主敬工 意 蝎 正心」章云: 故 耳。 此 陽 夫用 明之説所自來 「必察乎此,而 在 正 心 項下, 也 敬 終 忽 以 直 視

> 治平」章極 口 發揮好惡二字,直是王

道 本于誠意。❶

致之所以誠之也。 誠,明之所以誠之也,致知之知不離此意 故《中庸》 致知,其旨 意根最微 誠 貫所性之全,而 日 誠 誠 身, 也。 體本天。 本體工夫委是打合。 日 明善 要之明善之善不外 工 , , 本天者,至善者 夫則自 大學 **>** 明 日 誠 而 意

日

也。 故 静、安、慮次第 爲言欠也,所自者欠也。 滿,無處 乃爲真得。 君子起 以 其 不 至 戒于微, 圓 所謂 善,還之至微,乃見 滿 俱 ; 公到,以 知本,知此而已。❷ 此 以 處 克 虧 歸之得,得 完其天 自 欠, 處 無 心焉。 真 動,便有夾 處 不 無所 旷 此 虧 欺之 處圓 得 定

- 直」,全書本作「真」。
- 所謂 知本, 知此而已」八字, 本

四三

四

四

位, 乃 者 個 此 雜 地 呈至 也。 時 性 下 曰 大 渾 手 獨。 光呈 無 此自堯 善、故謂 然 İ 夾 天體 夫, 仍不 露 雜 惟 舜 用 故 善 許 之「如 以 有 事 無 必 亂 不不 來 慎 虧 好 動 相 之 悪悪 欠。 好 · 著 手 傳 法, 好 脚一 人 心 必 而 色, 力絲 惡 法。 端 毫, 乃 彼 如 倪 毫,于 得 惡 所 在 此 還 惡 謂 好 兩 臭」。 他 惡 誠 此 歸 之 之 本 尋

境 漫言主 界,學者必 定、静、安、 一静 無 歷 首 過 慮 無 五. 得 歸 尾 何 皆 方于學有 知 怪 止 霍 以 即 真 後 散 得 必 歷 之 今

無 有 作 好 如 好 好 色; 無 有 作 惡 , 如 惡

惡

臭。

莫

顯

乎

微

夫

微

之

顯

知

微

之

顯

此

謂

知 本, 此 謂 知之至 也

欲 誠 其 (意,先) 致 其 知 知 遠 之 近 知 風

之自 知微之顯

心 體 本 無 動 静。 謂未 發屬 静, 已 發 屬

> 妙 胖 後 未 動 也 言 發,正 乎 0 人執名 古 ? 蓋發 有 非 是 言 也 與 相 陰 無 ; 未 以 謂 陽 發 總 疏 未 耳. 屬 動 只 一藏 發 支 静 是 其 屬 離 分分 宅, 動 鳥 個 性 通 己 識 分 復 發 時 心 情 互 屬 時 體 爲 發 静 動 本 其 然之 成 時 亦 根 兩 時 非

伸 乾 心 坤,其静 曰 : ൬ 其静 往 體 遂 「夫易, 來 通 亦 古 間 復 人 天下之故。」 也 也 識 未嘗 如 翕, 專, 無 取 是 思 皆 其 其 以 也 動 動 不 動 就 也 見 也 是 無 静 闢 感 直 心 截 爲 言 體 然 應 也 是 是 心, 間 兩 亦 以 以 復 候 識 寂 惟 廣 大 取 然 如 大 生 生焉 是 不 ^ 焉 易》 動 就 ; 見 感 夫 夫 屈 傳

非 以 動 陰 陽 静 之 生 陰 理 陽 無 處 無 之。 大 陰 陽 見 動 静

分 -動 分 從 静 來 學問 説 有 只有 説 無 劈 個 成兩 工 夫, 下 凡 總屬 分内 支離 分 外

乎? 得 處 無 事 註 在 0 着 不 力 焉 脚 力 睹 不 則 始 2 不 睹 然 曰 而 則 耳 有 聞 則 : 不 解 可 目 視 聞 時 註 者 聰 此 不 也 言 深 明 本 惟 見 一雖 言 亦 求 聽 瞑 若 人所 愈 之, 不 目 不 .謂 加 聞 見 塞 戒懼 必 分 不 聞 耳 曉 睹 欲 若 則 功 亦 分 聞 夫不 静 然 可 不 慎 見 中 也 末 敢 獨 章 向 工 人 忽 睹 夫 心 爲 己 愈 聞 不 非 有 并 M

聞 有 是 所 天命之性 道 此 無 方 處 所 乃 一, 亦 得 性 有 得。 無 所 方 然 耶 所 ? 解《大學》者 謂 所 不 睹、 方首 所 不

是 義 誠 完 何 意 之前 備 也 慎 獨 又 是 尚 臚 日 學 有 之 : 問 致  $\overline{\ }$ 爲 知 工 中 學 I 夫 庸》 問問 夫, 第 思 後 辨 而 義, 章 行 在 説 然《 中 知 而 大 説 庸 陽 學 **>** 行 一爲 明  $\Rightarrow$ Ī 則 更 于

> 格 也 也 曰 ; ; 物者,格 : 故 行 思 學也 知 也 也 誠 者, 者, 此 者 意 者 爲 行 思 學此 也 此 T 此 義 者 者 者 也 也 也 致 ; ; 知 仍 辨 問 者 只 也 也 致 完 者 者 得 此 辨 問 誠 者 之 此 此 也; 者 而 者

持循 字 並 日 蓋蓋 肺 無 肝 知 中 爲 字 , 庸 亦 獨 並 《大學》 疏獨 中 無 表 知 出 字。 日 疏 隱 用 獨 神 朱子 日 日 微 庶 意 特 令學 曰 與 日 不 他 自 睹 者 增 日 不 有 個 中 聞 所 知

陽明先生言良知,即物以言知也,若蚤

<sup>0</sup> 極,故 之説,在 後,吾見 公素叩 事」下, 持論 禪 亦罕矣」七 明 全書 門 往 儒 則 往 却 本 有 欲 有 如 此。 無 在 取 十 善 短 宋 無 字 予 録 儒 恶 謂 長 合上 則 儒 有 成 有 而 一文爲 善 其 静 不 有 至 而 雜 惡之說。 是 存 者 養, 以 自 立 動 周 大中 只 而 爲 程 省 之 諸 而 察

❷「然則」至「非乎」,全書本作「雖不見聞,亦不敢忽如

義 獨 知 在 知· 有 ,即止言慎 對 格 物 睹 義 聞 在 以 言 獨 即 亦 獨 止 得 也 言 若 致 知 蚤 知 亦 有 得 ; 不 朱 睹 子 不 聞

慎 相 時 禪 保 獨之至者,不足以語 代 反 個 喜怒哀樂 如春 中 氣,與 過 則 時 夏 ~,秋過 偕 氣 行 流 此, 故 行 則 謂 與 冬,冬復 而 之 小人無忌 四 者 時 中。 實 與 此 憚 却 時 正 非 時 爲

庸 庸 成 峰。」 | | | 学 喜怒哀樂 中 中 又言 字 逗 誠 出 中 誠 何也?」曰 便是 字。 仁 或問 義 : 禮 朱 智信, 横 子 看 日 · . 成 故 嶺 側 中 中

情 惡 怒 從 口 而 狀 氣 後 好 惡 前 有 機 從 喜 而 好惡 主意 怒, 流 托體 不 故 而 無 就 決, 最 標 性 微 故就 本 宗 之 指 辨。 點 心宗 故 畢 指 喜 竟 點 怒 有 ; 有 好 喜

《大學》言心不言性,心外無性也;《中

以 説 庸 乎? 之歸宗慎 性 日 不 言 獨 心 善 非 也。 性 性 即 乎 心 ? 之 所 天 以 非 爲 心 心 乎 也 故 有

間 反多此 稍 善 惡 後 無 自 ,所争致與不 救 不 知 便 起。 在 于 視聖人 知, 短 善 若 不 長,勢必至遂非 雖 善之先,故 知 致 霄 善 在 壤 也 亦 善不 惡。 知只是 善之後 今人 能 使 文過, 良 非 善 全不 端 知,先後 無 即 充 論 知,但 知 長 知 不 而

言 患。 轉 何消 瘡 何 致 爲 頓 化 良 多 起 起 總 放 爲 此 知 此 此 一善念,吾從 者 念? 念? 多 惡念,吾從 念 如 此 是。 若消: 若 纔 起, 屬 頓 念緣 放 化不去,吾恐其養虎 纔 而 而 不妥,吾慮其 有 知之,知之之後 知之,知之之後, 無 起 滅 處 雏 非起。 剜 亦 肉 遺 如 成 如

「國家將興,必有禎祥;國家將亡,必

心有 也,方一念未起之先,而 之」,吾之言致知之學者如 且 與之一立立定,不至有 有 妍 擇之精、守之一,若明鏡當空,不能 妖孽。」此興亡之先兆也。蓋人心亦 媸。 善 而 此所 無惡。 謂 「善必先知之,不善必 即有介不善于善 岐 時 路 此 操之以 相 疑 之 中 戒 地 先 眩 而 則 有 知 我 吾 此 兆 即

治。 提撕 即是省克。 省克得 就性 則曰 情 省察 其實一 輕安 E 理 會,則曰 即是涵 也,皆不是落 就氣 質 養; 涵養;就念慮 Ŀ 銷 涵 鎔, 後着事 養得 則 分明, 克 土

定;

信在道前

,則道前定。

髪,此 落 復之陽 莫是落後着否?」曰: 後 來復,言復已久也。 有不善未嘗不知,知之未 ,所争不遠,看 點 則 元陽,在 手 忙 脚 亂 天 地間 來仍是占先手。 若操未剥之陽,爲來 安得 有 無 剥 有 即 如許 息間 嘗 復 復行 力量 間 斷 若 不 也 容 E 七

再作也。今人皆所謂頻復者,甚之迷復。●便與不行。不復行,謂當下消化,不是後不

敬在 之理,都收拾不到這裏,總屬 得急着;離誠言明,終落後着 至誠之道 動 知無 凡 前 事,豫則立 先 則 後 可可 行 前 以 但 定 前 自 信 知 誠 在 道 而 一言前 在 明, 若 狂 事 即 自 便占先手,故 ,則言前 慧 前 明 明 而 則 盡 誠 事 定 尚 下 前

隱。 聖人、天地, 人所不能盡,以見大莫載、小莫破 心言,則 詩》以指 故自夫婦之居室,推之以極 君子之道 日莫 點隱體 固 見乎隱 即 不 如如 足 小 鳶 極 推 魚 大小之量 以 之在天淵 故 道 言 曰 費 于天 也 則 而 即 超 日 隱 夫婦 于睹 又引 地 費 以 mi

●「復」下,全書本有「迷復亦是學」五字

天 姑 聞 地 自 之 而 隱 聖 居 表 ,所以 室 人之量 不 造 可 端端 顯 端 而 亦 而 倪 微 自 有 即 也 有 如 此 以 此 而 闖 者 在 至 無 隱 君 事 之 子 堂 之 他 學 求 奥 矣。 則 請

微 流 躍 上 之妙 下 焉 行 察 事 莫 亦亦 莫 也, 高 微 匪 有 于 天 正 如 鳶 指 是者 而 心 魚, 鳶 體 戾 而 昭 子思子 焉 天 著 ; 淵 處 莫 體 費 之 日 深 非 焉 匪 泛言 淵 道 言言 化 心 而 育 其 惟 魚

淵 亦 微 而 終 不 日 見 見 天 有 魚 而 之 不 躍 見 有 鳶 亦 之飛 見 亦 ; 顯 終 亦 日 隱 見

皆 也 鰍 躍 之 與 闇 于 類 淵 也 鳶 飛 而 與 鳩 網 戾 波 罟 鷃 天 出 莫 決 而 没 起, 加 繒 弋不 尋 極 得 丈 于 及, 而 而 深 量之,小 下 極 也 控 于 所 高 于 人之道 托 地 也 之 ; ; 鱔 地 魚

> 之德 體 逼 夫 無 如 以 樂 求 如 故 之,猶 君 此 成 貮 所 不 非 總 子 者 象, 謂 睹 氣 爾 天 虚 是 命 既常 言之, 流 心 小 不 以 語 洋 行之間 之 聞 爲 者, 心 洋 也 誠 戒 性 之中 德即 麓幾 翼 復洋 故 慎 不 翼, 本 始 特 恐 口 不不 而 體 信 人 洋 而 以 懼 昭 得 誠 莫 此 心之德, 陽 祭 以 足 事 而 凡 通 誠 見 明 承之, 法 據 上 見 誠 以 莫 推 也 帝。 Ι. 復, 見 戒 顯 即 明 ; 夫 即 又若或 鬼 慎 者 就 之。 有 又 亦 上 天 神之爲 恐 存 就 喜 所 命之 帝 此 懼 焉。 謂 喜 怒 使之, 誠 臨 是 切工 怒 鬼 哀 性 汝 德 是 本 相 哀 樂 神

精 廣 須 高 大 微 當 明 德 性 愈 時 用 亦 何 廣 時 復 之中 等 大, 極 中 問 高 庸 盡 ·, 本 學 明 精微 工 自 而 致 夫? 廣 道 之、 愈 中 大, 精 盡 庸 時 微 亦 之、 時 是 復 極 致 極 精 謂 高 之、 廣 微 温 明 大 故 道 愈 本 -而 之, 盡 高 致 自

之謂 高。 敦 明 厚以 道 崇禮 尊 而 中 德 且厚 庸 性 所 禮 愈 以 而 中 崇 日 道 只 庸 德 問 積 此 是 學 月 也 累 崇 謂 千 繇 知 三百 德 新 中 所 符 以 而 表 盡 其 性 體 底 要 也 備 歸 于 崇 此 于 于

與焉 睿, 莊 藏 也 中 各 極 Ė 盡 聰 深 一、文理 心 其 耳 明 之日 耳, 妙, 睿 目 知 者 密察之德 是謂 知 外 皆 闢 聰 而 此 寬 之 明 氣 心 裕 則 之 機 虚 温 爲 户 通 中 柔、 聰 牖 復 之象 明 之 發 而 强 候 周 非 而 剛 徹 其 生 耳 毅 之 長 專 目 齊 收 日 官 不

道 聽 之大本也; 又 何 鐘 虚 以 虚 也 加 也 而 發之,其 于 而 視 虚 鳴, 乎? 四 心 肢 和 虚 也,天下之達 白 存之,其 也 骸 而 虚 靈 也 中 而 耳 也 道 運 虚 天 掉 也 也 下 夫 而

虚 而 言 本 空 心 之學,聖學 空 故 無 所 也 不 攝 而 佛 攝 氏 張 切 大之,諱 有 無 而

> 皆 其 而 所 遺 空,有無 爲 H 者 空 與 自 不 在 ·受也 也 ; 看 又 來 離 只 是 切 弄 有 精 無 魂 而 不空,

物乎? 之者 其天 矣; 贵 遠 人得 7,天自 、天即 配 乎 天達 哉 其 我 我 所 天, 心 出 我 以 其 得 即 爲 何故 始不離 其 天。 人 所 將天亦 則 今必 以 配 下學立 爲 乎 云 心 私 有 天 爲 則 心 矣 物 達 耳 先 己 乎 0 天 又 得 天 天 

之 窮,爲 經 無 化 倚 已足 至 育。 立天下 誠 見 盡 其 其 性 之大 要 心 之至,不 歸 精 本 密 于 而 無 運 學 無 能 之 漏 而 而 無 矣。 能 外 已 即 又 爲 無 出 經 知 能 之 綸 天 故 地 大

之至 至 也 也 ; 肫 浩 肫 浩 其 其 仁,仁之至 天,化之至 也 也 ; 淵 淵 合 其 而 言之,誠 淵 静之

功于 微 亦 能 合 無 嗚 敬, 天下于在 微 中 呼 庸 無 之道 顯 步步 微 亦 宥 乎 推 從 無 ! 闇 愈微、 有 入門, 至矣乎 無 至于上天 亦 無 愈顯 而 仍 託 舉 之載 體 即 而 于 微 歸 即 微 之日 而 顯 乃 操

下 謂 平 之和」,時 也 喜怒哀樂之未 乘六龍以 發謂之中,發而 御 天也,雲行 雨 皆 中 施 天 節

誠者自成也,誠于意之謂也。「篤恭而天下平」,修之意也。

誠 也 誠 ,致知誠之者也。 者 不 思 而 得, 良 此 知 文成 不 慮 秘旨。 而 知 良 知

見; 故 心 思之謂睿 其 智 聽于 統于 無 心 不 也, 智乎 無聲之謂 知 故 睿 視于 四 無 者 此所謂良知也。❶ 不 有 聰 無 遞 通 故 形之謂 ; 人之象 聰 慮 無 于 明,故 不 何 焉 聞 慮 之謂 明 然 盎然 思 則 無 于 智, 而 無 不

> 宗, 所 之心; 然 理 然 也,又謂之辭 知 知 而 以 者 密察也,又謂之是非之心。 是謂 也; 知 發 仁也 秩然 强 聖 歸 ❷合而言之,渾然智 剛 諦。 之無所 毅 所 而 讓之心; 也,又 知 以 者, 寬 不 裕 謂 知者,即 禮 温 截然 之 也, 柔 羞 也 所 惡 而 也。 智也, 分而 以 之心 知 又 者 齊 謂 言之,燦 是謂 所 莊 之 ; 義 以 井 中 惻 也 文 井 心 正 隱

自 于 性 然 謂 爲 理一也,得于心爲德,生于心爲性,⑤ 情,達 之天,故 于情爲 日 一、誠 才, 者,天之道 亶于初爲 命,體 也。」 惟 于 藴

不知也 此 所 謂 良 知 也 全 本 作 合 聰 明 以 爲 而

<sup>「</sup>知」上,全書本有「情也情一」四字。

<sup>「</sup>智」上,全書本有「性也性一」四字。

淵已乎」。 「是謂心宗,是謂聖諦」,全書本作「《大學》之言明德,

⑤ 「生于心」,全書本作「本於生」。

得 是 則 天 之以 爲 俱 無 人造。 虧,不繇乎 外,人得 爲天,地 之以 我 得之以爲 更繇乎誰 爲人,物得 地 ? 之以 盡 是爲 則 爲 俱 性宗 物,天 盡 虧

發之。 近 也」,此 性 者,剛 千 古 柔 論 善 悪 性 中 第 而 \_\_\_ 義, 已矣,故 惟 濂 日一 溪 足 性 以 相

習 愚 于不 也 性相 善 近,以 者爲主; 生 而 上 善者 智下愚不移 爲 主 ; 習 相 則 遠, 痛 以 下

性 不 處 復 可 與 以 天道 論 仍 語 就 語》二十篇 上 ,不可得 遠 云 處 爾 下 而 工夫,故 語 聞 語 也。」蓋 言 性 日 : 皆 日 「夫子 中人 要 人 以 之言 就 下 近

皆 即 以 孟 子 性 識 道 求 得 性 夫子 性 善,亦是下了註 一,妄意 言 性 有 處, 物 方 可 可 脚 指 與 ,終失 盡 性 面 後 目 人

> 字。 千秋 學者且 上 細 下,大道 讀《通 書》, 陸 沉 尋個 總總 坐 無 門 極 太 極 几

里 之善, 也 善如之? 也 何言乎情之善也? 何 日  $\Box$ 乎 故 ; 乃所以 吾就性中之情 即 ? 避性字不言? 孟子曰:「乃若 因 性 而 所發之情,而 言善。 見 爲善 仁義禮 所 性 也。 非 藴 之善。」 離 智,皆生而 其情 只爲 指情言性 而 心 見 這 言 言 所 惻 性不可指言也,蓋 ,分明見得是善」。 善 則可以爲善矣。」 豊 存 隱 也。 之性 不 有之, 所 心 非 毫 就 後 大 是仁, 釐 之 大 情 而 謂 解 所 見 千 情 者 性 性 何

對 ; 所 凡所云性 云 情, 一,只 미 是 云 性 心 之性, 之 情 決不 決 不 得 得 心 性 與 與 性

■「何」上,全書本有「今即如此解,尚失孟子本色,況可

情對。

個 利 善 爲 字可 本。」此孟 天下之言 下 子言性 性 也 第 則 故 義 而 也 已 矣。 此 後 故 纔 者 有 以

是 無 蓋 所 此 聰 明 不 是 智只是故之一 至 漢 非 故 之心,尤容易 孟 子指 端 出鑿字,凡叛道之人都 而 起 孟 風 子 波 特 少 指 錯 以 針 證 鋒 性

也 子 義 有 自 一之端 最 禮 不 不 出 因 智 説 忍人之心 雖喙 惻 以《孟 去 來。 得 也 隱之心 分明。 長 故 與 説者以 三尺, 子 只説! ,仁也。」 四 **>** 誣 後 端 也 向 爲 人 得 中 誰 語 端 如 錯 仁 言之? 庸 又曰 意 緒 四 的 看 未 稍 見 體 了, : 發 端 傷 外 判 又 不 耳 爲 下 惻 因 以 此 性 隱 知 就仁 誣 般, 之 人 中仍 心, 皆 孟 發 推

孟子論性之説,惟「口之于味」一章最

其豐 言 言 乎? 性 性 下 總 命,故 沮爲善之志矣。 性 以 費 名,合而言 古 有 雖 要人 分 致 文 獨 有 則 有 不 命,以致 解 生 一,豈耳 乎? 疏 至 遏 説 不一,惟聖人全出 日 而 是 有 非 常 在 欲 如 性 今略 有 即 雖 天道 能 二命,將小 心上 故 此 存理之功。 自 之 盡 是 所 生 之皆心 爲 之 謂 之流 則 而 爲 口 人 可 耳 用 若 鼻 所 達天之學。 若 性 拈 命 合天人、齊聖 目 功就 惟提起 謂 限 之欲,聖 也 謂 乎 出 也。 行 П 人 命 之命 乎? 鼻 性 有 綱 有 然 乎理 氣中 故 蓋 自其 也 之君 心字,則性、命 縱 常 不 君 獨 平 日 人 齊 惡 審 贵 參 倫 然然 蓋性、命本 子言 耳 無 權 故 亦 ; 若 物 之 出 凡 目 所 惟 自 藉 君 耳 處 孰 此 途 理來, 之則,有至 而 命不言性 口 以 聖 子 其 目 而 非 其 歸 鼻之 宰 言 言 人 而 既 豐 體 心 П 于 各有 之所 制之 鼻之 全 君 有一 乎 故 則 性 無 藴 欲 處 定 不 ? 兩  $\Box$ 而

旨 條 性 能 言 也。 理,令人一毫推 離 命 則 後之言性 亦 曰一而二、二而一,愈玄愈遠 然 者,離 諉 不得,此 心 而言之,離 孟 子道 性 之 善 而 弗 本 離

以 勿忘勿助去 勿忘 勿 助 集 間,適合其宜 那義也, 如 此 ,即是義。 正 是義 襲了 非 是

錯

萬

錯

體 本 志 易 因 也 動 忘 而 是不及 牿 又因 亡,所傷 而助之,遂至偏 助 助 是過 在 根也,所 過 之病 勝 謂 甚 氣 則 于 本心 忘。 則 之 動 氣

受過 蚤 破 了 ,過則暴也 知言之學,只是從未發之中看得 ,偏見。 此 處差之毫釐,氣 此孟子得統于子思處 便于此 透, 故 而

大 節 亦 中 有 之 手輕手重 但 心 是萬 極 起 亦亦 見 古同 處 爲 何 則 經 然 微 況後之君子 歷 所 有 多 不 ,全不執 以 同。 千 聖 即 1 千賢若 己見,一步 堯 惟孔子立 舜 合符 堂,

> 不千 到 步 向 日 爲 人 迤 輕 輕 理上 開 他 將 口 將孔子做 知言 處 一去,隨 ? 説 後 路 過 人于此 個 問 贵 榜 程 知 樣, 也。 處終草 啞 又煞下苦心, 子 孟 當苦 子直是見 草 Ī 爪,有 ·, 安 得 得 難

亨利 第 將 以 也 力却 解 中 章言誠 貞, 一天命 濂 句句 庸》 溪 本 爲 道 無 之 指 言聖 後 理 謂 天人之别。 聖 世 V 性 人 儒者鼻祖 飜 人分上 二,將 家當 新 譜 人分 事, 而《本 繼 一,❷《通 直 善 上 句 是 句 一家當 成 義 勺 性 書》 》錯 言天之道 水 即 不 會, 并 是元 編 漏 又

- 0 若 合符 節 全書 本作 都 打 得 合 同 印
- 2 立焉。 大哉易也 者善也,成之者性也。 元,萬物資始,誠 濂」上,全書本有 純粹至善者也。 其性命之原乎」七十八字。 之原 周子 也。 元亨,誠之通 日 故 乾道 日 誠者,聖人之本。 變化,各正 陰 陽 利 之謂 貞 性 道,繼 命。誠 誠 大哉 斯

條 在 下 造 原 化 不 E 錯 所 關 不 小。 然 朱 子 解《 通 書 **>** 此

是主一。主一之謂敬。心本有主,主還其主,便

心之意。意本是生生,非外鑠我也。心如穀種,仁乃其生意,生意之意即是

意 只 网 是 物 關 物 故 事 該 有 曰 : 故故 本末 之。 「其爲 日 惟 物 : 有 意 誠者 物 本 該 来,然 不 之, 物之終始。」● 貳。」終始 事 不可 有 終始, 分本 雖 兩 末 惟 爲 誠

善則 非 之 喜,惡則只是 二字, 之外 是 氣 于 矣。 喜 濂溪以 即喜 另認 善 中 惡 中 有 怒哀樂之别 怒,惡 中言性 便 之 個 偏 是善言 間 中 于 認 也 則 剛,一 個 而 只 此 中, 是 于 本之剛柔善惡, 名。 味 中 剛 偏 又 肅 字,分明 柔之間 于 非 剛 殺之氣 柔,一 是 善 于 則 認 是 味 怒 ][[置 矣; 個 喜 中 善 優 剛 中 柔 怒 柔 柔 有 柔

> 名 也 義 哀 和 上言也 )° | 中 也 樂未發之 圖 正 中 説 即 節 中和 》言仁義 皆酷 也,天下之達 謂 中,故 之别 爲《中 中正, 解, 即 庸 承 變 註 道 之 和 義 疏 日 也, 言 即 正 聖 剛 者 中 人之事 柔 也 之别 就

言 誠、 神、幾不已,至此 通 書》「思日 睿」章最 指 出 難 個 解 把 9 柄, 周子 言 反 思 覆 是

- 0 實,皆 中 向 看 始下, 意以 苗裹去」 角 此 爲廳 白 全書本有 點, 點 幾。 推 是 四 出 米 試 「試 去 之 問 生 就 此 安 意, 穀 得 苗 種 從 有 由 推 何 兩 此 詳 來? 物? 發 此 爲 理 根 今 豈 甚 另 人 芽、 明。 只 有 苗 將 如 苗 物 稻 接 處
- 2 此。 聖。 思 則 思日 通上,全 者 不能 無思, -俟終日。 聖 思而 無不 功之本, 書 全書本作 本 通。 無不 也 本 又日 有 思 而 無 思 周 吉 不 日 通 此 凶 通 聖 知 子 人。 幾 之 生 用 日 其 幾 於 也 不思 神 也 通 洪 乎 幾 微 範 易 則 動 日 愚按」 通 日 不 動 : 微 思 能 於 生 君子見幾 彼, 通 日 一於思。 微 睿 不睿 動 睿 故 於 作

之微 幾 也。 畫 機 日 : 爲善去惡之實功已先動于思,所以謂之「見 凶之機、言善惡繇此而出、非幾中本有善惡 非 龍 不 而作,不俟終日」,所以謂之「知幾其神 通,無一 幾也,言發動 ,吉之先見者也。 點睛也。 幾動誠動,言幾中之善惡方動 思者,聖功之本, 不 通故可以 思之功全向幾處 所 繇 知幾 也 而吉凶之機 盡 神, 故 可 通 以 微 用,幾者 于彼 體 也。」吉 通 誠 微微 前 故 故 動

子蚤已絶之矣。 善不善之幾,中于感應者,止有過不及 是,而乘于念慮者,則謂之惡,然過而不 已,念慮乘之,亦鮮不爲大惡矣。君子知 已,念慮乘之,亦鮮不爲大惡矣。君子知 一之差,而乘于念慮者,則謂之惡,然過而不

忌惡而忌善,與吾儒蒼素在此。 禪門不忌念而忌意,不忌欲而忌思,不

只此一點微幾,爲生生立命之本。俄

俄 是故. 而 見其首 而 根荄矣,俄而幹矣,俄 知無死無生之説 花菓矣,菓復藏仁,仁 ,隨之不見其尾 ,是故 而枝矣,俄 復 藏 知 菓。 死 生之説 而葉矣, 迎之不

其意. 故 則 心非其心,吾儒 日「天命之謂 佛氏言性 而 性; 不言天,故性非其性,吾儒 則 曰 佛 氏言 欲 正 其 心 心 而 者,先誠 不言意,

主性 之性情? 也; 情。」 已發爲和 朱子曰 喜怒哀樂,所性者也。 一張説 一一心 其 爲近,終是二物。 統 用 也。 性 情。」張敬 合而言之,心 未發爲中,其體 夫曰:「心 曷不曰心 也

不誠 故 誠 神 不 幾 幾 , 日 聖 不 幾故 人。 常 不 神,物 人之心 焉 首 而 病 已。不 不 誠

● 「幾」下,全書本有「而著」二字。

濁 利貞 也。 上 于 有 事 義 流 則古人言性皆主 一,所謂一 班 濁 平 時 理 而 一之分 ? 水 至 程子 而 ,則習之罪 而 畢 與受水者終 濁 又稱「成 于 子 清 竟 不 未 以 如 濁 謂 · 容 則 離 水 此 清 離 説 氣 則 喻 乎 也 之者性 者 受水之地 質 一後天。 水, 非 性 但大《易》 清 也 無 水 屬 其 也, 心 所 本 兩 即「繼之者善」, 也,亦 初皆 也, 謂 而 相 清 事 異也 近 性 至于人 ', 性 而 稱「各 而 清 者 者 受 清 以 也 與 制 也。 者 誠 人生而 蓋 心 IE 生 于 而 其 復 其終 可 質 言 性 而 其 性 時 分 故 已 氣 静 命 濁 後 言 也 落 錮 兩 濁 則 以 乃 質 漸

善 將先後天 繼之者善 也,成 齊 并 出 之者 來,爲 性 V. 也 教 孟 子 道 性

性本虚位,情有定理。

敬齋云:「敬無間斷便是誠。」予謂心

數

之

耐

語

脉

貫合,至

允

執

一句

方

更端

也

名《存 是 則 而 有 誠 所 間 和 疑 靖 以 斷 然雜著 于 敬 誠 只 之 齋 爲 涵 也 尚 養 不 此 未 敬 分 及 上大是得力。 故 所 和 謂 若 靖 自 敬 敬 明 則 齋 而 自 只 誠 以上 無 持 也 間 一癸未 守 非 斷 可 敬 即 敬

之宅也 微 是謂 者皆 也。 明 中,方以工夫言。 心 而 曰 詮之。 故 也 危 之道也,心之所以 精 以 虞廷 常 明 , 幾希 惟 , 精 本 惺 亦 允執 惺 體 十六字,爲 口 曰:人心,言人之心 故 ,以言 神妙、故 暗 ; 言 敬 者 誠 非 以 故 敬 中 亦 以 乎 敬 日 爲 可 日 而 者 萬 工 其 此 惟 二三 已矣。 微 心 夫言 世心學之宗。 誠, 誠 微 道之體 也。 也,皆 是 惟 惟 也。 所謂 敬 謂 精 也; 可 也 主 存 以 所 至 危 惟 道 敬 可 謂 言 允 即 也 亡, 無 心,言 此 惟 乎 請 精 執 明 適 連 厥 微 其 故 得

種種支離,而聖學遂不傳于後世矣。 學》,既有格致之功,又有誠正之功,以合之學》,既有格致之功,又有誠正之功,以合之情分一。既分精分一,則不得不分人分道,以合之。後之儒者,止因誤解《大性允執二字,專以工夫言,故堯授舜,單提

# 劉蕺山先生集卷七

證學雜解 原旨

解

子 形 在 天地之心也。 吾胞,物吾與。」此 不息,乃成爲人。故人與天地 惟 宥。 云:「言體天地之化,已剩 肖之説,不免以 孔 門 西銘 之學,莫先于 》有之:「乾吾 人得天地之心 體 己合彼 也,即 求仁。 父, 猶 一體字。 人體 以爲 同 仁者,人 二之也。 坤 體 也 吾 心,生生 · 而 只此 母 然 萬 也 程 踐 民 物

> 地、 當 學者若無程子之見,驟 便 是 即 無異説夢者。 天 萬 地 物,故 之化。」「 曰 : 万反 只 此」云 身 而 而誠,樂莫大焉。」 語之以《西銘》家 者, 心 即 天、 即

解一

妄人已矣。妄者,亡也,故曰「罔之生也幸 地 依 以 功,以此 有 人之間,不 而 亦不容説 É 妄形,因 ,猶是人也,而 焉,依真 非 天命 不容説 似 造 者 流 有 可 而 非之微 成妄世界,一 行,物 妄者,真之似者也。 也。 方物 妄 Ì, 解 生 即託 此 與无 强 識、 意 者也。 處并難著 有 妄名理、妄言説 名之曰 真 妄,此 ・弗貫 切妄 而 行。 道 妄。 焉者。是 所 也, 心 誠 官骸 爲 惟 字, 古人惡 則亦謂之 有妄 人 微 或 性 生 、妄事 · 妄 人非 命之 妄 心 而 似 焉 斯 即 静

消。 儼 辨 有 古 明 吃 而 還 之蚤 緊, 然 然 何 免 耳 事 即妄求真, 于此 還 也。 ? 上天下 其 生一 通 合下 恭 身仍得 念未 地 無 重 死,真 清 自 往 還 妄 楚, 起之先, 此 個 古 非 几 罔 則 静 體 了 真。 來今還宇宙 乃 氣 真 百當 見,是 而 以 生 道德性 既 己。 心 死 立 還 闘 故 日 一,群 心, 頭 君 用 命 而 最 妄 吾 還 子 間 以 乃 其 皆 更 聰 爲 欲

#### 解 $\equiv$

之功 言自 之以 如 忽 4 有 物 欺 欺 隙當堤、江 只向 0 以 , 心自妄根受病 攖之, 自 本 欺與 欺 心 猶 呈 便 河 謙對,言虧 云 露 覺 可 虧 決 時 有 以來,自微 心。 隨 ,故君子慎 虧 處 欠處。 欠也。 體認 心體 去, 自 本 而 《大學》首 獨 欺 自 著,遂授 便 之病, 員 得 慎 滿 獨 全

遠 體 從 敗 閒 缺 瑩 此 居 之 然, 盡 何祗於悔 滋 彰,自 小人, 揜 僞 與 天 凛 供 地 乎 合 已 不 確 德 1 · 善 而 何 凛 誠 著 謙 乎 則 善 如 從 之! 煞見 此 ^ 復 便 苦

誠

僞

則

心

雖

**>** 

<u>-</u>

謙

則

誠

#### 解 四

即 爲 任 加 見 鄉 術 慎 愿, 色 君子 獨之功 自 欺受病, 似 取 • 忠信 轉 亦 而 不 行 已是 似 復 人界, 違 廉潔,欺天罔 有 出 心 厭 人 則 體 然 人 僞 至 情 獸 此 自 狀 蝎 白 此 人,無 滋 碎。 頭 3 味 所 進之 挾 將 更 來 智

- 遂 全書本有 益 增 洩 四 字。
- 言」,全書本作
- 界則」二字,全書本無。
- 滋將來」三字,全書本無。

皆坐 狀有 犯欺者,已是好根器,不可多得。 君,皆由此 充其類爲王莽之謙恭,馮 淺深,不可 宴然自以 僞字,使人名之曰「假道學」。 出。 故欺 爲 是,全不 律 與傷,雖 論。 道之廉 近世士大夫受病, 識 相 人 去 間 謹 不遠,而罪 有 弑 廉 求其止 恥 父 事 與

### 解五

子, 輕 乎? 後猶 中 有 成 仍是不出 言 字,都是妄,故云:「戲言出于思。」七 有 劉 嘿 然則從前 自非 如 器之學立誠,自不 不 嘿 洪 可 地 妄根 鐘 來也。 問 不 有 語 加 動 者,不觀 一路火盡 亦 -,大鳴 安,不 如 塵 同 ? 是 小 程 2 烟 語 妄語始, 鳴,適 伯 消,安能 亦 至 語,多溢 妄 子 于 即即 還 喜 不 至 本分,此 得 獵 禁 七 七 之 E 却 年 年 字, 説 乃 而 喉

> 微矣哉 者乎? 年之功 學,致力全是躬行,而操 欺求謙之功,于斯 違之,況其邇者乎?」嗚呼! 其室,出其言善, 口 中道不出者,足下 談何 居其 室 容易! 一,出 則 爲要。《易》曰 其言 千 自 不 里之外 移 妄 不 心 不 語 善善 則 去。 方 ,則千里之外 在 應之,況 善不善之辨 謹言上,戒 不 :「君子居 故君子之 妄 動 其 邇 凡

## 解六

832

故曰:「克念作聖,罔念作狂。」後儒喜言心殊,則或存或亡之辨耳。存則聖,亡則狂,心者,凡聖之合也,而終不能無真妄之

- ❶「禁」,全書本作「並」。
- ❷「嘿嘿」,全書本作「默默」。

子 ? 學,每 言養 心原 識 鄉。』至此方見此心之不易存,所以孟子 識 存,舍則亡。 義之心哉? 反之即是。 處不易識,真妄雜糅處尤不易識 存之耳,所云『存久自明』是 人須自 誰 ,當其識 心。 自存,操 存無 爲識之者?」予謂: 深求一步,遂有識心之説。 識 知存養之説者,可與識心矣。」 可存,故曰:『出 時, 其 孟 出入無時,莫知其鄉。」 人自放之耳。]又曰: 則 真 子曰:『雖存乎人者,豈 而 存, 心。」或駁之曰:「心 心已亡矣。 又 何 曾于 「心自能 入無 也。 故 存 正須 時, 識 外 若存外求 不待求, 識 □帰 須知 莫 加 又 自 得 無仁 知 操 而 曰 又 其 此 則 能 此 而 真

解七

良心之放也,亦既知所以求之矣。初

用? 之語心學也哉? 之説乎 將縱求之天地萬物,而 空,求之玄漠,而得欣厭 心,其爲通與塞, 著心,其 日 求之事物之交,而得營構心,其爲營與構 知凡幾也。 知凡幾也。 念慮之隱,而 不知凡幾也。 歸之自然。 爲緣與著,日 天理 以 又進求之靈覺之地 得起滅心,其 是五 何 繼求之應感之際, 日不知凡 理? 吾安得操功自然者 者徵心,了 不 得心體焉,其 歸之日 知 心、欣 幾也。 凡幾 爲起 與 不可 用 也。 與 厭, 而 又求之虚 滅 又求之 又 得 日 惟 得。 而 日 日 天 得 用 通 而 理 吾 塞 緣 與 不 何 不

■「又」,全書本作「乃夫子則」

解 八

矣」。 其神 深則 百出 川 識 鑿,❷淺則浮 學者最 適 覺離. 起,緣物 其 足爲 最 近 本位, 累 忌 而 乃見,「物交物,則引之而 也。 識 似 情 ,詭則異,僻則 神 焉 識 用 者 夫心,覺 熾 事。 爲 然, 理 識者,載妄之官, 聰 識 而 明 邪 已矣。覺動 ,偏則 乘之,變幻 理識之病, 倚, 己

支則 妄非 何 處 真 雜,六者皆賊道之媒,而妄之著焉者也。 也,識 識 在 非 何 處? 覺 也 一,妄盡 故 曰:學者,覺 而覺還 其 初,神在 也

解

九

之頃 甚矣! 而得湛然之道 事 心 之 心馬 難 也。 然未可爲 間 嘗 求之一 據 也。 覺

> 覺之覺 之湛 常 然已 是有 俄 則 不離獨位 而 通 故 然覺 不 微 唤 恍惚 君子慎獨 勝 醒 通微 無 者,有 者近是,故 其 焉 法,朱子 所緣 、勞矣。 則達性,性 俄 時 而 而 而 覺, 紛 所謂「略 必 迷矣。 紜 日 無 也 焉 則 闇 求 所 誠 然 俄 起 之本 請 綽 而 而 以 誠 而 提 覺覺 自 覺 雜 則 日 撕 真,真 章 乎 糅 覺,要之 是 ? 之,于 焉 也。 闇 本 則 向

解

+

地指之。覺者,心之主也。 此心 真无妄之體,不 可 心 有 端 主 倪 則 乃 從 無

其 神適足爲累」, 全書本作「神之有漏義

偏 理 一識之病 原漫漶不清,據全書本補。 深則鑿」, 原漫漶不清 ,據全書本 補

之覺 心爲 主之 主 則 ,如明 心, 主人翁 虚 若不是常惺惺,又安見所爲主人者? 如 實 鏡 家 則 以 當 督 百 空,妍媸於 此 在 邪 堂 不 一,群 能 又曰 奴 : 焉 爲 無 主 立 之奔 主 獻 人 焉 翁 走 反 昔人 常 是 ; 惺 有 惺 呼 主 有

### 解十

物 以 不 之,容有或 無 物 明 用 好學,其 忌莽蕩 得 理 斯二 由 所 知 而 覺,有心之名。 去其 一者皆 蔽也蕩。 失之似 有 忌 何二 蔽 求 龍 則 覺 者 侗 者 仍 于 體物 之病 覺 儱 歸 前 心 侗 不 ? 之不覺 則 本不諱言覺, 遗, 未 故 無 嘗 物各付物, 體 日 而 好 莽蕩 學 已。 好好 以 知 學 則 誠 但

## 解十一

學射必 空求覺 未有學 外,無 學 則信 並 古 耳。 古訓乃有獲」,又曰 則 而 書、學射, 辨 不 爲 也。」學者如此 言,又兼辨與行,則 覺則問 諸 程 因 古人只言個學字, 辨 之學,凡言覺者皆是覺 知 須張弓挾矢。 而 心 焉 毫滲漏 以前言往 者 亦 五. 不行者。 而 不 斯 者 問 不 篤 是 總 覺 焉 下 恁 是 則 而 乃 行 陽明子 功夫 「學古入官」,故學必 地 如學書必 行 不 臻 爲則,而後 篤行之只是行之不已 日 八, 便了。《 個 又 覺則思, 覺 儘 : 與 工 云: 以 五五 地 思 見 夫。」然所謂 求 焉 須 精 者 互言 覺 書》云「學 思焉 斯 把 學 求之在 神 廢 斯 世 理 筆 便 其 理 未 徹 而 又 伸 是行 也 不覺 學焉 有 與 内 , 非 紙 我 懸 以 於 學 問 徹

六

四

### 十三

誠 其 則 權 通 則 精 於 以 通 變, 以 思 純 此 日 以 之謂 思 : 誠 以 思 神 知 主 者 幾 静 幾 聖 蔽 則 立 聖 極 豫 功 以 之本。」 之道 立 思 思 以 而 以 盡 又 思 神 尊

## 解十四

者姑 帥 氣 베 E 性 氣 在 是 者也 就 即 形 故 也, 孟 形 氣 而 道 夫子 下 然 下 義 氣 處討 者 知 其 配 即 謂 特 至 工 焉 性 鄭 則 夫 個 氣 重言之, 實 主 心 今之爲 字,則 有 從 性 形 知 所 上 而 言 主 暴氣者 日 不 上 形 來。 者 可 上之 而 善 添 謂 志 養 知言 之 常 種 浩 理 物 性 足 然 即 種 學 之 以 此 蹶 故 知

然 今若提 之,幾 空只 情 是 是 盡 餘 捐 暴 干 其 也 趨 不 銜 義 ? 運 轡, 時 歸 氣 之。 之 以 事 是一 謂 爲 狀 根, 亦 天 操 欲 今學 多 仍 馳 起 道 之 凡 浩 向 售 欲 只 生 驟 還 元 積 主 氣 過 微 然 專 縱,適當 視 者 是 氣 川 中 之妙, 總 人翁 天樞 氣 處 即 之氣 游 其 澄 滿 動 出 於 緣 耳 性 是 氣, 心, 然 爲 腔 神 心 不 非 助 所 五. 而 湛 流 暴 其 頃 明 只 動 馬 化, 行 樞 爲 然, 宜 不 露 切 無主 氣 刻 此 者 之 還 順 紐 妄 及 義 歸 只 所 罪 是 以 而 此 他 何 布 之 念, 之 處 中 争 散 爲 盡 也 中 地 不 于 條 無 斷 如 是忘 有 · 贵 之主 爲 性 浩 我 理 原 乃 苦 愆陽 御 滅 御 主 朋 條 T. 不 出 然 在 無 不 馬 馬 夫 無 思 ? 動 北 忘 者 法 人 伏 者 理 殊 則 萬 些子 主 辰 之 更 以 消 滿 陰 失 助 爲 到 處 不 理 間 治 罪 其 無 物 以 网 便 虚 故 任 無 知

害物 之以 便是 之未 及。 歸 爲 至 兼 下之大本。 加 生,獨 于 以 焉 好 天下之大惡 發謂 最峻 此 善,歸 淫 惡 不 哀 色,貪財 程 言 周子 子 已,又有 而 知 陰 又進之以樂 益 道 絶 之中」,只此是天命之性,故 日 不 之中 纔有 始 Ė 之言 二、人 傷,傷之流 處 成 乎 好色不已,又有無 「性者, 歸 性 性 善 無所不至者 于 焉 過不 也 焉。怒之 此 則 常常 無 種 而益 跌足, 已矣。 所 剛柔善惡 遂已 卒乎 及, 爲 中 謂 賊 淫,淫之流 則 庸 斷 惡 更無 悪 過 ,而天下之大 人 偏至 如 》言「喜 滅 者 也 便 爲 財 中 派所不 進 是 害 之 只 色 易 而 如 物 傷 步可言 有 其 氣 怒 爲 喜 兩 已矣」, 至者 賊 又 惡 之 獨 爲 過 舅 貪 哀 是 惡 進 過 陽 財 天 樂 不 而

> 子 者,不足 害物 除却 然使 用 用 非 己 行 欲 纔 者 流 베 ,如此 平日 有 絶 也。 也 日 拔 順應之。 而 去 得 心,除 ; 好色心,除 日 不 其 戒 息 病 淫 消 向 人能 則一 以 未 慎 根 在 能 月減之勢。 語 常 則 其 凡爲 恐懼 只 病除 財 充 充 已 此 偏 非 心 色 無 無 至 教 中 却 性 而 之極 人心之所 上 欲害 一之氣 此 穿 然則 貪 白 乖 也 事 止 病 心 戾 財 窬 自 1,時時1 此是學者 截 好 人之心, 爲 除。 自 有 心 即 之心, 隨 善去 色心 然 主 使 反 之, 便是 有,總 除 消 斷 ,使一元 見吾未發之中 有 即 悪 却 融 然 而 丽 便除 不 傷。 入細 貪財 事 非 義 止 是天 勝 仁 隨 乎? 不 截 學者 不 不 却 其 生 其 頓 工 心, 得 可 賊 理 可 所 意 扞 夫 除 勝 勝 流 誠 便 感 唐

蕺

Ш

先生

夭折 之所 于非 必皆 其實 義 飲 此 再 饑 所 也 心 乎 可可 食 飽 白 欲 衣 如 之失 百 年元 爲 則 者有之。 理 人 也,一日 培 以 無 生而 學 寒,一 非 年 口 況 令其 養 爲 者 節 氣 義 也 然 又 此 心 理義 也, 有氣質之性,故 者 息 有 而 全在後天。一日寒暑之不時 苦 乎? 元 不 百年 心之于理義 也 猶 甚 病 而 而 氣 再 之矩 或侵之,久之而 焉者 客氣之 不治之以 然 不 者,先天之元氣 食 然必 況 甘 則 有 也 乎? 時 也 饑,一 學 有 甚 其 ; 焉, 也, 人生 寒暑 焉 理 理 節 饑 故 義,又 者 義 息 猶 而 其 飽 心 乎? 載 也 而 寒暑 而 後 至 饑 不 而 前 焉, 百 非 渴 有 于 達 口 可 年 培養 之 傷 此 之 以 歲 以 不 理 而 而 非 于 生 閑 于 養 其 未 驗 爲 不 心

> 之于 之悦 和 和 我 所 則 心 感 中 有 無 中 不 令 則 可 其 勝 疎 用 而 者 授 矣。 之 隙 悦 也 則 樂 則 理 則 義

#### 解 + 七

失則 爲遠. 望; 乎 也。 巧言令色、爲 也 變,爲輕、爲薄、爲 貪戾、爲 氣 ? 。 習 本 又其 人而 粗 夫人 人生而 于 流 相遠 天, 失 苛 粗之變,爲 變也, 禽。 也, 之勢 急、爲: 也。」又 親 有 猖 質本 而 上 氣 爲 積 狂、爲 乃 者 怙終、爲 遠 虚 質之病 漸 日 禽 重、爲濁、爲 乎 也 誇 然 『或 人 乃 地, 無 爲 也 而 獸 忌憚; 故 獸。 親 也, 近名、爲淫 無 相 或 故 抑 下 什伯 恥、 失 奚 日 贵 亦 者也。 險、 又 則 若? 爲 各 天 其 爲 浮 地 從 首 或 性 ,浮之 變也 賊、爲 佚、爲 故 相 之 其 鼠 相 日 千 類 觀 或 沂 初

之,以 便見 治之? 者; 者。 其 細。 不息,以陽主之,以陰 則 萬 心治氣質 凝 氣質 或或 立 得此 也。 有地 其爲 更須 柔反之,無 相倍蓰而 地之 何 而 事 病 清 心 浮者,治之以沉 道焉。 道 事 氣質化 從 明 柔 與之對治過,用此功夫既久, 而 氣 無算,不能盡其才者也。」 人自病之耳。」既 與 有或失之粗者。 質 上 立天之道陰與陽,故 剛, 月. 託 際,有天道 體 順之,無有或 故 以 質有 處 氣質化性,而 而 粗者,治之 有 不 焉 常 病 此 有 ; 矣,伊 失之 之謂 厚 以 于 性 氣 重 剛 運 復 以 浮 質 以 然 進 何 而 而

## 解十八

性,而 率 思子從喜 性之道即 怒哀 在其中,分 樂之 中 明 和 二元 指 點 流 天 命 行 氣 之

> 今乃謂 以 雖 性,豈知性者乎? 讓、是非, 處指點出 性紛紛,不得 分上,此言 象,所謂「不識 而静之體遠矣。 面 知 目 四者之心未始非 性 喜怒哀樂爲 班,直指之爲仁 而 知 全是人道 粹然至善之理, 性 天,庶 不以 第 不知, 學者從孟子之教,盡 于 善字標宗旨, 義 粗 喜怒哀 未 邊 順帝之則」, 也 幾,而 發 義禮智名色,去人 事 時 日 至 最 樂 氣象少 惻 必 孟 有 所 求之義理之 單 子 隱、羞惡、辭 功于學者。 化 向 全 因 有 不 然 當 心 承當 其 已落 涉 地 時 心 牛 覺 人

## 解十九

養之時 程 字 文言 孟 義 子 養 言養心,又言養性 大矣 知 文 哉 每 謂學者曰 故 日 一、又言 一荷 且 得 更涵養」, 其養, 養 氣, 至 無

蕺 Ш 先 生

八

静、 只 也 知 衣 心; 物 默 在 即 不 則 即 就 就 食 長 日 日養 是省察之説 知 語 其 理 時 ; 用 衣 苟 中 會 動 動 氣 默 知 分 失 時 静 則 食 其 個 静 語 就 日 理 養 真 默 養 即 衣 時 會 與 性 無 衣 動 語 妄, 物 則 食 即 食 時 就 不 之間 去 静 日 理 默、 · 消。 」 知 其 養 即 動 時 不 知 語 涵 知 則 衣 就 善 静 即 養之功 謂 其 時 而 默 動 之 實 食 至 知 養 于 語 即 理

### 解 +

此 焉 見 如 得 焉 泛 立 海 志之説 進 道之大端 學 之舟,不 始學之, 有 也 程 乎? 辨 汩 語 以 南 汩 聖 曰『志立 北 日 流 人 : 俗之中,恍若 爲 未 必 事 而 事 可 于 學半」, 于 學 學, 學 而 而 至 君子 有 茫 涯 也 見 涘 平

> 進,折 早 焉 孳 至 于 以 不 有 捷 之説要已乎 艱 而 베 ·膠于 之説 指掌 推 成 言 孳, 以 ,優焉游 行 已 則 苦也。 之天 行矣。 所守 要 無 學之成 而 不 也 應也 厥 愈 往 知 可 終矣。 地 東,必 學至 擇 焉, 來 年 瞬 乃 萬 ; 也。 地 或 歲 日 即 進 物 存 勿勞 而 此 之不 而 叛 放之海,有本 心 而 而 第 流 無 蹈 有 也 至 程 息 而 以 慮 水之爲 不 真 千 足 養, 理 所 無 擾 其 凍 悟 即 里 得 安, 也, 尺 鋭 也 人 解 矣。 有 寸 ; 物 内 勿 而 即 盡 于 庶 語 或 饜 易 屑 者 也, 春 事 不 幾 而 乃 之以 踰 焉 也,學 挫 如是,立志 天 融 執 而 滿 進 盈 也 飫 也 隨 理存 于 吾 置 科 而 而 焉 解 至 程 捷 守 初 日 通 乃 而 外外 也 志 此 後 有 所 得 經 勿 徑 進

而 肆者藥 티 : 「 而 子之主静, 其言静 也,亦常 之,然則孰爲要?」曰:「人心之體,無不知 而 也。」「學貴致知乎?」曰:「然。衆 于 人,然『補傳』之説 動 入,無不會歸。」「然則有異乎?」曰:「 『醫不執方』,善學者各視其所受病,得門 不知,君子得之于知 之也 問 君 也者 也 止 子得之于静 「學貴静乎?」曰 衆 蓋 而 「,爲 其言知 至 到 人失之于 常静也。 朱 頭 躁者藥 子自謂 語 ,後人或疑其 也者,爲昏者 也。 也 也。」「三者古人皆言 也。」「學貴敬乎?」 肆,君子得之于 而受病各有 程子主敬,徹 ;其言敬也者,爲 : 生學 「然。 人太迂 問 藥也。 衆人失之

曰

者? 間 者? 外。 **一致知** 曰 : 後 子 又 X 儘 涵 以 或 自 以爲内 是無弊,學者詳之。」 合之兩 在 爲 疑 謂 養 所 其 外 須 養,養知莫善于寡欲。」分合之 生學 也, 太徑 用 是 也, 敬,進 離 而 問問 而 滯 之 總 從 有 學則 之,知 兩 于 致 于 傷。 聞 知 靈 在 人, 見, 明 無 善 致 内 然 將 將 知 乎 良 外 孰 孰 程 。又曰 學 知之説 爲 爲 子之言 其外 其 無 内 内

## 解

輕

重

人日

用

敬

天地 有 不勝自私之見,將生死二字看作極大,却反 啻草木之榮枯、昆 地 生必 間 果 亦 天 在 有 地 能 有 死 之大德 大小 7,而況 仍 是 蟲之起 日 天 人乎? 例 生,而 地間 看 整 則一身之成毀,何 生生不已之運 人將此身放在 人得 己 乎? 以 爲 而人 生。 天 每 即

從

致

知

上

下

周

語

陽

明

皆 焉 之所 呼 曲 欲 其 反 能 知 將 道 向 原 加 生 自 以 附 日 死?」「朝聞 生之所自來,而 而 贵 一處 用常行之道,置之不問 無 言 去, 會 徒 理 死 之 知 而 以 會,並未曾及前後際。● 爲 日 生 有 自 死 無 而 輪迴之説 伸 0 道 生 己 其 乎 ,夕死可 且 生 有父母未 ? 蓋 死 死之説,謬 日 則 ; 生生焉 以 2 死 矣。」聖人教 0 生則 無 耳 生前之説。 生 「未知 口 乃欲究 生 爲 也 矣。 而後 耳,又 生 生, 人 鳴 死 而

## 解二十三

不過 此 免」,直、罔 日 道 如 ,知生只 原始反終,是故知死生之説。」此 人之生也直」,直即 此 二字,其 惟 是知 大《易》之訓 理 此 甚該 生。 是 聖 道, 罔 頗 人 之生 費 聞 理 解 道 會 也 説 即 生 其 幸 是 死 意 其 聞 而

> 所以成 造化誠 欲 終; 明 從 毁,亦死生之大者,然「原始反 神,豈止以七尺之成毀言乎? 前 之故 死一 以 死 仰 反其所已,終即是始 後之説。 七尺當之。 觀 通 理 也 俯 生見鬼神之情 一,皆是 誠復之理,凡天之所以 察、 下 知 終始相因,原其所自,始 文 也。 幺 章句之謂 則 明 繼之日 之故 而 世 狀。 儒 來,死 何? 鬼 截 幽 神 終 去 終」, 明、 雖 生 之情 上下文,必 成文,地之 季路問 一之説 七尺之成 始,自 死 決 生、 狀 非 即 即 死 是 鬼 是 大 生 出出

下「死」、 憐想」三十三字。 然究竟去住不 字下, 全 能自 有 由,成 是 謂 毁 空 依 體 然 不 壞 任 運 是 謂 徒 作 此 住 口 真

事,向無是公討來歷,豈不擔誤一生」。

■「又欲原生」至「置之不問」,全書本作「又追數胞胎前

指 之鬼 子 前 有 原 從 答 İ 説 其 乎? 切 神 問 也 吾 故 事 于鬼神之情狀者,問之曰 鬼 不 夫子 知 神 得 死 來,季路 之説 以 而 知 事 則 人告之。 也 知所以事神乎? 所問 務知生而已。」仍申 之鬼 子路. 神是 死。 未 解 死 造 夫 亦 仍 化

## 解二十四

先覺 渴 之所覺。 也 使 堯舜之心,即吾人之心,同此心,同此覺也, ],爲斯 亦 先 者 知 覺其同 吾學亦 夏葛 其 覺 民 曰 : 後 自 而冬裘,夫人而知之也。 也,請學之爲後覺 者而已矣。❶ 知 何 任 堯舜之道,堯舜之心 爲 ,使先覺覺後覺。」彼 之重固 也哉? 已 人之生也 如 「天之生斯 此 焉,以覺 矣。 爲之也。 饑 天 生 而 民 先 斯 民 其 食 也 覺 爲 而 世 而

> 庸 我思: 一大覺 約 飲食 饑 則 人 起 知 而 、乃知惡者之非性 其旨 亦豈 者 德之行,一時弒父與君之禍 過之害道 而 渴寒暑之道,又夫人 非 言 先覺,其 而 也。 有 日 求口體之正 孔子之道 愚不肖之不 中 覺 歷 庸。 彌 地 人者 春 甚。 乎? 秋 人乃 以 日 一,去口 前 而 彼 孔 勝 嗟乎 及 戦國 知隱 以 之,約 氏。 仁昭義 而覺之也。 爲 則 體 易楊 道 賢 怪者之非 孔 而 其旨 智之 息,則吾道之 不 立,君父之倫 墨 人心之晦 氏 求 在 横議,孟子 之言道 性 曰 是 過 命之常, 其 有 性善。 也,去 道 者也 一,而 也 也 不

0 遁於空; 鑿 秋,同故 矣」下, 如如 一焉而已矣」九十五字。 海 日 也。 發温,安 全書本有「 學者之病莫不乎自 不必 今之言覺者 設 往 取 凡夫而 而不 舍,而冥 - 異? 或異 立 私 地 求其 八馬 所惡於 而 聖 用 域, 理 照。 智,今之言 智 分真妄,而合 至 時 者,爲其鑿 日 而 空生大 遠 是 者

七二

心見 訓 蕩 又一 載, 又 又 借《大學》 也。 猖 知 性 益 而 베 借 何 之 尊 詁 後 狂 爲 濂 誠者,聖人之本」, 覺也。 覺 怪 性 于 之 人 夫 以 ,人置一 詞 以 者參之 溪 錮 專 陽 也。 夫 其 時 之説。 章 玄 通 乃 壤 習 唤 明之良知,本 訓 説 以 以 佛 虚 倡 嗣後辨 醒 前 言《大學》, 今天下争言良知矣,及其弊也 愈詳 明之, 詁 喙 以 氏 無 則 沉 而 情 夫 極之説 吾 ,而天下皆淫于名 之玄覺, 反之正 于 迷, 夷 道之一 性 識 而 是 未必 良 説 言 可 如 可謂 陽 而 于 日 其 愈 得 乎 以 長夜之旦, 明子 使《 壹 繁,支離 大覺 使 盡 賊 龐 ? 救 而 大旨 重下 是皆 《大學》之旨 陽 大學》之旨 晚 見 亦 卒 起 司 明 也 乎 近之支離 詮 見 用 而 無 良 世 之旨 ? 轉甚,浸 于《通 註 理 知 則吾 教 以 救 然 遂 者 超 者 之 救 又 則 自 復 又起 之 潔 以 詞 道 千 吾 晦 書 有 此 也 姑 晦 者 之 流 道 章 调 良 餘 明 言

> 玄虚  $\equiv$ 所以 也 也。 亦 起 良 知之患, 争之者曰: 曰 베 了一子 欲 : 聖者。」又曰 照,後覺之任 知 言 「意 故學以 皆 知 誠 正人心, 則 蓋 至 意 枝枝 陽 乃不 坐不 有 也 之 明之本旨 意 族 志 誠 學 息 知 致之患, 誠 也 馬 : 意 ,稗種 , 邪 其 至 三子 直 之 爲 能 而 説 所 病, 以《 在 極 未 言 也。 以 日 也。 距 斯 則 之逮 不失之情識 大學》 距 知 而 陂 乎 楊 今之賊 止 子 求 而 行 根荄。」 1 也 墨 也, 之 日 不 還 者 放 孟 于 : 慮 知 ^ 道 ,聖人之徒 淫 子云:「 意 之 大 是 嘉 止 者 辭 良 學 則 之 根 故 種 者 失之 非 一又 以 于 謂 **>** 知 耳 我 此 承 疎 不 致 本

#### 原 心

生氣 宅于 盈 天 地 虚 間 故 皆 靈 物 也 而 心 其 其 統 生 也,生生之主 而 最 靈 者 也

也 官 統 子 于 者,萬古 也 其 也。 焉 命 思 日 也 也 言 者 官在 心 可 日 質者,鬼 無 而 識 之官 往 窮 過 心 或 主 得 其 、欲也。 動 之天 也 而 也 相 也。 不及者 而 之 常 者 則 鬼 屈 則 什 不 微 醒 理 而 神 也。 慮 也 注 日 其負情 者 遷 伯 思 而 欲 而 明 之 也 識 言豊 也 志 不 也。 有 鬼 而 爲 又合 氣 理 其 氣 而 寐者 主 也。 縱, 治 效 著 也 慮之盡 德 與 也。 流 而 故 者 靈 端 而 質 于欲者 出 過也 而 善求 其 心主 想 其 思 言之, 于 已乎 也 一,充周 生機之自 神 意 盛 也 也 理 氣 乃 也 心者 一神,其 矣 甚 則 者 ? 而 尊 也 心 乎 來 謂 因 焉 謂 而 神 心 其 之官 之情 ! 而 感 約言之, 之性 不 悪 莫先 官 然 自 謂 爲 思 也 伸 窮者 而 之 此 心 是乎 也 虚 而 而 也 ; 動 于 學 夫 真 不 效 變 謂 有 而 不 才 之 識 則 子 神 靈 容 宅 見 1 靈 念 致 而 而

質之性分 神 如 變 明 ? 是 也 學 者 物 則 往 以 欲 心 義 相 拒 往 亦 理之性 物,烏 理 以 出 以 想 入諸 爲 乎人? 情 思 偶 而 緣 方寸爲之四 之 性 大 以 幻 鳥 乎人? 物 性 爲 而

偶

心

以

氣

裂。

審

己

鳥

平

意。

及

其

#### 原 性

荀 然則 宗,後之人又或不  $\equiv$ 之 無 性 人始紛紛言性,立一説 而 性 、楊、韓, 者之論。 也 乎? 告子 ,前人言之略矣。 性 非 也 善之説,蓋 日 夫性 下 故 一「性 夫 至 孟 性 为 宋儒 子 無 能 無 爲 心 不 性 無 善無 之説 時 得 而 自 也 復 疑 名者 己 學術 馬, 矯一 況 不善 下 益 而 支。 藥 于 口 也。 標 説 不 也 是 云 以 明, 宜 然 善 善 V 盈 則 此 導 字 戰 天 有 夫 惡 言 性 地 當 性 以 或 而 間 果 爲 時 諸 無 似 明

和 E 心 他 呈 形 乎 得 不 得 性 也 口 也 也 是 之 乎 ? 能 非 指 載 也 如 性 性 而 即 名 許 之 性 也 而 爲 也 而 之不 盈 是 即 性 之 禮 理 後之人必 著 性 有 惻 言 至《 爲 非 惻 天 所 而 非 以 理 物 焉 質 隱 心之 隱 得 之心 地 天 在 口 中 貯之 他 矣。 之心 之心 如 于 間 質 命 人 然 庸 又 也 理 客 之 則 是 是 具. 曰 者 而 **>** 吾 輾 是; 子 氣 也 喜 則 性 即 專 也 有 而 心 理 後 轉 不 之 以 直 而 即 辭 仁 自 有 一之變 靈 也 和 知 義 投 如 已 心 是 讓 以 義 此 體 心 會 非 矣。 懷 徑 謂 言 則 生 喜 孟 之 禮 而 之不 體 寸 也 性 他 心 心 怒 智之 心 而 子 在 而 中 ; 自 也, 列 之 氣 但 性 哀 明 有 是 也 不 羞惡之心 得 聚 性 而 者 與 終從 樂 名。 此 以 從 即 物 有 性 而 此 羞惡 理 無 智 何 逗 心 心 官 有 而 之 言 之 非 非 出 處 斷 之 乃 吐 己, 形 不 性 之 官 有 中 遁 他 非 棄 貯 然 謂 性

之 矣。 之不 怒之 觀 賤 後 子 統 兩 謂 嗚 性 心 明 孟 不 之人 上, 者 體 之道 太 性 呼 哀 分, 也。 此 子 故將 得 變 與 極 知性 ! 口 之變 性 而 以 在 太 乎 子 必 也 1 此 行 又 性 形 後 何 又將 ? 自 日 極 , 0 日 輾 若 性 即 也 而 道 處 其 此 性 辭 以 理 踞 夫 轉 學 形 下 自 不 分 性 此 讓 自 其 于 心, 和 之 者 是 相 而 其 者 明 性 之心 懸 理 形器之表,則 會 外 子 所 謂 近 觀 囿 合 而 夫 之 想 之 只 心 思 之 以 氣 也 者 觀之,燦然 于 性 所 不 而 無 是 也 器 晦 子 樂 自 形 而 何 以 己。 得, 不 性 也 之 也 此 又 者 氣 觀 物 爲 上 先 之, 其 明 變 不 無 也 也 上 我 也 儒 然 上 明 E 以 乃 所 也 之不 故 四 渾 ; • 之言 分有 而 與 本 心 形 則 遁 而 .端 然 日 離 心 下 之 又 尊 是 已 也 可 而 可, 其 氣 乎 以 物 常 非 心 上 心 日 理 者 體 明 形 物 尊 之 : 而 而 而

爲 病 此 不 吾固 可 天下 一説 在 得 者 性 但 裂。 并 而 皆 將 恐 聞 以 外心 明 病 子貢曰: 也。 存 得 在 性 言 心 盡 |則謂 也 性 一, 心 時 者 「夫子之言性與天道 性 與 却 也 本無性焉 性 不 兩 外 是 病 心 性 言性 而吾 亦可。 矣。 0 道 非 始 徒 爲

## 原道上

之門乎 之最 端見矣,立人之道 蕃 事 之謂之變, 立,而易行 業。 殖 真 謂 道 也, 一,其 上 之 物,積 而 乎其間 推 生于 而 際謂 其 惟 而 行 微 體 心 而 之天,下 之謂 者其 矣。生生之謂易,化 仁 乎! 也, 無 與義 窮謂之世。 義 (狀云 之通 是謂 其 而 是 蟠謂 用 舉而 也 也, 道 0 微 心, 而 之地, 仁義,其 明之爲 措之謂 著馬, 體 此 而 道 中 裁 禮 用 道 而 之 兩 體

> 成之爲風 樂,幽之爲 反之,莫非 俗。 心 鬼 也。 神, 類 治之爲 而 踐 推 而實之,所以 之,莫非 刑 賞 布之爲 道 成人也。 也 紀 約 綱 而

#### 原 道 下

莊 也。 心 常者也,視楊墨之罪著矣,然猶依 進 田 日 : 周 而 駢 大常而 與與 「道可道,非 求之玄、❷舉 之屬,而荒 至談天衍、 夫道,常而已矣,天 、夫堅白異同、三耳三足之爲,公孫 已矣。 雕 唐 有老 常 龍 極 道 義 奭、炙轂 矣, 氏 而 名 者 地 土 然猶依附于名理 可 起 大 苴 常 過 名, 之, 而 是髡、滑 言道 而 此 非 附 已 常 所 于 德, 稽之 名。」 道 謂 德 反 則

- ❶ 「却已不是性」,全書本作「已非性之本然」。
- 「進而求之玄」五字,全書本無。

覺」; 其言 行 若 言性 則 者 天 死 言空 氏 爲 베 也 下 命, 也 乃 則 也 猶 障 已矣,居室之近,食息 亦 而 也,曰 了 言 謂 也 是 礙 妄 其 而 覺 而 合 政不必空其空,懼其 吾請 噫 至此 0 後 從 生死」, 之理,其 心 心。 也 其 而 日 嘻,危 之 也 有 言 以 言 覺, 日 佛氏 乎? 空無空,無空之空乃爲 言吾常 形 佛 生 孰從 「覺 之,皆 氏 軀 則吾儒 矣! 死 切 凝 之言 而 者 爲 也, 成 無 非 티 : 而 究竟歸 心 心。 假 則 以 所 覺 辨之? 日 心 君 也。 所 謂 合 依 天 起居 也, 子 善言 本 常 未 非 之性 附 地 以 其旨 病吾 曰 是 心 及 無 覺 日 爲 日 而 : 止 者 心 也 吾儒 心 其 生 之 「空」,其 塵 此言 已矣。 用 言 于生死。 理 者, 幾 忧 何 死, 覺 刼 主 也 心。 彝 言心, ? 真 乃 莫 未 宰 何 心 無 倫 以 空; 未 佛 爲 嘗 其 進 則 日 不 生 事 世 而 嘗 流 其 不 謂 用 氏 率 員 佛 心 幻 無 宙 而 理

> 之極 른 也 真 還 軀 非 而 萬 至 嘗 何以言之? 命 矣乎 也 如 與 事 過 世 覺 不 烏覩 之, 鵠。 則 乃今之與二氏辨 電 理 心 知 而 光 違 猶 也 夫學 生 ! 所爲 其 政 之 · 而 是, 彼 死 民鮮 如天 不 佛氏 7, 窮 于是聖人喟然 曰 : 彼 徒 必 心 而 瞬, 亦 能 理 以 政 覺 者乎? 地 者 久矣。二 「不識心 終 盡 其 不 猶 而 不 方欲 性 覺 種 必 水 是, 者 能 恍 至 并 漚 懼 食 世 皆 惚 去 依 而 命 無 故 之不容 嘆 其 心 之見 宙 附 助 而 斯 而 也 生 日:一 蝕 日 猶 逃之,勢不 流 吾 道 已 死 吾 蝨 是, 揚 之常 矣, 自 儒 隨 懼 中庸 性 波者 求 爲 殆 指 此 其 也 顛 謂 切 其 遂 修 而 衡 ; 也 倒 . 得 形 是 破 心 爲 其 道 吾 未

● 「宙」,全書本作「界」。

學》爲 下 修 疑 所 知 明 效 明 治,行之于天下而天下 明 以爲 身也。 也。 以 善。 德 所 也 明 正 效 古之言學者,莫 以 以 授之以 其 德 獨 乃格致之要, 善之理一 量 心 明之也 誠 心 理 詳。 于 行之于家 也 故 意 而 則 天 ; 問 下, 覺 至 也 《大學》 不 所 ; 覺 博 ; 善是也。 前 發 問 知 所 不 何 此 此 而 以 散 而 存 的 則 》首言 也? 可 善 問 家 者 平 止之,得之于一而存 于 于孔 此 以 其 1, 所行 此善,故 ·, 所 齊,行之于 物 也,故《 學者, 言 善,所發亦 目 心本 有萬 門, 明 學 謂 有 亦 明 ; Ŧī. 明 中 覺 明 此 殊,格物 加 學 德 日 明 : 庸 也 也 載 善 然 審 善 德 或 在 所 此 亦 後 故 又 亦 通 于 而 ; 大 問 知 天 以 致 天 或 H 日 日

失也荒 學 于 于賓 所 所 所 也 行 善 慎 也 知 所 所 所 9 6 支。 以 也。 以 以 以 以 後 明矣,且大明于 而 謂「仁之于父子也,義之于 此善、故曰 故 精 作 用 制 體 思 主 E 致 是故君子求之于父子 支且荒  $\Box$ 矣。」不 智 禮 後之學聖人者如之何? 聖 義 然 疑 也,知之于賢者也,聖人之于天道 明 不 也 也 也 也 也 後 ; 乃 致 ; 愈 篤 辨 授 皆非 求 求之于 吾 致 此 求之于 求之于 疑 篤 然 之 之于 吾 明 知 天下矣,此 後 以 乃 行 善 知 而 所 明,乃 思, 授 則 天道 漫 之 賢 賓 君 而 以 之 進于德矣。 主 求 極 否 臣 先 思 明 以 求之 授之以 而 前 善 之于物 功 而 而 而 以 所 辨 君 也 致 行 行 行 思 行吾之愛焉 則直 以 于本 吾 吾 臣 吾之敬 吾之哲 此 亦曰:「 辨 爲大人之 而 之誠 理 之讓 也, 其 以 德 其失 禮之 行 德 辨 乃 故 ず、其 致 進 則 以 此 日

劉

蕺

Ш

先

4

七八

毫釐之差,千里之謬也。 覺焉已矣。覺不覺,學不學,聖狂之分也

## 原學中

大哀乎 舉數 心乎 之理 性 可 理之可 乃 精 也 베 0 微、純 不 眩 謂 ! 惟 子 千 可 騖 也 取 極 年 ? 請 遇,終坐此不解之惑以 貴,約言之曰:「天下 于 天下之尊 天 H 粹至善 向也委其 惟 以來 性之説 下 虞 自良知之説倡,而 言以 天下 無 淵 晦 110 而 洗 昧 進之, 曰 無 外 而 道 而 之本 之 光 心外之理,所 無 物莫之或攖者, 倀 而去之,歸之日 咸 性 以 倀 心, 池, 所 尚 以 : 天天下 從 然 體 以 無心外之理。」 人皆知 朝 死,可 事 于 天 天 焉, 而恢復之, 性 下 以 無 下 天下 猶 此 性。 其 之 無 心 不 至 外之 爲 畢 未 惟 潔 心 心 此 之 辨 無 外 世 浄

> **讐**視 尊 性者 明 心 心 氣 已矣。❷ 莫之或 而 也,故天高 而 心者分之爲 于是天下 血之中 外 已矣; ❶ 而 也,氣血 四 其 孰 之學 物 無 ... 以 心 攖 莫之或 知 合 此 尚 而 始有還 也 也, 之屬 即此 惟 地 而 良 序,鬼神 上, 且 不可邇,今也以 氣 其 其爲幾希之著察,有 下, 知之蕴 故 而 血 、潔浄精 攖 如 也 心是,而 大 千 心 萬物 之屬 是 也 ; 之人 古傳 人 合吉 向 其 也。 與 散 微 也 惟 潔 而 其共指 矣。 殊,惟 心 天 X 以 其 浄精微、 然 心 純 之 地 性 氣 至 之體 惟 而 粹 向 統 合 爲 血 尊 心之 心之 至 不 以 之妄意 德 可 爲 心,又以 能 乃 而 純 爲 時 善 歸 心,幾 日 所 所 無 見 心 而 粹 不 而 于 位 者 薄 月 以 其 有 統 至 以 蝕 合 物 置 至 非 非 尚 善 爲 干 而

- 「已矣」,全書本作「不見其迹」。
- ❷ 「而已矣」,全書本作「體而不尸其能」。

偏舉之也

器,而 之地 氣 也; 以 感 焉。 知者,其良知 此皆血氣之屬, 維 算,不能致其知者也,是以君子貴學焉 愈尊,此 血 一人之所不學而能者,其良能 血 治 應 不 何? 皆化 于是精致之以 足治 欲 怬 或相什伯,或相 其爲吉凶修悖之途,可得而 可 酢之交,可 得而 亦 學之所 而其 爲 也。」于是順 日 性 清 也。」古之人全舉之,而 爲 矣。 也; 而 天人貞勝之幾, 以 與 得 吾既事 爲至 性 心 治 于是 千萬, 而 以 化 識 致 順也;于 之以 權 也 而 雜致之以 事 而 而 與 知之良乃致,心 或 其 有 也; 治情, 反之 以 爲 相 倍蓰 治之, 準也。 耳 可 是 所不 孟 治形、 知, 得 陽 目 逆 而 子 慮 見 致 明 日 而 而 其 則 治 子 凡 之 則 而 聞 決 爲 學 氣 無 :

### 原 下

拂

矣。 而 于楚,既 性 于 齊,習于楚而楚,始有 而 相近也 齊, 語不云乎: 啼 人生之初,2固 幾渴嗜 既 而 習 ,習相遠也。」君子亦慎所習而 而 習 爲 齊語 爲 欲 「千里之行,始于足下。」❸ 楚語 有 不 焉 同 甚相遠 焉 然 或 無 也。 相徑庭 無 弗 弗 齊 矣。 及夫習于 楚 也 者 也 孩 矣。 故 而 生長 日 笑, 生 己 齊

長

- 事事」, 全書本作「一一」。
- 其學 是心也 爲凡人,何居? 「人」上,全書 或 異耳。 或爲道 本 何言乎學也」五十 心。或 有「或 曰: 人則 爲 問 人心,何 日 猶 是 均 是 居? 其 in 也, 或 E 異耳。 或 N 聖 則 猶是 均
- 3 一故曰 性 相 近 至 一始 于足下」,全書 本 作 此 學之説

齊之 言而 益 齊而 爲齊 益 問 出 也 齊 聽 言皆齊之言矣;◎吾知吾動, 心 卜之色皆齊之色矣,❸吾知吾言,而 而 吾以 之始事 而 吾 天下之聲皆齊之聲矣; • 而 故 言無 聽無 齊乎? 動 已矣, 吾貌習于齊而 以 已矣; 今而 請 齊、楚之會也 明 恭也,吾知吾動 矣。 也 進 也。 不從,每非能益吾以從也,吾 後第謀 不聰,圖非能 也,吾知吾視 而 吾目習于齊 性焉 習于 雖 日 前 所 然, 而 齊忘于齊矣,忘于 日 , 吾 以習乎齊者,吾 憬 之失足 而 習 何 益吾以 然, 其 而 而 而 以 于 已矣。 知 視 動無不恭,6非 已 知 齊 齊而 吾知吾視 于楚 矣; 無 視 而天下之動 猶 聰也,吾知 日 不 聽 吾知 未 也 知楚者 明 吾 而 言 誤誤 性 4 耳習 齊 齊 天下之 口 動 吾聽 習 并 之 于 而 知 非 之 以 皆 能 吾 能 吾 人 楚 學 無 必 齊 天 于 于

> 善反吾習焉 楚而已矣。 楚之人又相與咻之,而變其善否之情也, 既楚之矣,仍導我以齊,弗顧也,習於楚,安於楚矣 方居齊楚之會,忽有導我以楚者,吾 齊之爲善也 學 問 ,則雖有之楚焉者,蓋亦寡矣。 之始事 人之可使爲不善,其性亦猶是 可乎? 也 而 習於 全書本作「則 齊,又知楚之爲 日: 奚爲而 i's 不可也」。 之所 然 亦從 不 以 善 而 則 爲 當 而 也 亦惟 也 楚之矣。 是 而 時, 有 益 is 習 知

0

② 「一」上,全書本有「果誤耳」三字。

④ 「齊而」,全書本作「視而何以」。 ● 「齊而」,全書本作「聽而何以」。

「齊而」,全書本作「言而何以」。

「齊而」,全書本作「動而何以」。

「齊之聲」,全書本作「習於聰」。

「齊之色」,全書本作「習於明」。

● 「齊之動」,全書本作「習於恭」。「矣」下,全書本9 「齊之動」,全書本作「習於恭」。「矣」下,全書本

有

習于齊猶未性于齊」,全書本作

「猶未離乎習」。

八〇

● 「吾何以知」至「全于天」,全書本作「静而與陰俱閉,

又調之爲喜怒哀樂之節,盎然而春也,殷然而夏也,

聖人之學也,而無以加於習,習其可以不慎乎」。「故學以」至「習始焉」,全書本作「或聞之曰:旨哉!

也,此之謂通乎晝夜之道而知。」

肅然而秋也,慘然而冬也。

無所待而習,無所待而知

2

八一

## 劉蕺山先生集卷八

奏疏一

**懇賜侍養疏**萬曆甲辰十一月二十七日上

情 懇 賜 行 侍 人 養 司 以 行 全子 人 臣 道 劉 事 宗 周 謹 奏: 爲 遵 例 陳

介草 曆三 + 茅 十一年, 九 臣 二年六月,除授今職。 原 年 叨 籍 進 列 浙 1: 清 旌 江 班 表 紹 Ţ 龍 臣 母 興 母 憂, 府 光先 章氏 會 П 德, 稽 復蒙聖恩, 節 籍 縣 雖 守 行。 人, 捐 制 臣 中 糜 以 曷 萬 于 萬 啚 萬 曆 曆

> 憐鑒之。 報 臣子兩全之地 稱 ? 何 敢 遽 敢籌緩急 恤 私 家 ! 而 顧 陳 君 至 親 情 並 惟 重 下 求

暮保。 苦 歲間 生臣; 績 F 再 匐 祖 十,身既 一,以有 娶。 Ш 孫 號 以 致 歸, 半 母子三人。 , 半 奉 臣 身朝 臣二叔父繼夭,皆無 舉 有 人 而 祖 成 寄 形 臣 祖 Ш 臣 9 廷,子 無 食 影 立。 而 父輩 父劉 風 依 于 相 半 臣 塵 臣 臣 弔 寄 遺 厚, 壯 養 祖 M 三子: 羈 叨一 舅 者 食 喪 且 臣 嚴 旅 于 氏 祖 **修** 無 祖 頻 義 歲 第,臣 如 孫 臣 仍, 家, 方 臣 焉 喪 一人。 故 舅 人 以 田 後 父早夭, 彌 臣 流 氏。 耳。 也。 訓 母 形影 歲,不 移 廬 祖 臣 終于家 衰邁 盡 母 終 臣 見 兹 一,伶 陳, 廢 勝烏 今行 歲 止 臣 母 相 0 間 躬 朝 辭 仃 弔 遺 義 者 腹 不 紡 終 哺 年 膝 半 孤 匍 不

官 尚 養 臣 之 光 以 枉 以 叙 下 狽 而 普天之下,莫 爾 更 願 員 能 祖 之恩 相 思 道 作 在 在 天 ,終不容已于乞身之計。 情之苦者。 離 報祖恩 臣 祖 祖 孝思 蹉 使 官 爲 靦 歸 忠、況于鰥祖 職 顔 也 侍 父 孫 積 命 寧 無以 跎 臣 養 爲 思 母 而 錫 而臣 也 簡 使臣 、父母 者 有 臣 成 朝 類 非 老耄故持 朝 子能仕 書 異 廷犬 欲 祖 病 亦得以苟延 王 聽。」 而 凡情 可 視 生不見父,長 勉 迎 孤孫 臣 轉 年及七 并三恨,臣 畏。 ? 臣 馬 養 病 臣 切父子 ,父教之忠,不能 伏讀《 乎? 就 在 9勢不 誰 二心。」而 轉 之事 輾 道 官 無 思 十, 轉 也 殘喘 念來 父 體, 恭遇陛 啓處 祖 大明令》: · 贵 踟 家 死 屢荷 不 能 母 孫 蹰 委 無 且 殮 尚可 ? 臣 日 不 不 進 與 次 矜憐 不 日 母 無 滋 日 下仁 未 人 遑 例 瞑 壯 多 傷 相 丁,自 報 退 不 舍 有 ; 合。 凡 目, 也 覆 狼 將 敬 能 陛 聊 孝 如

懇

天恩

終賜

侍

養

以

伸子

事

造,臣 懇之至! 放 爲 臣 此 激 П 雖不 籍 切 侍 上 一肖,亦 養 陳 懇 死 則 恩 且 祖 勅 不 孫 朽。 下 已後之 吏 部 臣 無 年 杳 任 覆

戦

均

荷

再

臣

疏

## 再 **懇侍養疏**萬曆乙巳三月上

行 人司 行 人 臣 劉宗 周 謹 奏: 爲 遵 例

二年 未 無 九 奉 人,于去年十一 年 ·明旨。 六月,除授今職 臣 進 浙 士 江 紹 T 復及今春,恭 母 興 憂, 府 月二十七日, 會 П 稽 痛 籍 縣 有 守 逢 人,中 祖 制 吏 父 計 披 劉 萬 萬 瀝 焞,侍養 罔 曆二 曆 鳥 測 私 天

0 況 全 解 禄以 本 作 爲 即 孝。 以 四 但 窮 民 餘年辛苦,幸見天

再

持 脾。 無 臣 致 臣 春 既 爲 罪 經 臣 威 不 Ш 罪 弔 战 次 人 禄 秋 母 身之節 年 無 命 生 既 忍 當 未 八十 昔 伏 1 叔 幸 望 涯 凡 猶 俾  $\dot{\equiv}$ 祖 萬 念 伯 誅 所 迨 前 自 無 闕 官 以 + 有 善 祖 既 以 臣 苦 臣 歸 以 又鮮弟兄 願 而 員 敢 也 臣 飯 老耄居 長 遭 爲 貳 以 卒 寧 踟 離 爲 矣,報 祖 急 心 聖 于 而 圖 家 在 歲 蹰 職 而 父 親 日 朝 縈 臣 存 不 無 即 ; 今浸 侍 母 益 母 而 痛 之 鰥 家, 造 ,或爲 倚 逃 罔 養者, 臣 殁, 瞻 請 榮 子 父母 欲 之義 極之 門 臣 衰 而 與 遺 雲 命 獨 待 終 以 今 遺 將 祖 腹 骨 而 聽。」 也 年 恩, 罪 日 孤 臣 則 母 臣 萬 若 他 肉 稱 憔 及 子 仕 而 臣 之 里。 餘 欲 鬱 母 悴 孤 日 如 伏 懇乞聖慈 當 七 無 而 實 懷 并 爲 思 0 猶 年 初 讀 + 期 室 臣 名 竄 仍 貧 臣 至 長 何 祖 身 果 大 教 牽 及 于 跡 抱 祖 亦 臣 而 老 明 之 荒 家 知 于 倘 而 祖 天 傷 疚 與

> 憐 孤 水 侍 憫 孫 銘 高 臣 堂。 情 鏤 大造。 勅 惟 下 皇 吏 天后 臣 部 無 土 查 任 覆 激 昭 臣 切 鑒 疏 待 微 命之至 忱 放 П 合鰥 故 里 祖

## **條陳宗藩疏**萬曆癸丑四月上

化 職 諮 以 裨宗 陳 行 王 人 藩 政 司 之 以 行 要 保 人 萬 懇 臣 世 祈 劉 治 宗 聖 安 明 唐 事 端 謹 本 奏 教 : 家 爲 推 敬 恩 循 起 使

之 諸 入告我后, 典 或 人 皇 制 常 侯 辨 掌 華之什 比比 大 協 異 臣 邦 之。 而 聞 其 及 或 獻 ^ 周 度 返 之 有 蓋 諸 日 數 官》之 禮 命 自 行 : 王 王 來矣。 恤 人 達 則 載 之 其 制 天 馳 以 乃 災 職 宗伯 下 爲之 五. 載 三代 疹 如 之六 書 驅 此 修 述 而 之屬 周 其 以 節 邦 其 後 爰 重 降 或 洲 政 答 有 以 也 之故 刑 狩 官 諏 有 大 無 省 秩 小 其 事 則 在 其 行 頫 于 專 每

若 設 尤 天 府 几 所 官 司 隸 爲 》遺 行 下 月 臨 行 而 治 人之 孔 事 册 内,奉命 率 意 于 化 大 封 亟 居宗國,歲爲 禮 焉 蔑 臣 職 禮 壞 敦 部 焉。 , 役既 惟 不佞,謬 極 副 遭 因 敝 人掌 陛 户 世 明 馳 者 科 竣 下 興, 驅 承 典 未 ? 爰報 試 右 膺 平 所 聖天 易枚 籍 制 采 給 及, 簡 監 鮮 擇 事 出 任 子 成 俯竭 舉 梯 前 焉 中 寄 展 事 古, 航 彭 絲 萬 而 親 之役 愚 惟 特 綸 宗 曆 親 臣 悃 成 之典 藩 設 几 居 有《周 之 + 使 行 往 以 恒 政 修 念 益 者 年 節 人

之君 建。 代者 恨 繇 井 之。  $\blacksquare$ 于 分 臣 終 不 唐太宗 是 聞 封 顧 苟 肉 宋 封 百 命 道 刑 姓 建 儒 群 讀《 也。」夫三代之法, 之 張 臣 猶 而 周 法 載 議 稍 欲 禮 己 封 有 稍 法 不 言 建。 緣 三代 嘆 行 日 飾 日 終 于 : 其 之 一一不 後 阻 義 爲 治 異 世 所 莫 治 説 封 其 大 而 不 爲 建 道 于 識 法 代 存 不不 興 者 無 封

> 之矣。 政。 廢 建 常 腹 夏 家 能 亂 前 至 有 下, 上 于千 之而 所 于 將 意 以 代 不 大啓土宇 累 之 乎 同 封 以 順 衛 速亡, 時 百 其 遺 計 傳 三代之治 朝 嗣 建 國家,下安生民,周 顧 意 草 也 以 後 諸 防 而 施 雖 創 宗 降 文 講 敝 王 晉漢 2 以 未 爲 制 室 也 禮 皇 求 暇 洪 封 何 度 者, 帝 以 成, 惟 懲 而惜 諸 盡 如 分 代 載 起 下,莫不皆然。 我 于 己 善 王 耳 諭 封 經 乎 太祖 于 在 漢 無 !」大哉 群 外 過 當 而 藩 祖 久 餘 靖 再 侈 之 時 行 臣 規 服 高 訓 力 懲 之而 模 規 爲 曰 邊 皇 中 葉 矣。 遂 : 帝 于 之 己 王 陲 以 居 增 亦 寧 臣 宏 言 肇 貽 久遠,秦 先王 其間 乃 升 中 束 略 者,不 遠 子 預 造 猜 制 損 而 濕 孫 矣 封 直 治 襟 益 忌 或 之 策 中

<sup>● 「</sup>建」下,全書本有「諸侯」二字。

② 「也」,全書本作「者,竟安在乎」。

者 之, 以 臚 而 家受宗 刻 1,莫若 遺 獻 爲 削 威 而 欲 其 之 不 頓 策 全 藩 制 法 得 于 時 之 窮 下 先 亦 其 宜 木 王 説 何 而 至 亦 之意 莫 救 大 顧 今 若 亟 乎 仍 H 其 矣 ? 行 而 苟 標 而 通 王 宗 且 成 而 當 之。 政 之 藩 失 敗 事 政 之 之 其 者 行 臣 數 敝 本 木 請 先 思 乎? 亟 覩 王 澤 以 欲 矣 之 善 竭 其 政 議 臣 偏 或 戀 干

凡 夫 大 列 士 王 下 亦 夫 七 卿 士 五. 爵 輔 等 等, Ŧī. 軍 士 或 鎮 諸 等 日 不 中 日 或 中 侯 議 親 E 上 日 尉 將 尉 嫡 爵 盡 濫 公、 大 視 軍 也 子 則 乎 夫 中 視 侯 臣 世 列 卿 士 乃 下 聞 或 庶 伯 制 今 大 古 下大夫、 奉 人, 子、 其 准 自 者 夫 或 别 猶 郡 郡 中 男 天 鎮 子 親 王 王 子 尉 或 遞 上 之 王 至 其 衆 視 降 中 爵 士 奉 而 施 建 下 尉 視 或 降 于 視 中 諸 士 視 中 有 或 1 卿 士 侯 則 大 尉 郡 中 上

凡五 子 給 封 軍 外 慶 女子 也。 者 家 斬 爵 E 中 推 中 封 并 將 冠 中 之女、將 尉 ; 口 矣 封 無 等,不 爵 于 之 小 嫡 裁 帶 繼 五. 軍 禮 尉 其 嫡 宗 本宗 世 于 子 也 别 服 之 銀 故 部 兀 不 則 封 爵 親 之 者 爵 兩 宗 論 議 與 軍 子 又 禮 其 不 又 官 雖 盡 制 、曾、玄 口 之女, 濫 法 濫 嫡 實 無 立 遞 降 郡 則 庶 裁 爵 惟 以 乎 所 本 大宗 庶 降 也 遷 王 不 也 無 事 繼  $\equiv$ 考 豐 ! 儀 服 矣。 降 封 例 止 嫡 據 皆 爲 林 别 賓 屬 又 今准 其一 蓋 子 請 許 則 雖 恐 不 五. 王 者 乃 之 已 有 君 庶 台 得 絶 稱 止 親 爵 制 有 殫 非 以 封 子 鎮 别 世 瀚 許 必 小 王 自 大 口 之 所 親 則 五. 之 宗 家 之子 繼 世 郡 所 額 並 宗 輔 以 王 爲 澤 曾 封 奏。 裁 外 子 主 而 之女、 昭 重 則 九 玄之 得 爵 之 奉 Ŧi. 世 至 無 也 將 統 人 子 鄉 夫 宜 大 世 或 嫡 無 世 體 軍 也 宗 請 限 女 郡 將 降 君 降 其 而 口 而

普 既 庶 孫 大 幾 戾 尚 乎 襲 公之 于 名 中 ! 尉 義 IE. 孰 于 也 若 而 事 親 明 且 順 宗 王 封 第 矣 法, 爵 六子 復 遠 先 及 即 王 七 列 世 五. 爲 等之頒 庶 七 人,不 世 之

乎 卿 數 或 里 萬 禄 石 萬 次 之國 ? 者 限 石 禄 且 七十 則 制 千 大夫, 儉 實 八千石、六千石 大 亦 則 在 輔 矣。 单 折 畝 日 夫 郡 略 或 不 二千石 小小 議 萬六千畝。 將 倍 可 經 則 王 今請 七十里之國,一 禄 或 軍 倣古 上 禄 鎮 之八 無 Ŧi. 士 石 或 以 臣 論 + 上 上 千石, 百 次 將 聞古 白 里。 折 矣。 里 國定 軍 士 石、 而 今國 銀 君 者 倍 不 成 白 加 田 奉 制 千 萬 中 化 大 可 兩 里之國 初 所 或 四 石 或 士 中 議 定 可 中 人之數 將 則 千 減 制 地 減 乎 尉 不 中 軍 視 畝 乎? 例, 方 ? 之四 口 之 士 親 君 小 ; 百 支萬 議 倍 君 或 Ŧi. 王 田 里 後 卿 + 之 百 減 禄 下

莫 年五 楒 辭 爲 有 飢 無 也 不 禄 糞,亦已不薄矣。 主 下 自 己 石 以 宗藩 乎? 給 一,歲 儀 固 亦 寒。 之外復有圭 三百 上 禄 窮之壑。 不 書,願 + 親 得 米 年 然 1 賓之禄,不可 歲 之半, 聞 往牒 埒 不 之二三者,有 親 之 蓋先王之世 石 而 而 于 得 以 准 供之, 賢 無 朝 又虚 職 關 所 將 漢、唐 廷 賢 補 可 田 百 載 領者, 官 軍 宗禄 奈 知 則 如如 石 額 恩 之俸,即 親 而 議 何 而 故 空天下之山 中 之以 誼 一<u>,</u> 經 近 又 不 王 減 不 不 而 事 尉 開 年 曲 制 于 問 乎 而 可 敷者 諸 必 廩 名 是, 盡 之 得 流 ? 不 下 議 宗 遞 世 即 不 禄 應 得 有 乎 以 官 減 乃 降 嘉 禄 資 諸 ? 舉 關 俸 仕 給 乎 知 大 而 而 宗 海 而 靖 ,世禄之等 奩之給 效 領 薪 ? 禄 進之路 棗 實 其 臣 木 中 不 至百畝之 亦 之例, 用 者 僅 計 陽 坐 幾 足 推 衡 Ħ. 有三 半 之 千 今 習 有 王 王 以 不 而 田 佑 以 天 以 埴 斯 常 奏 司 萬 口 郡

被 歲 日 以 世 通 自 之乎? 前 貞 其 歲 F 活 亦言 澤者,不 所 卒 聽 0 供 不 凡 免 無 敢 以 取 誠 禄 畫 「宗禄不給, 煩 ·啻 諸 使 被 \_ 秩。」 歲 之規 涸 其 親 空 禄 鮒 撙 王 名 先後 之起 節 加 而 也 彼 而 下 受 請 議 贵 矣 定 不 曷 實 自 覈 不 匱 以 不 禍 樂 奉 議 六等之頒 取《 或 貴 而 也 減 將 且 宗藩之實 王. 殆 先 軍 富 制 無 諸 臣 如 > 則 虚 子 疇 Ŧ. 而

待宗 之倫 煌 治。② 有 朝 一人,而 聖 夫、士。 廷 文 謨 與 考 武 人以 臣 比 日 驗 才 流 古 讀《 閶 議 换 能 不 今宗 官 未 族黨之民 官 皇 授 之任 足 堪 嘗禁宗 明 官 藩 任 用 臣 祖 職 中 用 又率 訓 聞 而 長史等官 者 其 人 並 古 又 宗 以 陞 用 者 輕 條 监 仕 轉 遷 人 任 視 而 進 如 人 府 「凡郡 官 並 宗 論 處 常 也 具 之 秀,列 藩 選 不任 之。 名 法 以 法。」 王子 今 以 宗 不 姑 既 爲 公 煌 未 孫 必 薄 室 卿 族

> 等 等 弊 官 轉 暇 小 尚 史 中 且. 朝 將 之制 擢 卿 陞 備 書 ,本朝實 用 軍 周 度 武 至若 提 0 爲 極 若 忱 能 臣 中 其 學 審 宗 此 指 自 受任 鄉 尉 此而 用 理 副 王官之必 室 外 無 長 揮 周 聽 副 之之途 使。 尚 史累 使司 此 仍 應 即 撫 絜 不 後 制 中 省 按 萬 短 從 等, 能 尚 人 亦 官 較 各 用 曆 惟 書 或 翰 更 以 宗 長 歲 流 左 中 王 林 初 王 僕 王 . 人 官 覈 遷 府 府 成 官 數 趙 楊 卒 猶 豊 其 更 化 官 亦 與 世 謪 爲 士 遽 口 賢 相 中 屬 王 以 何 籍 卿 奇 名 出 自 者, 調 官 清 嫌 文若 起 自 雷 以 遷 效。 臣 用 之 薦 史 冗 歷 長 霖 何 人 官 不 官 之 異 光 史 下 如 以 宣 請 長 之 于 流 ? 禄 長 德 高 他 自 史

2

0

活 下 全 書 本 有 免 飢

治 本 有「 至 此 者 四四

之,宜 惜 以 虞 授 德 恐 特 導 則 充 肅 相 或 而 業 參 子 贅 也 效 不 驅 以 過 日 王 而 擢 監 用 晚 下 疣 府 除 有 生 輔 半 并 有 王 導 用 就 分 臣 及 ? 無 古 聞 司 講 及 失, <u>二</u>十 宏,其 按 任 在 木耳。 不 用 别 天 之 有 如 讀資焉。 先 而 抑 速 下 墨 外 例 以 滿 司 以 或 朝 逋 有 年, 罪 敗 之聲 之後 充故 亦 爲 而 叢 奏准 有何 逃 日 學 者 輔 藩 如 又 計 任 藪 瘁 行 導 今歲 蛇 績 或 事 何 官之 其 審 文學 事 也 官 教 之裨 優 蝎 而 而 利 监 體 例,凡 理 官 著 己, 貢 盜 焉 王 弊。 改遷 亦 厥 有 以 非 者 中 自 賊 府 即 當 則 係 下 陞 之不 長 // 何 訓 視 如 長 仍 或 非 何 補 授 其 莫 精 史等官 導 + 郡 史 家 怪 與 庶 細 矣 采 官 歷 可 不 職 宗 類 廩 王 幾 乎 九十, 近 屬 皆 府 府 官 室 禄 責 Ě 專 而 而 惟 之 之 非 中 于 教 聯 推 卒 口 輔

一曰議教。臣聞古者王世子、王子、群

之遠 未 藩 造 義 以 賓 者 成。 教 與 教。 有 在 司 后 長 凡 其 小亦 專 孝 馬 庠 泮 公宫 以 之 士之方 立宗學矣。 辨論 賢 弟、 方 州 諸 詩 而 宫 民 八 世 以 幼之節 侯之制 歲 焉。 能 南 之論 材 子 書、 時 睦 有 之。 有 人 之 而 而 未 人學焉 友、 序, 卿 其 禮 升 其 小 左 如 秀 焉 時 之司 教之行 樂, 學 大夫元 而 ,天子命之 庶 又簡 一,大學 子 此 而 而 蓋 + 非 制 者。 子之爲 愛, 升 統之以 所 徒, 所 度 七年 其 者 三年 在 有 以 于 以 未 明 今國 士之嫡 不 战 É 五. 郊 詳 邦 爲 重 父 視 政 率 焉 升 而 鄉 教 年 國 訓 胄 子 教 所 家 小 于公族 官 之 大 學。 則 比冠 者 也 子, 子,皆 之 者 成 近 謂 大學 職 太 比 八立學。 親 制 而 之, 學,已升 家 鄉 未 正 凡 方今國 九 浴者,教 移之, Ē 備 有 學 公族, 君 民 且 鄉 年 生 太學 塾 也 造 之 大 小 教 爲 臣 視 而 之, 之 戒 之 之 夫 黨 學 大 有 亦 牛

教? 途 乎 科 文 也。 理 IF. 以 立 事 扞 師 加 过 不教 服 之,親 者 降 者 文 保 塞 獨 學 府 小學,教授掌之,郡 進學 宗 乃 網,若楚之訐、汴之譁, 休 之尊,行之以督責 由 于 爲子 孔 于 而 夫古之學者將以 而 是 正掌 明 神 始 殺 孟 斯 王之胄 而 先資之業荒 聰 于 明之 操 弟 之道 舉 謂 焉 幼 之,宗 明才智之性 斯 者 之虐」 三尺以 海 學 焉 胄, 以 以以 郡 子 内 于 諸 何 窮 副 王. 忍 備 而 斯 于 之諸 恃 鄉 子 議 副 已矣。 爲 王之胄子及諸子諸 薪 焉。 適于. 是提調 之術 僻壤,莫不修六 及 之,又 爲 其 而 黔 槱 軼 郡 學 父 子 後 充王 首 于 王 仕 ? 諸 兄 王之胄子 不 設左右教授 往 吾 臣 一府 之 之以 無 也,今登 孫 者 未 往 雖 請 愚,不 1 立 或 所 以 以 見 郡 而 H 貸 大學 之植 用 有 降 何 其 王 抗 是 焉 司 、藝之 一府 恃 進 亦 有 簡 弱 而 之 宗宗 以 悖 當 之 各 亦 帥 衡 其 而 分 孫 動 而

選 之以 習 監 材 視 與 簡 最 論 年視成,必 今必欲處宗藩 臣 而 先德行,重經 親 科 之典 爲 成 其 有 欲 行 太學者 李承芳、丘 文藝次之。 朝多 未盡 督 前 甲 近 爲 秀 復古 合 壞, 學 古 主 升之 倖 , 後 于 ,若漢賢 體 憲臣,主之以 爲 而 與 得 位 而 而 古 制 辟 叙 列 不 濬 之 言 大 世 術 科 鄉 其 以 選。 爲 率 雍 比 一爵 等 揚 弊,甚矣,科舉之謬 舉 而 舉 本先王 大 科 庶 ·, 則 之選, 著論 良、 ; 行 帖 又簡 先 里 其 其 比 人, 舉 舉之意微,士 括 不 方 臣 選 賓 胄 、衆子 按 皆 賤 不 而 授 詩、 而 而 吕 正、孝弟 興 子 之 臣 與馬。 持 無 進 以 後 以 柟 遺 必 略 必 書、 之, 帖 能 科舉 得 爵 簡 言 人 倣  $\equiv$ 括 禮、樂之道 也 拜 誠 大 選 升 :「歲貢 年 ]。 其 之技 - 壞天 力 鮮 夫 爵。 太 學 爲 之 貢 禮 也 而 有 鄉 田 例 確 冢 大 其不 與 教 下 諸 用 舉 回 論 比 先 必 年 之 郡 里 科

能 邑 ? 諸 之法,收宗 不 削 開 灰 生 亦 明 科 心 較 本 與 舉 利 解 朝 其 體 鈍 進 亦 室之賢 乎? 盛 有 此 陰 事 年 必 阨 也 臣 矣 不 才 其 請 勝 途 而 而 之 及 雖 賢 數 通 今 書 有 行 講 豪 列 于 方 明 傑 薦 天 今 先 之 者 下 立 王 郡 宗 幾 取

兼 者 夫 表 室 廩 百 萬  $\mathbb{H}$ (夏后 禄 往 禄 畝 也 并 裏。 石 與 且 往 而 世 奪 合 都 井 不 述之。 氏之貢 不 -八家 世 下 四 鄙 給 田 均, 議 雲 民 之民 相 之制 養 之業 之力 而 初 保 生 法 王 與與 況 民 共 制 諸 ,鄉遂之制 臣 忠 以 于 而 之 井 天 既 聞 愛樂 歲 侯、 助 口 木 而 無 廢 古 糧 給 耕 久 九一之。 卿、 極 者 利 乎 公 上 矣。 蓋 封 大夫、 長 多 田 ? 糧 通 建、 給給 此 計 取 焉 或 甚 亦 安 而 家之 終 後 士 不 盛 君 每 井 窮 無 下 世 夫 田 坐 也 以 各 藝 待 嬔 數 取 授 下 有 封 相 宗 下 若 之 爵 民 白 田 公 爲 前

> 其 倍繁, 等, 仍 數 之 已 藩 庶 内 賦 禄 列 田 畝 宗 貧 新 聽 役 田 爲 君 其 自 歲 而 萬二 宗 之 庶宗 封 臣 亦 國 親 量 禄 佃 視 實之。 之國 額 請 每 得 家 豐 者 視 而 商 千 王 者 親 耳 Ŧi. 以 租 歉 貧 下 可 以 自 無 畝 世 編 王 世 乏, 且 以 下 而 便 准 庸 開 庶 插 或 親 而 守 賦 無 以 宗 給 都 或 下 禄 世 盡 常業, 各 之公族 類 木 輸 調 者 鄙 以 以 從 世 而 從 推 歲 各授 餘 仍 來 減 始 不 聽 給 禄 一切 生 視 少 夫 必 逮數 例 分 有 以 封 理 田 之 公 除 供 免 者 煩 萬 廬 司 爵 差 如 之。 田 田 親 飢 世 縣 石 舍 征 碁置 則 得 古 肥 王 寒 一之後 收 官 田 舉 准 夫 之 瘠 不 以 即 如 之困 盡 0 藩 或 授 制 以 貢 调 大 下 佃 粒 生 而 之歲 徙 或 爲 助 或 以 公 江 止 之 族 外 之 其 差 南 君 百 而

● 「碁置」,全書本作「萬計」。

贍 賜 役 中 今天 兼 幾 不 臣 或 盡 則 田 而 而 口 即 古 并 數 出 從 成 請 也 所 侈 復 初 莊 給 也 以 下 偏 常 限 世 見 得 至 公 及 長 古  $\mathbb{H}$ 適 自 今定 田 木 重之 于 給 設 且 有 川 禄 H 而 几 野 與 特 之法 矣 澤 後 今 賜 處 萬 矣 萬 人養 以 百 典, 勢 勢必 日 以 制 惟 王 頃 井 頃 姓 世 而 乎 世 不 諸 矣。 邇 自 乎 而 資 君 寧 守 通  $\mathbb{H}$ ? 復 降 者 子 ? 今伊 先 贍 禁宗 之 盡 子 用 爲 禄 或 免 田 福 王 養 制 夫 肥 括 莊 田 莊 之乎 支 六 者 王 而 封 乎 始 室 以 民 既 瘠 田 以 +歲 田 開 無 ? 티 : -建 宗 何 夫 田 名 有 不 ? 子 額 頃 或 專 禄 井 授 室 色, 分 口 以 弟 臣 賜 城 例 偏 禄 當 公 常 復 益 田 田 以 續 有 額 准 之 重 之 天 祖 不 之 田 禄 乎 酌 計 之 封 嫌 定 外 古 爲 遺 之説 過 ? 下 而 之外 制 而 賜 者 量 莫 與 制 挂 未 萬 不 推 以 若 履 聽 此 有 古 加 或 而 詳 足, 之。 行 石 舉 不 倣 無 君 所 有 無 優

> 闊 人 養宗 事 情 人, 也 而 無 竭 澤 一之患, 臣 未 見 其 迁 遠 베

報 今請 令疎 焉。 世 東 奏 小 從 疆 封 F  $\equiv$ IF. 平 之, 聘,三 聞 刑 討 問 監 請 得 之流 今制 定 大 治, 闊 輕 監 祭 從 不 郡 德 制 夫之監 曰 于諸 年 朝 則 録 慶 例 及 以 王 議 大 歲 削 不 用 讓 御 其 凡 尊 以 郡 制 侯 聘 過 遣 地 史 行 王 于 加 下 王 ,天子之狩 之國。 考察官 御 親 焉 生、名、婚、 以 奏 天 臣 或 地 重 Ŧī. 史 子。 聞 王 聞 下 進 中 年 削 往 于 古 請 報 律 動 而 削 天子 屬 加 者 按 巡 是 封 生 則 違 朝 秩 地 天子 狩 即 各 乎 以 祖 題 嫁,皆從 Ŧi. 請 ; 請 進 之 其 日 功 省 削 其 訓 行 祭 載 名 律 制 述 使 義 直 者 不 賢 文 而 皆 諸 職 其 不 也 請 敬 如 移 巡 御 王 將 從 行 親 侯 大 婚 狩 河 而 流 軍 史 或 考 御-于 比 夫 王 而 己。 間 禮 劾 主 史 後 而 隸 年 不 爲 法

生 宗 辟 妃、 服 也 下 是 封 或 奔 請 廢 之,御 而 奈 藩 習 矣 命 不 也 天子敦睦 于 登之玉 郡 由 苦之。 何 朝 公三 以 數 古者八議之法,一曰議 内 必告,告于宗也,今概 王 史 而 攝 也 不 與 如 爲 監 至 數 妃 述 一牒。 卿 其 其 聞 常 有 抑 奏 封 行 之 刑餘之輩 之 問 倫 之。 有 不 聞 逾 賂 澤 或 聘 亦 之 也 説 否 或 時 京 得 如 初 索 可 喪 不下二三千 ? 比 則概 焉 之 而 師 此 則 通 賄 親 五. ,安得 事 乃 不 ? 夫 追 萬 也 公族 宗 年, 從沉 王 舉 得 禮 諸諸 金,郡 赦 藩 有 類 如 者。 請 親 之, 其 無宮 逞釜 經 覲 辱 木 雖 壓,不 典 親 王 金 數 生 禮 奏 矣, 朝 禮 庶 又 臣 王 遣 請 世 刑 鬲 廷 公族 不 之 人 他 襲 聞 死 郡 天 又重之 以 之 不 何 而 冠 得 不 封 親 何 典 順 王 後 奸 上 ? 之 及 必 擾 禮 朝 剪 則 王 而 娶、 聞 制 擾 數 陛 襲 以 類 素 雍 稱 王 空 後 婚 于

之,昭 矣。 没身 之。 言 亂 妻女, 往 子 其 發 外,不過發戍已 臣 犯 覆 掛 也 者 盆 輕 在 亦 高 請 吏 以 中州 夫宗 , 殊可 起 陳 重 祖 死 議 牆 而 今國家疎忌宗 亟 時 朝 生入獄 釋,徒 汝、 勝 者 父 下 湔 廷 動 或 閉 天 發難 不 而 室之罪 所 潁 憫 釋 好 坐 限 閑 可復 淹 三深文。 間 下 生 司, 者 也 門,永 宅 以 先 及 之德。 限 ·之腹 庶 耳 者 年 及 蓋 生 子 倘 臣 趨 幾 年 時 室, 四 徒流 違 孫 或 准 用 聞 往 而 而 心 從 戰之區 推 限 仍請 或或 照 天 陳。 法 釋 先 者 有 高 也 民 勘, 平. 已 日 以 戍 後 牆 楚 司 坐 曾 間 周 耳 流 世 著 之 以 勝 閑 獄 洗 直 在 世 也 而宗室 科 公營洛 皆 徒 爲定 宅之 發 披 或 之 其 忍 夫 非 世 斷 配 高 剪 時 冤 矜 得 男 今周 其 永 錮 之例 例,凡 牆 錮 爲 疑 除 紅 不 戍 嘖 類 而 無 之 邑焉 務 尚 巾之 者 者 府宗 大 坐 乎 辱 冤 有 而 民 妻 酌 應 釋 ? 則 辟 剪 及 或 戴 繁 荷

其

爲

王

室

衛

也

迨

其

後

也

魯、

衛

曹、

鄭

之

立

晉

亂

于

子弟,

未

弱

卒成

禁

達

之

驅四 及 郡 請 蹂 不 可 日 也 行 府、崇府 下 天 又皆酌 以 中 躪 · 時, 至 王 自 蘇 下 潰 ,分王于三 後 州 陵 漢 盜 竭 宗藩 地 開國,不 之虞,以 ,天下騒然矣。 而 時 撫 賊 甲 中土之民 徽 方之困 且 古斟 吴、 臣 于 蜂 挾 府、 若 天 不一而 起,變出 以 楚之禍 今,以權 楚、 得 挺 潞 下 陜 貧宗之 周 急 更擇 西 力 府, 百粤,隸之就 若 先事 而 而 韓 足。 又 唐 意外,宗室必 曩者宗 河 走 以 府 未盡 蠢 不 新 府 之圖 南 險, 等 能 尾 動 此其 開 地 之制 給。 伊 其 大 概 福 方,仍 禄 乎 勢 府 而 漸 夫 府 議 近 不 者 倘 不 詎 作 所 趙 王 給 調 也 先受其 凡若 以 以 也。 掉 劑 至 難 或 府 周 可 歲 在 ; 長 椎 長 之 此 庶 并 府 充 臣 鄭 今

「宗子維城,無 同 建 諸 姓 侯 五. + 親 或 賢 俾城 至 並 裂 置 壞。」言 地 數 成 百 周 化 仲 骨 侯,經營之後,主于强 高 庶 爵 觀 應 禍 必 祚 勢、蓋已岌岌乎 善敗得失之故,亦略 王 舒 肉 濫 舉效用 微 皇 之,有天下者 莽之篡。 遂七國之謀 而 更化 固 莫慘于唐。 告 相 帝 不 而 未 而 輕 富 殘 其 創 則 嘗 王 耳 禄多 代顯 ,尤爲 君 制 室因 善 膠 教,其 東 曰 : 治。 立 于 京 ,而文、 鮮 賢俊,則猶 族 之矣。 法 而 \*, 殷 成 好 能 匱 不 轅之釁,莫替 今天下 臨 鑒 萬 迹。 禮 蹈漢、 久 與宗室相 官不 可 政 世 終 景以後 而 榦。 秦亡 漢 覩 草 願 率 不 興, 鮮 殆更化 矣。 惟 制之得者。 治, 唐 昧 繇 于 義 亂 禍 賢 季 之削 過 爲 孤 勝 不 乎 而 臣觀今日之 于 敗。 世 初 封

之制

尤重

懿

親

《詩》曰:

則

推

之以

利

用

建

臣

聞

三代

封

?

漢

儒

董

若

退

而

更

其

推

-行

之

之

日

乎

制

不

盡

利

之轍

存亡,

而

其

由

此

宋。

其

鳴 謂 窮。 事 武 恩 法 祖 亦 先 于後人之沿習 困、士習之窳、綱紀風俗之敗壞,●何 宗 之事 後 例 王 之意,以 祖 呼 也 恩室 · 是 人之過也。 ,而沿習之陋 一二必 易》「 于 若夫高 正 例 更化 則經之以 亦 窮 行 于 所 窮 嘉之世 則 先王之政 宜 永、 謂 必 皇帝 變, 而 時 如 變之策,斷 今天下吏治之汙、民生 宣 至 制 守 顧 水益深, 變 之 封 則 勢固 重 降 成致 則 建 世 窮 ,是在今日 誣 爲 大旨 通 ; 則 祖宗 漢、 然也。 通 逮 治 如 斷 窮 于 ,本高皇帝 ,未嘗不 持 乎? 火益熱者 唐之季世 則 今日 之,以 執 矣 久」,此 是故 永、 者 然 嫓 宣 藉 且 不 則 執 也 之 出 之 法 指 則 美 益 之 洪 口

始 海,不 焉 昔孟 雖 推 然, 臣 傳 恩 子告齊宣王 不 足 所 議 以 其 者, 保 妻子。」 所厚者 致治之具也, 日 推 薄 夫 恩 推 而 足 其 恩 尤 以 所 必 薄 自 保 有 兀 要 近

> 使孝子 厚,未 哉 東 本 己 于 之 召 下 重 先 龍 而 信 睽 ? 謂 寢 者 朝 虧 皇 隔 日 皇 不 太子、 門 非 者 家 絶 相 矣。 也 何 再 帝 之有 歲在癸卯,妖言繁興,宮府 法 見 ? 者 朝 ,雖皇太子 見」之説 實 皇 有年 最 世 惟 疎 禮 賴陛下 潛 太子 群 且. 也。」今夫 嚴。儲 忠臣 不乏左 肅 裕 也。 臣 陛 皇 乎 邸 處 何 爲 下 明聖,愈篤 帝 今陛 被搆 睽 論 訓 至親 日 右 無 晚 先 最 隔之勢,亦豈社稷之福 朝 繼 溺 太子 窺 關 年玄修 臣 夕? 切, 陛 下深 體 于 ,不一示 何之姦,多方 儲 海 宦 而 之 下 更 訓 瑞 居宮 至 主 官、 職 ,惑于方士二 獨 無年久不宣見 則皇太子子 一情 切 宗廟 陛 不念之乎? 宫妾之近 以 諫 禁, 問 前 震 下 面、不 人愕,釁 安 社 奈何效 務 而 或 視膳 播 一稷之 是 體 與 職 時 成 臣 亦

●「窳」下,全書本有「邊防之弛」四字

之子 狎者 賢 年,諸 太子 間 或 手 益 政 臣 如 可 帝 于 事 士 皇 者 否 政 日 亦 ,必學 啓于 宦官宫妾 太 東 處 乎 臣 恐 知 且 夫 握 ? 子 陛 然 宫 由 裕 前 之補 聽 他 皇 下 東 是 K 神 則 亦 邸 者 爲 覽 臣 而 日 太 宫者 鬯 智 盍 而 儲 古 不 令皇 之際 牘 不 箕; 復 艱 子 乎 乎 亦 若 推之諸 君 不 暇 亦 而 推 大之業 ? 春 ? 法 之道 ,卿等二三大臣, 是, 若 太子 遠 幾 良 靳 厭 秋 高 處 是, 敝 稽 推 至 郊 冶 于 竊 皇帝 置 鼎 王 躬 矣,豈 祖 皇 于 廟 乎 狎 之子 爲 即 固 或 盛 ? 宗 東 聽 于 太 廢 福 陛 先 不 有 皇太 官講 矣, 朝 教 子 一令練習 猶 王 徒 皇 下 陛 昔 未 必 ? 諭 臣 不 託 不 帝 在 獨 下 高 學 之 子 啓 席 問問 愆之國 善 昔 之 更 陛 不 于 皇 爲 ? 規 事 安 愛 者 所 爲 四 口 自 帝 下 裘 啓事 皇 視 之 曠 參 處 即 良 厭 命 今 練 保 諭 之 決 所 太 陛 古 弓 者 習 肅 九 皇 膳 後 廷 之

天下 之私 然則 行 兄 婚 有言 大慈 蔽 歡 族 義 兩 日 日 期 周 者 心 而 方之 乎 石 弟之間 官 天 未之國 乎 ·, 于 陛 ? 官之法度。」殆謂 ? 以 保 理 仰 君 錫 屏 四 事 下 惟 愛 有 追 君 怙 臣 以 類 人情 頃 其 海 于所 陛 反 亦 則 臣 恐 者 三代之隆 稽 終 之澤,首 之大 歸 親 匱 下 之見, 姑 臣父父子 福 古 幡 前 雎 厚 厥 來 舛 日 王 息之見,終未 定 乎? 然 施 者 春 顧 戾 守 未 制 悔 之旨 因 則 被 無 藩之心 已 至。 不 疄 此 直 悟 起 明 宗 所 子 能 陛 極 本 趾 與 舉 啓 潢 不 下 敝 自 善 乃 原之 陛 而 由 尤 之 薄 維 蔽 推 臨 識 瑞 庶 下 措 身 竟之局 意 其 新 日 所 本 御 地 王 之 推 幾 尚 能 而 不 未安, 爲 以 心 必 逾 然 合 能 耳 奠 家 大 自 可 來, 後 壯 大 孝 有 使 推 信 杜 萬 而 也 解 宗 陛 先 以 受 父 孝 或 恩 或 有 而 如 其 > 正 竭 九 F 成 不 我 m 皎

天 勅 罪 謬 測 明,幸得 之化, 輒欲見之行 下 ? 0 下 陳 幸甚 該 臣 高 倘蒙 得, 部 束髮受學,竊從 厚 詳 難 少 效 極 看 쨈 寬 屬 知 覆 鈇 用 請 憩越,干 羸 鉞 抱 事。 施 病 之誅,不棄芻蕘 耿 行 久 遺 耿 長 攖 經, ,爰以 冒 二,宗藩幸甚 而 懼 天 慨 通 填 威,安 慕古先哲 籍 奉 溝 職之餘 之見 遭 壑之不 所 際 9 逃 聖 ! 王

# 修正學 疏萬曆癸丑十月上

以 淑 行 人 心 人 以 司 培 行人 或 家 臣劉宗周 元 氣 事 謹奏: 爲 修 Ī 學

熟 臣 于 覩 世 職 臣使 今天下治亂之機,輒敢 守,如杞人憂天,不以 教人心之責,不擇人而付者 署 冗 員,分不 得 論 爲 <sup>3</sup>效其 列 過 天 狂 臣 下 古 大 未 事 得 嘗 出 位 以 限 至

之誅,又遑恤焉。

之役,一 當是 楊徒 空 日 無 有 君 未 家 號 爲,而 不 有 未 已 子,猶人之有 國之禍,至是始驗。 稱 中葉矣。 較 時 立槁者。 以 必 治 臣 然 嘗讀 容悦,養成 ,距文廟不數十年。 無意外之事。 平。 天下 籍姦黨,而賢 死 節 然 或 晏如,不 我 邇者 識 史,至正 如 元 皇 所 者以 王 氣 上 皇上于人才進 謂 振 也,元 未幾,果 人君子 赤 臨 爲 南 之亂 統之世,上下 乃知國 經 正 朝李 御 筵 統 揆 四 氣 誅 侍郎 初 + 削 徒 英 厥 有 家 鋤 服 侈 餘 廟 所 土 之有 則 略 退, 年, 者 文 北 由 木 然 其 盡 恬熙 狩,竟 之變。 具,國 靖 章 賢 或 人 高 疏 未 拱 X 運 難

- 「懼」,全書本作「委」。
- ❷ 「見」下,全書本有「除躬修主德,端天下大本大慮外.
- 「甚」下,全書本有「臣無任待命之至」七字。

公車 黨 是 痛 之。 同 伐 之 異 章 概 之 置 至 風 之不 有 行 以 理 而 東 X 遂 林 心 使 爲 日 廷 語 下 臣 柄 士 日 者 習 趨 争 日 臣 險 競 竊

李三 益 者恨之。 議 君 澄 節 以 未 顯 林 必 太 時 其 微 耿 得 子 淑 且. 皆 才 1: 小 夫 以 明,流俗之士 四 介 屏 合 最 憲 東 乘 大夫從之, 方 之 朝 玄 賢 之學 成 書 林 之。 憲 士 野 黜 者 身任 于 云者, 成 而 頓 謗 而 天 者 死 是東 得 攻之,以 議 憲 名 真 下 而 也 先 苦 不 教 成之學,不 紛 朱 切 無 有 林 臣 之 起 于 啻 子之正 學 從 論 申 之 顧 重,挽 束 東 爲 問 卒 之 憲 識 風 憲 濕。 漢 門 如 遊 成 罹 概 成 不 龍 傳 户 荷 高 者 之 天 識 讒 倡 益 屬 門。 門 説 自 攀 下 道 微 木 多不 無 有 亦 户 龍 者 于 恕 于 以 惟 喜 救 不 而 云 波 其 死 其 抉 劉 乏 言 淮 是 别 攻 靡 鄉 清 危 永 識 者 撫 東 白 氣 嗟

> 以 籠 于 于 東 賓 嗟 朝 權 切 下 弼 士 不 林 門户 昌 罩 林 监 尹 于 未 是 者 玉 廷 不 ! 而 其 嘗 也。 張 者 朝 東 得 而 立 劉 東 最 分流 流 林 慘 日 諸 皇 無 争 士 偶 所 林 元 賜 品品 矣。 不 使, 臣 小 兀 可 樹 果 一人各以 以 珍 環 品品 人。」 而 否 起 總 忘 敵 何 等 私 而 有 乃 于 者崑、 罪 報 憲之法 如 事 何 得 至 逐 其 古 固 不 意 復 哉 議 總 志 可 察 意 以 矣 已 人 見 ! 勘 憲 見 焉 訓 廷 0 典 宣 1 望 不 人 而 弼 報 之 也 御 自 争 處 乃 得 而 己 以 而 崑、 説 罷 東 ! 史 今 積 臺 知 意 伸 按 勘 熊 林 宣 怨 其 之 彰 省 坐 指 見 説 即 劍 以 廷 攻 分 報 高 者 輒 其 否 不 顧 總 癉 清 弼 發 門 復 者 黨 天 攀 坐 同 日 臺 結 議 古 户 之 浚 龍 : 東 者 量 往 救 省 嘗 獨 局 格 禍 林 乏 以 倘 東 於 廷 因 湯 姜 即 往 詬 天

<sup>●「</sup>復」下,全書本有「爲翻局計」四字

堂 門 風 則 辭 頓 是,其誰聽之? 撫 于 也 報 之上 户 其 分 玉 論 欲 何 攻東林可 、咎者 復 爾 朝 而 唇 立 相 臣 盡 乎 盡 破 事 我 监 迫 者 T 鉗 ? 0 耳 矣。 成 之 天 E 亦 元 是 迺今之發 不必 也,黨崑、 至 下 皆 片慘 蹈 甚 薦 然 故 于 黜 由 也 較 漢 爲 則 摘 以 今日 是 貪 人 然 攻 殺 亂 流 門户 之 之 几 之者 不 天 氣 品 難 然 宣 9 口 失 面 欺 象 下 于 則 可 阱也 不 樹 , 報 其 乎 是 也 廷 可 以 東 則 而 敵 ? 復 與? 志 争意 弼 也 定 東 復 林 不 者 天 且 略 林 無 有 坐 己, 體之中, 下 累 吾 果 見 論 有 罪 或 洂 之國 使 于 以 朝 與 不 何 不 士 而 爲 ? 之 口 事 得 廟 淮 原

子 亂 同 之患。 以 也 苟 聞 口 人尚同。」今天下非不 之 小人之心牢不 則不得不黨小人以自 世之治 也,君子 可 破 8 和之患 勢不 尚 異。4 和 能 ; 及 强 而 同 君 其

> 乎? 之學。 諸 合方 以 簧 然則 有 今之世變其 日 盡 立 日 假借 朋 如 尚 尚 網 而 與平 游 鼓 和 員 奇 君 好 無諸 憲 衷之道,其可不講 惡 ,朱子以 憲成學 子 或 成 方之 如 朱子以 1,和 分, 而 之上 己 以 鬼 爲 後 之至 至 而 名 觸 如 假 朱子 後 平, 己, 書 也 譽、 蜮 方,方 境 借 非 也 救 者非 生 乎? 平 此 或以 者 諸 無 淮 情 則 今日 也, 雖 有 則 人 撫 乎? 意 無 其 然,有 其 乎? 播 其言 一毫 也 毫 之 氣 非 弄 爲 言 憲 播 所 争 者 或 播 假 朱 諸 臣 成 平之至 弄 者 非 以 爲 鬭 弄 借 子 自 己 請 不 不 乎? 官 紛 乎 不 勢 也 言 反 而 得 已 爵 ? 紛 之學 得 憲 必 後 ; 也 求 或 至 如 世 成 而 無 世

2

<sup>●「</sup>爾我」,全書本作「吴越」

<sup>「</sup>至」上,全書本有「陵夷」二字。

<sup>「</sup>小人之心」,全書本作「尚同之念」。

<sup>「</sup>自」,全書本作「伐」。

學東 書,即 性 東 之域矣。❷ 無 利心消盡 無遺 憲 悔,方爲 三致意焉。❶ 己之性 行一不義 新法之行,吾黨 林 過 成 此 中 憲 林者,盍 終 爲 有發 哉 ; 不 亦平之説 求 成 名 辨 君子當 有 羞, 又何 殺 抄 心 依 過 反崑、宣之戈 審 之理。」 消 乎 可 至 以 如 盡 一中 不 乎? 論 也 于 激 如 是,幾 攻東林爲 。此此 辜 是 有 成 私 庸》, 可 臣 而 書 過 而 善 如 爲 與 得 竊 亦 發 中 後 夫 遯 是 能 而 天 天下相 爲 方 抄 求 哉? 口 憲 世 而 之 下 在 自 卒 無 謂 則 不 後 成 業 反 朝 不爲, 説 過, 之 日 見知 之言 矣。 可 于 又 忘 在 世 盡 不 謂 此。 何 野 于 今之 既 當 之盡 以 太 諸 人 方爲 而 日 日 之 攻 和 于 不 以 有 臣

者 孔 子 子夏之後有子方,子方之後有 抑 殁 臣 于 門 是 弟 尤 子 感 轉 于 學術 相 授 受, 之 難 源 言 遠 莊 也 而 周 流 3 益 流

> 惡 法,萬 於 臣 韓 成之學,朱子也,善善惡惡 廷之授受日 如 而 慘刻 ,其弊 再傳 戲 調 懼 爲 琴瑟 輕 世 變復爲 弊矣。 世 也 本虞廷之中, 學者準之,斯 而 焉 傲 必 不 中 緩 物。 情。 爲 申、 王守 則 而 佛、 彼 孔 韓,自今日 進之,急則 佛老之害, 仁之學,良 以 老, 門 聖人爲之依 以 則 得之,以 頑 建 有 鈍 其 皇 進 始。 而 反 自 知 極 于 弊 爲 之 無 于上 東 憲 也 也 傳 夫救 而 恥 林 成 歸 必 己。 無 心之要 者矣。 ,消偏 而 爲 世 善 顧 而 救 申 者 虞 憲 無 Ħ.

8

<sup>0</sup> 其可 反崑 臣反其所以攻人者而自訟 回 異 以 宣之戈而 立 遠 而 好惡分」至「三 卒 業 於 此。 一致 馬, 交反 意焉」, 即 而 爲 兩 東 全 得 林之徒 書 本 其 作 亦 臣 勸 亦

夫學 抑 臣 亦難言矣」。 至 「難言 也 全 書 本作 雖 然 臣 請 進 於是。

子。 伏 事 臣 社 切 弗 黨 而 得 惟 幸 廷 之人心, 至 所 不 聖明 甚。 肖 肆 此 不 臣 伏惟 不不 者 章 爲 忍言者 不 亦得洗心易 奏 攻 容 皇 少垂鑒察 追 然,殷鑒 擊 1隱忍, 上 立 和 矣。 判 表 以 衷之盛 忠 傷 章 臣 輒 邪 東 不遠,空國 慮 正 愚 忘 學, 林 ,使賢者安于有位 ,共沐蕩 事 無 忌 之賢 端端 所 明示在 諱 知 有 者。 冒 識 之禍,將 平之化,宗 待 干 痛 廷諸 仍 于 宸 下 聖 念 嚴 臣 天 時 有

**敬修官守疏**天啓辛酉十一月二十五日上

端 爲 法 感 宮之 激 禮 部 天 則 恩 儀 以 敬 制 化 修 清 官 天 吏 下 守懇乞聖天 司 事 主 事 臣 劉 子 宗 躬 周 禮 謹 教以 奏:

以 羸 疾 臣 荷 坐 皇 廢 祖 有 神宗皇帝拔擢 年 矣。 旦 遭 備 際 我 員 皇 使 署 上 聖 猥

> 典 作 設 地 以 (,天高 前 規,爲當宁獻 致君父? 物 覩 喟 地厚,再 然于禮之可 覃 恩 乃者受 海 宇,以 荷 生 事 以 成 臣 禮 爲 微 其 曹 國 賤 敢 也 厨 惜 濫 夜 此 竽 臣 于 頂 起 請 寅 踵 一廢之 因 清 事 之

銘,工 樂不 焉 商 和 不 繼 朝 之日 皆此 中 盤 講 旅 可 臣 游 議 時 誦 以 極 聞 :「傲不可 畋。 勤 于 物 箴, 節 。」是以 古人之言禮曰: 市 留 此 奏。 瞽 居 心 志 惟 誦 則 治道 也。 盤 先王 恐 長、欲 詩,公卿 被 盂 不 法 臣 不 庶 聞 几杖、 人 服 邇 不 幾 其 闕 親 進 聲 可 過 且. 未 毋 諫 色, 縱, 刀 大 啚 也 幾 不敬。」 劍 史, 有爲之資 庶 不 志 仰 而 人傳 殖 不 户 行 治 見陛下 貨 可 牖 而 化 以 利 滿 即 爛 鸞 有

0 「子」下,全書本有「今日,孟子曰: 正 則 庶民興, 庶 民興, 斯 無 邪 君子 反 六字。 經 而 已矣。

之,則 御 行 不 啻 渦 毋 間 克 毒 乃 雜 者 以 而 雖 異 藥 聲 敗 自 劇 道 亦 六 情 度 路 持 猛 色 不 藝 未 者 敗 獸 之言 進 離 始 所 況 此 禮 御 左 不 非 自今以 之漸 右 類 廢 即 還 導 爲 是 陛 欲 導 或 宫 但 與 也 下偶 之媒。 欲 射 以 恐陛 ? 往 之媒 擊 後 乎? 優人雜 一近之,已令此 走 下 頗 天 馬 以 此 事 古者 理 馳 其 劇 馳 宴 人 聘 爲 騁 之類,不 遊 投 欲 之 害 後 心心 壺 有 或 一,何 苑 射 百 爲 優 心

者 F 出 故 下 方 出 至 夫 日 人,至 以人言及之, 又以一宫人成拒 人 乃禮之大者又莫先 人 出 外 不 客 而 禁 氏,于陛 言 復 閣 如 不 人。 部 此, 入閫 以 下, 非 下 夫以 舉 所 内言 諫之名矣。 有 舉 而 以 阿 于 朝 大 逐 閑 不 保 謹 争 内 諫 内 之 出 之 森 内 臣 外 闖 恩 嚴 外 者 而 且陛下 也 不 **恣** 之開 不  $\equiv$ 頃 得 人, 忍 者 而 矣, 即 宫 罰 遽 則 陛 奉

> 宦官 法 以 怒, 幾 下 以 也。 則 倪 元、 位 下 今 逐 之心 家 結 之威 朝 下 思 以 快 張修 郭 而 日 人 廷 來, 弼 其 用 輝 此 逐 孰 鞏 中 主之歡 士 議 事 私 而 福 日進 知 德 朱 逐 旨 如 乎? 諫 之 空 劉 而 前 諫 欽 或 劉 仇 者,陛 官 禍 理 人 重 聲 後 官 相 降 讐, 者 廷宣 之,不 之 也 慶 色 左 中 方 者 斜 無 或 王 貨 右 以 而後得以 旨 且 下 屢 封 所 章 古者 乎 心 輔 利 又 聞 之勅 方用 也 日 矣。 不至。 ? 藩 不 臣 以 ; 其 調 公卿 又 暮 難 以 蠱 以 之以 臣 逐 若 以 狗 或 以 指鹿 邊 逐 陛 乘陛下之喜怒 于 賈 使 禁 馬 魏 興 保 事 士大夫 下 快一 是 鷹 中 繼 人主日 應 諫 姆 鈎 爲 之志 逐, 犬 決 而 春 官,中 嘉 黨 馬 逐 時 以 以 有 也 而 之獄 盜 有 矣, 凡 之喜 一今者 蕩 感 馮 宫 視 乃 于 不 侍 可 陛 此

<sup>● 「</sup>入」下,全書本有「自是孺慕真情」六字。

齡,承 楊 割 哉 導 耶 必 流 初 土 躋 躬 也 用 则 生 毒縉 木 不 陛 盛 ? ,猶不能早 ? 事 殺 亦 劉 匝 如蒙泉之 三正 之 治 下 宦 子 昔裕 然則 瑾 親幸 天 月 然, 紳 難 以 官 奪 地 等 之 而 之季,爲千 則 優 必 幾于 導 于 神 間 陵 竟 1 惟 以 當 致之 魏 人 除 陛 閹 陛 人之付 以 爲 初 所 斯 雜 或 是 進 Ļ 下 下 萌 忠 亦 出 冲 自 時 禍 時,上 劇 統 孽,以 等 忠 或 導 · 逐 如 年 出 也 方將追邁古先哲王 射 所誤 也 泰 之 諫 左 再 古 托 即 擊 陵 即 黨 右 官者, 絶 至今言宦官之禍者, 而 0 水鑒。 位 貽 有 乃 走 手者, 或 令宵衣 以 如 也 他 張 馬 今 家 頃 王 狗 此 陛 魏進 日之禍。 太 之大 者 振 者 日 贵 馬 陛 下 方今皇 非 后 試 旰 用 鷹犬之樂, 以 復 下 亦 不深可 忠 魏 下 命 事 問 煢 清 有 魏 進 世 隨 穹 卒 有 正 進 明 忠 與 111 得 以 之, 降 德 蹈 并 中 冲 恨 群 在 忠 也 時

> 以 忠 臣 耿 等 交 儆 共 耿 于一 而 了 天下 不 容已 堂之上 事 復 也 蹈 猶 懼 正 萬 之 無 轍 濟 此 乃 臣 之 欲 所 與

平日 賢 矣。 聲 化 者,未之前聞 接 可 日  $\Box$ 以 以 進 也 靡 : 而 齊萬 少少 矣; 自 俳 法宫之中 麗 雖 聽 之色, 輔 優 伏 然, 成若天性,習 日 四 馳 維 民 開 聰 于 亦 體 騁之 陛 矣; 天下之言路 而 在 下 不 有 是 于 視 設暴 陛下 習 毅 是 不 心不 而 日 然 狐 口 而 明 慣 切 慢之容, 以 以 長 鼠 以 可 矣 成自 古 滿 屏 禮 安 以 竄 還票擬之職 ; 絶 先 假 四 自 正 伏 耳 然。」 9 哲 之志 海 百官, 持 而 而 不 而 1,皆六 王 姦 益 聽 動 是 而 爲 于 宄 稽 图 柔 故 而 法, 禮 于閣 古 是 善言 曼 肅 不 目 之 之 親 將 而 清 臧 不

<sup>● 「</sup>托」下,全書本有「大禍未悔,□□□□虎踞遼東去

謹 者,陛 之禍 戒 臣 禮 田: 仍 制 下 蠱 勅 則 而 惑 不 内 天 出 君 侍 過 下 之,當 心 魏 幸 進 時之依 甚 專 忠 無俟臣言之畢矣 權 ! 等, 亂 至于 眷 各 政 以 凛 本 奉 高 無 醒 聖 皇 忝 王 夫 帝 于 振、 人 鐵 大信 客 劉 榜 氏 瑾 之

壬

戌三月

禮言 培 之戒 言 諱 誼 財 主 勿 之過 冒 得 既 氣 不 几 輕 禮 罪 敢 + 不 天 臣 几 干天 ¨, 旬 下 聞 分 自 臣 廢 箴 而 宋 猶 後 之 不 年 進 未 日 威 無 記 儒 臣 救 先 萌 無 規 以 虞 爣 一子,宋 皇 之 程顥常 哲 疆 來 皇祖 臣 于 一之運 祖 防 得 遂 越 竊 時 頃 藉 無諫 神宗 則 俎 痛 者 勸 手 評 時 忠 之。 草 竊 臣 帝 報 者, 不懌 事 拱 臣 防未萌之欲, 雖 野 稱 臣 見 雒 手 舉 亦 萬 孤 不 于仁 倪 謝 朝 何 才, 踪 禮 卒感其 思 之。 將 必 臣 其 致 諱 不 輝 以 坐 也 主 夫 敢 識 視 等 酒 明 言 之 在 明 逃 陛 以 色 盛 及 忌

鉞之誅

惟聖明

少垂

鑒

焉

**請卹神廟罪廢諸臣疏**代總憲鄒南臯先生。天啓

出出 忠 具官 以 勵 臣 臣 某 紀 謹 以 奏: 勸 世 爲 風 懇乞 事 聖 明 大 闡 代

計 孫 隅 者 將 頃 世 之皇上 顧 日 者 一之微 存 卹 欲 世 陳乞當路, 建言得罪及 出 皇上 障 録 者未蒙召 臣 道 深 己, 權 狂 而 以 人 闇 已。 衰 瀾 ; 心 汶、盡 經 一繼體 朽 彰 而 江 吏 揄揚 用 臣 無 不 往 部 河 乘 切詿誤諸臣 耀 聞 可 能 以 乾 下 而没者尚 日 而得之者 光明 之 得, 謬 鏡 檄 下, 兩 來 則 次次 司 可 奉 者, 舉 每 惟 風 皇 第 爲 直 爲 紀 虚 有 一,存者 勸 祖 舉 之 之任 蓋 激 卹 而 行。 忠之大法。」 撫 百 皇考遺 化 已寥寥矣。 録 勸 召用 枉 膺 年 間 薄 目 者 法, 太 曠 擊 海 没 詔 息。 典。 勵 操 今 卿

之志 就 拔 訓 最 服 其 有 甘 力 以 者 同 永 V. 乏 若 決 悉 心 月 端端 而 士 而 明 不 他 名 几 之雅 原 將 類 養 詖 敘 青 善 草 示 今五 壁 凝 不 起兵 闡 者 激 益 爲 外 九 雲 枯 淫 誠 屢 必 介 原 勸 乏 粹 體 木 之 空 則 徹 天人之奥旨, 肅 十年, 或 以 有 部 之意 可 附 者 腐 藩 以以 鬼 有 斥 聞 若 主 作 迥 者 ; 者 若 神 逐 兼 空 編三 事 御 風 乎 絶 有 追 吾 原 ; 善 慕 埋 顯 ? 不 劉 史 行 塵 若 惟 有 起 誰 品品 絶 爲 義 錢 俠 永 表 叮 法 當 原 若 光 臣 與 用 勝 骨 澄 抉 或 不 日 直 身 禄 歸 不 任 原 之香 本 壽 紀 ,豪傑之才 動 躬 必 共 覿 肖 節 退 寺 ? 南 任 殀 静之微機者 以 事 任 左 著 少 面 而 給 給 豈 者。 除 逮 事 交 之 事 世 卿 啚 朝 道 事 事 所 事 己 業見 臣 遠 歡 端 右 彌 道之重 顧 中 中 此 往 皇 以 不 書 尊 憲 陳 逯 聖賢 清 卹 知 祖 昭 Ŧi. 微 成 嘉 之 卓 日 節 王 臣 中 録 初 大 風

> 哉 亟 本 請 繼 往 謚 猶 開 典 在 來 謫 以 之任, 籍 昭 所 來 旗 允 當 矣 并 而 廉 與 渌 議 頑 中 贈 立 立 者 懦 陳 也 之 嘉 風 訓 錢 敢

陛 史冀 忤 琯 參 部 親 徐 也 光 天 本 雒 政 閣 或 ; 禄 而 廷 泰 主 民、李獻 于 也 論 體 寺 臣 姜 謫 成 事 自 杖 子 閣 争 者 者 安希 、宋燾、吴宏 派 此 士 爲 助教 四 主 楚 臣 給給 王 也 昌 而 民 勿 可 事 降 學 獄 而 也 范 昌 薛 事 者 賈 有 者 而 謫 曾 舒 ; 中 言 敷 兵 巖、 禮 諸 者 弘 論 張 以 教 御 而 部 濟 以 部 緒、 其 京 于 棟 犯 也 史 給 戴 龐 别 最 主 察 兵 顔 孔 戴 林 事 時 白 + 羅 著 事 争 而 部 得 兼、 中 雍 士 秉 衡 是 大 盧 者 謪 罪 Ш 郎 衡 朱 漢 則 非 紘 洪 也 顧 者 陵 刑 者 中 稷 邪 也 死 主 春 者 允 · 禮 御 部 劉 正 大 于 諫 也 成 楊 史 如 多 孫 元 部 忤 戍 此 理 廟 余 恂 堅、 珍 繼 閣 政 省 張 所 饗 評 員 争 杰 李 外 者 楊 或 臣 坐 納 吏 御 事 不

六

邪,謫 特 縣 廉 應 程 東 少 進 御 以 也 以 卿 參以 當 税 礦 案 史 王 倭 禮 黄 主 論 封 坐 苗 退 税 馬 議 正 事 府 部 且 縉 事 事 斃范 税 廕 論 貢 謫 勃 不 經 志 被 尹 郎 被 穆 中 官 也 肖件 中 綸 者 而 然、 逮 且 萬 察者 深 中蔡宗 盧 而 者 使 祭 也 謫 者 死 自 范 也 正 明 愈 因 、太常寺 謫 者 閣 酒 者 約 户, , 儁 事 志 知 諏 而 其 者 給給 臣 坐, 諸 明、兵 以 府 刑 則 汪 部 坐 他 者 刑 曹 給事 買 事 忤 吏部 吴寶 死 部 先 汰者 吏 郎 大 部 少卿 大 權 中 辦 于 岸 主 事 部 中 主 部 中 咸 葉繼 金 要 郎 獄, 秀、 事 也 主 李 註 事 傅 郭 而 郎 珠 吏 中 任 誤 李 ; 朴 事 劉 推 視 好 件旨 中 如 美、 謪 部 蔡應麟 力摧 彦 或 朱 迎 世 禮 志 諸 星 官 者 王 員 中 御 蘗 俸 長 達 ; 也 華 行 教、 臣 外 言 以 陳 史 御 禍 也 ; 春 也 最 李 鈺 以 錢 曹 張 路 馮 史 有 維 也 太 于 ; 慘, 沂 方 學 彭 差 養 權 朋 僕 以 知 春 争 生 可 ;

> 李 宅、 逮、 王 孟 禹 以 簡 一之翰、 + 聲、 化 妖 來命、甘 誣 羅 或 書 蔡 副 降 大 而 焉 搆 器 使孟 田 如 刑 或 是 廓 學 111 部 知 削 也 振 書、 郎 經 州 同 籍 孫 中 未審 鄭 歷 知 鄒 若 于 車 夢 卞 知 光 礦 玉 聖 府 禎 孔 弼 税 存 立 李 任 時 之役, 没者, 州 焦 商 吏 孫 同 元 耕、 部 名 邵 大 卿、 又得 所 主 車 祚 趙 光 在 事 文煒 袁 任 庭 參 通 地 王 知 應 重 政 判 方 + 縣 沈 或 邸 王 騏

首 科 爲 氣 謨 石 匪 名, 或 于 躬 ,炎荒執殳,空揮捧日之誠,懷忠不 小 或 除 前 嗚 抑 職 者 義 箸 呼 奸 僅 存 名 又 1 而 或 難 隱 等 剖 觸 矣。 爲 于 盛 塵 腹 九 民 抱關 矣。 埃 關 或 請 而 之 睘 持 夷 命 凡 乃 虎 土 或 考 而 此 能 豹 出出 其 是 犯 諸 至于 魂 存 于 時 當 臣, 心 盈 道 猶 大 愛 之 廷, 或 身 者 肅 物 豺 忠 身 不 飛 或 二,所 狼 義 效 霜 膏 列 決 之 泉 篤 于 或 碎 廟

弓 哉 才 五. 1 瘁 返 卓 聞 當 竊 而 遇 相 而 惜 · 已京 ? 旌 則 犖 年 持 或 難 事 呕 偏 時 使 河 之使, 之用 之。 愛惜 黜 藩 家 與 齊 多 事 得 清 方今聖天 抱 察, 曾 分 出出 逆 籬 日 君 深 難 出出 之大 不得 贵 别 而 相 久 非 未 貞 待 相 可 贈 才 爲 望 成 破 俯俯 非 于 憫 典,終爲賢 資 卹 以 僅 公道 子 拒 于 瑚 冥 心 痛 間 其半 仰 自 留 道 宏 均 璉 冥 從拔 前 風 爲 此 計 所 開 沐 幾 珪 也 臂之用 修,徒令人於邑 以 從 除 不平 社 身 皇 产 璋 于 用 激 稷 後 言 已 人 鳳 嗟 野 稱 之 而 十不 計 聽 經 者 君 之 夫 無 熙 争 名 赴 網 子之錮 明 盡 · 當 遺 至于人亡 朝 而 流 用 旁招 垂 主 猶 賢。 究 使 以 師 諸 遷 當 以 其 諸 湮 濟 俊 而 青 職 往 竟 惟 英 何 乎 局 臣 没 己。 史, 外 或 是 不 臣 使 如 之 挺 無 面

夫前此諸君子之去國,或以國本,或以

之禍 輔 禎、喬 之浮 若 儕 得 説 謂 魏 榛、 呼 不 炳 投 以 礦 及、孫 允 足 罪 者 門 門 恭之不謹,劉 友 税 T 麻 金 躁,荆 中 于 皆 謂 户 户受錮 元薦、李朴、 終身 士衡 允 熺 此 或 同 中 : 馬 升 件權 所 瑋、 王 漢、 虚 異 (莫浦 人 孟楨 張 養喬 諸 自 中 者 范 唐季 0 孫 時 也 取 臣 姦、未 而 夫門 鳳 篤 慎 熙 之並 定 有 调 觀 翼 陳 令天下 敬、 行 沈 世 得 而 然 國 陳 于 敏 户 應 嘗 諸 所 罪 諸 王 人 以 章 任 魏 者 中、 沈 奎 無 臣 以 有 拾 之案、 于 臣 嘉 元、 意 養蒙、曹 IE. 朋 噤 之 張 壞 君 得 遺 去 本 植 宗、 賀 舌 馮 不 罪 或 也 黨 父 罪 文 色竟 、吳爾 烺、 鮑 與 而 一之名 者 劑 于 輝 上 韓 之 何 南 應 不 于 史 居 是 時 知 由 别 萬 有得 何 敢言 鰲 潘之祥 察之吴良 汴、 記 宜 成, 今觀 乎 非 名 象 如 中 主 王 而 者,有 事 朱國 罪 門 皆 學 今 哉 涂 或 户 李 則 遷 所 鳴 朝 于 負

一〇八

毁,人 者 買 乎? 伸 所 不能 藉 不 清 萬 功 元 · 泯之民 以 駿 濁 名 薦 卹 死 口 之累,賢者不 録 者 勵 死 保無 諸 此例一開,不賢者亦得夤緣 卑者 心不 則計 或 預 之旨 于 生 臣均不失爲 馬 日 爲 彝, 昔 者 一時刺 典不從 死, 且 :「今日之昭 超富貴, 今日 非 于後; 時 然,況 又豊 真是真 免, 敢 賢 總 謬之國 有 此 敢 者 生者 詎 慷 取 用 以 所 而 逆料 抑 非 慨 其 可 生 奉 濫 廢 耶 雪,所以 令其 乎 不 氣 大節,略其 者 是, 皇 觴 乎 他 ? 可 誼 ! 上 于 ? 于 日 而 終淪 之士。 得 其 生 今日,又所 嗟 録 爲 能 臣 而 者 間 死 嗟 録 而 不 必 落 亂 謂 也 其 召 ! 者于前 起,以 小 賢 高者 有 宇 以 也 用 賢 疵 者 千 萬 宙 無 也 以 金 所 没 古 即 淆 振 不 聞 則

世

道

不

至

澌

滅

于

以

少

振

日

風

紀之任

則

+

年

光岳

之

氣

爲

皇

上

振

中

興

八之 運

使

人

心

緬

仰

皇

置

金

甌

全

盛

故

得

洗

萬

曆

五.

也? 激 鼎 此,伏乞皇上留 濫 少 録 舊之思,自附 曰 臣 年 玩 用 品 切待命之至。 「今人 語塞 品 好之類 廢 疏,蓋 爲 籍 報 其古 皇 而 諸 用 亦 退。 必必 臣 上之職 也。 器 于 當 ,諸少年不悦,争 神, 先 加 惟 時 近 寧獨 臣 勅 愛 少 求 御 分耳。 徐 年 下 史 重 新 于人 階以 之見 該 游 者 而 部 不 士: 先 而 然千 人 施 敢 任 有異 臣 事 臣 行 毁 有《 以 徐 古 君 抱 傷 爲 階 乎?」諸 之 起 置 臣 人 者 義 無 惟 廢 書 或 太 階 任 如 求 彝 何

#### 劉蕺山先生集卷九

奏疏二

### **辭光禄尚寶疏**天啓癸亥六月上

聖旨 滄 南 擢 爲 州 容 京 奉 改臣 公 臣 差 禮 臣 復 宗周 幹 以 事 部 接 原 竣 沿沿 儀 光禄寺寺丞。 邸 官 於 制 兩 報 途接邸報,於 趨 天啓 聞 清 ,於天啓 任 新 吏 以 命 司 二年 安分義 懇乞聖 主 及 事 四 臣 事 本 月 年 以 前 劉 五 竣 年 内 肅官常 辭 宗 月 復 六月 奉 免 周 内 命 命 殊 謹 内, 事。 行 差 奉 常 奏 奉 往 陞 至

廷考績 裨世 典 信 效, 者 葑 家 草 旨 從、蓋常 凡 臣 之資,啓雲 夫之列。 地 以 「, 亦 食 茅, 陞 重 菲 遭逢不可謂 計日 禄 道人心 堅豪傑任 臣 ,遂使臣 有 歲 既 臣 蚤蒙皇 年。 尚 先 度 起 必 有 而 而 臣 寶 後 其 越 以 龍 兩 以 非 聞 効 司 祖 望 地 蒙 一愚濫 非 干 風  $\equiv$ 日 荷 事 勞者 不幸, 度德 少 矣。 闕 拔 殊擢 常之禮,待以 虎之運,仁賢 古。 載 聖 之心,塞宵小速化之路,所 而 卿。 擢 吅 邀 雀 已者。 可明 E, 臣 而 統 首謝恩外 不意受事 而 起 踐 迨 授任者, 洊 臣 亮 所以 子守官之法。 用 祚 爵 仕 歷 聞 停 我皇上以不世 之典,超序 行 ,旁求遺 輕 卿 命 年, 致身於我 人,後先謝 輩 而 自天, 不 丞, 伏念臣 未幾,涓 或 不廢 濫 次 出 家 遂 官冗 之典, 逸,不棄 詔 耆 屏 躋 資 儀 皇上 舊 一介 故 爵 躬 下 埃 病 景 忠 出 虞 無 而 大 半

典 之展 嘗 選 臣 岐, 光 名 而 士 者 幾 之陋 德 無 又耀, 平 口 每令言者 徒 頡 説 以 以 或 頏 魚 2 起 復 以 臣 更 清 目 數 臣 家 事 爲 華之地 混 有 人 年 行 濫 謫 近 連 也, 竽, 家 能 籍 而 事 車 不及中 食, 壞 ,是終 所 贵 或 席 平 矣。 希 冒 剔 未 不 斗 恬 歷 有 煖 辱 之 南 人,於國 夫 賢勞, 退之 果 而 刺 朝 今所 而 爲 輒 廷 或 0 名 遷 捷 而 家 家 處 爲 何 徑, 羞 猥 之 詔 無 京 班 至 天 者 堂 爵 與 未 而 以 下 籌 未 之 之 夜 諸 列 微

署 惟 以 僅 擬 上 皇 供 所 先 郎 遷 上 哲 署 郎 以 職 臣 收 有 署 勵 每 而 聲 從 П 世 以 念 良 力 終。 此 一之道 成 先 心 群 命,革 臣 求 夜 若 臣 莊 益 外 氣 不 劉 泉 至矣,豈 去臣 轉。 復懷徼 亦 大 以 夏、 不  $\equiv$ 今官 臣 敢 + 張 雖 倖 獨 自 年 不 敷 之心 臣 聽 後 行 肖,不 華 臣 於 諸 人 身分 . 仍 應 臣 敢 以 而 皆 召 義 皇 郎 伏 僭

> 之嫌 之安 懇 爲 越 祈 己 之至 仰 禮 乎 控 戴 陳 ? 高 4 故 厚 徑 事 曷 從 罷 其 惟 斥 有 大 臣 極 庶 得 不 辭 臣 冒 官 不 以 勝 倘 退 隕 爲 以 進 越 臣

# **請先臣劉棟謚典疏**天啓癸亥九月上

清 闡 著 潛 德 節 尚 以 百 寶 光 年 司 鉅 輿 少 論 典 卿 允 事 臣 乎 劉 懇 宗 乞聖 周 謹 明 奏 特 勅 爲 議 先 謚 臣 忠

臣惟國家易名之典,五年一舉,至嚴

4

❶ 「每」上,全書本有「京卿如市,清署無光」八字。

❷ 「説」下,全書本有「而當之者安」五字。

<sup>3</sup> 從」十四 從上 全書 本 有 他 H 累 資 序遷 出 A 藩 泉 惟 命

恥之在 狽」三十二字。 倘上 人 全 者, 書 本 終 有 不 一臣 以 小 六 臣 品 而 小 臣 不 轉 敢 F 踟 援。 躕 不 然 勝 而 狼 廉

名 益 朝 也 E 者 且 恃 廷 一敬陳、 於 以 湮於没 至 口 彰 尚 藉 臣 之。 不 論 以 則 世 朽之節 於 操 從 百年之後, 勵 曾 如 世 祖 故 之權 也 南 未 更 有 京 ; 愈 節 兵部 請 惟 嚴 已著于 略 愈 矣。 侍 節 嚴 郎 平 惟 當 劉 故 生 嚴 棟 年 臣 爲 其 故 子

院 政。 授 葬 卜 編 太常寺卿、南 詔 祀郡鄉 歷 獄 先 修 河 臣 稍 廷 南 棟, 賢 遷 杖 左右 中正 左 六 京 中 + 布 兵部 允。 德 政 辛 復 2 侍 南 未進 原 嘉 郎 京 官 靖 太 士 僕 甲 致仕卒, 尋 選 寺 申 出 庶 卿 議 湖 吉 大 賜 翰 廣 禮 林 參

日 壞 議 相 名 逡巡莫敢 教 先是,張孚敬 子 事 老 乎 日 而 ? 以 發 博 疏 乎 草 而 敬 甫 第, 示 於 釋 拂 先 先 不 褐 衣 臣 臣 循 去。 持 一,❸先 同 分 肅 服 大 年 臣 皇 禮 官 友 帝 正 議 也 乃 色斥 繼 起 作 又 統 此 雅 之

> 體 先 敬 諸 用 以 不 廷 曰 口 口 一竟以 臣 : 死 杖 出 故 猶 學 志 人 元 不 坐 冀 者若 士 咸 恥 先 爲 恚 以 己 豐 倚 與 隆 骯 臣 干 動 夙 反 熙 重 而孚敬 爲 髒 亦 外 得 好 人。 先 踰 輩 忤 去 列 藩 相 臣 他 伏 擢 按 我 矣。 援,而 匿 驟 先 同 闕 乎 汴 臣 日 貴 臣 不 館 ,?」指: 號 轄 意 : 既 以宫: ,改翰林 見。 者。 哭。 去。 被 「是首阻 不虞先 參 論 先 僚 楚 乎 · 肅 頃之, 孚敬 在 臣 與 政 敬 皇 臣 汴 蒞 焉 當 字 邪 獨 帝 介絶 多惠政, 清 事 創 議 也。 任 恚 震 真 者 者。」 先 怒 乃 甚, 浸 持 蓋 心 同 爾 臣 遂 知 柄 孚 館 得 坐

0

4

煌盛矣。而不」。「未」,全書本作「二百年來,朝無倖典,野鮮佚行,煌

<sup>2</sup> 稍」上,全書本有 銀 幣一十 四 字。 一世 廟 登 極 與 脩 武 宗 實 録

③ 「臣」下,全書本有「且讓主名」四字。

命駕層梯,題詩絶壁處,聞者壯之」二十五字。「意」上,全書本有「政事之暇,文翰灑然。嘗游赤壁,

署 嘆。 考 後 先 官 堂,堂故懸古鏡,令其子臨 覲 通 向 間言之, 久之。 一、不持 孔何 籍 功 凡 臣 也 修 自 六 薛 几 司 贄 處 狀 + 年 應 先 故 朝 不 義 年 始 旂 錢。 能享此 臣 存 甚 貴 貮 佐之, 没 遷 羨 故 高 卿 無餘 官 人以 鏹 絶 不 留 所 多 以 止 數 應。 都 貲,見於郡 不 斥 此 青 去。 金?」子 千 爲 皆 既 益 布 例 朝貴 嘗 權 去, 重 其 日 先 黨 攝 端 下,曰 慚 復 私 所 呼 ,至今稱之。 臣 志,❷可 南 起 援 謝 槖 子 朝 銓 介 留 貴 浮 出 即 長 節 京 都 考而 沉 汝 皆 政 日 子 前 清 照 驚 而 去 事 乘

臣 彝 忝 心 引 倫 在 攖 士 經 夫 鱗 當 肅 氣 泥 之列 是 皇 古, 直 帝 時 與壬 贵 以 至 九死 尊 不 不 午 親 惜 知 諸 之 生 將 頂 臣 孝 踵 順 忠 後 以 可 創 誠 先 犯 以 千 特著, 勃 明 希 古 發 主 寵 未 況 先 有 而 時 臣 之 其

> 者 之, 無 足 砥 多 以 也 礪 此 讓 名 王 忠 時 焉 行 魂 6 坎 獨 所 即 坷 不 擬 以 中 得 之 化 外 與 鄉 碧, 豐 先 清 熙 達 而 風 諸 魏 志 足 臣 文 士 以 靖 同 範 相 類 俗 謝 爲 而 文 拊 共 介 肅 膺 節 稱

曠 顧 幸 而 澤 讀 帷 事 被被 先 蓋 先 在 臣 臣 年 以 及枯 誰 遺 遠 家 憐 書 無 朽。 懷 ? 令緒 以 疏 有 臣 兹 而 者 今 門 欲 止 恭 爲 日 户 者 先 遇 久 再 皇 臣 儼 凋 邀 箕 上 幸 龍 裘 臣 直 命 之 飛 以 兹 之 可 支 五. 紹 卹 庶 恩 年

<sup>]「</sup>嘆」下,全書本有「一時苞苴之風肅然」八字

<sup>「</sup>志」下,全書本有「張文恭元忭所爲列傳中」十字

而上 本有 斷不 全書 本 挫 有 四四 因 人 可 以 附 驥」 六字。 「古」下,

<sup>4</sup> 之偶異 特 著 而 是 古 全 難以優劣定 書 本 作 或 死 或 戍 或 不 死 特 其 所 遭

⑤ 「時」下,全書本有「始終一致,出處無瑕,爲當世名卿

激

切

伏 當 寧 世 造 臣 楊 請 議 爲 疏 止 錫 慎 節 日 者 於 乞皇上 葬 謚 下 籲懇之至 與 皆後 耶? 旨 時 持 臣 一片血 之日, 華 先臣 允矣。 會 此 應 日 衮 以 勅 : 身 得 侍 不 先 遂 九 而 淑 忠,已 謚 下 棟 . 過 郎 臣 格 與 原 或 世 禮 家 法。 古 董 百 玘 查 謚 家 可 教 部 世 一獨鑒: 嘗 年之 玘 議 而 作 9 徵 庶 世 勵 先 以 亦 如 禮 獨 信 先 感 請 於 議 久 人 雖 果 臣 諸 卹 之典, 臣 德 心 禮 祭 乎? 肅皇帝,不廢 千 臣 事 先 臣 既 己 哭 葬 言 載 例, 臣 如 殊 朽之骨 耶 午 且. 不謬, 豐 肅皇 而 非 臣 委 菛 ? 有 然 上 熙、 猶 小 與 者, 帝 則 猶 光 臣 補 記 相 馬 易 將 無 可 先 待 於 即 先 玘 理 同 名 先 臣 任 再 何 又 曠 玘 臣 表

#### 辭 右 通 政 疏天啓甲子十 月十 七 日 上

愈 調 理 重 太 以 僕 臣 終 義 寺 愚 難 少 分 勝 卿 事 懇 在 乞聖 籍 臣 明 劉 俯 宗 容 唐 仍 謹 以 奏 原 爲 官 天 在

恩

籍

題 壽 此 引 内 地 可 日 高厚, 右 接 疾 ,蒙恩陞 以 隨 隨 通 吏 臣 缺 設 置 原 政。」 部 官 蒙 輿 報 香 任 照 授 事 疾 聖 於 案 尚 欽 會, 今職。 里 恩 萬 叩 寶 此 門,方 奉聖旨 准 謝 于 司 \_! 0 本年 以 聖 少 該 忽 期 臣 新 恩 卿 : 臣 于 銜 與 外 聞 九 以 於天 劉宗 本 П 田 命 月 分義 伏 年 籍 夫 自 初 啓 念 周 + 野 調 天, 几 自 臣 陞 老永 理 日 裁 措 月 年 通 介賤 躬 吏 + 祝 九 臣 政 連 部 使 無 聖 戴 疏 月

0 如」上,全書本有 加 查 訪 四

爲 禮 實 帷 微 忽 退 承 不 何 審 宜 以 以 儒 亦 先 待 然 相 感 蓋 意 辱 E 臣 不 必 退 何 漕 之 再 以 成 極 之 里 退 曠 而 天 捐 而 既 哉 逢 以 任 計 義 深 臣 以 典 下 進 居 而 糜 曉 乃 聖 義 之 繼 彰 士 匝 使 報 然 明 忽 臣 稱 故 明 真 所 之 朝 臣 歲 稱 而 進 之 自 矣。 義 然 臣 退 遂 以 聞 以 廷 不 之 義 信 同 必 而 節 而 遽 不 從 自 古 泣 甄 顧 日 於平 天 也 以 容 蒙 如 退 焉 足 處 者  $\blacksquare$ 别 人 地 禮 臣 與 顯 使 尚 者 間 之 之 又 其 而 父 日 臣 擢 不 匪 凡 有 敢 廢 故 忽 權 訓 如 澽 矣。 母 猶 之 肖 守 人 以 復 棄 進 然 臣 爾 之 日 竊 進 仰 則 庸 朝 問 而 而 叨 . 罔 乞 有 屢 惟 臣 義 豎 廷 兩 而 廟 足 身 進 冒 辭 擢 極 餘 之自 君 不 皇 不 者 堂 廁 不 與 踰 地 清 베 進 臣 足 子 足 H 恤 敢 相 事 足 有 退 涯 云 華 既 以 始 知 高 進 于 乎 與 未 其 反 爲 爾 ? 終 仰 嘗 甚 不 以 終 分 間 爵 負 正 有 而 ;

端 之 此 地 焉 道 成 權 臣 聽 何 時 以 進 立 成 臣 ? 之 之 退 今 也 身 朝 所 退 而 在 其 辭 舉 日 退 所 率 衰 於 爲 不 廷 爲 而 底 通 廟 太 天 而 諸 自 以 處 天 之 進 知 也 進 成 止 僕 堂 政 下 口 · 士 退 守 之, 輾 進 臣 臣 下 之 無 語 而 何 而 貿 之請 之義 之 轉 命 大 而 真 及 官 貿 下 于 退 不 將 臣 進 踟 夫 之 猶 禮 終 才, 其 趨 ? 焉 亦 敗 方 有 蹰 也 不 以 藏 變 亟 義 之, 不 辱 奔 懼 壞 Ш 足 而 身 於 爲 知 者 也 成 至 朝 走 臣 以 林 多 世 臣 臣 禮 用 晚 愈 乎 其 死 於 愈 廷 或 平 無 前 道 以 滋 巧 義 臣 爲 聲 不 而 無 哉 姱 以 何 日 無 ; 上 者 爲 懼 退 實 敢 羞 利 以 Ħ. 意 節 退 之 行 何 矣 臣 之 之 趨 天 自 謂 前 爲 皇 世 進 誼 陸 物 果 塲 持 下 命 解 日 進 非 E 有 之 爾 沉 納 故 人 之 士 世 矣 往 也 以 所 如 尤 之禍 言 開 惴 退 乎 於 是 愈 至 往 今 以 是 仰 惴 之 世 何 其 於 调 轉 斯 無 知 以 H

患

病

在

告

者

幾

二 十

年

天

啓

改元

録

用

廢

之所 瞻 臣 終 部 今 亦 祈 得 所 H 望 萬 皇 闕 謂 以 與 已 上 無 臣 退 全 廷  $\blacksquare$ 鑒 生 躐 仍 之身 臣 當 夫 臣 躋 激 以 末 野 隕 前 通 切 原 路者, 萬 老 首 日 政 控 官 難 永 求 之 辭 在 死 復 祝 之至。 退 理 已 籍 當 用 聖 之 不 調 啣 收 壽 心 啻 仍 理 結 口 于 生 本 量 者 成 無 邀 非 死 臣 也 疆 命 天 假 而 未 前 之 肉 任 託 勅 臣 貺 骨 太 下 無 皇 原 之, 僕 任 上 或 吏 臣

# 辭 京 兆 尹 疏 崇禎己巳正月十一日上

容以 科 進 原 士 臣 復 恭 官 浙 職 筮 致 承 江 通 仕 仕 新 政 紹 行 命 使 以 興 全 久 司 府 病 右 晚 不 會 節 不 通 及 稽 能 政 事 縣 赴 在 考,前 人 任 籍 中 懇 臣 後 萬 乞 劉 聖 宗 以 曆 辛 明 周 T 憂 謹 丑. 俯

旨 遵 + 臣 世 激之下繼以涕零, 氣 朝 上 貸 掛 月 臣 啓 時 籍 之言 之戮 繼 彈 内 復 + 四 屠 臣 臣 諸 兀 而 臣 日 章 奉 以 毒 統 以 年 年 臣 微 劉 聞 ,於臣 死 分 播 九 來 中 舊 嚴 屢旨 臣 接 坐臣 宗 屏 義 歷 命 月 興 棄之餘,悉 疾 亦 旨 邸 先 周 光 内 自 自 首 未 起 息 削 得 女 皇 報 有 起 裁 禄 天 痊 籍 復 以 帝 用,遂於崇禎 田 厚 誅 黨 未 尚 吏 順 從 間 爲 幸 給 起 起 具 大 措 寶 部 天 此 無 還 民 陞 敢 陞 矣。 行 逆 疏 躬 以 題 所 府 官 累 拜 臣 臣 昭 控 追 有 無 肅 逃 : 邱 誥 府 陞 禮 通 命 雪。 何 辭 奪 今日 地 罪 清 政 至 部 尹 意 缺 引 誥 元 宫 壑 仰 使 太 儀 謹 皇 隨 官 疾 年 命 뻬 府, 不不 僕 荷 司 制 時 北 欽 於 事 + 上 先 以 恭 寺 右 天 口 忠 過 終 歸 此 皇 自 Ŧi. 大 面 遇 恩 少 主 通 設 月 貽 良 念 帝 年 奉 聽 後 我 卿 事 天 欽 香 聖 廷 聖 先 皇 終 IF. 感 屢 叶

六

臣 案 H 猶 就 望 不 道 闕 容已 以 吅 終任 頭 於 謝 陳 使,少效犬馬 恩 乞者。 訖 續 接 吏 未 部 盡之私 咨文, 擬 而 不

之誼 身,支 後, 及 良 君 短 不 處 至 不 一蒙 用 覺 子 此 死 淺 存 友 則 目 於末 共 先 進 形 伏 微臣 離 臣 擊 在 臣 效 皇 顯 念臣 神 退之狼 所 詔 皇 牀 遇 禍 帝 路 捐 晦 盡 一之伎 以 褥間 獄 祖 獨 Ħ. 之際 之以 乎? 瘁, 軀 不 心 諸 時 幸 不 次 之 狽 倆 不覺 臣 愈 測 既 之擢 能 與死爲隣之日久矣。 義 病乞休者 也。 臣 後 盡 畿 灰 以 誓從諸 心 先 于 痰 輔 不 而 而 躍 且 獨 感 火 慘 此 正 身愈 重 又 冶 臣 苦。 宜 痞 死 矣, 恨平生之言 地 托 取 數矣, 資 戮 結 臣 之 憎 木 尚 多與 尹 性 於 臣 力 硜 瘋 堪 京 迁 輾 自 久 地 時 硜 逮 再 臣 痬 兆 甘 下 拙 轉 艱 少 策 中 小 削 有 者 善 臨 廢 才識 駑 節 負 與 於 口 籍 而 棄。 岐 病 將 日 駘 諸 兹 周 以 偶 心 以

> 矣。 深 宜 生果 兹者 籍 不 濫 慚 冒 之,其能 口 表 歌 調 久 獲 邀? 濫 負 樹 加 臣 内察 已 平 之 在 風 帝 理 虚 聖 聲 無 久病 德 生, 穢 今日 冒 免 亟收 朝 任 俾臣 爲 届 共 干 浸 於 如 所 激 期 几 勢 賜 斧 尋 祝 成 臣 瘝 切 以 荷 方 難 聖 環 鉞 老 曠 命, 堯 進 懇 激 全 則 之典 前 天子綜 病 ? 不 年 恩 勸 微 准 仰 進 正 正 能 待 而 臣 此 則 祈 了, 以 命 臣 漫 致 命之至。 Ι. 當首 又臣 皇 臣 仍 仍 覈 與 主, 以 速大 之道 以 身 上 念 官 臣 康 之所 雖 從 原 鑒 退 方,一 地 之 衢 戾。 罷 官 退 不 臣 方 亦 擊 庸 大懼 致 斥 能 重 罪 寄 洗京 壤 爲 劣 臣 仕 殉 任 廢 於 者 感 之 此 敢 在 友 也 此 復 民 卿 愈 餘 萬

除京兆謝恩疏崇禎己巳九月十七日上

順天府府尹臣劉宗周謹奏:爲面恩陳

謝預矢責難之義以致君堯舜事。

勝 華 讀 來 過 逆,除大奸, 上 責 而 未 爲堯舜 難於 方 行之,得毋 聖 至於堯舜 臣 報 蒙 在 事 置 恩 以 恩 君 於 報 俞 再 主 廢 萬 謂 控 稱 此 擢 允。 釐 朝 籍 之恭。」 以 大弊 之道 ,惟陛 而 猶 越 不 陛 臣 恭 不 嚴 勝 在 以 見之 猶 惟 次, 旨 臣 致君 草 爲 下采 陛 念 所謂 催 時 雖 處 野 難 後 不 下 堯舜 臣 作 不 之今官 乎 擇焉 次之 聖 久 踴 赴 ·肖,敢 繼 用 ? 攖 德 躍 天 固 任 之心,平生 羸 擢 孟 當 遂 而 歡 不 已 疾 軻 分分 陽, 立 呼 跨 少 拜 扶 有言: 極 陳 絶 討 義 疏 仰 疾 勳 誦 狂 大 皇 前 難 乞 日

乎 也 蔽 陛 與與 義 臣 聞之: 下 亂 則 勵 口 爲 精 事 功 求 堯舜之道,仁 利 治 此 宵旰 千古帝 爲 刑 名, 靡 王 寧 其 義 道 時 究 而 術 舉 得 也 已 矣。」 祖 失 爲 宗 之 猜 林 出 盛

> 效太 夕 切 事 考,勒 於 召 **冷急,不** 此 對 矣。 限 文 免見 回奏 華 猶 或 以 小利 庶 爲 至 幾乎 未 夜 而 也 分 速近功 , 益 太平之立 雖 躬 堯 親 舜 何 之 細 以 致 務 憂 E 勤 效 然程 朝 唐 今 勿

虞

之治乎

當 者。 寧 日 之臣,以 夫 意 羽 臣 而 베 人 此 窺 格 以 軍 威 捷 而 關  $\equiv$ 信 爲 夫 愈 而 有 計之左也。 今日 空 陛 。 已 驕 遼 知 久 苗 布 屯守爲 之也。 四 下 矣。 乎? 事 之,需 足 聚 盡 方 不 所 爲 天 之 鋭 足 急 即 上策, 簡 往 東 之歲 意 圖 下 日 神 急 我 幸而 北 者, 中 竭 之軍 也。 聖 之 於 之
先
聲
。 ·興,刻 月, 在 不 敵 近 天 兵節 不見堯舜之世 以 御 能 得 功 戰 未 下 者, 博 驟 遼 復 之 期 有 遐 餉 得 地 遼 力 以 不 今 非 方 矣,從 戰 志 不 以 用 修 望 誠 來 遼 能 於 奉 兵 其 風 同 而 得 事 敵 爲 守 饑 政 此 戰 稽 以 在 乎 事 刑 軍 雄 首 無 事 亦 干 永 無

則 心 好 亦 近 大, 功之念有 日 事 于 戈 以啓之也 以 敝 中 或 如 漢 故 事

紛,大 徵 衣之而· 乎? 應 派; 上; 舜之仁矣。 扑 者,皆掊克聚斂之政。 儉 官以催 也 欲求 勢且 有 也。 日 疊徵,水旱災傷 科罰之不足,加 峻,道 夫今日所汲汲於小利者,❷非理 民饑 抵 臣以爲 司 陛下留心民瘼,惻 人食之哉? 征 國家有府庫之財,不可 驅 輾 以 爲 掊 轉出 而 路 日 考課, 而 克 爲 今天下之民 我饑 吞聲,小民 輒 盜 之民 爲 以 轉 循 一民 而 司 成賦 手,爲 以 良, 切不 朏 而 農 正項之不足, 火耗。又三 陟 淪 而 告 然恫 寒 有 至賣 力竭 之 於死 病 問問 撫 匮, 經 日 法 甚 字 我寒, 源,真 其 其 得已。 妻鬻子 矣。 亡。 之政 於 他 時 所 加 當是 繼 以 四 此 堯 無 取 條 所 財 絶 賦 且 若 女 贵 舜 之 例 年 以 之 講 忝 ; 今 以 者 在 事 并 堯 時 雜 所 上 紛 人 敲 求

> 充盈 則皆言利之習有以啓之也 日 猶 或 曰 邊 珍奇 儲 孔 玩 亟 好、 耳 土 木 長 神 此 仙 不 已 封 禪 之事 旦 藏

章。 先 重 苛者矣。 無 風 摘之,不 廢者,不 堯舜之世,禮官多 一典者· 犯者。 法 不 功利 盡 頃者,陛下嚴贓吏之誅,自 施 十餘人, 息 日不 勝誅 已然之後。」古者大臣 善乎賈誼之言曰:「禮 之見 事 也, 事 廉,而 爲 也,於是 動 而 可 其 糾之,不 而 謂 而廟堂之上 所 曰 得 刑官少,故 以 簠簋 名實 救時 導之 勝 不 罕 之 汰 飭 者 覩 有 有 權 宰 也 未 畫 禁未 不 其 矣。 執 而 坐 衣 盡 禮 勝 法 以 不 冠,民 善 然之 **\$** 遇 廉 然 人 其 下 也 滋 繁 貪 坐 臣 而 而

<sup>● 「</sup>夫今日」至「近功之念有以啓之也」一段,原無,今據

②「小」,原作「功」,今據全書本改。

甚,陛 所開 矣,又 恥 文 謂 刑罰之不 賄 稱 鴻 彘 下 地 矯 漢 巧 訓 賄 之 類 不教之誅 詆 贓 以 心 如 賂者,即業在昭雪, 入勅問 飾 文賜之金錢 下 罪 ), 所 犯 乃 此。 外貌以欺陛下。 亦 杜 如 ボ 贓 近 既 豊 謂 天 故 蒙嚴 頗 無 禮教,彰 者厰 往 禁於未然者 能 下 出 人人有士君子之行, 傷 不 遷 于懸 譴 士氣。 庫 已,積 以 一而問之? 昔張武 改之路,益 彰已 諸 愧其心,天下化之。 雖 坐,此 臣 法在 弊相 猶從吏議。 其他 士 既 也 一節日 而 不 發 仍 ·赦,臣 置之重 覺 習 往 事屬 際,官 切 爲 其 者 註 見 從此 頑 猶 輔 而 誤,指 一典,是 曖 在 邪 無 鈍 爲 臣 味 受 者 深 狗 則 日 無 揆 劉

辭者 爲之治。 昔者堯舜 ,正以未得天下之賢 且 陛 下 陛下 勞於求賢,而 所 亦嘗 以 焦 搜 心勞思,躬親 羅 逸 遺 於任 人君子而用之也 棄徧天下矣, 人,故能 細 務 成 而 乃 無 不

乎? 者哉? 者因 自以 無 則 舜之所以 苛,或以誤而 爲 以 天下爲莫己若,而 卓絶千 合天下 當是時 所嘉與而樂用之者,多奔走集事之人,方且 而 人矣,求之太備,或以 使諸 陛 摘 可 才諝,又安得天下賢者 與托 爲 下之耳目 發 而 恃一人之聰明而 古,諸 大夫國 間 ,天下之聰明才技,豈復有加於堯 爲 不 之愚 而堯 及,益 稱 精 天下事矣! 之,猜忌之端 聖者 明 以 康衢 成過,有動 所擘 有 人 ,以告訐 成其 務 不得 ,以其不 時 必訪,舜 爲 畫 不免有自用之心。 而 知。 謹 動動 壅矣; 獻 使臣下不得關其忠 不 爲 短 遂從 夫天下可以 凛,救過不 遭 今陛 其 出 自 而 正 而 罪 群 邇言必察,故 可, 用 直 用之? 廢 憑 此 譴已 臣 下 而 以 長; 責 則 起。 意 聖 取諸 陛下之意 己之英 耳。 便 給 表 明 陛 人 即 給 天縱 人也 臣 下 夫堯 之太 讒 遂 得 利 理 幾 諂 F 視 能 舜 其 

Ш 先 生集

矣 ! 之即 乎? 轍 而 下 IE 魏 丸 混 不 見 人,斲 行 將 以 乎 報 矯 登 同 之熟察 亦 有 乎 復 成 宗社 枉 極 又 時 宜 門户之説 至 且 君 見 過 而 死, 何 今 嚴 以 天下元氣, 挺 之也 正 子之功,是消 於 左 至計 王 以 誣 擊 而 旨 而 天下 欲 矣。 之 堯 贓 追 禁 逆 寀 抑 數 喜 案 未 舜 也,之案宜 勅 璫 方 也 君 豁 爲 起 終 十年 禍 之 與 且 冀 之風 子 則 或 不 己 專 楊 唐 爲 與 長 以 本 · 以 其 見於前 來 邪 虞之世 、左移宫 天下 殺 内 漸 平 至死 小 死, 正 而 降 分,而 小 且 故 一之辨 奏 人 登 人之氣 有 則楊、左、高 貶 用 方 雍 事 而 蕩平 功 高、 贵 聖 前 且 矣。 以 熙 幾 不 而 無 蒙 之 爲 日 殺 何 之路 之 用小 無 魏 讒 留 自 天 身 願 而 上 陛 説 覆 陛 下 罪 紅 後 理 不 中

以 不 殺 然則 爲 威 兵 ,求天下之賢人 陳 ൬ 不 戦 , 財 君 以 子 不 以 私 自 爲 輔 利 遂 刑

> 《書》 之心 已日 道 正 忌 之心,操之過急,不免醖 之學爲 命 自 不已,轉 躬,危微之辨 可 而 , 允執 天下 以 無 之性,仁義之極 不 不 而 即 躋 自 己, 過 日 希堯法舜 精 不 堯 於 知者。 之也,學之 積 爲 厥 以擇之,一 自 及之差, 舜 堯 爲 刑 中。」陛 朝 之心 舜 壅蔽 固 名 心 廷達 乎? 誠 矣。 惟 已得 也 能 則 刑 下聲 而 ,正人心之危 於四 危, 夫 自 大者,於《 以守之,則隨 名 未 也 中 陛 其 堯 反 不已, 色不 道 也 道 下 大端 海 釀 此 舜 仁 在 之中 心 而 心,粹 非 以 靡 我 在 堯舜之道 惟 流 爲 絶 育 矣。 御, 不 書》見之矣。 即 微 所 而 功 爲 德 畢 天 堯 吾 然 宴 潛 利 猜 至 舉 下 中 也 舜 惟 心 於 遊 滋 忌 者, 之中 陛 所 出 精 陛 義 求 暗 功 不 ; 下 F 發 利 舜 以 天 治 禰 惟 于 長

<sup>0</sup> 兵 陳 而不 戰」五字,原無,今據全書本

考群 響之 于隆 見屈 謂 僞 其 幸 也 則 宗,皆非 以 大 矣。」不 何 也 - ,則猜 不 一,有 有 臣 漢 功 難 於正 學 應 辟 爲之資 業 利 王 平之業 唐 爲 法 德宗 一安石 三代 聲 之毒 爲 ? 故 衰 忌壅 者 無 盡 堯 論 堯舜, 也 而 於孝宣, 愚 私 孟 舜 亦 其 强 以 不 也 蔽 而 以 闇之君。 之道 ,趙、蓋、韓、 子 若 而 伏 爽 明 新 之爲 甘受 經 後 此 操 是 日 者。 自 法 願 漢 誉 如如 下 而 術 用 良 亂 舍己 陛 宣 欺 患 創 若 更 已 則 指 漢 道 不 天下,卒 下 帝 然神宗 於 制 也 矣, 此 無 信 宣 爲 以 超 起 群 楊 姜 ,未嘗不欲措 一; 乎堯舜之道 帝 可 誣 然 禍 於 用 此 小,卒 公 又 不 爲 則 遠 敗若 民 輔 有 急 何 天下之賢,省 得 唐 數君者,皆 與 者。 ) 覽,以 間 德 其 北 于 難 爲 不 刑 有奉天 周 彼, 死,説 求治 賣 宗 狩之禍 焉 名之過 臣 直 ? 堯 有 天 知 宋 嘗 而 不 恥 具 之 用 舜 口 如 下 者 情 神 歷 E 又

> 下 斯 刑 文幸 ,直接三千 薄 斂 甚 與 年 世 既 更 墜之聖 始 乃 統 制 禮 則 作 宗社 樂 以 幸 甚 化 天

今救 乎? 之學 考居 至所 陳 則 者 間 啓 能 爲忘身殉 而 自 不 0 沃 進 致 ,冒干斧鉞之至 之以 行 與堯舜 正 諸 陛 陛 得 世之本, 汲 無 世教不明,人心不正 焉 作,以 立 汲 聞 下 臣 下 朝 於 堯 有 始。 國之事 不 ,致陛下覃 先意 爲 臣 表章者,乃 舜之道。 正 無 正 生 愚與 堯 惟 在 不 相 心 幾 以 爲 陛 出 人人言 反 害 承之, 下 舜之資 有 於 思 何不 政、 御 木 榮 功 在 至 治 極 惑 施 以 堯 則 利 故 舉 理 率 天 以 亨 爲 世 舜 其 猶 刑 相 後 臣 而 來, 難 之道 誣 奪 名 張 事 甚 下 無 在 在 斷 民 求言 情 確 居 而 於 任 而 廷 漢、 將 正 諸 感 使 爲不 此 然 然 而 唐、宋 節 若 其 順 激 設 倡 邪 申 臣 渴 之 方 誠 説 孝 不 披 商 亦

**請修京兆職掌疏**崇禎己巳十月初八日上

掌 久 郅 廢 隆 順 事 王 天 畿 府 治 府 化 尹 未 臣 宣 劉 仰 宗 祈 周 聖 謹 明 奏 嚴 飭 爲 定 京 制 兆 以 職

移 縣 參 糧 不 刑 體 以 斤 絡 罰 轉 無 共 肅 簿 部 貌 베 繹 事 少 清 御 首 輸 書 加 臣 事 卒 之 輕 及 之 錢 優 惟 姦宄,奠安黎 又未 史 以 順 穀之 古 積 地 -無當 臺 異 天。 撫 者 必 不 而 時 任 京 按 或 然 至 得 于緩急之數,往往呼之而 或 將 兆 ,分隸之以 也 轉 於 抗 判 謂 尹 輸 異 今日,不過 衡 庶,爲 之設 以 或 本 之不 時 焉。 親 府 朝 外 定 力能 王 以 天 蓋 解 五. 視 制 下 時 辇 遇 城 外 不 爲 得 . 前 要 轂 事 御 頗 各 之 則 品 之下 千 史,責 , 徒 專 倣 計 所 衙 非 決 石 前 門錢 費 屬 部 斤 之 藉 不 文 州 任 即 而

與

天下

更始,

因

惓

惓

於久任之法,改絃

更

者 難 縣 得 去,曾 偷 張、趙、包、 則 以 府 府 魏 應,令之而 而 劾 于 之耳 聖 亦 尤 彈 故 惰 難 光 以 傳 天下 緒 舍 長 行 壓 天子 懷苟 惟 未 稱 雖有統轄 日 自 其 辇 所言者。 子 以 甚 親 有 轂 未 官 孫 至 乎 歐 錢 恢 且 不 以 民 爲 是 周 ? 甚 糧 其 之志 行 宏 習 日 之 各屬 于 而 之名 一人承 人, 三五 以 年 職 爲 臣 京 止 法 事 地 或或 故 也 姦 淹 亦 兆 府。 大 玩 方 奔 故 前 之理, 履 利 者。 無 之 期 各 人 走 流 漫 之 處 斯 血 上下 權 屬 以 於各 月 弛 官 無 事 脉 若 勢 誠 自 地 之賢 思 待 廢 化 賢 遂 不貫。 誠 者 之間 大 遷,或 得 愈 見 如 壞 否之 衙 ,表率首 以 有 卑 興、 是, 極 否 吏 門 率 而 H 如 稱 矣 狀 如 任 視 又 宛 胥 則 壞。 相 卒 不 臣 民安 奴 善之 平 事 歲 因 吏 爲 弱 雖 又 而 口 隸 爲 兹 轉 何 愈 傳 舉 臣 有 mi 臣 官

張,千載一時,寧獨遺此首善地?

澆 功之 令,或 化 矣。 後 則 徑 用 印 倉 其 此 兢 定之病 論 京 未 新 官 平 漓 人 庫 思 行, 法 心 部 兆 敢 臣 甲 以 獄 日 臣 或 用 得 惟 科 雖 知 俸 查 事 祈 人 下 城 或 新 所 皆 訪 權 皇 才, 不 聖 狐 紀 俸 大 當 甲 酌 賢否 才 激 許 上 有 社 明 得 綱 考之後, 科 滿 謬 行 以 勵,法令可 所 深 鼠 所 近 悉 臣 不 之日 久 承 置 不受,而 維 如 在 許 公行 躬 其 衙 任 立 簡 外 報 天 課。 聖 官 門 臣 之法 9 任 稱 或 下 白 得 明 縣 歲 得 評 體 受 治 風 或 以 陞 例 遣 考 畫 埏 義 風 以 事 考 其 化 俗 員 察 爲 民 埴 漸 ; 風 難 行 備 伊 或 選 之 敗 生未 本 民 之 外 力 屬 施 默 於 舉 始, 壞 中 轉 府 郎 害者,皆 推 所 吏 默 畿 劾 自 推 遂, 自 大、宛二 官 如 或 輔 切 而 日 外 官, 撫 如 起 前 人 夕 或 切 自 不 處 查 縣 此 按, 心 盤 冰 難 必 特 教 考 跋 掌 於

> 後 特 爲 賜 救 止 旨 過 問 令。 施 州 然 行 申 臣 至 縣 臣 於 飭 坐 非 無 倘 簿 切 仍 臣 臣 任 積 書 以 未完, 之所 勅 激 習 錢 罪 下 切 難 穀 以 該 待 摠 破 之 弗 報 部 命之至 期 事 關 事 皇 不 , 酌 臣 權 上 臣 負 議 衙 難 也 雖 古 門 假 久 不 京 考成 任 ,請自今以 仰 敢 兆 等 惟 不 職 永 法, 皇 黽 掌 立 F. 勉 而

**請發 帑 大 賚 疏** 崇禎己巳十一月初三日上

古 無 人 可 虞 心 順 京 以 天 張 府 城 或 宜 府 勢 先 尹 事 内 臣 備 劉 宗 懇 乞聖 周 謹 明 奏 發 : 爲 帑 大 邊 賚 事 萬 以

乎 綢 人 ? 繆 心 安 者, 臣 方今羽 聞 則 固 或 或 將 勢 書 勢 無 之强 告 自 所 急, 張。 不 弱 至 京 視 上 也 師 一之人 戒 心之安 而 嚴 況 所 皇 有 以 否 事 先 而 之 焦 事 際 而

若 之而 價 以 下 先 篤 預 側 稱 者 日 至 漸 於 赫 之 奔 給 自 此 起 啼 舖 **令**, 用 濯 生 爲 疲 張 上 象,未 命, 之 中 平。 不 困 不 以 地 而 饑 暫 廟 入京 臣 計 方 昌 ළ 枵 呼之, 得。 而 號 亦 能 算 撤 各 隨 我 也 無 何 有 腹 寒之衆 全 師 竭 不 九 以 降 坊 貧 明 如 便 有 荷 門 操 重 不 蹶 賞 舖 億 民 夫 煤 所 能 戈 乘 於 煤 煩 於 手 京 以 有 在 萬 米 煑 饑 外 填 揭 聖 米 下 詔 尤當 誉 時 載 皇 漸 爲 人 竿 寒 粥 寒 患 9 諸 明 守 文 情 無 上 失 之 亦 發 爲 道 而 以 之 税 陴 體 武 聖 内 疆 起者 所 騰 既 洶 亂 路 惠 慮 惟 者 恤 吏 使 生 之 明 價 調 榮 帑 洶 倘 是 祚 者 商 士 不 民 遣 至於營軍 皇 遇姦 臣 則 内 天下 四 二萬 賈 世 四 業 況 以 計 方 上 亦 仍 雖 地 出 鱗 出 賞 囂 之 誠 完 不 之 己 收 無 不 下 集 金 .景 一冬之 誉 天 民 能 **\$** 養 不 聲 可 陵 兵 逞 象 實 兵 之 物 争 靈 不 反 禁 鷹 勢 亟

> 之民 有 父兄,而 以 然 千 出 通 後 戒 石 金 倉 援 之家 湯 以 以 乃 以 不 者 抵之, 衛 虞, 命 平 折 屬 此 五 衝 糶 隱 人, 也 城 禦 將 或或 然 使 御 侮 如 有 無 預 史 之威 舉 手 寓 内 給 會 足之 而 兵於 顧 軍 同 即 京 憂。 士 臣 在 捍 師 民之 月 於此 府 之 頭 糧 更 民 目 意 發 用 懽 子 保 月 京 所 動 環 甲 謂 弟 倉 若 之 聖 之 京 米 亟 雷 衛 法 師 運 數

地 之 地 院 而 而 之首 至 方 後 方 臣 者 有 抑 不 叮 府 臣 無 行 領 以 也 參 猶 行 聯 而 必 謁 有 法。 之 并 實 彼 者 説 而 祈 爲 此 自 焉 聖 臣 臣 不 聯 臣 合 雖 明 外 絡 受 Ŧī. 有 屬 申 任 城 飭 品 官 體 臣 來,兵日 兵 品 如 與 馬 贅 上 臣 文 城 告 下 坊 書 旒 馬 院 官 生, 相 坊 何 古 古 呼 當 官 雖 已 共 應 **\$** 能 於 無 事 城

0

先 籌 納 故 邊 施 行 效 而 此 責 欵 任 欵 地 之 方 愚以 當當 以 佐 民 一緩急。 生 一爲 急, 惟皇 内 憂 采

## **請推廣德意疏**崇禎己巳十二月上

旨 推 廣 順 德 天 意 府 以 府 拯 尹 畿 臣 輔 劉 遺 宗 黎 周 謹 奏: 爲 欽 奉 明

胥,深 復該 流 積 在 蒙皇上 溝 京 穀備 功令。 殍 壑之狀 師 刑 臣 可 拯 五. 部 待 特 賑 救 痛 城 近來 命 罪 員 ,不勝酸 掩 恨。 以 及 外  $\dot{\Xi}$ 京 埋 時 在 城設 兆 郎 有 給 順天府及各無 外 月 李若 司 楚,不 各 發, 設 敝 漫 城 擊 養 務令貧民 施 不 愚 御 地 濟 敢 粥 加 有 方 史設法議 院 少少 不 意 饑 疏,尋奉 引 徒 收 按 延旦夕之命 啼 沾 爲 恤 寒號 查 飽 惠 己 奏, 明 孤 聖旨 貪 辜。 貧, 修 巡方 吏 該 顛 復 蠧 著 前 城 連

> 萬 切 摠 臣 地 父母 臣 捧 約 誦之下 敢不 著 之心 都 仰 察 仰 承德 而 院 窺皇· 所 進 意 以 覽。 上 而 責 推行 加 成 該 意 臣 部 之,少 祭 府 知 獨 者 道 塞 真 又 職 如 不 欽 掌 此 啻 此 其 天

還,使 稍湮 弱 民,爲 各有 無 可 養 宿貧民,免其 京 有 告者 之不 費 濟 城 局 一没已。 銀 院 有 差, 臣謹 歸 阱 漏 能 舖 二千兩,行 農力; 亦已無幾矣。 於 自 澤 其 就 按, 房 或 畿 有 食者 壯 臣 不 露 中 輔 祖 袁 者 請 下 死 宗令甲 處 者也,今下 旛 推之天下, 除遠 量給 倣 Ŧi. 者給 之數 宵隕 故 竿 百 方 事 蠟 品 年 藁 以 至 之患。 流 燭 於積 、葬之。 京 粥 如 棋 向 寓 令禁止, 法至 養 有 餌 酌 師 外 穀 寺 濟 之 之爲 且. 行 俟 備 備 有 每 簡 錮 之。 歲 來 賑 歲 也 院 按 鬭 顛 春 殘 專 時 尤係 連而 臣 疾 以 毆 粟 查 惠 而 遣 老 收 查 平 後 布 民

設 裒之, 皆 冗 捐 祖 不 盈 有 濫 有 過 法 此 Ŧ 司 取之 品 額 半 往 可 良 是 項 派 清 處 往 法 成 贖 不 爲 視 美意 澤 所 以 鳥 地 鍰 爲 餘 已 而 有。 補 方 捐 文 漁 無 難 小 餉 備 具 乎 幾 之公費 念 也 民 額 賑 (,此外 即 此 所 地 以 臣 倘 項 恃 俟 臣 府 錢 舍 又 以 而 之愚 賦 所 是 糧 託 有 近 役 屬 而 平 命 以 原 書 令有 今日 糶 兵 開 無 成, 餉 報 而 額 司 雜 近 儘 亟 項 動 設 以 以 有 宜 來 百 項

當 甚 事 派 者 加 大 派 矣 復 民 典 派之令宜公也。 亦豈 禮 然 間 之天下 雖 然 畿 及 如 大 賞 朝 鄉 輔 事 畿 之 已 試 輔 賚 切 賦 之民 錢 夕之故 而 率 糧 遂 H 至富家大户 所 取 當 甲 供 所 派 給 派之八 之 於 哉 以 不 辇 天下 費 ? 日 除 下 何 異 木 ·, 可 府, 遂 獨 勢 時 而 爲 不 不 會試 爲 朝 瀕 經 然 成 得 於 不 廷 報 額 錢 均 不 死 商 之 糧 後 切 則 加

> 之令宜 錢 院 撫 終 爲 也。 有 七 不 上 不 千 加 波 糧,復 錢、民 堪 令各 院 司 解 按 透支至 民 滴 金 及 贖鍰之 命 禁 如 病 珠 户 7 而 部交納 矣。 此 小 罷 不 七 衙 盡 也 數千 間 可問 門官 錢 臣 民 也 之七 五. 有 有 若進宮子 是 查 而 差 金,此 六 預支之苦, 任之, 透支 每 ,則禁革 大 錢 已 兩 可 百 皇 糧 興 也 百 知 金, 上 也 數 之 兩 而 身自 粒 有 千 姦 縣 縣 火 苦 則 詞 必 而 每 金 書 火 復 如 透 前 狀 耗之令,宜 火 加 小 爲 支 究 耗 此 大 兑 有 錠 不 耗之弊,遂 民 壑 任 之弊 爲 得 將 也 加 Ŧi. 爲 也 各 倪、 姦 墊 + 誰 不 兩 自 縣 利 愈 之苦 抵 兩, 卓 自 宜 小 臣 則 可 濫 兩 乾 E 中 供 斷 又 民 府 編 知 始 從 没 按 之 明 亦 於 以 商 而

而 其 要 行 在 此 慎 數 選 端 良 亦 吏, 足 持 以 之以 ル 甦 久 畿 任之法。 民 之 困

之衣 公獵 審如 吏以 天下 切 京 岐, 問 加 入衣 ·, 曰 而 吏治 撫 是,官則得 兆 以 0 其 賜 循 無論 而 不肖之吏,行其苟且之政 故 願 老人食,日 人食之計 其 官 之 賜 民 吏 壞 則 矣、大、宛知縣 使 益 也 日 矣, 國之寒 得 農 實 事 其 「願賜 以 亦有所不 有餘粟,女有 自 多 如 因 辇 掣 者 小 緣 下 ,肘,不 一國之饑 民 爲姦 0 皆 始。 事,而 何? 不 誠 數數 滿 可 能 誅 餘 歲 己 慎 者 昔 久 如 變 求 布 選 易 躋 齊 也 輒 臣 之 斯 賜 報 五. 則 良 桓 不

遷

常

H

日

天下 亦 前 言 者 得 如 則 要使仁 以 生民之幸 此 臣 煌 少 所 煌 仰 謂 逭 明旨 恩不 祈 仰 溺 也。 皇 承 職 竭 德 之罪 上 庶 臣 于 勅 意 不 無 平 下 徒 與 任激切控陳之至 日, 該 此 托 比 畿 部 之空言, 惠政實 部 輔之幸, 之言 究 行 相 而 而 微 於 臣 發 之 實 目 明 臣

世

于仁壽之域矣。

#### 冒 死 陳 言 疏 崇禎 己 巳十二月十 Ŧi. 日 上

言開 廣 順 聖 天 心 府 以 府 尹 濟 臣 時 劉宗 艱 事 周 謹 奏: 爲 冒 死 陳

前, 於斯 孤 安危乎? 父共安危不可得,乃 面 城, 數百里之内,無不受其蹂 時 今天下 時理 聽皇上之自 也,臣子即欲私 念及此,而君父一體 亂安危之大計 何 時 也 爲 ? 皇 守 寇 其身家 上 ·, 幸 可 壓 且 躪 日 門 得 得 性 夕 庭, 之情 不 而 而 命,不 無 言 與 僅 環 恙 矣。 已在 臣 以 京 己 子 與 斗 師 耳 共 君 目 絶 几

賢。 臣聞 夫不信仁賢,則人主 古之言敗亡之道 孤立 者, 於上而已,亦 必 日 不 信

岐」,全書 本作

今天下」至「得而言矣」一 段,原缺, 今據全書本

焉。 之説 便殿 中,日 事 諸 部 爲 所 贵 不 相 何 皇上 院 1,旬 臣 效 得 逃 日 無 以 或 延 感皇上知遇,無不争自濯 從 罪,業已天 概 今日第一 爲 積 萬 日之間 以 亦當 事 人足以 事 或 見 月 獻 化 而 至此 猜 累,結 群 自 更 可 分任 疑 奏功 今 臣 置之,不 張 替 宜 當皇 諸 天 威 舉 否 相 開 爲陰 其咎,昔 臣 以 下 震 闕 付 大 對 上 示 負 皇· 票 疊 恨 小臣工 下 之信? 言官 如 誠 痞, 必 擬 輕輕 不 未, 家 心 坐錮 上 有識 禹 得 歸 爲 人 可 重 任 而 賢 閣 湯 父子,從 濟難之本, 盡 知 之, 伏 使,不 而 一人主 者 磨 罪 者 臣 在 辜。 也 皇上 以 己 固 而 皇 以 以 其 深 忠 已憂之。 用 敵 庶 此 而 上 以 持 之, 其 積 愾 興 臣 誠 情 政 君 日 焉 罪。 爲 勃 疑 歸 臣 御 以 無 然 面

> 戰 之武 錯 桂 若 隙 提 是 何 孤 侯 寡 ? 置 矣 其 督 而 雛 失 世 取 ? 法 事 勝 禄 ! 臣之 文武之途 腐 定 度 他 而 9 以援 乎? 鼠 制 紀 張 用 人 又何 手。 而 援 鴻 祖 也 兵 不 兵潰 夫 視 功 行 諸 大 幾 盡 以 試 皇 武 乃 以 詎 將 壽 伍 也 矣 處 上 問 今 健 援 大率 以 調 之? 可 而 總 以 士 今 兵 跋 以 將 不 與 日 理 不 潰 扈 視 之戴 幾 制 所 信 啻 也 滿 朝 逃, 此 路 治 驕 倚 文 廷 桂 而 保 罪 ? 臣 重 子 果 申 縛 則 與 0 一之故 邦 甫 以 桂 總 漸 之 乎 文 果 理 何 以 使 萬 莫 戴 之 能 吏 睚 時 專 恩 武 罪 滿 謂 付 威 如 以 眦 至 臣

舉天 而 日 下 無 吾 與 托 舍 或 者 内 必 臣 將 無 轉 思 可 同 其 患 可 信 難

落

落

不

合

以

罷

如

軍

機

重

任

必必

用

文臣

2

滿

桂」二字

原缺,

今據全書本

切

軍

機

悉

取

獨

斷

即

召

對

時

建

乃

者

聖謨

淵

遠

方

且

益

示

以

不

信

之端

<sup>●「</sup>試問」至「與之戴罪」,原缺,今據全書本補。

之命 之以 安危。 惑。❶ 乎? 者。」 賢 素 足信。 爲 事 危 於此,在皇上亦付之 慮 壯 朝恩、宋童 無 不 臣 也 急存亡之日 萬 不及此? 軍 遠 本等職 内 體 容 相習之人,事 一之慮? 夫城守其易者 況自古未 稍 益 漢臣 即 則 臣 小 黜 試 内 可 務 又 人,前 貫 陟 業 臣 耳 以 諸 以 乘 夫亦不信其臣之念,浸 臧 前 可信,人主 ,舍天下士大夫,終不 城 沽 葛 間 可爲千古炯鑒,豈皇 乃欲 所恃皇上 有宦 否, 恩 亮之言曰 守, 漢 在 王 權 自 之 不宜 E 濟已多,不 十萬 官 無 也, 將 不 結 所 前 典 可 閫 於 鮮 以 異 乾 京 謂 義不得獨 兵 號 奈何。 以 上 衣 興 同 綱 軍 不 外, 宫 令不 也 怒馬之輩 獨 誤 左 必 於是 中 斷 又 ; 或 次第 與 朝 班 而 親 齊, 私 者 不 日 府 假 E 聞 摠 可 不 朝 而 小 : 中 委 第 知 聖 爲 能 與 軍 以 唐 統 提 士 之 親 還 協 或 共 處 至 明 所 保 取 不 統 魚 以

> 平 嘗 臣 明 遠 不容髮,直從焦勞 之心 賢 之業 翻 不 然感 欷 臣 親 後 可 歔 悟 坐 外 飲 漢 臣 而 ,念祖宗付 泣 之 定 痛 以 所 也 憂患 重 以 恨 武 敗 干 臣 中 托委任安危之幾, 也 先 之心 \_\_\_ 大 帝 破 臣 之 重 積 每念 世 文 疑 吏, 以以 及 仰 此 則 親 祈 間 内 未 太

敢 貴 上 採 爲 人 又從 擇 夫臣 身計 施 而 之所言 行 利 嫉 之,然日 害 不 ,皆皇上 憚 臣 冒 爲宗社 一所不 死 垂 樂聞 計 涕 安 以 危 者也, 聞 終 惟 不 中

### **極陳救世要義疏**崇禎庚午正月

順天府府尹臣劉宗周謹奏:爲極陳救

任 乾 況 綱 再 獨 事 斷 推 ,不爲所惑」,全書本作 穀而進乎」。 特 加 申 以 勝 厥

世第一要義以祈聖鑒事。

之狀 君、 如 講 教官安 君臣 上 子 真足 達者爲之倡 頃 死 之義 上達之死 者 其 有 以 父、婦 生 扶植 而 員 闔 節 劉 ,❸則天下 死 綱常,❷使 邑之衿 也 栻 其 夫 從 0 者, 良 緋 紳 事 鄉 衣 所 弁 奚 來 時 笄 抵 在 慟, 轟 誦 於 地 有 壞 方 轟 臣 集 言 皆 烈 諸 良 死 4 得 烈 其 生 鄉

宇 説 子 名 君 也。 之 通 也 本, 宙 始 可 愈 唐 而 之所 以 詳 單 繇 天下 有 而 代 是觀之,道學亦 提 後 不 韓 人心 凡 以 直 立 以 推 無 愈, 以 上 指 綱 流 人而 之淑 及夫 存 之 有 維 宋 揚 爲 幾 波 而 有 堯、 不 世 慝 希 萬 不 周 學, 則 舜、禹 衰 之 世 毁者,恃 何 則 程、張、朱。 漢 鵠 道 脉 無 負 學 有賈、董 微,彝 · 至 事 于 術 爲 湯、 子 而 人國 君 之 有 非 思 倫 文、 明 父 人 哉 攸 學, 上 閑 武 晦 心 隋 孟 製, 學 下 爲 大 以 有 爲 子 夫 之 數 倫 之 爲 孔 王 而

> 卒賴 大 千 行 年 其道 以 不 不 過 墜 于天下, 寥 功 寥 數 亦 偉 或 子 焉 遭 遞 讒 衍 ! 被 其 脉 錮 以 而 死 終 然 亦 世 不 道 得

若 遺 子。 其 弦 所 帝 皇 ( 學 焉 推 址 家 馮 上 晚年 從吾、 馴 王 登 明 傳 講 興 至 之治 極 而 紫 布 太 首 萬 最 陽 菽 鄒 曆 著 統 出 之學, 祖 元 表 之季 者 卒遘 標鼎 百 高 遺 獨 皇 忠 而 則 餘 表 分講 帝 有 逆 年 世 有 章 恩綸 以 溜之 高 遂 薛 紫 人 席 天 攀 文 以 陽 駢 縱 胡、 龍 禍 項 與 東 氏 涣 之 即 背 攀 以 林 陳 聖 使 攀 宋 龍 相 死 名 王 遠 龍 儒 望 並 奉 幸 其 四 接 已 爲 楊 韋 君 我 而 與 世 時 時

<sup>● 「</sup>達」,全書本作「逵」。

②「扶植綱常」,全書本作「制敵人之死命,而趨之東歸

③ 「達」,全書本作「逵」。

① 「則」下,全書本有「進之必能殺敵,退之必能變城」十

黨者 之,必 以 周 駁 劍 有 朝 奄 高 推 如 倫 而 日 而 討 之 保 趙 處 奄 以 攀 峻 月 不 而 X 諤 建 目 ? 龍 爲 自 免焉 攀 争 統 問 君 衛 南 如 殺 諤 者 講 側 均 業 是。 獨 龍 光 星 前之富貴 世 昌言, 即 之 之姦 者乎 之黨 夕 道 否 學者 乎 之席 二同 而 有之,亦且 臣 獨 惟 ? 試 而 後 而 竊 ? 以 問 近 快。 志 以 如 不 則 震 省 或 痛 以以 澄 今天 時 意 便 楊 亦 外, 爲 發 人 聚 之。 成 清 言 故 躬 於 世 有 漣 今其骨 才 徒 一嚙指 世 未 下 者 如 修 者 起 小 詬 紀 世 至 千 臣 道 嘗 馮 亦 力踐, 入,小 乎 綱 廢 良心 考 今 百 猶 自 雖 相 許 有 從 已朽 ? 是 遍 日 攀 指 人,肩 任 戒 以 通 吾 開 天 司 發明 龍 而 亦 臭 方 扶 變節 者 首 下 矣, 如 遂 當 盡 欲 大 有 味 植 摩 魏 善 乎 借 更 君 矣。 錚 從 H 任 異 而 善 ? 之堂 大 轂 易 誰 門 錚 之賢 尚 氣 父 即 己 而 中、 類 操 擊。 非 亦 象 大 牆 者 封 方 爲 嫉 他

> 故 横 假 并 徒 亦 其 曰 : 忠 何 無 無 假 至 義 理 求 能 學 氣 事 或 建 ·, 并 節 功 士於三代之下,惟 論 而 而 日 其 奇、 盡 卑 盡 假 出 ; 理 士 令今 非 學 氣 徒 策 而 日 天 無 以 盡 下 下 忠 紓 恐 猶 義 非 不 君 任 有 氣 徒 好 父 流 假 節 名。 無 憂 寇 并 焉 事 之 乎 者 功 縱 其

之再 謹 焉 成 或 李 而 口 有 瞭 邦 亦亦 次 原 所 然 立 人 坐之曰 異同 第 華 於 夫 天 下 爲 人 不 皆起 之振刷 中 罷 邪 以 口 去 之見 書 去 副 正 不 黨 廢中 已 或或 未 聖 也 是 惜 矣, 者,無 一,曹于 ,朱世守之端 明 嘗 非 暮 以 有 日 之 無 何 之 處一 註 用 夕 至 辨 望,要其 人 汴 誤 不 之才, 望 人焉 才 争 媒 繋廷 之長 以 皇 爲 也 蕯 爲 上 坐之 猥 其 方 羅 憲 尉 立 特 去 開 短 以 也 織 一身本 取 患 識 胡 時 赦 日 朝 者 世 雖 耳 人 過 危 主 方謂 此 末 黨 處 賞之清 未 之 見 猶 不 外 能 韓 門。 短 能 猶 自 爌

之勢, 嘗胆、 路乎? 名, 焉 表 慮 心 於天下,使後之爲攀龍 同 終於不 日 爵 義 出 以 章 之禍 謂 時 禍仁義 其 者, 非 爲 于 勢必出於至誠 則 之嘆 真 渺 未 假 昭 何 輒 口 非 出 足,特 振 也 小 理 以 而 舟 示 嗟 乘 於 也。 者。 而 學, 異於是! 詆 來 而 不 共 乎 假 機 如 假 祀 知其 真、 道 濟 設 ! 逞 氣 則 朱 昔宋 彼方 之。 請 學 之日 爲 節 報 魏之徒 高者, 出 流 爲惡 立 四 不足以自 復 弗 於 寇之滋 有 居 慮 論 之端。 面 攀 人主又安 再 而小人之不 假 今之 其 僞 學 僞 之舛 者 之羅 而 異 龍 ,仍遭 以 事 假 後 時 不 之 其 功 世 也 使天 也 所 脱 已,是率 人主 學業 即 至 地 黨之禁, 於東 擯 而 正 不 得 而 大 窺 關 里 惡之, 落 任 已蒙 雖 欲 於世 名 . 得 臣 出 下 左 有 林 足 今 夫 志 ·之人 有 避 有 子 於 號 用 設 皇 賢 天 生 南 下 假 吾 道 免 戒 於 卧 假 而 之 之 不 阱 渡 轉 異 官 薪 心 之 忠 不

敢前,則世道幸甚。

懇之 令不 然 爲 用 君父 節 害 敢 當 特 政 以 而 示 識字 之大 之禍 典 天下 推之。 言 世 臣 勸 旌 論 小 之人 卹 倫 士大 將 滋 人 庶幾 惟 安上 來 也 風 而 皇上 相 夫 有 波 我 致 生 達, 率 以 不 或 士 不 而 躬先聖學, 忍言 孔 而 家 姑 知 壞 孟 進 金 目 從 學 盡 1者,故 之鵠 甌 翰 擊 隗 長宫 處 邪 無恙之天下 始 臣 使 説 此 日 敢 不勝跂 坊等: 就 披 時 請 大 人 月將 猖 艱 皇 人 教 銜 上 知 官 望 生 尤 先 之 仰 以 曉 心 不 有

再請申飭京兆職掌疏崇禎庚午三月初七日上

順天府府尹臣劉宗周謹奏。爲敝習與

❶ 「達」,全書本作「逵」。

時艱交困仰祈聖明特加申飭以少效京兆職

掌事。

於 之 旨 盡 勉 不 汗 才 如 不 日 終 以 從 者 惶。 天 必 「京 一, 心 封 引 也 用 有 頃 開 心 疆 該 夫 咎 不 府 耳。 之以 料 以 敢 而 起 臣 職 該 理 臣 臣 見 不 自 至于 事 自 部 於 · 正 種 職 必 正 亦 新 知 此 種 者, 料理之有 微 之路 殷 已 道 自 竊 庸 臣 無 劣 陳 有 非 劉 畢 逃三尺。 請 欽 席 徒 宗 且. 智 而 此 焉 病 藁 周 念 當 捐 處 于 待 但 職 與 聖 軀 臣 欽 罪 才 實 否, 事 明之世 遵。 之 桑 何意聖 也 之殷 心 間 則 所 榆 料 不 奉 且 臣 可 晚 理 收 度 即 勝 聖 窘 之 自

矣。 相 十 視 七 途 州 軍 京 府 興之告急 縣 人耳 之職 屬 也 積 莫殷 而 也 各 玩 之 官 積 於錢 賢 極 逋 未完 一,并錢 否不 糧 更 臣 關 事。 糧 臣 考 不 府 敢 成 臣 於 自 居 不 顧 恒 該

旨,而 完猶 房、保 哉 今未 語言 於 甚。 臣 關 提 各 其空文杳然矣。 雖 州 正 ? 違 縣 催 非 月 經 司 府 凋 發價 敝 報 間 屬 未 科 臣 無 承 等 又派 此 玩之習更有甚 雖 空文見報者,僅 有素 者 者 之拙 味 屬 派 臣 州 明 嘗 春 在三月前 實 買 有 所 凍 縣 日 助 而 是 保 膏 料 大、宛、房、 糧 蚤 提 致 無 與 役之十 荳,部 愈 甲 固 夜 運 問 欠 奈當 今 有 化 也 皇 車 户。 然矣,其 其 Ħ 地方之責, 掩 遲 皇 ·, 至 于州 • 故 限 之者竟付之充 檄 浮 臣 戦 東 至 也 臣 不不 涿 甚 催 今未 土 累 骸 西 今日 縣 0 握 而 嚴 就 如 行 中 日 通 明 也 者 至 三寸管 法 · 臣 軍 承 堅 殘  $\dot{\equiv}$ 申 日 五. 其 不 臣 霸 興 者 而 城 飭 破 檄 守 城 間 臣 及 奉 之稽誤 中 有 煤炭 催 如 兵 不 此 職 旨 兩 見 城 涿、 耳。 已 · 堪 馬 雨 事 懷 次 奉 縣 移 外 之 自 今 也 寶 司 等 遠 會 并 明 報 至 日 相 何 則 如 覺

此 字不報如北 況 臣 文,令其 八,而臣 者 勘 當 重 前 以臣之不 ,皆臣所爲窘于 地 心 至 加 方 始 蘆 土 城者 設 無 溝 加 -才,狼羽 遺 橋 法 築,莫應 1,將置1 憾 見 廣 狽 其 勢 中城之役,覆 一明旨 其 更有 基、 , 也 間 而 高 乎 難 於 其 不 1 于 骸 何 封 得 料 地 不 埋,并 己, 土 理者也 ! 甚淺 示 永

其 苟 地 品 聖 相 加 稍 品 不 尤 明 躭 吹 涉 尤宜 之心。 誤。 註誤 關 玩 特 一言之,後有 方今聖明 者 節 加 大法 以貽 臣 大者誅 申 不 不 臣 時 不足惜, 飭 通 不 小 撫 參處, 愚 于五 測 以 廉, 厚 積 重 死,小者褫斥。 , 肅 弛之運,加 傷 風 幸 俾 城 如 大 辇 一時 清 再 事 或 臣 下 弊 照 得 + 事 亦 其 絶 平 京 安 七 必 小 有 明 危 漫 意 展 州 師 大 臣 縣 之 几 何 無 振刷,臣 臣何 爲首 女好 雖 許 理 照 不 應, 小 仰 敢 畢 臣 充、 肖, 祈 然 摘 轉

> 職 壞 法 其 亂 間 紀者, 并 祈 終不 聖 明 敢 申 藉 口 于 勢之難 行 而

> > 溺

### 劉蕺山先生集卷十

奏疏三

# 請定大興宛平兩縣經制疏崇禎庚午六月

上

匱 垂 永 E 久 極 順 以 人 天 裕 情 府 或 濫 府 用 觴 尹 事 無 臣 窮 劉 懇 宗 乞聖明 唐 謹 奏 哌 : 定 爲 經 縣 制 帑 以 告

無 制 而 度 制 後 臣 始 可 聞 以 也。 傷 古 節 財, 之善 濫 今天下之財,病 不 觴 理 害民。」言 之 財者, 人 情。 必 傷 《易》 有 于 財 無 定之 害 日 制 民 久矣。 皆 經 節 制 自 以

> 朝 于 所 郡 謂 廷之經制,請 縣 取 之盡 所 在 錙 而 銖 站言其 是。 用 之 而 在 如 臣 郡 泥 終 縣 沙 不 者 者 敢 越 自 俎 朝 而 廷 達

徵 今未 起至 八千 每 臣 奉 四 各 剔 贓 糧 + 有 之弊 年 謹 + 以 人 正 并大興、 一崇禎 巡 兩 按 四 結 五 五. 會 法 臣 按御 百六十二 羽 兩 兩 自 項 年 年 ,因首發積書姦 也 并問從前 經 書 去 零。 起 縣 約 秋蒞 費 年 旁 史 至崇禎 方 經 通 共 册 午, 查 業 今 州協 費 徴 共 一兩零; 來報。 任 經 明 前 皆 那借 拮 銀 蠧 三年 設 前 濟,約 取 即 逋 据 1 孔 法 任 給 吏侵盜 知 未 T 過 宛平縣 不遑,久之, 則 所坐,一 通 府 于舖 大 銷 共 餘 經 共六千餘兩 見 融 尹 興、宛平 費 那 大 兩 後 劉 銷 行 税 無縣 借 ; 自 至 逋 補 澤 糧 税 宛 天啓 過 繼 之旨,至 深 罪案 契、大興 思 平 千 兩 兩 經 自 之矣。 題 每 與 兀 費 縣  $\equiv$ 縣 萬 原 年 年 至 曆 始 釐 追 錢

等 已 外 載 難 審 馬 以 舖 舖 儀 月 漸 -各 网 理 之 項 者 以 部 皂 不 塲 行 每 異 衙 供 催 鋪 可 額 協 門 如 枚 科 檄 隸 郊 頭 工 陳 而 撫 非 内 年 能 濟 舉 道 食 年 廟 Ŧī. Т. 用 等 歲 按 至 原 每 之 不 府 食 紙 車 朝 例 項 不 設 月 授 多 八 如 私 臣 動 輛 張 支 廷 同 差 五. 禮 例 增 至 以 部 各 考 支 無 T. 銷 大 及 之 儀 名 百 百 濫 往 川 等 所 至 算 食 禮 計 所 亦 最 本 數 觴 房 金 金 牒 費 衙 者 動 大 五. 府 稱 不 者 有 内 門 打 百 不 不 支至 至 役 萬 年 繁 等 常 載 太 外 貲 掃 有 ; 餘 動 不 于 曆 中 僕 有 重 者 者 額 者 各 支 金 千 時 今 如 + 者 有 亦 寺 筆 也 各 者 ; 也 ; 衙 之 餘 廣 日 九 往 等 有 撫 有 衙 炭 門 金 需 年 無 盈 諸 種 即 然 往 官 門 按 户 Ŧī. 書 紙 間 如 庫 種 如 本 事 例 年 透 年 F. 辦 私 張 而 染 鄉 此 陋 之 鄉 支 在 任 印 縣 編 阜 用 例 餘 類 規 所 編 禮 之 塲 會 兵 夫 者 口 修 色 審 隸

> 供 不 可 遂 及 束 濫 千 金; 協 亟 究 得 大 手 其 觴 七 濟 詰 糧 百 會 爲 以 無 所 之 額 之 措 塲 金 ; 出 弊 大 設 設 協 借 七 緣 也 七 不 至 重 濟 處 八 大 爲 得 鄉 百 以 千 至 額 姦 糧 將 不 宫 餘 會 設 金 不 是 事 極 轉 金 府 武 足 宿 九 而 重 那 手 非 塲 百 逋 之勢, 每 而 借。 之 則 常之役, 亦 歲 餘 今 有 際 及 復 借院 之 金 浮 自 雜 何 如 所 至 而 來 所 項 是 朧 倉 贖 底 矣。 今 卒 開 不 千 浮 11: 已 皆 而 見 足 報 此 不 吏 所 至 八 告, 莫 胥 則 足 而 謂 百

況《 也 以 家 賦 也 爲 惟 役 全 例 例 全 如 臣 正 書 之 之所 書 鄉 大 之 》所 所 念 供 會 浮 就《 無 邇 不 网 猶 者 者 者皇上 載 全書 塲 鰓 當 當 爲 皆 鰓 裁 裁 事 議 特 當 所 之 之 例 汰 設 載 项 以 以 之 議 科 行 義 法 濫 裁 院 賦 撙 觴 悉 節 董 不 者 行 切 役, 遺 修《 平 以 釐 報 餘 天 皆 復 正 罷 臣 下 舊 口 口 或

行, 署 規 口 印 以 或 空言 官 時 加 漏 派 將 勝 省 巵 前 也 直 少 項 塞 冒 以 頃 濫 者 益 乃 事 兩 之 中 例 可 縣 府 正 也 必 以 , 官 稟 年 而 並 例 臣 要之 缺 府 筆 皆 臣 墨 而 責 後 檄 非

興, 强 項之吏,亦不 稍 不應, 輒 鎖 能 縣 役 力抵 去。 當 權 貴 此 之時 人, 爲 朝 雖

> 口 無 問 E

官幸 手,不 覆 他 臣 術 甚 疏 臣 敢不力行 祈聖明 迂 立 腐 賜 之資, 施 勅 行,輦 撙 下 節 目 該 擊 部 下 爲 帑 幸 天 會 藏 甚 下 同 · 先,舍 貴 ! 賦 乏, 役 臣等 科院 此 無 府 能 别 縣 措 酌 無

義 病 事 不 能 順 天 供 府 職 府 懇 尹 乞 臣 聖 劉 宗 明 周 俯 謹 賜 奏 罷 斥 爲 以 微 昭 臣 患

政,未 計 寺丞。 天 臣 啓 通 元 臣 任, 籍 年 叨 中 年 以來,三十年于 削 起 萬 奪。 陞 陞 曆二十九 禮 尚 崇禎 部 寶 主 司 元 事 少 年 年, 兹 卿 進 起 士 而 連 年 陞 實 陞 筮仕 今職。 在 改光禄 太僕、 仕 行 總 通 僅 寺

借

塞,三

年

前

物

力

盈

還之于下,

可

寬

編

派

權

勢私

交,不

· 得

假

侵

漁之路。

將

年

而

那

定

雖有

貪官

污

吏,不得開乾

没之

門

;

雖

有

非

册

中

開

載

概

不

許

應

付。

從

此

經

制

既

減

为

刊

定

例

欵

書

册

附

于《全書》之後,

凡

經

費

册

逐

磨

勘

可

汰

者

議

汰

可

減

者

議

簿

正

焉

臣

請皇

上

特

命

賦

役

科

院,

將

兩

縣

子

以

簿

書

正

祭

器

而

獵

較

之風

息,于

今

亦

有

廷

守

此

金

錢

也

爲

縣

官

者

不

亦

難

乎

昔

孔

有

大

之

額;

積之于官

可

免匱乏之憂,于以

造

福

畿

輔

之民

贵

日

小

補

而

宿

逋

之銷

不

請 告 疏 崇禎 庚午 七月 + 七 --Ŀ

戮 掌 偬 矢 本 化 骸 不 晚 甚 將 ,勉臣 乃 0 年 爲 允 年 羸 六 動 心 而 再 年 安 關 天 黽 半 際聖 月 地 以 勉 愚 竭 下 生 其 臣 方 實 有 趨 乃 分, 多 餘 府 有 明 凋 束 朝 心 力 , 拮 皆 病 司 敝, 既 身 料 起 棲 倡。 處首善之 遭 据 不 無 理 待 臣 蚤 遲 堪 萬 削 譴 田 已 家 乃蒞 事 狀 籍,若 之請 自效犬 臣 間 開 食 敢 感 擢 罪 遂 之 地 任 即 激 蒙蒙 日 于 不 將 以 未 馬 于 聖 皇 守 暇 終 竊 今 幾 怠 恩,從 上 身。 故 土 問 欲 職 止 荒 或 京 躬 不 屢 大 爰 冀 此 事 兆 事 加 賦 行 辭 何 益 少 顯 于 倥 意 乞 職 教 質 疾

責 大 氣 耗 事 益 旋 又因 見 虧 乃 復見 朝 臣素有羸 水 向 土不 又復 朝 蒙 聖 繼 註 調 怯 之以 恩 籍 一之症 漸 假 傷 補 會 臣 脾 驗 拮 祈 調 胃 煤 禱 据 理 斤 時 雨 未 載, 澤 吅品 而 及 時 臣 奉 心 痊 痢 愈 日 血 元 可 不 切 盡

啚

報

稱

之咎? 理之能 從 者 勝 心, 臣 其 委 昏 臣 ? 頓 憒 其 矣。 蓋 無 敢 臣 以 數 不 心 應 日 蚤 口 以 輒 自 以 來 報 許 引 罷 或, 决 吏 而 書 而 以 去, 之 臣 重 更 抱 力 貽 不 牘 何 能 地 問 而 方 以 料 前

命 也 則 地 而 品 終 所 至 惟 爲 品 以 非 聖 首 此 全臣 病 邱 萬 明 臣 之私 憐 不 今日 可 而 獲 效 許 已 始終 之 之。 分 懇 瘝 得 義 祈 曠 臣 遂 者 聖 己 無 卿 明 深 任 實 念 力 結 于 项 疾控 此 古 斯 賜 辇 不 爲 罷 陳 足 轂 至 斥, 待 道 重

參奏閹竪疏崇禎庚午七月二十三日上

陵 辱 縣 順 佐 天 謹 府 據 府 實 尹 糾 臣 參 劉 以 宗 肅 周 法 等 紀 謹 事 題 爲 罨 豎

本月二十一日,據大興縣典史王邦珵

公務 内 稱 本衙 向 因 皂隸穆貴、張登、結 誤 事 本 府 堂 具 黨 欺 官

前

事

誤 左 呈 期 府

丞案下 張 登拉 蒙批 弟内官 經 張 歷 進 司 忠,闖 究 解 見 人 經 禁、未 歷司, 罵詈 結 贵 不

復 統 衆 數 + 人,身皆 戎 裝 哨 衙 門 公

堪

眷 堂 座 毀裂卑職 案 等 物悉 冠裳,聲言 行 殘毀,衝 要銀 人 衙 白 内 兩 辱 見 打 家 有

郭 内 相勸 解」等因 到 臣, 復據經 歷 司 經 歷 姚

到 元 臣 愷 臣 興 不 縣 覺髮豎 署 印 縣 隨 派 拘 宋 皂 光 隸 墀 張 各 登 具 審 呈 鞫 前 事 口

稱 内官 張 進 忠 果係 登弟,則登之挾 勢陵 官,

餘 古 而 無 敢 辭 於 于 咆 罪 哮 魁 公署 矣。 所 乃 張 至 進 肆 忠 横 者 至 何 闖 物 縣 官 之 刑

私 室 實 與 毁 京 器 兆 裂 相 衣,公行 些, 此 其 毆 辱 Ħ 中 尚 明 與 知 有 縣 朝 官 爲

難 ? 閹 豎 之賤 而 陵 侮 有 司 既 難 平 爲 有 廷

乎 司 假 隸 役之忿 而 報 復 上 官 更 難 乎 爲

> 此其 關 繫紀 綱 之陵替何 如 哉

效尤而 啓 之。 禁梨 闖 心 批 辱。 本官 題 犯 查 禁者 中 司 緝。 委,妄肆 參,今本官 中國 將成江 故事, 雖毛 爲 臣因 東 空之堂, 不 越 起,視 至于 以 特 用之計 申 舉 其 職 正 此 需 河 又 臣 不一 趨 事 文票絡繹, 風 也 索」, 紳 竟以 何 韋 承 正 猶 化 綿 士不 以 閣 法 端 未 臣 綿 則爲國 是 而 勢不 此 臣 禁之? 嘗 若 不息, 本 不指 如 而 爲 而 之宅 邦珵 奉 奴 官 遽 乃 得 即 城院所刻, 旨 用之類者,安 得 隸 將尋 其需索之實, 受 此 吏 不 行 之決裂,故 語 以 乎 罪 内 足以 目 行 保 ? 逐 ?斧柯 日 之故,臣 官 吴 Ŧi. 大 甲 快 孫 時 異 城 曰 事 僚 涓 時 或 聘 或 兵 宜 得 涓 如 用 實 且 用 倘 不 不 馬 天 之 之 舉 行 有 业 詬 首 司

將 切 臣 豪 不 貴 肖,受事 不法是問 輦下 乃前 竊 爲 者京兆之令不 皇 E 持 風 紀,

警 者 將 以 袁 滋 而 之 明 能 異 **令** 將 勅 深 皆 肅 欺 行 自 清 陵 時 來 下 又 于 子 辇 吴 臣 宦 司 臣 不 司 · 是 乎 并 禮 等 官 坊 雖 能 坊 查 監 抱 不 官, 在 爲 城 行 致 職 切 衙 疾 于 臣 院 几 至 門 壞 以 求 方之 參 輿 吞 受 等 法 階 去 將 疏 皂, 聲 亦與 侮 之, 亂 則 張 義 不 究 紀 于 致 進 則 傚 有 難 敢 之事 孫 宦 再 忠 臣 榮 默 維 訴 或 豎 受 提 罪 施 默 以 萬 用 侮 問 自 滋 焉 去 應 今 世 于 今 IE. 大 仰 者 之 否 宦 Ħ 法 治 臣 則 爲 祈 少 始 聖 府 安 所 梨 少 懼

## **再申請告疏**崇禎庚午七月二十五日上

恩 臣 病 順 萬 天 難 府 供 府 職 尹 仰 臣 候 劉 罷 宗 斥 厝 事 謹 奏 爲 再 懇 天

職 懇 乞 臣 聖 于 本 恩 月 俯 賜 七 罷 日 斥 以 爲 全 微 分 臣 義 患 事 病 不 奉 能 聖 供

> 此 周 曠 念 强 氣 轂 意 此 後 下 旨 病 ൬ 加 及 百百 或 之 稱 意 對 息 而 良 : 求 開 處 責之以 此 之, 獨 劇 臣 奄 料 吏 弊 計 京 罪 首 心 前 捧 奄 至 書 司 理 尹 承 聖 果 善 愈 民 誦 事 之, 腹 臣 不 臣 苦 能 乎 明 生 皇 遣 温 堅 實 尚 劇 ? 敢 必 身 料 上 發 將 綸 曠 死 如 미 不 心 之 引 視 理 諸 如 于 IF. 職 有 奉 辦 土 倍 民 所 不 疾 皇 案 須 此 日 愈 餘 職 以 勝 艱 鑒 求 實 上 上 而 有 甚 家 在 愧。 周 惶 也 去 精 下 心 加 0 又 視 事 其 旋 悚 辦 意 神 痞 毫 即 平 皇 事 所 不 1 當 該 隔 職 料 慌 哉 今 上 或 乎 幸 以 地 夫 部 理 加 惚 沉 ? 之 歉 策 又 京 之旨 方 知 臣 臣 劉 痼 勵 所 繼 管 已 宗 凋 府 猶 肅 亦 道 之身, 微 鑒 之 成 嘗 爲 挕 清 敝 何 H 唐 臣 也 以 欽 難 勉 瘝 辇 天 反 著

生 以 之。 嗟 乎 矧 1 遭 際 臣 聖 策 明 名 委 旦 贄 從 身 草 非 萊 起 己 崇 有 班 死

未 鄰 遽 其 爾言 敢果于忘世 間 去 屢 進 即 屢 臣 黽 退 勉 · 雖 + 此 不 年 出 能 病 以 骨 博 久 桑 年 與 榆 淹 溝

壑

爲

何

忍

狼 乃 而 今 終 狽 支離 日 犬馬之力已竭 通國之人知之,而獨 ,區區之心 不 無 爲 可 聖 自 明 效 所

鑒察,將謂別有假託,苟遂私圖,此臣之所犯獲支內 通國之人知之 而獨不爲聖明別

平 大 恐 生 也。 所學之謂 欺罔 何 人臣之大惡, ? 仰祈聖明 而 俯 臣 鑒 故 臣 蹈之, 病 萬

才 非 假 副 託 京 ,特允臣 兆之職,則 請 皇上 賜之罷斥。 爲 地 方計 庶得别 委 出 簡 賢 于

能 此 前 仰 副 亦 皇 臣 上 一之所 責 成 爲 之 地 方計 意 輾 也 轉 于 如 懷 臣 不肖,不 辜 負 聖

激切再陳之至。恩,直當結之生生世世,以圖報

稱。

臣

無

任

## **一申請告疏**崇禎庚午九月十五日上

病 難 痊 順 續 天 府 申 前 府 請 尹 懇 臣 恩終賜 劉 宗 周 罷 謹 斥 奏: 事 爲 微 臣

攝 夜怔 醫 塲 幹 脾胃,而 也 自 水 臣 疏 惟 辨 此 在 處 乞 以就痊可, 忡 不意臣 府 骸 此 者 即 臣 恐 此 而 事 不 因 今則 未蒙 無地 開 拮 ,稍閒 患 廢 据 萬 寐 陽之症發于心 病 病 轉 俞 可容,不得已力疾任事。 而 正 徐圖 日 不 授 允。 或得優游 之疎 殿,臣 足, 痼 至于膽汁 能 于 一幹辨 臣 供 且責 煌煌 神 虞, 職 以 體 明 少少 于本 而 尫 臣堅求 嚴 阻 愈 )脾,人 上 今幸 然 報 理 旨 畫 羸 一溢,膀 病 忽 勉 鴻恩,臣之願 年 前 自 魄 不 已告竣矣。 忽 七 面 者 臣 便, 胱 常見,衰 以 日 猶 便 月 以 健 下 使 于 患在 夕 内 會 實 遺 志 調 科 微 飲 兩 11

哉 之日 勘 其 從 畿 耳。 也。 上 有 年 允 卧 撫 得 去 輔 賜 其 按 然其 亦 之, ; 理 何 重 地 允 獨 今道 兩 去 地 已 也 方之責 多 有 至 如 無 者 犯 政 于 多 日 按 尸 臣 前 .提 須 不 臣 曠 矣。 臣 張 者 重 彈 惟 治 衡 之日 而 董 撫 春 壓 有 者 而 靳 而 此 復 羽 臣 之 奄 0 論 之? 積 自便之圖 贵 方 患 宸 得 不謂 奄 臣 何哉? 大 皇 以 病 念 人。 坐 任 病 斃 上 病 而 京尹 請 以 内 勢 有 皇 有 以 病 有 時 如 私 上 所 身殉 而 請 方 京 此 于 官 不 又 皇 多 尹 暇 果  $\equiv$ 行 上 官 而 報 事 允 外 問 臣 查 皇 口 恩

之天 實 從 異 病 鑒 地 視 之 臣 性 軀 方 臣 平 即 遂 起 心。 見 臣 生 臣 不 使臣 幾 受 雖 無 - 覺浸 事 退 他 于 處 技 以 力 尋 寢 之 來 有 以 止 食 日 朝 此 至 俱 長,江 毫未 愛 于 斯 廢 君 劇 夕 盡 智 斯 湖 憂 皇天 或 短 廊 尚 無 一之念, 才 廟 可 后 木 勉 刻 總 土 羸 效 不 無 矢

> 者 之 在 請 君 矣。 前 凛 父, 再 請 則 然 而 斧 臣 不 鉞 終 己, 臣 不 敢 臣 寧 爲 之心 不 乞 知 骸 所 有 之 以 不 舉 自 勝 處 其 況 若 至 屢 刺 于

之 激 矯 負 罪 切 才之道 飾 伏 待 總之, 久 望聖 亟 命之至 病 賜 地 臣 明 亦 允 方 鑒 身 勵 放 不 則 察。 世 使 足 于 磨 借 綜 臣 倘 鈍 而 雖 覈 念 之大機 職 不 臣 地 肖, 業 前 方之 之中 後 不 也。 悃 致 責 誠 以 臣 寓 終 無 曲 尸 委 不 任 曠 非 成 口

請恤畿輔凋殘疏崇禎庚午九月上

殘 古 未 邦 本 起 順 聖 事 天 明 府 軫 府 念 尹 時 臣 殷 劉 謹 宗 竭 唐 愚 謹 悃 奏 仰 爲 承 德 畿 - 意 輔 以 凋

臣待罪京尹有日,愧無絲毫補于地方

耿 外 責 每 艱 頃 不 問 從 之 當 視 生全,以 從 于 州 哉 府 心 也 邸 地 荷 縣 ? 縣 報 方 文移 有 中 可 爲 惟 凋 司 屢 以 邦 殘 是 往 繹 之 爲 本 則 病 來 明 後 計 民 臣 廢 間 旨 請 于 日 至悉 亟 問 所屬 命者 久, 仰 欲 民 見 起 也 疾 州 臣 我 流 苦 切 縣 一終不 皇 至 離 不 未嘗 上 其 以 瑣 能 敢置之 敢 撫 慮 尾 料 不 以 綏 而 切 理。 耿 膜 專 置 民

半 既 至 于 也 所 内 運 商 不 經 而 津 府 估 及 可 木 報 如 里 罷 大、 矣, 錢 上 商 胥 而 糧 納 也 如 宛 又運 坐 反 則 當 本 仍 外 則 派 不 Ŧ 色,又 州 令各 \$ 薊 稱 之 免 金 縣 商 矣, 有 細 有 立 則 衙 以 愈 人 户,猾 傾 又 盡 稱 門官 先 鋪 商 家 運京矣。 有 領 之苦。 以 墊 之 者多乾没焉 派 累, 價 收 其 患 買 官 而 預 故 中 豆 後 解 墊 官價 今度 領 料之苦。 庶 收 人之家 之 價 物 爲 可 此 不 雖 紛 滿 累 少 役 倍

> 其 糧 買 尚 此 倘 有 也 紛 , 認言 故, 火 邊 司 0 兩 ,不以累富民, 科 而 臣已 倡 耗兑頭之苦。 事 斂 則莫若法行自 日 衙 一錢,而 乎? 尚 雞 而 門 久行禁飭 無 兑 吏 税 進 不 糧 耗之弊不 至進宫子 書 駕 宫 户 寧 遂 庶 有 勒 此 頃 小 近,先除 得 可 滴 而 後 耗 大 少 民 藉 珠 革 粒 宜 至 猶 甦 興 尚 口 自 若 稍 有 九 有 縣 民 有 需 增 罷 上 加 是, 錢, 鋪 樂 民 木 索 供 其  $\equiv$ 墊 則 是 魯 生 之近 四 價 以 從 加 虎 抑 之 者 濫 明 前 納 又 召 望 例 矣, 觴 坐 取 大 有 積 商 平 問 至 加 弊 耗 糧 錢 承

餉 積 月 小 方 之當 糧 儲 民 惟 之 及 終 至 有 暫免者 節 大 大 屬 多 興 之虚 命 孝 罰 等 優 贖 而 縣 文, 恤 鍰 奪 嘗 而 皆另行 于平糶 昌 爲 請 全 平 平 民 等 以 糶 厲 平 設 者 州 而 銀 糶 處 半。 縣 己 兩 嘗 奪 矣。 計 又 請 也 不 設 議 典 然, 積 則 處 孤 舖 儲 之 貧 銀 新 恐

分 虎 白 庫 賠 額 也 新 點 復 免 懸 又 以 自 网 者 挈 金 存 坐 而 免 書 墊 餉 留 賑 不 金 矣 典 翼 者 節 之當 濟之故 堪 貲 者 在 無 以 也 能 率半 舖 矣。 事 省 助 況 兀 大兵之後 桁 而 有 不 復 暫 餉 通 間 也 遁 年 輾 此日 勢 司 增 年 免 乎 并 猶 州 0 至 有 轉 而 又 不 者 ? 又 恃 開 輿 向 之貧 破家。 償 多 得 番 而 = 請 富 有 隸 州 張 所 州 之小 于 以 子 墊 不 祇 僱 如 取 人 如 此 各 民乎? 民 錢, 坐 撫 迎 至各 候 役 役 故 之 此 蓋 官 莫 民 而 筦 按 奉 馬 錢 酌 之 承 乎 州 保 俸 必 關 他 庫 而 州 E 夫 少 ? 平之 紛 分 縣 薪 取 其 宫家 官 以 縣 州 則 銀 潤 者 紛 公費 家 盈 盡 院 賠 則 縣 庫 新 网 其 日 見 焉 行 增 交 如 墊 勢 吏 矣 餉 即 新 口 战 告 無 捐 際 豐 之告 富 之當 餉 知 恐 難 流 吻 多 也 助 本 之 潤 而 番 至 該 民 望 寓 當 業 即 此 又 瘁 則 官 能 州 暫 猶 酌 門 者

> 又 又 僱 孰 加 役 饜 抽 不 之? 扣 無 焉 虚 , 是 冒 則 新 翼 近 餉 餓 已 之當 虎 釐 也, 之《 暫 免 委 賦 者 吾 役 民 Ŧi. 全 以 書 魚 > 中 肉

言 除前 告 矣, 子 軍 之久,鮮 盡 璫 莊 緒 征 E 孫 興 者 紛 繕 況 得 頭 孰 而 告急, 乎 然錯 解 者 明明 項輕徭薄 以 安 베 重 畿 非 ? 煩 臣 輾 之耶 有 役 之 日 輔 饑 滌 出 轉 于 奈 能 邇 撥 以 有 之困 寒 苛 肆 此 者 常 何 復 墳 今日 兵 所 賦 虐 重 盜 户。 其 供 以 燹, 爲 外 抑 迫 有 意 遂 賊 生 天 愈 尤 勝 賦 感 以 安 下 理 與 官 莫若有 公行, 輦 不 商 甚。 之 焉 至 有 問 ,登之小 民 禁 吏 之大,不 耶 定 于 明 子 休 得 日 ? 外 民 日 額 此 遺 息,持 司 朘 以 省 轂之 生 報 者? ? 躬 因 如 月 直 能 至 康 至 役 先教化 安 緣 削 下 自 之 今日 者 之 寬 畿 之之道 爲姦, 漢 以 非 民 以 今 不 此 輔 臣 借 數 時 爲 趨 H 木 湯 木 順 有 見 沐 年 勳 派 于 極 干 頭 

倘

蒙

當

事

者

不

以

爲

迂

酌

議

施

行

地

方

臣

去

或

之身,

報

恩

無

地

猶

不

禁

欵

欵

心之愚。

此

畿

輔

以

綏

几

方,

天

下

庶有太平之望乎

!

科

重

教

化

而

緩

刑

罰

使

天

下

則

而

象之,

惠

上

毅

然

以

古

昔

盛

王

爲

法,先

撫

字

而

後

催

幸

甚。

上

以 每 宜 愈 謂 保 保 至 起 勝 甲 爲 與 地 之 以 盜 都 甲 方 戢 而 愈 位 講 己。 姦 甚 倡 署 約 宄 多茫 何故 而 今 居 權 H 民 而 然 在 多 法 刑 感 不 Ŧi. 臣 網 罰 爲 應 力 原 疾 請 任 赴 順 召 天 疏 懇 府 乞 府

聖

恩

少

假

嚴

程

以

逭

違

尹

在

籍

臣

劉

宗

周

謹

奏

嚴 案 天 侵 惟 大 而 在 内 催 府 是 程 籍 竟 0 開 驟 望 臣 臣 禮 他 無 府 吏 本 染 凛王 闕 宗 以 部 起 部 尹 就 瘧 吅 犬馬之疾,乞恩 左 八 色。 劉 題 周 道 症 言之鄭 頭 月初 侍 宗 聞 爲欽 謝 不 郎 乃 周 命 江 恩 得 三日 林 者 南 訖 奉 重 作 驚 釬 遲 夏 之人 聖 速 惶莫 延 秋 義 禮 臣 諭 \_°\_\_ 來 以 不 在 即 部 事 京。 獨 欽 知 來 暇 告 刻 尚 此 所 此 者 爲 H 書 奉 人 復 爾 爲 措 反 就 聖 五. 孫 部 以 虐 欽 顧 年 道 慎 旨 答 隨 暑 馬 遵 謀 于 行、 到 趨 設 濕 上 每 兹 矣。 間 香 交 赴 等 差 召 順

玩 事 年 吏 部 差 移

之衰

生民

之困

何日

之瘳?

所

恃

聖

明

在

講

也

臣

于

是知今天下遂無吏治

矣。

世

道

論

身教

?

蓋

先

王化民成

俗之道

久矣

其

不

解

又

何

論

條

教

之

(詳?

條

教

且

不

解

又

何

城

動動

多

掣

肘

臣

動

者

至

問

司

坊

官

嘗

奉

旨

著

保

甲

事

不

可

謂

不

密,而

姦

非

所

先

焉

彼

古

所

鄉

約

以

蒸

善

良

行

任 臣 深 辜 露 玩 H 聖 之 受 戰 旬 順 慄 不 譴 面 爲 明 有 寒 調 此 盱 時 日 籲 餘 埶 而 懇 奉 理 據 衡 日 交 爲 聖 之 實 此 求 而 作 羸 明 控 前 舊 簡 而 體 昏 帷 聞 之 書 臣 至 所 蓋 量 懷 積 京 敢 中 臣 之仁 數 弱 陛 則 雖 祈 時 大 之 黽 見 聖 臣 于 而 體 恩 勉 飲 罪 此 庶 延 · 益 滋 少 食 就 益 微 緩 寬 道 大 不 成 著 臣 日 程 進 不 猶 臣 月 委 限 以 臣 懼 虞 頓 如 無 違 容 滋 仰 是 風

## **辭少司空疏**崇禎丙子正月二十五日上

恩 洊 及 原 事 非 任 常 順 臣 天 義 府 尚 府 難 尹 拜 臣 命 劉 謹 宗 據 周 實 謹 剖 奏 陳 : 爲 以 祈 聖

旨 頃 劉 該 宗 吏 周 部 陞 題 工 : 部 爲 左 欽 侍 奉 郎 上 傳 欽 事 此 奉 欽 聖

> 榮 遵 存 斯 九 承 控 召 臣 私 列之班 至 天 陳 當 方 向 寓 雖 語 未 設 臣 此 以 身 捐 此 之 香 殊 不 羸 在 蒙 糜 而 琳 案 勝 遇 病 牀 由 以 鑒 極 汗 瑯 褥 在 望 何 特 允 而 易 惶 兼 惜 告 之 闕 簡 復 扶 復 日 吅 展 不 而 被 五 掖 寵 勝 頭 側 臣 竟 年于 此 降 至 訖 驚 司 愚 以 殊 京 恩 空之 隕 之 支 恩, 兹 綸 竊 揚 賜 離 臣 署。 有 苟 自 之 挖 就 謹 請 頂 旦 庶 陛 道 即 臣 蒙 踵 草 僚 見 于 何 之 伏 野 恩 兩 而 城 猶 臘 寵 親 特 念 外 疏

之 臣 H 誤 而 再 引 未 不 擬 處 朝 身 暇 于 結 惟 再 事 是 之 此 奉 而 則 臣 義 嚴 遽 臣 初 檢 何 旨 即 叨 罪 舉 抵 ? 聖 此 范 認 都 明 殊 日 至 門 罪 方 常 未 臣 見 開 恩 詞 即 正 把 在 使 命 連 大 覆 骨 過 范 誤 臣 臣 審 如 之仁 聽 方 間 亦 柴, 人 日 何 奉 傳 病 其 旨 夕 敢 苦 待 如 案 -冒 致 下 萬 微 昧 罪 部 有

激 E 刑 范 也 狀 之 仁 部 切 控 處 結 爲 知 體 分 案 陳 此 不 待 之日 容臣 直 則國 能 命之至。 披 勝 臣 誠 此 憲 仍 悃 既 重 方 在 以 任 彰 城 仰 前 生 外 君 祈 死 私 聖 恩 臣 去留 寓 明 非 尚 稍 查 幸。 有 之身 事 臣 所 調 前 臣 未 理 無 聽 暇 H 任 皇 候 及 與

## 再辭少司空疏崇禎丙子正月二十九日上

生 臣 俯 感 賜 荷 原 遣 任 温 還 綸 順 原 再 天 籍 披 府 事 血. 府 悃 尹 仰 臣 祈 劉 聖 宗 慈 周 憐 謹 臣 奏 久 . 爲 病 微 餘

臣 刑 吉 命 方 部 新 謹 席 膺 據 作 該 簡 實 臣 藁 速 控 奏 命 具 待 結 著 奏 陳 罪 爲 仰 間 即 該 聖 祈 祗 衙 莊 聖 恩 門 遵 誦 鑒 洊 供 知 温 及 事 職 道 綸 非 奉 常 再 其 聖 欽 臣 范 申 旨 此 義 特 尚 簡 欽 事 劉 難 遵 情 宗 姑 拜

> 矣。 置 能 以 泣 臣 勉 罪 承 而 聖恩者 雖 不 無 問 奈 前 微 案未 而 臣 起 犬 結 臣 馬 分宜 供 之疾 職 祗 臣 日 承 不 甚 新 覺 命 感 日 以 而 有 從 繼 之 事

之禮 乃 未 脇 前 適 服 有 負 臣 難 結 日 君 恬 勉抵 官, 通 司 而 大 攻 父,若 静 空 不 籍 不 退之節 患 幾三十 伏念臣先年 已 而 升 因 何 三十六年 瘧 聽 或 不 臣 藥 地 目 處 門。 何 負 反 而 加 足 年, 分 眊 貮 微 可 用 前 楚, 以 耳 數 言 卿 以 臣 未 症 脾 坐 過 鳴 至 月 獵 何官,今天下 而 復 數 敢 使 胃受傷 于 以 取 歷 乞 作,臣 精 千 時 氣 來, 猥 俸 骸。 不 時 里 神 日 隔 次 以 不 昏 日 赴 無 有 遂成 胸 不 幸 滿 暈 耗 召 欽 叨 一 日 而 敢 生 六 而 之本 冒 召 又何等 漸 痞 不 不 回 勉 年 止 之命, 不 至 降 症,百 同 輿 成 病 大 懷矣。 藥, 此 廢 陛 疾 痰 艱 前 原 見 計 非 案 自 閉 無 則 慚 于

忱, 恩自 命, 也 以 即 베 銜 ? 聞 臣 可 仰 許 結 便, 倘 不 以 命 臣 臣 祈 足惜 于 臣 若 Ŧī. 聖 故 聖 以 世世 不 官 驚 原 慈 不 明 從 將 感感 不 銜 俯鑒 敢 在 或 靈 П 如 上 以 家 恩 臣 籍 邦 百 斧 假 無 量 欲 臣 調 土 骸 任戦 請, 度, 絶 情 鉞 理 重 如 萬 在 而 而 而 寄 偶 慄待 非 前 臣 何 直 徒 終 者 得 ? 顧 不 述 其 命之至 P 已,收 日 此 其 能 能 此 位 餘 殘 乞 己 臣 寬 其 生 喘 骨骨 于 口 之 臣 間 成 尚 之 乞 所 ?

## **痛切時艱疏**崇禎丙子二月二十三日上

艱 直 陳 工 部 轉 亂 左 侍 爲 治之機 郎 臣 劉 以 宗周 仰 紓 謹 宵 奏 肝 事 爲 痛 切 時

獨 危 本之六經仁義,爲 于 臣 累 嘗 卵 讀 史,至 而 其 臣 唐 一時 陸 德 宗 贄 强 所 明 以 再 自 啓 播 告 用 遷 其 天 之藥,卒 君 下 之

> 今天下 乎事 無以 聖 意 後 天 能 以 有先受其 心 寇之役, 雖 丽 事 有 子焦勞于上 其 而 再 之所 始 挫 在 誦 厭 握 君 造 言之。 狂 轉 亂 禍 御之日 庸 唐 聚 八弊者。 鋒, 亂 皇 之 以 亂 主 室 天下 期 得, 上 爲 也 相 而 乎 誠 減 乎 治之術。 尋, 臣 且 而 兵 而 ! 計 不徵前 乃 苟 膳 南 餉 + 其 及 知 不 臣 然 徹 窺 臣 馳 餘 于 聖 樂 是以 直 臣 江 年 用 臣 事 封 驟 爲 北 鏡 聞 于 之, 請 之 五 之 疆 修 治 之, 慨 兹矣。 推 犯 所 省之 效 道 弭計 然 理 則 皇上: 治 河。 以 之原 不 竊 可 廟 亂 失, 地, 有 旋 以 堂 乃者 至 修 之 庶 請 踵 治 弭 亦 不 之 機 幾 竟 煩 況 也。 世 之 終 知 1 聖 不 勦 天

下 位 代之,甚 -之道, 之初 我 皇上 盛 鋭 猶 心 未 意 以 也。 暇 太 不 平, 世 一一講求, 至于 出 直 一之資 欲 一帝 躋 三王 際 致 世 中 施 而 興 爲 所 唐 之 次 以 運 第之 治 -虞 天 即

間 薄 計 者 諛 故 名 宗 胎 遼 而 日 錢 及 言 베 目 之 自 繁 褻 士 社 盜 糧 日 欺 參于近侍,●腹 政 多 而 而 紳 自 衆 風 罔 己 賊 厰 體 而 好 朝 有 賊 而 監 自 前 之 巳之役 衛 益 日 生之德 民 官 未 廷始有 歸之叢脞 臣 紀 誅 自 習 長 蜂 司 堂 生 愈 得 遂 遣 求 詔 轉 譏 起 ; 瘁; 廉之等失; 貪、 其 及 以 旨 自 , 盛 訪 而 意 謀 瑣 積 要領 Ŧī.  $\equiv$ 自 吏 雜 心 封 自 泯 天 屑 輕 或 而 年 尺 自 愈 寄 總 治 疆 嚴 告 無 者。 士 平 事 法 下 于干 之 理 横 五 刑 自 而 計之 大 良, 遼 責 事 事 刑 不 自 任 與 政 刀 賦 夫之心。 于是首 之 任 體 不覺 外 伸 仰 筆 城,治術 重 人 歲 風 而 愈 輕 説 傷 氛 一斂交 于 人救 承 治 斷 臣 熾 浦 , , 進 孔 日 司 獨 絲 屬 下 獄 自 自 寇 熾, 困 綸 斷 過 底 自 之 尚 自 是 自 以 意 督 糾 天下 不 于 功 詔 數 震 於 撫 敲 以 此 爲 劾 而 而 베 給 壞 無 能 扑 在 王 千 犯 諂 獄 刑 耳 及 禍 恢

之賢, 衷, 交,而 事 吁 行。 罪 權 流 淺 弓 朝 將 念之矯 旌 愈 鮮 咈 陳 廷 懦 咸 使 而 之檄 者 之 子 方冀 得 勒 不 兵 旦 而單 不 將 生 操其 風 限 壯之忠 驕 可 意 撤 日 靈 于是 枉 問 與 盡 辭 收 懦 君 總 益 而 訛 前 此 賊 報 臣 酷 理 ; 一三臣工, 朝 求 歸 説 凡 其 自 而 積 罷 相 總 而 廷 吏之威 治 塗 若 所 投間 1,使大 漸 武 又 遇 之 監之任,重守令之選, 行 愈 炭。 歸 此 之 以 弁 之 威 間 殷 者, 于 勢 抵 廢 调 難 維 **\$** 日 紛 洗 臣 事 或 釀 戅 法, 隙 殺 在 也 并 失 急 心 體 新 爲 以 更 坐 皇 良 窮 和 矣 滌 而 人 之 厲 辜 希 四 得 報 上 于 兵 衷之誼 慮 政 階,遂 心 進 出 不 使 級 督 日 次次 用 文 天 以 過 又 朝 以 市 撫 驕 第 牖 至莫 聯 震 幸 始 井 有 宁 ; , 而 ; 得 于 或 雜 非 無 孟 泰 舉 下 聖 無 自 自

■「首屬意」至「自此」原脱,今據全書本補

杜 之役 培 寬 爲 則 所 誅 以 用 由 蚩 口 베 之業 或 以以 潢 後 杜 收 大 風 以 必 收 不 與 天下 世 至 法 養 雷 首 但 命 夫 拾 池 簡 今 後 杜 下 已 宗 者 皇 體 人才 輕 之 要出 日 世 後 - 泮涣 并 則 也 在 藩 上 則 言 E 衆, 不 藩 世 法 之所 世 之 ; 必 天 今 改 忍輕 政 鎮之釁; 宦 皆 之人人 所 之 世 夢。 日 法 生 重 令; 作 官 王之發 赤 持 詔 堯 以 轉 念 物 ; 又 棄 之 心 子 法 以 亂 除 舜 之 祖 則 何 法 釁 斯 痛 之 者 治 宗 之從 爲 此 心 慎宗 堯 必 虞 民 言 ; 政 治 而 天下 顛 監 三大 以 則 舜 乎 法 之意 前 正 且 施 之 連 古 欲 敬 賢 寇 道 之舍己從 堯 機 懦 日 者 還 仁 釁 之 而 天, 以 而 亂 也。 舜 所 帥 内 治 統 斷 無 法 哉 改 亟 之 遣 而 廷 以 以 而 告 職 以以 以 議 如 可 也 恭 廷 或 致 失 不 以 識 者 率 之途 以 拊 己 寇 家 律 忠 臣 掃 徒 夫 베 矣 祖 道 也 循 齎 苞 之 蚩 之 除 厚 以 無 倚 非

> 者争 以 自 广 内 者 道 矢 解 帑 治 來 先恐後 洲 而 歸 天 行 畢 下之明 面 郡 此 誅 ,又奚煩 陳 或 役。 渠 師 爲 效 之外 險 招 自 也 隘 撫 于 此 猶 使 堅 觀 川 兵 可 壁 境 以 乎 不 清 招 内 哉 殺 野 外 其 聞 聽 無 此 風 其 罪 聖人 慕 不 窮 而 義 損 流 而

以 授 似 華 審 此 獨 益 臣 只 冠帶 要 吏 乎 矣。 體 願 在 披 稱 科 好 皇 而 經 慎 抑 而 歷 惡 史。 臣 給 至 E 獨 有 慎 時 事 之機 之,則 事 于 視 聞 挾 盛 用 黄門,稍 朝 中 日 之,有天 故 事 其 人,誠 講 之暇 聖人 陳 以以 中 品 啓 求二帝、三王之學,求 第 和 未 決 新 時 之 德 如 本 爲 位 用 可 者 道 試 生 平天下要 育 斯 近 遽 舍之路 片言 非 之功 言 御 儒 口 言 史例 事 有 以 臣 大 投 事 語 ; 乞皇 庶 務 而 契, 聽 而 王 若 已 俟數月之 近 求 道 政 上 武 立 尤 不 之誇,情 之餘 之 先 置 生 在 遠 所 其 也 **令** 清 新 致 干 爲 要

之于 者 痛 術 何? 敢 有 爲之臣者,不 之權者,尤不 懲,賞一人而 後 上 之! 以 計 知 ,誠使天下皆回 天縱聖明,卓 ,則短長之效已見于今矣,此 不治者 果 也 堯 熒 有 古之聖人 主 舜之道 伏惟 後 忠言奇計足 一聽, , ,未之有 與之實授 必 皇 能 可 使 則 介,刑一 使千 卓 上 以 國 荷 心 斷 道 有 也 焉 論 上 希 萬 向道以事一人,而 以 事 未 以 人而 以 愈 有 君 堯 堯 人知所勸 晚 若徒 紛, 處 折 好 ,徒取 舜 法 此 必使千 大姦、斷 者,下 治效 不然 爲 舜之志, 日 也 必 固 法 一切 愈 可 必 非 制 夫 ·萬 將 則 大疑 後 爲, 有 禁 臣 可 以 操 而 如 一之所 令而 甚 臣 喜 天 我 勵 知 而 名 焉 之 時 皇 世 決 下 竊 求 所

擢 初 置 貢 伏 念 卿 主 臣 雖 憂 羸 捐 臣 病 糜 辱 餘 曷 之 生,一 啚 義 報 輒 旦 稱 敢 蒙 ? 效 恩 兹當受事 此 起 欵欵,雖 自 田 間 之

> 覽 分 計 臣 之 懷 一,倘 以出位之誅,身膏斧鉞 極 雖 迁 念臣 不 死不恨。 疎 敢 言 無 自 裨 可 後 臣 采 高 昔 無 深 得 賢。 任 萬 激 惟 切 , 皇 而 亦所以畢報 見之施 屏營待命之至 上 品 少 品 垂 堯 行 Z 舜 稱 即 夜 其 之 與 君

## 再申皇極之要疏崇禎丙子二月上

之要 以 I 端 部 治 左 侍 本 事 郎 臣 劉宗周 謹 奏爲 再 申 極

賢 達 大者 心 必 非 也。 其 于 也 物 肌 物 (仁而 血 臣 故 聞 理 脉 而 天 日 先 體 已矣。 : 之也。 下無 注 夫 于 君 堯 腹 臣 道外之治,而道 仁者以天 舜 道 心 一德之交,亦 之仁不徧 之地,工 在 用 而後 地 譬之一 萬 愛 暢 物 之所 人,急 于 爲 身之腹 身然, 几 以爲 肢 親

者? 矣,宜 受成 禮 之者 憑 懦 猶 皇 不 而 베 至 1 -得 一 命命 用 興 于 體 後 以 E 財 或 用之匱乏日 耳 九 票 之 常 爲 獲 我 是皇 其 稱 德 以 論 人之用 卿 皇 懷 擬 罪, 内 用 必 討 廷 又 若 然 大臣矣,既辨官 上 降 閣 時 上 出 而 舉 罪 未 而 且 用 恫 ? 臣 何 終 之不可 極 于天下之賢者 爲 天 敢 有 或以 人 瘝 也。 弊。 矣, 術 下 日 信 而 昔 增 而 靡 民 猶 愈 用 用 不 特簡 者 八九 隱 若 人 不 是 以 長 以 有 閣 人、 所 乃 才 巨 得 皇 至 也 疎 不 臣 固 進 年之間 召 之 細 而 已 獄 而 又錯 得 1 ò 己。 嘗 而 對 摧 綜 理 終 濫 論之, 前 而 其 今 乃 具 不 時 折 覈 財、 出 從 刑 日 所 帝 聖 足 日 有 何 繁、兵 特 之以 勤 用 日 者 明 心 而 群 又 天 而 也 不 以 自 甚 簡 九 E 惇 代 前 或 臣 知 而 地 何 票擬 識 卿 未 公 理 爲 皇 其 特 以 驕 拱 典 見 萬 也 者, 簡 卿 可 將 財 手 庸 上 賢 屈 官 而 物

> 之任 閔焉 得 皇 也 效 是 非 臣 出 而 H 軌 懸鞀 天下 出 言 上 也 ,顧上之人能用 非之實,國 下 而 即 訓誠 訪宗 0 獻 言 以 進 咸 間 -賢者 建 至 爲 不 以 可 極一 有 亦 是 乏造 鼓 潢 是, 替 爲 矯 足 皇上 而 以 否 是 時苦心。 其 羅 是 而 稱 用之。」 膝 來天下之言,而 非 草 輔 遂終于 補 熙 而 之談,仍令以 與不 亦 者, 澤 臣 闕 朝 部、 誰 莫 之 拾 臣謂 而 搜 能 皇 院 可 敢 不 遺 盛 皇 用 兔罝之英,参中 與 上 矯其 者 天下 可 節 上 臺、 耳 固 共天下 問 ? 矣。 亦 日 非 省 未 不 所 無 : 始 ; . 得 莫 嘗 是皇 未 然 從 者? 既 焉 吾 敢 無 盡 一言之 孰 而 第 上 矯 皇 得 者 有 関 紋 不 涓 其 輔 爲 其 投

壅閉 明 而 四 必 之路 以 目 天 舜之急親 達 下 也 四 之耳 聰 以 賢 今日 目 蓋 聖 也 公 求賢 天 人 詢 不 下 于 若 之 敢 四 渴 視 自 岳 如 聽 有 皇 闢 其 所 聰 几 以 門 明 決 而

又何 愚 遠 天 之私或 終日用 察之也。 日 有 于百 矣,天 下之爲賢人君子裹足 壅 也 皇 君 賢,而 累 ? 里。」言壅閉之易生 上 門 下 此 雖然,皇上自 焉故也。 遠 之 仁者以 皆 庶 于 聰 轉 幾 愚, 萬 明 用 可 而 天 里, 愚 而 皇上 以 地 還 不肖之士 教 逆 堂 有 萬 以 亦 而 閉 E 而 其聰 物 其 去其 臣 也 其 遠 不 爲 愚 之 途 人 于 明,而 者 (聰明 也。 也 願 體 Ť 于廷, 者 l。」是· 當 皇上 里 乎 若 皇 聖 而 天 皇 之熟 堂 是 上 下 得 智 有 者 上 之 皆 我 語 無 而

此 亦 臣 歸 稍 慮 而天下治 惟 啓 皇上焦勞太過,有舉職要之説 于 語 皇 其 慎 曰 端 上 獨 :「有天 于 而 ,此之謂皇 齋 是以 未 居 竟 一德然 聖 恭 其 默 説 人 後 極 之時 · 臣 紸 可 之要。 纊 以 謹 恍 凝 行 爲 旒 然 王 推 臣常 以進者 道。 自 明 淡 見 之 然 見 其 如 其 廷 無

獨體,而于時保之,臣有以知天下之不足

治

也

三申皇極之要疏

工部左侍郎臣劉宗周謹奏:爲一

申

極

之

要

以

決

萬

世

治

安

事

艱 明 民 亦 故 孟 自 在 也 惟 己。 萬 0 之不幸也。 爲 世 直 即 世。 及其 教 書,家自 是託之空言,以 臣 接 位之後 聞 明 而究之治統,散 堯 衰 古 又千百餘 而 舜 也,孔 之 人 即即 以 爲説 洪 帝王 心 來 惟 表 正,天下之所以 孟 相 年, 道 章 我 且 留 不 傳之統。 統與治統 朱 太 遭 得已 而 有宋諸 人心之一綫,而 熹之 祖 世 無 高 喪 而 歸 學,以 皇 分道 亂 儒 于 則 帝 合而爲一 繼之,然 是 爲 久安長治 亦 統之任 世 天 F. 力 斯 縱 溯 愈 世 功 顧 風 聰 斯 以 孔

毒 心 澌 其 殺 心 滅殆 之 爲 天下之學孔 人 正 盡 心 此 幾 世 于 固 教  $\equiv$ 天之所 如 孟 代 者 日 以 列 而 開 聖 以 至 聖 上 承 干 人 之, 擬 崔 也 孔 魏 遞 肆 加

之舊 謝 詐 懽 封 于 切 頃 轉 而 也 不 之 疆 救 計 伏 得 迫 客 近 以 之 過 讀 傳 籌 自皇 致 以 類 日 出 天 謂 臣 膏 聖 曰 市 也 于 敬 兵 下 大 言官 不 帝 肓 諭 公 傾 本 議 方 受 務 以 危 日 設 几 大 餉 延 不 定 命 此 皇 故 ; 敝 郊 原 頸 務持公道 大計 無 中 皇 上 小 多 誇 宜 衛 以 興 時 有 臣 禁 上 壨 詐 在 之 望 前 纂 也, 虚 餽 惡 不 皇 日 譏 太 卿 日 務 遺 情 功 大 開, 揚 極 平。 大 冒 而 修 即 面 臣 之 前 則 夫之 臣 實 論 職 以 于 地 不 烈 諸 則 一當 而 功 主 掌 殺 務 厰 罕 臣 諸 辱 乃 復 求 而 于 講 良, 衛 引 覯 者 臣 而 還 其 也 不 風 和 爲 0 皆 計 説 時 袖 杜 盡 祖 聞 衷 夤 門 誇 深 臣 交 出 然 艱 宗 而

> 矣。 主 事 以 獄 究 誣 至 緣 有 夙 著,益於 將 幾 機 竟 不 善 皇 ; 追 亦 總 立 于 械 可言者矣。 行 1 貶 註 變 中 主 再 極 氣類之 踪 群 詐 銷 壞 于 議 調 力 賢, 跡 之巧, 之 崔、 論 停 破 其 法 若 以 除 偶 相 疑 魏 臣 赤 勢 成 違 門 鬭 因 似 即 之 于 子 紹 必 户 其 而 以 毒 必 是 聖 之 至 而 雖 至 富 註 推 而 之 背 説 者 而 盡 貴 彼 銷 求 痛 傳 紛 父 逐 也 功 此 塗 其 而 人心之爲 母 染 紛 名 正 各 至 主 諸 至 之捷 有 尊 士 使 而 臣 今, 依 之 卒 再 或 又 傍, 耳 借 使 猶 禍 事 起 風 而 目 戕 或 得 列 愈 大 聲 以 而

妨 小小 極 教 賢 之 莫 人 推 以 若 兩 本 地 베 天 者 于 道 臣 地 決 先 用 臣 以 萬 觀 爲 人, 王 好 物 欲 《大學》 之道 至 惡之路 爲 引《 正 以 X 體 秦 道 心 書,言 故 而 誓 之,而 莫 歸 能 所 如 好 稱 明 平天下 其 人 大臣 世 本 所 教 則 之要 容 蓋 在 明 賢 惟 皇 惡 世

貴 致之微 之念 筵之 安 明 心 其 端 當 其 風 與 也 此《大學》之道 之 首 自 以 得 明 于 好 功 所 撥 則 知 德 踐 之 臨 復 皇 此 俱 惡 ,乃始從 與 必 亂 人 有 先 于 其 前 于 惡 明 御 原 而 極 爲 以 人 廉 夫 下 實 淳 之當 非 矣 儒 講 于 治 由 則 知 一己之明 恥 不 讀 格 程 政 容 是 在 天下 自 有 也 所 勤 將 之後 惡 致 頤 進 反 事 論 而 皇 君 也, 以 修 坐 掌 之 質 自 之 不 上 倘 父, 而 夫 不 講 者 齊 間 德 誠 然 上 此 復 人 躬 又 非 使天下 可 之規 不 治 既 意 而 下 而 知 亦資 是皇 親 何 獨 心 不 平 明 古 過 修 以 不 有 聖 知 以 而 呕 審 今, 循 復 皆 以 聞 學 機 之 能 化 1 或 講 而天下之明 以 其幾,進 故 知 作 務 繼 械 其 家 有 見 始。 地 好 也 貫 事 有 崇 求 皇 變 能 反 自 以 而 真 之, 而 功 儒 方今 詐 明 端 己。 今欲 祖 此 惡 知 側 名 之 其 善 而 所 于 重 乎 而 接 X 民 富 明 謂 德 正 格 道 必 即 經 求 之 乃 ?

> 謂 也 堯、 也 記 禹 > 日 湯、 文、 化 民 武 成 之 俗 傳 必 爲 千 由 于 萬 學。」 世 開 此 太 之 平

良 繁 防 發 古 隱 乎 曠 論 從 其 差 典 而 及 吾 人 無 心 日 定一王 或 等 真 本心之良,而 至 乃自· 孟子 惡、辭讓、是非之心 之誇 情 初 近 則 仍 愈隱 方 日 曰 : E 四端之心 乞 孝 理 詐 導 一之道 勅 孺 學名 之乎 伺 亦 下 曹端 察 日 已 廷 臣 極,人 人心 勝 吾姑 亦 無 議 如 而 而 所 萬 鄒 酌 苟 非 也。 以法繩之,計 心 下 不 古 元 與 免 諸 世 至 標、 人 從 又 反 臣 教 矣。 日 也 甚 祀 高 日 其 0 補 攀 然 益 今 累 民 龍 典 不 之 文 所 心 朝 無 有 以 無 法 務 萬 惻 裨 之 并 馮

羸 生 病 伏 日 無 念 遭 由 臣 際 勉 少 聖 效 不 犬 明 知 馬 捐 學 輒 糜 長 不 何 而 勝 恤 其 無 欵 聞 惟 欵之愚 溝 是 半 壑 生 餘

至 베 鑒 再 至 臣 臣 感 死 念 且 不 時 艱 聲 淚 俱 盡 惟 聖 明 憐

恭申對揚疏崇禎丙子三月初六日上

綸 恭 申 工 對 部 揚之 左 侍 忱 郎 以 臣 啚 劉 宗 報 周 稱 謹 事 : 爲 頂 戴 明

步,歸 旨 誤 所 功 無 南 大 臣 能 奈 爲 待 或 渡 家。 表 論 頃 命 士 劉 咎 將 可 見 事 該 風 宗 朝 爲 捧 何 ? 該 臣 又 周 須 以 廷 誦 殷 部 不 素 具 體 以 爲 明 鑒 知 及 奏 有 後 如 或 或 綸, 道 宋。 還 清 爲 流 度 ? 堯 仰 名 宜 寇 時 痛 欽 舜 北 見 總 聽 不 虚 切 召 此 事 我 宋 理 其 心 時 當 來 業, 皇上 未 向 酌 自 欽 效 亦 艱 任 無 窮 慮 詎 遵。 多 等 小 之前 二豐 虚 不 毋 貪 直 臣 事 懷 臣 願 欺 言。 自 置 盛 奉 終 占 方 誤 慕 任 有 節 席 其 聖 以 何 至 地 但

> 于對揚 擇 不 雖 覺 ··, 至 微臣 撫 事 之忱 之言出 心 商求,藹若家人父子之告 欲 絶 也。 ,繼之以 于 臣請 狂 瞽 遂以堯舜 之極 輾轉 者 迴 環, 之 猶 道 而 語 然 進 不 不 容 臣 廢 乃 采

人 是 安 巍 此 政 無 古 上 動 得 英明一 心 倚 己 民 事 以之官人,而 焕 無 堯 而 念謹 具 道 伏 與 之 則 夫 吾 舜 與 ? 堯舜之所以 不 惠, 心 之機,出于人心 地, 之道 固 亂 ·世出 堯舜之心矣。 凛 之辨,求 而 口 不 即 極 本 是道 所 事 自 其 求 之乃在 又生而 知 歟 爲 知 效 治 ? 人 其 約 心之主 也 至 而 爲 則 所謂 而 于 又 過 聖者,非 遠 十六字之傳, 哲 易 惟 乃 時 四 而 乎聲色貨利之習 不 中者 操 也 時 是 過 時 方 以之治天下 免 人心道 者 而 不 從 而 爲 于 以 而 如 及之端 謹 提 欲,黎 精 害 其 執 此 凛 醒 治 之。 致謹 事 心 之。 之日 者 業 爲 庶 授之 不 我 能 之 有 皇 由 執 即 風 于 而

業 坐待昇 事業 亦 無 中 前 語 乃求 止 誠 恃 至 轉 上 墊 不 之事 平 堯 此 以 生一退諉之心,以爲 阻 己 願 舜 堯 執 計 慕 飢 中 無 業之著 舜之心爲 其 日 ? 遍天 以 之心法 爲 而 加 又若 時 堯 下 矣 己 而 舜 , 勞于 然詳 心,政 姑 而 不 反 矣。 ·
啻數 堯 自 失 舜 求 退 考 其 今 不 不 賢 不 其 諉 + É 心 必 口 焉 年 而 以 時 源 幾及 : 預 之久 洪 故 用之,以 歟 期 堯 何 貶 也。 其 水 也 舜 矣。 聖, 爲 事 夫 事

畏, 之以 贵 彼 彼 權 在 將 無 未 位 ,終不外 犬馬 有 者 奴 巧言令色 惟 時 隸 是 不 所 君 有 股 自 在 若 彼 皇 君 肱 爲 皆 將 臣 上之心。 無 孔 心 也 是。 犬 惟 臣 0 壬 膂 馬 干 賡 其 然 自 自 而 歌 人 爲 則 古 漢 臣 爲 喜 ? 視之 者。 同 也 臣 以 起 賈 嘆。 爲 而 于一堂之上 以 雖 視 誼 轉 顧 之以 股 堯 貪欺 有 移 以 舜 肱 言 化 爲 之時 奴 心 成 導 不 習 膂 隸 視 足 之 而

> 己。 心堯 也。 民 也 舜 語 流 之心 寇之爲 日 : 以 撫 中 撫 我 原 民 則 毒 耳 后 也 不 虐 原 患寇之不 我 其 則 初 unit in the second sec 朝 還 皇 廷 爲 上 赤 但 子

之學孔 渡,此 之 航 與 或 禍 用 競 亦 而 幸 千 綱 彌 勢 海 作 兵之 起 播 之後 而 常 古 縫 奄 竄 夫 而 所 之禍 宋 孟 得 有 闕 馴 議 奄 争 謂 文 者 朋 誠 失, 猶 失之鑒 至 之,争之不 時 勢 無 前 實 黨之説。 不 蔡京 人心 信 事 卒 賴 不 始 必有宗 自 延 或 得 朱、 于王 也 網 用 風 擾 且 南 不 日諸 盡 俗 者 事 奮 渡 足, 加 崔、魏之亂 一安石 藩、 今天下 之,謂之門户。 之厚 , 也 起 之業幾 或 賦 大 而 而 方鎮、 病 勢 儒 黨 又有 自 扶三百 民 自 日 道 此 論 時 蹙,遂 宦官 皇 學 首 興, 諱 如 白 于 君 言恢 祖 此 殺 年 年。 空 是 臣 綫 之釁 以 者 Ė 至 或 天 君 驟 自 復 下 此 絶 南 Z 起 則 相 子 至

學爲 用之不 之病 周 紛 之途, 惠世 時 明 也 不 啚 及 不 人 也 £ 宋 在 知 人 起,終致人才落 也 書 事 揚 有 惟 而 孔孟之學,永 御 知 此 酌薦舉之格,并絶 ,請必 蚤, 而 皇 堯 君 總之,天下之治, 而 功 一人,受錮 有 漸 上 舜 集 媒進者, 用,孫慎 父, 利 則此 開 深 ; 事 禄 以 蕩 士 致 自 業 而 堯 外 平之路 風 意 教化推 所 庶幾士 不 杜 舜 行之垂 者 落 之壞 可 焉 以 知 朋 之道率天下, + 以 有 上 黨之説 年 屈 類 有 行,則 從 天下希旨生 廉 指 而 下 死 風 而 推 由 本 議 恥 也而 後 丕 先 與 矣。 然 源 于是 論 變, 朝 用 天 神 矣。 知 執 紛 若鄒 遺 用,尤恨 地 皇 不 使天 有 而 要, 糾 直 同 役 上 廣 或 身 事 流 則 起 下 誠 媒 日 家 而 事 維 無 者 鑒 智 事 可 紛 廢 皆 其 孽 聖 璉 如 而

有

昔

孟

子

道

性

善言

必

稱

堯

舜,

而

繼

之

爲者亦若是」,乃知堯舜

人人可

爲,此

性

察。 迂疎,未 定, 黽 虞之治, 甚 故 疑 即 高 安能、 勉 堯 雖以漢文帝之賢,而 而後 舜之 臣 論」,其志不足 以 無 <u>小</u> 諳 期 惟 天 任 性 逭 時 是 下之治成 感激悚惶待命之至 必 此 務 水堅 自 有 仰 心 誤 爲 即 厥 承天 之志 誤 稱 堯 一、一天 志 也。 謂張釋之曰「卑 舜 國之譴,統 而 語 之心 將以 己。 而不 戒 故 飭, 又曰:「 若 皇 惑 苟 微 上 敢 于 非 祈 再 臣 雜 不 深 夙 開 君 之 信 明 識 霸 夜 志 驗 本 無 唐

### 劉蕺山先生集卷十一

### 奏疏四

### 請禁言利疏

П 敢 世 懷 道 利 工 事 部 事 君 左 仰 侍 祈 郎 聖鑒 臣 劉 并 宗 勅 唐 禁天下 謹 奏 : ·言利 爲 微 以 臣 挽 不

捐 無 各 報 者 説 聽。」 捐 先 而 是 助 處 於 有 今大學 聞 此 差,將遂及九 臼 寺 士温體 缺 馬 價 仁等及勳臣 卿 嘗 以下,臣 奉 明 旨 乃 朱 不 純 能 臣 願

> 見告, 躬自 之臣 矣,自 德, 寵賂 心 寇 或 忠 又 而 베 傳》 與 捐 亦 亦 貞 時 四 、不聞 奉 利 議 ! 効 不 短 起 臣 日 滿 重 者? 牆以 也。 聞 可 急公之旨,諸 以 章 此臣 貫 者 日 之,爲 以 捐 其 也。」皇上嘗禁天下 或 辟 煩 而 故 及於馬價,亦 助 化天下。 所謂 即 出 縣 上 家之敗, 卜式輸邊,公孫 罷 輕 於利 人臣 官,拮据 ? 無 者 歲之中 利 不 者 戍。 也。 也 臣 倘 今國 重 竭 由 遂 於 者 中 ·, 捐 且. 如 股 又 官 行 此 何 外, 家 辟, 肱 嘗 夫 以 邪 當報 之, 無 陵 弘即以 禍 以賂矣,數金 輯 利 之力,濟 嚴 也 乃 輕 諸 工 辱 亂 即即 瑞 贓 沾 者 稱 、捐 臣 或 相 何 官之失 吏之誅 沾 孰 戍 萬 爲 破 尋, 滋 城 典 有 爲 之 家 不 甚 也 工 ? 市 軌 厞 流 狥

弘 旦 改,不再 原 作 「宏」, 出校。 避 乾 隆 帝 弘 曆 諱 今回 改。 下文皆

樂 邀 即 時 再 H 而 開 捐 有 寵 短 内 士 廷 矣 大 此 牆 地  $\equiv$ 之臣 **/**,尤 紛 ,終將 四 夫方凛然勵 之役,率先 紛 捐 而 捐 荷 取 勢 效之,又何誅 助 償 奉 不 乎 於朝廷 皇 能 捐 哉 羔羊之節 上 不 助 割 約 又過 東,亦 以 之養廉 焉 足 從 之耳 ? 豊 而 節 之餘 凡 今者 有 省, 此 私 則 者 亦 以 賂 藏 也 捐 何 爲 自 ?

食監 來,不 利 乞 申 説 下 啚 屬 播 者 以 法 進 以 以 門 律之 過 時 壟 爲 佐 相 臣 邇聲色,不殖 艱 接 於 緩 斷之行, 人 之養,固 此 主 是 教,尚 急之計,有 未艾,水 西襄 以 而 而 成 往 務 重 盜 有 率天 將 介 財 衡 有感矣。 賊公行之世,而天下 胄之能,長 貨利,身衣三澣之衣 極 用 度 意 下 出 猥 也 支 君 於 以 褻 動 臣、 萬 恭 競 不 詘 皇 儉 不 以 可 遊 父子、兄 經費 上自 獲 言 化 頭 説之習, 會 已者 天 者 即 箕 下。 思 弟 之禍 益 斂 欲 位 天 懷 決 復 之 他 以 而  $\Box$ 

> 尚 遂 不 日 可 甚 不 謹 日 也 而 不 可 救。 甚 矣! 人 主 之 好

問 計 所 爲 臣 禍 縮 得已之役,停不急之務 以 存 道,是以 用 不 大 毛將 望 盜 盈 此 義 舒 諱 大夫 二三有 · 中 乃知生財之道, 理 爲 于 捐 臣 保 有 而 聞 財, 利。」今天下 助 此子 古 不言 安 原 尤 謂之大道,故 不 之,天 胡 附 惓 以 中 赤 而 司 ? 爲 遺。 惓 生 爲 ·於利 地數 多寡 多 乎 於聚 財 炯 子 若議 方 之道 而 戒 來 千 者 不 既 招 即 斂 哉 又 里 誠 言 以 食 曰 故 撫 事 輾 絜 之戒 ? 即《大學》言平 不 有 有 已無 議 横 鹿 矩 過 轉 稍 見 事 無 語 臺 用 征 生衆人 或 木 且, 於 從 爲 與 一、鉅 之 生財 曰: 之以 不 諸 亡 則 農桑衣食之 撙 民 以 故 食 以 請 或 橋 侯 節 同 爲 之衆 日日 寡 捐 利 皮 愛養 皇 敗家 好 甚 不 天下, 助、試 爲 瓊 爲 之 言 驅 惡 F. 於 矣。 林 利 罷 之 盜 疾 之 盈 起 民

屏

待

兵、工三 飾、多器 今中外各官,弗復行捐 下有 君子而用之者。 他 項, 示取舍之準,尊仁 不 出 倘 矣。 城 部 可 徒 之,未有不 孰 正變之日 歲 歲造各不下萬計, 臺 通 械 以 爲 然荷 省三分之一, 局 城 非 以 類 粉 自 牆 籌算,先定 事 推 非 飾 敝 在可已 城城 乎 大 人主 以 軍 伏惟皇上洞觀治忽之 如 垛、 平 利 前大 此 明 義 與 ]者? 爲 助 天 亦 規 而 大 倥 以 而 義 因 壇 計 歲 模,不 亦 道 後 偬 陳相 長 諸 仍 省 以 又 無 言 富 之要, 苟 興 金 事 如 聚斂之小 得多 强 請 且 利之習, 積, 作 錢 軍 屑 之計 勅 先 特 屑 + 需 漸 衡 兵、 勅 慎 於 歸 餘 以 侍 者 著 屯 法侍 旨 通 官 修 内内 郎 確 行 販 仰 郎 吴 實 立 前 佐 工

萬,其

朽

敗

項、四

本次

如

近

日

見

而

乎德

而

言利

爲

多

幾,明

爲

自

天

其 切 説 如 臣 不 此 肖 願 之至。 竊 與 有 廷 聞 臣 於義 交勗 利 之耳 之辨 臣 敢 無 爲 任 推 激 明

> 部 錢 法 左 末 侍 郎 議 臣 事 劉宗 周 謹 奏: 爲 遵 奉 明

究,其 旨 紀 事 「一字 應 宜 錢、禁私 軍 否 依 責 外各該 吴國 者 議 設立? 或 限 勅 成 八等著 民 大 收 行 仕 坊 但 錢、 兩 仕 錢 買 參 衙門 官 不 利 法 口 廣 有 處 盡 許 送 嚴稽 該 奏 收 仍 嚴緝 收 部 玩 事 衙 刑 該 放 違 私 核 役 法 出 部 部 禁私 奉 户 參拏究治, 鑄 議 乘 俱 知 經 問 入,尤是 聖旨 部 例 於錢 具 機 道 擬, 紀 欽 行 販 奏。」 生 李 奉 制 楊大 收收 欽 擾 法 八 『是奏 疏 錢 上 欽 此。 務期 有 等, 放、作 通 傳, 併 此 及 裨。 在 要 官 奉 行 續 上 内 該 法 女好 經 罰 緝 聖 該 下 錢 或 至 疏

旨 管 侍 概 數 聽 市 臣 户 部 仕 几 工 前 Ŧī. 言 者 部 郎 禁絶 時 作 彌 理 後 文 接 一尚 回 則 環 詳 訪 來 詔 月 未 出 未 工 寶 臣 何 之民 臣念行 文 亦 旨 是 見 E 經 詢 其 猶 源 未 畫 事 ,皆責 通 傳 確 П 否足 敢 以 局 敢 以 間 奏,復 理 議 行 ? 無 員 前 提 遽 法之 俱 錢 説 議 外 舊 以 已 成 督 有 速 至 不 周 法 郎 户 錢 於 而 爲 該 錢 行 陳 初, 一禁外 處 便 部 本 許 流 聽 原 未 本 法 奏 瀆 於 人 于 取 月 盡 通? 從 或 而 部 奪。」 爲 錢, 情 此 + 新 便 民 楨 不 尚 專 而 因 乎 難 令,至 原 民 七 便,又 及 遵 欽 不 書 職 著 有 於 臣 防 日 行 者 意 劉 此 詳 户 今 慮 見 部 低 聖 部 新 詢 有 遵 也 稱 始 假 邸 去 明 臣 確 憲 然 錢 因 苦 及 後 若 抄 錢 六 己 故 劄 伏 議 前 臣 無 而 静 讀 之 再 罷 接 法 定 + 户 行 在 而

之所 不 臣 能 聞 强 王 道 也 本 乎 況 人情 錢之爲言 人 情 泉 之 也 所 趨 又 謂 或 之 法

> 禁乎? 導之。 者, 則 也 絶 文 者 取 下 睘 而 無 自 未 定 與 何 己。 便 府 行 是 禁之且 而 而 以 數。」 民 民 見 而 否 可 本 른 同 如 使新錢常貴 通 有 行 足 以 日 臣 行。」 利之德 法 爲 以 語 於 以 流 : 如 謂 於此 滋擾,但 闡 上 周 通 固 日 臣 禁外 不 繹 者。 流 上 意 謂 己 必 之。 請 ? 下 矣。 强 不 得 錢 舊錢 舊 大哉 姑 嚴 , 之 必 其 臣 原 錢 如 而 因 今 低 强 使 常 大 聽 防 謂 日 成 人情 請 王 假 端 之 定 賤 低 從 不 : 制 言 之 就 使 假 也 民 必 未 之 低 防 而 新 明 ! 行 若 便, 禁 有 聽 所 假 錢 諭 曉 而 也 之 錢 便 錢 然 已 其 六 之 不 又 使 獨 概 自 而 聽 十 所 於 法 行 稱 利 然 絶 禁 定 苦 其 Ŧi. 及 王 本 於

糧 新 錢 若 有 贓 在 收 罰 酌 舊 皆 收 錢 例 法。 亦 收 新 有 如 錢 收 收 之以 若 而 房 若 號 事 八 若 例 銀 錢 若 税 也 税

之,民 用 制 使 若 新 自 大 吏 從 悉 之,民 錢 法 其 自 E 師 銀 隋 贖 貴 裁 E 生 軍 錢 時 鍰 未 估 凡 需 賤 裁 俸 也 估 皆 未 有 舊 自 民 者 廩、 新 特 有 舊 者 例 不 間 也 既 不 錢 從 衙 者 從 悉 收 交易 錢 分 安於貴 優 役 有 悉 舊 隨 其 以以 其 卹 放 錢 從 工 貴 時 在 下 貴 估 皆 食 時 估 賤 舊 酌 者, 賤 賤 自 新 估 者 皆 例 錢 放 者 而 者 許 既 也 放 例 亦 法 錢 收 也 制 既 分 用 舊 有 放 之, 以 自 分 又 其 舊 錢 放 如 新 上 貴 其 錢 放 民 錢 者 裁 貴 之 在 賤 未 新 而 ; 賤 若 許 酌 者 若 以 舊 新 而 有 者 官 制 而 用 行 放 者 不

錢 萬 銅 賤 曆 視 項 時 值 萬 是 錢 爲 平 曆 禁 式 ? 鑄 以 濫 本 且 法 前 惡 進 銅 官 良 之 低 而 加 楛 新 視 增 川 懸 鑄 嘉 制 銅 甚 益 料 隆 臣 劣 而 查 更 則 臣 亦 沂 定 體 部 何 日 質 字 怪 近 所 既 樣 用 民 鑄 殊 如 間 鉋 制

請 各 兑 之 者 鑄 銅 多 行 臣 盡 部 不 所 土 新 不不 换 著之有 經 省 例 舊 舊 頗 以 以 除 本 以 錢 聽 直 收 紀 益 錢 聞 爲 通 分 銅 訪 南 不 · 特 錢 司 貴 京 之 價 官 故 擾 上 買 而 九 期 舊 不 坊 身家 不 下 收 每 門 道 者 行 户、工二 鑄 也 貴 錢 收 期 官 之血 之; 坊 路 使 以 也 太 特 賤 而 買 賤 以 者 外 其 量 亦 0 多 京 并 愈 盡 違 訪 而 設 脈 分 但 凡 至 聽 鑄 故 貴 但 局 制 漸 舖 制 而 可 新 於 行 以 壅 其 也 有 矣 外 人, 之 行 賤 户 錢 知 外 舊 新 新 新 進 罪 使 矣。 中 并 亦 ; 盡 錢 省 錢 官 錢 統 錢 低 於 罪 且 但 亦 京 賤 直 絡 廢 而 之 舊 鑄 領 錢 是 于 之。 盡 有 聽 鑄 矣 低 天 繹 不 但 錢 諸 假 多 禁 是 買 可 其 亦 , 下 昂 行 捆 行 分 錢 小 而 低 官 議 則 低 知 艱 低 官 别 前 者 舊 新 舖 人 私 錢 假 設 錢 矣。 鑄 私 鑄 兑换 錢 錢 京 鑄 之 假 必 多 是 假 聽 行 錢 在 師 不 之 V 錢 官 亦 則 報 錢 漸 該 大 而 舊

師 天 例 F 而 私 外 鑄 錢 自 必 不 使 禁 外 省 而 直 漸 絶 新 矣。 舊 兼 行 悉 如 京

愧 在 是 無 不 數 要之國 國之利器 奉 遵 事 礙 注於 得 行 揚 於 人 臣 情 家 臣 非 天 仰 彼 之 子 切 當 不 者 祈 不 不 所 知 休 把 權 聖 必 必 可 便, 隨 命 持 大 明 挹 縷 示人。」 産 若 之術 體 采 所 于 縷 起 擇 及之。 此 爲 其 不 爐 施 大 他 況 此 當 行 取 故 其 天 已 王 較 臣 勢 息 必 經 地 道 小 識 於 而 饒 户 生 也 利 利 行 短 而 部 財 導之, 才 法之中 裕 條 臣 止 語 踈 或 議 敢 有 日 便 見 以 絶 此 自

### 請告疏

理 疾 以 陡 終 發 工 帷 萬 部 蓋 難 左 侍 報 事 效 郎 殊 臣 恩 劉 仰 宗 祈聖慈 周 謹 奏 俯 : 容 爲 微 П 籍 臣 危 調

慳 天 任 七月 卿 兹 至 成 不 以 以 來 今 削 任 輔 血 痞 以告 游 職。 府 禮 劇 圖 非 籍 動 太僕 日 部 積 常 内 任 脈 報 府 臣 歷四 不 辜 之典, 恭遇 百 伏 者。 尹 儀 閉 稱 叨 感 勝 寺 黽 特 恩 ,叨任 念臣 中 塞 制 於 朝 其支 冒 法 少 勉 蒙 遇, 緣 皇 萬 萬 司 卿 痰 風 在 難 從 欽 主 屢 曆 上 臣 離 在 邪 公 火 攻 此 召 介草茅 進 事 登 通 中 載 怔 木 京 臣 溝 來 寒熱 疲 + 攻 屢 政 極 年 忡 頓 告 光 兆 之 京, 勞 斷 之 使司 九 退 以 之狀,有勢難 禄寺寺丞、尚 己 分 于 餘 交 其 年 愈 病 日 荷荷 脾 本 遭際 然。 崇 作 也 生 進 回 甚 來 峻 右 胃 年 蒙 禎 籍 通 士 有 受 誓許 聖 正 體 旬 即 乃 皇 一,授行 忽 漸 政 傷 日 明 月 亦 今 於 崇禎 年 臣 E 之君 皆未 内, 前前 以 愈 寶司 前 作 腹 終 起 福 來, 羸 月 隱 日 内 薄 養 陞 陞 日 後 八 父, 任 受 或 叨 年 順 遂 起 以 任 以 命 ル 歷 而

生 賜 慈 能 所 科 切 以 吐 之 罷 控 前 憐 能 仰 或 年 陳 任 免 啚 瀉 臣 驟 穎 待 府 久 報 起 咸 畫 仍 尹 命 力 稱 病 謂 夜 之 鑒 疾 職 則 未 口 至 不 臣 惽 銜 痊 知 臣 元 受 寧 憒 П 雖 0 復 籍 事 爲 有 氣 僅 不 感 未 調 品 此 在 存 知 幾 新 理 伏 品 絶 微 所 負 菑 枕 續 狗 臣 息 云 之 馬 萬 百 雖 恩 之心 交, 吅 難 死 深 醫 臣 黎 之日 供 重 無 非 生 姑 職 任 祈 亦 王 激 猶 許 特 宏 聖 不 藥

### 再請告疏

未 痊 再 T. 懇 部 天 左 恩 侍 特 郎 賜 臣 罷 劉 宗 斥 以 周 重 謹 官 奏 守 事 爲 臣 病 久

控 矢 陳 盡 旋 瘁 頃 臣 奉 于 温 本 逢 旨 郊 月 著 祀 初 大  $\equiv$ 臣 典 日 供 職 職 因 驟 掌 臣 攸 感 感 弱 危 天 症 恩 疾 具 見 義 疏

皇 商 則 者 違 暈 痰 年 驟 朝 以 前 不 止 不 ൬ 加 臣 E 未 蒙 與 如 感 遑 司 力 如 T. 且 得 而 而 子 恩 空 程 藥 絮 者 能 轉 坐 之 如 孰 邀省察, 每 與 之義。 一雲霧 之 臣 瘁 起 餌 負 優 連 症 限 於 積 年 知 至 用 爲 容 勤 職 也 日 臣 執 不 必 火 在 緣 掌 中 惰 夜 事 劇 比 日 症 如 脾 在 温 病 而 難 頃 之列 時 較 病 由 而 于 灼 而 提 虚 命 近 今 臣 臣 稽 狼 衰 夏 來已三 臣 督 則 暴 重 也 見 自 致 在 ; 秋 日 龄 狽 體 幸 姦 宣 下 Ι. 科 又 福 司 庚 氣 之 日 商 更 程 有 復 管 而 空 過 午 抄 狀 有 逼 + 兼 則 之宿 不 加 事 有 之 理 得 而 升 之 年,浸 遂 而 驟 臣 憊 勝 竣 療 堂 錢 災 民 請 積 而 不 感 後 矣 其 逋 法 法 本 日 愈 以 敢 無 痞 先 劇 似 而 莫 源 其 日 許 生 來 降 不 古 如 問 者 臣 比 披 口 臣 間 曠 窮 任 視 瑚 請 盤 較 之 露 復 不 無 頭 以 所 啓 敢 虞 即 重 既 旋 積 驟 謂 處 銅 以 御 H

累 惟 受也 遣 綸 之身,故 鄉 愈見其短 論 是 及 聖 無 人 何 于臣 明 叨 能 問 頗 知 摠之,臣才本 冒 愈覺 煌 知 , 視 人之哲。 逾 煌三尺? 臣 臣于幹 涯 臣 其 則 前 一,終鮮 近 疎。 日 至 狀 才諝 可可 臣 濟 其謬 有 薄 報 每 本 臣 爲 稱 清 踈 而 相 不 如 實 足 夜 引 負 重之以 此 而 録 魂 國 暱 9 處之以 又安用 消 者,臣 負 蓋 多病 恩, 則 無 瑚 日 之? 以 多 亦 且. 爲 病 自 故 仰 臣 經 不

隕 延 命之至。 職 首 餘 之苦情, 息,以 仰 殁 惟 圖 聖 終 量從罷 啣 慈 始 結 鑒 天 者 臣 高 斥, 也 溺 地 永 職 厚 臣 錮 罪 之造 無 田 狀 任 里。 憐 披 則 瀝 臣 所 倘 悃 爲 不 臣 生 得 能 誠 當 待 偷 供

### 三請告疏

鑒 奉 事 恩 綸 工 部 力 左侍 疾 萬 郎 難 臣 供 劉 宗 職 周 仍 謹 瀝 奏: 血 悃 微 祈 臣 聖 兩

之,皇 任 掌 掌, 留,臣 伏 此。 請 着 痊 念臣 等 即 實 則 而 隨 臣 而 祗 因 敢 上 非 出 司 一於前日 臣 該 奉聖旨 本 遵 空 之 徒 不 萬 自 臣 供 以 仰 固 名 所 難 罹 于私 月 二 職, 夙 體 天 位 以 得 疾 嬰 之 下 惓 以 諭 己, 寓恭設 不 + 羸 劇 虚 惓 來 留 必 劉 八 乃蒙 疾, \*\* 拘 司 臣 屢 宗 日 勉 也 香案, 者 驟 陳 具 周 疾 佐 延 聖 劇 。 該 奏, 前 理 成 朝 恩 固 臣 眩、既 分 夕? 力 已 將 前 爲 部 而 朝 有旨 猷 疾 後 知 責 念 臣 叩 病 輒 道 受 臣 及 网 並 繼 頭 諭 0 困 以 有 久未 于 賜 稱 而 留 欽 干 職 職 引 劇 思 諭

分,惶 躐 欲 殊 此 徑 豎 至 日 勉 日 神 假 恩 冀 愚 前 留 憊 九 取 口 明 坐 録 極 之狀 得少酬 卿, 聖明之屢眷 ; 摠 遽 臣 日 陋之資, 積 名, 承 自 成 乃 濕 旦 恩,凡 則 辜 皆 不 有 初 成 萬 一荷 曠 負 故 覺 進 萬 風 浮 聖 職 愴 事 難 而 以以 耳。 以 臣 沉 明 復受孿 陵 然 再 所 生平 始 曲 求舊之典,至以 善 日 試 希 左 于 及 不 蓋 病 席, 于 有。 去 則 夫 禁 有 將 於 其 留 鞭 臣 報 抱 未効之犬 溺 甚者不 四 肢 之 之 策 而 十年 職 稱 頭 體 臣 負 際 者 無 之 鼠 輒 譴 其 也 辜 由 曾 能 竄 庶 不 使 日 爲 廷 馬 揣 以 種 甚 臣 則 僚 無 而 日 推 至 臣 臣 況 種 非 而 寸 而 羸

例 斥。 베 曲 量 成 倘 用 與 蒙 之德,不 是 致 不 聖 仕 獲 慈 名 己, 色, 廢 鑒 散 臣 仍 則 材 申 極 曠 辨 溺 前 臣 之 請 未 雖 朝 深 仰 從 終 姑 此 祈 無倖 溘 從 終 先 老 賜 位 朝 疾 罷

義

愈

有

所

不

敢

出

矣。

露 亦 將 瞑 目 九 原 臣 無 任 迫 切 惶 悚 待 命

### 予告辭朝疏

旨 П 籍 原 任 恭 Ι. 申 謝 部 悃 左侍郎臣 事 劉 宗 周 謹 奏: 爲 遵

主之私 謹 陛 閽 間 惟 欽 切 力 是 此。 特 疾 好 下 奉聖旨 望闕 惡 分 聖 萬 該 准 欽 理 德 難 臣 而 徘 口 遵 端 供 欲 于 日 徊 籍 日 六 而 職 用 新 劉 調 首 瞻 辨 臣 舍。 月 宗 仍 聖 理 長 邱 謹 天 + 周 瀝 修 (咫尺) 消 忍 遵 繇 五. 病 屢 血 時 ,驗之出 知 旨 日 旨 悃 痊 負 燃,本、 言 口 諭 以 起 四 致身之節 以 以 朝 籍 用 祈 留 微 知 之 聖鑒 犬馬 身 未 該 覽 臣 静 加 能 奏 部 兩 事 存 民 ? 則 贵 力 情 奉 知 乃 動察, 具 伏 恩 遜 疾 道 辭 無 疏 于 懇 綸 在 願 戀 吅

謀之新 表言 戒 惟 户之争,此 亟 勦 外之略,動 鋪 自 姦,致解 心 有 張 事 撫 明 口 行 參罰、 主 之治 日 種 順 雖 吏 進 獨 種 逆 無 奄息 增 齊 寬 具 鏡 詳 之 若 關 任 天 在 賢 亦 道 于 權,分 一分,民受 力 萬 逆 願 廟 事之姦 之 先 何 焦 揆 小 疾 壽 算, 朝 體 而 如 效哀 (之原, 勞 節。 屏營控辭之至 求道 已 1 日 任 永 則筦樞之責 且 之老 成 倘 昃, 鳴 隨 地 乃 慮 ; 而 殷 一分之賜 草 方, 者 未 能 積 繇 忍 鑒。 成。 危 野 事事提 上 疑 聞 用 死 則 時 呼 下 乘隙 須臾 交 人 邦 至 第 尤 嵩 難 雷 做 以 本 于 恐 切 輕 ; 其 同 行 于 之 泄 更 偏 庶 終 王 臣 , 大 臣 政 徒習 張 圖 今 見 沓 更 開 聽 勷 工 綱 之 拜 太 多 尤 以 中 門 生 則

#### 身切時艱疏

之 身 獻 臣 切 原 宗 時 任 事 周 艱 工 部 敢 因 因 左 病乞骸, 去 侍 或 郎 之 臣 奉旨 轍 劉 恭 宗 口 申 周 籍。 慰 謹 悃 奏: 于 兼 七 附 爲 微 月 恕

蕘

臣

宗社 知若 增 臣 初 不 馳 之 禁 何 戀 日 **夏**,下 憂 焦勞,臣 敢 辭 惶 以 朝 驚 芻 切 出 懼 蕘 又不 或 萬姓 者 門,行 久之。 言,爲 勝 之慮 痛 次 絶。 宵 當 天 伏 宁 津 惟 衣 口 獻 旰 皇 瞻 始 食。當 天 上 聞 Ŀ, 邊警 不 革 愈

執 朝 久 雨 以 廷 而 張 病 不 臣 或 鳳 惟 請 聽 事 我 翼 也 其 皇上 小 去, 業 至 有 一於此 已 卒 注 才 自 至 而 意 知 器 敗 邊 追 其 事 識 防, 非 原 不足,久 禍 封 不 無 始,丁 疆 聞 日 之任 吏 不 已 部 魁 綢 矣, 溺 楚之 有 繆 争 乃 未 中

覺

李

泌

對

日

:

此

乃

杞

之

所

以

爲

姦

邪

唐

德宗

謂

群

臣

日

:「人言盧

杞

姦邪,朕

殊

不

臣

于

是

而

知

小人之禍

人國,

無

已

時

也

也。」

臣

每

三復斯言

爲

萬

世

辨姦之要,故

H

姦

似

忠

大佞

似信

蒙蔽

乎?

其

階之爲禍

愈

有

不

可

言者

矣。

爲異

己

驅

除者,今不妨以

同

己

而

互.

相

纍若

若

猶

死

?

今邊

幾

人,不聞

王

洽

之死

?

事

於

邊

也

張

鳳

翼

之溺

尤

有

不

得

辭

樞

之

職

矣

不

聞

政

府

有

翔

李

邦華

諸

臣之或戍或去?

豈昔之小

幸 以 而 庭 朝 其 職 主 無 諸 與之戴罪 逗 有 廷 、責者。 中 持 罪 留 鎮 警 又 樞 兵 者, 蒙 巡 從 也 或 詰 勤 垣 且夫 又 而 勢 而 有 責,何以 王之師 嘗 何 何 日 封駁, 與之專政 試 以 以 以 蹙 之, 服 T 謝 争先 凡 劉策 服 則 魁楚等之 韓 卒 廷 耿 當 爌 至 臣 之死 如 何 事 人 敗 張 之 衛 杞 以 諸 事 纍 之 者 失 鳳 服 ? 臣 之辨 禄。 小 似 臣 録 來,皇上惡私 而 人 信 清 下 臣 立 節 之 瑣 而 下 我 何 皇 類 屑 奔

下 ? 之患 妻子 乃 今天 此 有 者 在 利 下 也。 前 而 禄 人才之不競 而 協 日 已 即 而 皇 人人 有 矣 E 不 稱 上 成 造, 知 乏才, 每 此 覆轍 知 有 當 今日 通、 也,非 有 廉 緩急之際, 方 亦何 津、 身 恥 或 家 亟 無 臨 則 事 至 而 项 才 之所 亦 德 不 盡 之患,而 更 相 復 絃 必 知 出 率 以 有 之 倚 有 一二寺人 爲 敗 君 遣 不 以 全 無 也 暇 重 軀 抑 君 夫 又 保 而 知 子

一於朝 皇上 而 有 上 吹 走 臣 窺其 不 前 聰 往 求 承 下 交,而 燭 往 明 以 順 皇 多 用 照 不 不 上 示 以 以 心, 臣 數 察 出 察。 爲 亦 曲 下多以 計 世 而 恭 有 無 謹 凡若 ? 之 所 用之,則 ; 往 容; 主 皇 不 不 然 告訐 覺矣。 上 此 皇上崇勵精 也 出 臣 者 尚 于 聚 觀 其 進; 綜 身 Ē 天 頫 於 覈 下 家 皇 似 年 姦 利 忠 邪 而

藩 也 逐 其 時 以 無 無 岸 而 權 總 與 重 芳若 參制 帥 拜 ,爲今日 黨 合 其 然 中 奔 督 亦 乃 比 表 嗟 於 有 走 擁 體 官 無 惟 天 有 亦 置 嗟 之, 中官之君子。 以 於 兵 君 而 權 統 何 下 明 恐 藩 自異, 中 勤 而 子 決 傷 至 之昌 此 於 誼 將 等 之小人; 官 臬、 不 王 消 言 并 中 治 明 之 置 戰 也, 官 故 官 逐 長 守、 亦 言 類 理 示 總 撫 天下 之 其 亦 理 亦 疆 有 也 如 天 督 每 **\$** 人 亂 按 何 心 何 思 御 下 事 皇上 有 相 於 ? 有 者 負 之機,奈 將 問 於 徐 臣 史 以 必 用 比 爲 何 於 置 李 生 意 金 左 無 何 尤 誠 而 小 引 中 或 地 幸矣。 之 總 勉 皇 光 地 右 非 光 欲 人 官之小人, 重 哉 徙 督 之 上 辰 何 進 袒 所 辰 之君 尊 而 薪 者 是 於 即 復 竟 君 以 也 撫 率 朝 君 且 者 不 起 用 子 何 乃 以 示 子 言 當 退 子 廷 乎 者 天 澽 中 小 天 按 而 地 ? 必 者 唐 下 見 用 争 是 官 小 必 獨 下 無 ?

> 顧 自 平 H 則 ? 壞 臨 不 爲 乏其 難 寒 其 蟬 日 無 他 而 仗 之 人,又往 觸 結 不 義 邪 可 死 舌 止 爲 節 往 佞 也 之 平 得 士 居 請 罪 無 南 以 此 昌 犯 去 天 之尚 顏 下 遂 敢 事 至天下 諫 方 之所 者 之臣 相 以 亦

之 極 解 秉 上 问 化 昭 + 也 杖 謂 ? 或 亦 者 之主,首以 矣 母 抑 餘 而 也 之 年 成 無 驅 競 至 此 以 除 語 從 之 監 於 獄 數 贓 而 仰 而 異己之故 典 近 司 欲 事 至 戌 . 惟 ? 知 也 H 一於是? 皆 進 以 之也 何 皇 刑 誰 君 爲 而 誣 至 以 上 政 子 生 故 於 以 告 智 肅 之 念 厲 輔 莫 退 鄭 坐 臣 嗚 懲 最 亂 階 小 文 須 而 鄤 呼 不 貪之令? 啚 舛 人,爲 有之鑽 震 亦 廷 至 能 ! 者 存 雖 臣 孟 何 今 爲 無 久 : 引 以 豁 爲 首 挽 年 干 成 喇 敢 繩 示 梗。」 然 輔 П 之間 德 言 鄉 披 戍 申 敦 世 永 温 議 者 根 紹 倫 體 道 爲 體 何 傲 之 之 誰 皇 即 以 吏 而

者,亦 外諸 猷。 宗社生靈實式憑之,而體仁所以爲桑榆之收 亚 根本,於是植人才以 舛,日甚一日,天下事尚忍言哉? 臣 仍請 庶在此。 ,各修職業,不致再以 亚 罷 三協 不然,而徒計出於苟 通 資幹濟, 津之 使,專 人國爲 開 言 路 且,舉 僥 責 以 倖 斷 成 則 動 大 中

忍 湖 切 皇上言之者? 以 望 不言 滿 自全,然熟念今天下安危呼吸之日 闕 地 伏念臣羸 呼 而 摠 天哀控之至。 坐視國家有危亡之禍。 無 投生之路,即臣 病去國之身,非不知緘 臣寧言而冒鈇鉞 不言,又 之誅,終不 臣 無任 誰 默 雖 激 爲 江 可

**辭少宰 疏**崇禎辛巳十一月二十四日在籍上

爲 罪 臣 原 驚 任 聞 工 部 簡 命 左 揣 侍 分 郎 萬 爲 難 民 仰 臣 承 劉 謹 宗 席 周 藁 謹 剖 奏 心

懇祈聖鑒事<sup>1</sup>

改吏部 咨到 事 爲 嘗不專? 聞 事 從輕處,前旨 虞,特遣監 隨 年,以工 設香案, 本 兵變, 正 正 何 奉 0 府公文,内 語? 聖旨 本年 臣 本 在 左 年 望闕 部左侍郎蒙恩予告,甫出 臣 議 一侍 九 + 臣 : 守查飭, 奈平 且 因 處 月 聞 郎 叫 甚 封 己 遷 開 月二 十一日 命 該 明。 有 頭謝恩外,伏 巳諸 時 疆 延 吏 自 部 何 重 通、津 十三 部 天,不 知 夫豈得已? 乃謂 寄, 異 味 臣 具 道 奉聖旨: 日 同 欺 各 題 朝廷 恐傷 之 勝 欽 蒙, 0 黨 有 : 間 念臣 戰 此。 臣 比 罪案,此番失 委 中 遇 爲 慄。 於 ? 拜 任 官之心,是 警 劉宗 欽 金光辰 於崇禎 欽 在 國門。 邊 疏 好 輒 奉 遵 該 籍 陳 臣 生悖 聖旨 至 周 臣 接 悃 備 姑 踈 即 九 恭 起 得 何

●「二十三」,全書本作「二十二」。

鼓 露 簡 渴 欽 重 倫 之懷 遵 處 幸 反 起 真 劉 保 自 指 成 姑 同 宗 臣 宏 首 德 卿 爲 大 着 乃 唐 開 等 階 領 刑 造 革 明 戴 使過 於 貪 政 職 係 晉 罪 酷 牖 之 無 爲 比 以 之途 而 舛 鑽 下 私 民 私 銓 南 0 刺 亂 貮 又 即 誤 何 政 謝 該 牽 壞 意 仰 草 及 恩 部 捏 法 顛 聖 見 木 微 里 知 蔑 倒 首 聖 明 臣 門 無 道 倫 是 輔 以 明 知 非 雷 席 求 驟 尤 罪 欽 蒙 藁 敢 治 霆 狀 本 屬 此 當 特 若 於 忘 顯 雨 不

鄭 大 母 所 能 臣 之 鄤 者 猶 致 自 獄 終 也 恐 嚴 安 獨 者 爲 不 者 念 干 臣 其 輔 在 口 嚴 他 臣 後 以 前 滅 譴 不 誣 温 日 詞 倫 體 具 告 所 臣 臣 論 仁 以 黄 案,業 坐 獨 所 得 道 我 何 則 賣 罪 周 皇 幸 明 己 之 上 故 早 特 旨 罪 故 以 據 懸 以 所 口 孝 律 指 仍 睿 自 譴 文,謂 治 有 照 亂 謂 異 天 政 萬 不 下 之 反 如 杖 不 而

> 告之皇 臣 蒙 能 甄 不 轉 命 自 之以 别 朽。 甚 起 陳 最 容 微 廢 儘 出 臣 再 言 之 如 臣 上 堪 群 仍 聽 謂 之罪 典, 事 者 策 臣 以 君 得 臣 乎 之下 勵 父 贵 薄 ? 罪 ? 罪 之生 部 將 譴 委 者 者 臣 果 臣 在 來 在 平 爲 死。 籍 爾 未 不 亦 口 ? 此 有 能 何 原 徐 則 凛 仰 以 取 枚 俟 不 事 凛 祈 臣 舉 於 論 涉 妨 皇 臣 前 不 朦 定 録 倘 之 上 日 敢 朧 用 老 蒙 收 臣 罪 不 憊 寧 概 狀 則 死 剖 口 成 無 廷 且. 不 與 心 明

常 撫 頗 不 孝 福 順 之説 作 能 其 心 以 則 美 内 人, 言 容 嗟 亦 乎 訟 掩 爲 允 臣 匡 狂 君 諱 子 垂 救 君 哽 父之美, 直 之 萬 其 臣 咽 積 詞 古 失,故 罪 隕 相 成 臣 綱 也 涕 遇 暌 以 常 數 之 上 貢 幾 之 臣 是 起 之端 下 難 欲 則 每 屢 相 重 也 籲 念 激 獄 而 親 天 聖 及 甚 臣 而 此 衷 經 非 自 我 子 無 云 盛 皇 此 未 致 轉 從 世 皇 嘗 中 以 上 之 外 上 綱 忠 將 輒

切 不 惶 禁 悚 欵 待 欵 罪之至 及 之。 統 祈 聖 明 矜 宥 9 臣 無 任 激

## 再辭少宰疏崇禎壬午三月二十六日次淮安上

祈 爲 聖 微 鑒 臣 原 遵 任 俯 台 容 Ι. 還 戒 部左侍郎 籍 途 力 調 疾 理 爲民 萬 事 難 臣 前 進 劉宗周 瀝 謹 血 誠 奏 仰

登陸 臣惶 任,不 疾 君 木 疏 積 乞骸。 憊 父之惓 恐無地 臣 沿 白 得 而 自 日 佐 途 古 臣 惓 於本 拜 勢 問 銓 而 辭 殊 思得一 不 難 醫 亟 奈前 恩 年 解 一,行 前 該 需 ·三月 ,旋嬰癃 進 部 貞 迨 症 至 日以 矣。 知 癃閉之久,變爲 未 品 淮 初 道 瘥,自 安 閉 幞被上 几 劉 緣 0 地 日 之症,不得 宗 臣 欽 接 方 出 周 衰 此 道 里 邸 著 年 尚 門, 真 報 作 患 啚 欽 遺 此 速 遵 舍 日 少 已 瀝 慰 增 奉 舟 具 劇 赴

> 座 至 佐 無 死 萬 至京,亦萬不能 日 望臣 銓 已,不徒責之以 每 且 乎 建豎若何 生。 + 有 ? 如 數 不 此 抱 遺 -禁其 此 之切, 遺 纍 隕 即 得之服 必 然之骨 (官守, 越 今 則臣 閟 者。 動 絶 履 亦 官之日 臣 抑 以 蹣 何 而 又 至 跚 即 温 以 勉之以 能 綸 試 精 仰圖 0 鄭 忍 血 之朝 臣 重 盡 死 報 姑 品格 有 耗 參 稱 輿 無 於 公 加 問 疾 九

身偃 惶 首 竭 故 臣 ൬ 悚控 特特 蹶 凶 臣 踉 蹌 萬 蹇家園,委君命於草莽,而 臣 極 仰 賜 篇 就 雖 也 戴 不獲已 矜 之至 犬 道之本 高 全,許 臣 馬 天厚 謹 有 於途次候 敢 心, 還 心 地 仍申 并 錮 再 終不 籍, 生再成 原 前 敢 俾 臣 請 命 臣 以 不 之恩,真 以 得 倘 臣 至 骸 無 蒙 日 不 此 任 骨 繼 未 皇 己 迫 終 没 上 勢 請 死 切 监 之 邱 之 鑒 難

### 敬陳聖學疏崇禎壬午四月初一日次淮安上

於 爲 堯 微 舜 臣 原 不 任 事 能 工 以 部 身 左 報 侍 主 郎 敬 在 竭 籍 報 臣 主 劉 之心 宗 唐 終 謹 致 奏 主

能 臣 溝 不益 爲 日 壑 而 臣  $\Box$ 長 實 以 九 重 負 老 其 画 者 聖 者 病 有 感感 恩,死 也 君 誤蒙 兹 無 不 臣 不 世 聖 瞑 之 遭 簡 歎 ? 目 逢 拜 思 即 疏 此 後 啚 乞 臣 之人 報 骸 所 稱 以 有 日 腸 然 以 晚

聖人。 又 猶 朝 之於太 有 不 故 忘 進 臣 雖定、 甲,周 於二 當 聞 惓 古 日 惓 哀之 之人 君 所 之 公之於成 謂 稱 誼 市 衰 恥 大有爲者乎? 朝 其 苟 庸 之 齊、 非 君 王 恥 若 不 皆自 ·, 如 梁 數 爲 之 君 堯 責 中 僭 者 舜 左 主 亂 臣不肖, 券 若 則 而 然 孔 伊 進 撻 況 爲 孟 市 尹

奏,得 嘗數以 竟天 之資 揚之萬一云,謹力疾 志。 遭 述 道 不 大 乎 之憂勤 焉 之之道, 베 聖 ? 堯舜 能 ? 師 際 在 不 又 德 舍道 友之講 學 精 前 雖 聖 臣 乃 無 王 堯舜 明 屬  $\stackrel{\bullet}{\equiv}$ 則 者 之道 何 雖 爲 而 稍 無 道 而 鄙 + 篇, 之「臣 語 時 所 不肖,自 時 千 起 之説 之大 别 儒 求,熟念今天下治 即 焉 艱 争 艱 古 Ŧi. 謹 班 勦 爲手援。 年 之足 皇上之道 未艾, 不 止 爲 僚 者 進, 全 説 即 詳 於 在 當 被 猶 之 门占, 位 兹 而 而終愧所 慮 則 學 宁獻 放 是,吾 泄 亦 交警方 以 當 坐 不 ! 臣 以 何 仰 沓, 宁 亦亦 來, 奏 學之間 以 少學 來, 所 窺 以 臣 荷 君 而 聞 昇 謂 即 孜 皇 仰 殷, 且. 見之 深 或 亂 不 平 治 如 孜 臣 道 裨 上 藉手 之故, 自 能」之故 推 之業 左。 臣 功 幸 即 高 訪 希 T. 懲 陋 其 前 猶 臣 見 堯 以 落 深 效效 堯 艾,每 端 舜 斷 然 宵 即 日 非 大 而 於 軼 之 備 擇 對 此 之 習 未 旰 然 萬 臣 知

體 危 爲 字 於誠意, 中 中 此 其旨,於《大學》首 武 下 明 未發之中」,非是。 萬 主之心是已。 於 表 精 目 不 世 ,道心惟微 無 闡 即 舊言「人心是人欲, ,示精一 無 此 裹 神 心 其 離 意 堯舜 至子 ,示後 本 者 學之 盡 \_\_\_ 故曰 誠 緝 之治 括 也。 之真 熙 以 本 思子直指喜怒哀 於 之全功, 源 人以 執 教。 來 此 明 故皆 慨 一體段。 惟精 也 競 本 聖 相 虞 知本 自 乃 入道之旨,未 之説 道 傳 學 揭三 聖 以 廷之訓 惟 聖 知《 端 者, 心是 以 之意 而 學不 慎 舊指 聖 一,允執 學 知此 端 執 一綱,表 獨 天 而 相 其 正 理」,非 治本。 中 講,而 爲 曰 萬 而 其言 心 傳,迄 後 樂 之義 己。 本 義云 化 庸 人心 未 有 孔門備 厥中。」此 教,正 人 是 出 知 未 發 臣 而 心 深 已 於 焉 發 之 宗 此 心 聞 + 謂 次 書 藴 切 心 則 之 詳 道 衍 惟 遂 著 之 則 相 於 天 本 知

句 則 本, 象 生 則 以念爲意 功 晦 聞 心 心 相 利之説 領未 知 書 紛 悟 亦 近 ,言《大學》者 陛 出 反受其 如 而 何 之資, 拏,或 於功 自 吾儒之説 人 端 道 下崇信 又以 昌 發之联,而 相 ,何啻千里 惑 心 無 利,偏執 矛 惑 動 竟 建反身之極,契 世 得 而 取 生静? 盾, 者 佛、老 溷 佛法,退朝之暇 或 誣 於 有 有 未 於 失 章 民 以 發謂 中 危 則蔽 之。 意中 以 時時 學術 句 與與 啓之也。 更 體 殆 把 之紛拏。 本 电、 數 有 或落 往 於 持 浸 庸 既 念有 異 千 韓 虚 者 念 以 以 者 聖 同,致 年 遞 於偏枯 無 臣 静 克罔 慮 恭惟 支 门以以 歸宗,得 起 流 生 口 爲 頗 離 而 動。 禍 用 虚 舉佛號 意無 得 誠 陛 陛 正 静 於是 事 未 無 誠 之傳 從 意 恐 下 觀 下 善 己 意 之 之 危 之 章 以 轉 功 氣 爲

●「心」,原作「以」,據全書本改。

之,廓 者楊、 贵 老 章 道教 之,所 佛 仰 熙 即 京 近 起 相 繪 徧 諸 惶 陛 ,●或合之, 果 朝 理 窺 而 楊、墨之説之深者,於是 師 爲 及 官 感,天 陛 排 接 亦 啚 盛 儒 而 下求之吾儒 何 感甚 墨 如 中 之,以 大亂真 極其 像 下之心矣,忽焉 如 事 進 以 也 禍 者,而 虔 摰 又 聞 以 下 恩禮 推崇,特韶 者 因 以 隆 又千 義,無 禮 爲 或 且 莫不 云三 懿 天 益 離之, 其 齋 號,補千百 有 有三 而 哉斯言 仙菩薩 害 餘 供, 望 父 不 復佐以 教 興 年 甚 風 教 得其 無 以 方 起。 而 於楊、 而 起 而 君, 摇 表 宗 等名 理 得 有 奔 正 理之説。 聖孝, 、説,不 禍 年之 摇 夫諸 儒 乎 孟 走者矣。 乃者陛 宋諸大儒 佛、老之説 墨, 忽焉 ? 福之術 真 並 而 子辭 曠 無 賢 加 免依 人處 其 臣 典,爲 定 於 聖 時 於是 説 下 而 而 而 佛 也 母 傍 之 闢 表 佞 彌 特 轉 於 得

> 於二 已,偏 陷 惡 觀 舜 矣。 是惟 也。 昧 求 歸 樂之所 已, 苟求之吾儒之正 矣。 之吾儒乎? 凡人之情 者,❷得 之吾心。 於 而 此 致 氏,至求之二氏 無 於 0 慎 偏 是 道 此 發 喜 贵 之 非 獨 精 者 好 當其清 大抵 無 遠 之説 知 且 悪 是以 感 往 乎哉 感 相 即 夫陛 之以 之以 也 非 任 有 是 近之幾 則 ? 明 未 喜怒 也 其 惟 而 中矣。 下 在 可 發 而 可 更更 情 事 終不 精 而 陛 之 躬 怒 喜 之 而 贵 ; 之 不 此 請 下 中, 而 誠 而 得 所 無 難 隨 求之吾 地 陛 已 IE. 怒, 喜 此 其 發 好 平 吾 而 所 下 炯 之知 惡,有 無 哉 説 怒 喜 喜 日 中 謂 先 然 怒 其 而 有 道 而 而 反 儒 乃 而 哀 不 即 不 臣 節 心 好 堯 而 則 還 不

- ●「佞」,全書本作「奉」,似是。
- 「躬」下,全書本有「獨知」二字。

故 聖如堯 贵 不自 以 後之學聖 好 有 專 知 E 復,天心 而 而 闖 知 心之 聖猶是此人心,下愚不能無道心,故雖 事於 非 無 其 偏 惡公而 卑之不 篤 日 中 之 慎 成 衡 行 喜 知 於 ·之所 所 舜,卒不 轉圜矣,喜怒平 效 獨 臣 者。 怒 用 見焉,成湯 怒 而 可 近 以 人 是 偶 尚 人行 以 於 者 臣 以 爲 非 即今疆場之禍,三及宗藩 偏之一 以 偏 斥 行 功 聞 亦 之 爲 道 恩 廢 邪 政 則 利,高 王 之, 本 理 執,合四 典 之間 精 諸 好 日 道 所 自 驗 終 惡 論 一執 君 慎 以改過 乎? 之不入於玄虚 著,此之謂 前 概 且. 帷 或 志 誠 獨 願 蓋 中之説者 好惡之公乃出 以 爽 定 陛 氣 而 而 有 朋 ; 其 而 而 下 己。 畢 不吝也 次第 而 奪 比 則 今且 深信 後天下之 交 貫 情之舉, 蒙 融 慎 不遠之 決 是 以 呵 於 慎 次 獨 裂 非 此 譴 也 斯 第 所 獨 而 蓋 而 而 且

> 還彼 者。 乎 之衷 之畢矣! 何 也 猶 也 放彼徒,無 其於道也,亦庶 治 有 ! 或 ! 成 統祈 法 陛下遂爲千 而宗孔 二氏之説 失 倘 丽 夫 之 於此 治 無 聖明 以 以 摇 臣 以 功 氏, 陛 所 而 汙法宫之地,宜亦不 之奏 褻 摇 采 ? 下 謂 紹 遂 乎如農之有 九 而 擇 古 + 則 百 明 求之學問 廟之 無 度越千古, 集大成之聖主矣,又 几 聖學以端治本者 夫九 王之 據 年 靈 講 統 蓮 甚 畔 之要,折 求 而 矣 齋 智上 動 定 治 有不 祖 醮 唐虞, 道 志 ·待臣 之 一等號 無 舉 待 之 六 越 ,此 餘 言 難 辭 盡 經 仍 思 則

以 也 而 有 其至 大矣,而以一人理,非 宰天下之至 其二曰: 要焉 簡 而 御 此 躬聖學以 天下 動者也,故 又 本 之至 計 中 徒以一人 建治要。 一繁,即 所 日 爲 提 以 君 綱 其 理 臣 職 挈領 至静 天下 聞 天

一七八

其法 之治 舜 務 形 此 有 天 有 憂,考二聖人 以 官 臣 地 而 得人一 之賢 攝 帝。 所 致 矣。 天下 知 下 溺 也 不 職 得 其 之 在 人 職 務 位 詳 不 之 詳 遁 然 隱 聰 先 首 雖 則 舜 耳 此 事 不 肖,未 學 然 爲 H 於 明 能 萬 則 以 以 虞 則 知 己 於 既 聲 古 也 人 舍 廷 而 在 0 几 爲 神 前 憂, 其 矣 己。 扼 窮 主 則 絶 可 人 當 目 所 用 明 要 君 於 ; 之 則哲 雖 不 以 舜 時 即 中 以 之 上 而 舍 道 形 四 邇 分於他 耳 聰 竭 精 之 以 戒 地 聲 泛 用 言 聰 之要者 己 目 明 地 不 叢 帝 愈 焉 徹 目 有 盡 執 果 得 而 脞 受 世 且 之 乃 以 壅 所 務,卒享 也 中 吾 不 禹 而 也 難之矣。 其 一之焦 閉 聰 圖 必 稱 莫 之 臯 可 猶 天 疑 之門, 察 明 大 上 實 有 昔者 下 恃 陶 察 必 矣, 勞, 悪 知 用 察 遁 乎? 用 以 過 無 爲 至 耳 語 焉 力 盡 故 堯 於 於 惟 己 侵 爲 而

之微 肖 爲 於 也; 則 明 此 里 講 日 動 日 而 賢 當 與 越 明 : 他 進 上 益 取 留 不 ? 哲 任  $\equiv$ 群 明 數 日 而 相 明 心治 不 故 聞 莫 使 與 作 又 事 窮 日 臣 不 見之 君子 之中 之與。 以 者 觀 以 九 意 則 番 至 道 此 望,爲 爲 爲 之至 列 表。 舍其 則 黜 贵 中 心 事 賢 而 不 而 陟 疑 其 先 獨 者 而 事 ·肖者 即 群 倚 自 生 也 耳 處 知 聞 有 有 獨 躬 任 陛 \_\_\_\_ 臣 目 全 人之 其 出 之, 親 見 有之, 之, 下 之計 奔 以 陛 之用 疑 番 焉 出 非 走 此 疑 日 下 學 故 而 是 焉 不 受 致陛 所 爲 所 無 以 明 猶 前 專 也 非 求 成 明 裁 以 他 天 日 所 然 此 求 賢 之不 決 達 縦 未 卒 以 以 之 今 下 且 任 何 (若渴 萬 聰 之聰 陛 爲 白 之 道 無 明 啻 孤 耳 暇 幾 也 或 立 H 心 千 下 Ħ 不 以 有

以 盡 天下之聰明」, 原無 據 本

諸吕 之人 惡 轉 及 甚惡 有 左 論 於虞,而 道 自 人 運 所 而 顧 其 好 貫 莫之 以 所 儒 爲 積 也 T. 厨 雖 万期 ? 盈 惡 者 朋 謂 俊 而 疑 可 載 膺 闘 省 者,非 H 以 及 名 黨 樹 不化者, 四賢 黨 而 能 獨 廢 而 見 中 也 者 死 洛 加 私 下 戮 自 亦 其 或 外於君子,輒自 風 君 ? 蜀 交 杜 無 集 爲之破涕。 絶 何 事 首 觀 以背 且 子, 伯, 氣 紛 負 非 於 於宋,古今以 各營 輔 實 負 紛 近 今之所 人國 小人爲黨,故 朋黨之説 薛國 日 非 有 人敗 朝 。皆天 古 君父,豈非 其私 黨, 其 不然者。 廷。 哉 義 異 觀 群 稱 是故, 時 下 則 乎 讀 懷 主 競 謂 乎? 爲 ? 士 麗 名 若 善 爲 女好 卒 濟 之 其 大 賢 美 君 人 寄 善 + 如 小 或 誤 孤 其 中 鄉 夫 主 子 口 其 惡 適 談 六 率 觀 惡 或 其 立 安得 雅 之 以 道 惡 以 夫 相 遭 一,而 耳 説 所 罪 所 多 陝 賣 則 之 舉 同 下 阨 即

堯 無 衆 無黨 之削 得 怒,舍好惡,舍是非,至於是 其 不 歸 則 凶 自 愈 也 下之喜 唾 舜 致 虞 縉 堂 0 聰 群 久 以 正 固 而引之進之, 其 於往 矣。 之 之途 陰之投間未已,此 紳 驅除異己, 人政 明 也 跡於朝 而 宜 明 下 力者矣。 怒 朝士之爲 而 辨之於蚤。 府 復之數,正恐一念之蓄疑 漸 何幸 然 目 歸 而 自黌序 果誰 則陛 ,迄於空人之 中之。 達 之 1 離 聰 闇 動 太平之兆。 照 仰 惟 下之聰 小人者,正 激陛 紛紛 爲 當空, 而 非 惟 至 恐 而 之 推 徒 陛 稍 不 下 知 地 君子 本於舍己。 舍 明,幾 下 國 持 籍 加 魍 以 乎 人之地,尤不 聰 躬 諸 非 籍 黨 正 魎 喜 小人進退之 而 而 明 先 日 論 膝 可 立 人之説,上 爲 臣 其 而 或 聖學, 舍, 者 娅, 并 若 以 猶 能 此 觀 不徹 舍 窺 輩 必 亟 不 聿 猶 輩 旦 立 而 後 喜 舍 · 容 能 法 開 使 陛 以 所 伙 遂 異

之微 此 第 變,有 擇 章。 事 明 知 未 遞 雖 法 以 地 師 用 嘗 首 度 人之學, 然 下 也 有 爲 中 天 亦亦 次次第 此 義 不 知 相 大 自 之 下 得 未 及 衆 一同,而 人之責 门已足 統 之 此 也 聰 極 無 非 人 百 可 正 祈 是 明 陛 以 特 布 有 執 而 以 之 即 聖 非 臣 下 之有 人 事 處 不 事 握 人 阨 讒 明 廣 所 端 爲 綦 主 稱 政 事 則 端 君 采 開 無 説 真 謂 衆 皆 之學也 拱 本,隨 任 遞 道 位 繇 盡 言路, 擇 殄 不 是非 躬 使 ,仍不 得 之 無 而 有 是 者 得 行 聖 者 要。 其 且 知 爲, 以 得 人 學 矣 要 詳 人 合衆論之同 夫 亦 陛下 天 斯 至 0 人 而 以 之學 此 領 自 不 下 以 惟 職 以 以 乃 天 建 下 至 今日 綦 爲天下 才 天 合 聰 處 慎 治 下 相 震 下 分 雖 任 至 天 明 守 六曹之 治 要者 而 驚 之 救 亂 F 而 所 天 祖 矣 下 世 卒 前 學 明 舊 下 朕 加 聰 建

宗於 德協 下 止 疑 世。 下 天下 字 物 也 天 心 按 恫 下 蓋蓋 撫 聖 惟 以 耳 则 则 、《大學》 瘝 而 昆蟲草 人 極 有 宥 簡 帝 堯 故 其 重 而 秋 無 天 成 德 以 调 舜。 其 義 地 則 御 以 不 業 德 與 無 日 曰 效,乃至於變 以 以 肅 衆 有 木 所 天 承 大 其 史 化 正之,莫 仁者以 生 之, 皆吾! 以 以 德 謂 天下, 稱 崇 殺 好 刑 神、 物 寬。 扶 明 生, 帝 莫 聖 不 道 過 爲 持 同 德 光兩 辜 堯 非 學 天 無 心  $\vdash$ 其 罰 非 氣 而 史 日 生 地 小 以 王 寧 至 一時 盛 顛 弗 而 廟 安 臣 也 道 萬 需 終 其 失 雍 也 有 人 及 全 積 罪 實 ; 連 物 篇 治 不 如 即 嗣,賞 之, 王 弛之後,不 天,春 四 疑 之 曰: 殘 爲 經 如 始 化 是 臣 得 者, 疾,皆 方 惟 渾 者 指 又 天 之 風 體 輕 請 如 延 然 臣 以 出 牛 動 陛 是 臨 視 吾 爲 功 於 舜 追 育 萬 天 謹

且

之

風

誼

養

天

使

天

下

口

心

之計 下之元 衆, 天和 外, 若 以 矣,陛下 勢。 陛 未 自 作 而 邊 令天 更 切 傳 下 業 先 可 向 明 因 防, 庶 無 生, 氣 繁苛之令, 染 聖天 U 道 徒 朝 己 德 而 幾 下 不 歲 海 申 學禁 次 求 重 復 化 如 莫若 争 心 得 内 不 之 覩 子 第 特 用 天 霜 韓 術 救 自 罹災沴。 乃 堯 決 以 政 寬之 徧 重 下 之 雪 先 愈 時 見 裂 發 事 天 來 典 乎 爲 術 之 壞。 之 以 其 岌 舜 憤 以 間 朝 殺 以 後 手 權 致 本 告罷 更化 趣之, 機 文 也 日 今誠 岌 足 化 繼 大 至 訟 矣 心 網 兵 氣 腹 夫 乎 以 此 天 必 獄 臣 象 下 欲 益 有 不 也 陽 舉 而 民 刑 繁 心 而 拘 以 猶 然 計 進 好 進 惻 廷 也 推 君 敗 口 永 心 之, 義 殺 亦 矣 利 隱 及 杖 除 懸 股 退 無 勝 無 今者 借 之心 者 前 群 不 詔 請 肱 鈍 取 不 如 以 節 獄 以 與 臣 之 可 大 也 洒 而 身家 自 詔 遽 東 懲 臣 幾 勝 辱 仁 之介審 然 庶 與 原 今 獄 作 厰 大姦大 乃 其 晰

易

慮

者

而

第

恐

禮

貌

之

虚

隆

以

殊

禮

9

時

風

動

中外

者

陛

下

隆

三五

一之業,

不

難

大

端

也

未

有

上

好

下

矣。

合

此

四

者

斯

可

與

事

矣;

是

非

之心

勝

而

成

之

典

了; 祖

宗以

來

固

所

不

廢

逆,

而

未

嘗

概

及

士

類

其

腹

心

之報

臣

請

大

是

而

春

薄

海

内

而

臣

猶

以

爲

民

鼓

舞

懽

+

四

年

以

前

不

可

收

拾

之

生

或

命

内

治

求

端

於

聖學

自

廷

臣

始

知

有

本

心

久

一爲

苟

免

交毒

· E

干

邪

臣

遂

日

導

之計

奪

矣

辭

讓

之

心

勝

而

而

君

父

之

戴

堅

矣

;

羞

悪

之

犯

者

日

難

振

之

以

明

八

厰

衛

體

並

罷

還

天

下

禮

仍

願

陛

下

推

敬

禮

大

臣

之心

非

祖

宗

故

事

辱

士

尤

甚

士

廷

臣

有

犯

切

下

·之法

司

之譏

吅

雖

罷

衛

尉

之

煅

煉

不

至

以

非

刑

辱

士。

而

至

於

莫若 堅 特 門 農 刑 之 良 廉 捧 破 從 每 有 天 靈 之資, 賊 徧 於 愈 朝 之 母: 與 重 口 以 恥  $\mathbb{H}$ 以有 著矣。 餘 廷 有 之 自 此 斂 之 鋒 天 地 兒 天 因 心。 下 之心 地 曹 坊 尺 以 鏑 此 威 戲 今日 聽 悉 亟 暴其 化 廷 父 以 也 之下,無 捐 議 有 母 原原 繇 之, 而 議 自 禮 詔 惟 天 司 撫 推 之心 下 是 今者勦 其 新 義 書, 即 其 下 設 循 誠 而 化 意用 恩 廉 陛 使 始 勦 不 而 法 宣 之 化 而 群 相 信 恥 之 禍 下 餉 玉 所 招 之 法 示 致 與 感 臣 之坊 兵, 不 非 偷 之 司 石 金 徠 德意。 之。 術 撫 喻 以 特 7 錢, 莫 日 俱 不 生 日 仍 者 化 而 設 聯 遣 無 焚 承 下 皆 驅 本 是 改 乘 兆 兩 以 才 哀 德 路 之 以 數 此 爲 更 由 民 而 窮 望 保 撫 痛 意 陛 中 + 負 惻 面 堅 悔 矣。 牛 朝 之詔 卒未 甲 大 再 下 經 原 萬 古 流 隱 天 罪 廷 種 臣 撫 父 殘 計 嚴 寇 進 廬 下 生 愈 無 之 理

之朝 之攻 休 之折 李牧 考古 生心 天下 化四 以 賊 漸 以 未 以 父母 之 消 速 息 徒 鄉 之 之備 一今備 者 夷。 廷 城 有 之勢安於磐石矣。 約 其桀傲之氣 漸 П 而 禍 ? 紇 也 食赤子」, 食之也 不 散 ; 專 乃 趙 己, 邊 令兆民 而 東方不 責 與 此化之之説 渠 罷 至 邊 之策,惟 韓 凡 兵 魁 此 趙 所 以 事 未 莫若 之衆使之 可 在 范 充 徐 已 靖 求 有 於 乎 督 之經 從 國之制 圖 仰 戰 食 巡 ? 遂 不 師 中 效 耳 授 撫 也。 四 來 前 等官 守、 略 至 或 順 2 首 夷 而 半 掠 俟 西 先 者 有 誠 者 和三 化 戴 食之, 係 誰 賊 夏 零, 聖 而 乎 而 明 兆 也 邊 爲 得 勢 不 人 皆 者 示 郭 民 臣 伺 既 動 日 食 • 天 有 隙 以一 且 子 臣 開 遂 吾 若 下 猶 隙 以 賊 而 不 ൬

<sup>■ 「</sup>兆民遂以化四夷。令」八字,原缺,據全書本補

業

不

難

再

見于

今日

矣!

臣

所

謂

崇

聖

學

之

私

而

日

就

月

將,

以

1

化成,

將

隆

古

絶

規

小

利

圖

近功

不

旋

踵

而

害已

隨

之。

臣

日

夕

幾

也。

王道

無

近

功

至

一治非

小

補

願

陛

下

從

事

慎

獨

之學

·, 先

去其

欲

速

見

小

韓

之效

天

淵

異

己

而

臣

謂

此

古

非

可

以

!

真

〈學問

之極功,

盡

性

之能

事,所

繇

與

申、

不

覆

載

舉

世

而

甄

陶

之,歸、

之至

一一,此

不見近者 其 過 爲 部 此, 禍 臣 敗 非 出 不 漢 同 武 而 督 之 而 戰 窮 失 兵 遂 策 以 則 辭 以 總 需 憲 治 化

疏 崇禎壬午八月二十 六日次 臨 胸上

者

此

也

統

祈

聖

明

采

爲 微 臣 原 連 任 叨 工. 寵 部 左 命 揣 侍 分 郎 更 爲 難 民 仰 臣 承 劉 懇 宗 祈 居 聖 謹 明 奏 俯

望 告 欽 接 唐 遵。」 陞 邸 闕 在 都 吅 報 途 臣 蒙 察院 臣 未 頭 謝 聖 不 吏部 蒙俞 恩 勝 左 恩 外 惶 都 爲 起 允 伏 御 悚 缺 行 陞 史,著! 無 念臣 官 吏 地 至 事 部 草 隨 Ш 星 左 東 野 催 該 奉 侍 孤 臨 聖 臣 到 郎 踪 任 旨 恭 朐 荷 設 縣 該 『劉宗 欽此 香案 地 聖明 臣 方 屢

0 四 夷 誰 爲」至「 一之 永鑒 矣 百 五 + 九 字, 原 缺 據 全

本改 絶口不言」至「兩 階之化」, 原作 「躬修 明 德」, 據全書

2 本補 聖

人

本

身出

治

經

緯

萬

端,真

如

天

地

之

無

德

於

上

坐

收

干

羽

兩

階

之化,0

至

此

見

大

舉

漢

、唐ツ

故

事

施

行

之。

而

陛

下

但

躬

修

明

容

辭

免

以

肅

憲

紀

事

言款戰

平

遼

耑

意

以

古

幸

爲

事

命

邊

臣

時

鑒

矣。

臣

願

陛

下及今蚤

定

廟

謨

絶

口

全軍

一覆

,致有松、杏之圍

則

亦

後

事

之永

也。

而

守

卒奏

膚

功

人之

金繒

受事 其 萬 使 過 非 據 丁, 再躐 之仁, 臣 己 所 敢 榮堦,進 勝 寵 仰 進 以 承 退 非 者 常 狼 叨 狽 之 憲 之狀。 遇 席 揆 佐 諸分義,有 理 乃 銓 臣 衡 既 未 處 萬 經 非

是乎 其 實 非 當 也 不 者 事 王 Ŀ. 敢 時 本 自 此 得 御 絶 淺 務 贊 之略 中 少,而 揣 迁 臣 鮮 已之 冒 極 臣 百 外 疎 始 可 昧 聞 分以 司 以 否,海 自 多故,聖 庶 明主 "資 盛 來 又 旦 以 而 處 府 盟 亦 安 心 伸 其 兼 以辱官常? 于 未 心。 乎? 日 内 官人必 爲 望 臣 菲 是 之見也 中臺 未任之侍郎 其 越 政 民 劣, 故 乎 生 維 有 次 夫 資 事, 素 循 覆 新 吏治于 展 而 都 彈 無 之 資 餗 布 處 都 察 壓 時 懼 之, 且 之 加 而 察院 院, 考績, 割之長, 地 所 是 始 仰 ,尤有不 躐 將 乎? 乎 見 轉 負 風 切 以 係 壞 于臣 者 行激 聖 紀 侍 法 得 政 明 自 之 待言 事 臣 可 亂 郎 人 如 勸 良 司 皇 受 臣 紀 于 如 臣 轉

> 伏 于 任 者 推 望 臣 使, 矣。 尚 聖 之分義 書 容臣 明 傅 仰 鑒 淑 祈 仍 允。 無 訓 皇 以 幾 上 而 骸 臣 外 收 而 骨 資 無任 口 所 請 成 望多 裨 戦 命 得 于 慄惶 賜 官 度 别 常 邱 越 簡 恐之至。 首 賢 或 臣 紀實 者, 才, 則 所 以 如 大。 全 充 同

### 劉蕺山先生集卷十二

### 奏 疏 五

陳

沿

途

見

聞

疏崇禎壬午十月二十二日

L.

臣 草 莽 都 有 察 院 懷 敢 左 因 都 諮 御 諏 史 所 臣 及 劉 入告聖明 宗 周 謹 奏: 事 爲 微

方,臣 悉 治 及 也 理 臣 沿 臣宗周 敢 冀 途 無 得 見 説 之 幸 聞 臣 得 以 子 從陛 處 仰 諮 此 見 諏 見之後, 聖 之暇 明 而 軫 愚 念 俯 衷 以 時 垂 猶 爲 清 艱 有 補 問, 所 救 殫 未 之 精 遂

> 儘 者 多 行 陰 里 南 多 門 至 雨 頗 被野 則 江 抛 連 而 稱 嗟 所 綿 北 荒 樂 乎 北 在 浥 土 ! 爛 繼 四 維 米 水 方 價 以 民 時 而 灾 則 霪 口 今 驟 窮 江 相 插 潦 知 年 至 踊 南 似 種 矣。 今 春 方 益 新 相 事 日 村 已 苗 淮 傳 臣 中 甚 後 插 揚 淹 人 于五 時 猶 矣 種 死 之間 多多 矣。 有 枕 復 月 曾 殺 臣 藉 行 初 未 子 鄉 死者。 旬, 佈 麥 幾 以 于 種 一尚 辭 食 江 而

蔭 既 問 先 E 臣 刼 探 住 掠 遣 也。 至 又 以 易 天 儹 淮 先 兵 時 因 長 安日 既 後 漕 廬 不 而 地 白 州 而 爲 履 勦 散 賊 方 久, 所 重, 任 賊 聲 去,從賊者幾 騎 ? 屬 漕 方 逼 而 援 亦限于水漲,不果至揚矣。 己 新 近維 撫 揚 鳳 日 次 史可 : 州, 尚 皖 第 「方事 揚 未 報 法間 迨 人情 有 撫 半, 兵 爲 儹 協 甫 賊 馬 顧 上官亦未之 漕 洶 勦 陷 至 士 臣 洶 之議 揚 英、 ,臣問 賊 時 徐 漕 即 漕 哨 也 之 世 撫 行 撫 前

八

六

之要 賊 是 有 老 不 多 護 州 彼 而 川 全 員 穉 能 激 陵 矣 此 于 亦 不 乎 告 者 時 步 聲 漕 辦 也 能 何 曰 矣。 者 其言之也 品 止 成 撫、 賊 時 息 事 言 品 轉 既 力 也 辦 按諸 必 護 則 旅 數 臣 薄 畢 復 平 而 不 陵 所 嘗 ? 百 杳 而 以 臣 可 今者淮 得 守 練之兵果當何 權 里 遇 然, 向 遷 法 説 之間 分, 已 科 賊 安 延玩 乃 者 至今未 而 臣 一慶者 事 偷 日 揚 去 護 陳 環錯以 寇之景象,大 練 心 : 漕者 按 止言 泰 生矣。」 兵 一 正 聞 日 來 臣 以 去 有 .诗 以 守安 止言 啚 兵。」 三督 吅 又 始 督 大 以 以 且 旅 用 慶, 護 舉 蓋 殺 非 撫 時 約 向 乎 撫 傷 之 務 惟 則 ? 亦 如 廬 而

往 口口 베 講 往 進 斷 兖 屯 東 見 絶 種 地 故 可 帶 方 行 抛 農 行 借 荒 李 事 甚 無 登 猶 多 人 塲 有 以 而 頗 戒 經 其 勝 心 理 地 淮 之 臣 到 北 耳 乃 處 旧 遵 有 遇 青 水 有 烟 利 州

> 之 遺 移 驛 年 西 于 臣 羈 民 長 口 一孽是慮 路爲 糧 嘗 遞 米 便 事 縻 則 而已 亦 矣。 遇督 誠 豆, 矣。 之。」于是紛 無 可 見 又 賊 不 百 充 以 爲 上官 百 藪 驛 運 以 而 開 運 見今東路 然 倍 倍 一侍郎 2 遞 催 最 墾荒 道 有 督 維 維 苦者 復 科 扼 計 賦 餘 艱 艱 紛 爲 王 斷 而 蕪 上 , 莫若 蹙 倘 運 正 陳 南 有 輒 且. 以 0 道 志 官 告, 額 北 思 遷 護 以 東 亟 而 为 因 涌 亦 掉 延 咽 餉 曰 東  $\equiv$ 又 議 復 臂 喉 未 日 之兵,若 : 言 路 向 既 府 者 西 有 去 臣 徒 此 .猫 可 路 而 甫 而 以 終 差之 代 代 使 以 求 苦 驛 經 不 處之也 東 讓 并 西 免 招 搋 西 減 無 招 之于 路 集 之 無 兖 法  $\equiv$ + 聚 西 府 路 爲 當 之 府 東 以 之 流 几

Ш

<sup>「</sup>墾」,原作「懇」,據文意改。

❷ 「兖」,原作「衮」,據影印文淵閣《四庫全書》本《劉莊

道 不 并 亦 計 受 不 催 之左 護 其 糧 前 鞘 敝 也 真 而 另 計 特 遣 之 委 部 左 卿 郎 貮 也 徒 轉 嘆 且. 多 鞭 也 掣 長 各 肘之文移, 之莫及,兵 省 直 藩 可

況 蓋 民 歉 不 給 給 召 以 , 僅支眼 價者 價 買 召 比 不全, 臣 雖 買 行 有 米 下 至 官 豆 賠 河 價 累 爲 畿 間 之中 艱 南 而 所 準 屬 多 又賠累焉 帶, 以 坐 獨 時 有 幸 苦 價 司 稱 無 已 不 有 雨 甚 苦賠 職 年 秋 則有 所 特 收 累 致。 全 小 告

分催 謂 保 以 息 少 去 甲 衣 而 絶 科,便 方 總 兵之説 食之望, 賊 騒 多 之, 擾。 以 減 今天 官增設 ,古聖人 則 爲 因 分盜 盜 流 下 使 之 亡 瘡 而 隨 原 自 賊 斷 事 痍 處 ; 集 斷 未 愈 省得 即 講 則 乎 起, 壞。 屯 瘡 不 可 流 田 痍 今但 我 隨 人差遣, 水 漸 誣 處 未 利 起, 緩 也 行 集, 得 與 鄉 而 所 約 人 便 民

> 概 有 天 種 辱 撫 此 過 紛 巾 于 兵 H 乎? 天下 贵 紛 不 舉 河 賊 吨 日 踉 而 而 之 動 言 可 ,未半渡, 多 日 兵少之故乎 蹌 終 該 大勢, 餉 勝 辱 練 真 勦 無 而 督 乎? 誅 兵 也 還 則 成 兵安民 遂 者 而 兒 亦 兵 繼 遣 而 而 矣。 其端 則諸 臣 安 戲 不 終 以 輒 ? 在 用 ! 助 無 兵 典 爲 臣 臨 口 援 此 賊 將 賊 \_\_\_. 史 雖 以 胸 師 又 多 時 以 兵 多 蒞 所 旦 類 聞 觀 兵 文 害 擠 相 可 賊 隅 驟 推 望 爲 小 武 民 盡 用 傳 誉 之 遺 玩 溺 乎 袁 諸 劉 遭 ; 「, 反 見 寇 河 死 賊 大 致 屠 總 H 聞 之罪 決之禍 者 聲 受 吏 反 日 戮 鎮 而 未 無 其 言 領 何 授 言 且. 足 種 挫 就 兵 事 啻 爵辛 調 愈

首 念 民 惟 皇 艱 E 多 獨 方 觀 收 萬 恤 化 或或 之幾,深 量 核 災荒 酌 時 務之要, 徑減見

●「豈」,原作「起」,據全書本改。

各 算 任 年 向 化之日 自 撫 錢 無 握 按 糧 恃 ()令所 或 坐 矣。 見 切 深 專 懲 中 臣謹追 在 州 官 覆 官 釜 轍 專 據 司 魚 遣 實 盡 各 縱 指 罷 舉 未 從 陳 前 兵、 滅 此 以 H 亡,亦 本 聞 農 練 計 餉 錢 既 當 穀 終 大 之 有 勝 勅

### 條 列 風 紀 疏 崇禎壬午十月二十 Ŧi. 日 上

循 職 掌 都 條 察 列 院 風 左 紀之 都 御 要 史 以 臣 佐 劉 聖 宗 治 周 事 謹 . 爲 敬

是官不 天下 弊之端 或 爲 風 不 臣 徼幸 得 紀之司 惟 遂開 人,則 或 者幾 家 天下 設 法 古 希 立 理 犯 久 内 亂 而 而 義 臺 臣 安 弛 犯 與與 乃凛 一、令熟了 危之所 刑 六部 之習, 凛于 而 自 相 玩 此 所 出 提 矣 不 種 也 衡 至 種 受 惟 爲 以

者神 臣 所 聞 被 君 者 子 逾 之 廣 德 故 風 又 也 日 風 無 知 形 風 之 而 自 所 及

> 機。 者 地 求 無 萬 臣 臣 臣 思 大 此 口 乃 之 以 則 忝 民 以 其 不 義 以 自 厥 惟 對君 官 不 權 敢 法 以 進 在 朝 于 皇上 才忝 職 古 也 紀 不 而 正 廷 諸 端 乎 父, 于 奉 席 與 而 以 四 御 本 ? 荷 皇 正 揚 藁 諸 與 方, 必 及 史 澄 皇 心 躬 之 服 臣 御 反 以 天 之邃 上 且 源 故 臣 清 皇 史 事 而 下 正 任 然 之 敢 指 約 上 不 責 使,受 亦 説 朝 密 其 不 端 況 可 之大法。 諸 廷, 繇 得 操 受 要 以質 不乏 其 亦 身。 繫 是 之, 者 成 事 以 爲 有 風 以 于 天下 伊 而 正 而 風 之 苟 不 求 于 類 下 始,不 百 在 法 行 之 其 長 可 紀 陳 官 臣 行 以 草 者 不 綱 之。 大 衙 念 自 庶 以 偃 紀 敢 乎 亟 顧 夫 門 講 不 ? 名 幾 正 近 遽

吾常 之 ൬ 極 天 因 下 京 舊 繇 日 之 建 師 址 以 首 建 道 善之 揆。 首 感 發 善 臣 地 興 書 聞 院 起 固 者 于 道 商 也 京 揆 邑 師 翼 之所自 先 翼 率 臣 馮 四 大 從 方

人多迁 之師 學之地 之憲 之秀 州 縣 用 經 筵,方將闡 識 向 善書院 令學士大夫仰 卒遺崔 之爲 八之 同 各 序 風 》、《小學》二書,頒示天下,一時士習多 者傷之。 者專 復 者。 此 以 不亦 達 、魏 之者 或 都 其 即 ,猶然空文耳。 志 里 而臣 于 人士 爲 意 初 者 袝從 頭孔 之禍 中 休 天啓 國學, 社 肄 固 從 而 彦 乎 小學, 以 學 業 自遠矣。 承教 講 吾爲 孟 吾 士 聖 爲 舊 地 肄 將異 之奥 首善 日 而 有《 明 制 仰 澤 先 瞽宗 其 教 : 因 乎? 中。 倘 日 小學》之教 以 躬 一今日 是,皇 選 并 昭 之, 而 賢 先 大 紹 席 名德 勅 聖 而 竟 會 良 因 聖 問 首善之舉,即 天下 臣 明 令京 正 上 鞠 以 廣 方 統 學 而 老成者爲 興 請 不 特 是罷 繇 爲 IE 寧告陷 府、州、 道 師 而 亟 而 可 日 重《 諸 黨 茂 致 復首 不 子 御 無 獨 科 庠 孝 治 弟 小 經

> 化 未 必不因 淺 鮮 此 矣。 而 起, 伏 候 而 聖 所 裁 裨 于 聖朝作 人 之

至深 威 自 得 姦 東 錦 院 刑 天討 人人重足,浸 民 日 皇 與 事 厰 衣刑具, 巨 所 部 法 不畏死,奈何 E 遠。 不能 錦 司 緝 恶, 所 非人主 以 出 曰貞 御 事 不 以 衣 風 于 開 平者,大理寺得 能 治 極 衛 時 聞 亦 事 是 國 法 以 決 庶 比 一所得 傷 權 事 寬 或 有 之初,高 守。 後 者 獄 周 九 件 恤 宜 初 錦 以 用 此 後 1 都 重 時 視 而 而 死 衣 臣 事 曹 好 塵 偶 歸 察 私 前 懼 之 聞 日 皇帝 生之 睿 猶 訊 院 代 也 一行之于大逆大 之」之語,立命 獄 致 遂 Ŧi. 而平之,其 覽 讞 不 得 爲 相 刑 不 已 · 辇 難 于法 我 獨 而 主 沿 Ŧi. 廢重: 讀 肆 或 詳 決 有 用 轂之下 而 幸今朝 羅 家 之 司 老 不改, 私 典 織之 設 繫 寓 蓋 子 刑 部 之 焚 意 立 曰

九

0

覺 始  $\equiv$ 職 路 請 且 無 不 御 廷 代 必另一 旁 史 察, 自 已 得 踪 有 而 寄 刑 不 今 改 盡 清 廉 衛 跡 措 之門 下 行 定 出 獄 彰 其 之 厰 錦 切 覺 覆 大 勅 情 著 風 之譏 輕 衣 典 盆 察 書 者 朝 罪 其 重 端 之 從 中 事 獨 不 四日 其 獄 庶 享 重 前 外 許 露 復 或 可 詞 清 者 幾 歡 有 臣 畀 以 并 專 乎 静 切 呼 送 衙 不 不 此 坐 之 聽 聖 株 門 事 公 御 刑 曹 福 伏 連 不 德 以 部 史 以 法 候 自 蔓 于 法 究 Ŧi. 事 司 聖 御 引 以 傳 此 城 而 擬 聽 權 裁 史 皇 之 仰 耳 御 于 矣 斷 追 目 得 倘 史 道 1 冤

苦 借 尊 于 而 腰 耳 践 以 主 帥 者 喻 盭 之約 今天 上 日 崇 下 即 所 束 下 之分 今中 或 謂 不 之 體 失 行 原 勢 今不 亦 寇亂 何 臣 何 日 啻 聞 故 治 體 · 士 指 堂 統 非 高 大 卒 即 E 非 徒 于 廉 大帥 而 臂 遠 病 不 後 林 腫 臂 古 朝 非 立, 又 不 大 廷. 人

己 僇 者 耳。 地,不 恤 矣。 尚 部 會 臣 陵 主 陵 碁 夕繫囹 唇之中 哉 得 自 替 行 議 E 書 翁 布 臣 維 替 九 此 則 之勢 而 過 皆 緤 收 議 侍 而 當 品 經之政 叛官 臣 吾 凡 繫 轉 郎 積 詳 文 伺 其 所 矣 而 吏胥 所 不; 其 其 之, 者 而 相 漸 臣 乃 長 在 爲 上 ; 以 不 名 之 所 尤 之 付 他 寒 事 方 有 日 敬 忘 之任 青 尊 由 效 勢 節 即 司 之 伏 位 犯 心 大 禮 朝 矜 來 也 制 寇 以 日 等 罪 謁 雖 也 遇 者 臣 耳 而 廷 此 不 其 者 尊 之意 而 而 而 司 抗 漸 也 受, Ŧi. 臣 而 罪 請 進 趨 體 朝 矣 寇 師 先 日 73 人 而 行 之王 自 承 群 升 又 頃 帥 議 京 人 行 知 岢 語 遣 今著 者 堂 臣 推 何 定 以 倐 其 九 兆 其 今 僕 公, 此 故 而 之 耳 從 坐 卿 皇 令 權 何 此 奴 X **令**, 受 以 之足 號 雖 殊 科 吾 維 藉 所 而 事 往 業 階 于 下 死 待 緤 爲 殺 則 道

之,以 案 曲 頗 致 其 爲 恩 將來 聖 禮 度 戒 累 而 終 不 伏候 有 小 感 聖 則 于 裁 臣 舊 不 銓 得 諸 不 臣 慮 之 及

之説 之所 乎 者 等 爲
完 大 之外者 姦 滴 灰,③必 而 而 關 皇 1 胡胡 所 宄,同 加 遂 ,以見 慎 羅 係 難 狡 上 弱 此 爲 謀 亦 朝 此 者 係 防 日 通 其 乎 而 清 姑置之 士 乃 類 線 云。 腹 膽 非 來 朝 伏 索, 時 在 而 且 大 而 心之寇慘於 哉 堂 姦。 一姦

完

。 今天下 稱 貪鄙 表 輩 包天,爲 ? 禁 而 裹 逞 網 罷 不問 地 臣 賊 賊 縉 之動 爲 再 間 聞 紳 前 · 在外爲 在 流寇之 姦 逞 忽 官 以 王法 此枚 「蠻夷 冀 内 乘 至 有 裔 而 吏 倖 矣, 無 全大體 谷欲 以 夷 不 之所 禍 非 1 猾 (, ❷爲 已 若 (主所 則 燃 難 姦,在 之 易 乎 望之福 夏 名 既 以 必 舉 ? ,豈不 必 解 甚忌 揭 門 死 有 寇 明 也 之 告 何 主 户 爲 内 語 賊

> 者,許 結 除 或 庶 身,或假 此 云: 外大 交近 亦 魑 若 不 不 魅 名文字一 臣 小加臣 外 鯝 侍 見其 途干進 衙 此 魎 踪 門 而 不 僚 形, 竟 至 跡 得之矣。 切 不 以 因 跳 顯 立 願 論 白 梁 著 而 毁 察 見 勅 于 簡 者 其 不 任 伏候 清 類 從 問 影 不 廢 斜 畫 事 0 外, 妨 聖裁 籍 封 ,而保泰之業 臣 立 立 官官 但 或 一破 置 請 有 借 百 姦謀 此 典 朝 事 傳 後 刑 皇 紳 奉

稍 科 京 由 濫 師 官 觴 道 邪 士 者 几 大 日 ,未甚也。 一之説 大與 懲 ,而官之失德 官 識 外官交際, 邪。 者已 我皇上 臣 聞 爲之 自 或 御 自 寵 家之敗,無不 噦 極 賂 臣 以 品 始 通 其 籍 往者 時, 後 加 稍 意 有

<sup>● 「</sup>蠻夷」至「曰賊」十四字,原缺,據全書本補

<sup>「</sup>慘於裔夷」四字,原缺,據全書本補。

③ 「燃」,原作「然」,據全書本改。

復 足 維 士 衙 理 稍 成 易 + 至 相 不 盡 愈 澄 而 有 列 以 路 門 洗 有 風 衆 尤 廢 以 其 册 見 清 若 警 信情 令行 · 恬 黄 起 以 柬 以 風 途 間 爲 臣 猶 惕 贄 廢之典,不 聞 金 投 亦 必 示 不小。 囂 不 愈 有 幸 未 致 自 諱 乞, 即 搋 而 爲 巧。 次 輒 久 得 以 禁 也 單 臺 長 搆 第 恥 此 袖 賂 至 必 與 止 詞 省 但 臣 安 改 其 託 告 相 手 廢 天 矣。 成 檄 一受事 禁紛 有 而 金 頃 觀 授 者 事 應 小 下 而 之,立 辇 上 價 自 書 詎 受,不令左 易 更 贵 \_\_\_ 起 搶 權 冬官 必 金 薛 紛 日 聽 名 知 併 可 者 始 攘 罪 貴 陳 高 而 或 置 令穿 色, 矣。 禁愈 禁 又 時 世 ·; 如 不 乞。 觀 人 共 三尺。 乞, 止, 一界,而 赦 長 日 敗 奏 倘 久之白 窬 是 見 嚴 安者。 + 廢 右 以 決 澄 其 内 者 見 以 而 而 者乞, 册、二 窺 裂 至 挽 清 近 積 習 乎 外 犯 爲 人 見 頹 者 習 心 几 于 臣 之 以 ? 官 者 鏹 是

風。伏候聖裁。

之遣 按 手 持 所 或 斂 戚,自· 百 漁 未 催 乎 心之藉。 攫 + 前 官 Ħ 姓 以 科 ! 獵 厭 而 女好 之 視 之媒 是 之 心 也 而 者 古 過 九 而 贓 金 Ĺ 從 火 也。 誅 客 者遂 察 方 而 官 官 之故 賊 飭 錢 耗 ; 及 求, 取 吏之責 然矣,矧今天下 而 取 吏治 計 如 地 至 臣姑先言今日 不 詞 亦 贏 自 仇 鄉 其 方 朝 ·敢問 殊 訟 直 不 府 紳 響。 有 而 廷 獨 似 以 反 而 而 臣 頒 吏 而 臣 有 顧 軀 贖 道 聞 事, 者 民 在 取 衙 口 鍰 命 旦 吏 **令**, 愈 京 費 其 門 原 而 則 易 而 治 有 魚 吏治之污。 苦 之權 其 已 專 者 九 司 則一 後 耳 事 之 爛 視 +, 之, 不 事 乃 關 瓦 足,以 爲常 要, 而 或 一令耳 **\$** Ė 者 知 至 即 則 解 生 撫 獻 問 即 遞 此 供 常 巡 之 爲 民 城 例 其 畫 是 其 科 方 而 見 爲 如 休 H 베

若 得 家,巡 風 自 歸 者,未之聞 賄 賄 者 巡 進 而 此 乎? 番敲 則 而 焉 臣乃執之爲回 寬大,獨于 ,亦無所用之,有不吏畏其威、民懷其 方御史者尤甚。 并 吏治當· 楛 肆 方不 自 而 亟 吸,欲求民生之不窮且 然則 應 巡 第 相沿之例,有 罷 也。 及 不 撫 專 有起 減 風 臣 給,而 問 責 俸 而 臣嘗念今天下用人行 憲 亦不必詳言吏治若 色 也。 道考察第 下 之巡方,但 行取之例,行久任之法 受贓之律毫不容少骫 乎 皆 即 至 ! 如是 不 司 其 于 伏候 已 間 贖賄,守 誉 者 稇 贵 陞 義,以爲吏治 令巡 聖 載 無 謝 盜 矯 而 番 薦 以 令即 方 往 矯 死,可 差 丽 不 遺 政 自 用 良、 遣 宜 黷 德 黷 其 諸 好

民 務之要,而于風 小者 凡 若此者, 以 修 政 紀 臣 而 所關,大者以 雖 立 不 事 敢 亦 盡 稍 謂 稍 尊 有 得 當 主 其 于 而 庇 要 時

> 賜 領 施 倘 行 世 明 道 弗 幸 以 甚 爲 勅 下 各 該 衙 門 持

請 嚴 考 選 疏崇禎壬午十月二十 七 日 上

門 憲 大 事 典 都 澄 察院左都御史臣 叙 宜 嚴 敢定流 品之衡 劉宗周 以 謹 裨 奏: 激 揚之 爲

闢

也。 俸 事。 獎恬 出 之意,而自人臣處之,惟有退 轉 之役,臣宗周 行 捷 也。 郎 因思 臣聞 夫遴選之典,朝 取者矣。 而 此一時也,功名之路驟啓,囂 抑 署 臣 進賢退不肖,固銓序人才之法 競 中 衙 ·有自 特奉 門 臣 風 以 皇 行 移 紀之司,固 爲 陳 上 廷所 世 乞者 斯 面 道 諭,不 以深致求賢 之 矣,推 一者皆 權 然引 清 敢 不 議 乃 知 不 避, 之 者 可 競之途 凛 中 若弗 若 考選 所 爲 凛 有 渴 訓 自 減 從

爲,能 顯 異 伐 禮 俸 職 吏 并 將 克 碩 也 而 年 治 ? 斷 ; 業 薄 勝 日 義 必 後 惟 有 防 之爲 資辛 者 廉 臺 徑 者 有 有 稱 所 且. 授 必 河 郎 而 改 恥 口 今 建 功 不朽。 樹 是 今 考 臺 郎 也 不 天 省 乃 類 而 立 名 焉 省 視 則 非 署 士 而 得 下 郎 紛 不 而 之 臺 君 而 減 賑 郎 亦 有 居 紛 最 共 而 卒 今之君 可 未 辭 子 省 俸 署 考 濟 功 譏 也 是 後 媒 以 聞 言 者 居 爲 乎 選 保 快 之 也 名 進 有 視 臺 立 者 ? 身之本 微勞之 中 而 而 減 辭 子 省 臺 身之本 障 以 自 何 也 後 階 減 至三年 抑 宜 顯 而 省 霧 綢 樞 士 有 俸 也 得 以 節 何居 曹 繆 爲 不 臣 係 勸 而 事 禮 之, 蕩 之 已 必 而 頗 薄 建 焉。 何 其 也 業 者, 得 曹 焉 然 乞 隳 聞 城 郎 人 遂 莫 幾 之物 放 考,又必 而 署 先 皆 以 也 有 嗟 有 非 與 乞考, 棄 此 而 至 乞 郎 朝 炳 廉 乎 減 本 而 也 攘 耀 署 偉 減 等 此 名 恥 至 不 墦 而

> 君 化 以 殿 不 攘 廷 罔 極 以 如 而 争 爲 1 此 其 來 者 誉 效 可 誠 否者? 不 求 忠 可 身之 之資 握 懼 無 券 稱 所 廉 若 而 職 不 而 恥 待 何 之 至 以 既 也 難 而 爲 不 不 其 恩 而 恤 難 爲 威 矜 呈 植 又 之 體 身 黨 奚 府 統 誉 如 有 之 私 彼 于 苟 倨 欺 立 速 口

之選? 外 蟬 于 慎 臣 而 功 居 如 7,又以 終 今之視 鄉 後始不負臺省之選 河 人 未易 而 長 臣 不 南 見 簡 于 安, 御 至 多 匪 洲 昔。 是 史 至 今 挺 方 人言 屈 人 深 嚴 之 不 短 指 松 厠 猶 有 雲 溺 喪 能 籍 栢 足 記 職 京 起 感 之節 其 不 籍 臣 大 焉 復 謂 間 爲 可 前 姦 如 此 者 前 必 爲 姑 **\$** 得 臣 給 以 袁 人咎。 名 Ш 請 自 恐 攖鱗 路 假 臣 愷 教 東 之 後 以 袁 者 御 所 成 往 愷 之 亦 日 中 倘 孰 至 不 視今, 勇其 事 喻 舉 可 成 失 賄 非 容 折 H 以 勇 或 今 清 賊 ; 猷 之。 又 甚 冒 而 寒 華

效 之列 有 劍 所 裁 鑒 今二 謂 無 日 事 一熱 臣 夕下 臣言 身 鳥 累 雖 賜 白 廢 環之 獨 勇 不 而 如 詔 尚 道 錮 自 亟 鶚」者 戍 光 復臺 籍 如 也 員 愷 知 以 聖 在 明 終 起 後 用 H

斤 雲京 幾 隆 淺 競 風 斤 其 者 有 分 示 澄 分别 之。 賢不 小 非 仰 慰 叙 祈 渺 罷 ,永足 仍 肖 議 聖 小 云 朏 者 明 處 乞并 之 不 戍 嚴 概 爲 而 與, 勅 勅 凡 狂 籍 皇 該 該 而 上 瀾 成 自 部 部, 擇 饑 之 勇 行 其 渴 砥 是番 即 將 陳 廉 求 所 與 御 乞 静 昭 史 才之意 考選,必 與 關 退 雪 喻 歷 于 讓 上 俸之 世 則 猷 者, 道 亦 惟 以 庶 汙 此 嚴 以 最 恬

# **申救熊大行姜給諫疏**崇禎壬午十月二十七日上

承 聖 都 諭 察院 感 激 左 時 都 艱 御 敬 史 矢 臣 劉 責 宗 難 周 之 謹 義 奏: 以 啚 爲 報 恭

稱事。

苛 信 誅 光 明 止 也 我 守 不 諭 不 惓 詔 之象 之計 守 皇 ? 更 求。 不 兢 覺 ! , 指 以 求 則 調 羅 文之業。 賢 兢 心 責 上聖明天 H 顧 小 及 而 化 者邊 至于 宏開 難 爲 膽 日 逞 人用 餘 臣 憲 盡 瑟 門户 望 俱 夕 作 孽 乃 綱 還 ·天變人窮 方告警, 諸 與 碎 聿 猶 威 之惇 事 闢 竊 縦 ; 首 所 臣 新 作 諸 延 之禍 門 有 下 況 誅 以 庶 福 踵 嗣 之典, 御 感 大, 困 臣 責 爲 大 致 政 之 服 相 其 史 于 兵 忝 民 備 人 逆、除 舉 私 之 傳 煩 朝 勉 今者 生, 列 臣 益 足 連 于 護 初, 皇 野 向 置 臣 肉 風 子 切 禍 上 上 方 則 來 遂 方 言 大 禍 乎 者 紀 引 結 摇 處 焦 喁 無 得 將 女好 敗 責 尤 ? 交 躬 勞宵 或 喁 法 切 大 以 而 之 切, 戟 之 是, 業 以 有 仰 想 慘 不 所 不 小 故 之下 思,惓 旰 當 甚 其 望 急 幸 峻 則 忠 爲 承 知 矣 官 太 盛 煩 聖 所 以 無 小 以 敢 聖 下

平 不 力 會 也 而 不 敗 乃識 啚 相 前 仍, 者 此 于 之作 至 此不 有 孽 今 無 白 Ė 隱 深, 誠 憂 矣 後 剥 事 復 之 相 幹 乘 之 蠱

植 歸 名 其 臣 其 開 若 輔 于 深 觸 言 密 黨者 奏 以 者 子 朝 名 臣 聖 元 之義 者 進 對 詰 會 言 廷 怒,下之掖 今日 所 口 掩 言之 之間 争 揭 罪 之際 坐 ,在姜埰 益弁髦 而 乎 詰 科 正 也 風 臣 第 法 臣姜埰 欲 起 爲 拱 之 于 乎 如 臣 今日 而 憲 此 則 聽 庭 罪 屏 引 ? 不 採 禍 説 綱 御 以 勝 詔 所 之幹 豈 人 此 闡 臣 司 而 傳 密 股 之下, 坐 或 臣 倡 端 在 不 臣 不 繹 語 慄, 正 子 矣, 蠱 顧 聖 知 熊 熊 爲 而 善則 以 開 矣, 不 退 諭 所 開 欲 此 前 開 天 翹 力 挾 元,並 为 而 盡 其 下 則 日 而 元 歸 者言 思之, 何 避 天下 其 之 之 心 追 則 之過 君 説 規 作 可 論 心 爲 以 以 卸 ·之爲 可 如 過 孽 原 言 誉 而 指 舊 而 熊 原 私 則 之 己 贵 第 第 事 摘 事 而

> 惜之。 罪 獄 之法,終不可不 臣 即 失 氣 베 之 辨 猶 處言 有 其 以 發忠愛之忱 言 記 罪 去,然若 輒 枚 可 官 可 贵 有 原 罪 1 自 不 言于皇上之前 會推 今日 也 正 惠 洞 · 慎 不 世 若 聖 之役,干 而 難 所 始 揚、 觀 矯 明 借 施 火, 章 所 在 枉 矣 此 Ē 傷 上 不 推 觸 于 宸 或 無 斥,以 見 則 聖 者, 體 太 至 怒 諸 夫 過 似 隱 大 諸 臣 輿 作 ? 非 譴 至 論 是 臣 正 細 大 各 以 直 至 非 故 之 臣 今 得 衛 叫 得

易。」 乎 爲 難 必 受之言 有 ? 從 禮 樂 望 而 諸 義 所 取 乃 臣 之則 孔 臣 難 臣 曲 聞 于是而 子 矣,今試思 審 克 喻 之人之言 乃 遂進之以 如 之 于 是,又 轉 私 稱 圜 更 推 責 有進焉。 究 難 何 難 而 日 知難 之恭 于 必 者 逆 幾 何 耳  $\Box$ 之説 爲 微 道 之 在 以 我 前 君 中 先王之言, 自當 則 皇 · 日 難 有 舍 必 H 利 爲 己之 于 從 既 子 明 臣 所 以 主 身 後 無 不 Ħ. 難 責

以 裕 此 存言 刻 以 于 1 矣。 益 幸 姑 責 爲 爲 此 平 官之 寬 引 著 有 是 是 決 爲 此 躬 矯 矣。 君 卿 而 體 之下 卿 庶 大 惟 以 臣 以 大 故 人 夫 之爲 其 以 夫 子 莫敢 得 作 莫 言 彰聖度, 之非 思 聞 將 敢 而 匡 子 來 狂 矯 矯 莫 濟 者 告 怒 夫之言 其 其 子 時 矣, 改 衛 蛙 非 非 違 艱 勅 之 侯 又 ; 則 也 之 法 氣 乎 日 何 卿 \_0 或 本,亦 司 意 大 亡 則 興 勘 夫 聖 君 聖 臣 無 喪 問 有 出 出 之 德 明 願 日 餘 皇 機 少 于 于

不 識 忌 臣 素 諱 性 伏 愚 惟 戅 聖 屬 明 鑒 皇上 優 容 輒 敢

**請飭 覲 典 疏** 崇禎壬午十一月初二日上

遵 例 請 都 旨 察 嚴 院 飭 左 禁 都 諭 御 以 史 肅 臣 覲 劉 典 宗 事 周 等 謹 題 爲

俸留 奏澄 仍 千 矣; 恥 計 墨 訪 厲 相 除 示 衙 門 禁 事 應 金人京,投 後 客 愈 立 如 至 考諸 0 切 行 清之理 潛 如 餽 至 往 照 行 趨 外 朝 體 徴 官 期 得 送 住 竊 來 開 愈 任 五. 覲 員 遵 評 崇 京 逐 遇 照 有 報 打 官 下 城 年 過 奉 禎 城 禁, 有 近 點 城 0 又 歲 臣 責 送 從 御 有 世 特 則 等 御 或 時 今聖 各 成 捏 禁,已 史 有 覲 而 自 士 史,参送 轉 問 加 有 實 衙 欵 轉 其最 禁, 年 官 守 大 託 意 餽 在 政 門 肆 行 員 令以 送 經 夫 天 番 采 親 京 維 揭 臣 及 干 各 賫 節 程 故 鑽 邸 不 訪 下 打 新 法 衙 法 兵 金 捏 設 上, 官 營之費 投 年 外 以 門。 點 亦 司 紀 馬 嘉 情 如 申 席 員 苞 使 必 既 者 先 與天 者 故 司 有 肆 例 飭 苴 費 臣 習 人 無 期 仍 不 辨 禁,山 事 内 及 請 惡 辇 例 立 預 以 如 下 有 外 特 其 門 限 論 在 爲 餽 加 行 薄 覲 官 截 常 緝 設 爲 遺 榜 共 與 相 Ŧi.

申

明

洲

城

職

掌

以

肅

風

紀

以

建

治

化

事

發,城 請 禮 城,至 士 紀 城 一,而 御 處 自 教之窮 録 史互 臣 御 移 兵 期 等 即 史 馬 若 風 及 相 也 已 即 易 司 無 諸 不 覺 經 以 舉 俗之 優 御 察 風 得 不 發 陞 史始 聞 不佐 但 職 教 有 本 能 論 蓋 官 據 之以 贵 發 臣 特行 即 姦 能 雖 而 以 法 不 城 參 事 不 朝 敢 處 御 職 法 薄 史不 而 事 在 論 得 待 再 必 之? 天下 聽 特 行 御 行 舉 中 五. 行

行 體 禁 振 約 所 糾 施 參。 行 統 關 通 祈 將 聖 庶 應 時 舊 明 舊 拿 計 禁各 垂 俗 問 典 鑒 八之重 者 爲 項 之 即 勅 欵 改 行 豊 以 下 觀 拿 下 臣 其 問 衙 微 而 責 門 哉 士 應 各 遵 風 該 糾 奉 於 參 衙 焉 者 門 大 書 不 即

申 明 巡 城 職 掌 疏 崇 禎 任午十 月 + 日 上

臣

有

爲

進

爲

臣

都 察 院 左 都 御 史臣 劉宗周 等 謹 題

爲

具,

類

如

斯

矣

而

臣

謂

此

古

非

可

以

武

健

嚴

後

寄 舉 專 所 必 至 必 以 以 有 朝 令行 督 風 所 臣 廷 察 自 常 京 禁 辇 始 有 師 切 轂 感 止 者。 發 則 于 姦 而 頗 京 臣 風 下 摘 視 師 紀 衙 承之以 伏之權 漢 其 之 門 之司 首 説 御 善 史之 不 兵 隸 矣。 而 馬 知 得 差 司 天 自 臣 不 巡 官 下 城 請 别 屬 城 職 有

無 宗周 之爲 禁賭 發覺者 稽 察 考之故牘 致往 犯 問 于 受 裁 博、 九 者亂 果 諸 事 抑 門 將 爲 爾 條 衙 豪 城城 官 何 政 捕 欵 門 横 贵 吏 御 以 亟 洛 纏 之 不 不 爲 置 史不 行 賊 日 然 比 法, 懲 遺 對 淺 具 屋 爲 ·徒爲 ? 罰 諸 爲 皆 也 參 口 奢 天 厲 其 奏 封 侈 喧 御 而 下 階 職 打 ? 史 游 鬧 每 事 掌 點 無 H 戲 設 頂 之 之大 餽 也 足 有 敗 日 則 又進之 遺, 進之 報 怪 有 于 註 遂言 之治 者 也, 月 事 文 V 不 所 所

酷勝也。

之自 化 行,而 宛 善 老 風 事 美 化 禮 物 而 ∭ 意 紀 規 成 如 即 樂 教 口 行 風 申 天 自任 京 蕩 俗 萬 同 以 以 勵之權 臣 而 終 高 而 爲 師 下 井 相 鄉 民 聞 然久矣。 美 民 皇帝 未 近 聯之以 始 之效 長 之先 約 和 奏上 推 古,乃 有 有 有 弱 行 睦 陳之以 則 明 六言· 實 事 也 王 保甲之法,使 不 請 過 德 理 漸 比 實 而 若後 之 者業 間 難 焉 自 可 摩 意,令所 舉行 大訓 今臣: 捍 愛 治 以 之 城 族 再 禦 世 敬 已 天 次 黨 之 法 聖 以 御 相 見 者 等請 累 務 所 史 王 仁 下 即 而 于 規 在 奉 稱 何 以 民 也 今 爲 不 義 比 與諸 地 平 其 明 鄉 干 興 也 作 于 日 而 間 必 方 行 ? 旨 約 時 乎 城 居 民 特設 設 是 而 御 將 講 尚 而 道 居 保 切 申 史 本 以 爲 親 明 者有 之 鄉 力 甲 先 教 飭 良 鄉 里 而 之。 睦 王 以 疎 舉 法 故 以 井

幾 劄 事 舉 問 坐 甄 小 善 日 臣 游 不 保 如 差 本 ? 别 則 良 尼之 許 成 等于是乃立 如如 打 之 城御 至 官 罰 中 效 何 潛 爲 城 舉 倘 賭 爲 以 類。 可 題 御 俸 住 京 人? 史先 縱 博、 餽 遇 别 不職 史, 師 覩 差 京 姦 大 遺 有 衙 所 之衆 盜 師 以 旌 復季 不 則 門 前 糾 小小 不 責 九門官 賊 鄉 舉 過 項 降 如 所 调 令行 之類 成之法,請 Ŧī. 則罰 保 善 差爲 舉 級 私 非 得 至 方 法 良 發 娼 而 爲 吏 遞 雜 爲 ; 俸 何 甄 年 臣 禁 不 何 又 相 處 别 即 小 别 等 差, 大 止 法之 舉 輕 事 之民 衙 唱 坐 ? 兵 因 于 者 則 發 ? 以 門 本 則 馬 即 城 戲 降 糾 ,未之聞 類 重 徑 所 官 司官, 重 倘 差 子 盡 以 級。 過 ; 事 舉 以 行 則 縱 報 鄉 輕 收 非 權 發 驅 不 游 題 姦 竣之 保 旌 則 之 且 爲 職 僧 也 逐 不 庶 改 即 法 调 拿 鄉 何

統祈聖明裁奪。如臣言不謬,立賜申

行省 尤 飭 下之日 可 俾臣 于 恃 直 己巳之警,行之京兆府矣 各地 容 以 等奉以 安集 臣 方, 等 人心 施 裁 體 行。 酌 爲城守一 遵 事 依 其 宜 鄉保 要務 先 邇 行 者 事 寇警 所 則 , 恭候 屬 臣 驟 宗周 并 聞 命 通

### **糾參餽遺疏**崇禎壬午十一月二十五日上

糾 官 邪 都 察 行 院 賄 有 左 據 都 謹 御 自 史 劾 臣 不 劉 職 宗 以 周 肅 謹 風 紀 事 爲 特

部 外 從 出 與 復 郎 來 臣 民 書 加 ,則原 也 素 孫 儀 銜 臣 于本 昧 太 順 因 所 平 僕 封 任 爲 月二 生 齎 寺 絳 之過 周 一,進 少 以 州 方 + 卿 知 爲 付 而 可 四 武 打 州、今陞户部 謁 三四四 日 英 點 臣 時 辦 殿 外 育 于 4 中 事 計 私 民 許 衙 書 寓 地 方 門 王 左 臣 浙 而 育 坐定,手 右 因 育 江 有起 民 問 顧 司 民 者 員 而 其 所

> 與? 憲如 疑? 負 風 去。 無 紀 人 皇上任使矣。 弁髦然,實臣之平生固 臣 臣實愧之。 昔人云:「人心如青天白 幾欲作袖中之緣,而 席,而 不覺 處躬 此 曹猶 無 又重 地 不 以 難 退 爲 爲 而 臣乃毅然 國 非 自 不足取信 憲辱,臣 義 思 日 之干, 以 何 揮 臣 至 真 于人 視 之 忝 相 國 而 列

若 詰 不 方 負 而 皇 待 犯 在 者 時 事 不意令之不行,首中之臣,則自 大刻 其已 賄賂 矣。 隨 E 乃者臣方奉皇 刑 任 設而 該 使 犯 榜文張 臣 公行,偏 臣 矣 聞 而 不施,貴其 豫 後繩 古之爲 行 掛間 染各 題 上 之,亦已晚矣。 准 政 面 衙 都 于天下 所 惓 諭 門 人 以 惓 ,當又有莫可 責臣 誰 感 于 不 者,令懸 之者豫也, 餽 澄 知之者? 臣 遺之禁, 臣真大 清 以 計 往, 而 典

仰祈皇上先將臣亟賜罷斥,以爲秉憲

仕 革 無 · 王 路 能 一爲之一 者 育 之戒 民 并 清。 與 仍 懲 臣 勅 處。 無 下 任戰慄隕 該 庶 部 幾 計 將 典 越之至。 孫 於 順 焉 重 少 行 肅 褫

### **申飭憲綱疏**崇禎壬午十一月二十八日上

遵 奉 明 都 察 諭 院 申 左 飭 都 憲 御 綱 史臣 以 昭 法守 一劉宗周 事 等謹 題 爲

訖 照《 諸 勝 飭 不 御 諸 敢 諸 御 前 憲 御 御 不 隨 發 史, 臣等因 臣 史之職 綱》行 該 史 宗 勉 下 而 () 諄諄 者矣。 周 臣 欽定《憲 于 恭 事 次 于 即 臺 第 并 繹 本 有 其 長 諭 然 月 職 其 綱》 加。 憲 不 諸 + 臣 也 及 在差者另行 綱 御 等  $\equiv$ 臣恭 > 史, 書, 日 雖 二焉 則 恭 自 書,大都求 諭 表 各 領 承 愧 率 靖 而 臣 聖意 率 之地 劄 召 退 共 遵 屬 對 煉 示 乃 行 蓋 無 職 詳 去後 愈 慄 隨 以 日 能 于 訓 不

> 意 ? 無 聖天子垂 屬 事 白 肅 而 永 自 成 仰 憲 ,臣等與 自 矢, 爲 臣等爰取 塵 犂 臣 遵守, 睿 以 憲一 然 等 覽。 啚 稍 以 有 報 世之風 及 以 榮 三十四條 倘 稱 諸 竊 申 施 蒙 附 御 明 仰 鑒 猷 于 史 謹 副 輒 允, 敢 不 ,不至託之空言 具列 櫽 聖 使 愆不忘之義 不 括 容 明 耳 如左 灑 其旨 臣 惓 目 然 等 惓 新 約約 易 再 責 而 慮 成 行 爲 精 而 將 所 數 至 神

者 廟 出 懷 天 御 處 綱》首重 利 下 則宰 也 風紀之地,爲朝 風 史,往往繇之。 聞 卒收其言之利 禄 相 故 建言, 日 繞 或 待 言 重 指 類 罪 及 臺 從 易 其 乘 日 員 毛 剛 輿 「直言 雖 道 廷耳目之官,以言 之 舉 腸 則 有 至 建 矢 而 天子 或 貶 直 白 所 不 顛 П 竄 而 見」,蓋 然者 改 皆 倒 誅 無 臣 容 是 虚 夷 遜 謹 事 非 説 計 古古 而 按,《 爲 或或 身家 不 或雷 歸 爲 御 稱 顧 名 事 廊 責 史 憲

擇 言 揚 此 周 口 其 ,皆直 爲 德 風 附 紀 尤 姦 政 和 第 者 道 招 或 或 而 所 濫 權 攻 義 重 不 許 薦 納 也。 事 容 私 陰 賄 參 伏候 私 爲言官之 處,以 威 甚 或 福 聖 者 借 自 警 裁 附 題 恣 其 .)溺 下 誉 餘 職 图 窟 有 此 臣 或 當 于 振 比 上

道 章 中 差 授 矣。 奏,若十二 羶 相 綱 不 奏 避 淺 御 其 紊 特 職 不 冷, 坐 也 史充」, 日 資 申 一小 職 大 日 舍 御 則 而 偶 定 差 差以 掌 難 則 史 省 註 臺 曰「大差 臺 者 就 道 出 建 直 大 員 員 易, 試 巡 白 尤 于 差, 自 缺 之 之差 于 御 何 不 巡 而 推 人, 史充 任 何 以 稽文案? 可 方 成 移 定 則 遣。 資 則 不 法 而 之間 一, 曰 流 深 或 亂矣。 重 註 上 品? 臣 御 初 其 一,若 差 謹 史 中 大 試 古 事 而今也, 管 按 充 至 + 權 得 差 而 有 理 諸 以 以 註 定 ^ 章 不 實 如 差 趨 中 例 憲

> 舉其 監 則 勒 之當 之已 部 教 憲之當 序 概 而 寄 亦 以 論 爲 軍 以 不 鼓 職 特選。 酌 湮 焉 成 可 故 多至 者, 舞 者 得 差,兵事之安危寄 限 遵者,必 事 原 人才之大端 雖 視 必必 又必 不 係 不 其 之, 此 至 舉 致 會 加 間 則 兩 通 沿 游 立 其 同 以 有 未 畿 以 襲 爲 職 禮 移 整 題 可 督 遴選之方 日 部 飭 畫 矣。 也 久 差、劄 概 學 久 一之規 近 之 爲 以 焉, 伏候 今臣 特 法 即 差 資 差 生 選 ; 又 欲 序 使使 畔 不 聖 等 係 地 而 ; 問 論 援 同 裁 于 請 此 所 于 會 方 其 之端 一皆 舊 以 之 在 時 外 于 同 職 各 成 風 宜 章 資 有 兵 掌

于 此。 官 綱 無 》御 以 私 下 而 史主 之 得 又 日 地 許 徑 正 糾 此 内 自 臺 劾 外 拿 員 體 百 臺 問 之體 統 司 得 之所以 煌 所 耳. 統 相 煌 至 糾 豸 地 臣 益 劾 繡 方 謹 重 按, 自 其 也 以 六 共 重 ^ 品 然 處 憲 如

臺 外, 官 逐 員 而 非 古 執 古 而 其 以 刺 伺 有 人 人 定 貓 用 重 狐 體 手 鼠 耳 狸 本 矣。 其 是 非 ; 重安在? 問 徒 知 藩臬之品 以 府 而 官 之 舍 重 品品 豺 也 級 級 且. 狼 夫 亦 古 而 相 巡 甚 鷹 今

則

情,或 史 厭 變 催 以 責? 懸 懸 鸇 工 方 方 也 而 而 ,勢,相 使 者,必以 之計 科 至 竟坐是以 概 也 也, 在 弗 或 助 而 然 于 有 行 餉 多乞墦 亦 而 乎? 考成 吅 近 行 謁 取 則 日 頭 日 跪 人 有 以 見 決 矜貴 禮 陵 矣, 禮 龍 重 利 裂 濫 行 而 皆 替之漸,尤 斷 ; 官 又 巡 觴 跪 詞 倨, 相 郎 之不 甚 非 禮; 方 矣, 訟增 與以 爲 吏以 遂得 矣。 而 憲 百 此 若,其重又安 至教 體 日 贓 迎送 司 雖 下出自貢 臣 以 與 之舊 罰 有 表 官 請 行 地 率 矣 不 時 餽 有 其 方官 自 也 미 遺 誅 功令 今 師 而 言者 監 切 爲 求 在 充 乃 模 無 相 也 之 巡 之 御 無 助 其 趨 取 ?

> 史之 澄清 以 端 諸 與 而 有 盡 虚 體統 攸 貴 之 切 捐 而 賴 節 助 成 且 也 矣。 重 工 以 額 庶 助 催 夫 于 而 不 伏候聖 餉 科還 如 朝 至 朝廷之體 之義,量取之于其所有 是 廷, 下 撫 而 交 大 裁 字, 御 而 使得 史 統 以 瀆 體統 益 刑 益著 轉 罰 重 開 乃重 世 還 其 陵 教 攬 道 侮 御 之 其 轡

德 經嚴 綱》有 訪 取 以 而 貪 有 之聞 養 吏 意 考察之典。 烟瘴戍,而 處 也 交避 旨 也 巡方失職之條,至 見難真,坐是苦無下 而 日 時 法 怨而 處,高攀 覈 在 以 則文具之呈詳 П 必行,而臣 爲空谷之音。 尤重犯贓之法,于是回道 已。 乃後 道 之考察。 龍 近 世 以 趙 相 崔 等猶 南 沿 舉 呈秀犯 星 視爲 易 劾 手 聖明 臣 以 懼 飾 終 不 謹 無 張 故 稱 在 按 贓 成 素 以 者 事 上 慣 養 則 仰 私 ^ 累 采 憒 舉 率 例 遂 憲 也 承

犯 長 法 改 舉 套 集 舉 者 拿 蕪 明 明 贓 調 者 所 問問 若 某 于 行 得 劾 文 短 有 是乎 及 者 過 之。 爲 及 修 干 流 事 册 不 降 握 格 者皆 大 畝 不 移 與 另 權 級 真孝廉、 糾 行矣。 姓 稱 若 爲 并 如 事 得 衡 職 E 豪 罰 如 請 不 其 干人,又于 清 采 以 真 等, 與 横 其 俸 察 御 察 貪 訪 定 而 伏候 三等, 安民 真 若 吏 史 有舉 , 特 過 吏某 次 重 于 干 也 口 第 儒 糧 輕 聖 從 是 也 件 按 有 幾 道 差 人 某 果舉 真 裁 未 重 之日 果 事 考 何 遺 某 積 以 如 地 之 論 表 其 人,而 功 弊 爲 事 得 .或 執 方 于 **令**, 殿 平 若 尺 章 開 某 另 真 爽 而 而 常常 最 干 度以 得 姑 墾 考 向 地 廉 奏 尋 巾 件 察 真 得 登 方 常 酌 全 來 吏 之 荒 繩 不 報 例 招 某 簡 至 爲 經 之

綱 選 用 日 風 嚴 憲 臺 必 員 取 之 公 選 明 轉。 廉 重 臣 謹 老 成 按 練 ~ 達 憲

省之選 之品 嗟 争 鴻 以 途。 外 乎 也 且. 甫 則 可 ጠ 乎 者,反 情 既 有 臺 競于榮進 任 自 改 釋 不 ! 監 爲 鉅 效 臣 甫 員 重 褐 才 得 而 而 之 所 轉 拜恩 兵 觀 内 司 而 聲 難言之矣。 得 且. 患 倖 禁 者 前 聯 而 施 或 失 端 借 并 耗 新 之途 農、 輕 以 而 翩 輩 大 内 爛 邊 既 薄 進 外,于 何 即 自 臺 有 蒙 禍 錢、 然。 或外,未 才 督 開 初 自 待 所 員 欽 年 視 患 以 仕 穀 者 陳 不 遂 簡 撫 例 是卿 而 請 日 其 攘 者 之名, 至 實 可 有 者 官 自 而 事 今也,不 臻 賢者 之。 嘗 授 ! 知 争 不 今選授臺 如 寺之途 法 事 此 者矣。 有 以 屑 臣 欲 傳 如 可 于 多 人多 誠 軒 乃 至 速 舍, 觀 稽 是 是 特 出 而 輊 前 有 化 其 日 往 及其 視 時 職 内 其 薄 爲 也 此 員, 今. 競 者 嚴 事 業 監 監 與 爲 爲 曠 有 日 日 也 H 外 監 畏 弊 肩 司 自 典 以 口口 而

遵 天 去 以 或 義 亦 處 下 年 分 廉 配 憲 内 例 并 事 恥 京 伏 綱 名 閏 卿 有 候 或 之 外 色,使内 陞 故 口 聖 之 行 者 望, 事 次 裁 四 另論 之, 第 至遷 庶 維 言 者 人 而 0 外 者 情 既 轉 棋 四 矣。 之 備 積 之 酌 維 . 謂 節 H 于 至 不 臣 鉞 才 資 競 除 張 聞 品品 之選 深 以 П 之 之: 息 望 其 道 外外 間 重 何 考 而 能 禮 者 罷 于 概 察

**被放謝恩疏**崇禎壬午十二月初二日上

謹 奏 原 爲 任 感 都 激 察 天 院 恩恭 左 都 陳 御 謝 史 悃 今 事 革 職 臣 劉 宗 周

優 房 臣 隨 該 奉 召 臣 對 上 其 于 傳 中 新 閏 左 任 + 門 劉 望 月二 宗 以 其 周 奏 更 + 對 愎 改 忤 九 抝 日 偏 旨 今 迂, 方 隨 屏 藐 朕 閣 息 法 部 屢 出 次 狍 朝 諸

亦自 質 恣 老 其 夕 爲 時 下 道 私 廢 世,先後蒙 名 着 陳,多以 稱 成 冰 感 諸 0 肆 狂 革 不 神智 感激 曲 今早 姑姑 悖 偏 兢 知 知 職 痛 臣 欽 負 賜 罪 此 姜埰 駁 中 時 仰 漸 委任 矜 草野 天 從 恭 戾難 既蒙 異數。 艱 金 磨 香 全,天 皇上 干聖怒。 恩, 輕 詣 欽 等 光 報 切 之資, 不 午 着 逃。 遵 罪 本 面 辰 不 無 暇 門 降 諭 稱 狀 當 地 將 而 勝 功, 起 自 幸 于 尤 漸 外 三級 明明 重 父 載 臣 諭 自 耿 揣 一荷優 田 窮,至 本 輒 行 處 母 其 以 旨 分 凛 係 耿 間 菲 于 月 謝 之 至 衰 虀 及 説 輔 調 容,勉 劣, 召 憲 初 恩 恩 愚 病 皆 粉 此 面 謊 伏 臣 外 對 綱 禮 叨 之 極 出 念臣 輿 諭 奏 真 之 用 猶 赴 其 訖 圖 兹 餘 特 皆 其 陋 疾 出 復 際 乃 奏 鴻 懲 之狀 形 重 恩 不 年 而 生 戰 該 對 臣 前 念 仍 臚 艾, 任 理 老 出 後 骸 慄 之 爲 逢 部 臣 寺 尤 敢 望 聖 之 年 效 臣 條 漸 日 實 報 知 屬 詐 而 姑

三〇六

外。 雨 泣 息 尚 存 犬 馬 知 戀 9 瞻 望 闕 廷 9 不 禁

鑒 裨 爲 治 臣 算 于 平 堯 未 高 周 知 之望 見 深 要,少舒 惟 臣 舜 而 望皇上 自 之助 無 之 廟 任 者 古 勝 主 泥 以 自 也 而 宵旰之憂; 聖 首 聖 庶 1 己, 請 德 人在 尚尚 群 臣 死 策舉 日 爲 溝 何 以 新 此 天子 壑 近 聞 少 餘 而 擴 聖 日 陳 之位 生 群 問 躬 禍 謝 始 始 力 察 時 氛 忱 益 葆 以 終 之 而 張 用 冒 願 天 足 勅 中 皇 下 干 將 慮 幾 慈 上 無 益 廟 康

### **恭陳辭悃疏**崇禎壬午十二月初五日上

謹 奏 原 爲 任 戀 都 闕 察 瞻 院 天 左 敬 都 陳 御 辭 史今革 悃 事 職 臣 劉 宗 周

諫 不 臣 違 聞 其 志。」 忠 臣 臣 去 每 或 有 感 不 潔 于 其 斯 名。 言, 爲 孝 之 子 飲 幾

> 于 從 蓋 泣 而 御 此 0 此 臣 前 解 遂當遠 臣 輒 況 伏念臣老病支離,不 其 不 能 職 重 禁 以 事 不 違 其 少 俾 狂 闕 涕 抒 悖 廷,瞻 得 之欲 去國 之罪 以 長 雪 之懷 天尺 ! 林 也, 堪 豐 乃蒙 乎 五 鞭策 百 草 年 再 聖 亦 頂 復 恩 業 陶 己 踵 何 曲 聖 永 久 存 世 畢 徹 帷

領 焦 火器 庶 以 以 也 上 遘 務 下 也 闢 時 興 感 勞 戦 不 門 哀 艱 邦 召之,故曰: 臣 亦 訪 痛 惟自古國 謂 恤 車 落 之詔,爲 以 手 切 至 夜 益 我 王 矣。 分, 自 皇 與 濟 習 家 演 之引 上 之資 群 而 或 治 試 有 以 臣 臣 亂 道 無 爲 講 躬 以 動 猶 之 聖 常 難 刻 交警之誼 示 無 以 數,莫不 以 責 人 群 足 之主 喪 爲 以 臣 特。 邦, 日 未 承 至躬 天譴 也 如 出 覩 或 致 有 是 行 其 煩 多 人 而 間 要 親 Ħ. 皇 難 事 滴

無

何

心

無

轉

役

乎

必

베

誠

베

委任 入告 矣,皇祖 心、 學,爲 以 于 徒 無 法 紀 亦 使 誠 以 所 ! 一猶少; 心 神,争 外 切 綱 用 操之無 事 隱 以 役 臣 何 爲 矣, 其 未 之條 顧 神 禍 焦 常常 神 救 益 之善言 役乎 心 必 勞 之 在 讀 而 時 于 用 無 本 于 哉 布 無 代 毫 辨 高 上下 之大權 成 日 乃 人亟矣,而仁賢之奏效尚 或 ? 遺 釐 兢 皇 敬 而 敗 心 本 姦 紛 慎 帝 之 猶 業 然則皇祖之治天下 判 用 特 也 之 原之 ; ; 終于 之或 是 御 猜 不 數? 不 以 可 求言 製《心 務時 慮 疑 顯 臣 以 聖狂 乎 地 患 始, 心耳 失 轉 神 願 亦 ? 時自 深 廣 有 即 其 甚 皇 臨 爲 問 無 、況役神 今 矣, ·, 而 矣 要 先 上 役 何 》篇,有 徒 格 聽 無 防 受 以 以 以 焉 役 而 而 即 斁 其 姦密 政 其 法 謀 神 術 鋪 致 爾 焦勞 -,亦豈 神焉。 不已, 亦 勤 猷之 病 中 祖 神 敬 與 張 疎 保, 矣, 矣 未 爲 之 者 役 ? 甚 見 于 也

乎? 聽 事 實 有 丙 論 而 天 吉 政 奔 王 不 道 事 則 何治平之能 道 走 言 舍盜 以 宰 則前 口 于 故 之 而 天 乎 相 文 陳 純 信 賊 不 子 ? 疑後丞、左輔 法 平 也 復 而 而 惟 敬 不 而 問 舉 幾 親 神 則 對 且 已 論 細 4 不 誠 矣, 聞 錢 務,問 喘, 道 怒 之,古者天子端 穀, 誠 之 是率 而 宰 右弼,其職 職 則 宰 旦 威 相 神 天 而 相 月. 自 此 下 六 所 神 然 天 有 而 卿 不 則天。 德之粹 主 況 皆 必 曠 以 者 冕 問問 其 天 主 下 之 子 官 于 惟 惟 而 ;

之權 其 學 擇 矣。 迁 敝 疎 臣 以 又何 各 臣願 乎 如 死 爲 ? 此 不 舉 萬 必苦 皇 朽 此 其 事 上 惟 臣 職 萬 形 日 聖 所 以 化 勞神 進 明 爲 事 樞 諸 寬 芹 無 其 輔 惟 曝 人, **令** 臣 罪 之 H 而 輔 譴 之不 獻 講 天 臣 不 求 而 下 下 足, 賜 自 誠 古 侵 之 敬 知 以 已 六 采 其 治 之 重 卿

八

# **糾參輔臣王應熊疏**崇禎壬午十二月初十日上

謹 奏 原 爲 任 戀 都 闕 察 瞻 院 天 左 恭 都 申 御 謝 史 悃 今 事 革 職 臣 劉 宗 唐

年,前 乎 暫 踵 老 祝 棲 朝 ? 與 延 遲 出 終 而 耕 累 之 城 臣 蓋 攖 後 臣 鑿 宗 日 俱 仕 臣 罪 乃 于 際 周 盡 于 恭 每 戾 逡 聖 此 以 矣。 痛 朝 遇 巡 世 時 辜 罪 念 者 萬 行 從 艱 蒙 負 臣 僅 時 壽 矣。 譴 聖 惓 能 此 六 艱 昌 明 載 惓 不 永 辰 伏 己 而 泫 辭 有餘 不 念 于 重 以 猶 能 闕 然 臣 本 有 草 荷 遂 忘 廷 感 于 月 通 野 鴻 君 臨 荏 效 也 籍 初 而 慈 父, 岐 几 七 臣 苒 封 之 之 俾 + 以 日 人 大 頂 得 際 逮 之 資辛 而

與 幸 德 所 今 恃 流 心 寇 人克 之禍 共 奏卧 艱 亟 于 矣。 薪 上 嘗 言 臣 胆之效 守 Τ. 言 交警于 禦, 而 萬 事 下 殊 無 有 相 幾

常 熊 如 亂 熹 末 緩 重 心 前 章 臣 仁 舍之路, 去,始召 베 不 之不 之本 孫 廟 熙累洽 治 陛 然者 正 矣。 復 反 此 慎 之 下 祖 宸 正 在 而 轉 彈 足 復 行 崔 糾 臣 不 御 始 合之 用 而 愈 亂 者 毅 參,正 與 頗 上 魏 正 疑 遂 時 世 下操之爲 遂 倡 是乎 者, 然用 記 有 愈 宸 終 故 道 即 而 IE 有 爲 爲 應 艱 宸 休 智 身 徒 下 門 所 崔 人 ? 之,諸 熊 也 베 明 至 因 亦 恃 不 户 君 稱 爲 魏 今應 初 下 是 之説 非 而 愈 及 子 有 或 幾 而 當 之 進 非 愈 乎 下 以 品 用 彈 是 臣 門 禍 閣 之衡 ? 獄 玩 熊 解 日 以 焉 品 冠 之 以 百 亦 之彈 時 體 清 付 死 阨 者 未 鵲 賴 而 上 鋤 年 夫 曾 陛 E. 之 起 君 議 幾 起 于 也 世 愈 墨 即 下 子 爲 無 經 舊 彼 決 道 應 是 至 呕 未 辛 言 皇 之 之 輔 起 我 維 熊 時 舊 上 而 而 乾 酉 或 爲 繫 所 祖 知 廷 温 而 迄 以 科 王 下 也 體 之 家 以 將 浙 推 撥 于 用 罪 臣 應 廷 愈

皆 得 焉 連 連 萬 朝 熊 眦 所 假 石 世 江 借 禍 歲 進 謂 殺 出 弱 揚 科 生 而 乎 結,天 灾 靈 野 以 用 矣。 塲 人 節 大 : 嗣 、之毒 祲 益 網 次 行 而 實 而 昌 而 以 第 吾 體 糾 其 而 徧 試官、 臣 以 下 趣 驅 仁 其 之, 姑 薛 盡 私 官 天 小 無 之鋒 之 以 必 正 或 也 下 實 忠 間 其 儀 生 盡 强 破 觀 人 以 曹 蓋 小 後 监 君 朝 鏑 坐之爲 致 以 在 信 亦 文 累 時 之下 嗟乎 子 士 世 政 及 藝 É 自媚 有 經 首 之 者 界 干 中 謝 地 託 法 發 爲 試 也 成 不 陞 十 之公 于 皋 天 其 口 官 朋 草 年 Ė 足 子 流 和 事 勘 歸 自 黨 昧 脉, 寇 前 忠者矣, 問 引 又 者 節 亦 海 此 而 縦 果 殺 體 \_ 用 外 重 内 而 既 舉 科 横 誰 之 數 機 行 王. 此 甘 水 子 臣 兵 爲 以 自 應 白 實 睚 遂 IE 心 落 坐 惠

先 哲 王 H 推 陛 明 下 道 悟 術 前 事 發 之 政 非 施 仁 也 大 海 内 而 如 慨 慕 獲 古 更

子 畫 能 夾 事 或 太 豈 之思,全乏濟變之略 乎 慮 今昔之故,不得 生 而 口 日 日 有 之誠 平 則 者 雜 ? 之矣。 夕 之禍 恨 可 蚤 無 解 之 之。 濟 則 未 理 盡 者 不 鬱 進 以 亂 弊 輔 委前 ; 也 口 可 必 鬱 則 思 1 之分。 皆 尤 情 以 臣 謂 盡 不可告之廷 前 太 謂 君 以 流 可 周 人之過 面 然 此 平 忠、 前 學 今 子 怪 延 破 品 則 諸 之 日 已而 日 乎? 故 術 則 者 儒 今天 而 退 諸 有 人之作 諸 謂 猥 而 口 言 乎 樞 思 臣 言 象 今之諸 臣 有 ? 下 臣 苞 則 補 負 君 終 臣 孔、 矣。 謂 力 故 張 果 過 捄 苴. 孽 足 者 子 不 而 體 劒 或 者 足 時 時 絶 已 小 矣。 陛 以 足 孟 而 仁 臣 之 維 恃 之 之 深 誰 乎 人 下 辦 見 不 以 思 申、 略 ? 平 平 曠 動 自 臣 太 擯 乃 意 流 匡 有 ? 職 請 始 平. 有 終 禍 于 韓 不 猶 人 寵 非 實 爲 體 平 腔 終 低 集 中 亂 能 無 利 臣 有 而 口 多 衆 君 不 11 心 許 最 踵 致 無 口 捐 今 切

之不 謗 冗。 乃 邪 好 手 瓘 知 流 加 三 兵 言 베 不 自 0 可 容 禍 大 日 可 正 毒 王 下 言路 應 之相 之税 扶 乎 可 喜 生 臣 袖 乎 君 : 之不 則 ? 宗 餉 熊 ? 折 功 靈 新 臣 于 使 往 用 蒙 盡矣,將 參之 既 駕 爲 作 應 社 亦 昔 上之不 無 京 敢讀對 事 也 無 也。 遠 熊 魚 死之姦 幾 而 宋 以 之 正 所 略 彈 水 亦 向 如 植 聚 人再 效 嗟 其 章 歡, 云 之侃 是 賴 可 風 則 黨、 斂 仗之文,以爲近于 乎 亦 心 以以 雄,以 非 效 影 天下 爲 幸 相 無 已 而 術, 于 之不 補 侃 陛 長策, 掊 蔡 爲 誉 彰 今既 何 衮 諫 清 幸 而 京, 爲 近 下 雖 私 彰 之 議 甚。 而 論 臣 可 于 特 近 古 儼 或 矣, 職 之不 明 幾 者 起 無 勅 黨 于 伊 問 克 然 ? 今 不 報 而 以 瀆 以 應 而 明 爲 宣 之 立 然 恩 周 ; 熊 舉 凡 爲 何 爲 口 陵 其 臣 嘉 麻 也 怨、 陳 近 何 措 終 默 以 近 近 乎 矣, 概 謨 瓘 之 遠 默 與 不 無 隻 以 于 于 H 于

> 可 理 何 ? 知 而 定 亦 ? 甚 非 人 朝 心 廷 于 下 何 詔 而 求 言之意 ? 世 道 而 于 或 何 事 愈 而

之急。 理。 子退 以 況 威 援 也 爲 死 制 己之 聞 微 仰 小 臣 治 而 臣 臣 恃 亦 聖 見 六 人 任 終 保 尚 聖 何 以 老 明 願 年 邦 ; 叨 鑒, 憾 清 且 成 以 陛 之 朝 帷 爲 仕 本 益 用 下 輒 籍 蓋 路 腹 臣 從 以 敢 舍 之下 望 則 明 心, 聞 好 開 事 1 太 七 古 此 于二帝三王之學 惡公天下 人 王 集 平之象 乎 餘 之 情 不 道、斥 群 生 人 諱 議 而 之 畎 臣 自 爲 可 霸 無 П 畝 耳 無 揣 翹 功 徒 而 不忘 目 任 再 首 無 以 狃 無 冒 冒 黨 端 徒 進 而 死 天 以 恃 無 治 君 時 竢

# 劉蕺山先生集卷十三

## 與陸以建年友名典

心 形之 是 在 即 功 故 惟 洒 形 君子 最易 道 危 掃 上 形 應 也 道 即 溺 虞 對 故 而 心 形 處 書 小節,凡 上者, 曰 : 惟 色 在 微 以 下學 方 謂 雖 求 未 即 寸隱微中,故曰:「人 精 天 上 離 而 形 , 性 而 乎形者皆是。 上 上達。」下學非 不離 在 而 形 孔 致 下之説 乎形 門所 吾 戒 形 懼之 謂 也。 克 乃 下 只

字,當 弊,正 聖賢 哉? 樂非 致良 達。 所 十 故 心 官之思,言致 心,言中和而不言慎獨,言立大本 無動 之爲上哉? 獨 己,在《易》 謂 五 日 ,以空指 相傳 知 年學恭而安不成,有多少病 「聞義不能徙,不善不能改」,顔子三月 所以致 又安見視聽言動非 静、無大小, 道 也。 下即 在言復而不言克,言藏 「道不遠人,人之爲道而遠 固 心 也。 後 道 不 是性宗,何怪異學之紛紛 所 中 法,所以 是故 知 儒 涉 以以 謂 和,人情事變非 而 空 又安見形色之爲下,而性天 所 洗 掃 無之非 無 不言格物,遂不 謂 虚 心, 除 顯 ,學亦不落 迥别二氏。 所 一切爲學, 在《大》、《中 微 所 下學, 無 謂 以 精粗 主敬 求 密 所以立 則 象罔,此 仁,喜 痛 今世 以 加 無 免 而不言 在 無内外、 立大本 之非 不 不 所 離 , 孔子 言 大 立文 怒哀 也 俗 謂 相 本 洗 > 求 1 慎

容已 事 不 無 當 提 免 爲 主 一 免于違,●此學問 于 學 腦 躐等之見 不 問問 之説,蓋 厭之學, 而 不 也 知 慮 孔 孔 頻 子 思 失 所 辨 顔 頻 一之功 以 己 復 成 難 所 大 之矣,是將 日 聖 以 月之至, 終身 也。 執 不

#### 復 周 生

艱 及 時 君 慮 木 抱 而 不 不 溺 子 亦 事 耿 愚 耿 而 敗 僕 日 恤 抑 諱 則 己。 雖 非 少 思 以 愚 調 又 而 其身試 有 停, 斯 矣, 愚 讀 易》 報 子 道 矣, 書 外 其 君 房 阻 日 不 之風 其 志 父,畢 無 即 喪, 知 從借 可 志 恥 小 有 亟争之而 波荆 哀 尤 爲 致身之義 群 人 今日 可 也 凡 小, 剥 棘之場,卒 夫。 哀 廬 之 然且 内 也 敗 終 箸, 既 不 通 苦 緩 見 偶 有 嗟 不 籍 以 調 可 乎 有 心 載 會 之 諸 熟 久 胥 取 時 每

> 乎? 《易》,多得之涪州。 也。 其 他 地 惟 益 成 心 惟 夫 生 也 名 所 反 又 是 民 光,垂之萬 Ш 不足爲賢人君子 儒 昔 學 身之 何 爲 立 此 足以 敬 以 曹 ,其吾儕今日 韓退之中 當 天 不 命 佩 僕 地立 進,德 焉 升 何利之有? 明 萬 言 玉 ? 沉 教之辱 物 世 爲 成賢人君子矣。 心 寵 攻 此 不 廢 錯 體 辱 生民立命之意,于世 僕 修 由 重 ,作《進學 之謂 朱先 之 ,取容足之有 是 僕其 亦 則 吾儕 而 所 觀 全 已 生落 乎! 誣謗之交,困 惓 之, 敢忘先民 爲 度 爲 惓 解》以 此 外 職 天地立 丁長 伊 而 曹 置 歲 奉 不 111 救 之久 自勵 地 九 祠 之遠 容 孺 先 敗。 遷, 其 心 而 道 自 頓 生 不 矣。 忘 若 忘 猷 非 讀 己 道 遂

❶ 「不免于違」,全書本作「仁往往而是」。

# 與周綿貞年友名起元

焉。 父以 不過 天下 所 孔 能 在 又 臾之決裂,況遐荒遠徼尤非 大壞,莫論 Ш 意 以 重 超 亟 事 適 空虚之患 ,恐旦夕有變,吾輩 今天下 二三兄弟 常事者 以茸蹋子之釀 然于出 人主委 春 粤西 地 間 日 方之患 會貴 矣。 在 付之 原 轡 處之際 鬭 中 • 相 無 于 鄉 蟋 弟 猶 在 銅 舉祖 次 新 Ŀ 蟀 楊 聞 外, 不 成 如 去 舊 駝 致吾公祖,云 之喜 而 是 至 宗二 或 其 此乎 法 荆 皆急 處 外。 非 棘 可 士大夫 軍 旦 而 子 ! 争 白 中 需 網 或 帖然無 奪 今得一二正人 不 瓦 五. 王 南 今天下 而 吾 · 寐 聽 解 無 + 救 誠 盡 北 之衆。 黨 年兄 耳。 也 年 以以 事之日 不 司 遂 舉 與 金 知 事 相 兄 有 時 緩 甌 貽 動 己 軋 死 須 之 乃 出 事 政 罪 君 可 H

> 惜 安得 焉 苟 操 同 洶 如 舟請 洶 有 失 乎其悻悻以 則 柁 舵 不 焉 人 覆 群 之舟 而 命 焉 將 溺之患,反若 覆 舟 起 則 熟 遂 溺 而 人亦 識 隨 覆 攘 是 逞 人 風 誰 之,且 患 也,且 未 情 飄 · 未 生厲 蕩 有 事 出于 擠 敢 左 勢 不 同 階,至今爲 之溺 有 右 徐 拱 操 舟 攘 手 手 者 起 乎? 舟者之所爲, 臂 而 聽 旁觀 而 而 之者。 忿争已 操 操 梗 迨群 之, 之者。 睥 睨 甚 爲 起 而

吾黨之 不 異 真 往 口 免 于小 悼 虚 往 有 從身名起見,不 無 痛 至于吾 罪 間 人 人 矣。 隙 在宋人之上,不爲 者 年兄此 可 輩 只此 今日之禍 乘,安得 出 出 處 阿 非 語 能 堵 偶 不 默 真 中 宜 然, 授以 之間, 心 操守 矣 虚 爲 正 也 柄 或 當熟識人情 亦多可 ,然則天下 哉 家, 念及之,良 事 其 所云 然 所 議 且 以

■ 「患」下,全書本有「狐鼠成群,倒番世界」八字

非 吾 舉 事 黨 天 世 勢 心 留 無 而 悔 操 啚 禍 柁 維 之, 之日 之人, 楫 承 地 覆 也 而 舟 一,然至 將 今不 之後 天 下 此 難 事 亦 載 徐 尚 愈 胥 起 難 口 及 而 矣 爲 溺 觀 之 變, 未 日 爲 必

擾擾 者。 得 不 盡 爲 于 先 賤 弟 左 體 大 歸 父 右 亦 田 也 時 1 七 多 葬 載 小 病 稍 無 詩 免 七 録 載 平 善 狀 睽 生 扇 違 罪 可 頭 不 戾 報 情 知 知 餘 見乎 己, 魂 無 夢之 去 미 辭 冬

# 與張太符太守名魯唯

悉 紀 寇 素 患 肅 意 稱 然 拊 瘠 時 切 民 循 土 事 剥 多 自 既 日 膚 艱 以 與 加 越 吾 不 賦 南 其 犯 越 無 北 岌 吾儕 以 虚 交 岌 清 日 訌 殆 静 • 小人所恃 哉 和 越, 而 平 又 ·之理 瀕 仰 近 海 見 警 以 之 門 于 偷 而 地 海 緇 下 日

夕之安者此乎!

苦饑 官帑 今欲做 法,常 改 以 講 不出 歉 亂 之有標本 洶 時 切 者。 折 如 倉 竊 罪 斂 備 色 給 萬 饉 然 廩 行 有 其 散 鍰 富 曆 寇 安民之要, 而 之諸 米價 無 而 意 、安民 以 ? 戊子 ,則安民 商 桑 得之見,敢 以 栗, 穀 土 大 其 謂 而 路 日貴 户 之籌 年 更 米 又 地 宜 兩 而 遠 誰 事 貯 方已 不 其 秋 又備寇之本 效 者 恃 所 則 之常 足,或 近 冬之際, 然而行之有 效諸 救 倘 有 望 乎 糴 無 日 ? 之 荒 更 秋 平 穀 積 儲 將 左右 矣, 數 之 罹 收 貯 先儒 常 積 應 米 策 水旱,歲 千 矣 接 不 給 平。 似 漸 價 莫 更 石 濟 朱 散 是 佞 地 而 善善 次第 入倉 漸 子 之項 操 不 所 盈 方 居 近 平 于 何 社 一告 者 宜 之 至 恒 此 皆 遇 凡 發 者 倉 洶 操 事 民 念 亟

● 「既」下,全書本有「北奉徵兵」四字。

民 得 量 爲 來 者 患 居 歲 息 奇 不 還 矣。 青 + 官 黄 貧 Ŧi. 高 不接 者 歉 收 更 有 則 之時, 在 可 所 蠲 即, 禁 待 息 命 也,禁之則 歲 出 歲 爲 散 雖 歲 徽 貧 有 如 民 商 水 是 ,秋成之後 所 早 米 災 販 使 價 荒 富 以 口 給 者 不 平 土 能 不

低

收

益

裕

以

儲

常

平,

且.

有餘

米。

融 知 此 縣 千 甚 民,官司 更 禁示, 例 金 一,斗大一 地 此 僕數,雖三尺童 風 乎 養 欲 之 所 不 何 語 女 禁宴 謂 禁 決 敢 城,屯 是 益 多 海 梨 曲 不 明 問 剴 盜 會 終 袁 可 導之 ,越之亂 切, 奏 擁 革 甚 誠 當 子知之。 數 雅 梨 ·, 而 而 欲 H 也 先禁上官 不 Ť 袁 禁 挾 終之曰「 姑寬 必自 人, 之爲天下 梨 宦 既 ·已戲 袁 家之勢 明導之,又 夜 而于 此 此 當當 聚 乎? 之宴 凡 始。 曉 條 先 宴 五日 病 散 以 越 會 禁 贵 以 會 近 之 陰 爲 爲 亦 不 奉 陵 不 日 于 縱 夫 通 逆 在 兩 齊 耗 特 能

> 特在 不 之 奪 犯 江 宴 四 朝 會 衰。 者 河 十年 之習 允蹈 亦 令而 請 何 不圖 -之前, 之耳 取 切 在 夕行 于 于門 以 此 梨園 法懲之。 舉 化 矣。 下 矣 流 僅 乎 先公祖 俗 ? 見之,既 審 美 服 崇 如 士 色 是 雅 蕭 民 黜浮, 以 入官 拙 而 爲之兆矣 至 齋 小 公 今頌之 挽 不 民 嘗 以 猶 行 勢 有 切

于 人 止 游 + 無 逸 漏 或 門 初 食、不 ,皆不得居 爲保,保十 所容者,莫若行 ,豈能十 下 數刻 下令時, 可 至 日 安然 安 煩 行 ,亦已勞矣。 生 百 捕 保 爲 而 化 似 停 理 廳 甲。 鄉 無 及 以 身, 故 沂 董 保甲 事 下, 縱 煩 頃 來 窮 事 苛, 昏 以 此 見 歷 追 扞 之 鄉 所謂身不下 夜 盜 發 不 徧 久 法。 掫 約 單 賊 而 明 緝 東 車 習之, ? 竊 凡 牌 指 體 面 發, 編 徼 使 連 生 而 切 十家,比 巡 令行-女好 堂而 或 坐 可 賊 游 道 禦人 疑 充 已 禁 此 之 西

盜 甲 者 已投之爨下,不 應,竟置之。 起 睦 行,皆此 有 法 也 以 ,六寓伍 而 馴 請 禁姦,三戢 令下 致 生記 類 之 兩卒 也 此 數 而 + 年 無 日 . 徒。 家 不 復 苟 賭 前 難 當坐主者乎?」 輪 偶 問 行 博, 也 上下 有 會 矣。 牌,曾不能 之, 司 四 邑侯 奉上 料 相保、皆保 有 凡 民 數 季 見 司 實,五 善 世 文 犯 邑侯 焉 法 周 法 令之 甲 移 里 者 -之法 笑 行 井 而 革 不 牌 不 生 保 親

擾 存 訟 田 口 而 之 里 甘 擾 幾 以 煩 誠 情 其 也 何 心 而 大 質 ? 遇聽訟之際,有 弱 亦 興 日 者 是則 肉 抵 嘆 利 清 + 誣 云 上 息愁苦之聲者 訟 0 告者十九; 地 之人 耳 牘 方 去其 本 漏 ^ 凡民 律 詞 無 網 + 事 而 之所 吞 之九 日 其 誣 以以 舟 而 者,必 迫 幸 姦民 以 訟 于不 誣 而 不 獄 告 得 坐 故 得 得 煩 者所 加 安于 爲 以 志 己, 也 其 此

> 者 間 罪 中 詞 强 論 痛 乎? 者 于 興 也 所 0 而 既 强 而 雷 案 以 語 利 有 2 坐累者數家 霆之下 牘 作 末 于 力 日 也 兼 : 世之政 者,使姦宄得 清 并, 養 孰 令 稂 貪暴者 敢 小小 多姑 吾 莠者 有 有 事 徼 空 息 害 且 益 倖 志 虚 嘉 然,況 乘 者 而 之象 訟 禾。」 以 ? 姑 獄 多 息之 矣 命 將 繁 崔 取 盜 旬 興, 寔《 害 之大 甚 夫 日 偏 豪 之 政 口

之學。 然矣。 雖 競。 士 童 殊 其 行 而習之,幾 父兄 明 登學校,出 徑 日 經 之教、 端 取 轍 青 士: 與 紫,讀《易》 習。 以 性 子 人 囑 成。 公庭 弟 士 託 之學, 習 未 爲 等 之 通 能 規 壞 非 津, 而 操 利 是 也, 上 禄 觚 以官府 之,勢分 先熟 不 自 自 出 科 爲 奔 而 舉

全書本有「不如此

又何以安善良也」十字。

<sup>■「</sup>罪」下,全書本有「重者枷號示衆」六字。

以 忘身、 我 江 焉 家 要,忠孝 日 用 厭 奴 流 門 朝 所 猶 利 泣 師 是 南 勝 輒 隸 以 下 下 存, 保 故 人 禄 之, 議 猶 博 論 傷 物幾 明 千 夕之故 折 人文不 也 不 此計 士 心 効之君父 如 廉 未 風 統 經 衷 弟 寐 盡 志 敗 仕 恥 載 爲 取 門 爲 于 子 俗 得 善 之左 未 之 之 或 天下 振,咎在 士 矣。 下 上。 員, 醒 與 防 時 後 口 之 家 寡 以 ? 乎? 也。 大會 用 意, 廉 互. 頃者 諸 學 尚 兵 徑 隨 隨 計 鄉 鮮 農 竇 問 望 士 舉 甄 地 則 夫 莫 講 恥 蓋 H 且. 文 吾 錢 其 投 士 别 得 靈 使 書 若 章 捷 蒸 士 穀 闡 足 越 居 其 人立 士 稍 于 即 之 習 蒸 緣 解 官 者 揚 才 吅 贵 士 而 朔 鄉 用 之 額 用 擊 飾 白 至 盡 器之高 身 所 俾 望 必 形 里 增 壞 鮮 吏 以 疑 化 職 行 出 聞 家言 與 以 認 H. 少,士 治 爲 義 己 者 夫 乃 于 已 臨 廟 風 爲 蠧 下 阱 之 作 青 汗 或 之 勵 積 非 以 厲 而 難

> 者 以 考 而 而 四四 充 校 激 不 安,此 上 之 勸 民之首也。 駟 日 出 焉 **豊**迂 則 改 士 觀 必 不 始 防 易 士不 切 代 有 聽 事 筆 感 情 安,則農 尤 動 杜 者 在 而 哉 私 此 興 情 舉 起 I 商 矣 務 者 賈 録 夫 真 至 遞 士 7 干 木

考舊 弱 請 滋 觀 諸 伍 心, 官兵。 艘 可 多 衛 以 出 兩 瀝 明 事 制 没 所 議 舉 道 不 賞 日 海 有將 不 數 佞  $\equiv$ 是數者,小 公祖 備 一向岸, 之間 罰之法, 增 向 江 日 寇 若 兵 嘗 後 上 之策 嚴 申 居然要 防 領 越之殘 建 下 掉 飭 守, 督 有 議 申 間, 尾 也。 民 舊 臨 戍 之以 海 不 而 鄉 章 庶 觀 卒, 害也。 道 破 特 往 去 得 便。 民 把 親 可 歲 者 防 請 奔 安 浸 總 上 立 海 久 寇 乎 誠 竄 特 有 死 而 而 寇 廢 時 設 能 議 Ħ. 輕 未 待 長 至, 壞 訓 重 申 之義 聞 者 視 防 也 民 練 將 飭 僅 以 倭 地 安 汰 舊 爲 督 存 示 七 然 方 而 老 反 空 嘗 > 以 臨 領 後 百 無

之衛 之威 衛 艤 則 事 岸 武 則 彼 己 此 金 備 則 而 不 鼓 救 門 不 亂 足恃 旗 下 援 可 自 幟 不 提 口 矢 往 獨 衛 呕 弭 石 一講 來 門 矣。 兵 齊 相 于 居 下 發 聞 今日 爲 萬 中 張 務 調 以 者 嬎 寇 度 許 褫 Ë 賊 隱 賊 耳 敵 于 臨 然 膽 水 城 明 有 ; 乎 沿 有 折 不 本 海 衝 使 警

事 年 平 古 有 知 豫 觀 所 無 下 世 如 有 之時 道之 此 見 當 防 凡 事 惟 破 必 易 于 此 群 高 則 無 拘 ) 夫天下 以 高 敢自 明 策 孿 後 而 芻 重 上 深 進 畢 不 之 更 蕘 輕 數 與 舉 隱 而 見 無 事 可 端 者 否? 爲 教之,地 以 望 采, ",必 則 也 深 起 雖 負 矣。 吾 況 維 況 敝 得 戔戔 明 然以 越 不 其 德 維 品 仰 方幸 之 郡 佞 無 風 人 ? 品 惟 當 民 利 辱 所 而 門下 甚 爲 故 庶 病 後 知 指 小 下 幾 敢 吾 之由 行 有 郡 畫 虚 馳 越 効 有 日 受 門 保 其 域 誠 起 先 之 當 色 苟 外 狂 下 未 百

## 與朱平涵相公

之行 之道 自 君 足 以 意 臣 道 窮 于 于 堯舜 當 覺。 堯 爲 特 以 古 又 而 賊 甚。 世 舜 迁 今天 事 有大于此者乎? 頃 思反其道 至 思 之治 一之故 高 其 爲 闊 讀 所操 過 則 者 下 大臣 君 不 閣 此 半 而 大患 調 口 亦 矣, 下 而 術 書 矣。 趨 停 已 爲 既 所 之學 未 而 以 希世之邪 第一 矣。 著 娓 用 卑 自 必 而 日 娓 術 進,不 之。 者 非 踵 大 小 方今聖 及之矣。 不 愚 觀 在 亂 雖 先資之言, 臣 品品 明 生 學 頃 望 遊 亡之覆 説 亦 免 請 志 者 術 戲 則 嘗 以 調 賊 天 臆 筆 江 遜 不 子 必 害 以 使 停 之致 轍 陵 明 而 也 以 堯 能 其 古 觀 而 進 間 正 嘗 望 君 舜 則 而 相 之。 案,不 雖 事 之 于 而 望 有 亦 天 心 術 見 F 其 大 意 誠 不 滴

衆 1 焉? 今試 當疑 能 以 爲 居 惟 韓 或 難 日 學術不明,未有甚 曰 : 才,使正其 而 寵 堯 恒 聞 與 此 而失之,@奈何復從 用 ,古大臣 盡 利 舜, 取 流 ? 學孔孟之學,亦既 或 四字。」此萬 之, 詘皇祖之睿斷與之昭雪,且 江 日 先正 伊 言 居 陵 何 而 成功 而 能 夫不 心 獨 事君者 能 周當日之事 有 天下 恤 不 術 言 無 以 吐 與? 時 惕 以 伊 申、 謐 獲,時予之辜與? 日 哺 世相天下之善物 艱 與 于 學 濟,雖古之伊 : 握 如。 韓 周 ? 果能 ! ! ! ! 此者! 江 髪,來 之道 正 其 而燃之? 一陵而 有 揆之,果能 此 今天下 人與? 心 仰思不合,坐以 聞于誠正之説矣。 非 事其 誠 天下 已矣。」問其 真 意,平 且夫以 擁 有 獨 、周,何 君 · 士與? 少 人心 江 一日以 得 不得 擁 恥 也。 主 陵 于 果 生 江 其 學申 少主 不 能 閣 一陵之 當 江 誠 所 君 號 以 正 故 待 陵 加 疑 不 學 于 IF. 不 F

> 責 實 上 不 江 倘 君 日 之學者,不足以 爲,便 果能 由 3 成 陵 道 正 日 于閣 不出 君 無 莫不正,用 而 綱 爲 志之未定。❹ 解 無第二、第三義 下者,豈其 此,進之必爲 目 堯 可 弛,君子日退,小人日進,其病 舜矣,吾亦 者。 致之吾 語此。 人行政 先正有 八微哉? 然則 君 各得 調停觀 閣下試 可爲。」方今廟堂之 何 將 轉 言 忝 見 其 移啓沃之權 爲 理,而 君 望, 取 纔 伊 誠 退之必 而 讓 莫 周 證于今 第 吾 不誠 哉? 君已 一義 所 爲

夫正心誠意,大學也,伊、周,大業也,

<sup>●「</sup>號」,全書本作「嚆矢」。

②「之」下,全書本有「率天下叛君父,死有餘毒焉」十

③ 「廟」上,全書本有「患難方興,征調日煩,民窮盜起」

母 「其」上,全書本有「城狐之奸日披狂而不可制,禍岌

===

其 乎小 乎 堯 Ä 陋 舜 幸閣 者 其君,大任 不 而 佞 不 下進 敬 爲 居 得 也。 而 天下賀矣。 教之。 無 閣下先資之言, 意 在 斯 辱愛瑣 乎 ! 瑣 意 既 自 在 嗛 忘 斯 嗛

#### 答李生明初

常 君,子 子 説 説 爲 亦 而已。 所 道只是五達道,五達道豈有不善? 無 立,君尊臣卑,其 善矣,乃 性既 不 謂性 弑父,則豈 善 善,則率性仍是率此善之性,而 可 善、全在率性之道上 所 知 爲 善 故 其道之故哉? 八常也。 也。」人生 日 : 乃若 不 幸 而 其 静 見。 而 情 君子 以 至 上 則 于 中 道 臣 父 不 可 坐 其 容 率 弑 以

與君,未嘗不同此至善之性也。而仁者見楊氏之爲我,墨氏之兼愛,小人之弑父

矣,此之謂修道之教。 爲學,亦學其所學而非。 之于不學故也。 之謂之仁,卒流 命之性以 而 義,卒流 爲弑父 而 求率性之道,不使之須臾離 與 爲 君。 無 君 而 小人 蓋 爲無父; 習 白 無論矣,即 與 姓 智 吾之所爲學,本天 日 長 用 義者見之謂 而 而 楊、墨自 不 不 自 知 覺, 卒 而 失 之 以 流

只爲蚤· 里。 教 亦性中之教 雖謂 楊、墨亦性 失 之外性以 一段戒懼 前 中之人,則道 不能 爲 工 學也 夫,始以 不 流 可 爲 亦性中之道 毫釐 過 不 ,卒以千 及之差

有 即道之散 不善,則質之物理有 天下 于 無性外之人,則亦 事 者。 今日 礙 性 善 無 性 而 外之物 率性 之道 物

有 即 道 不 · 善 之 天下. 措 則質之事理有 于物 無性外之人,則亦 者。 今日 礙 性 善 無 性外之事, 而 率性之道 事

爲 非 有 口 性 離 道 作 善 則質之子思子, 道 耶 不 爲 子 善 思 ? 亦 此 子 善 性 抑 而 既言 可 概 悪 故 知 日 不 不 率 不 可 可 文理 性 今 可 離 離 之道 離 日 均 耶 乎? 纔 ? 礙 則 不 説 將 且 今 口 率 訓 日 日 離 性 人以善不 率性 有 便 贵 道 屬 非 作 則 以

奇 賢之性 柳 之性 杌 之性 習既 自 自 自 不能 在 在 在 0 失性 正 終不 是 「即以 雖習 可 日 爲 雖 杞 楊、 習 柳 爲 爲 墨 大聖 桮 小 人 棬 賢, 而 而 聖 杞 而

有 此 書 未 物 書 于 書 至 然飲 未 率性 在 非 而 是 必 終不 何 之非 只 盡 修 異 性 是 道 此 握 可 比 性 飲 書 之教,不 燈 以 也 猶 此 之 而 讀 水 理 飲 覓 爲 率 讀 水 火 則 罪 正 口 乎 只 之非 是 亦 以 日 是讀 讀書 性 言 讀 水, ·性 率 且 不 此 之功 書與 讀書之 是書,另 即 書, 習 是道 于不 人終 有 即 非 所 讀

> 本一致。 善是悖道之教,不可以言率。習可相遠,率

弑 有 多少 父與 下愚之不失性 陰謀 君 而 造 心 作 有 來 不 非 可 安處是性。 謂 謂 率 弑父與君是性, 性 平 他 ? 做 此 等 事 只

轉 來,故 非 象 爲 以 爲 原 性 末 秦皇、 異端 無定 1 孔 聖人,所以 Ш 不 流上有造有作處看 度, 善 子 爲 古人言善,都 曰 : 禪 名, 總 武 韓 有道 即 惡 此 曌 子 不 陸 性 是 等 爲 亦 善 則 亦是 象 善 定 善 大 以 無 有 Ш 道 悪 聖 定 理 墨 道 以 堯 從 亦 名 朱 名。 不 人,而學者 子爲孔子 舜而 源 來,故曰 善。」 若論 善。」 目 子爲僞, 頭 皆從 是故 非 上 後 源頭 有 桀 無 近, 人言善 造 孟 「有性 紂 思 朱 又 私 武 有 子 以 世 無 意 子 以 作之善, 學 李卓 曌 李 爲 私 又 楊、 者 善善 未 卓 都 以 識 處 有 吾 始 墨 輾 陸 從 看

實。 率性。 從 源 頭 學 者 窺 差 尋 處, 性、 只 道、 是不 教是 識 善是 性 悪 不 是 自 知 不 識 確

#### 思 名宏

墮 于 知 能 于 勘 日 也 恍惚 用 破,亦非真用力人不能 相念之久,忽承. 之 商及進學之功 間 之見。 雖 良 知不 此等 枉 未 昧, 病 顧, 痛,非 免 而 道 爲 去 破破 吐 進 彼 真 新 取 取 用 所 得, 此 力 奪 人 慰 終 不 至 亦 口

間 視 生 能 取 之爲累 民 第 真 品 立 品 立 不 等 ·佞謂 志 命 蝸 乎 事 時 角 爲 學人種 ? 讓 ,毅然以 蠅 往聖 與 頭 今世之言學者,只隨 曾 繼 做 種 身任 不 絶 病 ,自當爲 屑 學,爲 痛,只坐志 道 介 ,決不肯將 意 萬 天 2 地 世 而 開 立 不 世 又 太平。 心 立 天 就 何 爲 地 若 功 進

> 名 解都 自 心 之,故恍 知路頭。 見,不可 名之資,3 愈 而 良知以 利關,此 徑既熟,將來又恐有無所不至者。 仍欲 自 辨其志也。 求 即 用 無下落,安得 而 學問 别 爲 愈 不求其病 惚 後方有商 認 捷徑 開 良知在我,有 遠 安禁當境 耳。 賊 徑實,以 事 終自 作子, ,于古人 至于吃緊工夫,止 顧 不 後 量。 根 不 墮 過 以 時 認 墮 世 也。 于 傍 遂 若此 不手 用 學 取 何 于 恍 門 其 恍 良 功 術 果求之, 恍 惚之阱者 依 忙 自 惚? 知 惚 處 處 不 户 之 私 ? 脚 明 瞶 以 自 面 切 瞶 亂 有 學 有 即 爲 故 利 廢 目 故 者 物 打 是 恍 隨 也 之圖 置 祇 焉 破 學先 若 惚 切 專 人 世 見 覺 良 之 義 聖 取 蔽 行 師 功

四

<sup>0</sup> E 窺 尋 切性道 至 確 教是善是惡,必 實」, 全 作 知端的 出 本 來 果 是 何 等 面

户」下,全書本有「遮蓋眼前 屑 全書 本作「足 當吾

其他乎? 幸高明有以裁之。 遠言湮,在有志者或不免有亡羊之惑,而況

#### 答秦履思二

性學 以 地 四 原 心者也。 心,而遺 萬物皆備之人者,不知人者也,以一膜 人合天 肢 體 民 自 萬 與 物 以 人爲 也 而 絶 ,必借仁者以合之,蚤已成隔 本 地 者 愛 于 爲 其耳目 物 夫 學者于此信得及,見得破,我 以 然 無 萬 心。 體 義 天 識 而 物 間 也。 地 不 隔 破 以 夫以七尺言人,而 禮 口鼻四肢皆備之心者,不 可 萬 爲 此理,亦不 智信 即欲 得 物爲 人,猶之心合耳 若人與天地 容其 自然 齊俱 體, 容易。 自 親 到, 私自 以 親 遺其 萬 天 此 而 膜見矣。 物 仁 地 目 利之見 看 所 民, 下 與天 天 本 萬 以 口 地 鼻 是 文 爲 物

> 道理鏡: 外者 輩學 舍此 爲 不用 和 學者大要只是慎獨,慎獨即 後,仍須 誠敬存之」一 則天 更無 等。 體 者 誠敬存之之功,如 花 地 實 ,亦肯用心 用誠 水 位 今但 落 理會處。 月 萬 處,不 敬工 語,直是徹首徹尾 看 時 物 ,以爲妙悟,其弊與支離 養 育,此是仁者以天 于 · 是 一夫,作 幸高明致力焉 未發之中是吃緊工夫, 内,多犯懸空識 懸 何 空識 兩 能 是致 截 識 想 破 見 也 中和 者, 工 夫。 近 地 既 致 想, 非 世 識 萬 也 向 中 將 物 破

● 「以天地萬物原與人爲一體也」,全書本作「乃人以天

●「自」上,全書本有「不須推致,不煩比擬」八字。

### 答秦履思三

吾黨 守 恐 隨 九 不 知 誠 本 之辟,朱子 法度,便一毫 前 年 心, 有 云: 事 由 之非 可 未盡 斯言推 而 君子有持世之責者,●莫先 如二先 是 士 一先生 精 今 且 也 非 者 察 處,不免朱 君子立身行己自 得 譏 焉 者 之, 願 來 將 生所行,斷 失之 走 其 常當 書及 更 此 相 則 作 做 可 意 與勉之。 昨 歸 不 人 此 知 必 再 所 子 苟 得。 深 有行 矣。 猶 加 及 之議 且 斷 體 不 足 和 不 且 吾輩 無違 年 免更 勘 發 靖 如 有 也 五. 到 明 免 先 學 龜 法 心 + 于 有 自 生 胡 正 者且 今人 度。」 以 山 持 始知 商 學 事 己 亂 害 從 身。 身上, 量 毋 如 多 蔡 謂 四 鞭 從 理 此 + 説 京 策 昔 持 則 之 亦 口

## 答陳生一諱梁

乎? 言 年, 《大學》言格致 似 庸 有 能 信 慎 餘 發 止言 實茫乎未 明 獨 似 愧 千 至于《大學》、《中 之者 況 疑,亦 秋絶學,朱 慎 明 獨 由 乎 窺 此 往 何 慎 而 而 涯 而 往 論 微 獨 未 涘。 要 夫子其 不 不 之 爲 有 其 · 得 佞 顯 格 正 姑 至, 庸 于 直 致 傳 以 至 》之道 心 即 達 如 第 獨 其所 矣 來 天 仰 時 于一 諭 載。 義。 止昔賢 疑者質之。 雖 出 後 所 誠 後 絶 處 期 人 故《中 意」章 韋 許 之 鮮 死 有 者 概 有

<sup>0</sup> 0 亦至大, 見,又是 隨 君」上, 者,是 上,全 謂之無盡藏, 如 亦即吾之所以 全 何? 書本 書 本 有 有 宜 必 果 世 有 學者苟」四 是 宅 不 恍然 何 可 N's 者 如 以 於進 ? ,是故」二十 十二字。 持 因 步 焉 者 而 考 矣。 證 吾 平 日之 體 所 至 以 安

無 訓 也。 翹 道 出出 負 然 者 于 獨 萬 不佞 以 明主之玉 ,必于此求之矣。 而 口 皎 也。 知過矣,敢自此 耳 然 自 以 惟足下 成,是所 侈,皆 身名 更 小人之道 自樹,皆不忠之尤 然則學不務闇然, 以 有 而 柵 以 守遯翁之業,以 進 知己 我 也 而終 仕 承 不 明 者 盟 而

# 答趙生君法名重慶附來書

乎? 恰當 乃俄 力 症 以 一一一一 一, 而用 制 心 焉 事 一,而 來 抑 信之于心,覺其善矣,又恐私 ",猶 而 書云: 信諸 雖 古 非 昏者,又曷故? 古 執古方以求症 事之是 人之方, 蔑不 心乎? 人所 木 心 非 能 衡慮之餘,覺 與者。 得失,瞭然于 求之于 濟 也,不若 矣。 今後將求 執 古, 古 第 時 人之 得 當 按 心 意之 有 于古 脉 力 其 得 審 在 不

發亦認爲吾心也。

已思過· 已矣。 之藥,説 也。 方,隨病檢方,兩兩比對,有何 來,便能尋向上去,所謂學問之道, 未 古人與求之吾心分 明之辨、似是之幾三致意 而 藥,諸病 便是肆之藥,說静. 則于古人横説豎説 萬語,只是欲 真, 尋章摘 古人不過先得 手示 而 半矣。 故學而 誠 總 并其 惓 句,問 是 便是僞 機問 人將已放之心約之反 認古 僕 不求諸 病,諸方總 奇鈎深,乃與吾心 心, 亦 之藥,説 便是動之藥,説 人 爲二 皆 我 何説之辭? 又 心則已,學而 處 有 心 得之體認之 亦 事 用 同 焉 是 窮 處,正 然耳 往 丁則認 則 理 往 彼此? 方。 便 于事 ,是以 未 第 是 中 如 心 真 求 餘, 了不 復 惟 因 猶 謂 便 如 心 誕 諸 舍此 是 説 病 妄之 斯 千 求之 人 可 有 之學 于 心 相 敬 立 身 言 昏 而 所 知

言解 亦專靠 滓 求本 下從 似 途 認 也。 者涉于玄虚 寇易,去心中寇難。」姑作第二義商, 何 没,④便 恍然,于是心非心之際,以求至當 迷離恍惚之境而莫之覺,❸亦可 下 道 ·, 討 而 諭 患 便 賊 及時 渾 臨 要之,求心之法亦無難。 前之功力,倘 來 明之體,明 持 欲 個 化 須于 不 事 終身作門外漢矣。 作 轡策 强 分 事,每 得 不得 子 無 吾心以 曉, 聰明,離 ₽卑者狃 ? 百 是 以 力 ? 忙 方 非 爲 只 從 願 時,一 是 附 可言。 有坐此者乎? 明 憮心,先輩 足 事 人路。 不 古人之糟 纔 個 于 下 于 得言解 識 是與 切 立 此,久之必 功利,終 其間 真,便 定 纔 不 若只是 非 明 涉 脚 亦 粕。 云: 離 如足 此,便 嘆 時, 跟, 無 明 不 專靠 其 而 宜 也 一去 能 妄, 得 得 下所言, 寬 頭 痛 其 可 不容已 身 己。 是 盡,渣 自 曉 聰 著 乎? 限 Ш 何 出 以 不 得 彼 明, 足 中 患 得 旦 于 程 頭 高

### 惟足下自愛。

# 答葉潤山民部一名廷秀附來書

本從 朏 欲 天。」《中庸》言:「天命之謂性。」 6愚 治 俗 學,其 心, 心,學者 來 書云: 又 恐 何 墮 不 道 董子曰: 先 治 于虚 之從?6 寂。 心,是起念已差, 道之大 今欲講 是質 疑 原 心學 者 出 意 纔 性 而 于

「以爲吾心亦若是而已矣」十字。「附」下,全書本有所於靈光之地,久之」二十一字。「粕」下,全書本有「而不善讀書者不免坐此。猶然依

「玄虚」,全書本作「辭章」。

「迷離恍惚之境」,全書本作「罟擭陷阱之中」。

「是」下、全書本有「依樣葫蘆」四字。

性不明」。 「董子」至「謂性」,全書本作「孔孟之後道不明,只是

⑥「今欲」至「之從」十三字,原無,據全書本補。

之從? 三輪 理 知 正 鍼 理 理 用 理 義 不東西易向者。 而 大學》言明德親 之論 一張南 入細 格 心微 重 石 乃俗學對 程之主静 身世 ,終之格物 先儒 其 物 不 ,如鳥二翼 一分,定于功名 何 矣,至 之 出 從此 是質疑者三。《大學》言修身,至 道 軒之辨義 而 謂 一咸宜 解 之從 而 格 ·張子之體仁,朱子之讀 學各有本領 宋 症之藥, 誠 處 物 折 ,其何道之從? 是質 格 ? ( ) 必 儒 意微 理會,恐 衷 又 民, 今欲直 物 利 涉 歸 紛 不 分明 愚 是質 輕一分,今欲明 之微 若。 是 迹。 而 可 謂 辨 也 離 ,如周子之無 求 脚 疑 大學 明 今欲 自 義 矣。 但 者 跟 體 入手,其 朱 有 利 竊 也。 不 達 四 第 子 而 尤 融 疑 以 定, 用 又言 一義。❷ 爲 于 即 讀 然 格 致 何 藥 疑 體 物 未 書 物 書 如 于 欲 道 者 之 知 窮 致 有 中 窮 窮 滴 道 車

> 未 未 之所同 憒 敢 無 灰 僕生也 向 足 猶 然乎 人吐 爲 幾幾乎 黯 知 者。 己 馴 請 至 道 求 何幸 姑就 老大。 者。 友 而 來教 教 獨 正之,此 所 平生 是 便 及者商之。 向 便,先得我 學 出 中 處,半 一念,老 積疑, 屬

心

有

而

憒

乎? 心 無 不 爲 命 謂 是處。 ·要諸 性一 者 性 仍是二理。今日 知 斷 其 而 天,性 其 句蚤 命 티 : 然 (性也, 説天者莫辨 贵 是一不是 無 外 已看錯了 學莫先 是 知 于 處; 吾 其 天命謂 性 于 心 于《中庸 言天而不要諸 ,天人 則 乎? 知 知天矣。」言性 性, 性 然 前 杳不 只 故 則 》之卒章,正 爲「天命之 日 天 不 : 相屬, 贵 日 外 盡 天 天 命 性 其 而

<sup>■「</sup>明體適用」四字,原無,據全書本補。

<sup>)「</sup>格物」兩字,原無,據全書本補。

<sup>「</sup>今欲」至「之從」十二字,原無,據全書本補。

别 不 諱 求 日 長 言 安 空 吾欲 寂 斷 無 也 舍是 適從之路可 學 而 者 求心 以 爲 焉。」 知矣。 佛 氏 何 也 異 者 舍 京 而 師 去

得 僕 名 大 宜 翼 體 功 在 生 歸 民 日 之矣。 名 親 輕 見 彼 者 請 車 也 用 于 日 路 得 不 只 其二 止 更 兩 將 分。」 其 分。 學 是一 學不 頭 輪 至 明 亦 身 是 辭 問 日 善 德 故 顧 鳥 世 見 畸 以 個 則 而 以 善 雙翼 内 此 《大學》言明德、親 日 性 事 孔 輕 所 0 日 親 即 外 而 孟 謂 是 畸 而 民, 不 失 判 天 者 于 汲 重 義 至 于 徒 然 命 彼 而 汲 義 問 何 善 理 明 求 世 乎? 兩 之 親 遑 路 之 理 也 所 德 之一 途。 無 性 民 ? 遑 止 重 以 頭 明 此 是 以 正 正 轉 所以然 體 等性 既 即 亦 用 明 也 分, 分, 民 是 一用之間 至善 世 宜 是 不 德 輪 孜 自 外 命 自 此 陽 而 者 鼓 事 孜 又 之 此 于 原 于 明 其 學 是 止 欲 是 所 功 而 親 先 今 來 要

> 問 儕 口 終 道 處 做 而 學 不 顔 以 得 子 獨 見 曲 T 性 肱 漢 者 陋 也 當 巷 作 亦 如 不 是 失 觀 爲 禹 然 則 稷 之 吾

之謂 體 足, 易 爲 知 中 性 베 浩 向 不 燕 著, 也 不 也 墮 浩 學者 其三 集 越 識 而 方與 從 分 于 義 窮 其天,自有 不 義 此 義 途, 此 自 天 須 日 而 浸 與 外之意? 之 從 主,亦 體 : 而 義 尋 本 謂 今之 罶 相當, 又必 非 而 領之説,大略 窮 然 這 勢 外 上, 理 處 求 些生 專恃讀 所 也 此之謂 做 併 至于中 義 必 而 工 意不 語 至 今 書 而 夫 書 言 但 不 非 也 無 道 起 容已處 以 思 以 不 理 欲 識 徬 致 告子 辨 故 議 離 便 也 徨 其 是 天 晰 ; 静 俱 知 其 求 即 命 東 義 集 無 人 之 安 病 西 利 此 静 托 手

<sup>● 「</sup>語言思議」,全書本作「倫類聲塵」

孰

非

大

而

得

其

所

歸

仍

是依

門傍户之見,

弱 都 其 看 几 錯 日 : T ^ 大 今來 學 **>** 教 八 日 條 學 目 至 向 誠 來 意 龃 微 誠 意

好惡! 微 矣 只是 卓 哉 機 見 ,《易》曰 也 意 有 幾者 好 惡 動 而 無 之微,吉之 善 惡 然

本

知

先 見 者」是 也 故 莫 粗 于 心 莫微 于意。 而

先 儒 之言 曰 : 無 善無惡 心 之體,有善 有 惡

之爲 意 之動。」 言良 無 也 乃以 以 其爲 心爲意,以 此意之真 意 窟 爲 宅也, 心 乎? 故 知

誠 意 先 致 知 , 物 之爲 言理 也, 以 其爲 此 知 E

之真 而 其 條 初 理 則 也 本 故故 善 而 日 無 致 惡 知 , 在 理 格 有 物 萬 殊, 物 有善惡 而 其 本

無

非 則 外 至 正是天命之性 而 不 真 格 物 直捷 者 非 津 梁 粗 故《 非 大學》 非 内

寒

以之爲第一 義,信 非 誣 也 擇 焉 不 精 明 儒

之見 求 學 誠 求 有 自 之, 得 不 今即 獨 胡 將 諸 薛 儒 也 剖 辨 然 分明 而 道 在 孰 是 反

> 不 願 門 下 有 此 也

門下 者 求信 夫,不 悟。 體 明 道 非 握 問 信 之言,有 不 地 又其 大 學到有 寸 偶 妨 之萬 道 口 必 莛 存 妨 語 後 説 有 存 而 所  $\bowtie$ 及 來, 三卷, 勉 求道之言。 疑 不 發 ? 疑 所 著 之! 容 是横 處 洪 信 述 惟 思 方 鐘 學 大抵 ; 有 議 是豎, 好 端, 勉 必 求 庶 遥 商 之! 有 道之言, 幾 遥 著 知道 疑 大 量。」 大疑, 神 即 在 抵 Ι. 案 之言 往 斯 本 著 夫 不 倘 也 體 而 述 佞 句 由 而 此 即 有 非 故 後 句 將 此 時 句 其 知 説 而 有 何 方 句 言 道 以 憑 更 大 説

曰

#### 王 右仲 州 刺 名嗣 奭 附

謂 性 來 書云 語 最 爲 先 直 賢 截 論 性 子 詳 思 矣, 自 而 詮 之日 天 命之

之争 言 字? 落 性 爲 性 渾 氣 義 孟 也 不得分而 口 上天之載 然,而 質 本 善 善 子? 且 于 之發用 理、氣質之分,其 相 氣質 微覺 無 無之, 然告子 可惡、一 既 如 近」,而 善 可 先 性 何 有 亦不 不得 爲二。 支離,不 無不善 以 儒 得 善 既 安 以 無 爲 其 定善一 又 孟 不容説,孟 得 得 聲 便 無 善 非 不 會歸 子 純 義 無 有 善 有 之, 爾 而 如 亦曰「乃若其 則 謂 臭。」 理、氣質既 惡 實 惡 惡 耶? 乃 也。 定不 横 何 之善矣。 可 ; 論 義 兼 渠「合 也 無之安得 以 既 性 理 竊 有 子 此 善。 先 爲 即 有 謂 善 何 論 何 儒 虚 善 不 寓 分言 不 不 以 故 紛 以 性 論 與 善者 善 情 于 惡 可 説 之 起 夫子 見 性 有 . 義 可 氣 氣 岐 可 非 會 固 善 而 便 個 以以 理、 質 知 以 止 爲 則 與 ? 有 有 善 于 歸

竊謂當戰國時,●諸子紛紛言性,人置

煩

亳」。

質,紛 覩 羞 隔 惡 行 性 性 義 所 以 耳。 悪、 幾 也。 物 生 爲 也 喙 云 故宋 無 成 則 重 善 與 辭 紜 性既 告子 聲 恁 無 而 讓、是 故 雜 而 儒氣 臭, 孟 孟 妄 地,不假 而 糅 己 子 落 專 子 之本體 即 已矣,故者 乎 姑 質 非 在 于 時 渾 ? 言 之説 不與之深言,汲 四 指 無 與 然 安排 斷之日 端 出 處 物 他 亦即 至善之别 善字,猶然落 構 立 日 則 造作, 亦 以 脚,與 又 義 義 而 利 性 此 日 善 理 理 爲 善 是 名 : 之 之 天 此 不 本。」 天天下 無 汲 豈徒 命 説 外 善 非 即 聲 以 之 之 有 便 在 天 可 無 無 惻 日 第二 性 之言 以 差 有 命 見 善 隱 臭。 數 尚 流 啓 氣 此 無 口

<sup>2</sup> 耳」三十三字。 得八九。 生成恁地不假」,全書本作 竊上, 全書本 但 其 間 有 稍 「辱 爲 諸 道 教, 家之説 「見見成成,停停當當,不 再 四 所障, 捧 繹 不 種 免大 種 微 費 言 鑪

之也。 善,而 無以 習之爲害,而 分,則 皆其 其間 者乎 則 體者在,纔一遷怒,與世人睚眦 者,善反之而 不可以言與善對敵之惡,而況其失之于偏 不及,總之只争些子。 過。」類而推之,顔氏之不遷怒,猶 相遠」云爾。 理之性 喜怒哀樂之未發謂之中」,非氣質之粹 可以 異耳。 自善而 差之毫釐與差之尋丈,同 習 積此 即 要而論之,氣質之性即義理之性 爲善,可 其有不善者,不過樂而 則 天 以 有善有 蓋事雖有徑庭之殊 命之性,善則 流者也。 非性之罪也 即 往,容有倍蓰 先正 中乎? 以 不善。 爲 有言: 不 此一 惟是既 善。 故 故 種 俱 「高 性 而 些子可以言偏 種對待之名,總 即 善。 日 無 無算者,此 聲 有過不及之 心 0 而殺人者 淫,哀而傷 不善,而 過不及 性相 亦本 一語 子 而 有 思 心之 乖 近, 無 子 是 于 則 罪 則 然 不 心 過 亦 中 習 義 日

> 過。 死 庶 前知 從此做工夫,方是真爲善去惡。 頭 形氣上討頭面,故發 不到處,父母未生前 性之名」,氣本是虚,其初誰爲合他? 善有不善,只 已 從後天而起。 又舍已生後,分外求箇未生前,不免當 幾在 腦 冤乎 莫向 前 總之,太極陰陽只是一個, 則來路 此 處 支流 1 爲 正 不清。 善爲 文成公曰:「只于 是 有處便非 諸子不察, 辨濁清。」不知門下 無聲無 不善,只 故《中 此 ,彼家亦恐人遂在二五 論。 臭 性。「合虚 而 庸》亦每言前定 爲 後 概坐之以性,不 路消息。 處便非性;有 人死在言下, 希聖達天, 根 但不指點 與 以 本求生 (氣,有 五. 學者 爲 面 何

0

恿,仁而過者耳」十九字。 見,仁而過者耳」十九字。 見,仁而過者耳」十九字。

<sup>「</sup>五行」至「錯過」,原無,據全書本補。

如也?

#### 答王右仲二

皆備 得,死 備 魂 其 T 明,不還造化 象,蚤已肝 天 此 到父母,又因 伎倆 地 也。 物物 義, 敢自私自利 中,天亦 理 于 萬物皆備 承論 立 無 如 上 我 我 而 何 及 乘 膽楚 我 無 私 如 萬 父母 所 物 備 ,是其果 物 何 得 物 其 不 越 也 自 ? 皆 中。 任 此 道 推到 矣。 私 是 備之説 天 理 夕 西 自 禪家主意。 故 地 只 驗,然看 吾儒之道 禪家 兄弟,方見 死 銘》之意, 利 言 間 是 可矣, 得? 萬 以了 盈 物,則 物 個 來 天 既 爲 分 生 只 生 就 我 得 地 而 主 明 既 是 天 留 死 口 立 間 云 本 放 私 體 萬 弄 爲 身 地 我 住 而 只 下 精 第 推 是 不 物 靈 在 與 物 氣

## 徐蓼莪兵垣諱耀時

己 臨 來,鑿坏 在 何 翰貺交賁,道義之愛,不啻 以當 尺五 于 賢者既 居長 傾蓋之間 台 自 安數月,滿 膺此任,便應就 督 遯,不 光,久稽 逋 一役,于今日 敢 時 時 訊 目 交通 心 候。 風 相 塵 駢 人。 許 盈 乃 枝 而 似 也 之 爲 中 雖 獨 毫 屬 高 理 存 以 駢 楮 誼 還 出 使 枝, 間 所 家 痛 節 先 感 知 而 以 儼 癢

- 意與 者以爲之主。 禪 」上,全書本有 陶 但 先生不 所云靈明者 物無不壞,而不 無 稍 一陶先生 恐亦 有異同耳」六 只 一謂 是 我 物 所自有,不受於天, 十四 物 於物者 而更 字。 終 有不物 不 壞
- 知 又未嘗不幸正人之在位 五 雲。當 也」五十五字。 」下,全書本有「及其 或 難方殷之日 天下 輕言把臂, 以 爲助勤幹濟之本,而喜可 事 危 如髮 絲,去國孤 途。 首

之江 之 之 人 措 在 以 清 事 必 口 脈 而 參 告 催 以 于 默 其 有 知 何 查 計 以 E 罰 我 此 扶 年 南 日 征 也 部 爲 后 宇 矣。 言 下之手 征 必 已 之誅 亦 下 必必 内之元 即 誠 及 己 吾 手 往 累 项 願 Ŧi. 有 盡 解 之 往 浙 求 門 呕 歲之逋 説 得 七 方 難 不 而 而 爲 下 氣 永 矣。 分, 要 墨 己 以 天 消 力圖之。 昭 以 領 綬 下 數 乃 弭 而 斬 畫 欠 又如 培 者 亦 計 似 又 計 藩 間 木 或 小 從 口 須 司 有 揭 敝 命 則 民 使 此 由 會 知 起 分 竿,行 縣 竣 于 之 望 中 也 口口 解 釐 萬 此 Ш 邑 膏 藩 風 飽 尚 役 台 者 會 且 血 而 而 司 不 者 也 臺 當 來 及 則 無 徹 知 已 全 際 學 亦 忘 樂 道 憂 竊 贵 去 學 其 從 0 體 有 所 中

浙

在

事

坐

歲

以

竭

Ш.

#### 答 生

計

所

以

底

比 讀 手 教 灑 灑 千 餘 示 我 以 樂天 之

消 發 也 厲 故 之法 ·, 真 以 況 憂。」 鑪 不 乃若 樂 敢 謂 也 也 焰 夫 也 亦 間 口 不 有 其 以 以 憂 曾 以 知 此 自 焉 冰 ·
啻引 負 流 小 鞭 樂 得 點 消 來 忘憂之進 矣 大 孔 有 人 于 失 人亦 書 辟 字 門 憂 其 憂 以 日 、憂得 雕 清 而 所 爲 苟 道 拈 也 仰 真 樂 開 風 月 益 爲 樂 及 己 學 不 之 窺 MI. 已 而 其 雖 到 猖 得 地 故 學 則 脉 足 且. 閱 見 自 情 濯 憂, 天 狂 其 日 白 其 下 也 大 甘 是 以 雖 心 心 而 君 情 所 樂 沙 爲 之 意 韋 爲 偶 雨 也, 水 惟 子 後 用 先 謂 弦 俗 無 者 發 也 有 君 到 凛 不 憂 蓋 之 生 學坊, 憤 忌 憤 心 所 耶 子 凛 渠 敢 覺 得 學 樂得 者 亦 詩 忘 見 亦 憚 ? 亦 平 不 其 其 有 聖 機 食 有 乎 E 終 樂 吾 非 夙 憂 然 猛 道 樂 故 人者 其 然 非 得 不 滓 勤 而 儕 加 得 ; 矣 道 佞 之 省 僕 其 故 雪 E 惕 實 惟 須

無 是 是 消 處 得 也 盡 自 有 到 家 時 不 然説 憂 説 樂 總

### 答胡生二

實 聖 賢 際 僕 心 前 地活潑潑景象,但 足 所 下 以 第 借 憂勤 書 言 惕 樂 厲 之説 天 多 之誠 失之懸 以 救正之。 亦 想,未 已 見 有 得

等語 矣。 與 骨 洗 己 之 刷 也 可 振拔,則 乃 第 大 , 覺 浮 第二 0 事 三書言學術 離 是 知 態 今只 書 亦去 累心,心 前 俗 浮 纔 于 骨 情 日 説 其 見 古 便 味 到 所 與 本 自 地 人立 因 似 自 以累之離之者 磨 真 不受累 鞭 事 是之辨, 鍊 是 己 自 志之説 累心」、「 覺 數他家珍,不 痛 分 覺是 上 是 離 亦已 而 浮 有 離 心 獨 俗 情 「俗 而 成 心 服 思 浮 腸 E 成 性 腸 膺 過 涉 態 便 ·心 性 自 薛 半 便 俗 與

> 藥 夫? 信 爲 程 文清 也 番 不 0 不 得 稍 啻 學者指 朱者也,朱子言「孟 3 瞑眩, 自 燕 即 過 且. 至 己 越 主 時 云習 欲 矣。 原是 出 敬之説,亦至 日 亦 以 真 是要 見 敬 染 只恐 個 血 字 最 地 聖 路 爲 藥 難 仍 仍 X 與 人 去 掃 是 是 子道性 人看 門, 如 除 此 借 不 個 何 方 同 古 與 氣 信道 學者 有 善 有 耳 人 前 質 依 親 成 日 最 一段,直 若不 不篤之病 傍 切 夫文 案 樂 難 下 評 耳 天 變化 手 合 清 之 論 若 説 是 學

- 「己」下,全書本有「受用一毫」四字。
- 力,仍 也。 習 初 已下, 學 黽 ·境界, 勉 向 鬧 此 冷 全書本有 處不 寂處用力。 今且 i's 自 得 不 只 力 至 至大段 埋 轉 頭 熱 用 向 與 鬧 力既 走 熱 之 冷 作 鬧 用 寂二 久,自 處 力去 天 用 理 歸 力; 有 當 莫 都 相 得 不 預 冷 當 呈 寂 求 處。 露 力, 得 處 也 力 不 蓋 自 循 得 處 是
- ③「信道不篤之病」,全書本作「不肯信及病痛,更無

别

速之私 夫也 寧静 舜之説 至,而 之言 痛 身 具 ·勉之。 依 見 心 舊只 不 足 最 又不 今且 機 我 切 下 難 則 是從 作 欺 己 發 相 預 日 ()便是 堅植 理 光景 心 就月 貼 擬 會 信 之真 言 得 志 玩 得及處下手,急將 將,其進自 得 瞑 動 弄, 氣, ,鞭己之力。 力程 個 眩 最 通身汗 以 聞 好 難 途,失 7消息。 聖賢 見 無 過 不 爲 地 之于 能已 種 必 作 終靠 但 真 種 此 助 可 性 知 苦 惟 學 耳 善 等 長 不 古 心, 足 欲 得 病 而 堯

#### 答秦履思四

處 不 夫 得 即 而 學者只有 是本 本 語 體 體流露處; 纔 在其 著 工 中矣。 夫 語 可 便是 説 其善用 大抵學者肯用 其 Ι. 本 夫 工夫處,即 體 邊 處 事 直 然 是 是 夫 著

> 惡可 狂 既 謂 流露 良 于此只揭「知善知惡是良知」一語 可 本體也。 相 本 工 爲 自恣 體 夫, 知 去, 無 凑 善去惡 言 泊 善 去?」正爲用工 正 IE. 黄 則 則 當 →或至流 本 可 當 庭 I. 亦無 則 體 處 爲 夫絶 而學者猶 處 身 未 亦 故 上 嘗不是工夫。」但 則 事 則 外 若 非 本 本 于去惡矣。 亦 物 陶 I. 而 枝 · 是 聖 體 無 而 夫之外 先生切 夫下一 爲佛老者 不能無 葉,庶 絶 事 非 人, 非 于爲善 道 幾 虚 矣 别 切 疑 何 頂 將 去 無 有 以 有之。❷ 于 善 門 率天 一恐非 短 矣 ; 董 本 此, 本 針 可 就 解 取 ; 黄 體 體救之, 下 既 本體之 長 良 非 紛 何 庭 可 ? 故 爲 知 無 也 專 言 以 僕 猖 就 惡 ? 談 何 兩

❶ 「將」上,全書本有「既無本體,亦無工夫」八字。

途」十四字。「之」下,全書本有「寧不重爲之慮乎」七「或」上,全書本有「既有志於學者,亦苦於從入之無

失。 神 服 爲 敬 談 授受只在彝 則 也 意 惡之體 孟 生 乙 N 無 一,焉 又 善 知 膺 子 本 日 正 爾  $\Box$ 善 此 言 體 聖 是 生 説 我 所 未 知 有 無 正 從 良 訓 輩 便 以 本 以 ,不必言矣。 知 能 知 惡心之體」,不免犯 死 夫 是 者 此 體 知 不 生 口 以 滋 死 事 子 知 去惡 ,只從知 倫 季 流 佞 口 高 之問 爲 人,焉 依 之 性 露 當 路 説 日 人道之地 明 所 舊 方 E 處,所云 用討 日 事 有 之惑 從 當 病, 總 説 能 事 有 愛知 今人喜言性 是 有 處 到 向 鬼 是 歸 事 真 加 依 處轉之。 從 知 無 言 鬼 神 耳 宿, 事 敬 只 亟 去 舊 處 死 之 0 處 此 人 此 絶不 蓋 却 惡 説 呕 立 E 問 便 指 便 爲 · 季 欲 以 到 脚 則 是 是 學, 善 示 于 不 學 路 乃 連 事 則 事 盡 性 日 者 訓 此 知 得 方 知 提 只 無 夫 兩 鬼 學 性 詁 問 説 是 愛 外 孔 未 子 于 拳 醒 善 上 所 處 拳 之 真 空 知 者 得 知 鬼 亦 無

# 答祁世培侍御名彪佳

望。 悉 斯 墨 門下,豈 世 道 不不 地 池 番 實嘉賴之。② 高 者 令岳 光 負 免 忠 關 明 宜置之膜 動 憲 秉 時 磊 係 成 銓 公常 清 落 良 棘 或 標 作 非 手 家, 向 萬 用 淺 外, 及 僕 尚 鮮 治 第 佐 指 不 須 偶 亂 銓 時 名 嗣 門 賢 安 有 而 衡 局 者 危 下 痛 跌 難 斥 足 密 端 在 癢 舉 之, 調 乎 爲 事 在 動 則 指 今日 當 自當 物 頗 至 南 時 昔 情 失 戚 僕 物 將 王 如 未 有

知。 鬼 Ŧī 耳 + 神 下, 何 不 字。 如 可 全書本 不 事 日 有 百 夫子告之審矣 或 年 問 之 死 造 不 化 必 知 鬼神 請 以 當 是 不 念之 終訓 必 死 詁之説 不 吾 可 N' 不 之

<sup>2</sup> 將 字 全書 本 作 不不 各以 衷 言 時 效 若 口 而 郵 置 之

聞 其 墨 頗 未 以 池 忠 易 委 門 有 憲 稱 下 爲 未 任 留留 過 當 意 往 處 然由 往 矣。 如 今而 此。 居 進 追 辱 退 思 諭 人 前 及 才 日 ,敢附以 之地 之 事 則

## 與侯陸珍司農名恂

安所 經 + 前 必 見 短 萬 萬 要于可 久,久之未有不 而 販 金 金 己。 再 承 揣 多錢善賈。」 然,其 發鈔 得 錢 錢 無可 行 之鈔 充 捧 議 百五 誦 度 博 效 而 , 部 支,甚利 子 因 行之要于 短 議 + 母 坐 上一下間,自 長 似 立 驟 萬 也 敗 病 也 不 金 以 不 者也 而 若 也 錢 行 可 及 日 竊 仍 充 久,非 月 之, 謂 遽 倣 然 計 度支乎? 覆 或 語 國 止 歲 家 日 初 此 得 徒 而 且 歲 立 之 荷 不 寡 而 制 長 可 百 百 味之 且 後, 目 以 袖 而 五. Ŧi.

> 當 其 户貧民,還以 行 日 深 以 他款 先言 之, 利 中 思 也 或 翰 猶 項 利 手 爲 亦 偶 今日之制 書 以 無 灑 與 病 弊。 條 駭 灑 王 國 議 民 口 雲 蓋 之觀聽 來, 觀 專 來 則 或 ,敢遂以聞之左右。 閲 中 明 初 利 至 旨 之 翰 或 云 駁 制 商 深 而 正之意, 及之, 得 藏 害 兼 僕心。 富 或 利 于 遺 民 民 越 固 于 而 然 不 數 口 單 還

●「中」字,原脱,據全書本補。

三三七

# 劉蕺山先生集卷十四

書

# 與温員嶠相公名體包

達之知 不幸有 周 己,恐一 不 下:宗周一介孤 禁中 從 此 原 辭闕 起 任 夜徬徨 犬馬之疾 旦 具官劉宗 一溘先 自田 三, 且 自 解 朝 間, 屢 踪,久甘 閣 恨 露 濫 控 周 下 此 死 竽 宸 謹 而 生 不瞑 卿 行矣。 廢 嚴,遂荷俞旨。 再 無 貳。 棄,誤蒙 拜 以 目 上 報 受事 臨 書 則 君 岐 請 恩 相 君 未幾, 養 公閣 以 怬 相 宗 特 狂 知

瞽之見,敬效一言于左右。

舉手加 下之能 詹爾 宗周從 而 風 民,孜孜望治,精誠 而 猷 對 推言之。 萬 選 佐之于下,君臣 宗周自入朝以來,仰見我 將 額,慶太平之有日矣。 九卿後,得與召對,見皇上 方,無忝堯舜 事 順 其 ·益見大 (美, 匡 所 相得 救 聖人之 在 至 其 上 失 隨 可 無 事 也。 謂 而 雖然,請 皇上 閣 足 我 魚 宗 處 水。 下 以 周 分 格 敬天勤 以 且 因 不 仰 御 近者 清 蒼昊 勝 是 史 閣 執

以 世 該 無人耳。我皇上求賢若渴 盡 揚、 部 彙題,●奉賜 天下之才。 今天下禍蔓兵連,未知 黄 道 周 中 外 環 至起 無 者僅十 不 廢一 頌聖人知人之哲。 不 二人,特首録惠 節 税 難 駕 尤稱 種 動 種 稱 曠 破 王 典。 濟

之未 安,果 廢 閣 户之見以擠之,禁錮十 雖 廢 楊、左同調,幸 無望于閣 古 베 ൬ 川 邊才」 錢謙 賢 下 有 宜 蒙駁; 有 惟 下 周 者 進 御 進退人才之責者也。● 苟天下 石 所 意 莫先世 是 奉 、吴執 爲 與與 者 極 憐 而 該 何 益之以 至 下 以 進 蒙 而 才, 部 人之風旨 一不肖之未退,必 再駁 一揚,而 矣。 來,所 駁 閣 至 退天下士,殊 之于 御 曲 前 羅 下 與 瞿 爲 之後,竟成寢閣 夫 擬 喻 不 九 閣 廢 廷臣 世 世 式 調 聞 死 南 義 下 置 揚 與? 揚 耜 劑, 之 出 缺 天 年 廷辨 之爲異己者 也 輩 在先 生。 以 數數 下士百 而 則 有 之以 閣 始 忤 語 也 終 貢之閣 日 朝, 不 窮 閣 救 下 聖 擬 而 「文武 不令其 彈 可 理 八人乃 身秉 下 IE 明 邊 廢, 餘 居 閣 解 極 首 , 時 撫 也 人,多 方操 諫 有 者。 尤 下 下。 國 全才」 御 而 垣 不 有 其 也 冢 則 廢 成 長 賢 彰 卿 能 天 自 門 大 起 與 而 而 日

> 長洲 矣。 長洲 賣 詹 之,曷不曰「 者嘉善之去,其建言大關 奏辨之蚤,本自嘉 也 彰 下未見 下 寔不能容之狀,如 了者矣。 不能 御史。 語 友。 即有 不合 是 百 骯 調 時 其 長 髒 正言告主,聽 殿 而雷 故 香 之姿, ,遽激聖怒以 有 洲 夫 争 臣 坐 文震孟 揆 Щ 可 一當同 何 霆之下, 摘 地 何 腹 吾 騶 以 之過 爲皇上特簡 妨 巴縣 誹 善 坐, 語言 席 虚 並 其 去 錢 己? 未 士升, 頓 以 去 王應熊之以 古 聖明 而 則 得 嘗 國體 成 家 竟 所 近 則 過 費 輾 縮 奴 未 以 稱 而 于 近 數月 閣 轉 朒 枉 閣 許 必 閣 比 于 誣 下 詞 戍 人言· 相 譽卿 肩 下 致 不 下 罔 F 參 則 聞 誠 時 嘉 轉 實 上 事 而 知 去 之處 睘 與 有 見 主 善 即 而閣 亦 近 也 獨 聞 之 夫 天 干 其 如 爾 以

● 「進退人才」,全書本作「以人事君」。「也」下,全書本

成 户 後 息 異 難 閣 進 以 有 以 Ш 匪 之多 之爲 之也 言 科 别户 否 同 類 明 下 阻 無 場之訟。 耶 自 又 者 其 得 借皇 有 皆裏 之心 ? 稍 此 進 依 閣 日 罪 不 前 人人 稍 其 多 臣 傍 此 利 則 足 與 起 誰 一之寵 殆 也 于 成 近 不 錢謙 而 樹 閣 而 而 日 昔 虞 矯 閣 于 閣 與 敵 去。 應之,以 下 靈 不 人 下 其 枉 陰 崔 下 益 共 所爲 然 過 者, 處 擠 爲 重 本 亦 朝 事 ? 魏 正之見, 處 得 同 無 驅 積 端之上 者,不 而 騎 之惡 爲 張 罪 官 罪 乃 除 不 閣 虎 牙爪,使昔之立 弧 閣 異己之地 能 之 閣 下 且. 門 亦 審 下 勢 亦 亦 堪 人之 閣 下 户 日 難 如 不 也 已 見 下 特 是 乎 所 安 免 有 風 竟 大 朝, 也 以 朝 恬 以 瑕 以 如 以 門 泰 浪 發 議 此 釁 遂 分 激 將

之禔 私 其 以躬不 即 最 閣 可 檢,參之誠 下 自 自 信 許 者 孤 無 立 是 如 也 參 法 鄭 不 第 鄤 3H **\$** 貴 鄤 事 非 怨 門 鄭 不 户 鄤 避

賢云: 文致 未 不 已 張 故 尺 號 中 天下之賢 矣 之聞 誠 可 有 法 壽 人 于 人 足爲 辱,頗 人日 也。 謂 閣 應得之罪 祺 誠 乎? 成成 閣 一吾心 將 下 爲 者 門 : 即 下 令聞 其 德 謂 别 而 將 户之累,在 閣 吾 閣 如 亦 白 閣 用 以 事 秤 下 爲 下 者 毅 而 門 下 之, 門 平 不 名 然 而 寒 動 以 户 户 自 心 激 爲 不 教 心 計 門 能 殺 爲 之否 世 聖 自 衛 閣 户 爲 鄤 莫 揚 況 怒 别 也 問 殺 下 犯 人 也 若 · 吾 始 白 煅 以 耶 何 作 贓 必 就 詔 門 ? 煉 0 人 妨 又 重 爲 不 廢 獄 户 不 舉 也 又 别 輕 朝 如 謂 計 Ė 籍 溺 其 白 無 士: 廷 是 終 然 中 職 閣 夫 伸 所 則 可 如 而 業 矣。 擇 昔 殺 亦 下 成 揭 猶

<sup>0</sup> 不然將」。 參之 出 世 誠 間 是 情 理 至 一故 終 須 全書 行 勘地 本 作 方而 至 坐 後 以 可 勸 以 父 斷 杖 斯

于 成 官 亦 怨 何 無 心 不 評 事 邪 總 以 何 已 利 法紀? 枉 操 昭 王 于 乃 諸 屬 于 濟 己 于 者 臣 或 飄 殺 市 時 者 潞 即 嚚 風 是 邪 艱 井 公, 而 自 願閣下之熟思之也 訟 如 枉 容 若 居 訛 起 功 是, 者 上 之, 邪 猶 于 言横 名 報 必 枉 未 身 縲 舉 埒 聖 正 也 不 于 臣 親 根 明 于 直 道 足 舉 稍 株 元 夷 格 訾 將 惜 祐 連 鬭 簡 收 何 引 ? 清 出 紹 共 末 其 0 以 并 平. 聖 路 于 偕 從 如 處 婦 世 大 宗 前 紅 豈 女 宙 道 左 恩 不 社 本

譏 獄 于 取 等 後 所 楊、 當 云? 世 事 宗 情 沈之獄 彪 周 ,@至今有不 亦 偶 事 炳宇宙 若 閱 竟 坐 概 其 先 他 以 坐 朝 不 封 分 載 棧 能 而 能 宜 終 紀, 疆 爲 豆 救 殉 。 **3** 以 失 文忠諱 īE. 如 不 百 事 耳 張 張 能愛惜 年 之誅 文忠大 江 ·, 尤 贵 者。 陵 必 爲 功 多 嚴 真 人 禮 可 在 才 分 所 如 大大 取 宜 自 幼 傳

> 熟 閣 不 思之也 知 下 于 自 嚴 分 相 張 業 二公又何 孰 與 文 忠 居 賢 矣。 ? 稍 尤 或 願 不 閣 慎 下

禁抒 意 清 將 姑 政 雅 疢 爲 自 寬 復 黨 光 兄 有 不 宗周 乃 之, 以 如 不 人 何 此 事 諒 藥 敢 爲 餘 胸 閣 私 徐 其 ? 少不 石 負 唾 臆 取 心 下 心 故 然宗 有 而 懇 而 似 矣。 君 人,因 如 年。 自 懇, 思 店 臣 人, 周 之, 陷 似 臨 Ħ. 終不 老 長 而 而 依 狂 書 然 即 雲 矣, 負 而 傍 ·, 計 激 敢 其 況 泥 君 無 切 病 言 取 閣 自 朋 父。 聚 述 且 譏 誠 下 外 散 友 徒 死,旦 後 得之,必 左 有 乎 語 末 以 ? 過 來 云 由 同 夕耳 閣 私 輒 時 籍 美 心 沐 亦 下

3

<sup>0</sup> 願 北賊易之説」十 全 書 本 有 又何 問 或 家 擾 攘 故 昔 人有

<sup>「</sup>當世」、全書本作「於世廟」。

<sup>「</sup>宜」下,全書本有「青史之筆往往而是」八字。

### 答'王 金 如

于 足 下 前 者,兹敢 者草率作 進 答。 而 品 請 益 园 一之衷, 焉 宜 有不 盡 亮

微 下,覓 乎 其 時 操 見 亦 以 童 言 克 微 老 戈 博 不 折 無 而習之,白首 諱 少,而 言 還 衷 日 竊 往 討 爝 莊之徒 泯 惟 博 載 于 向 非 旁稽 火 斯道之傳,至吾夫子 諸 在 也 者 證 求 以 求 四 子百家,定其瑕 其 也。 道 ,首蔽于長生之見,崇尚 索 竊 助 正 書 之 能 照 而 于 謂 六 竊 嗟 不得 讀 地 乎 外, 經,可 焉 有 聖 乎 ? 得 取 若 其 何異 人之書者 ! 或 于 而 其 解,遂 考 孔 日 附 孔 苟 盲 瑜 而 : 孟 孟 益 而 存 者 存 于 信 之,未 之道 而 集大 幾 取 處 一不 此 也 既 其 善 人 大明 中 往 去 貴 成矣。 虚 足 學 有不 而 猶 取 矣。 廣 無 惟 之 之 者 大 存

> 徒 者 勝 言黄、老,又曰《易》、老,合羲皇于 之 拉 類 晦 顯 無 無 理 絶 之 教 以 出 其 氏 朽 故 仁 以 ,皆寓言之支 不 生 0 説 足 耳。 乘 相 資 畔援之情, 廢,學者遂 棄 而 孟 譏,卒 義,各 談 辨 虚 也 子 而 惜乎崇有之論不 也 柄, 而 倡 辭 其 而 起 無 其旨 著 吾 功 益 而 獨楊、 然 專言老、莊。 道 流 闢 儼 補 書 行 反 祖 之,不 淺 以 也 其 然 以 于天下 則 其説者, 墨 陋 雄 本 正 垂 歸 言仁 漢、 之, 易 後 據 遺 之明 破 之亂 窮。 世 其 足 尊 何 魏 餘 . 義 若堅白 亦不 上 以 生 以 力, 其 物 心 矣。 此 而 之 來, 見 厭 清 爲 于 過 七 孔 時 老 當 見 性 談 叛 是 子 猶 篇 有 競 異 氏 世 道 摧 變 之道 時 超 標 是 聖 同 西 出 7; 也 名 之 有 虚 方 枯 而 而 干 而

<sup>●「</sup>生」下,全書本有「無生亦無死,其究不離尊生」十

相 通 非 人之 絶道 率 于 禪 吾 而 也 入變化 趨 所 喪之日 儒 之乎 即 之説 未 吾 聖· 嘗 莫可 學者 者。 言 人之精 及 端 驟 讀 者 倪 聞 儒 也 言 之 書者 也 當 而 」。」安得 又 此 喜 又 有 聖遠 從 進 以 而 不 者 爲 言 掉 附 此 日 湮 首 吾 會

者。 之真 始 出 偉 闢 源 與 角 佛 即即 矣。 就 佛 于 相 而 者 以 儒 老爲 氏 而 天 距 與修 羅 故 毫 者 終去,或 然當此之時 不 而 之爲禪,不 李不 釐 殄吾 解 歸 己任,比 濂 明孔 經 之 似 溪、明 能 之際,或失之支離 禪 是 道 陰茹 子之學, 驟 不 之辨,容 于孟 復 特 道 得 ,佛教大行 而 敢 置辨。 之 起 而 陽 子之闢 晦 外 炳 有 吐, 置 亦 無 翁 如 宋 晰 喙 故 聞 則 也 ; 諸 之有 楊、墨, 雖 其 求 雖 焉 儒 間 于 舉 其 遂 以 以 後 吾 師 有 吾 所 其 惓 粹 堂 其 先 置 未 聖 聖 他 友 然 惓 淵 契 精 喙 人 或 獨 功 以 犄

> 者,私 爲佛氏 之間 者 者 未 以 吾聖人之道 晤 闢 如是 有 乎 베 已 佛 1 聞 固 鵝 也 之徒 爲 之 夫 已 湖 何以 哉?」 闢 開 而 不 者 以 門 佛 恚 能 闢 私 殉之,寧不 老,美名也 此 而 盡 日 吾 揖盜 聞之而 禪學之所 : 化 爲 此 其 哉? 矣,況末 我 之爲 益 喜 見。 ,辭之不 即 授 日 以 儒 以 學 日 則 流 者 「彼之 柄? 聖人之 新 益 如 勝 月 彼 復 至 是, 盛 爲 弊 于 學 是 此 儒 而 何 貶

目 以 陸 周 經,特舉 大 以 略 氏 旋 即 相 振 求 之説 于 又三百 吾 似 至 宋 前 聖 是。 儒 矣 由 只 日 人 今讀 餘 之説 佛 所讓 所 久 良 年 氏 謂 其 知 而 相 而 良 有 棄于佛氏 之説 書, 無 陽 個 知。」 與 所 明 自 如 彌 得 子 有 又 私 日 縫 出 自 者 功 日 始 其 後 利之心 而 佛 隙 始 反 學, 恢 而 古 氏 復之, 兩 夫 斯 求 本 常 所 收 本 之六 求 來 文 賴 且 體 之 面

于二 之師 聖 者,意不止于 時 得 生,亦且奈之何 溯之孔、 不 時 謂 同 溪之後者,又 漸 不滿 者,由 之明 又 擠 孟 心 其 E 陽 陽 師 。」可謂 如 明 陽 明 説 哉 是 子 佛 明 而 可 而 而 而 禪 也。 氏 中 知 益 已矣。 朱子,及于 矣,不 外 其 矣。 啓瞿曇之秘 讀 (要害。 人 龍 倫 亦冤 然學 溪、近溪之書, 雖 遺 明 吾意 使子 哉 物 陽 道 理 明 舉 輿 後 濂 之學 之 氏 則 固 而 溪 學 復 生 歸 不

此 達 者 苟 而 亦亦 一,而 其 閉 瓠 也 、之道 之門 真 亦 僕 後乃 甚 常常 讀 津 不 也。 前 私 如 佛 梁 始喟 . 得 是 慨 氏 也 不 已之 佛 譬之溺者,與之以 以 書 聽 然 學者 將 其 . 極 爲 亦 于聖人之道 出 舉 何 思 必 患 今之世 人于 病 矣。② 有 不 于 不 真 佛老, 儒 安 僕 讀 真直 一,誠 乎 子 生 佛 佛 是 取 欲 也 瓠 氏 然言 欲 氏 學 晚,不 書 而 間 之説 其 者 耳 濟 至 學 而

> 然,以 截 吾 坫 起 陶 及 新 積痼, 先 事 日,不問 ,霞標之篤 ,與二三子共 生 前 建 爲 輩老師 微 學 不 退 其 傳 可 有 而 爲儒 及 實 淵 惘 庶 大 繹 子 然 源 儒 幾 因 與 所 失 有託 幸 養深 虚 禪 而 聞 所 之 往 也 私 懷 還 明 自 每 淑 也 其 快 論 得,不 諸 他 僕 道 與 若 講 皆 難 + 時 求 于 席 自 聞 尊 如 餘 吾 視 之 者 爲 年 輒 鄉 飲 斬 如 增 興 得 開

矣。 熱,往往 泛泛者。 量,不敢 然而 至僕之于足下,私 遽 度 足下 世人悠悠,不 問 越 其爲 後 -志願 進 儒 之大,骨力之堅, 由 與 其 禅 心 能 所 期 也 無 至,成 望 疑,曰: 其 更有 餘 諸 就 子 IE. 不 Щ. 諸 未 同 性 可 之 知 口 干

2

<sup>■「</sup>矣」十六字。

從攻,熱因熱用,寒因寒用,不亦可乎」。 「然言」至「思矣」,全書本作「治病者,輕則正治,甚乃

吾流 就 則 歸 憫 傳 甚 子言 不 信 而 爲 有 ·得 之 獵 不 心 人 愈 大 較 之 禪言 可 身 窮 堅 迹 噫 俗 哉 此 7,孔子 聞 一,其教 衡 乎 去 道 有 嘻 士 也 ? 中 ? ? 量 就 \_, 上 聖人之道者,是 溥 行禪 且 之際, 諸 道 然僕 亦 今而 僕 濟 亦愈 子 接 而 君 聞 獵 行 而 孔 立 有 後 子行 世之襟期 行,而 較。」諸 與 之,笑而 ,律禪律 宜 孟 以知 ,能者從之。」又曰 將 其從學佛 之 必 履 永 傳 有 其爲世人之悠悠 亦諸 拒 儘 足下之必 君子而 以 不答。 下 人于 游 足自信,亦安 自 盡 闖 君 之 禪 處 陽明之室, 子之 游 士 誠畏天命 流俗之外, 矣。 世之流俗 諸 爲彼,而 寧 君 何 過 若 子 若 以 也 魯 往 止 自 愈 道 從

焉 斤斤 僕資 救過 性 不 之不遑,苟 逮 人, 老 而 足 未 以 聞 匡 道 吾之過 猶 竊 願 一,而 學 不

爲

學之 足 進 下 吾之不及,皆吾師 終以 訂 願 教 足下 我 勿 疑 也 亦 請 并 從 無 而 致 終 疑 事 于 小 願

#### 與 黄 石 齋少詹 名道 周

復 不 難 昌 伏 疆 有 有今日之禍 一言累 遇 之矣。 枕 爲之太息不 則 存者,陰 也 學術 彌 亦 牘 歲 所 豊 非 今日 不 輒 謂 目 以 明, 天乎 爲 功 不 褫 Ė 者 不 擊 接 人心不正,而 女 門 絲 在 節。 朝 1 回 嗟 下 九 禹 事 一之魄 乎 鼎,獨 方 語 下 0 無 ! 幾 云 者 何, 友 幾 君 也 賴 人 而 「漢文不 得 又得 世 臣 時 扶 吾 之, 僕 道 相 時 或 黨 隨 遇, 去國狀 以 而 命 清 傳門下 之, 衰 · 能 用 自古 于 議 終 病 復 無 猫 遂

學,如 門下終勉之。 僕 賈 足用之,而 雖 不 然,天而果 誼 誼 意門下學古之道,而 孟 夫子 與 況 有 者起 欲平 過 進 焉。」●以徵近事,千 而聖 治斯 而 明 世, 乎? 遇 雖 將 僅 必 齊、梁之君 以 世 有操大人之 長 無 沙 其人,惟 ·古同 擬 猶 也。 慨

答胡嵩高朱綿之張奠夫諸生嵩高名嶽,綿之

名昌祚

,奠夫名應鰲。

之寡昧者當之,又不啻大聲之呼,而 破耳也,敢不拜嘉? 心,于今之世,殆亦空谷之音。 比 辱手 教,纍 纍數千言, 僕于此復竊 而 具 況 見 有 請 衛 以 疾 焉 雷之 道 不 佞 苦

如足下所言者,固已不煩更端而請矣。今而託于釋者混之。則其爲世道之病,信有夫道,一也,而釋氏二之,教,本分也,

乎? 落虚 始幾于從心之域,及門之徒三千七十,傳道 乃以吾夫子之聖,竭 詫 除,以視吾儒言天載,尚隔 之,其言單提性宗,2層層 也。 聖人之道,既嘗 以爲之依歸,遂不覺惑于二氏,而 于耳目之近者概 者耳,則 之言佛氏之學者,皆其有意 爲 無,事 妙道,自嘆爲希有,安得 不幸當聖遠言湮之日,又 此厭 亦聖人 常喜新之惑也。 事 有可 童 所謂賢智之過 口 持循,宜 而習之矣,彝倫 知 也。 生功 折 稍讀 幾 夫聖人之道,不 乎學之之易矣。 入,亦 力,至七十年而 于聖 重 不去而從之 無 階 佛氏 也 人之 老 級 復 禪 日 彼 師 層 書 其 用,託 尤 而 層 而 其 大儒 道 者 異 掃 于 甚

2

「宗」下,全書本有「離四句,絕百非」六字。

<sup>■「</sup>過」,全書本作「故」。「焉」下,全書本有「當此之時,

之惑 外, 淡 乎 道 首 其 機 乎 必 起 鄉 助 諦 易 者 而 ? 泊 ? 冥冥 禁 傳宗。 即 以 不 鄰 有 長 也 不 願 以了 知 漸 也。 人 之惑 過一二人,亦 有 利 ,收拾不住。」彼 即 蓋 則 報 同 聖人之道 以 于 鬭 是 且 尚 本 求道之難 生 通 凡此三 功利 似 吾 耳 吾 也 道 ·得 逾 俟 死 閉户云 寧 彼 塲 進 , 0從其教 生,而 之説 佛 不 9 且 切有爲 而 大事 不 一惑者, 氏 懺 舍 本 所 逾 僅 耳。 然亦 悔 者 ,苟不得位,❷蓬 而 貴 如 難 家 身 具 無 學爲聖人 即 乎 是 而 (體馬 所 以 者 胡 復 窮 法 若佛 利于天下。 離 學 其 就 言 爲 悟 也 乎 于 超 無 苦 聖人之道者 易乎? 淡 況 自 ? 性 以 自 于 不 氏 出 阨 而 供 Ĺ 爲 蔽 利 此 如 平 聞 性宗 自 人 不 之: 則 生 利 滅 計 義 此 而 厭 認 證 累 此欲 功 度 人 而 其 而 知 者 既 聖 也 而 道 儒 無 盡 儒 不 謀 念 尤 之者 諦 也 行 透 之 進 出 門 量 六 者 爲 利 不 谏 口

> 平 行 怪 利 後 也 世 此 有述 所 謂 馬。」殆 惑 之 謂 甚 是與 也。 子 E : 索 隱

言文字 已 敢 未 往 而 **一** 因 耳。 望 有 升 有 良 過 當 以 堂 彼 今之言佛 衲子之徒 挽 世 知之説 藩 然則奈之何哉? 而 相 人 者 不乏 其 人 籬 勝 室者 也 而 而 于 氏 往 雄 0 況于卓 亦浸 反之性 乎? 之學者,大 性 不 不 深 覺 返 相 警 假 之心心 敏 爲 勝 - 然有 則 地 而 僕于此 近 之 而 \_\_\_. 良 故故 亦亦 仍 士 都 相 彼 志 知 譏 盛言 自 于聖人之道 援之以 其 祗 矣。 茫 有 此 猥 中 以 説 之間 陽 然,曾不 嗚 欲 所 重 焉 明子 呼 廣 其 以 見 其 惑 語 往 1 古

教 古之爲儒者, 止 孔、孟 而 己 矣。 傳 而 爲

2

<sup>0</sup> 頭。 得 下, 以 故 全書 傳 燈》若干 本 有 「嘗 言 旬 字。 日 不 便 當 截 取 老 僧

位 苟」,全書本 育 只是 道 理 作 如 動云 此 無所爲 倘 實 求 施 而爲,至 濟 堯 舜 推 猶 之 天下 中 和

招之。 母,時 陽明 言佛 佛 得 禪 朱 也。 古之爲 亦 佛 亦玄黄渾 非 禰 日 招 一,再 法 氏 日 而 再 佛 「逃墨必 將亡之候,而儒教反始之機乎?」 良 喜 子 也。」夫學者 今之言佛 氏學者,既 變而 傳 時 之以程、朱 佛氏 氏 言 佛者,釋 知 而 益 動 而 合之 喜 功 己 而 爲 爲 其 恍 頓 言宗 德 矣。 E 歸 陽 陽 痛 惚 也, 氏 矣。 也 莫不 于 明 明 迦 癢, 會乎 矣。 之學者,招之以 譬之出亡之子,猶 也 而 而 ,楊,逃! 子,人 而 而 禪 而 孟 前 則父 不 又不 言陽 人 吾 吾 已矣。 陽 ? 子 知 以 以 吾以 楊必 又以 或 明 有良 . 得 母 曰:「無 陽 明 陽 而 以 子者,吾 請 明 固 子 明 識 陽 歸 爲 爲 子 得 \*, 吾 知之説 子 者 變 即 明子之宗宗 于儒。」今之 近 近 之頓 是 之德 孔、 而 日 以 亦 于 而 于 非 招之,自 道 陽 孟 識 與 儒 爲 禪 頓之; 德之, 則已, 之心, 之 之言 孟 此 Ŧi. 有 而 明 宗 子 禰 子 殆 即 不 父 則

> 堂, 所 見 使 朝 以 焉 知 而 而 姑與之言陽 破 有 則 心 良知之説 又何 雖 E 醒 口 患其 不 而 離 爲 明子 不 而 佛氏之説 吾 稍 爲吾儒之徒 儒 忧 稍 之心 求之,久之 足 從 不離 前 乎 ? 迷 佛 而 此 氏 或 僕 之 有

足以 但不 心 朱 道 而借 明子言之而 言之,程朱言之而不足,則 日 天下之公言 楊、 陽 ,求不得罪于孔 子之言, 陽 . 許 爲 明之道,言陽明之言, 之,以 墨 夫道者,天下之達道 爲 反 之道 明子 佛 正 以 一伸吾道之是乎? 之機 氏之徒所借言, 也。 不足,則後之人又有言之者 之道 不息, 發 明朱子 孔 孟焉 不著,佛、 則吾亦安得 孟 孔子之 言之 止 之藴 耳 因 陽明子言之; 而 耐 而 道 老 而 言 不 苟 不 善 之 不 多 足,則程 道之言, 其借之, 繼 著 因 考 道 孟 其借 異 朱子之 不 子 同 息。」 僕 日 于 亦 朱 而 亦

道 焉 下 子 故 大 之 之明 偃 日 地 旗 僕 于以尊 君 臻 ,則天 息 聞 且 子 于聖 鼓,反 之, 行 反 所聞 下之 經 庶有 人 春 之 其 秋 日 僕 士 域 而 分 之法, 乎 亦 必 别 行 而 ? 異 所 有 已 與二三子 先自 矣。 同 知 聞 僕 之見 風 日 日 治 今 而 暮 進 而 而 興 共 于 而 後 起者 後 學 高 告自 治 陽 明 願 吾 明 廣 品 足

#### 答 諸 生

鳴 罪 贖 及 大 之靈 更 鼓 狀 旬 改 之誅 餘 葬 承 無 自 ? 安安 寵 擯 顔 親 命 能 則 而 官 面 不 牆 且 遽 謁 H 口 肖 不 從 對 夕 祠 孝之 而 諸 亦 諸 不 有 執 何 君 君 遑 H 事 罪 以 子 子。 寧 敢 猶 遺 自 作 處 捫 復 不 以 恫 雅 苫 拜 4 不 會 是 塊餘 棄, 嘉 心 親 不 以 乎? ? 揣 而 終 1 寬 少 天 辱 但 其 揭 半 僕 先 纔

> 不 者 誑 子 寸 姑 如 西 而 保,諸 掩 )則 心 也 與 後 此 河 氏 終 以 9 侍 願 其 若 可 見 不 教尚 君 諸 規 罪 以  $\Box$ 屑之誨 子 君 自 避 于 不 有日 縱 子允 曾 遣 之 楚 憐 子 而 跡 矣。 不 僕 聽 而 呻 至 難 累 與 其 則 吟, 投 不 復 我 請 徐 又與 然,僕 杖 出 姑 ,終削門下 而 其 而 爲 自 而 于 能 拜 是 奄 請 艾 及乎? 不 謬 友道 焉 奄 事 言 餘 于 之 之 之嚴 以 生 諸 苟 甚 其 之 相 君

### 答葉潤山二

慰 有 接 諸 手 加 教 曠 而 歲 無 喜 不 已 可 相 知 至不 聞 也 夢 恥 且. 想 下 承 徒 問問 門 殷 如 下 此,僕 相 有 信 懷 之深 靡 亦 及 何 以 忽 日

大抵學者之于道,不日進則日退,而進

辨 井。 大 不 甚 所 所 往 也 前 自 退 始 特 微 當 舉 人 以 之 也 日 又 等是 取 細 終 損 而 爲 有 之 雖 機 便是 必 學 身用 目. 僕 益 效 見 退 最 有 于 懲 意 人 以 者 有 懲 宜 使 進 己 忿窒 則 之不 之懲窒,聖 擇 讀 難 室 時 徒 于 卦 尤 取 濯 不 易之分,亦 精 Ι. 時 易 落 之。 進 慾 精 盡 濯 自 夫 加 且 W 想 也 耳 者。 新 須 是 行 體 綱 力 像 自 知 以 反 常 領 人 認 者 不 邊 以 今 但 乾 躬 處 又 矣, 力 人 工. 必 其 者 事 爲 此 道 實 有 夫 是 有 有 門 進 下 此 中 踐 爲 不不 亦 得 聖 常常 病 者 手 進 下 進 所 之地 第 此 綱 人之 人之懲 有 · 得 退 于 已 則 謂 進 領 綱 精 之 臨 前 不 自 日 巾 懲 學 義 領 乾 粗 機 今 安 渴 進 日 , 窒 室 耳 之 者 則 知 者 者 掘 以 于 亦 即

細 人 持行 粗 把 無地」等 批 持 示 在 幸 手 語 矣 甚 亦 何 只是 所 如 舉 戒 慎 視 不 無 睹 形 恐 聽

若 是 乃 體 虚 懼 反 天道 知 空 晦 也 不 窠 吾 本 聞 即 有 日 輩 旨 然 指 己 意 耳 論 不 ,質之修 畫 然 免 學, 歸 身 悠 之 只 心 迹 謬 慎 是 辭 性 其 方 獨 朴 命 立 辭 미 而 實 誠 逐 亦 之 頭 近 步 須 意 地 于 獨 尋 佛 即 殆 求 前 是 老 有 不 不 所 著 之 如 謂 説 此 乾

長 大 論 辛 岐 隨 往 將 太 者 熱 耳 頗 復 乎 以 地 山 ? 林 皆 用 IE 目 兀 多 恐 平 ^ 乎 世 道 下 不 有 勉 但 陶 生 ? 耳 所 也 易持 未 枉 之! 文 似 口 若言學 尺 1 亦 簡 有 時 商 守。 直 其 贵 來 事 者 公 勉 持 有 尋 歷 多 集 之 ! 則 亦 出 處 守 内 僕 艱 隨  $\forall$ 甚 處 若 外 常 留 地 主 何 論 幡 部 與 皆 人 恩 心 節 X 然 己 之言 學 未 世 不 凡 奉 而 道 也 報 吾 人 體 得 覽 行 言 輩 門 不 見 用 可 而 可 所 慰 取 其 之 道 云 面 不 學 也 前 其 議 長 免 鱪 則 口

#### 命也。

# 答秦履思五

千變萬: 之,信 始,正 路 足,反 盡 也 儒 却 子提宗,最 者,只于此 赤子之心,焉 故 非 不 大 孩提之童 中 于 承 君子 隔 求 得 陽 此 化用之不窮,雖千變萬 至 諭 身 即 明 及 正 近 心之外又加 心中 爲 盡 是。 意 心,不岐 溪之 之脉 直 端 其 得 人 中 反求 ·便覺 以 在 下 的 有 事 學, 也。 便 天 孩 盡 也 凡 即 先 提 人之間 雖 是 天, 聖,不 毫 赤 是 下 生之學,可 聖 以 之童之知能 然赤子之 而 末也 子之心, 覺 耳。 赤 人。 天其 乎 有 子 地 根 ! 提 覺 纔 化用之不窮 所 此 本 氣 覺 天非 謂 心 謂 純 路 心 也 下, 不 ? 信 人皆 乎 直 要 即 原 得 達 天 須 故 不 非 是 來 等 便 者 聖 及 有 原 赤 有 不 吾 具

> 尋。 心 于 生 清 費 無 待 面 所言 壁 此 者 推 他 而 先生何 費 謬 九 敲。 ,又將此 是 求 却 悟 巧 年 之未 果 幾 處,終是 也。 潔 況 故 如 許 浄 生 其 又 此 如 項 前 起 説 他 先 夫,方得 學 人 力 爐 乎? 所 生 凡 者 地 頓 竈 以 所 是 但 放 也 言 當 善 彼 聲 時 在 了 悟 面 消 惟 根 時 手 何 蹉 息 不 保 處 不 宿 處 過 黄 任 識 如 反 而 赤 慧 不 達 意 面 費 子 摩 者 免 老 目 之 且 先 追 子 反 别

# 答 曹 進 士諱廣

先服 以 知 世 啻 恥 腹眩 其 講 不 近 之末 佞 口 勇 焉。 老 出 廢, 也 僭 語 乃 杜 援 19,殆是 足下復 捧 門 聲 誦 氣 息 吾 再 影 不 =披示教言, 輩 之日 加 頂 欣 鄙 門 久矣。 然 棄 針 以 惓 而 喜 惓 欲 佞 進 請 至 焉 日

之,如 背,此 若 然 之本 真 子, 此 與 不若 約 事 來 與 商 不 人,則 之懵懵 其 指 自 能 教 知 無 所 而 易 泛 之 喜 知 恥 心 所 未 恥 若 南容之復白 可 以 而 恥 操 也 及 同 伎 逮 近 謂 知 尚 可 自 何 者 焉 者 窮六經之書 勇 倆 之 惡 若 論 益 亦 而 以 反 與 也 無 而 之 之。 耳 知 體 欺 目 何 愧 三代之人 人 其 所 請 説 恥 怪 藴 慊 有 惘 無 降 知 用 心不若 事 是 圭 乎 也 ? 有 萬 H 然 交 而 焉, 故 ? 恥 著,爲 即 辨 乘 無 屏 北 盡 不 者, 他 曾 與 然 而 于 不 從 可 Ш 宫 天 子 人 日 其 孟 鮮 乎? 若 尚 忽 能 也 黝、 氏 下 由 解 嘗 貌 夫 擇 友 忽 不 則 之讀《易》之爲 知 賢 生 君 之 孟 子 聞 其 之之 而 以 不 而 恥 不 定 人君子,不 子 夫 日 施 日 要者 法 大 佞 知 不 恥 觀 命 . 舍 雖 . 三代 勇于 指易 爲 惡 請 振 之, 不 符 有 。一今 指 雖 乎 姑 而 真 恥 直 夫 肩 ? 之 憍 此 不 恥 啚 就

> 之, 之 若 壑 來。」請 庵 不 負 先 聞 務, 闇 亦正一 措 異 生 道 然 宗 亦 日 爲 日 者 社 而 古 足下 章 : 指之: 徒 即 于 無 以 真 不 安 事 誦之。 伎 當 出 瀾 干 IF. 切 倆 户 路 數 英 悻 亦 ,不足爲賢 而 而 數 雄 贵 悻 平 知 然 者當之, 異 天下 每 禍 矣。 從 人 亂 任 戰 者 以 起 則 ? 兢 足 道 即 生 其 惕 下 然 幸 于 民 也 荷 之 勵 當 于 而 晦 學 抱 得 溝 中 世

業可 百 辦 功 之 非 付之嘆 之一下, 不 出 乎? 程 位之 繼 做 八字。 息。 於當場 近 要其 IE 思乎? 全 之 若 堪 書 以 惟 回 本 其 處 循 在 頭 不 有 苟 近 分 E 猛 知 肯 於 自 者 目 思當 所用 省 易 放 裁 此 今 耳。 者 過 弗 場 於 恥 失 而 切 時 則 當 來 始 忽 又 事 教 隨 場 則 之, 正 當 不 我 處 日 名 作 能 今 莫 E 世 事 何 我 日 放 盡 於 著 狀 欲 境 调 如 旁 界 我 意 云 亦 便 求 思, 云, 何所 其 便 是 也 中 嚴 安 有 積 只 立 情 知 事 口

思則 其 懼 工 知 問 志 放 心 至 小 操 之 要 夫 後 神 其 故 得 心一 患 效,君子亦求其大者 雅 歸 也。 理 得 無 力 放 自 夜 方許 日 操 處。 志耳 也 于 之,思即 來 而 良 存 節,真是吾 耿 讀 又曰 知 外 心 知 商量此 舍亡之間,往往間 學問 耿 此 止 也 言 以 ; 慎 如 耳 知 致 志 志 氣 思,懼: 此 古人立言, 者, 知 大用 外 語 所 録 言, 儕 謂 之别 無 也。 致知 將 **\***, 終 而 學,故 思 其 而 之則大效,小 來 大 身進學之要。 性 名,原 己。 則 放 之路 又云知 豎 爲 其 字 也 得 立 擊 日 條 字 不容髮, 承教孟 之也 亦 節 也。 來 致 求,正 理 鞭 又 即 何 知 日 也 人 心 本 用 門 可 。人心 子 性 心 近 外 離 是 己 之 體 下志 又 量 者 裹, 思 云 立 無 學 即 求 則

皆隨 言 别名。 也。 故 也 證 以 即 此 無 知 流 無 之也 也,故 故故 内 他 性善云, 我 而 謂 性 行 而 之機 猶二 外言 無乎不 ,求其放 指 總之,一 孟 知 離 非 先儒 而 孟 子反之以 此 于 氣 異 惻 不 一之也。 子 非 理 無 所 呈 只只 知 隱 以 ,反之以 一。 覺 心 心 謂 可 理 知覺之外,另有 于 爲 致 而 羞 耳, 一言以 以 此 有 此 雖 擴 惡 知言 告子不得于 知 已矣。」人門究竟,更無别 寂感界, 知 理」,猶 謂 前 養 無 項工 心 辭 有 聖所未 蔽 ; 思 氣,養氣即 氣 覺 讓、 不求 之日 即 而 夫 知 二之 之頃 收 無乎 是 性 至 耳 發, 四端 于 心 動 非 孟 也。 性 許 歸 氣 不 「學問之道 不 皆 其 子 蓋 養其 即 多名色, 静 名色也 思 方説 取 · 致 理 不 良 指 氣 不 其 性 有 知 知 識 取 之 善 破 性 故 物 口 無 如 氣 猶

❶「一」上,全書本有「性」字。

劉

蕺

Ш

先

生集卷

反 來 法 身 書 隨 剖 而 時 求 晰 用 之可 詳 力 盡 也 猶 隨 處 或 體 不 認 免 以 無 名 有 色 吃 致 緊 于 疑 此 要在 者

# 與王雪肝太守一諱孫蘭

儲 謂 民 想 孜 九 示,張 誠 令所屬各發贖 坊 能 交任之,仍以官爲主 爲 延 君子之德 訪 得 標 荒 不宜遲緩,庶使士 掛 以 當必 當 面 本兼治之計,已 政萬難下手, 爲 四 報 7 城 倉 官 風 命。 有得其 曉 本, 鍰 也 簿 召召 但 諭 籍 乃 目 鄙 士 要 商 ,分三十九 聽 所幸公祖 下 民 意 託 領 往 各 前 民 謂 者 糴 祁 士 以 便 面 是 後 世 東 紳 于 社 哌 可 舉 路, 老 如社 悉 富 遵 倉 宜 坊, 要其 也 力 條 分發 户 之 依 先 小必 講 倉 列 各 次 利 頒 成,所 事 求 報 官 第 決  $\equiv$ 事 宜 捐 當 社 + 明 與 孜 面

> 果係 率先鼓 于下 久計 此 之,公祖 正 面 後 以 委以 也。 乃 犯 正 以 衆 舞 城 項 設 出 恐 中 忌, 所 誠 納 切 稍 那 人 而 且 科 則 有 不 致 情 以 罰 事 端 行 皆 妨出 身家 者 且 緒 在 于上,不患 充之, 日 觀 便 殉 糶之後 夕 望中, 乎? 可 行 積 推 矣。 少 仍 士 誰 及 即 成 民 几 肯 若 還 多 如 不 鄉 上 在官 官 嚮 破 官 長 應 總 頭 不

#### 答王雪肝二

于目 言常 著, 德 慮 平 意于 原 糶 前 承 無 之説 兩 萬 發 救 異 公言 荒 余 同 矣。 急著, 祁 미 平 小 兩 糶 生雖 ·異 亦已檢 而 公 者, 書 不 而 有 見 生 可 兩 社 點 專 再 示 公言 倉 無 言 之 遺 生 積 今 説 暫 似 細 但 貯 讀 勸 止 耳 而 口 仰 士 是 生 生 兼 紳 虚 其 承

已 謂 不 而 時 有 善後之圖 如 而 年 可 而 所 . 時 揭 言 價 不 難 待 前 己不 年 望 積 明 此 佞竟欲 之。 出 行 糴 議 數 之 糶 者歲 復 乃 者 等景象日 得 平糶 年 米 若今僅 時 況 可 知 與馬, 之 仍 即 强 也。 原 價 歲 後 將 是 有 士 終 無 出 得 此 無 建 則 爲 紳 亦 豐 異 日 平 糶 糶 形 置 厲 目 同 出 惟 可 M 如 之 稍 之 本 民 米 前 虞 各 前 日 擾 以 目 候 社 立社 之令,甚 計 故故 有 不 擾 官 下 則 秋 倉 足 攸 且 乎 則 成 不 簿 儲 矣。 賴 言 ? 得 爲 年 之 經 米 明 文日 外 周 瘠 台、 必 不 有 府 但 意 而 之禁。 有 賑 遣 念此 矣。 以 遏 寧 咫尺之間 在 嵊 人 久,不知 販 招 糴 設 在 一件糴 之德, 者 同 + 商 之 禁, 流 夫此 出 室 爲 禁, 輒 注 台 猶 於 第 本 而 遭 所 臺 嵊 頓 日

#### 與 王 肝

急著

再爲

今鄙

意

既

于平

糶

委

公家

之物

祁

世

老

似

年

議

儲

米

不

酌

標

本

年

來

雨

暘

紀

其

間

亦

年

年

有

息

年

聽

其

以

日

復

儲

米

以

儲

米

則

頃 承 本 縣 頒 下 儲 米 坊 册 仰 惟 痌 瘝 德

禁亦 竭 將 大 且 遠 蹶 有 嵊 近之 矣。 弛 造 X 古 于 米 自 夫 郡 路 遏 價 爲 九空之時 城 源 之不 糴 漸 計 也 源 沾 縣 奸 怙冒 二子 古 平, 分 耳。 隔 在 義, 灌 沾 何 稍蒙 民 禁 王 吴 府 更 而 報之, 故 輸 搶 而 而 方 政 之下 通 殊 遺 越乎? 是, 即 尚 而 鄧 新 行 掠 禁 之首 得 不 几 稍 至 富 不 販 父 糴, 得 商 垂 備 知 嵊 明 遵 有 室 者 母 是 米 而 禁 人 此 嵊 槖 乃 而 半 終 依 想台 推 忍 亦 五 無 寸 路 禁 設 八 也 計 ? 而 鮮 菽 令一 昔 無 損 + 武 禁 千 歸 之 以 弛 之 蓋 臺 即 年宗 所 斛 于 日 左 難 望 濟 正 藏 利 則 官 肥 前 者 已 嵊 則 之, 也 行 額 台 宗 移 干 而 亦 此 唐 口 H

若以 蒙 子 公祖 台、寧 西 招 裁 土 如 有 民 不 网 古 路 准 而 嗷 行 日 不 ? 道 商 奪 一之權 乎? 可 嗷 行 懷 東 之 不 然以 無 或 將 通 得 知 嵊 天 路 遏 而 意 當 止 儲 者矣。 索 地 情 宜 視 人 不 今復 其 于 不 給 米 亦 平 弛 贵 父 欵 者 吾 錢 佞 中 可 糶 禁。 能 矣。 母之心,宜 越,其 有 江 私 批 稍 詳 事 暫 統 于 獨 以 申 令本 計之,儲 易 述 委之空文, 候 富 即 而 受其 前 文兩 北 利害 其 事 台 室 弛 不 日 吴會數 詞 懸 裁 禁 可 (累? 本 坊 何 道 必 矣。 而 于 久, 坊 米 補 商 語 以 有 得 嵊 曾具 不 牘 人 未 省之緩 應之? 且 倘 不 之。 則 而 得 日 以 終 當 越 必 兩 不 行 不 有 進 倘 郡 果得 屑 事 道 弛 呈, 仰 之, 招 急 急, 此 屑 諸 事 終 禁于 也 商 直 法 何 未 撮 候 之 于 君 饑 須

# 與 成 台 道諱仲龍

之德, 告 更 臺 以 舉 自 社 城 本 迴 照 百 軫 倉張 生。 驗 投 府 視 石 此 中限坊 亦豈爲是沾 且 念 其 時 施 台 我 無虞于 亦 下 宗周 越 本,稍俟青黄不接之日 斂 行 面 痌 郡 加賜 執 將 儲 申 源 豐 人之告饑 時 事 俾 垂 方與 米。 文行 發 乃 歉 出 0 焉 不 之 垂 敢率二三 疆之阻 相 宗周 沾者? 至 世 宗周 糴台、 則 懸 郡 之世 爲 世 祖 也 遵 大 地 大 祖 矣。 所 臺 寧等 夫商 郡 世 方所 果 是 宗周 曠 求給于台者 里 臺 大夫之政, 能 且 白 蕩之澤 人,齎 而 處,我 譁 亦 拯 家 隅 郡 祖 平 藉 濟之策 既 賜 抱 大 仍 臺 此 耳 糶 而 夫 本 越 泣 舉 乞 再 也 而 而 掛 不 統 人 請 爲 府 造 目之, 出 懽 隨 過 計 伏 印 糴 號 生 方 若 祖 惟 郡 批 聽 之 成 批 政

以 矣。 造 欲借 遏 中,父子兄弟之際,且有秦、越視 凌 呃 物 争 糴 大道爲公之志, 運 之不 攘 豈知天 以 而 有餘 之 導天和,臻 厭 ·可訓 氣 人 不足之見,聽之人情。 耳。 下之亂 心 也。 今必 而 亦孰與化近日之風 通 非 世于仁壽之域乎? 地 祖 即 日 豐歉 方之血 臺 從 由己之饑,而 此 不 而 脉 齊 起。 陰 之數 而 則 不 甚 杜 家之 顧 本 矣 委 其 之 者 之 挽 囂

### 與王雪肝四

区 爲 禁,所在 于台 禁尤嚴 荒 紹 謀 宗 薦 寧, 乎 唐 臻 輒 而 以 仰 然,小民 大 日 遵 爲 聞 難 儲 社 是說了 措 我台人、寧人之不保, 米 倉 手 之令, 之囂 張 所 而 本。 里 競 恃 人徒手以 古 而 几 甚,上官之 台、 封 有 寧 里 恤 遏 人 歸 鄰 告 糴 而 厲 之 之 夫 暇 糴

> 安然 之不暇 矣。 乎 所以 知 之哭,或者彼見憐 意 誼 終不之救乎? 給焉,生輩雖不 血 也 ! 脉 庶 疾 安台、 欲 惟是公祖 無 痛 四 幾 勢孔 恙者。 其 生直 杳 封 源 相 不 閉糴 源 寧, 亟 通,未有手足委頓 相 謂 而 矣,惟 故紹 爲一郡主,小 關 能 此 更乞 來, 自 其未嘗自謀 不 得 亂 小 今以往,小 公祖 而 再 待 之于 至 民 而 有 智者 四 于 台、 得 申 兩 呕 一粒之遺 此 藉 啚 請 道 寧 也 民 而 也 以 焉 爲 亦 之 民 自 而 其 無 亂, 譬之人身, 饑 其 腹 明 秦 忍 彼 恐 心可 無 亦 矣。 安 日 庭 寒 坐 皆 未 七 視 子 紹 自 而 H 仰 遺 嗟 以 謀 IF. 不 口 而

## 與王雪肝五

知 遏 時 糴 事 之令, 日 亟 在 意 當 外 事 之虞,真 有 不 得 辭 不 其 能 責 以 者矣。 刻

之奔 公祖 特道 將 荒 説 乎 全,即 價 脱 説 猶 上 不 而 不 易 情 見 便 之 大 人 頓 于 是 走,豈 輯 、府、縣 爲 米 之 湧 奪 策, 口 凶 知 不 是 不 贵 行 寧 民 未 變, 荒 其 然,文 然 今日 專 而 必 陳 請 解 囂 耳 足當 而 召 人 喜 以 公祖 亦 命 路 之 于 凌 領 情 急 日 官 于 安 移之往 須 之心,固 情 途, 須 愁苦 劑。 之 洶 商 以 己 日 思 輯 綽 得 得 難 洶 平一二矣。 押 雨 雨 單單 而 亂 陳 有 人 調 之亂 公 官販 之 雪 而 運 人 情 有 來 公祖 經 那 祖 足 氣 果 信已 米 之 而 如 濟 爲 之説 庫 動 玉 以 價 民 爲 也 道 官 此 第 藏 成 雅 趾 稍 平 民 湧 路 平八 者 行。 親 行,將 著 故 所 稍 官販之計 厲 但 絶 亂 再 義 套 移 丰 取 乎 濟 以 民 蓋 九矣。 故 不 但 H 亮于 裁 不 之 鄙 見 官 與 官 即 此 方 今 雪 于 既 勢 見 言 販 誠 時 出 販 良 小 H 而 決 揣 之 民 之 多 代 尤 則 未 吏 不 萬 救 以 米

> 取數 各自 番 從 從 平 石 後 説 説 會計 後 ? 前 庶 齎本 必 並 幾 則 抑 説 説 多 行 接 各 仍 與 坊 而 濟 則 則 前 是 而 則 有 行 物 但 徑 彼 頭 H 十 漸 販 情 以 而 將 緒 皆當 在 九 易 未 番 有 更 統 必 坊 官 紛 行 給 不 祈 儲 分 盡 領 易 簿 而 之,即 台 我之求 爲 齊 米 應者 之 難 之説 裁 兩 説 而 在 次 矣。 不 爲 終 散 于 每 相 省 官 每 米 販 次 如 戾 坊 在 販 收 地 專 官 乎 給 銀 從 百 ? 如 批 ;

寧 之批 觀 官 台 官 矣。 或 波 望 裁 與 或或 民 民 内 接 昨 竟未之行 交任 中 接 且 紹 得 亦 本 既 祁 興, 大 惟 其 坊 有 世 家 裁 又 官 責 老 見 通 奪 以 商 貯 敢 也 條 融 之説 台 暫 銀 議 又 州 徑 今生昌安 繳 海 又 接 以 上 通 百 運 台 嵊 之説 兩 或 有 想 縣 温 外 换 銷 E 坊前 以以 爲 批 接 或 上 之説 寧 販 换 嵊 之台 情 日 波 本 縣 所 統 所 接 以 或 在 候 覽 似 領

使 祖 則 宙 Ш 從 間 親 皿 前 行 脉 而 痿 又 流 人變可 痛 以 通 痺 陳 元 金 事 氣 弭 體 半 衢 立 ,天灾可 痛 功 接諸 行 倍 癢 銷 之 暨 化 説 審 禳矣。 以 如 與 則 諸 所 此 太 暨接 在 和 正 當 便 須 事 Ш 在宇 陳 者 陰 公

# 答范質公

其 者,如 臣 河 E 説 有 何 孫 一,彼 南 成 顔 庶 即 圖 刻, 處 春 神廟 時 釜 未 襄、 交戟之下,相與 暮 苟活以享富貴, 禍 中 窺 啓 接 漢之報 不 敗 魚 枕秘 示 翁 ·得 相沿,以 幕 吾 臺 有其子 黨 已 上 手 接 一燕,尚 令人 乎? 書 踵 爲 9 吾 歌 而 有 固然。 朝廷安賴 憬 至 示 喜 得 别 味 開 知 偷 起 諭 使 乎 茅 謀 頌 生 感念 高 士大夫 人 塞 數 或 太 學 有吾 皇 平? .諸 時 時 不 政 何 公, 倖 儕 得 豈 艱 時 教 亦 之 恐 ? 有 知 免 不 奉

> 之爲 業 之德 暫 萬 己 旦 胸 目 後 九 一,亦 以 遲 之 作惟 包 今 廟 福 盜 揭 淑 經 意 江 視 有 闔 世道之慶 惟 諸 濟 南 不 益復誅 今, 靈 門 進 爲 己。 半 人,以 待 終 今之 道 壁 不 盡 自 不 時 終 遍 . 得 也 而 俟諸 求不 珍。 事 視 使 罹 大有 己 不聞 黨 至 奇 昔 弟老 後,長 已,征繕 荒 此 錮 臨 爲 千古已 廟堂有 尚 ,所至 諸 矣, 于 風 君 夜 布 時 忍 子 人心 四 懷 言 切 然。 退 獨 出 乎? 相 休 仰 無 而 不不 赴 食 養 悲 候 由 修 以 西 生息 報 此 其 盡 幸 夫 興 翁 市 居 知 臺 敺 而

# 與章格菴掌垣韓正宸

者 于 出 ,嫠婦 户 道 一駕 不 不 歸省 恤 及 其 走 甚 緯, 晤 渴 而 鄙 數 憂宗國之將亡,僕之 懷 年 作 會 别 衰 病 所 日 欲一 深, 言 艱

舟 謂 爲 矣 存 亡 況 者乎 身 當 其 事 處 漏 舟之 地 岌 岌 乎 與

之不 卒 心是 大者。 無 人,而 龄 陽 所 臣 不 如 不 無 以 自 聞 論 聞 相 城 可 言 言者 也 可 諫 有 轍 有 爲 成 執 貶 城 誳 諫 事 也 請 格 今天下 測 顯 矣 且. 乃 之,自 久爲 執 議 劍之 執 心 乃 則 死, 類 起 事 雖 之效 蓋宣公在 事 大 知 如 而 政 之亂 亦 然 亦 夫,五 舉 若 諫官,所言天下 而 士 取白 斯 府 既 既 此 也 也 不克生者乎? 也 君子 是 也。 固 已 已知之矣, 猶 麻壞之,痛哭于 年 也,奸 知之矣,而 且 事 其 且天下 語默各 必 不 今天下豈 後 天下之亂,亦必 時,城于天下 有 事 言 陸 佞 所 革 事 之 清 宣 相 有宜 事 而 自 一公貶 昌 仍 亂 幾 付 付之不言, 出 無 而 進 , 亦 黎 前 之不言, 矣, 何 執 宣 而 廷, 作 ? 事 必 則君 而 餘 事 公 賢 求 有 有 其 城 諍 昔 竟 年 其 者 古 延

> 莫不 哉 奈 救 民 且 知 則 所 也 也 之糧 \_\_\_ 給事 矣。 何 攫 0 執 自 之力亦已 給 執 而 決 或 事 此 督 事 事 裂 舍是三者 其 執 不 日 而 嫠 言 糧 矣。 將 事 矣 : 不 尚 婦 隱 天 亦 别 之恤 言, 則 有 則 矣。 即 既 群 有 死 自 邦 下 千 督 更 己 而 有 地 本 所 事 當 無 萬 不言, 糧 知之矣,而 乎 司 是 以 亦 以 ? 人可 人 之役何爲者? 而 也 鼠 甚 爲 報 下,至胥吏、皂役 更無 然 思 給 或 鳥 無 言 泣 則 其 事 樂 窮 者 天 又付之 可 血 則 乎 矣。 以 爲 言 下 而 啄 以 督 彌 者 事 不 上有 言 已矣 無 뾆 容 縫 矣 蓋 細 濟 窮 王 己 口 口

過 于 開 僕 言 則 路 以 者 爲,今天下 執 事言官 救 時 也 之 開 急 則 務 自 宜 我 莫有

<sup>●「</sup>矣」下,全書本有「然而短長之效,已見於今矣」十

之間 是 時 乎 吏 姑 古 味 歲 危 某 閉 口 也 日 也 下 ? 惴 舉 垣 就今日 也 耳 月 于 其 爲 不 則 其 ,弗問 ·爲 也 寒 人。」是 自 自 執 敢 嘗不危行言遜 惴乎全軀保 卿 哉 下 蟬 執 何 何 我 叫 宰 事 以 貢 若 事 之職掌言。 導 獨 閉 喉 執 生 爲 在 幸而 尤 向 則 于 者 平 自 以 或 人主 不 後 前 者 流 執 罪之大者,執 ? 可 下 而 日 之人 天祐 爲諸生之猶 宰 事 許 至 以 深 妻子之念重 者 朝 執 以 「古之君 督 以 杜 爲諫官惜 ? 日 推 吏垣 尤之深 人國, 萬萬不 奉之, 迎 避禍,若梁 撫 絶 : 暮 刃 提學 言路之禍 一固進 人焉 崇 舉 萬 終 乎? 子 得 後 事 等官 禎 無 也 將 遇 退 爲 日 陽 俯 而 人 之 他 吏 公之 置宗 嚼 處 何 不 仰 亢 人才之 間 虞, 孰 無 日 者 垣 蠟 宗 可 棘 以 于 已 : 以 于 爲 蹉 爲 吏 不 之 社 自 率 天 手 吾 唐 之 跎 之 向 爲 以 地 安 垣 地 無 解 章 天

> 取 建 非 塞。 執 能 以 全 效 事 謂 爲 立 軀 雖 有 朝 庶 也 不 非 保 所 倘 口 緩,天下事 不 溺 冀 得 云: 妻子之念洗 孰 職 有 執 辭 敢 而 七 事 其責者, 以 奸 何 深 年之 爲 ? 尚 進 思之。 可 要 可 往 滌 者? 病 路 救 而 者 殆 勤 而 十之一二。 已 盡 勤  $\equiv$ 矣 終不 此 地 焉 年 而 不 之艾 思 計 猶 稱 能 所 執  $\Box$ 職 然 有 也 以 我 事 所 亦 報 則 自 不

事 輒 陷 不 爲 堯 難 言 舜 事 進 敢 疆 可 之臣子 及 剖 嗟 而 土 破,至于 見同 無 此 乎 而 教之,幸 此 敢 下 肺 猶蒙身後之恤,是 出 列 贵 腑 片言 并 今日 則 不 流 弗以 無 少 日 深 氛 之事 臯 效 責 拂 横 可 爲 朋 善之朋 夔,終日 人之意。 行 痛 大可 嗔 友 哉 藩 之誼 也 封 友 寒 孰 惟 僕 茶 心者 于 局 使之然 見 以 毒 萬 私 面 人 阿 賊 心 已 E 諛 主 惟 恨 成 也 臣 逢 則 無 牢 ? 破 迎

# 劉蕺山先生集卷十五

書二

與王雪肝六

乎 其 難 今日 出 者,幸甚 政 盡 通 改 不 「通之于官而禁之于私」,此 販之説 遏 此 私 佞 ! 糴 擁 士 而 之不 紳 公, 榻 比 如 間 而 兒 且 可 擾 此 静 輩 曰「官虚其 行 擾 則 相 聽 也 者又何 亦 傳 嘉猷 不不 無 ,一二諸 煩 佞 所 難 禁, 豈 以 并 番 不 士 活 而 攘 以 擾 紳 我 知 攘 禁 士 擾 之? 爲 紳 者 仍 百 矣。 貨 實 何 不 姓

之大 罄,抑 情矣。 其私 之米, 今日 今者省 後,我 于吾 順者 小 願。 自 不 但 庶幾周 (詩))日 節 佞 其 七月以 又可 以 通 ,上之人爲其所愚,猶 但 越 法 則 亦 亦 越人又迎送以 亦既 越之人將遂 人之急,不啻孝子慈孫之奉慈母 有 :「餅之罄矣,惟 也,不過爲省 贵 下秋成業已告登,人人 待杭 杭 斷 亦 二奸 小 迄于今,杭、嘉 不 以 人之恥 不 不 無算矣。 遏 仰 裕 人青黄不接之日乎? 可不 可 商 而 體 來 無 大通 乘 之? 日之大通,此 ·思其 今日 也。 終 機 將之,幾空國 下饑 聽 不足, 者,上臺之不 射 孰若 之小 但 故 罍之恥。」 之,是竭 利 其 湖 民 矣 然以 又 相 説 少 節; 以 請 節 以 頗 上 與 往 有 所 命 饑告,非 澤之漁 官 我 罔 臺 有 其 慰 食 耳。 似 謂 而 可 之求 越 商 上 樂 有 我 今 逆 一二于 逆 出 日 生之 張 前 人之 而 尾 紹 贵 而 也 也 之 其 多 日 亦 其 興 知 實

説 逆之而乃以 弛 ,文武之道 明告之上臺 順 也 也。」 乎 故 然 日 則 -祖臺 遏 何 而 憚 適 不 以 持 通 此

空國 得 薄,亟 越 望 米 所 害 蓋 明 米 事 升 ? 滿滿 切 價 以 春 于 藏 之米 良 沉 計 有 販 明春。」此説似善矣。 日 傳畢公祖之言曰: 而 肯 [城百姓,人人轉眼死矣。 焚 待登場之日 法 暫閉 寵 庶 濟 騰 溺 爲 米 空國 美意 辱 吾 ,貧 幾 他 及身, 于明 計 越,真坐困之術 米商之説者,蓋 日計。 徙薪之策。 民 ,亦安所措之? 而濟三吴,不能以台、 春」之爲 苟 焦 要須 ,使一二有力之家 利于 濡 將 不 通 來欲 招 得錢, 暇 尤善 融 若目今外販 顧 販 又孰若 商于今日, 長 爲 也 乎? 不能,欲 而 忍 即公 民間 且 救荒 富 公 既 爲 寧 祖 稍 招 不 祖 人 晚 且 絡繹 切 之米 皆 何 稍 可 雖 賑 收 不 商 可 而 抱 利 等 有 以 觀 爲 頗 佞 不 于 販

> 言 術 以 而 膜之見以 自 辭 [愚? 之,其 自 惟 亦 封,而 公祖 可 矣。 熟 亦豈 宗周 思 審 可爲 我躬之不 處 從 但 以 井 士紳 救 ·閱,不 人之 爲

# 與祁世培

憚

再

瀆

統

惟

台

涵

者但 且身遭 皆 矣。 行 外 絡,成一 但 之責,且任曾祖 此 而 必 販 此 廣 事 諸 可 不 而 台 須 其間各有分,願 顧 言積儲 君 矣,爲曾祖父母 미 體之誼 幾 通盤計算,譬之一家之中,爲父母 、寧之毒矣,其忍以身行之省下。 子謀荒政,毫無 其子女耳 者 不言 也。 勢不 父母之責 遏 爲 積 能以 糴 則顧 互 祖 儲 有 相 父母 而 也。 禁,夫 濟于事。 及 俯 他 父母 曾孫 仰 則顧 日又言賑濟 是 人 以 任 乃 而 及其孫, 今不 爲 祖 相 行又廣 知之, 父母 與 聯 阻

餘 道 者 口 力 顧 無 之道 以 其 分 E 道 民 一供,而 省 而 計 顧 有 不 互. 其 分 出 相 省 土 此 轉 有 各 縣 輸 相 顧 載 于 其 顧 胥 不 也 縣 及 窮 溺 府 庶 而 而 顧 幾 後 已 其 可 出 府 大 其

之商 當 知 三吴 凡 不 迎 베 户 當 金 既 前 事 幾 也 送之,賓至 不 中 者皆 者 後 變 明 事 前 H 撫臺 上司 者 人,不 招 必 猶 旬月 者 夕 品 得 省 無 吾 稇 何 封 又以 惟 品 以 請 有 下 鄉 載 銀 論 如 恐 私 以 應之? 私 來, 早 而 千 官 士 歸 或 販 官 販 禾 批 出 兩至 農 批 亦 失 之 至 販 無 大 而 工. 通 上臺 足 鄉 禁, 越者 不 矣,一江 熟 來 二郡 且. 商 販 以 恣 ·, 浸 何 昔 皆 之心 聽 報 之 矣, 稇 其 爲 持 日 假 射 浙 命 而 所 而 之隔 者 台 批 何 群 也。 猶 矣。 去者 利 西 欲 也 平 베 省 者 以 然遲 寧之 ? ? 至, 守 下 往 又 即 而 又 又 以 遲 爲 僕 成 從 越 不 吾 人 操 越  $\equiv$ 其 及 之 厲 恐 事 之 知 爲 吴 不 而

> 僕 日 者 熙 成 也 或 不 已 來 應 可 熙 謁 之, 告 亦亦 富 意 幾 也 可 節 兩 而 來 登 謂 月 後 僕 至 室 無 今外 至義 至 何 者云: 者 稍 宣 于 今 目 日 雖 明 不 亦 皆 爲 下 之 政 兹矣。」一 日之小 歲 可 販 盡 云 可 但 蓋 大 之常 之 非 奸 兩 乃 之有? 聽之。 藏 暫 通 自 米 大 商 告 得之矣 計 閉 法 節 鎮 稔 果 射 經 饑 兩三月 張 需 利 江 也 僅 今日 耳。 在 日 有 且自今省 之舉, 至 以 千 與 夕且 今日 弛,文 有 南 明 猶 兩 阻 時 春 前 使登塲之物, 乎 爲 消 食 目 古 可 之 縱 日 ? 省 武 息 下 非 支吾。 紹 下 小 之大 之道 下 而 省 而 興 出 前 節 寄 己。 下人 之 通 于 吴 路, 通 外 (米者 告 今之 則 于 也 中 饑 空 秋 他 府 V 斷 ;

之? 之誼 令當 剖 而 必 告 事 謂 上 者 持 臺 明 一,荷 數月之禁,便當 以 有 地 血 方 氣 利 心 害 知 及 得 者 彼 罪 誰 此 上官 不 聽 體

計。 命 梓。 之,或再以 地 不 方 初 脉 敢 弟 嗟 心 ,仍係之吾兄一人,不可不 偶 乎 吾 出 矣 儕 此 有所見,不 上聞之當事者,可 今 又 也 吾 但 當 死 亦 知 事 無 殊非 媚 者 憚 日 公祖 但 力 仁人 矣。 疾 知 父 媚 草草 明 君 也。 母, 上 年 子 亟 官 不 爲 幸 爲 郡 鑒 知 不 徙 民 薪 生 有 知 請 而 之 裁 靈 桑 有 命

### 與永侯族侄

此 前 對 此 亦 日 勘 已 爲 日 逐 寒 多 勢 窮 字 艷 便 昨 矣。 秀 利 舉 不 稱 是瞭 之場 必 才氣味,豈 不 而 今但 變 作 不 然。 動 塞之 道 知 于 理 本 得 塞 説 時 解 不 心 如 對 至 之 大 意 謂 只 通 事 地 有 可 就 頗 言 起 徑 日 不 謂 眼 時 即 庭? 移 易 前 通 今 而 將 識 境 矣。 冠 月 人情 平 遇 進 非 化 日 П 稍 賢 也 窮 以 視

# 與張自菴

堂 小 道 愧 不 否 主,全不 幸 嘆。 親 事 以致 甚 學會數年 而 父之親 賴 殺 知 先生以 孺 乃者 後 良 子, 學 子 知 全 天, 涵 如 二字 質 躬行之教 不得 育 王素 之 性 無 何狀 良 力,諸 也 地。 中, 知 聞 以 新 興 君 有 止 字, 義 感 言 子 不 因 發 方之過, 及 亦 中 登 前 之機,吾 此 不 打 致 畫 才之 得 每 知 講 调 之 增 究 坐

勉之! 貴,不 無 順 便 減 秀 逆之 不 才氣 便 鹽之刻 外 爲父 立了 勢異, 味置· 此。 昨遺 畫 作 無 在 今只 吾 益 而 乞言册 數 目前 恐識 當 況 脚 是隨 境 跟 動 者譏 萬 子 作 俗 味 而 難 似 之矣。 忽 稱 終 與 自 乎 忽 身 述 之冷落 持 太 俱 且 遠 也。 文, 未 大 洮 恁 敢 之業, 影 地 ,與之消 君子 幸賢 遵 響 去, 命 爲 侄 蓋 亦

之樂 耳。 以 反 素 其 念 日 明 也,弑 父母、畜妻子,亦 火然泉 養 荷 疾 神神 矣, 事父母。」危哉! 而 欲之幾,間不容髮,時時檢點 用 中 時 睚 能 有 呼 吾輩 而 求之不學不慮之天,恍然 眦 顯 時 明 充之,足以 父 責 達 號 坐 中 認子 之 便 與 善 幸以 僕 ,自有不容已者 于 之, 衣 屬 地 君 且 且. 冠 君 爲賊 往 殺 恒 不 在 而 此 之 父之身者 往 機 必 可 閉 在 安 保 類 者矣。 認 ; 由 閣 吾 事 用 四 況 乎 危 賊 之。 訟 辈, 爲 ? 此 海。 棄 哉 事 爲 過 前 昂 ! 子,以 吾 而 尚 暴 之日 望 當 止 矣。 苟 車 藏 輩 殺 先 未 戾 大 亦 夫人而 七尺, ·, 知 不充之,不 之! 因 而 經 生 平. 也 孟 猶 至措 念念 即 此 自 痛 人 日 是 夫 成 得 自 享 心 之家 切 不 子 也 講 是 反, 焉 提 逆 能 天 摘 嗜 爲 習 可 日 行。 撕 特 足 則 大 慾 事 理 發 庭 忍 不

# 答劉乾所學憲

之見, 失之。 其 依 上. 是 大 不 便 理 崖 是 據 形 理 是 形 思 善 伎 下 轉 生 會 也 盈 此 倆 披 而 而 後 之説 氣 省 義 下 不得 天 却 爲 于 者, 儒 也 地 來 註 鞠 釋 是「 所 于, 載 間 教, 脚,如 專喜言 躬」之説 而 氏 謂 不 艮其 得 竟遺 凡 所 人 借 曠 形 身 藉 理 道 若 而 日 形 身,止諸 其 氣 何 理 口 「艮其身,止 發蒙。 方 下者 亦 0 而 皆 形 最 獨 復 便 上 分 從 而 不 近 法 至玄門 者 忽 明 上者 然 形 身 之。 吾 門 即 河面 ? 氣 作 輩 也」之謂矣。 所 忽 如 而 諸 無 推 解 大《易》 則 易》 離 良 立 者 躬 撒 以 高 V 絶 知、 徒 往 也, 手 蔽 兩 艮 層 不 得 挂 無 往 形 天 懸 于

見得 之解 實 請 長 (,便 執 生之説,此道之所以常 此道 ,只是 事于此 須 致 頗 工 精 三致 親切 夫 以 粗 意焉。 人 簡易,全著 時爲 之, 精 形 則 器 不 神 明 所 不 得 滯 也 神 捕 耳 則 僕 風 既 捉 亦 矣。 影 摭 近

## 答陳生紀常

形 心 得失之觸 甚 不實按此 此一己,何 須立志,志立 體 二字又從 如 中 何 所諭克己而克之不力,舍己而 此 能 本 無 心之體,遂覺此 障 無 而 取 奈己 何 動 動 人,善反之, 後便所 何 處 静 其 舍? 何 立名乎? 心 寂 感 乎? 則 向 既 内 亦 無 外 無取舍,亦何順 則 形 安貴學 前 道者, 天 彼 骸 今懸空言本體 ,見道益 性 爲 此 障。 也? 即 之岐,則人 心之體 此 己 親。 而 其實 學 私 在 也 者 止 愈 逆

> 息 以 今只爲形骸之障, 愈不得力耳。 工 而 夫正要更向前 不 知吾志之未 <u>'</u>, 步討消

所

#### 答 史 子 虚

之無 出者 른。 相 稍 症 展 時之幾,而 度無 雖拜 也。 臣子之忱。 可 僕 奈 積 起 君命有日,竟不遑遵不俟駕之義 病之 自 何 色,一 顧 耳。 故 生平 軀 爲遲 老臣 若 味聽之,即 不 絶 謂 迴 調遷 處此,無 或 無寸長 心焉,則 前 高 延 難 醫 義 何以 至 進 地 亦 所萬 此 之節 可 盡 自挾, 容,直付 遂 萬 人 或 事 不 增 抱 敢 而 而

<sup>0</sup> 矣」十五 障 下 字。 編 有 礙 對 壘 與之相 攻, 終 無奈此 形骸何

吾志之未立」, 遺 編 作 「克治之無方」。

三六八

欺君 身可 之懼 空 其 其 任 盡 教之是遵。 處 敢 欲言 敢終負 也 此 谷,得之者 父 不 抑 主 以 而 奉 其 許 憂 終 謂 爲指 吾君 臣 或 敢 奈 Ш 倘 辱 林 之 則 輒 以 南 也 之 日 尚 欺 何 輿 爲 乎 以 日 加 有 哉 疾 朋 毛 從 ? 困 普 煖 友 豎 事 然而 ! 頓 行,自 天 席 ? 乎? 耿 之下 而 乎? 即 既 耿 大 心 欲 不容 戚 義 不 此 力 今且 誰 敢 疾 見 心, 戚 不 緩 草 負 繩 其 載 不 自 切 草 寥 吾 靡 敢 塗 惟 度 同 ·, 不 寧 友 寥 以 不 此 明 舟

# 與黄石齋

觀 以 前 者 人 則 I 之役, 金 猶 戎 在 恐所爲鍛鍊者火力之不足,及其足 鑛 成 而 令器 以 真 爲 此 得 所 火 門 遭 而 下 之不 變, 今日 · 幸 出 之謂 火 而 而 自 也 精 僕 故 旁 進

> 人? 卓然 備吾道 也。 此 不繼 所 此 浮,今沉矣; 賀 于 其 位 制器 以 火 置焉 古來 矣。 爲 成 有 抑 而 言 之幸,而· 敗 用 尚 立 政 喜 相 傑 象焉。 得火之後,向 自 得 爲 舉 庶不至躍冶 可 士如 訊 失 向者偏駁, 其 自僕 知 鼎 奮 之 在 神 也 爲 門下 于 若 與 機 鑛之本 旁 吕 天 所争 何 俱 觀 則今者之役, 所 地 或 而 長 不 者 轉 間 今進 方 備 質 祥 遭 躍,今定矣; 慮其工 甚 或員 世 而 殆 角君恩 爲 危 于 道 失 亦不 可 純 用 之者有之。 願門 觀 亦 力之 矣, 少, 法 若 于 唯 無 下勉 者 其 門 乃 玉 何 向 有 不 幾 從 者 汝 能 下 所 而 相

# 答錢生欽之

體 認 力行 是 力行第 字 甚 義,存養是力行第二義,省 佳 而 所 該 亦 詳 以 如

是踐 字,只 矣。 以 也。 接 察 亦是影響,不 相 存養之實,存養正 交勉之, 或 後 便 物 是 通 ,若良 先 有 履之實,踐履 是 力 今人以致 人之氣質不 致良知足以 病 力 行 錯 可 第 痛。 行 雜, 乎? 知則只 第 知于 或 知 又就 義 五. 支 爲 同 義 踐 是 良知 盡 正 是 離 其 體認之實,歸 之, 是省察之實 善 履 不 項,以 紛 中 是 反 二字有分曉否? 免 個 此 解 每 之, 力 也 有 正 事 力行 行 于 愈 所謂 則 都 第 然僕 遠 所 應 作 爲 四 見 省 而 力 到 事 逐 義 作 體 行 察 而 愈 接 項,所 件 此 之 認 不 正 物 不 應 看 言 能 合 實 是 幸 事 IE.

# 答陳紀常

口 志 諸 竊 念學 君 子 共 會 衍 事 文成公良 以以 陶 先 知 生 主 脈 盟 也 古 先 將 偕 生

> 之意 吾輩 者 道正 文成 蹈 子 乎 私 ? (講人學,便皆是聖賢路上人, 文成不 起 也 拒 當當 , 如 見乎? 祠 異同 贵 古 此 及 少 何 人 之見 必化涇野。 身 存 如 若必 嘗 異 餼 者 遽 見 同 羊, ? 自古 已 執 譏 起見 乎 今法 而 而 于 ? 而然。 不化, 諸君 諸 乎? 同 堂 君 九 列 草 皆 子但 原 賢 陸 深 裹足不至,公 如 可 有 子不 否 者 殊塗 自 之 靈 相 每 與,不 講 何 必 形 月 其 同 自 其 起 間 屬 化 歸 學, 朱 意 明 口 會 望

己 不 可 念造 不 惟是公私 察。 成 冷 無 限 眼 弱 藩 看 籬 世 則 做做 所 係 起 初 學 無 無 限 術 大 惡 罪 甚 大, 過 是 諸 故 克 私 君

紂,何必同 便 人是聖賢路 皆 是 聖 賢 至 若曰流 ,亦何必借 而 俗難 化 混,講學 此 作揖 打恭爲 原 作 爲 化 正 俗 項事」。 而設,若 而

0

盟 聖 此意 大矣。 惓 及 者 吾 盟 異同之見 動 何 미 字,亦 況吾: 也。 胡胡 惓 ,張先生年八十而每 金如乎? ,未幾爲 ,僕嘗發 師 而 字 之心,來 聖,希賢 乎 越 化,宇宙太和氣象即 諸君子即 輩 顔子 絶 ! 家,幸甚! 同 不 起,因 吾 猶 塲 僕深 私己之見一萌,因 聽 而 月之三,齊赴文成 用 師 人于宗于郊」之説,金 閒 賢 得 得 口 乎 話 而 矣。 不 著, 口言學, 有賢否 而罷,豈諸 字, 願 會必赴,又絶 雖大賢亦是頂門 是 願 諸 諸 却 日 諸君子深 君子有 君 爲 無 在吾黨,人人志 聞 則 但 何 乃 自 所 君子之見 而 學 祠, 聚 事 庵 傷 此 有 ? 張 沙 紹 先 一如深感 再 矣。 不 于 異 蒸 先 生 前 豈 開 吾道 訂 同 飯 針, 生 非 主 往 口 初 哲

# 答葉潤山三附來書

學問。 第一 約? 發之中歟? 發。」因 邊,若以 章, 來書云: 抑博約 先生云「向 「誠 誠 爲心之所 意 爲 格物所以 互 有見。 《傳》釋 傳 用 中 歟? 末一 有 存,豈即《中 註:「意者,心之所 好 誠意」,●古本 致知,此本末 邊」,畢 悪 字 面 竟是 庸》言未 當 博 原 屬 貫 . 是 動

意 ? 教,只是知本,身既本于心,心安得不本于 天下之大本,不聞以發 意爲心之所存,正從《中 乃先儒 既 以 意爲心之所發矣。 爲本也。《大學》之 庸 以 未 發 而 陽 爲

❶「傳」上,全書本有「《學庸膚解》承批示。覺向來所

後,此 字纔 好惡 也。 者幾希。」正此之謂 必 惡 所 故 也。 其 惡,正指心之所存言也。《大學》自 中 明 看 也 意 于此 得 總總 謂 好 9 必 又 惡 惡相 分曉 必于 有 清 原 則 有 好必于善, 幾者 通乎? 心之存主,必 向此中流 必 不到 則 不于彼者,非七情之好惡也 善而無惡? 欲 正 于 反而 此 正 心 幾字纔 動之微, 吉之先見 作用上言,雖能 而 惡,如惡惡臭,斷 孟 其 之 不通 相成,雖兩 子 必不于彼,正見其存主之誠 未發之心 説 出 如 曰 「 分曉; 9 有善 好好色,斷 乎? 也。 日 而 以 : 但就 好必于善,惡 其 而無惡矣。 豈平旦之時,未 幾字看 用 好惡 知 然則 在 意 好 而 此 先 斷乎 者」。 中,則只 能 止 與 斷乎必于此 來 則 誠 得清 惡 人相 必不 教 知 其 機,此一 蓋 知 所 未 必 民 E 何 于 指 一發之 意字 此 發 好 于 至 云 近 則 以 正 彼 惡 與 其 民 之 好 之 也 獨 見 而 以 不 以

《大學 是也; 物接, 得誠 惟于此解錯,故不得不提良知二字爲主柄 即以誠、正二字言之,誠之理 **懥、憂患、恐懼、好樂** 壓 明于天下矣。③ 致中」等語,兩 意、正、 倒 彰以 即 正之理著,有倫有脊之謂 前 是 好 心先後本末之辨矣。 好 惡 人惡 至 解 他 相 誠 遷 日 意,分明 解 就 解《 民 正心,分 以 中 好 晦 庸 民 是幾 微 經旨  $\approx$ 惡 亦 也, 明 陽 無 之 有 ,而聖學 是 明 此 思 謂 0 發。② 致和 先 以 可 無 乎 ? 生 以 忿 爲

至于本末一貫之説,先儒謂「本末只是

<sup>「</sup>幾」上,全書本有「微」字。

<sup>「</sup>發」下,全書本有「幾故也」三字。

字。 反復之,而終 話柄、徐而思之、或 矣」下,全書本有「數年來,每與朋友聚 不能 强 他日有以解我之固見乎」四十九 從相 沿之説。 門 下 姑留此 訟 不 已 ——段

學問 遷矣。 萬 爲 屬 屬 存 得 知 主 善之量 以 本 謂 在 也,又于二者之間, 之静 又存 者 之 物 力 此 在 意 即 萬 物 幾者而謹之,安得 動 誠 處 上 可 意 ,止之地 博 則 而 故意 個 廢 意誠 用 蓋言 不 即 ,雖通乎身心國 上, 必 動 甚 邊,安得不 省察 功; 約 邊,安得 有 省 謹 而 ? 以 物 者 則 不察, 省察之説 其微 而 也,正 則 所存言, 者以 知本 養又養 也。 心 格物之極,在一上得 無 之主 者, 所 不 方 不 流 安 博 則 爲之主 爲 不 流 動 流 個 而 而 家天下, 知 而 得 省 非 宰 可 該 未 而 爲 甚 而 顯 至 反 所 察 以 處 廢 爲 動 爲 禪 ? 者 而 約 爲 只 矣。 所 止 盈 僞 之 雜 ? 故 知 不 是 常 發 于 若 而 天 則知 際 ? 格 ? 止 今非 能 存 言 至 惺 根 又 專 地之間 物 ,故授之 求 不 以 外 據 善 養 也。 二之已 以 惺 本矣。 力,所 之始 矣。 中 特 敢 其 省 存 者 處 而 止 此 最 所 察 養 謂 只 不 惟

> 義者,必此其歸也。 不是,況又分爲三乎? 率天下之人而禍仁

截 不 時 常覺,不 者 聞 乎?」❷曰:「先儒 日 見天地之心 曰:「此之謂 位 果如 : 然 動之微,何以 動』之説 兩 爲本體,傳註 然 道著静,便不是。」曰: 事 可以 此,除是 則 也。 學 然 是 動 問 動 與 雖 也。 有動 静 之要只 死 非 然 之訛 言。 感 以不 時, 以 心 ? 陰 而 動 只 方有 也。 陽 動 睹 遂 有 是 静 是 通」作 静 不 動 動 静 之 此 惟《易》有 者 聞 静 則 示不 動 個 而 耳。」「然 爲 必 言 時 存 無 心 睹 己 有静 句 常常 也, 位 處 養乎?」 所 不 看,非 無之, 『寂 也 復以 惺 矣。」 則 不 聞 以 幾 睹 口 而

<sup>■「</sup>謹其微」至「不能外矣」,全書本作「此佛氏所謂,一毛

② 「可」,全書本作「非」。

于 心 時 增 心 時 斯 極 之 不 位 功 之妙 些子 減 有 而 爲 動 動 ,所以 至也。」 則 些子,減 静 也 物 是 則 于動 常惺 無 心 體 方 矣 些子 無 惺 與 體 之 静 此 則 俱 時 也是常惺惺,此 而 物于静矣。 動 慎 不 静 增 獨之功,必 矣。 些子 但 此 事

# 答門人祝開美

安理得 家 推 慼 進 間 日 心 庭 則 驟 步 ,因吾心之所 拜 ,不肯放 遇期喪,自是本 處,且不 此道本不遠于人,學者只就 所 跪 謂 亦皆 奚 必 年之喪,期 過 必 明者 更 以 向 即 在 古人 是心裁之而 與 心 此 而 之 迫 外 討 功之制,祭祀之禮, 制 求 切處,因 分 服 措 道 曉 制 諸 乎 沛然矣。 也 ? 禮 踐 日 此 履 用 即 何 發 由 等 此 尋 個 如 便 心 常 而 心 哀 今 是

3

便稍 處, 勉。 日 自 有 風 所 拔,只 千 斷 俗 安 里 稍 然 處 之沿習, 然從之則人,違之則 不須從 也 有 亦 即 爲 立 只 是 0 胸 禮 脚 須 期 外 固 中 處 喪 所 時 邊 所 未 中 白 著 時 3 見 可 處 認 日 蒙蔽 力 此 内 取 也 概 處 其 良 , ❷纔 間 發 而 飲 獸者,不 心,自 流 個 有 施 食 俗 肯 惟 猛 古今之異宜 居 病 省 闢 處 有 大 錮 便當 開 可 宜 不 節 見地 變于 鮮 容 不 目 能 自 處 己

●「處」下,全書本有「便只得心安意肯去做」九字。

❷ 「蒙蔽」,全書本作「仄小,所謂小人小丈夫,不合小

不出 人心本 墮落 此 處一下, 日 則 子 頭 地 雖 者多」 所以 無不 邊 討 能 全 分曉, 而不 立 書 明 措足都差。 一定脚 本 自 百二十字。 轉 有 而 知 跟, 爲 但 其 者,其 較 亦只是 間 種習 量於 又 世 弊又有過 有 人靈 聞 清 五 習 立 濁之 魄 見 步笑百步。 相 遮蓋著 以 馬 間 爲 搏 者乎? 以以 高 都 重重 去彼 向暗 況又有 若 一容易 總之。 而取 地 全 不

以 常 不 日 得已行之。 此 外 通 融 口 也 若嫁 娶 亦 須 既 葬 方

與祝開美一時開美欲掊擊用事大臣故規之云云

足下 暴虎 落者 亦過 者驟 爲千秋之重,遂 怡然冰化 年 作之合者。 愆,又以垂後名,作堂堂男子耶? 陽,而妄慕邯鄲之步,多見其不自揣矣。 進 ·豈以 得 馮 所 來 步 不虞得譽,遂屬千秋,此 謂 端端 人言 河 人,不敢 伎 陳 前 否耶? 有 僕敢謂少有當于知己,惟是 少 倆, ,致以質疑,不 日 望 陽 之舉不 驊 不 況後人之學識萬萬不及 不 其 浮氣、 騮 苦相告。 惜 人,然以 之影 再 免 病心,浮名害道,僕 有 失 知 而 奇 知 聖門視之,猶 即 恐 胸 舉, 道 人之明, 如古人最 後 中 因緣,有 既 者 塊 審若此, 以 量之 矣。 蓋 未 且 然 氣 乃 天 前 可 少 磊 晚

> 相 于 凡人之認賊作子而誤盡一生者,往 則 何處用? 不然,古人一生學力,說 心之病 道 尋于雲門、鑑湖之間,爲幸多矣。❷ 專 終能 私 于私 意 伏 高 本 望 視 領 也 速 闊 已 整 如千尺浮雲,層 步 歸 齊 于 装,倘 差 惟 人間 却 精,説 乎 終蒙不 0 又 ? 擇 何 層 善 往 嗟 以 棄,得 當 難 而 乎 自信 是。 撥 在

# 與祁世培

首 眷 五. 而在 雲, 旅 處 門下! 百 通 爾 州 ·尤獨 感 又 愴 彌 有 月 因 不 豫 念把袂之日, 勢不 色然者 得不行 抑 彼 矣。 何 念僕 此 眷 П

<sup>■「</sup>本領已一齊差却」,全書本作「已如魑魅魍魎之不可

一帙,皆乞索來,寄下爲荷」二十二字。

之深 能 臣子 有益 必 願 坐 也 之下,計當 口 有 者 門 長 也 分内 ? 于君 以 安 即 乎, 下 天 留 不 處 邸 時下 下 亦 意 幸 之。 必必 事。 事 求 必 借 而 有 至 兩 以 死 學求 以 碎首 會 此 益 正 諫 此 不 灑 時 磊 于 相 得, 諍 不 自 羈 玉階,甘斧 齋 死 或 忍言 阨 明 進 人 0 則 而 則 尤 一,徒 職 去 幸 死 徒 矣。 業, 庶幾 或 致言 非 耳 以 H ·, 猶 一之淚 佳 鑕 我 七 門 太平 言 兆 以 日 不 下處 愈于 道求自 能 不 如飴 而 也 想 當, 汗 誰 鬱 交 門 亦 死 機 信 下 爲 不 戟 嗟

# 答門人惲仲升

分, 多 接 至于此 此 來 舉 札, ,況待今日 然 見 相 而 愛之切, 害 道 甚矣。 學人平日只是 至 不 在 難 前 處 日 以 開 非

> 艾之。 二無蚤 不浄 矣。 事 未必 嗣 至 外,便是 道 而 使 之時 不自 不 不 朋 易 盡 僕從兹益 然 篤 昔賢 過 覺,如 每 友 ,必有 爲救正,省却多少 乎? ,只吾輩二三人,壞 私 中遂 也 事 意,習熟不 <del>艺</del>: 不 此 吾輩 反而自艾,名利 有 種聲音笑貌 免 類 迎 即 者 向 只 風 向 甚 外 合 -已,終 而 好 多 馳 素 動 事。 事 不 求,往 位 者 猶 爲 天 身墮落 可 而 不 人所 塲 下 益覺闇 不 爲 往 行 然,當此 打 事 深 陷 物 窺 不 矣。 而 纔 化 察 于 及 過 然 涉 有 過 而 處 洗 多 幸 位 懲 舉 況 餘

## 與祝開美三

凡禍福之來,若是意中事,則當安之固

● 「會」字,原無,據全書本補。

然; 尺,知道者曷于此辨之! 謂 在 命 若 世人以七尺爲 古 然之謂 意 外 事 性 盡 則 性 當 命,君子以性 性 付 至命之學 之 適 然。 命 即 適 爲 斯 然 七 而 之

#### 答史子復一

發 見,後 爲 所 是 兩 也 意 言 存, 心 疏 事 互 而 之所 相 則 小 僕 儒 而 知 則 則 其 發 語 之誤 後 何 爲 知 心 存 他 明 批 爲 有 心 所 與 乎? 者 可 亦 獨 也。 所 與 意 存 以 如謂 匆 不然? 發, 意 是 類 則 如 意爲 匆 對 分不 推 如 意 弟 略 心 偶 意爲心之所發, 以 讀 與 之所云意,蓋 心之所發,古來 得 之物 第思人心之體 知意之與 所 知 兩字矣。 存 過, 亦是對 矣; 言 蓋 如 知 而 亦 偶 分晰 意 言 意 分 有 之 不 則 必 已 知 爲 以 與 物 孰 之 得 所 所 有 有 是 鄙

> 發,❷ 則 以 于惡,正言此 果好惡是意, 之,則又與 正 發, 矣。 兩 之惡之者 意之動」, 之言爲定本 誠意」章 所 在 一關,終是千古不了之案,未 而 存言, 總之, 明矣。 而 終不 一甚矣。 機,所 僕 本 誰 無善 存 而 可 然好惡 文 也。 則 乎 心 發 則 以 不 獨即 語 ? 日 之體 以 只 無惡之旨相 意 專 所 陽 謂 也 是 以 好 發 屬 如 意 明先生曰「有 云者,好 之獨 有 所存 遺 善惡惡者 所  $\overline{Z}$ 也 如 善 機 發 所 心 以 知 言, 而 存。 故 去好 善惡 明 獨 戾。 如 無 必 可 矣。 之謂 惡 于 日 意 則《 而 可 以 之,心 今據本文, 屬 有 善 也 不 之 善 便 〈大學 所 總之, 意 意 善 專 動 有 故 而 以 存 ,則意 有惡 屬 去惡 則 惡 惡 程 好 該 悪 者 所 心 此 朱 誠 好 所

- 「存」,原作「發」,據全書本改。
- 發」,原作「存」,據全書本改。

此 身立命之 之至善謂 亦 妙 明 心 心 只是訓 而 耳 此 言 以 然,未 理 謂 其 一,自有 原 詁 之物。 之 存 時 有 伎 知 主 時 不 倆 不言 而 以 有 墮 識 · ● 吾輩 言 其 于支 把柄,不 得 而 謂 精 此 相 之意 明 離 能 喻 之 方見 者。 于 復 切 以 地 同 墮 己 心 有 但 其 然者矣。 反 落影響, 學 此 善 存 觀 等 \_\_\_ 無 主 于 原 分 之 惡 生 之 精 則 解 歸

# 答史子復二附來書

鑿耳。 之 則 也 在 相 心之發動 知 爲 妨 物 物物 尊 頃 只貴分晰得 故合言之,則意 承 諭 爲 無 翰 謂 容 心之物, 爲 教, 混 心 意,心 敢 也 體 諦 重 必 之精 無 是 當,自 爲 有 容 爲 所 請 心之意,知 所 謂 明 然不 焉 也 爲 存 理 知 而 分合 至 析言之, 後 而 意之所 鶻 有 分 爲 突 原 殊 心 穿 所 不

> 者,無 存,所 乎體, 體 體 媸 蓋 體 來 通 也 所 以言乎 心 發」,因 京寂 存 之主 故 用, 也。 時 而 心 要 之影 即 非 影 然不 存 則 日 非 聲 日 鄙意 現 理 宰 截 以 所 則 虚 存 塊 無 焉 也 意 然 發, 神 仍 動 體 而 所 發 然 臭, 鏡之 以 該 與 意爲體 此 理 皆 存 也 實 ; 則 無 爲 存 寂 無 已 物 虚 則 ; 有 爲 方 心 發, 不 然者分 以 物 所 靈 極 發 虚 口 意, 而 得 言 發 者 也 此 心 而 也 而 執 明 易 己 太 也 乎 虚靈之官, 爲 即 而 不 著指 之 無 爲 感 ,而 而 極 用 用」之宗旨 前 如 所 物 體 體 强著 兩 而 小 答問 明 發 0 于 名者 也 影 則 遂 鏡 時 外 之外 物。 是 無 靈 名 通 然, 中 兩 别 夫 故 也 雖 體 知 件也。 言 心 未 别 對 以言 意 而 無 所 而 日 也 耳 感 發 有 也 爲 無 妍 所 自 爲 ; 日

●「俪」下,全書本有「與坐下了無干涉」七字

尋 夜 既 萬 言,恐不容别以好惡 前 煩 竊 知 兩 萬化,交錯 無 當之也。 必 而 之間 一才也 認 曲 故 所 謂 非 知 善無惡 不 欲 自 所 自 靈 得 倩 憧 故 求 知 云「意爲心之主宰,意 然 清 好惡 存 其 矣,烏 其 憧 如 心 哉 日 有善意 此 而 所 者 體 擾 搆 楚,不作 ? 紛 存 誠 兩 之本 鬭 以 亦知之,寧僅二三? 擾之意 「通 良知 紜,而 能 獨 正 在 實之; 乎吾前者 而 宰 也 而 乎晝夜之道 而 虚 異 所 以 制 關 知之, 者 良知 則 所 以 兩 意 解 萬 機者以當之。 知獨之爲 可 初 在 實之, 爲 以 不 物 則 同年 炯然 寧 無 至妙 有 而 良 必于 而 聖 可 爲體心爲用」 惡 不了 知 與 經 則 而 數計 獨 機,而 而 意 至妙,而 所 所 心 條 天 知。」夫晝 知 之案 語 照, 而 即千 發 獨 目 地 亦 ,則不 者 哉 知之, 心意 先 外 初 以 知 參 室 前 也 意 後 别 萬 無 變 爲 而 而 礙

種種創論,自可冰釋矣。

之,意爲心之意,知爲心之知,物爲 加 明爲知,意之所在爲物,大段亦是。 不待言矣,析言之,心之發動爲意,心之精 婉 轉 承 教 理 一分殊 之説,自 是 通 論 心之物 鄙意稍 合言

未 有 句 方 不 此 有 目 除却已發之意、未發之心,就中又有 然者。 解 感未感 並 發之幾,作三截看 無之間 意 則心 則 ,即幾希之地 此動字即《易》云幾者,是「動 不 爲神 以未發爲 以意爲 周子 者 爲幾。 幾 一, 誠、 也」,是「動之微」註 心之所發,亦 果以 如 誠 也 神、幾,只 泥 ,弟竊反之自心,實有 感通 所 感 發言 爲 而 就 矣。 神 遂 何害 中指 將 通 故知心之 爲 而 發 乎? 脚 點 個將 神一一 未形 未發、 ,若如 出 若 發

心之精明爲知,弟申其解曰:「知好知

惡 猶 子 惡 未 乏 也 不 該 謂 遁 括 妍 知 方是 蓋 媸 然。 必 好善惡 精 若 明 但 知 悪 毫 善 混 而 知 不 後 惡 得 謂 而 處 之知 已 善 語 如 知 意 鏡

之功 日: 矣。」 惡 格 直 心 持 已 是天,意 則 維 之 致 依 離 指 謂 致 天之 此 功 爲 意之所 良 弦 全 知之 人,以月 命原 舊 意 知 在 也 所發之功, 在 是 如 更 功 存 不 權 存 ,於穆不 何控 命。」此確 全 在 曾 處 可參攷。 以 處 言鏡 論 在 爲 記 不不 流 也 也。 ·持? 物 發 鄧 行言, 宜 在 處 己, 定宇先 而 惟 既 知 乎 發 用 他 使 論 者 若箭 以 泥 蓋 謂 處 矣。 以 日 觀 照 意 也 意 日 誠 主 又 其 生 如 心 爲 爲心之所 未 天之所以 意 僕 宰 光, 在 有 也 愚 日 心 離 之後 則以 言也, 言 言 發 所 嘗 弦 愈 處 曰 : 發, 爲 時 心 知 求 又 爲 發矣 之 并 爲 故 者 善 有 作 致 則 愈 心 箭 天 解 遠 疑 知 正 控 知

> 異,正 不 也 顯 至大 微 無 帝者 就 有 間 流 異 以 行 同 恐 中 天之主 乎 如 見主 此 宰 婉 宰 轉 也 前 言,出 則 故 與先生之説 日 乎震 體 用 齊乎 原 亦

甚。 亦不 認定「好 有善 及 轉 弟所 有惡 呈令兄待 細 善惡 吃緊者, 申, 意 惡 聊 之 爲 動 質 正 意之動」爲 總之不争存發二 以 何 非《大 大意 如 ? 人學》本 如 此 親 切 惟 旨 也 裁 字 終 正 此 不 而 · 幸 若 外 争

# 答 史 子 虚附來書

則不 形 更 有 列則 僕 欲説 誠 來 動 物爲之流 意 而 壞意字,謂 之 云: 已 説 形者 如 蓋 行 以 又 運 亦 意 何 心、意、知 用 偶 爲 物 乎? 窺 幾 乎 聖 謂 經 、物只一 豈 是 而 意 動 及 之後 而 此 串 未

之知 附 之本 之教 外。 此 敢 事 矣」之説 反 于 爲 9 不 點靈 ·, 先 之 物物 姑 陽 只 倡 亦 應 是 無 明 以 也 是 誠 亦 心 亦 光 知 陽 ^ 是 有 古 其 與 非 于 本 明 竊 有 善 意 本 不 末梢 敢 知 則 兀 以 善 有 之末 序 爲 合 不 應 語 惡之 自 有 倡 》「大學 作 欲 推 惡 致 附 著, 也 説 之, 知 之 心 于 終 事 物 粗 後 龍 而 屬 意 · 之道 知 9 意 却 首 溪 且. 是 顛 베 亦 字 云「欲 駁 X 獨 倒 有 是 又 粗 正 誠 謂 置 如 善 有 之旨 根 意 竊 意 IE. 何 善 有 大 先 得 以 其 惡 于 而 有 學》 非 已 自 蕩 心 惡 之 膜

乎 更 口 其 誠 微 旨 無 謂 則 見 自 至 深 點 于 形 來 又 切 形 日 教 在 著 誠 云 所 明 意」本 知 又 發 微之 何 動 處 古 物 而 傳 用 人 .顯, E 學問 并 故《中 形 誠 又曰 無 者 即 全 庸 屬 形 向 「夫微之顯 點 何 形 静 亦 在 物 存 云 即 將 處 是 發 莫 竊 用 誠 處 顯

> 耳 如 用 何 蓋 若 用 用 功 云 在 慎 ? 將 于 發 則 所發,依 處 必 爲 便 將 落 舊 爲 後 是 迎 著 存 爲 也 處 憧 功 且 憧 夫 將 而 發 後 口 X

有 頗 未 大 道 開 能 長 發 不 僕 歸 明 每 隨 敢 高 0 痛 便 盡 故 古 請 明之士, 呈 往 益 于 微言, 往 耳 有 不 道 輒 惜 存 俟 破 見 荒 高 被 少, 明 開 後 斧 紛 口 人 正 紛 説 而 多 壞 曲 岐 使 折 再

### 答祝開美四

治 又 差 晤 베 易 乘 心 通 感 于 爲 道 干 念 然 腎 體 要 心 無 肝 ; 法 何 風 己。 皿 主 以 火 東 平 血 數 聞 相 出 方 日 數 之 挾 生 于 用 委 醫 肝 氣 作 心 頓 家 太 至 疾 氣 而 言 過 易 此 肝 有 咯 狂 餘 爲 僕 如 血 即 血. 削 V 是 海 出 切 失 亦 治 于心 火, 躁 惟 此 妄 有 之 良 而

期

乎

?

使

者來,

適

在

Ш

中修先塋,忽

忽

作

見

不

口

得,足下幸自

愛。

倘得

握

手,以

春

爲

恨

得

良

友一

把

臂,

日

望足下

如

望

會

此意

何如?

僕還

Ш

失路,情緒無聊,

每

答門人張考夫

乎?

先儒

指

之日

「無欲作聖」,斯其旨

也

൬

疾

可

弗

藥

也

或妄焉,其容己

于瞑

眩

于天理之中,

而

猶

膺无妄之疾者乎?

无

妄

分人欲

便

增

分天理,人安有日

置

其

心

且

放鬆

但

減

得

分便是

減

一分

人

欲

減

心

心

期

必

心

并

義

理

思

維

研

慮

心

來教

似

頗

傷于

猛

厲

只此

便是

欲

也。

此等

存心

之外

更

無

藥

已,養德之外更無

身已。

今追昔 僕 講 致。 聞 近狀 義 辱有見訪之示,敢 處是投死之地? 是 道 之愛,必能 ,行所知,足矣。」老 今乾坤 以 論學乎? 無 里人 轉 似 人 還,領 Ш 有 無 何 惟 不 可 亮我, 等時 此 恐不 自 舉 手 所 得 祈且 以 言, 每一念之,不禁於 猶 深, 謂 同 于 報 人亦 知 心者。 不識 志 知 止 堪 求 垂念 己。 中 我 死 昔人 頗苦 人 幸 輩 惟 惓 間 默 出 概 從 恐不速也。 應 惓 羞恥 云: 默 處 容 以 子 之 餘 此 擁 愧 「尊 者也 邑耳。 生 臯 意 知 老 比 所 相 道 何 人 撫

道」,可

吾亦

與

之

爲

無

心

·,

則

刻

刻有

聞

矣。

適然固然之外,得此又進一

籌,幸于

病中

理

道

不

可

聞

聞

則

非

也

古

人云「無心之謂

亂

,便是心

爲形

役,非徒

無

益,而反害之矣。

意

思

,皆須放

在

平

Ħ

用

則

得力,若到手足忙

■「無心」,全書本作「自然」。

② 「無心」,全書本作「自然」。

一全書本作「自然」。

風便布懷,并函來稿,希照不盡

## 答駱學師

望之而 之會 僕 以 之有 請 不 屈 見,各守 矣,士而 惓 之乎古人之下 定, 師 焉 惓 竊 稱 席 慮之矣。 師 事 昨 而 而 神 于 却 宫牆本設 嚴 于 承 必 其 僕 號 正 梵宫 道 步 枉 鄉 一假途 方,視 爲 亦 王 顧 尊 社 也, 竊 有 將 庠 今請 于是 也 于 殊 愈 如 志 教之地,自官 也 下 歲 别 使 失 況 吾 爲 先 于 庠 計 不 環 所 倒 當 神 生于 越 然 道 得 在 以 橋 屣 往 異 和 者 而 席 已 春 之聽 爲 已。 靖、 是月 聖學 教 猶 抱 復 且 接 吾 如 歉 文 有 如 引之地, 司 不 黨 不 乃 再 簧 謂 何 冷然 成 畏 無 免各 舉二 吾道 明于 之 僕 幸 似 途, 教 兩 則 不 日 之會 席 世 私 祠 乎 非 有 往 辜 冷 更 而 大 所 所 其 久 降 此 然 往 猶 有

> 膜 道 不 大 會 介會者, 之見 人 許 稍 心 不 存 如 赴 亦 餼 不 大 是 有 羊 必 以 會 少 之 强 裨矣。 俟裁 如 意 之 此 冷 以 擇。 則 然 爲 僕 風 士 老 而 尚 子 之 凡 而 鵠 坐 地 與 廢 端 冷 此 然 僅 後 而 作 于 凡 隔 世 斷 與

### 與祝開美六

于 七 也 非 位 如 形 戸 大《 止 認 討 骸 故 身所 七 易》 得位字 分曉乎 又 尺 뻬 曰 住 腔 日 漸 處 子 起 ? 清 兼 天下 心 滿 楚 山 爲 即 種 世 亦 此 何 在 艮 自 界皆 何至 説者 思 私 君 何 自 甚 心 坐 恐 子 利 慮 善 馳 以 滿 之 其 之有? 思 世 見 神 何 須 不 曾 界 明 耳 知 出 受 皆 止 此 其 錮 白 身 身 不

望焉。 生至此 之業 教之。 不能 書,自 僕之有 壤 知 而 辱者也。 時 舉 陽 副清平道 位 死 無 九數奇,一 亦各成其 謂均之可 不同 若如 若僕,則俟命待死 儘 今日 輩遭 容足之 圖存而無裨于生,是所謂丈夫 時事 有不可作 理,施之今日,誠 通 來 古 時 至此, 教所云,是乃 則 是 以抗 地,偷 人建達 朝相違,時 宜 得 耳。 來故 君 志千秋,了足 儘 商 息之 行 節 守先待後 有 量 人之弔 而已。 道 之舉,志 處 不 鄉 命 往 可 扃 用 乎? 既 究竟 日 惟 矣。 户 不 于 窮,茫茫 誦 吾 着 則 士 白 詩 丈 遘 傷 丈 處 守 也。 年。 誦 有厚 有 讀 哉 固 而 難 讀 天 然 書 以 詩 窮 再 而

> 然,非果相矛盾也。 第其間不無手輕手重之勢,亦一時成見使 承示格致之義,三復之餘,已徵同調。

明亦 先 切著明矣。 明、不行」,一則合言「誠明、 合體 切篤實處即 知。 日 明善也,夫人而 路,豈惟學知、困 致知而後誠意,凡以言乎下手得力之法 有感于陽明子知行合一之説,曰「知之真 是一 實 則誠意之必先格 夫學者,覺也。 即 0 誠字之别 惟是 是行」,夫真 所以《中庸》 知 立教之旨,必 知? 之,僕 纔言學,已從 名 致 即 亦嘗竊 切篤實非徒行字之 也, 古 生知之 則 知 明誠」,可 與 先明 知 互言「道之不 誠 聞 行 之矣。 身之必 知 知 是一 而後 字 亦 謂深 是 爲 誠 誠, 先 此 領

學此 言 若 夫。」 者 于《參疑》中 心。 明德之説,以見 于《大學》 事,真大有 惟 縱 他 此 五. 也 者 者 言之曰 日 也 因 凡此 工 者 將 又 也 此 加 夫 可 也 古 日 至 而 陽 明 皆 Ĭ 明明 見 于 及 來 功于 明子 審問 竊 辨 丈 夫 彼 舍 所 道 善 約 者 妙 者 此 以 邊 問 學者 切 即 自 是 禮 更加 者 之外 契 致 事 劈 學 辨 附 誠 是 工 而 有 知 輕 是 主意 開 問 于 夫 身 此 詮 非 之方, 日 更 輕 尊 尤 者 此 口 即 工 兩 註 真 恐 無學 調 加 夫 德性工 者 博 本 也 則 項 有 而 者 體 \_\_\_ 其 格致 也 ; 工. 僕 不 文是工夫。」 不能 日 良字, 問 也 篤 ; 夫 先 亦 離 可 一夫,惟: 思 行 慎 盡 是 頗 爲 誠 辨 者,行 思者, 博學者 合也,直 見 以 合 之之目 後 費 誠 可 之 合 作 精 盡 意 言。 此 苦 于 是 又 思 口

邊 事 重 至 ,舍工夫别 所 謂 手 輕型 手 無 重 主意 云 者,丈 可 , 覓, 以 有 自 見 附 于 于  $\perp$ 夫

> 古本 實 先 小 師 然 中 單 離 先 之意 辨 異乎 同 其 提之本文。 却 \_\_\_ 與 是 出 實 諸 主 後之本文。 欲 ? 長 門 同 意 而 傳首「誠 命 安道 始 , 亦 路 了 中 出 程 此 安得 政 而 門 上 而 意 始 以 如射者先操弓挾矢而 人 後 僕 射 」與 有 操 取 人 竊 而 Τ. 則 弓 路 所 京 己。 有 夫 亦 挾 程 師 見 謂 可 何 矢, 不 于 又 誠 下 害 與 不 主 如 能 其 必 其 能 道 意者」 意 無少異,其 爲 有 以 邊 長 無 大 欲 自 安 少 事 直指 同 後 附 異 重 命

是 至 本 不 明 衍 之者是 末 也 足 情 明白 以 ,則知本之知可易言乎 識 此 言 之 外 修身爲 乎? 知 略 直 知 截 至 前 有 可 似 謂 復之者 本」、「此謂 商者。 前 矣。 徒 知 衍之, 是乎 無 修 丈言致知之知 奈 身 知 ? 而 經 爲 ? 本 陽 文 齊 復之者 學必 二、「此 明 明子復之, 治平之本, 言 知 物 謂 止 非 丽 乃 誠 知 聰

并 言 知 足 足 知 物 德、 也 不必 之地 也 能 知 一字换 是是 知 乎 也 非 二之物 知 致 知 至 慮 知 而 更言 正 正 字 知 本 本 必 知 止 不 以 而 至 亦 出 得 若 必 原以 撰 後 謂 本」、「知 非 字 所 善 知 以 則 良 以 亦從 意 謂 日 物物 義 之 所 止 口 又 知。 良字 之解《大學》,以《大學》原有 德 誠 也 工夫言 知 謂 有 易 之 夫言 架 以 0 知 性 本 言 知 致 止之知,且 本末」之物,必 屋 良 陽 以 之 知 今于一 止二字落根 知 乎 可 疊 知 明 是 附 止 知 乃 者 ? 易 之 不 床 子之言 以 之知 益 良 也, 言 特 明 之 知 謂 之, 知 由 章之中, 致 甚 乎 明 知 之 ,合下求 也 即 知 贵 以 ? 字 德 矣 止 良 蓋悟 ),故言. 知 所 止 不 爲 分一致知 知 以 ! 至 謂 知 以 而 猶 畫 必 工夫言 句 **^** 從 良 之至 誠 定 止 有 知 故 蛇 後 大學》 分 中 知 明 則 所 喝 意 而 止 静 之 之 善 添 不 格 明 語 德 則 者 止

> 所 意 體 床 則 明 之尤 字 以 T. 知 關 夫 脱 字 又 不 甚 有 出 似 免受後· 齊俱 矣 知 以 非 良 本 下 到 知 體 明 夫 此 人之揶 字 言 悟 日 外 脱 全是 良 知 知之説 出 更有 良 揄 知 矣 下 今若 何 明字 悟 事 則 良 ? 加 又 脱 知 個 宜 架 出 良 則 乎 屋 矣 字, 誠 本 疊

尊古 稗 則 屑 前 存 終 凡 而 意 乃 之 乎 ,于學問 以 陽 而 行 心 日 本 明 既 项 己 後之 竊 子亦 嘗論 以 復 矣; 之 悟 重 致 誠 古 種 宗旨 又 知 正 之,據 本 日 意爲首傳之意而提倡之; 陽 尊 亦 子 焉 心 以以 「《大學》之道,誠 明 致 己 何 盡 而 9 良 子之學,致 而 是一了百 怪 之矣」,又鄭 破朱子之支離 僕 姑 知 後 日 所 存 人有 窺、《大學》 之, 而 眼 以 中 當 而 矛 知 良 著 重之曰「 且 盾 又 是 意 知 不 力 之 何 則 知 而 之道 而 得 矯 疑 取 非 不 已矣」, 得不 金 致 至篇 此 爲 乎 而 誠 黍 極 玉 ? 知 誠

惡,豈 以 東 窺 而 而 告 橋 已 王 又 矣」一 爲 我 門宗旨 不 誠 善 君子之後 也、豈敢以 斷 其 而 然 語 有 去惡 爲 善 抑 于 小 聊 何 將置 倘 古 倡 人? 地 以 可 論 陽 存 乎? 斷 冤 明 所 卒乃 「《大學》之道, 然 抑 子 疑, 爲 僕 前 而 授 君 不 竊 人? 在 之知 子 敏,不 附 未 ; 于 誠 必 善 整 · 足 不 誠 其 知 庵 有 以 意 惡 有

生之言 盤言 齊家 又 其 好 不 亦 八爲 悪 ·薦 有 治國 好惡 不 誠 所 日 有孚 非 真 讀 日 日 意 稱 有 切 平. 讀 可 陽 出 顒 其 莫 處 夫 知 龜 明 于 如 義 非 若』。」夫不 下 惟 也,而 子 Щ 勉 惡 可 明 本于 之言 先 于惡惡臭好好 强 惡 思 此 生之言 并 也 臭 者 也。 日 其 誠 故 如 以 性 夫 吾 又一 薦 好 于《 一之爲 以 意 曰:「古人 人 言 好 性 日 而 于 觀 色,是 誠 色, 言 性 己。 讀 尋 **>** 好 意 日 可 則皆 常 象 惡 知 修 性 盤 詩 而 好 山 也 發 先 身 惡 所 而 以 而

> 大蹬一 庸 于前 致處 夫以 于真 峰。」至宋 是難言,姑 意之説 處 盡 果 》言中 路之法,姑 于 安在 尤 心。 人, 如 誠 實地。」 惡 明, 意 又言 自 而 个大 ? 人看 如 而 請 而 從 可 好 《大學》既 意之所 當 學》就易見 前 思。 誠 以 其 殊可 氣 爲 别 著 誠 他 僅 象 何 論 僕 字 可 論 思 之説 是 也 以 乃 求 以 真 也 ? 指 盡 誠 陶 竊 之。 類 可 處 點 于 周 蓋 自 推 付 日 見 指示人、《大 語 誠 望 横 幸 朱 之 不 在 意 其 日 得 子 則 看 未 如 : 發之 説 E 成 指 曰 炬 則 此 之不 虚 嶺 : 矣 而 所 點 而 中  $\sim$ 空 爲 著 誘 側 己。 學 謬 中 格 落 成 委 誠 中

僕 如 也 前 果 敢獨爲異乎? 人 道 口 呶 道 無 者 也 呶 異 借借 ,天下之達道 而 學 争久矣,辨 寸莛之叩 無 異。 然丈之啓我 願 ; 丈 異 以 學者 指 致 發 其 同 洪 亦已多矣。 ,天下之公言 同 端端 鐘 者 在 而 如其 今日 同之, 異

# 劉蕺山先生集卷十六

序上

# 馮少墟先生教言序

官京 乎 析 有 本 會 横 ! 人 于人 禽 渠 師 少 此學術不明之禍也。」●于是率同志 限 墟 子 凡聖之分,爲 日 會 之風 馮 倫 集 羽 先 五 城隍廟之齋房,一時人心謐 書 性,倦 ,而學 生,今之大 告急,先 術 海 惓 内 于 醇 正 儒 學者所尊信。 正 生 人心、息邪説, 似 也 慨 之。 。 倡 然 曰 : 道 其教人 關 比 西 嗟 爲

> 去矣。 如,若 水,當事者定亂之議茫無借箸,而先生僅 若干卷、予授而卒業焉。 集,至不能 天下平,孟子闢 幾,愈人目爲迂闊 然盎然。❸ 而 論説,大都 識者以爲功不在禹下。 不 其講學教言,爲友人王堇父輯 知 使 兵 士之向往 容, 禍 人 則 思 楊 創 而 墨,明 異 首 自 子 先生者日益衆,簪履 議 得 嘗 善 先王之道以 籍籍 昔者禹 , 2 側 書院 方今之禍過于洪 席 而 講 誠 以 而 意 下, 居之。 先 抑洪水 懇 生拂 見 救 録,凡 惻 先 未 世 而 衣 雲 以 生 油

- 矣,吾爲此懼」十七字。
- 講,一其趨嚮而隱躍其機」二十三字。
  □ 都」下,全書本有「發明爲學之大端與學之不可不
- 十二字。下「然」下,全書本有「徹人心腑,遂不覺其過化之速」

乎遠 魎 先 緒 害 俎 然 口 垂 生 之 也 不 以 正 知 説 朽。 憑 之道 容 人 且大矣。 渺 有 威 而 論 君 于折 明 撓 激 臣 雖 而首善之地,且 發 于 或 父 謂先 衝 日 今者宵小 子 天 事 其 之道 ,則先生學之所及者 下 星, 生今日之功不在 彼 害果甚 0 當 邪 盈廷,比黨合謀,以  $\equiv$ + 説 一當 綱 萬 於猾 與與 者 之 師 終 清 道 不 夏。 使天 廟 明 孟 能 明 子下, 第 堂 于 下 肆 而 永 **\$** 是 鯛 曉 樽

感慨 智足以 予辱二先生之教最深 同 其 係 維 教言 之。 知先生也 時 吉 相 姑 水 發 鄒 綴 明 。 **4** 此 先 者别 生, 數 語 一時 **③** 道 有傳, 以 告 聚 同 同 散 兹 心 志 出 不 同 非 非 復 處之故 而 贅云 敢謂 出 處

# 尹和靖先生文集序

聞。」 是 生。 也。 H 即聖人之心。 心 躋,文武之緝 而約 夫先 君子 也,仲尼 孔 而 程 孟 之日 生 既 氏 戒慎 之門 何 没,傅聖人 傳 堯舜之兢業,禹之祗承,湯之 以 慎 乎 之子思子 熙執競,皆聖人之心法也 傳 獨 其 獨 聖 得 所不睹 遂 人 其 八 之 道 爲 傳者, 之道? 以 萬 者, 恐 世 作《中 爲 懼 濂 傳 聖 乎 和 洛 心之要。 其 庸 靖 諸 之 道 所 ×, 尹先 君 不 則 子

子所謂修孝弟忠信以 1 而 崩 下, 潰之餘」三十九字。 全書本 有「先生 撻 秦楚 獨 以 堅甲 學 利 爲 兵之 第 意 義, 蓋亦孟 當人

<sup>·</sup>朽」下,全書本有 而興 也, 而 況 於親炙之者」二十四 聞 先生之 者 字。 雖 百 世 而 下 猶

<sup>● 「</sup>生」下,全書本有「之道」二字。

皆 矣。 間 弟 法,以 語 未 及 異 不 晩 思 河 相 道 、其門者, 首稱 出 端 之不 失 默 見 高 叔 南 年 子各以 食 所至; 其 推 才敏 云。 程 其 曲 遺文若干卷,手著者壁帖 于 言程氏之學者多推本先 則先生之度越諸子, 正 之出 出 氏 學,充 明 正 敬爲入德之方,使聖道復明于世。 流 悟 今試 質之所近爲學,上蔡、定夫、中立, 兩夫子繼 者,尹 也,小人之中庸,小 而 終遺 惟先 弊 出 處、去就、生死之際,無 程 塞 有 論之,兩程子道大而 四先 人師 仁 叔 後 不 氏 生獨 子 世 可 義,至于率獸 子 濂溪氏 亦遂 説 生,晚年 之 勝言者。 以 也。」其後乾 疑 而 ; 稱之曰 敬爲本 或雜于禪。 得 作,直遡孔 2 更得先生與張 0 統 生, 思 數 人 叔 食 于 後 而 百 。 (3) 自 而 道 [條,爲 程 千 蚤 詣 無 人,人將 中 我 不 餘 忌 世 高 中立 淳 粹 門心 立 死 動 惲 年 信 然 亦 門 門 静 不 熙 而

> 言之 闢 幸 此 處之概者,合之皆 ·無以 之謂 三畏 所記者  $\Box$ 傳聖人之心 著述求之。 齋 一、畏 以居, 師 天命? 説 壁 帖 而 畏 以 敬 其 即 大 傳聖人之道也,學者 上 字 其 人,畏聖人之言。」 耳 朝 齋 6 廷劄子 中 物。 先生所至 以 居 恒 明 誦 出

先生汴人,隨宋南渡,告老終于越,世

■ 「其流弊有不可勝言者」,全書本作「皆此無忌憚之心

❷ 「晚年一出,終遺後世之疑」,全書本作「出處一節

終

③ 「以一敬爲本」,全書本作「自附於古之魯者,以一敬

◆ 「其」上,全書本有「其期許之至矣」六字。

6

警,亦不 簡 發 合之皆 揮 如 乃知 此。 敬字止耳。 先生 輕下 一敬字耳」, 及 讀 本無事于著述」。 先 轉 生壁 語, 此 全書本作「非 自 帖, 有宋 敬字亦 又多 儒 舉 本 語 其至者, 古人 無 録 多 以 成 一説,故 來 説, 絶 無 述 此 以 凡 自 特 以

學者。② 行部 嗚呼 祀郡 之梓人,以副王公之志,而 之,且重刻其遺文以惠多士。 向往先生之學,因搜 逾 1 至 城之古小學,舊集 百年,浸失其傳,會 越,首訪先生俎 王公之刻是編也、蓋 得 刻 舊 豆所 本,稍 今督 于前太守洪 僭引其 亦有感于後之 寄,令 予不敏 撫 加詮 端 葱 有 如 嶽 次,付 此。 司 西 王 淙 嘗 新 公

# 方遜志先生正學録序

之萬 生聖賢 聖賢 有 承天心,以天下萬世爲 性 者 世 而 天下之生,衆矣。3 以 出 而 不 能 爲 無 而 任 天下 窮 自 君 通 則 師 萬 與 倫 之責,以 世 類之滅 禽 也, 獸 有欲 己任,不 而 無 道濟天下,且 聖賢 也久矣。 以 而 異 不 敢有 生其 也。 能 自 故 苟 幾 時 遂 天 微 非 亦 垂

> 受禪 爲君 自私 矣。 者,創局甚奇,處心甚苦,●總之以天下 甲、攝冲人之祚; 湯、文、武、伊、周之道以 秋、戰國之時主,終不 其君以有天下, 伊尹、周公,相 伊 也,而復傳于子,湯、武,臣 且夫堯舜之有天下也, 自利之心。 周之爲 若堯、舜、禹、湯、文、武 相,孔、孟 孔 孟 . 遇 教萬世。 布 則發 衣 之爲師,一而 而 也 明 讓諸 也, 也 堯、 此數 而 一,而 舜、禹 而 賢 歷 至人 萬世 聘春 放 放 太 之 弑 禹

蠢衆矣」。

天下之生衆矣」,全書本作「天之生聖賢何爲

<sup>●「</sup>此」下,全書本有「校讎者,友人廷評王君應遴」十一

時天啓,歲在甲子冬月旦」四十二字。 忌憚,故借先生以坊乎? 則衛道之功,於是乎大矣。 后者」下,全書本有「不善於求心,而卒流爲小人之無

<sup>「</sup>處心甚苦」,全書本作「而道不相襲」。

其 任 天下 乎? 説者 以 舜 以 季 能 以 不 以 勤 爲 亦 十 其 死 盡 闢 而 篤 + 至 無 己 何 大,故 之亂 謂 任 化 族爲 意 亂 生先 族者 死 疑 君、唐虞其 洪荒之運,而滔 而 不不 極 于 即 靖 于 而 已 舜 先生必以 先生 計非 爲 矣。 死 難 後之君子乎? 生之意矣。 ,千古以 耳 之揖 其 身, 忠臣 甚者 之役非易 敢 矣,王元采、周 心 乎? 天降 有 而 讓 治 以 獨 孝子, 幾 來自 後 十族也 湯、武之征 十族 苦 我 殉 則 微 先生 能 天之禍 明 ; 天之生 姓 以 自 亦已矣,將 庶幾 本 以 殉 其 聖人再造 比,在 妻子,若乃死 當 朝 私 忠臣 ! 君 心苦, 克 猶未 身易天下, 是 自 是修 方遜志先 不 則 斯 利之 承 時 之事 誅 可。  $\equiv$ 亦 民 天意 艾也,天 故 諸 楊 伊、周 生不 未 也 亦亦 君 心 其 死 惟 君 古 知 生 也 云 也 事 以 得 使天 先 僅 至 天 子 可 而 耳。 始 特 其 生 救 所 非 以 堯 足 元 殉 服 則

> 放 相傳之道也,又何疑 攝 也 孔、 者何 孟 之 轍 也 環 ? 乎 蓋 而 天之心 ! 先 生之禍 又何疑 而 十族, 乎 堯 ! 舜 以 其 來 趨

無 之正 必 之典以 知學問,輒向 志齋集》二十四卷,❷行 録》,蓋憂天憫人之旨具是矣。❸ 目 以先生爲 之,因節其 一言不合于道,而猶 傳 先生生有異質,蚤 興 ,學者尊稱之曰 來 裸 稱 慕先生,私心 粹者爲 首,倘 則 是 編實 得 三卷。 及 正 師 于 慮 尚 學先 時 宋潛 世。 學者不 謂 而 論 闡 或 題 之地,姑 揚 生。 溪氏 予反覆卒業 朝理學之傳 予不 之日《正 特 免以詞 舊 舉 接 敏 刻《遜 從 以 考 祀 學 章 亭

<sup>「</sup>天下萬世爲已任」,全書本作「善承天心」。

<sup>「</sup>舊」上,全書本有「其明道之書」五字。

距詖行,放淫詞,以承三聖者。此書有焉」二十七字。「矣」下,全書本有「孟子曰:我亦欲正人心,息邪説,

言弁之簡端,且就正于海内同志云。●

## 同心策序

其言 學,而 未嘗 昔者周室既衰,天下不復知有天子之尊,而 吾子蒞之,且 盟 之學,何以 聞 凝 論 雍落第還,會予亦罷官家居 甚矣! 于 于 温 慨 朋 同心者,而 無 而異之。❸ 厚,有載道之質,居恒 求盟 然 同 用 儕 曰:「今天下亂矣。 心策》者,吾友中 間 子 也 救世? 學而 于予,以爲久要地 奈 前 之 重 有 以 日 何 未卜其有志 志 一解。一子 :「學不可 日以 以 于 科 學 舉 一編見投, 有用,即不遇于時 表 也 因 自 一恂恂 沈 ,因數過 躍 以無 錮 也。 者也 士不務爲 中一,有 然 何 自好,既 ② 以 而 去年 盟 求 起, 盟 從 中 所 也 始 自 以 爲? 有 子 志 日 訂 聽 講 端 惟 用 南 有 于

> 也。 呼,求天下之同心者 尊 稱之,大其事于《春秋》。 日 王之教焉,而 相 不知有孔孟之學,中 東性載 王之義 尋 孔孟既没,二千餘年間,董相 于 篡 以 書 弑 連 周 而 與 室卒賴 不 時 或 歃 則 而 血 于 有 盟 以不墜。 , 五禁森 是 方今世道交喪,人 五. 焉,則 不得 乎 霸 有 者 己 亦 盟 嚴, 故聖人 盟 而 春 迭 大聲疾 猶有 秋 起 葵 之意 于 邱 而 淄 亟 先 倡

<sup>0</sup> 嚆矢也 告同好。 少 一,辱在桑梓,向往之日久,因 知 學問」至「同志云」,全書本作「 後之人有表章 先生之學 僭引一言於簡端,以 者 総 宜 必以 窺先 斯 生之學 爲

②「錮」下,全書本有「已矣! 吾將去而從子之所學」十

真,中一子 者,余自媳 「之」下,全書本 左提右挈 下風 一語 ,不覺其氣之日 殊甚。 成莫逆, 有「今之士 族 因 鮮 弟 相 以 應 有 與 鼓 麒 若 定 而思若翼也 處 中 余 家 余周 子 塾, 之 開 兩 學 眼 甚 孔

得是説 友 相 取 乎 皆 王 洛 反之正,意在斯 之,講説又次之。」不 盛,王之衰也; 川,文中子再 矣。敬書之,以告天下之同盟者。 也。 各以 向 ? 霸 關 而 討 閩 ,皆霸之餘習 心違,●言堯 雖然、《春秋》之義貴王而 之間 也,學 也。 其 曰:『忠信本也,行誼次之,文藝次 學 中 前 盟 盟 而 前 盟誓之繁,忠信之薄也。 閩 于 乎 進之,以 其殆聞諸 而 河 也。 學最著。 !」❸吾乃今知所 文成于吾越最著。 行 汾,有 勝其有敗盟之慮 跖, 善乎,中一子之論 紹明聖統 宋諸 儒 口 本朝薛、 之風 血 儒 賤 未乾,操 特 而 霸,霸之 撥 以 胡 盟 興 大抵 盟 亂 焉 起 于 色 取 濂 中 世 戈 者 !

#### 張 慎 甫 易解 序

子 讀 友 張 慎 甫 氏 所 著《易解 》, 至 陰

乎: 主 危。 患 況 九 不 陽 之故 卦。 一,猶 廢 消 中才而 「作《易》者 長之際,不 懼 危者使平,易者使傾,其道甚大,百 不勝其憂且患,而 難言之矣。 以 夫聖人以神明之德,生衰季而遇 涉亂世之末流 終始,其要无咎,而 其 覺 有憂 廢 洪荒 書 患 而 思 乎 乎 嘆 既 所以 ! 也 闢 6 約之于三陳 故 嗟乎 處之之道, 結 ^ 傳 云 繩 **>** 之教 其 不

暗

云

辭

物

- 0 學術之壞也」五十五字。 水,可羞王公而薦 無異也。 色上, 全書本 中 信而行,要之以禮。 有「周鄭 鬼神。 交質, 則 亦已知盟言之不足恃矣。 君子曰: 澗 溪之茅, 信 不 由 潢污之 中,
- 2 一跖」下,全書本有「及其號召朋徒」六字。
- 3 便以聖爲志,言學 「乎」下,全書本有「一匡九合,不足道也。 謂其君不能者 便以道爲志。 ,賊其君者也。 自謂 嗚呼」四十六字。 不能者,自賊 故曰: 言人
- 4 事下, 全書本 有「聖人之所以 卒免於憂患者以此」
- 「乎」下,全書本有「此《易》之所以不能無作也」十字。

于陰 乎? 以 以 八十 爲 生; 之
亢 深致 化 廢 憂患,不足言矣。 憂之,故以陰陽分淑 衰, 小人之乘君子也,君子實 正 興,鮮 下 爲 長 六十四 天下之憂患 而 民 以患遣患, 潛消 陽 四 」慎 其存 養 于 勝 ,在壯謂之罔,在 生 爻根 消 爲 者常 結 甫 有不爲世 日 桂 默化之術。❷ 長 陽之意 主 繩 氏 以 深 柢,合之全 之際,往 統宗,因 少, 之談《易》 之 多 患 初 而 自 不 故 愈至。 道 夫君子 其言皆重 而 己 正 晦 凡 往 病 有取 矣。 慝 若 與 而 者,而 夬謂之順,持 相 一經,皆 予始讀 不 也 以以 民 勝者常 務 欲 非 攻 有易心 君子曰:「安得 于初之潛 以 獨 恬 留 消長推 過 僅 相 爲 從 有 焉 憂 其身之不免 餘 爲 能 取 而 君 取 多。 此 拯 焉 别 處 相 訝之,君子 地 無 子 于 發 憂,憂 憂患 在 人事 白 感之 于小人, 此 復 謀 聖 爲 乾 明 前 之元 憂 以 乾 人有 也 也 途 白 至 患 愈 于 處 而 返 謂 0

> 患者 井不 是? 必 以 損 即 中 稱 不 而 改邑, ·行乎? 焉 也 敢 將 凶 ? 爲 履 事 亢、 已乃三 而 不言 不 巽 恒德 以 爲 素 下 益 图、 復 而 床 乎 乎 乘之羞 而 乎? ? ? 爲 得之,慎 頄 困 謙 則 乎? 不 而 亦 九 必 鳴 何 甫 掛 致 乎 三人不言 至 蓋 命 之 善言 貶 遂志 德, 復 損 憂 何 不 如

託性。 善 動 託 有 升降 生 而 命,人得之爲 生 夫元 愈 出 而潛則元之停 而人心之元善, 氣之中,圖亦 ,三才之所以 天 德 元 也 善 其 毓 萬 亦 道 萬 地 萬 古 生 生 古 也,故 古 生 生 不 日 不 不 朽 日 窮, 虚 窮 何 也 同 而 爲 爲 有 不 世道 君 在 萬 萬 有 有

<sup>□ 「</sup>言」下,全書本有「危平易傾之道,諄諄不置」十

<sup>「</sup>爲潛消默化之術」,全書本作「寄治化之權」。

十二字。十二字。

#### 張 慎 甫 四 解 序

1

然謂 之擊 矣。 編 别 子。 問 不 梓之,與 生《易解》 唯 序于予 迄 同 去數年 唯。 而 昔者夫子以天縱之聖 予日 節 間 于 歲 戊 出 老 不 否 其 用 其 置 辰 其 也, 否。 則 舊 心 「昔人有 編 平 益 書始 所 于 又 慎 無 日 ,予嘗僭 先生之 謝 外 著《 時 甫 乃 所 出 不 物 時 先 爲 著 易 好 敏 其 則 向 生 屐 所 解》 財 。罷去。 爲之序, 子 四 門 辱 者 好 與 0 並 人 書 商 子 爲 者道 好 流 子 徐 行 訂 解 家 乎? 萬 屐者 之 上 所 至 于 塾 示 世 也 顓 日 是 世 生 未 子 師 授 進 顓 先 先 云 輩 子 雖 到 乎技 子 生 經 而 守 所 生 相 日 復 獨 好 慨 既 與 爲 豚 :

全書本有「而卒無挽稀韋氏之波」九字。

玄,該 言 古 旨 沉 爲 晩 有 心 在 有 心 則 發 是 未 其 此 出 見 動 猖 不 經 ,亦復何 酣 于 憤 人之好,心 不不 合 于 始 註 始 藴 階 好 不 狂 五. 于 贵 宜 而 藉 詭 非 古 我 經 而 梯 六 猶 有 其 已 聖人之心 儒 聖人之心 賊 耳 經 四 云 需 所 疑 托 體 再 過 吾將 者 道 書, 之辭 之以 筆之 得 則 字字 古 至 乎 者 後 其 尤 日 如 乃先 人之心, ,櫛句 也 章 深。 于 數 平 儒 好 反 絶 者,將 布 也 夫求 之言 書 + 訓 生 古 而 韋 帛菽 生 先 比 絶 詁 讀 年之久, 而 ,以授學者 求 編 于此猶 鮮 生 遂 所 所 無 心之過,未有不 因 以 未嘗學問 曰 之吾 粟之不 博 自 謂 他 故 以之自信 好 此 : 不合古 雅 解義, 嗜 者 其 見 『古人往 而 心。」夫 而 嗛 端 者哉 好 道 自 遂 後 離 然,若 而 之心 道 也 人之 至 獨 奥 乃 昕 日 也 一吾之 于 造 恍然 而 惟 几 而 矣。 示 意 流 道 古 用 次 古 好 不 書

> 肯 之非 已 約 心 支離,欲别 矣 至 敢 ! 日 者 之 守 ,而後得 自 吾也, 故 之, 信 久之,因 先生 遑遑 智 者 非 之善學 求 焉 之于心,不知吾之非古 古 徒 斯 何 若 命 能 其 不 耶 解 將 其門人書之以冠于篇端 足 言 ? 至 以 終身者 爲 也 之,實 已矣。 君 神 先生 子 明乎其 若 之于 允蹈 其 遂 道。」 夫學, 以 日 之, 間,則 道 先 語 至 也 言 允 生 自 者 人 文 以 向 與 蹈 聞 博 忧 者 字 爲 古 而 取 信信 爲 未 首 其 而

### 曾氏家乘序

予喜 聖賢之生也,數千載于今,而 也 述 自 娱 吾 而 , 尤工 諾 日 越 手 之。 有曾謙 輯 繪染, 且 父者,盛 曾 知 爲 其 氏 遠 爲 家 宗聖 乘 近 有 》成 所珍,予 才 日 後 藻 造 也 得 以 予 未 則 編 見 請 之識 其 更 摩 序 後 著

吾 若 支 器 豐 嘗 知 孔 所 濟 相 知 裔 庶 魯 矣。 之 隨 訪 其 舄 调 也 不 傳 慨 鄒 散 子 爲 嫡 求 弈 闕 得 駕 然 是 然 也 徙 孔 而 而 里 而 追 恥 何 世 爵 氏 几 及訪宗聖 事 見 慕 事 瞻 之 越之有曾, 大 其 方 浙 殆 之 贵 金 孔 宗 傳 者 以 惟 有 矣, 蓋 者 也 東 顔 不 不 居 乎 祠 益 而 得 偶 宋 南 孟 ? 宇 詎 水 留 厪 考 豐 然 見 南 廟 知 相 其 曲 子孫 者 浙之 向 者 渡 吾 貌 吾 望 阜 往 世 時 最 謙 越之曾實 守 接 系 衢 皆 之 嗚 著 ,其宗子 而 父, 孔 不 有 其 呼 無 思 聖 則 林 至 子 有 乎 而 賢 啻 肅 者 聖 孫 喜 聖 苗 衢 抱 爲 既 皇 裔 賢 之 其 裔 祭 南 帝 口 而 濟 子

定公 公再 + 鞏 傳 五. 按 以 傳 曾曾 怘 文章 而 氏 通 延 自 判 學 鐸 宗 温 行 始 聖 州 鳴 分 天 居 次 六 下 越 南 傳 豐,又 州 爲 而 宋 據 合 名 徙 門 兀 儒 豫 死 傳 文 章 金 而 定 文 又

其 氏 藝,不 以 然 謙 贵 定,其 胄 之 文 亂 文 傳,信宗聖之宗 氏 近 定之後 宗 者 章 毅 真 世, 意 恐 祖 難 父 而 故故 聖, 此 盤 序 事 遷 非 則 亦 稱 傳 少 再 又十 舉 根 文 有 足貴 吾 徙 子 是 徒 愈 正 自 變 疑 徵 定 奕 可 編 後 淵 遠 夫子之道 如宗 崈 南 亂 而 傳 謂 葉 公集,求 贵 其 足 也。 源 而 豐 獨 宗 爲 而 光 宗 傳 以 愈 亦 法然, 竟 孫 免, 而 氣 復 至 今觀 譜 己 失 之故 且 有 植 會 乎 節 謙 遂 之矣; 舊 其 惟 也 傳 忘 之 稽 1 公 父,上 小 物, 家 必必 曾 曾 真 疑 老 至 會 後 祖 于 則 古人作 不 乎 氏 子 于 謙 稽 也 無 于 且 不 得 後其宗 之後 歷 越, 獨 父三 其 距 衍 南 後 忝 無 干 落 得 間 豐 由 文 其 是 所 爾 恍 譜 , 大, 之 如 其 者 宗 定 變 宗 貴 爲 祖 惚 謙 無 指 傳 乎 聖 傳 變 似 而 矣。 致 會 乎 ; 故故 父 存 ? 掌 後 爲 至 譏 嫡 則 .0 不 而 稽 而 後 曾 曾 請 才 羅 爲 得 文 遠 系 雖 則 世 相 文

搋 孫 遡 也 以 才 宗 藝 周 氣 譜之乎 雖 節 不 敏 文章 請 從事 允 而 若 反 焉 是 求 則 諸 身 曾 謙 氏 之文 父 能

### 禪宗定案序

之殊 空其 子。 學,見世之學者多雜 甫 大,能令當之者不寒而 生,今之大 生 有 摘 經爲斷案討二 性 予讀之灑 其 吾友張 取 方、人物之異族 録 及 紕 爾 m 謬處,爲《定案》, 歸 瞿 也。 儒 慎甫 之覺 布 也, 子 然 衣 氏之罪,必先生爲 嘗 與與 以經 有 其 所 謂 當 學 述各數 吾儒 ,使貶吾 禪, 佛 術名家,孳孳聖賢 醇 也 栗,居今之世,有 氏之教 乎 大 迥 又 他 條 醇 取 不 附 合爲 不具 道 其 佛 相 以 氏 而 遺 及 言 關 論 從之,固 如如 世 正 剴 中 獨 , 宜 帙 嘗 南 馮 切 馮 慎 北 之 先 以 示 正 先

> 人心 先 身闢 其在 安得 其 熄 身之也 今世之服膺 而 明 世 也 生往 誠 吾 教, 非 ; 所 韓子 爲 之。 此 不 是 者 所 不 而 漸 哉 學者厭 己任 辭 矣。 胥 是 受, 也 且 道 昔者 猶 而 不 而 强 其 即 有能言: 馮 濟 懼 闢 能 己。 吾 即 相附 人誠 先生 之? 張 其 天下,而 孟 竄 常 于慎 先 不 吾 夫子 喜 明 而 生 會,混 是,故 不置者,非 勝也,請 道 異 吾 先生之言,慨 人 夫闢 甫 之徒 承三 之。 而 往 所 佛氏 有 攻 是,而 厚 之則 而 也 其言 往 聖 之, 望 前 爲 之教爲之少衰 無 定案 借借 焉 徒其言是,其 以辭闢之,以 亦類族辨方 而 其 亦 立 非 一,爲 況 楊墨之迹 其 然 》之意, 者 言 其 嗟 與 吾 以 以 所 孳 似 乎 孳 世 儒 脱 不 庶 者 是 道 人 略

## 陶庸齋慥慥集序

之説 或 賢 也。」 滿 其 楓 生 或 紨 베 九 古 詆 徒 述 于 乘 漸 起 相 山 原 良 學宗紫陽者 與? 嘗 之, 離 又 先 以 弘 似 而 如 而 知 日 爲 其 救 生, 約 遂 口 IF. 日 而 之説 之。 : 禪 本。 乃 之 以 作 楓 間 赤 程朱 致 朱 吾 也, 如 城 Ш 儒 蓋 而 時 良 子 特著《 吾 最 有 也 是 舍 亦 先之言 鄉 後 尤 爲 知 著, 陳 越 先 時 學術 理 有 此 支 獨 不乏異同 則 克 平生一 正 學 生 感 離 服 越 庵 有 贵 至 學 其 之 于箋註 又 膺 有 先 陶 楓 矣 人大壞, 衍 誰 儒 楓 陽 反 生。 庸 山 意 説 之見 與 蔚 删 山 明 齋 所 其 之繁  $\forall$ 躬 歸 起 不 先 以 必 其 先 謂 居 行 置 一先 繁 自 爲 生 有 生 婺 真 敬 · 曰 者 學 不 附 大 朱 生 聖 有 真 蕪 窮 事 學 先 者 于 不 者 賢 起 聖 章 理 口

若 當 家言。 其 乎 詩 救 得 至 此 他 箋 復 其 而 孟 孔 不 其 支 文, 箋 儒 以 無 後 云。 將 註 辭 日 子 愧 離 氏 爲 旨 註 先繁蕪之説 躬 取 良 能 也 别 自 使 先生 止 平 繁 夫 孔 慥 行 于 知 言 而 有 講 人 而 矣 蕪 先 淡 氏 救 良 之 慥 不 距 論 轉 學 其旨 ,其家 起官 之習 之徒 簡 之。 知 生 説 也 得 楊 著 增 明 樸 之 服 大 墨 也, 日 道 眩 甚 師 猶 必必 今日 説 膺 昌 與 子 法不 之 時 外, 鶩 儒 慥 先 爲 峻 ? 乃 楓 時 有 意 而 何 恥 慥 生 斤 或 良 卒 凡 Щ 出 耳 所 見 何 也? 先 齋 斤 救 其 知, 以 業 以 幻 慥慥 爲 有 食 不 言之 生 集 也。 以 用 及 紀 而 安于 詞 而 餘 者 聞 此 紫陽, 躬 箋註 心 入于 其 君 嘆 章之學 不 近 求 其 是 其 行 平日 子 可 盡 心 日 説 其 也 故 喻 之弊, 而 禪 久矣, 謂 之 0 説 者 其 罷 以 意 而 得 意 所 行 勤 夫 先 箋 反 猶 于 蓋 爲 而 顧 之。 學 生 洵 還 後 不 然 猶 如 不

先生 先 先 于 先 達 有 知 以 以 一君子 者 之, 辱 先 生 理 [與? 交二 生 聞 學 之集問 也 可 先 未 非 之以 師 可 也 孫 生之後,有 能 復弓 模當 君 也 紫 夫使 則 無 請 陽 序 子 躬至焉, 鳴 後 乃 冶之遺 于予 之後 呼 世,大抵篤 世之爲 之 而 以 反 ! 文簡 質 學 于 躬不言之地 敬 有文 之楓 雖《正 仲 聖 吾 矣。 爲之述 良知之學者 人 氏 公及君 是 成 者 切 Ш 以 然二 信 學》一編不作 可 劘 斷 知 文 其淵 也 尤 奭 予不敏 口 學 成 君 有 一文成 識 深 伯 之説 術 子 適 源 日 前 仲 矣 之 終 得 如 嘗後 間 之 終 皆 吾 不 而 此 後 以 歸 于 如 良 愧 直 並

## 辛復元先生集序

日 歲 示 丙 子 子 所 繪 處 京 古今聖賢 師 獲 圖 河 像, 東 各 辛 系 子。 以 論

乎? 之聖。」 門謂 堂之上 良知 也。 朽。 所 希 乃 也 肅 贊 氣 白 自 庶民· 爲 節 也 子 世 然如 識 凡 師 幾希 輿氏 皆 之仁, · 今 、勳業 在虞廷 君 其 而 聖人 若 焉 焉 所 相 有 惟 也 干 去之,君子存之。」夫聖人 此 而 日 者 臨 以 感 則 而 心 聖者 幅 之不一其 恐人之遞傳 中、 心之 在 謂之中,在《周 以 聖者 又藹 者 生生之義 夫古之聖賢 日 不 後 -朽,故 題之 何 :「人之所 異 日 此 精 儒 也? 此 敬 于 心 乎若將 神 謂 曰 心 禽獸 途 也 所 之 聖人之精 矣,宗 日 也 生 語 而 極 遞 爲 謂 往 就 同 生 云 云: 以 相 遠 頌 儒 謂 矣, 生 周 耳 歸 之,追欲 集 則 異 焉 爲 心 生 之 謂 于 受 而 于 視 非 神 而 諸 而 天 道者 之敬 不 而 遞 聖者 禽 心 與之 有 不 之 精 辛 子, 朽 理 卒業 失其 獸 叩之一 不 過 精 以 神 子 ?,在孔 、謂之 文章 者 此 異 盡 者 此 俱 神 逾 有 亦 也 心 遠 謂 于 其 幾 心 曠

者去此 皆可 末有 之道者,未之有聞 也,故爲 人之心者,尤未之有聞 能不 不錯 以 也 爲堯舜。」夫學不識 之親 愕自 憬然 • 切 一廢,以三 思、浡然奮乎? 夫人驟 指 ,不自識其 點之,若曰「存 爲絶德,今日 而 也。 語之以 心,而 心,而欲 故 聖人之心, 者 欲 即即 存 曰:「人 求 此,去 聖 此 求聖 而

賢之像教,而 請以質之生生氏 之,迫欲 自反,猶是禽獸不遠之心耳,一旦披之以 惟其有之,是以似之」,辛子之謂 于心者。其所論贊,往往肖其 辛子之學,本之先河 叩 之 肅 一堂之上者, 然 如 有 臨 東 復 薛氏, 是誠 藹 八神骨。 乎 何 庶幾 也。 若 心 哉? 將 宗周 語 能 聖 從 就 H

#### 李懋 明 西 臺 疏 草序

所謂 邪正 大計 臺封事爲左券,而 去,又起,又去。 思先生之言,争推 久之,向之從邪而樹讐先 舉 生 草 則 細 在 西臺封事僅 一二疏,若職 予抱疴田間 有 事 西 帙 藩 以 臺 示 封 正, 塞責,而獨言其大者。若宗社 子, 一疏,若治 色敢言 先生三起三見斥,皆 皆 如此,而 轂 掌大利 所指邪流竟與先 吉水李懋 神 先 廟 生,浸浸大用。 時 稱 弊 生者次第敗,人乃 先生竟以言去國。 亂 官 真 則 明先 大 御 西 有 機 臺 史,然未嘗 敝 則 生 封 庫 生 縅 有分别 事 諸 一始終 以 又罷 其 也 疏 西

毛

先

疏

上「存」上,全書本有「只此些子耳,無他道 也」,全書本作「無他道

質 革 子之 之位 際 子 之故 節 以 或 遞 號 即 廢 相 而 夢 本 坤 特 于 平 以 朋 争 爲 稱 此 而 所 者 世 先 治 若 也 消 黨 在 而 維 别 而 小 相 一,世 以 平,不幸 長 生 之名, 遞 也 此 則 至 新 君 曰 言 人 疑 屢 常 云。 相 今猶 子 君 道 君 之 每 而 我 勝 身 進 勝 邪 子 子 之 之 戰 足 運 子 而 或 于 屢 雖 負 之道 而 之道 道 所 朗 以 禍 蓋 家 小 退 敗 猶 而 正 有 朗 始 以 敗 中 至 乃 之身, 君 也, 之説 爲 或 與 常 常 之。 也 見 神 深 于 子 之 燈 本 小 而 存 勝 陵 而 有 廟之際,重 日 稱 先 人之道 卒 相 倘 故 道 何 于小 于 而 感 或, 或 龍 事 寓 續 自 聖 先 小 以 不 生 于 本,小 君 稱 來 雖 人 生 存 毁 始 人。 人 先 所 愈 復之機 · 至 血 一之言 經 也, 子 于 者 矣。 終 以 生 一熙累 出 分 若 繫 言 與 人 醒 兩 至 于 否 愈 今 不 合 朝 錮 亦 小 則 玄 之 剥 泰 治 洽 奇 終 世 君 天 符 之 人 黄 之 鼎 盡 君 亂

> 焉。❷ 先 也 地 事 下 無 ? 生 所 至 無 而 此 用之矣。」③予 問 其 夫道 是 獨 識 執 即 刻 難 與 0 此 三三小 也 于 不 神明 往 用 識 先 乎 先 生 乃 變 ? 人亦 生 無 古 爲 化 不 抑 即 引 日 且 而 知 審 其 撫 無 有 端 旦 幾 方 膺 己 李 有 而 故 觀 自 矣。 先 歸 用 嘆 變 生 君 之。 鼠 先 别 敝 子 者 生 帚 有 稱 竄 説 今 龍 無 時

## 重刻傳習録序

良知之教如日中天,昔人謂:「天不生

夫」上 道 全 書 本 字。 有 前 有 言 黑 白 不 宜 太 分明 者 是

望」十三字。 望」十三字。

以 是刻 正之子」。 帚今無所用之矣。 也」至 「用之矣」,全書 是 刻 也 本作 始 「而先生 以 備 西 臺 古 日 時 公 已"

至止 即 于 作 析 遺 荀、楊之説, 知 私 生 仲 孟 明 以 心 致 是先 餘 德 學則 先 云 也 之心者 聖之功, 聖人之心, 之 具 尼 心 知 傳 是知 衆 力, 爲 與 ,天之所 在 萬 生特 孔 理 復性之本, 理 所以 格 而 亦 古 與 孟 止 而 而二之,求 物 致 誰 其 初 如 即 雖 既 本程、朱之説 應 吾 以 非 去蔽 良 與 後 長 經 没,心學不 6 萬 本 心 致 與 知。 東于 黂 有 夜。」 ^ 程、朱諸大儒 事 之 我 體 知 傳 加 而 復 而 者本. 即 之 知 習 于 然 其 訓 己。 而 日 道 自 即 知 T. 功 此 乎 使 録 詁 不 愈 此 而 聖 傳,浸淫 夫 不 如是 ? 也 能 》一書, 要之知 故《大學》首 難 轉 ,人皆 求之,以 故 人之無 離 4 干 不 講 本明 其 去 蔽 先 蓋 年 孟 支 虚 明 出于 道 生 知 止。 爲 于 子 人 而 離 格 不 救 靈 吾 愈 皆 其 直 物 遂 後 佛、老、 知 不 E 遠。❷ 門 之 言 又曰 得 接 往 以 物 欲 有 不 不不 昧 良 之 孔 往 明 之 是 而 復

> 之所 求 掇 百 之,亦 拾 有 緒言, 覩 餘 年。 記 既 學者 有 與鄉 家 年 風 所 亦 之學先 漸 矣。 既 替,宗周 家 傳 生之道 而 妄 户 不 誦 者群 之,迄 自 揣 居 而 竊 于 嘗 講

梓 先 者 也 以 訂 玄虚 往 之以 生 救 正 宋 没 裔 往 而 惠 後 孫 , 卑者誕 人 看 以 之訓 吾 士 良 錢 親 黨 美, 洪 知 經 詁 且. 太 鋭 妄,其病 甫 先 亦 以 志 見 增 生 請 成 繩 人者 因 裁 于予 武 病 定 反 用 立 者 甚 爰 良 卷, 回 方 四 于 取 知 : 耳。 訓 卷 太 爲 舊 良 詁 活 附 爲 本, 及 知 變,高 正 録 其 之 稍 録 説 弊 爲 附 重

8 2

<sup>■ 「</sup>磨復旦」,全書本作「取日虞淵,洗光咸池」

<sup>「</sup>遠」下,全書本有「聖學遂爲絶德」六字。

<sup>「</sup>知」下,全書本有「可謂良工苦心」六字。

<sup>「</sup>此」,全書本作「此心此知之毫末」。

<sup>5 「</sup>先生其得孟子道性善後與」。

<sup>「</sup>詁」下,全書本有「則前輩已開此逗漏」八字。

蓋 以 禪 理 成 萬 所 欲 遏 期 而 而 存 也 録 베 K 爲 天 能 死 求 先 韙 淪 燕 也 」,先生之言,₫ 不 人欲。❸ ,故先生一 于 理 中 至乎 心 生所 之。 中病 卷,僭 戒 于 良 越 時 而 得 禽獸 株 于 而 慎 知 禪 恐懼 守舊 遏 來,曷故? 果若 理之外, 病 中 而 而 有 而後之言良 本 人欲」云爾。 于宋 不 至 止 夫良 則 轉 删 者。曷 己。 所 聞 無 于人禽 削 日 借先生 惟 對 者 人者, 云,請 固孔孟之言、程朱之言 知 則 ,●總之不執 天 待,由 甚 ,驟詆之日 吾子有賜言。」予聞 故? 本 見 理 亦本 矣! 之幾, 見 即 成 知者,或指 , 以 立幟 故 成 活 其説,將不率天 先生 藥之以 其 變動不居 再 學者之不思也。 又 ,而先生 變之弊 輒 分 求 則 禪,後. 方 日 蓋 不 理 曰 門 先生之教 而 理 容分疏 日 良 于 存 别 亦 吾 爲 心之外 人因 知 自 天 而 户, 用 障 其 理 即 將 學 先 謂 也 下 反 説 其 生 從 天 以 何 幾 而

#### 若 士: 美 可 爲 善繼 述者與

然自 者 終 志 此 歸 云 于 得 斯 也 其 編 前 心 遂 出 書之簡 先 以 而 生之教 求 吾黨之學先生者 進 末 于聖· 以 所 遺 人之道 謂 士 旦 美 萬 并 當 古 則 以 不 而 道 告之 常 難 術 新 亦 曉

令後 削 下, 人見乎」十 全 書 本 有 字。 蘇 張 得 良 知 妙 用 等 語 詎 可 重

0

同

- 生下, 全書本有 言 理 日 天 理
- 欲」下, 四 全書 本 有 且累 言 之而不 足 實 爲 此 篇 真
- 4 著明。 家體 先」上,全書 毫人欲 認 出 程 來。 伯子 之私 本 日 至 有 吾學 先生 子 其于學 解 雖 至 於 有 此 善 者 所 亟 直 受 亦 首肯,則 下 云 然 頂 盡乎 天理 門 處, 天 理 字 可 八字。 之 却 謂 是 極 深 自 而 切
- 有 「喜混 作 專 五

6

6 學者之不」至 繼 述 者 與」, 全 書 本作「先生 一之不

# 錢緒山先生要語序

無 已 是 覺 語 王 接 傳 미 心 無之説,而 知,爲善去惡是 果信 之體 悪 訝 門 Ê 易 執 陽 遂舉 惡 故 著 根 然自失。 教法有此兩端。 明 予 之物 又 以 ,不免王 也 子 讀《天泉證 有善 爲 日 教 以 錢 意 德洪 然矣乎?❷ 知 法 質 先 有惡 至許爲顏子、明 爲 也。 良知 先生 即 生 格物。」 陽 、所言, 有 道記 有 則 明 意之 善 子 一駁正 善 謂 子 即 予嘗 嘗 無 王先 》,知 無惡之意,而 是 · 曰 天 可接 子所 動, 惡之知 有 師 理。」爲 謂 固 生推 門 言 王、錢二 知 下 也 雅 汝中 道 教 善 根 有一無, 言, 所 人定 明之,爲 知 則 其 無 故 人。」世 所言, 不敢言, 惡 良 先 物 有 子 善 心之爲 本,不 知 亦 是 即 善 生 無 傳 並 有 而 而 不 語 可 几 良 惡

> 言 學諸 語 執 與 先 先 意 不 何 有 思思 良 良 生 見 生方以爲與己,筆之于書以艷來漢,無 本 得 發 善 知 ,尤爲善發 書 知 獨 諸 有 無 洩 1,大抵 絶 之旨適 時,見本來面 此 惡 敢言之。 上 已 不作 此真 可 根法? 盡, 知 不 相 有無善惡註 也。 師 離 顏子、明 即 刺謬乎?◆ 甚矣! 藴 惟 良 言及 古之言道 目 ,乃知當日定本之言 知 佛 者 氏 無字,已 道所不 王 近 其敢言之也。 則 脚 先 是。 錢 日 : 語 者 生 先 至 敢 四 成 墮 子 生 言, 不 剩 無之説 學 獨 嘗 性 ·思善 語,云 人 喜 有 而 善 以 其 乃 王 Ŧ.

<sup>●「</sup>謂」,全書本作「虚心諷詠間,果無師門定本之言」。

解? 而予以爲此非子之言,而王先生之言也」。 是果信以爲然矣乎」,全書本作「錢先生當於何處作

<sup>8</sup> 容説也」十 盡」下, 全 書 本 有 過 此 以 往 所 謂 人生 而 静 以 E 不

言也」十五字。 「乎」下,全書本有「予故曰:此非子之言,而王先生之

嘗謂 聖人 賢 亦 人之言也 之言 王 時 先 權 生 也 論 , 日 而 此 爲 : 凡 未 聖人 可 可 謂 爲 遽 闡 天 愚夫 泉斷 以 道 概 妙 愚 案。 先 發 婦立 生 性 也。 法 真 者 者 先 肾 生

之言 某接 達。 哉 自先 不 示予 友人 言,而子之言也 而 盡 王金 子曰 亦可 生始 之者,其惟 夫不 下 于是,而 先 其下 生 根,殆爲吾 有 離 如 也 爲 : 裔 愚 而 善學 乃所 教法 摘 何 孫 夫 集 良 其 儉 集 愚 生 學者 也 知 以 則 尤 乎 生 儕 婦 與 乎 已備 爲 粹 ! 曰 : 而設。」予 金 而 上 欲 ! 能讀先生遺 者若 直證道 如 也,故 是。 求 此 陽 獨 干 「先生之學 非直錢先生之 子不云乎,錢 明子之教,必 條 能 日 真, 曰:「有 闡 下 爲《 書, 揚先 徹 學 要 因 上 而 雏 語 生 是 下 上 與

#### 河漕綱目序

計 北,而 外 治 論 棄 汴 大至,諸守 城守 城 城 河。 無 城中 崇禎壬午冬, 無 居民之淹者 奏 功行 而 口 績 決 土官 爲 人拒 期, 賞 口 計 出 軍 稍引 幸 于 濠 汴, 是 漕 以 遂奉藩 河 而 萬 決 天子 守 事 左右 河 計 汴 者 不 流 大發 梁。 城遂 前 封眷屬 廢, 灌 且 濠,寇乘之,水 後 金錢 先是 或 陷 幾 攬 家 費 流流 暫 鉅 當宁 舟 載 遣 免 濟 寇 萬 重 意 萬 臣 猶 韋 河 欲

予言 唐 津 達 宋、 入海 衛 河 時 漸 子 者 而 衛 待 逼而 南 也 河 罪 即 大 歸 南 漢 古 以  $\mathbb{H}$ 時 與 黄 其 淮 首 從 河 暇 吾 合。 決 故 考 倩 瓠 求 道 蓋 王 子 流 故 紫 九 牒。 勢 東 河 眉 北 南 既 出 紫 徙, 湮 天 眉 自 阡 津 歷 天 爲

虞,故 資 間 要 其 衛 陌 便: 黄 以 稍 益 者之弗 有 兀 河 最 之遺 (参考,合之述 有 也 一,稱 示 河 利 廢 行之者 窺古今升降之運 事 紅館引 子 失其 著 河 溝 縣 叢 關 復黄 河 子, 開 遡 可 云 南 官歲 説 洫 河 放道 一,而 及 漕 愈 自 徙 之政 》,專採 事 會 聞 河 事 也。 堯 綱 頃 者 歲治 通 河害至今不 覩 故 僅 江 然亦 目 時 之, 海 渠 泯 書 河 道 良 ×, 漢賈 九 運 或 遡 ,使水不受地 河、治 紫 轉漕 完 才言, 關 有 言 爲 年 洛 者,卓然成一家言 朝 源 眉 弱 漕 讓 河 之役, 迄于 地 而 諸名公之所撰述, 于 輝 漕 南 歸 又言 漕 患 疏 思 軸 息 宜 四 縣 事 北 越, 無 之全 治 禹 瀆 通 而 且. 者 漕 虚 功 河 嘉 者 輒 河 遂 止 爲 以 亦 志 日 氣 靖 甚 有 干 著 泗 皇 至此。 知 書 策 間 資 明 大 衛 後 河 州 明 時 以 興 于 卒 有 又 務 渠 祖 壯 有 勳 世 而 河 集 京 未 作 間 之 大 陵 以 廟 踵 而 卿 河

> 之道, 堪 井 遡 師 洫 鑿 Ш 所 輿 田 流 形 事 功 家言 尤 制 勝 而 謂 雖 而 詳 上 , 以 神 水 徒 開 兩 兩 由 禹 欲 便 粒 利 Ш 弗 地 與 漕 食 之中必有水 以 中行 能 澤 之 備 流 源。 緩 由 其 者 争 急 後 會 也。 而 ; 通 周 旦之命 綰 兩 恭 治 言 爲 肅 水 水 由 申 溝 公用 者 之中 其 淮 洫 以 不 達 説 · 略 言 施 順 必 衛 據 溝 水 有 從 疏

流 南 可 分水,高 有 十 徙 天 四 意 之 潰 餘 予嘗往 丈。 惜 河 可 亦 所 + 前 胡 來南 必 則 ·餘丈; 人 可 由 汶、 智不 得? 之道 北 濟 答 及此。 南 之間 一,水既 故昔 自 諏 徐 所 人謂 正 若運 及, 逆行 沛 岱 至 北 張 分水 岳 道 秋 欲 自 一之脊 所資 之決 其 臨 不 亦 清 南 殆 横 高 至 而

<sup>● 「</sup>日」下,全書本有「幾半天下之物力以供事而不足

智 草 任 遂 其 爲 有 亦 天 旺 莽臣 既 下 禍 亦 循 快 諸 ? 事 熟 者也 河  $\equiv$ 湖 本 此 何 而 大 當 陰 計 講 以 苟 真 以 患 原 手 時 量 非 所 蚤 水 前 額 並 蓄 武 謂 聖天子 定 以 利 之間 以 作 歲 洩 引 九 廟 屯 俟 大 長 狼 頗 謨 年 田 爲 Ш 行 司 兵 足 ? 期 諸 之決,可 農 以 所 萬 任 歲 務 則 治 漕 無 世 日 見 移 斯 持 事 奏 艘 内 之施 數 編 ·, 追 平 籌 寇 謂 而 其 + 成 軍 踪 行矣。 殷 未 必 左 萬 國之 豊 神 鑒。 引 有 驗 金 異 禹 不 河 己。 需 錢, 之 將 今 人 中 之

### 禮經考次序

贋 殘 不 講 缺 混 雜 尤 秦 至 甚 火之餘 種 種 戴 錯 周 所 禮 簡 傳 經 尤 諸 半 記 難 儀 出 本 位置。 禮 灰 苦古 不 燼 出 今異 後人 而 自 宜 以 禮 並 小 戴 置 之 真

> 禮 傳 諸 蔚 葺 異 具。 法, 而《 不 所 文 而 大 (禮)|較 禮 爲《三 家 無 通 同 篇 謂 起 戴 頗 合之,以 纂言 》之淪 乃始 遂 其 解》之 已 彝 牽合附 近 而 同 參 爲 朱 而 鼎 古 不 擲 論 表 也 禮 千 又革 子 録 割 ,實三《禮》之冠冕; 莫 通 編 竟 章 獨 考 會 古 頗 可 裂 行 歸 以 無 亦 立 疑 註 之 爲 惜 與 尤 周 于 魯 儀 于 以 非 學 案 完 疑 > 甚 原 也。 世 禮 得 及《 禮 見 宫 通 矣 整 旨 之」,端  $\sim$  $\forall$ 先 論 于是元 無 顧 禮 至 宋 傳 不 惟《 爲 欲 王 補 也 猶 無 晩 儒 記 之 周 治 朱 苦 以 戴 年 至 小 朱 纂言》 公身 在 **^** 子 天 記》不 儒 于二 戴 異 《曾子》十 夏 始 今, 子 于 下 之 萬 吴 有《 小 記 斯 致 慨 之大 草 書 然 而 等 正 無 > 儀 然 乏 爲 太 讀 欲 廬 概 書 遺 0 禮 平 悼 時 之 經 丹 者 遂 氏 而 篇 憾 言 之 傳 大 書 復 終 經 有 與 廢

宗周蚤年發憤讀書,嘗次第六經之業,

孔子 學周 禮 後 之口 書 百 子 抱 顧 爲 重 説、妄事 禮 孔 》, 致 世 問 欲 學 也 加考訂 疴 篇及《學記 戴 在是矣!」《儀 而 禮 子 既 而後定。❶ 家園 學 遂 校 記 子 以 幸 蓋 及夏、殷之禮,進退古今垂 太平之書 進 全 盡 乃 偶 編 附 先 而 而 書 ,會門人餘 輒 取 摩 往 恍 出 傳《儀 會 有《家語》一書,頗存源 王之禮 不 孔 旋 ^ 復 然 》、《小學》諸 而 其説,2而 能 通 子之言而 惜 數 有 所 亦 ; 章 解 禮 也微言大 禮》 四。 會 遺 罷 至周 而 句 × 》, 弗 杭 于 于《 ~ 廢 《考註》等 鮑 者, 禮 心 已 大 雅言之教 大備 濱 私之,又 可 戴 記》者, 乃 記,合之《大學》, 間 周 而 因 得 以 義 記 喟 有 嘗表章《曾子》 公所 猶 取 讀 也 薄 然 慨 者已少矣。 禮之暇,顧 書以 必 蝕 憲 孔 時 于 幾 而 以 委,以 戴 今年 於 折 子 朱 時 萬 不 嘆 佐 質 傳 記 衷 世 所 子 假 與 日 夏, 周 之 于 者 于 之 托 以 異

> 戴 以 麻 氏 之説 枲敗 絮 也 如 珠 玉 之混 泥 沙 而 文 繡

其 進 言 爲 者正之,訛 從其類,先後次第 考次》云。 在 而 録 昔也 十四四 斯 宗周 與《易》、《詩》、《書》、《春秋 爲 乎 正 戴氏 因 卷 者衍之, 經 稍 大都孔子之言禮 因尊之曰 前 卷 稍 一家言,今盡取 若 其後 取 頗 干 間 而 存條貫。 篇, 有 詮 乃 禮經,而 缺 附 次之,合大 每 者, 以記者之説, 篇 也 而 表 以《家語》 僭 並 又于其間 還 章 急 附 垂不朽 之孔 于 孔子 小 其 本 義 戴 錯 補 而 録

0 之時,乘殷之輅 周之道 定 從 周, 下, 爲 不勝 全 則日 書 儀 禮 其 本 服 外弊。 有 子善殷,又曰 》作 故其 注脚乎」八 周之冕,樂 至 他日 居 以之告顔 恒 虞夏之道 + 則 與門 韶 字。 舞 弟 子,亦 子 ,寡怨於民; 言, 孔 日 氏門 則 殷 日

❷ 「附會其説」,全書本作「見瑕,至或淪而爲黄老,降而

不載。 愚,以 惑」,非吾夫子,其 緩 而 禮 不 于 無 · 悖 末, 能 故 俟 質鬼 中 爲 後 可 先 庸 役,姑 以 其 之君子云。 神 近 範 所 而 者 韋 稱 因 孰 無 小 「考三王 卒業之後, 疑 與 者 2, 百世 于 禮 《樂記》 斯 而 而 後 亦 以 不 及 附 宗周 可 俟 别 謬 乎 陳 聖 以 有 遠 愧 建 羽 人 録, 得 者 于 而 天 翼 兹 之 前 地 大 不

## 史雁峰詩集序

之中 審矣。 其 義 言,往往 之正 言 而 而 《詩》教之亡也 非 終 時 發于嗟咨咏 如 古人之所 有 無 三百篇 有 尚 餘 之病 不 尚 所 盡 嘆 漢、魏 也, 陳,至今讀 之意,寄之引 以 則 寄其 至 學 于 之 以 情 不 降 不 得 率 貴 其 而 務 物 辭 有 11 爲 連 如 平 而 言 俳 禮 類 見 有 也

之世 質 律 爲 爲 中 之意,有 稿 論 名 懷 有言之趣者。 會,真能 面 優 因 而 觀 學屢 之弊 而 若 知詩 士林祭酒,其季即子復, 莫 相 不必以 而 雖 而 一,爲 察 不俚 Ŧ 知 説 不 留 時 矣,一 篇 公,三 傷 乎? 固 止 留 名諫 溢 温 心 而 有 示予 循 于 淡淡 也 不 不 經 其 厚 激 不易言者。 良 盡之意于無言之中 議 日出 傳 子 又 顧 濟 無 和 而 皆 課, 而公乃一 奚暇 其 之 而 真 性 吾 言 平. 有 學 近 心之所安,至于誣 不 雅 能 之風 其曾 友 之 不 致,慕古而不失之誇,感 體 必以 問 子 趣 而 志 留 解 也 其 者 虚 林 不 大 説 亦 家 傳 諫 雕 父 壑 盡 詩 塾 不 與之競爽。 而 以 爲 再 顯, 櫛 屑 大 雁 而 之意于有言 師 能 學 州 讀之,轉 字 而 爲 遂 峰 屑 不 史子 不 刺 ·, 而 術 間 句 公所 于 必 進 失 良 公, 從 鳴 以 復 時 功 古 而 協 善 人學 遺 公之 再傳 名 肥 千石 與予 溢 論 見 作 比 行 世 之 豚 之 其 其 者 私

然,而 盡 不 子復因以 口 盡 測 知 公, 之 況于 意 嗚 轉 遺稿請序,予爲率意書之,愧 呼 且 無所容吾言矣。 人 愈 乎 傳 不 愈 盡 遠 況 之 愈 爲 于 大, 君 道 也 子 而 天 之言 公于 地 學乎 是 萬 不能 物 愈 Ħ. 不

# 明儒四先生語録序

之知 其所 之説 也。 進之爲白沙先生、敬齋先生、敬軒先生 有 | 明 越 纂《四 道者不止四 宗周 儒 家傳而 代斯、 日 心訣》云。 越人之言道者 東越 ,括松嬰中毛子 先生語 文之的 户誦之, 圖 先 士 録》示予,由 故 皇 生 也,生 明 海 而 雖宗 無 啓 内皆 來 兀 如 運 于 先 司 周 世 陽 越,長于越 生首 盛 訓 亦 陽 明 教 吾 稱之,獨越 竊 明 先 祀宫 休 會 先生 聞 生 明 稽 其 良 一,題 牆 士 出 概 而 知 知

> 旨焉。 人私陽明先生。予乃今得讀四先生纂言

> > 而

之心 即 歸之慎 揆 可。 自然,王先生謂之良知,一也。 西夷不相 由 之,發薛先生以來 聖之説,漸 生謂之性與天,胡先生謂 窺性天之妙; 群言之統 户 也。 四先生之心 也。 而 學者 也, 薛先生布帛菽 已矣。 道之不 獨 及, 蓋 由 會 啓良 者心也,道之所以 嘗 陳 四 乎 而孟子斷之曰「先聖後聖,其 明 以 胡先生推本 先 先 求吾之心 論之,舜、文上下千載, 知之宗; 也 求 生 生 雖 未發之藴 《粟·不道 一自然 ,智者過之,愚者不及。 四先 而達 謂 四 以求 于孔 爲宗, 生之言 之獨 而王 離日用 先 ·其旨 生前 ,洋洋乎,一時 孟 四先生之心, 爲 先 頗 善學者亦求 陳先 無往 是人 踐履, 道 更 無古 生遂 循 也 加 生謂 無 薛 謹 而不 又 室 暢言 欲 而 嚴 先 亦 直 東 而 作

梓,而 之道 求之心 也。 守、進之踐 而 卑之滯 誠 己 纂言之意,其在是 ,一爲要」,必也 ,而攻取之途百 先生之言 自愧 問 而 于 序于予,乃爲推本其 已矣。 形 吾 履,乃徐 器 越 而 皆過 人之沾沾矣。 雖然,求心 求 所 而 以 出 不 謂 幾自 乎 良 故濂 及 道 知 之 然 爲 高 毛子 見 有 意 溪 端 之蕩 斯 道 如 也。 亦 以 可 此 而 日 于玄虚 與 善 原 進 學聖 心 1學者 言 之 今而 稿 持 付

## 古學經序❶

學; 謂 州 子及公、卿、大夫、元士之適子,如 有 大學也。 或 序,國 記 學,天子  $\approx$ 有 天子、諸 學。」 「古之教者, 日 自 辟 侯 席、序 雍 亦皆設 諸 家有 而 侯 日 下,皆謂 小 塾,黨 ,學,以 泮 宫, 庠、序 有 之小 即 教 庠 世 所 ;

> 平, 後學禮 焉 表 行 王 傅 以 以聖人之德作之君師,嘉 日 誦 履 至 立教 者。 與門 衰 小節 俗 詩 。」《内則》 》篇 入大學, 息 美,太和 獨 舞 舞 焉 之方如 其 弟子修 ,于是孔 所 勺。 訓 以 大夏, 則 「古者年 束髪 曰:「十年學書計。 訓 大 在 凡 成 明 此 學 小 成 民 子 童 而 惇 其説,時 其 學 秉 之論 周 也 舞 就 八 備 孝弟,博學 無 素 者 象,學 歲 大學,學大藝、履大節 自 也。 王之權 數 秀 明 出 格 世。 與天下,士大夫化 文, 而 有出 就 當是時,上 射、 致 升 外 及 降 者 誠 以 于 無 御。 舍,學小 觀 十三學樂 及後 齿 師 正 先 方。 道 焉。 曲 推 既 王 裔,浸 自任 之治 一之意 冠 焉 蓋 禮 藝 《保 先 以

<sup>「</sup>經」,全書本作「記」。

亦前此所未聞也」二十字。 「平」下,全書本有「蔽天子以下明明德於天下之道

切于門人小子乎? 少儀 **>**′< 内 則 × ^ 玉 藻 諸 篇 所 載 抑 何 獨

微,有 及。 篇 附 大 庸》,頗得古人立教之意矣。❷ 宗周不敏, 之以《少儀》及《曲禮》,而終之以《大學》《 著《小學》,補遺 則《曲禮》、《少儀》者是,而朱子 小學 《大學》、《中庸》,配《論》、《孟》爲四 章失 反 類,先之以《學制》,次之以《弟 首《曲 而 以《王制 推 覆三《禮》之體 至他日著《儀禮 惟 ×, 老 明 次,文義 是《戴記》一書,雜出秦火之後,不 而 師 朱 禮》,次《少 》,凡五 非 宿 子 古文《小學》也 儒 前 混 經之缺,分門 所 後 篇,爲小學全書; 淆。 不 異 知學禮 經傳 儀》、《内 能 同之説 宋儒 究 通解 者 不 朱子 則 特 别 與 則 **\***, 古 固 **≫**′ 類 乃始 諸 立 子 立 亦 文《小學》 有 書, 經 朱 引 訓 職 有 所 乃 玉 進之 子 學 未 藻 類 喻 表 學 而 間 中 禮 暇 免 之 精 次 復 章

> 禮 記 然則《 以 也 之傳益信。聲《學》、《庸》配《論》、《孟》,若外 之曰《古學經》; 爲《學記》上篇,原《記》爲《學記》下 然; ; 大學,而以《文王 經傳之説矣,出之數篇 《易》、《詩》、《書》、《禮》、《春秋》,則《大 戴 推之《爾雅》、《孝經》,則《小學》之翼 記 **>** 可 廢 序十三經首,尊 乎? 世子》合《大 曰 : 而 朱子 其 戴 爲《儀 古 其 保 道 有 總名 傅 禮 也 儀

中》,亦費解」十六字。

4

2

<sup>「</sup>矣」上,全書本有「疑其已悟舊篇之贅,并表章《大》、視大學之道,猶其滯於小者耳」二十五字。「乎」下,全書本有「雖其間大小藝節無所不舉,而以

<sup>「</sup>經」、全書本作「禮」。

禮 首曲 曲 學 上篇; 》,爲小學下篇; 禮》等篇還《戴記》,存三《禮》之舊也 記 禮 》終焉 」至「傳益信」,全書 乃進之以大學,而以《文王世子》錯簡合 總名之曰《古學記》; 次《文王世子 本作「首《少儀》,多以《曲 》及《保傅》節要,爲 序 經首

至散 學》之翼 而 無 也 統 雜 至 是,古. 而 無 序 人典 道 術 籍 庶 皆 歸 有 于 原 委, 乎 不

支離 其 德,吾不 浸淫 時 學之方,又失之凌躐扞格,而終不 異 以 而 百 而 貫之説 之教,約禮即大學之教,下學上達即大小 禮 非 大意于簡首如 物之有 E 存之,庶幾 于後之異端 大學, ,復失之小 佛、老、既失之大 曲 」,又曰「下學 昔孔門 也。 知于古 小 時 而 而特其與年俱 故君子之學,無 而 之論學 有 大,如堂室之有序而 不 曲 而 人立教之意 瘳 此 可强,●此孔門之學所以 説 寡要; 而上 乎 也, 也。 1 而 達」,夫博文即 日 無 大 至于 後之學者,語 進之候 「博學于文,約 統 于手抄 何 時 語 進爲 如 非 ? 小 ,則必自 小 可幾于 之暇 之序、 學,亦 不 得是 則 可 轉 大 小 躐 述 成 斆 之 編 則 絶 學 下 無

## 古小學集序❷

赴的 首學 學 物 推 進 學,且進 六藝,示 日 學古人之學 土 教 廣 而 的,示 之, 請 稍 或 萬 而 事 制 止 集、欲求 民 所習 之日 輯 于子。 皆社學 也 所 爲《 首 本 也 古小學,祀 云爾 《周 六 集記 也 ;終之以 所 予乃取 德 也, 禮》, ; 謂 次 古人之學,而 日 以 而 躬行,示 大司 智、 和 日 示 行 以 聖 學 靖子立教之意 于 和 鼎 徒 統 者 吾 靖 新之 之職 望 聖、 所 鄉, 尹 凡 重 的 不 役 先 義 以 獨 九 也 得 既 生, 而 鄉三 稱 卷 竣, 趨 也 蓋 次 小 而

② 「集」下,全書本有「記」字。

<sup>■ 「</sup>百物之有時而不可强」,全書本作「其要歸之循循善

法 爲 不 限 于 和 王 黨 或 高 年 繫德行之科及身通六藝者,不得 四 次 弟子,古人之學其大旨居可見矣。 而 、庠、州 有虎門之教,鄉 [科之設、博約之旨,率本諸 禮 六六行 升 、樂、射、御、 諸 大學云。 、序,爲 日 孝、友、睦、 小學 大夫 書、數。 其後孔門遂 之法 取 婣、 而 物 鄉 任 布 仍令 物 之鄉 此 取 卹 云 稱 以 下 儒 其 爲 土 次 術 時 教 子

用 爲 以 其 之爲藝文,莫非 也 節 一、仁所 心 也。 心之爲 而 貫 文此 以 夫聖人之道,聖人之心爲之也。 功 學術 前 稽 以體 不 也。 德 行 馴 失 之壞 之 至于聖 此 而 聖 六經 徑 心 理 也 其 也,士不知 躐 也。 ,義 無 通 人之域 德 間 明 所 此 是故君子之于學 于 也,行之 者 以 所 㬎 也,智 常世 强 心 以 微 此 小 ; 而 學、 爲 也 所 即 收 卑者 中中 德 大 以 成 物 、學通 學 溷之 才之 和 知 以 也, 得 此 求 所

> 亡羊 梯 是 業 相 女而 以 聖人之心,而姑言小子之心,小子之心得 于下學立心之說,或 掃 之于小 以 而 而 自 傲 聲 己。 編 進 就 聖人之心 口 以 其 退 外 利 循 補 也 命 學者 聲 詞 牢 之業,寧 聞 也 0 寡 爲 高 章 未 者 利之習與 倀 者蕩 陋 老 爲 遂 亦 素乎? 倀 憮 相 之裁 師 書 晚 無所 可 然 糾 不 之以 宿 之簡 也 次 日 以 倒 誠 學 ,君子亦卜之心 適 第 異 : 當是 訓 行 庶幾焉。 虚 從 吾 端 無當 而 詁 而 而 無 求 曲 中 時 則 以 乃 逆 實 于 學 也 僅 知 居 施 進 而 茫 古人 而 相 古 恒 則 蓋吾不能 乎? 托 欲 無 止 矜 自 使 人之學 尹 于大學之 萬 所 以記 而 子 退 豈 飲 得, 己 雖 其 非 食 矣 誦 然 男 階 而 洒 失 滴

■ 「居」上,全書本有「生於其心,作於其行,作於其行,

## 學的小序

若 譬之 後 其 生其 筮 誠 古之言敬者莫詳于程門, 幼 Ħ. 學始。 敬 也 欲 以 日 干條,并其淵源所自 學 自 嫡 之爲養正 交于神明之道 言學所以學 童蒙求我」,貴 先 射 幼 系 生其 故《易》稱: 學 ,必先設侯以 也,祀之下庠,允爲 爲 一、敬則 小學之正鵠 人、學爲聖 爲 人,學爲聖人, 也,敬 誠 誠 「蒙以 誠 ,以示訓 也 祈 ; 中, 人,必 之至 而 則 又曰「 與 養 心聖,故 高弟子 萬 操弓、挾 正 也 世 自 爰述 聖 師 而 初筮告」, 先 曰 和 養 功 其 1聖功。 生始。 語 矢 學者 靖先 以 也 功 録 其 誠 自

## 躬行小序

自卑。」 備 生之没 也; 倫 代庠、序、學、校之教,故 道 夫行亦何窮? 天下之大、古今之遠,亦 子嘉言善行之意,斷 人大學, *Ŧ*i. 君子之道,譬 達 録 也。」庠以養、養此者也; 生,乃授之以行,大者在 序 之 道 學以敬爲入門,立天下之大本,本 以 是 以 而 故學以 射,射 爲 祭于社者,則其 也。 景行資。 其説 如行遠 要不離 此 明 倫 者 昉 自 也。 必 荷 必 于虞廷, 乃 鄉 自 自 其 惟 曰 : 躬 人之賢者若而 儀 庠 古之人繇 猶 邇,譬如 所 五. 校以教,教 者 序 表 「皆所 存 取 品之遜 近 也。 而 始 乎見 是,故 法 通 焉 登 爰 小 以 行 而 少, 可 高 彷 所 鄉 學 此 明 于 立 己。 則 朱 者 謂 必 先 . 而 而

## 禮學小序

者宜 之地 事 者,約爲一篇如下。 Ŧi. 威 Ŧī. 日 三千之文,未 邦 賓 經,爲行禮之本,有經緯之義焉。 儀言動之常、出 日 《禮,以》 子云: 嘉 國之鬼神祗 從《曲禮》而 也 禮 《周 以 親邦國 示不 親 禮 能盡 學 萬 》,禮 入,即子所謂 民 入起居之節,又所以 禮 ; 二 曰 述,今姑取其 四 有 無 而 日 X 五 以 其 軍 禮 經 立。 曲 禮 以以 以以 執禮者 而 哀 禮 日 殺者 切于小子 同邦 邦 吉禮 者 故學禮 或 躬 也, 分紀 見 國 一; 三 但 以 于 行

## 學樂小序

禮、樂非二事也、凡禮之登降上下、節

措之一 舉,以 德象 不可 之意 文度 聲容器數,有不足言者矣。 惡 志焉,志立而學半,學斯樂矣,樂則生,生 志、歌永言 樂于今不復作矣,并其聲容器數 成童舞象,二十而冠,舞大夏」是也。 廢、《内則》曰:「年十三學樂, 元聲之在 可已,而 數之間 斯 功,莫盛于六代之樂。 以將之,是即 教胄 身之近 須去身。」若推而大之,自古王 人者萬 所謂 ,聲依永,律和聲。」學者 子及學士,而尤爲 雖 摩 若 聲 古一日。 非 出 所 氣 于 九變九 謂 之元 至 樂也。 嚴 隱 《書》 成之形容,區 故 然 而 故 在是。 誦 小學之所 典 莫 曰 而亡之,獨 티 : 樂之 詩,舞勺, 不 「詩言 姑 有 然古 職 務 者 禮樂 舉 和 則 不 求 昭 品 皆 而

射學小序

禮 射; 也。 射。 射, 主 賓 息之射。 射,或諸 射 教 蓋 射 也 鄉 五. 燕 儀 州 爲賓 爲 之 射 州 禮 射 侯 長 士無 必 大 時 爲 儀 特 相 春 一于序 射,天 射, 鄉 禮》具載 朝 天 鄉 秋 大 有 諸 而 子、諸 州 故 大 射 以 主 與 子、 夫 侯 者 禮 皮 而 (之射; 日 來朝 之 或 有 鄉 會 序 諸 其 侯 射 賓 在 屬 民 文頗 者 侯 及 射、 焉 而 也  $\equiv$ 射 天子 將 卿 而 己。 爲 燕 近 也 祭 不 射 大 而 煩 此 射 燕 0 改 仍 人 于 夫 燕 射 擇 禮 謹 其 謂 州 而 庶 小 射 禮 序 與 士 射 學 之 節 即 爲 人 之 之 之 之 鄉 略 故 鄉 無 燕 有

## 御學小序

徐之節 然 學 式 擊 者 節 以 旃 應 周 射 御 者 ; 則 舞 旋之節; 爲 以 續 之, Ŧi. 法 節 辱 童 不 爲 周 在 日 ; 門 得 雖 爲 而 人 爲 禮 衡 逐 習之, 裘 存 折 賤 驅 W  $\equiv$ 日 禽 升 旋 Ŧī. 行 逐 纏質 而 君 日 逐 左 之節 御 車 之 御 又 少 表 舞 水 謂 之 川 節 學 南 以 事 曲 即 交 法 馬 逐 已 北 爲 長 衢 謂 褐 四 動 禽 異 法 槸 不 纏 E 謂 獸 車 而 賤 宜 傳 如 旃 間 過 隨 和 日 者 車 事 是 于 舟 也 容 鳴 使 君 鸞 在 水 貴 其 後 車 表 勢 和 左, 握 相 高 爲 必必 世。 備 異 驅 鸞 應 道 屈 作 謂 當 也 用,言 繇 習之 而 曲 止 其 爲 褐 和 之。 之 爲 故 君 纏 旋 在 疾

如

下。

乎? 者,胡 大抵 以黄 于用 儒 長 有 引 益 御 子 重 武 罕 于 車 帝 皆御 帥 言 制馬政之説 備 也 致遠之具,亦 南 今略載《禮》家諸 可 元況 不 師 御 方之澤國,是 焉 不 第,弟子 事 廢 五. 講 也 車戰之利 士 御 《易 求 不 而 輿師。」所謂 有素 ,使學者有 則君 言 **>** 并置 終之以 曰 御 操 ,中古頗矜騎射之能 : 子之有志于當世 御説 而 不講。 章 而 于御 田 甫 逐禽左,文事之中 于 所考焉。 于前 有 民 而 逐 甚矣! 適 學 禽 生 禽 而 越 利 左也。 日 也 用 加 附 執 之 一之務 其 故 所 以 言。 是 近 意 疎 需 士

## 書學小序

書 注,六假借是也。 象形 内 則 • **\***: 指 十年 事,三 六書爲創立文字之祖 學 會 書 意 計 , 四 書 諧聲, 則古 五. 之 學 轉

> 集其大 外諸 不先 《大學》以求其端,參之《論》、《孟》以肆其説 矣。 别 禮樂,冬夏教以詩書。」學者既習六書,豈 者 衷諸聖」,又曰「多岐亡羊」,學者審諸 進之《中 可以不放矣。又以暇及古今,諸史惟 經以要其至,則窮理之法隨 在 四 無 誠 愚謂讀 子 事詩 六 不 百家未 成 書 可 庸》以約其旨,而後乃旁通 而删 稱 不 可 書之理? 書必 考。 童 史中之經,經世之道具焉。 述大業乃在 必 而 先折 盡 習之。 太學之教 規于道,語 衷于孔氏,孔門之 詩 書 而 六經。 一而 離 在裕 日 外, 古人文字,亦 曰 春 如,而心 學者本之 可 群言淆 曲 以 秋教 《綱 暢 教 類 于六 目 此 有 推 以 盡 愛し

## 數學小序

數學肇于黄帝之臣隸首,與曆律一時

四九

爲 範 故 坤 也 館 並 베 周 0 洪濛 天 縱 九 博 韋 或 不言 作 陳《 禮 横 幾 唐 九之技 天 士之法,頗 法 地 佐 既 乎 數 範 保 時 地 K 之大 書 判 爾 息 猶 之  $\approx$ 氏 爲 契 理 首 乎 前 皆倚 設 用 立 而 萬 以 也 亦 算 數 卑 洩 代 爲 事 人事 不 學 則 學 數 而 之。 苞 近古。 萬 結 立 博 學 以 可 而 中 符 化 繩 不 士 者當務 教 立 以 廢 理 傳 彰 數 後 督 或 河 知 雖 不 之後 往 數 子 課 圖 盡 世 盈 立 聖 之急 察 即 是 徑 試 天 況 世 人 顯《易》,《 來 數 理 舉,一 置 地 亦 爲 其 之 也 不 不 遂 間 豊 無 他 ),言理 行 權 講 有 藝之 如 徒 以 乎 輿。 數 九 洛 乾 ? 以 握 效

聖統小序

事 糸 ノ、戸

學者從

事于六藝之途,優

游

而

進之,

德

之道 放 希 聖 之爲 已矣。 階 者 也 窮 人 心 有 而 日 之説 喜 賢 爲 宋 之 級 聖 崇 寧 源 信 ,聖學始終之要。」若 言 賢 幸,學者誠 相 君 漸 心 以 也 業 遞 非 小子 然 皆孔 及 即 傳,若合符 頓 希 臯 有 日 而 必言漸 我 降及 聖 謂 悟 聖 進 加 廣 陶、伊、 明 此 吾 人 于 聖 之,殆 謂 孟 諸 心 後 存 敬 繇 此 之 即 者 希 日 即 世 存 諸 節 儒 心 的的 周 聖人 心即 亦 天。」言 而 聖 庶 之 此 儒 輩 載 之爲 斯 傳 爲 幾 人 心 小 聖,不 以求聖 出 堯、舜、禹、湯、文、武 理之外也 道 亦 也 聖人 在《詩 乎 之 子 則 學 相 學 不 此 ! 之學 心 不 昔 焉 絶 敬 不 以 假 孔 可 則 **>**∕ 人之道, 語 人 漸 如 難 而 云 修 門之爲 亦亦 可 有之: 故 故 書 以 達 不 綫 爾 爲 日 與 謂 私 謬 也 日 夫 遡 -其 乎 吾 更 淑 天 可 敬 聖 考 無 啓 敬 頓 己 後 流 諸 本 人 而

#### 劉 蕺 Ш 先 生集卷十七

序下

次進 首政本 説 意 E 或 ,著《學通》 而 病 以 入官 1,即學記 極其 書, 0凡 小學記》以 之體 即 用 , 至,得古人全體大用 次問 也 政 乎?二 也; 分四 子 官 聞 示學者有 終之以 因復 編 即 之 ,編若干卷。 以 唯 本 官學也; 王道, 唯 小學 既 日 矣, 即 之 之 而

> 之謂體 學乎? 學之大 乎 之的 可以 在删 者而 以 託 辨于孔子,其 藏 也 應對之節 ! (諸用。)又曰: 切 類 南 自其 哼 典 折 述 觀之,無體 面 而 然 章 成 用 推 之權二百四十有二年,載 衷于斯文矣。 則 如 小者而觀之, 盈 上 後 也。 ,而其大者即以之進退百 人物,盡收之學問之中,歸 是 也 天 原, 之君 編 小者日 溯唐虞,下述近 地 然則 如 顯 「小德 非用 間 也,曷不遂系之大學? 子有 有 微 治 崩 與二三子修 無間 爰 也。 道 天下 無 志 川 我, 也 用 于當 本 流 故 或 執此以往 非 扎 盈 古之言學者 大德 家 曰:「顯諸仁, 體 世 代,舉宇宙間 門論政之説 天 又 也 之務者, 在 洒 地 敦 何 ; 遺言, 王,且 間 殆 之 掃 化 自 以 其 庶幾 素 進 加 吾 莫 此 學 亦 定 自 大 詪 于

學 通」,全書本作「古小學通

劉

蕺

山先生

集卷十七

者耳 也 懼 其 命之日 有 吾志 侈 心 吾學也 焉 通 記 因 吾之 一、又以 亦 小 E 訓吾門 以 而 其 小之,雖 小 人小子云。 者通其 大, 大 小

## 政本小序

嗟乎 辨 爲本 教 事 後 王 政 之爲 道 益 ',若 者,正 明 ,其要只 而 而 古 西 仍 不 莫備 山《 章句 于 己。 之 訛 能 君 天 也。」又曰 王 衍 襲 以 于《大學》 程 子,言 下, 者 在 而 舛 義 相 子 吾 降 于 通 曲 離 而 曰 : 慎 惑焉 者 治日 學 誠 矣 解 獨 : 難 而 至 瓊 。」尤得《大學》之旨 正 有天 常 其 書,約言之,日 通 八目平 政 誠 之 Щ 少 身 在 意 功 德 于 ) 補 E 其 然後 且. 正 是《大學》之 義 分, 中, 日 爲 而 心 常 愈 世 各爲 天 本 可 故 多 離 主大 末 以 下 修 日 矣。 則 之 語 身 歸

> 發明。 説 亦諸 反 베 求 貫,庶 略 有當 焉。 儒 放《 言 雖 焉 使後之君子 述《政 千 條 衍 道者之 目 義》,附 古殘 犂 本》。 然 過 經 如 以 也 臨 于 故 古 · 焉 政 今傳 願 而 快 治者 日 義 紀 本 讀 大 知 相 次 曹 爲 通 所 第 表 魏 退 意 爲 章 石 之 其 實 而 經

## 問官小序

于 宏偉 殷禮 周 禮》云。 周。」周禮之大者莫過于《周官》,故 之,異同之跡,姑置 公未 斯 布 ,有宋存焉。 子曰 《易》 成之書 後人以爲 置 之精 一吾説 Ĕ 也 詳 神 故 故 周 吾學周 夏禮 誠 弗 而明之,存 公身致 論 非 與《 杞 周 禮 尚 不 公 而 太 ,今用之。 書》篇 之 第 足 平之書 乎其 聖 考 徵 其 不 也 小 亦 人。」 規 足 異 文 稱《 模之 吾 五 以 要要 則 周 從 學 與 

世可 不惟 亦萬 牆 立法,代有 周官》者近是,故曰:「其 抑 世治天下之金鏡矣。 知也。」後之君子,苟能學古 其 亦 迹, 仲尼之雅志也。 損 漸推之當世之故, 益,而 莫盛于 述《問 自漢迄今,建官 或 我 明,總之不 繼周者,雖 庶幾 官 而 師 免于 其意 百 離 面

## 人官小序

志 官、大夫以家爲官、士庶人以身爲官、亦 爲身,故又曰: 身之積 言其所有事 至于庶人,壹是皆以修身爲本。」天下者, 同,而所以事事 也。 語 也。 是故天子以天下爲官,諸侯 曰:「士先 士庶人以 也。 「儒者以天地萬 之道同,故 官 志 不 ,官先事。」事 同 身爲身,天子以天下 事 曰:「自天子 亦 不同。 物爲 固 一體。」 所 以 事 以 或 以 各 職 不 爲

> 安,不修則危,危身敗 此安身之説也。安之也者,修之也。 君子,其尚 體之身, 庶幾乎 各敬 爾 身,而 述《人官》。 官 無 1,殃及 白隕 天下。 其天 地 萬 有 修 物 官 則

## 王道小序

間乎 降也。 勝于 之治,自以爲 帝,三王之所以 焉。」函三才而一之者,王 迄于元季,紊亂 無本,蓋 五霸也 唐,而 ! 易曰:「有天道焉,有地道焉,有人道 漢興,撥亂世反之正,其在王、伯之 ,霸極而暴者,秦也。 亦僅與漢治等。趙宋家 晉、宋六朝無足言者。 王政之大亦未有設 親行仁政,然主德未修,推 王,皆是也。 極矣。 亂 道 極 也,堯舜之所以 此天地一大升 復 假之而 誠 唐太宗貞 治 法修 而 致行 乃 整,較 伯者 進 而 觀

終焉 于我 也。 君倡 之,此天理之所以 不 王, 亂, 其 明 之或臣 爰本夫子 惟 統 凡若干 我 不 明 能 和之,上夷之或下著之, 高 皆 删《 篇 皇 E 常存 帝 書》之意,取 而 備累 乎 不 ,而人心之所 閏 朝大法。 蓋 而 世 獨 春 不 是 秋 能 述《王道 王 或 以 以 常 道 降 野 不 治 者 迄 死 修 而

### 測史剩語序

是。 道 亦 或 每 不 魯 以 離 看 遺 史耳 吾 此 史, 昔 或 夫子 字, 謝 合 接 輒 上 引 逐 明 删 得 一蔡 而 博 行 道 失 自 述 學 仔 譏 經 霄 六 負 之士。 細 其 筆 該 壤,學之不 經 不 玩 博 削 以 物 每每 差一字, 遂 夫等一 教 喪 萬 對 爲 志 世 明 貴 萬 讀 道 乃大省 世不 徒 其後 至 史 舉 博 春 耳 ·史書 刊之 見明 也 秋 悟 而 如

> 與! 矣。 秋》。 行 《春秋》。」又曰:「 典,此 著作之林 星,懸諸 見 家侈言該 其道乃行 諸 事之深 夫學不尚志, 行 然則 《春秋》大義 之謂 事 象魏,故 博乎 鮮 于天 者 切 玩物 善 著 是, 不爲 讀 下 明 喪 史者 而 萬 後 「與其 也 伯 志 數 而 其 世,此 人 之説 子 欲 +, 深 遂 夫 所 網 托之空言 他 切 華 以 聖 譏 羅 亦 H 所 著 衮 者 爲 人 百 則 以 讀 明 之志,即 鈇 況後 代, 天子之事 日 爲 史 莫 鉞 不若 者 聖人之志 以 過 凛 世 自 之 吾 于 經 附 指 見 所 如 志 ^ 春 牛 謂 諸 于 南 在 H 而

數十 獨《史測 被 生 隆 服 席 其教, 歷 一、萬 年, 大江 靖 顧 剩語》若干篇,則 間 以 數奇 安、河 久之不衰。 西 稱 有 鉅 不 南, 馮 儒 遇 鳳 所 邦 晚 城 平 至 人 先 以 生 横 先生上下千秋 士 明 生 著 經 奉 一,學粹 經 講 述 爲 高 半 道 第 模 諸 付 而 試 楷 行 祝 生. 廣 託 融 成 文 垂:

卒以 敏 視 以 先 幸 必 以 轉 退 語 重 登 鹺 自見 家學顯 生 測先生之志,以 不肖,直 折衷于聖人,歸之經術 ,距今百年矣,遺本尚 之,遂刻之以廣其 廣文老,識 行 兩 朝宁,爲 -足窺 浙,謀 其 事 之實 志 于 先生 舉 朝 者 而措之耳。 國家陳大 重刻之,因乞言于予。 也。」 所學,姑用先生所 者 中 間 爲 曰 : 先 嘗 星 傳 讀史法。❸ 氏 生 出 此 計、 存。 附諸 遂 没, 示 而 經 先生志 稱名御史, 獻 靖 先 世 讀其 而 小品 生 安 可 其 2 人 一徒 替 以 後 書,①大義 尤 假令先 士 也 托 否 測 多 人 空言, 進 予不 史 相 見 争 而 賢 生 即 繼 道 日 珍

## 宜興堵氏家乘序

4

所著《居廬事狀》及《裒史》見遺,乃知仲緘今春,關使君堵子仲緘越江命使,以其

乎? 讀 《乘》,堵 行 宜興,秉 日: 有 爲業。 釋 褐 美 能 已 後 自通 又讀 哉 竟 耕者不廢讀,故多隱德, 追 耒 讀 ! 服 而 Ŧi. 其所 洋 居,固甚微 廬 公,當元 世 洋 墓 輯《家 道 乎 事 江 ! 河, 子 季 乘》二帙,作 世 也。 爲 步 復 德 之低 淮 有 其 備 渡 仲 後 矣。」 江 口 以 緘 遂 學行 其 以 著 泣 而 耕 籍 按 嘆 數

字。「書」下,全書本有「於古人公案,往往别具隻眼」十

- ≥ 「世」下,全書本有「有時起古人於九原,曰某事云何
- 敬乎? 而先生之志,逾行且遠矣」四十四字。 廢書而嘆。嗟乎! 殷鑒不遠,使君得無意於當世之 原書而嘆。嗟乎! 殷鑒不遠,使君得無意於當世之
- 之 遂 孫也者,而 得稱 凉,公卿不如 族者矣。 世 全書本 家 且 世 爲江 有 家豈在門第乎」八十五字。 輿隸, 有「其 爲是 南望 祖是孫繩繩不已 雖 有爲 有 百世 不 堵氏 徒恃門第爲誇 而 後, 祖 也 子孫 者 者。 斯斯 有 自 不 耀 有 爲 此 居 堵 堵 其 氏 氏

好,沖 能。 需 著 令德,以 公而後,❷若月 浸 浸 次 起矣。 選 讀 宇 至仲 者 公處 迄于 老 緘 不 乃 守 仲 約 + 過 其 )ii 緘,堵氏 能 世, 經 家 冗 公棄産 甘 不 教 員 始 獨 下 克 以 汲 之興 以 吏,高 養二 避 科 汲 孝 地 第 于 贵 義 人之志, 顯 榮 者 彌 聞 偶 利 擢 堵 敦 然乎? 諸 州 氏 自 或 代 之 父 縣 樂 進 之 業 耕 有 長 而

海,有 僅 子 下 仲 行 下 生 而 于 也 也 大之,由 以 緘 地 此 數千里 今夫 補 惟 其 本 故 故 積 可 前 知 故 納 始 河 也 以 本 日 事 百 于 也 生 有 者 漸 君 故 出 111 事 事 志 與 而 始 推 自 夫 而 親 之 于 立 ! 于 孝, 以 崑 不 學矣。 缺 身 中 納 濫 崙 盈 水之爲道 德 憾 于 衆 觴 則 其始 之本也 溉 流 事 亦 放 終 仲 萬 君 濫 而 而 而 緘 或 不 之 觴 後 之 也 終 過 廬 而 教 海 極 類 海 積 于 濫 墓 不 之 也 也 ; 而 立 涸 觴 所 惟 而 放 節 仲 積 君 善 由 之 輒 善

> 乎? 士 堵 緘 所 自 秋 下 而 氏之 著 之學, 心 焉 ,今以南京户 有 經傳之法 瞻 體 論 3 吐 多賢 先 是 亦 勗 而 納 生。 編 既 且 仲 衆 也 也 大 遡之有本矣。 緘 流 先 其 部主 書 以 諸 至 仲 生 用 特 之 語 爲 緘 于 心 事 書 推 百 督 諱 仲 口 口 揚 以 谷 謂 北 錫 以 絾 祖 昭 王 新 勤 胤 知 爲 德 勸 鈔 崇 仲 矣 其 而 所 質 戒 關 然 祖 後 禎 竊 進 而 寧 益 偶 草 T 益 文, 附 有 丑. 創 以 讀 務 春 詳 谁 見 其 實 量 善

<sup>0</sup> 罷 公卿 下, 所 全 未敢問者」二 書 本 有 其 + 人 尤 字。 往 往 磊 落 多 建 明 有 世

字。字。有「嗣服如一日,不忝萬石君家」十

乎」下, 則 全 亦 書 本 澮 有 焉 耳 如 謂 如 涓 本 勺 何 即 全 如 水 本 沾 何? 沾 焉 仲 矜 緘 溝 勉 澮

## 張含宇先生遺稿序

是浮 氏, 駁 哉! 生則 浮峰 若干 文成 許 揚 大抵象山 成之良知 言之良 反 宋 波 峰遺 儒以來支離訓詁之習,入其門者,推 文 全以紫陽之家法格王門之異 先 ,惟恐不盡,天下遂不復言朱氏學。 高 子 辨 知 生 成 弟 辱與孔時友,因知張氏有浮峰先生, 知 心 不遺餘 之後 已非 旨,而語 倦惓于戒懼謹 正 子 功 益非 哉 、嘉以還,文成倡良知之學, 也 臣 不能 孟 亦 文成 力,自擬 已 又因 逾 氏之良知,而 加 而 無 甚。 所言之良 峻 又示予含字先生遺言 敬 文成 切, 孟 獨之説, 至含字先 仲 先 氏 劘 生之言 以 之闢 文成之後 益加 及 知 今日 前 矣。」苦心 楊 嚴 同,雖 日 墨 畫 學者所 其 不 一一一一一 敬 能 自 仲 猶 流 文 獨

> 決吾道 其未 之人 之言,久之必有自得其在我者,又何朱、陸 朱、陸、楊、王遞相承亦遞 于卜子夏,其言文 宜先生之誾誾 爲之先去其勝心浮氣,而 相 非文成功 無龍溪,蓋 得 有 必 失,遞留不 之藩 涯 欲 涘 推 臣。 亦吾道盛衰離合之會 也。 尊 不 惟 以静也。 兩 止 盡 後之君子 家 是 成 , 3 之見,以 弟 斯文 亦 則 子 時 亦 先生篤信聖人,近 以 相 未 有 其 有 俟 并 過者 勝,而猶 喪,賢聖代 師 志 後之人,我 叛 取 與 于道者,盍 與 其 ,終不可 有過 衷于聖人 師 ! 不無 與 不 而 興 知 耳. 後

2

① 「説」下,全書本有「大都不離宋派,亦云獨契王門」十

向 概孔子之言,故不得不取孔子之言,而 言,而不可 「云」下,全書本有「心之精 以 自伸其 以 一家之言。 是 盡 概 孔 子之言。 甚矣其無忌憚 神是謂 聖 仲 未嘗 知 不 操 可 非 戈以 以 孔 子 是 之 相 盡

楊、王 事 望 乎質有其文,益 顏 生,乃今始得 色, 之晚矣。 而 莫 之足云? 坐 測 間 其 不 際。 讀 輕 以 先 發 宗 時 想見先生之爲 生遺 子 周 言, 未 生 書, 知 也 而 如 學 晚 氣 遂 大璞 宇 猶 人,深 敦 不 及 未彫 重 及 奉 愧 事 使 先 請 渾 先 生

# 陶石梁今是堂文集序

得 既 簡 與 閣 介 皆 没 前 弟 切 以 ,爲一代宗工 劘 卓 窺 蓋 石 而所 懋 先 會稽 于 然 梁 實 文 生學 口 先 著《今是堂集》始出 埒 有 成 以 生 之, 問 致 傳 一,所 吏 文章 陶 知 識 後 著《歇 隱 先 堂 者 也 生云。 視 近 州 以 郡 + 宗 擬 文簡 菴 間 年 周 正 集》行世久矣。 文簡公著名館 辱 叔 于 稱 聲 因 之于 交 雙壁 光遠 是海 頗 先 知先 生 伯 遜 内 而 淳。 文 相 生 其 漸

爲次而傳之。 梗概。今復得讀其遺文,慨然人琴之感,遂

若 子 寄傲 酒 無 觴 名 也 止 酒 如 時,不過 風 日 最 文章 前 先 是,宜先 忽 讀 》篇 :「形骸 終致其不 而 名其 忘 愛 于 悦 書之所也 今是堂者, 在 生 吾 惟 酒 天。 其 之, 止 齋 又 酒 今真 不 托 生 久已化,心在復何言。」 非 獨 《歸 晚 天豈 人 且 滿 止之真,若合之,若離之,非 有 喻 有 自 更 酌》篇, 去》一 蓋 志 止 之意。 先生 取 意于、 于 號 命 去此 矣」之句 淵 日 爾 先 柴 耳 辭,豈 文 生自 明 也 取 日 間 桑老人。 哉,任真 者 也 夫 淵 淵 發爲 乃先 托遠 淵 也 明《 明 而 非 而 試 兩 明 感 非 説者 以 酌 詩 歸 生 裔 托 夫 焉 無 真 其 公之意 文, 去 白 時 淵 喻 能 淵 所 真 以 日 情 來 即 于 先。 大 勝 明 止 明 爲 時 讀 遠 辭 酒 者。」 所 與 抵 在 不 晉 聞 真 又 者 止 皆 在 ? 必 見 朝 當 其 重 以

有所取舍也。

必 風 如 久 知之説 命 之而 先言 0 也 司 理 先 晚 身世 知 以 生 ,報遷即 而 有 自 止 吾黨始奉先生,登致知之堂,揭良 所 示學者,嘗日 浮 止 止 得 少從文簡 沉 也 在 自 得 0 免以 何 其 失之遭,泛 處?」 公, 于 去,宛然彭澤在 : 形 沉 「《大學》言致知 骸 湛 時 事 于 聞 如 理 性 者汗 也 之縛。 命之學, 下。 嘗 官 之 洒

終 取 先 靈 便 子 興 喃 當 嘗 念 日 喻 生之于禪,政 心 言禪 躋 所 在 映 或 私 則 彼 疑 諸 乘 尤 發 論 八凡以 淵 而 先 其 自 以 相 生學近禪。 、點,而 不言禪,其 極 備 淵 遭 自 如 諸  $\Box$ 明 于 得 淵 痛 體 之資 千 淵 其 明之于 切, 9 載 明 得 所 別有 行,得 之下 正 不 先 處 爲 不 落 聖 生 往 酒 止 語録 屑 語 古 者耳 人 往 托 獨 屑 言 不 爲 見 于 興在 也 諱 伎 之詩 之 繫之《喃 知 0 禪 依 倆 止 先 先 此 者 文。 歸 也 生 生 而

> 輩 斯真 著, 所 下。」又曰 日 以 謂 衣 猶 合。」信的 (聖矣。 學 儒 自 者曰 衣, 謂 : 過 冠 儒 斯言也 : 知 之。 儒 儒 可 儒 冠 不 釋 釋 立 知 之 可 自 理 止 況 所 以 合 同 觀 以 斯 于 遵 先 而 禅 分 真 儒 生矣。 爲 始 乎 止 教 教 ? 矣 以 知 則異,吾 ; 稱 先 儒 真 于 生 止 之 天 他

覺 讀 不 者終不 敢 ,故學者又稱文覺先生。 作文字觀 集》共若干卷,清 以 文 · 而 字 求 直 先 推 真 本 生 于 沖 也 粹 先 生之 如其人, 先 生 所 私 學,使 益 然 子 文

0 合萬 隔修悖 耳下, 靈 故」五十 而 ,其惟良 全書本 無體,上下古今而不 五 知 之 知 致 矣乎 乎! 疑 往 出 則 來,位 入三 先 生 所 置 而 聖 爲 禪 凡而不 方, 者是

「體」下,全書本有「一種真機流露,動成妙契」十字

# 重刻方正學先生遜志齋集序

雲間 梓。 文,闕 則 與 浙 生 遜 之責 首 宦 氣 寧 志 梓成 市 謁 海 方先 于其 如 齋集》若干卷,已盛 愈傳 與 肆 先 爲 也 ? 遂 購 里 先 生 生 愈遠, 生 得 者 大 死 祠 乃者 因 善 謀 不不 桑 宇 事 盧 之所 本 , 愾焉 梓 距 尤 生請 旴 無 歸 地 恃 杞 江 知 有 張 宋 序于予。 以遺令君 向 嘆 姚 先 君 百 行 無 無 息。 江 生 來 徵 專 海 Ŧi. 盧 之 令寧 之 刻 + 内 至 生。 遺 嘆 日 年 欲 生于 乃 介,抑 言 海 讀 生 呕 而 在 付 一偶 其 獨 其 下 亦 凛 也 遺 之 從 車 里 後 吾 凛

之業 生 베 以 子,子 間 子 未 出 不 將 有 一之資 敏 因 尊 是 于 竊 上下 以窺先生之學。 先 嘗 生 千古,發 者 再 讀 也 先 爲 生 而 先 之 文 先是,先 章 生 書 非 0 矣。 徒 昭 生 代 先 文

> 著 之廬 附 緒 術 蒙 淮 孔 而 餘 有 所 教 之 好 子 所 以 授 述之大, 于 甸 ,然身遭中 載 天下之亂極矣。 見 撥 身 作 弗 邪 辨 蜀 日 而 参春秋 冒 之譏 知 正 中 顧 正 亂 有 之列 學,故 也 天下之疑,至犯天下 蜀 世 世 有《 宋 反 廢, 道 獻 而 **>** 諸 ";❷淵 孔 周 之正 而 之汙 王 後 皇 賢 孟 亂 禮 時 聘 人 天 綱 始 既 源 辨 臣 無 爲 隆 遂 未 起 乃 没 賊子 考 先 正 父 世 係 稱 張 篤 掇 禍 亭 生 無 **>**,</br> 子 之。 IE 衰微 葺 懼 生 遂 君 師 進 亂 學 大易 微 高 ☆ 孟 之禍 應 之 此 溯 相 先 大 言, 皇帝 運 至 大 古 尋 洙 生 考次 表 子》七 于 息 而 者 之 不 紹 其 泗 勝 生 奮 聖 昔 千 韙 厥 蓋 讀 或 賢 篇 者 其 自 起 有 隊 學 書 而

<sup>0</sup> 者,庶 章一下, 幾 近之一十 全 書本 有 字 如 昔 所 謂 周 情 孔 思、 日 光 月 潔

自期,既而出自宋潛溪之門,頗得」二十六字。「列」下,全書本有「有不偶然者。先生自少以古聖賢

無悶 會,至 耿耿 程、朱 箴、銘 銘 殆 族 以 忠 孔、孟不師,其出 不 之于道,已卓乎升堂 古 書,皆佚不傳, 日 ~,其 亂 今日之麟經 擅 而 : 而 願 。」先生有焉。❷ 天子 通 過 大過之時,大矣哉 (過而 以 復 亂不極不治 方將次第見之行 、雜著以 力之宏,與 且 者 出 十族殉之,創古今未有之局,無 ; 久。 與 不 真 昭 過 (程、朱) 乎 往 代 是故 而 同 《易》 想見 有 經 也 心術之微,幸寄此 也 ; 3 先 春 術 道不 復 非 皇王 而啓室矣。 티 : 生,而 秋 經 事,而 其踐 出 然則《遜 伊、周不 能通 有 世 一
而
降 也。 「大者過 一之富 孔 獨立不懼 履之密 不幸處 0 氏 世世 而不窮, 死 志 乃先 任 有 其 可 而 不能  $\Rightarrow$ 操 也 是鼎革 處 以 世 則 編 兀 生 編 遯 以 填 先 夫 窮 治 抱 也 持 爲 非 生 自 其 + 口 則 世 又 乃 之 此 之 而

乃者,令君遂以先生之書還寧海,而盧

若是。 書 也 君之有功于世 生又爲先生創立 者 ,從予遊,遂贊 孰非 此 固 人 人 臣? 道 心 亦 之 年 令君以 造其 所 譜。 孰 以 非 微哉? 自 有 萬 人 成 古 此, 子 ? 、徵吾浙 不 世 死 盧 有 有 生,志 也 爲 讀 先 者 而 時 士 亦 生 令

## 别門人祝開美序

風

尚

因

書之簡端

以

歸

惟 知 有 自 聖 科舉之習 人 之學不講 相 與没 于後 溺 世 于 辭 而 章 士 聲 生 一利,人 其 間

- ●「也」下,全書本有「故曰正學也」五字。
- 2 故曰 正學也」十七 全書 本 有 字。 一過 而 大 也 矯 枉 過 正 所 以 中
- 3 雖 資,臣子之報 「乎」下 然,先生至 全書本 一今不 薄 矣。 有 死 「説者 也 安得 四 日 起 : 先 今天下 字。 生於 内外紛擾 九 原 而 風 厲之? 濟 無

于 其 古 節 群 薄 X 欲 流 近 稱 瞽 流 將 肆 以 之者 俗 相 俗 相 而 質諸聖人 道之資 導 而 之 食 天 高 與 不 者 所 理 能 爲, Ļ 者 即 抑 之 自 卒 砥 思 極 其 學 亦 聽 中 飭 有 其 間 概 吾 其 于 行 以 流 不 黨之過 冥 行 而 自 乎 禍 乏 冥 外 履 見 · 其 有 所 首 無 未 卑 而 志 謂 也 聞 録 者 有 之 率 錮 狂 矜 雖 聞 習 士 默 狷 欲 勵 也 已 食 慨 于 則 自 深 然 然 邁 此 氣

美 時 宏 以 肅 無 不 禮 他 當 政 公 非 開 争 來 門 車 海 觸 得 言 美 所 以 寧 晤 人 聖怒 自 甚 稱 不 都 來 祝 分 切 子 當 深 群 下 子 奪 禍 直 逡 世 罪 策 開 官 不 洲 有 并 美, 是 時 測 日 謝 志 舉 觸 邊 年 · 幸 子 與 之 朝 日 聖 警 方 遂 子 + 聖 失 怒 待 告 罷 素 乎 天 色。 前 急 罪 南 下 未 子 日 · 聖 中 宫 部 開 終 相 之 臺 無 天 試 鑒 議 美 識 舉 何 草 偶 子 奮 若 得 茅 當 特 開 昨 起 言 開 是 開 無 美 F. 事 年

> 里 晚 深 道 買 美 擊 欣 聲 小 在 大 而 今 程 于 舟 亦 然 者 名 開 我 過 趣 乎 終 ? 夫 美 加 南 歷 古 而 而 H ?  $\exists$ 聖人之道 會 用 以 遂 下 羊 恬 後 謂 開 人 矣。 子 時 事 體 腸 開 微 以 美 相 子 言 患 大 驗 節 九 美 超 言 日 與 未 淡 將 臣 爲 折 于 之 憮 奥 昕 紓 漠 然, 子 與 非 身 士 然 子 子 義 何 夕 開 不 開 辭 不 自 心 不 聞 無 則 請 對 哉 極 美 章 之 足 美 視 果 不 竊 而 ? 益 不不 聲 坐 學 益 際 弗 而 附 灑 行 哌 進 利 感 逮 日 老 商 口 焉 挽 子 氣 之謂 此 激 開 : 馬 子 以 所 之。 大 0 日 道 相 欲 美 之 喜 謂 乃 通 進 意 静 得 視 也 識 學 得 既 如 與 微 上 以 氣 莫 求 耳 問 書 遵 開 識 開 遠 , 而 平 逆 堅 其 萬 美 之 美 開 掊 ? 復 Ħ. H

<sup>0</sup> 逮 下 全 本 有 亦 覺 向 者 粗 浮 之 頗 有 鞭

事 不 古 其 忍 開開 擴 忍言矣。 不 極 率 之 美能 不 是 也 道 大 可 無 將别,姑書此歸之,以 也 意乎 以 得之也 定 以 ? 性 推 之 嗟 愈 惟 乎 斯 艱 其 世 人之也 而 斯 世 後 民 道 守之 志久要。 至今日 直 分 也 而 内 愈 後

# 陳太母徐安人七十壽序代孫鑑湖座師作

婦 其 則 其 則 瑰 不 亡 能 有 人 哌 遇 意 女子 或 保 變 也 琦 子 緑 孟 敗家之禍 其子者,彼 閲 行 mi 衣》之賦 母之三遷,何 顯 古女史, 而 揭 幸 者十居 顯 而 日 者 月 逮 不不 肾婦婦 亦豈 且 載 而 其 八九, 藉 動 婦 能 夫 周 其 夫子 人 鬼 若 感 旋 人女子之不幸 女子 得 如 神 其 子 患 已者 以 伯 夫, 而 難 成 之芳烈 姬 至 東 之焚 乎? 又 之際,如此 名 夷 未 海 考 而 之智, 必 共 其 詳 身 故 賢 也 矣 事 夫 親 姜

意 矣,而 逢 士 履 有 不 名 天 能 見 鄒 巷 胾 世 垂 口 于世 、比 豊 下 孟 過 湮 君 申 誣 醢 順 功 也 里 不 舉 後 名 之 乏 子 滅 者 則 出 或 而 干 其 者 夫 案 世 間 然 意 履 幽 遭 于 姬 遥 幸 則 人竟 而 齊 人 亦 如《 常 也 不 必 來 時 而 從 徒以 孟 當 眉 也 遂 而 可 其 ,古之君子 蹈 禩 E 遇 緑 諸 不 而 是 勝紀 優游 亦亦 交儆 從 矣 順 主,不 衣》,智 女子 事 可 表其 其夫若子 時 而 人 稱 不 多 了,及二 耶 岳 之德 且 身 賢 稱 過 雖 下 得 幸 ? 一二微 牧之烈,爲 女子 艷 日 不 如 日 有 易 哉 ? 而 之, : 踰 程之母,吕 何 史氏 東 操 聖 地 馭 以 者 流景 閩 也 海 斯 如 善 此 事 則皆然。 家 節 時 ? 載 以 之 其 非 以 姬 事 有 亦 義 耀 乎? 夔 内, 梁 贵 \$ 名 當 獨 禮 不 卒 **戸**爲 共 顯 于 鴻之婦 三正獻公 亦 聞 富 之。 其 無 名 越 當當 龍 而 爲 蹈 男 然 貴 訓 己 有 不 以 酒 已, 常 表 龍 則 而 儉 不 子 出 漿 無 如 而

智名、無勇功,亦若是已。

予嘗 乎 婦 事 所 子 思 東 乎 節 母 丑. 曰 吾知安人之君子思石公及其父子間 ? 」起 ? 若 石 夫 以 行 禮 日 不 方 人賢 若 爲 孫 徵 闡 公方以 不 越 無 且 噫 賢 繩 陳 愧 越 所 有。」「 安 酒 無 東 爲 、又知 繩 有 安 姬、 録 也 人之賢 漿 程 日 有。」「其爲 譽 門 其 人者, 碩 士 胾 「無有。」「其爲 母 然則 孟 求 幸 髦 德 人 也 起 醢 大行 爲 起 安 也 典 可爲 之 東之姻 于 安人 亦 也 吕夫人,君子 既 人之賢 型 間 起 庶 其 姑母 近世 辱 君 爲 以 何以 而 幾 東 不 交 鄉 劉 是 家 已 有 也 之道 而 有 里 起 起 女範,予 陳 歸 賢?! 矣。 舉 : 其 不 所 東 母 安 東 安 案之 賢 矜 道 乎? 可 氏 人 其 人賢,夫 日 方 知 起 得, 之賢 式 乎? 也 者 爲 且 既 起 風 東 而 乃 爲 意 婦 熟 而 起 乎 東 予 日 己。 起 母 者 聞 鴻 其 口 其 東 道 人 有 辛 1

> 然者 之間 過 世 起 東 塵 者,前後十五年,將終 論 慕 千 姬 同 古 素 栖 龍 東 天 ; 道 得 共、 0 時 也。 者,以 亦 下 不鄙 逢、比 而 遲交戟之下 無 事 處 不 夫 孟 各有 處 其 予,且 以 爲 道 固 德 干之 起 起東氏生而 常 去, 不 得 致 耀 東之學,居今之時 時 及。 謬 爲 則 以 乎 之任,而試 去 而 ? 許 德 人 何 顯 而 已 斯 啻 耀 也 子 九 倡 乃予 身焉。 矣。 爲 [塗炭 承 以 折 道 者 母 饋 同 于 不 共姜、 則 時 皆 日 夫 心 食 而 口 稽 終 以 處 去之! 道 登 人之教,常志 之節 豊 視 Ш 不 其 姬、孟 9 也 小 朝 而 鏡 能 出 予 一,易 變, 節 水 而 潦 不 處 即 無 二之道 跨 用 之 疑 地 則 語 而 倒 慷 不 間 皆 于 于 默 起 風 慨 軼 爲 伯

<sup>0</sup> 其 道 也 惟 者 下, 君子乎」三十 也 全 可 書本 可 有 「或 知 矯 微 而 知 託 彰 之, 處 與 溺 仕 止 而 久 安之者 速 不

乎 而 請 爽 以質之安人, 然失也 何如? 于是 起 東聞

舜 三爵 且 言以 將 進 會安人七十之辰,起 安人固 爲 起 ,起東其 安人壽,遂次第 東 而 知道者,當必 告之日 可以仕矣。」 一,明 其 東 以 復 語 天子方恢宏堯 走 予言爲 而 書京 歸 之,以 善 師, 頌 侑

#### 王 日 司 馬 氏六十 序

不 伊 識 爲 而 在 以 未 洛之旨者,第恐其泛言識 求 王 求仁 子方 盡 ,亦無己可克。」予甚韙其言,似有見于 仁 日 也,曰 者 乎?」 予告以 . 爲事 日 王子朝式數從予論學也, 有 學 , 迫欲 意于聖賢之學,静 不識 識之也。 克己之義。 仁,無己 解,不 可克 日,予 參動 而 免蹈 曰: 「 王 證 迎 學苟 子 無 虚 學 謂 以

> 之爲 親即 陳 求 夫 之曰:「子識仁何 者 家 也 乎 兄弟之愛也,彼 庭 ? 與 日用之間 否不自知,況 于是王子始知識 問 狀?」王 所 所 爲 與 天 周 一人之身也,而 地 子 旋 則 仁之功不 萬物之泛 者,非 默 無 父子 以 然 應。 事 體 遠 而 之

0

君子若 壽 乃 撫之如 初 一母固 喟 。」予方謝 度 然 之 嫡 出 而 日,乘 而 辰 也 年, 嘆 一,而 體焉。 周 曰 不 間 賴吾母之教以有今日 甲 式 : 敏 請 「若王 等三子又各一其母 曰:「式 式是以 子 既 稍徵 矣。 母 始 啣 不肖, 敢 其 可 图 世 邀 與 極 家 語 見 之思。」予 言 克 棄 則 也,嫡 以 日 于 日 先

0 不大ー 然,遠 「王」上, 否」五十二字。 體 全書本 請言其近 否? 有「王子 因 縱推 者 於家庭 之天地 則 舉 手 中 日用 萬 扇 物,亦復 能 卷 隨 舒, 如 作 日 是。 如是見 如

夫人 矣。② 至 觀 當 子? 猶 柯 使 也。 爲 関 矣,信 之,渾然仁 心 1 知 而 其 爲 是 矣,又奚事予言?」 以 于 心 焉 嘉 至,他 之教 之, 予將 時,王 此 樹 種 爲 心 然非 使王 則 即 乎 0 焉 遠 而 則 衆 其 不遠。』夫子誦 也 進 可 日 母 子 其 母 于 其 能 既 也。 合而觀 以 ൬ 王 子 不 果 亦 幸 君 爲 耕 則 問 識 自 弗 子 不 體 有 體 有 然 子 既 王 王 仁矣。 自 子 有 意 之 聞 也二 爲 也 之,盎 子 而 植 母 有 己 也 一于是 于 取 馬, 廣 向 所 也,而 斯 卒 己 而 意 嗣 之 則 者 以 而 人將 孰 毅 也, 然 收 母 日 詩》云: 計 王 壽 問 于 王 無 矣。 其 仁 子 : 亦 惟 也 13: 家 然 之 母 而 日 母 穫,食 未 也 起 氏 以 以 獨 惟 王 庭 睨 ? 知之乎 是 聖賢 ; 如 而 以 否 于 君子之心 『伐 子 \_ 而 可 默 故 農 此 再 王. 無 ', 不 亦 視之, 其 謂 柯 君 母 夫 其 拜 窮 爲 而 司 孰 之 伐 子 識 之 関 稽 者 馬 近 ? 知 口 無

> 首 語 越 明 以 日 侑 訓 觴 以 是 遂 遺 母 可 書之。 羞?」客 以 壽 吾 母。 有聞之者 式 不 敏 請 其 次 第 敢 其 隕

# 丁長孺元配吴夫人六十壽序

思 蘋 婦 亦 亦 》、《采繁》, 人 女子 蓋 何 子 與 也 讀 于 猶 婦 大者 南 門 人? 以 而 如 内 知 而 事 葛覃》、《樛木 君 ^ 子 汝 若 之 墳》 江 德 之詩 湖 動 魏 有 闕之 徵 采 于

<sup>1</sup> 下「心」下,全書本有「式乎式乎,其能以有已乎? 一

如 仁 流於隱 矣」下, 識不足 己, 便以 於戲 僻。 爲 躐 全書本 怪 道 等 久之, 物 也。 聖 無欲 有 賢之 若 獨 抑 影相 以 速 窺 學 質 尤有近焉者 無 顔 避 向 不 慕 二九 氏 講 者 外 之 伊 於 而 奥 洛 世久矣 好 之 舉 乎? 高、 旨, 而 措 王 王 出 之, 子 子 試 稍 全 涉 爲 氏 反 何 而 求

皆 君 軀 家。」 周 日 及 邇 魴 又刺 爲 父 戀 保 一士而 夫《北門》之刺 魚 爲 之化 則 王 妻子之故,遂乃 不 妻子爲得 赬 教既 之日 貨 能 其 尾,王 ,又何 釋 行 所 爲 衰 ; : 于 以 室家累,亦其忠不 計。 士 士大夫間 感之者 室 謂 論 朝 如 作 爾 不 疾 患 方其 燬 掩 明致 遷 風 失 而 不 于 冉 板 ,計無所之,不 無 室家之累殷 以 王都 益 蕩 如 雖 身之義 事, 則 至 之 遠 此 此 如 日 則 其 乎 足也 曰 燬, 也。 紆朱曳紫, 往 深 乎 ! 子 哉 且 」。」故 往 于 父 未 摰 難 以 以 君 母 有 也 詩 子 以 見 是 全 室 孔

幸。 茅 欲 或 先 識 家 殺之,竟以 生 使先 若吾 陳 通 最 治 籍 微,力最 生 友慎 亂 几 + 在 消 黨 年 所先生 今 長 人廢。 勁 前 Ħ 之機。 後 而 其 可 服 得 肯 先生 所 謂 官 禍 讓 摘 最 僅 卓 一視諸 諸 發 淺,疑 爾 以 君 大 月 不 君 子 女好 計 群者矣。 先 子 亦 赴 爲 争 輒 有 天 前 起 爲

> 尊嫜, 馬。 焉。 矣。 予于 大 有 不 縞 天 流 以 下,不 司 免 衣 耶 椎髻 交 是知 富 相 寇吴公之孫,既 ? 而 先生難 而 之,而 吾 能 謫 知 蓋 上舉 之 黨之頌 儉,貴能 先 雅 何 先生忠義之性,平 聲。 庶 生 稱 者 詩 于 幾 之 鴻 爲 人 夫 夫人,顧 相 勤 起,終 西己 妻, 身 所 乃 與 家計 吴 稱 慈 歸 知 使 以 夫 先 闊 身 先 夫 不 有 在 教 弛 生 人 雖 生 無 成 生無 一,爲婦 者 此 衆 之 稍 其 也 亦 蓋 子, 高 命, 而 艷 妻子信之。 有 2 不 世態, 念不 莫不 丈 孝 數 逮 夫 夫 在 不 夫 人 夫 + 人 彼。 備 賈 實 年 爲 必 X 概 在

0 情乎」五 焉」下,全書本有 然自 十二字。 梁溪 梁 日 他 溪 雖 試 不具 博封 權 論 論 章 亦率至情。 了俗 憶 吾儕 緣, 晚年 何 先生獨 如? 出 遠 余得 余 人

其爲先生妻又何榮焉 也下, ,乃其能爲夫人者 全書本有「計 鶴鶴子和 先生高名 而 羡彼翟茀,其能爲先生妻 詎 德行,且 不 宜 然」五十字。 與 首 陽 争

見 抑 也。 有 以 知 夫 人 之 深, 而 非 可 \$ 流 俗

子 素曉 生年 進 煢老嫠,心 諸 如 生 立 洗如 此 南 生 大義, ·徵言 日 辱 崇 Ш 握 游 禎 焚之痛 夫人得 之祝, 乾 于子。 先 春 惟 有《汝墳》之思, 符 生者 王 或 之,而 而 ,俾我得歌孔 正 以 難 月八 御 ,謀舉觴 爲 予方病,謝 而 世乎 夫 喜 不 日, 恤 人 口 ? 其緯 爲 夫 壽 知 通,是 即先生往矣,煢 人 夫 意者王 也 不 而 前 人壽 届 ·敏 懸 追 子 0 可 不見 月 且 化復行 帨 述 乃 念夫 以 之辰 其 聖天 慨 報 托 説 先 然 陳

# 族叔原鑑翁七十壽序

矣,因自引謝 子 族父鑑 翁 事 之 尹 貴 官 邑 素賢翁 也 踰 ,持之不 年 而 年 爲 七

者。」翁 亦需 異。 氏 既 才高 品 棒檄之情矣。 然老矣。 翁乃依依子舍,爲嬰兒娱者 賜 下 于伏櫪之餘 生,自謂 베 吾負 寧 伯 以 區之心, 0 訣 之以 陳李 禄 第入太學,與其伯氏 次 氏 近 或 爾兄。」翁得 世 養,綰一 天官 得 日 几 日 清,不 鬚眉 虞初 縣 一: 士 : 雋 爾 杖。 無所 前 佐 選 去, 獨吾子。」 禮,大夫七十 男 白 **黽**勉 絶 引 翁數 矣。 子耳。 況 力殫于搏 而 固 里之符, 用之矣。」竟去官,聞 温 年 之而 在 翁 有 裾。」 會太 移 自 下僚, 獨 出 志 虞 書 愈自 蠖 翁 其 勸 至 夫 初 廉 虞初聲價 顙 日 始 落諸 始 後 而 翁 人 之仕 干 歲 謹 傷 頓 宜 屈 吾 也 致 太 亦歸 年 自 也 年 久 膝 首 若 佔 夫 生間 政 高, 之下, 持 至 不 翁 簿 無 畢 始 而 不 人 勞 得 書 相 可 翁 此 而 民 執 ,日久 謝 翁 方促伯 翁 歸 獲 頡 乃皤 以 者 雖 自 以 遂 氣 事 翁 · 曰 覲 頏 事 無 丰 茂 嗟 遂 有 懾 則

加 庭 謁 箠 楚,邑 者 煦 人 煦 戴 慰 之,以 諭 徐 是 理 爲 其 當 曲 道 直 所知云 以 終 不

有 爲 鉅 約,其賢者或依附 功名勢利 之君子未 上 親 베 也,千駟萬 官 非 重 見情,以 驕 者 不 語 非禮也 古之君子, 孝也 可 能 鄉 知矣。 嘗 邦 震 奪 視我 鍾 過 耀 賊 志 有 惟 而 老行 翁 不 所 出 也 其 翁其古之有道仁人與 問 世 何 爲名高, 行 不 道 則 焉。 一,而 數 必 不休, 恥也; 而 如 龍 故 者皆 苟 避 也? 往 見, 即 也。 禄, 非 往 王 處 而 道 初終易節 是 公 不 非 則翁之所 則 其去也 所 故 能 貴 忠 鴻 不許, 禦人 慊 見 人 也 冥, 能 利 志 ; 于 其 諂 挾 于 以 則 而 而 介 忘 就 其 或 隱 事 以 纖 今

鑑 競 唯 水 唯 爲 之原 翁歸 翁 遂 舉 書 古 又閱歲 也 以 稀 而 侑 觴 命 觴 且 初度之辰,族之父兄子 宗 繪 且 周 圖 系 爲 以 之以 之志 獻,喜 歌 其 勝 翁 之歸 歌 宗 日 周 弟

> 維 何 止。」于是群 山 天,樂子之寤言 鑑 一之涘, ? 德之植 之 源 憲憲令聞。 流 在 泉 從子 源之遠 南 如 山 こ。 又 又和 斐, 其慶 之 矣, 巔 白 歌 而 維 維 雲 曰 歌 厥 何 ? 慶之 如 日 流 :「山之高 綺 滿 鑑 積。 福 澗 之 樂子 履 水, 千 其 白 之來 億。 德 在 雲 維 南 滿

#### 按 察 尚 書 司 烏 副 石吴公家廟 使 累 贈 資 政 大夫太子少 記 保 兵

身自 矣! 其 稱 流 理物,首以 屏 次 風 予讀 承家 爲宗,以統族人,死 翰 善政徴 家國 焉 子 爲 之 封 代 若諸侯之别 輿氏言商周之際, 卿 相 建制 興 大夫, 依 之 天 以 不 世 下,大者開 有 易 立 食采 子 而 則 也。」昔先王代天 不 立 喟 地 之 得 以 然 廟 家 或 祖 故 嘆 世 諸 或 爲 家遺 日 諸 侯, 並 世 建, 甚 别 則

鄭 俗 故 者 及 輔 法 表 蓋 親 爲 而 古 베 通 宗 子 裹。 宗 未 己, 也 何 建 行 大宗 氏 應 法 限 孫 制 法 絶 又 而 于 古 亦 在 運 立 世之 ? 日 晉 如 既 而 天 卿 嗤之。 諸 咸 唐 而 則 王 此 不 再 殊 下 大 所 起 小 爲 垂 公 降 「宗子 其 傳 相 無 謂 宗 聲 夫 張 又 謝 卿 猶 也 重 識 而 下 當 宗 世 及 不 氏 或 氏 各 得 也 廢 家 法 法 此 得 世 封 甚 士 扞 頗 保 列 故 在 壞 焉 則 壞 久 建 者 而 庶 以 稱 Ŧi. 其 宋 若房、杜 矣。 則 而 廢 先 擬 父 文 等 世 家 爲 人不. 世 而 王 兄 也 網 之 家 陳 微 業 天 代 行 忠 不 及 先 封 是 氏 下 之, 知 俗 輕 之 不 徒 能 義 正 爲 身 無善治 所 食 乏 僅 率子 在 以 立 忠 宗 僅 與 有 而 租 本 名 立 封 我 風 而 法 表 義 言 廢 衣 門 卿 弟。」 明 風 流 不 建 往 朝 宗 税 立 户 碩 爲 義 敗 或 相 往 廷 亦

吾越故仕國也,而州山之吴最著,相傳

光之節 公秉 公之純 伐 偉 傳 長 慮 日 咸 足 侯 于 宋、二 出 又 長 海 鼓 立 老 討 足 義 今賴 無 振 四 Ш 于 元 宗 冠冕 言 · 雲 葉 而 不 其 起 鉞 里 延 内 間 苗 避 七 陵 杖 蒸 孝 遷 理二人 昊 吴 子 而 之, 窩 列 子 之, 人 地 鎮,宣聖天子 吴 蒸 姓 裔 州 爲 世 孫 州 公之 後 倫 鄉 世 雅 而 唐 Ш 散 俟其 世 及 有 東 復 居 以 不 益 徵 化 訓 家 處 公之 爲 素 家 數 大。 徽 以 之, 士 愧 擅 式 皇 不 悛 法 風 + 擒 不 文 勝 乃 祖 理 世 以 也 與 穀 明 法 隆、 王 簡 細 吴 德 德。 不不 學, Ш 子 一之遠 似 吴 子 宗 功 而 先 Ш 自 威 水 萬 之者 言 氏 慎 悛 長 生 老 公 孫 以 其 間 文 政 世 孝 鼻 直 則 之 始 谷 簡 有 是 教 若 禄 流 大 祖 公 不 人 公之 孤 與 之 刑 先 犯 1 質 子 錦 風 司 復 董 忠 战 生以 居 臣 略 于 則 嘗 衣 慎 庵 餘 馬 自 家 于 風 有 言 州 告廟 聞 公之 千 烏 韵 或 環 直 蕭 政 箕 家 忠 雅 Ш 之 家 公 猫 户 州 Ш

鄭

掩

暎

後

先。

會國家

運

際

休隆

規

隨

五.

思

得

故

家

遺

俗

以

風

海

内

將

必

以

氏

千年于

兹

而

吴氏

乃得

修

明

其

緒

與

浦

江

之

有家 宗 爲 死 祊 邑 而 法。 長 世 不 入于 吏 世 所 里中至今稱之。 一井壞 廟 詫 , 曰 歷 非 有 : 唐、宋迄今,州 「他家 大故 ,終不致于 率 有 ·是道 官 法 Ш 也 吴氏 之墟 官 以 若 保 獨 至

建國 先是,吴大小宗各有 然。 世資忠義 以 獎王室,動 祠 僅備 在 士 盟 庶 府, 禮 宜

風

爲 權 輿

之治 後世 巳, 也,因徵記 示後之人,且以風天下 世家言, 尚 向 則亦當 一,而 之機。 日 吾于是有感于先王之禮,雖 未 暮 思 猶 有 遇之。 于予。 記 得 以亢宗甚鋭,懼宗法之既 世君子之過 倘 行之 裔 由 孫 此 予乃本其大者而 而 有鼎 惜 而 家 遂 ,于是乎書。 其 也 博 行之天下 鄉之近 竟 雅 以 廟 士 成 以以 常常 家 于 不 志之,以 盡 萬 將 修 久 爲 曆 而 吴 鄉 三代 行 轉 斁 氏 止 癸 移 于

也

### 重 修紹興 府儒學記

昆弟

爲

廟,下逮諸子

諸

孫

爲

廟

前

切

楹

曲

烏

石公上

逮始

祖

爲

廟

,旁逮宗子

之

弟

以

訓

弟

也,

下

逮子孫以

訓

慈

也

孝弟

慈

立

前

家

道

備

矣。

蓋三

代

以

後

宗宗

法

已

湮

數

提

以

宗

法云。

上逮

祖宗

以

訓

孝

也

旁

逮

昆

從致

政之暇,創

鳥

石公家

**潮**,準·

大

夫

而

之卿

大夫,而公固大宗子

也

于

是

環

州

公

至憲

副

鳥

石公以

孫貴

進

爵

孤

卿

制

得

視

古

矣。

迄于 崇禎之癸未,郡太守于公還自 亟 ,寇賊交訌 兹 越 郡 學 而 宫 頹 ,所至郡國 圮 其 日 來 甚 舊 當事 矣, 騒 然。 累 者或掉 經 覲 公既 先 會 朝 臂過 時 竭 艱 蹶 輯 焉 爲 孔

之鞠 儼 堂 宫。 飭 製 而 九月,越 四 簠 征 如 皆 箴 爲 簋 公率取 之,污且 繕 堂廡 自 爲 碑 計 士子 官 勺幕、琴 茂 寢 建 明 司 而 草 殿 之俸 焉 廓 肄 設 年 剥 且 以 而 ; 如 業 者 進 甲 教 往 不 終 瑟 餘,不 申 丹 地 地 謀 可 拱 及 以 匏 其 也 鉛 也 問 衛 稽 齋 月 刻 大者 ; 以 敔之所 者 古閣 周 房, 落 于是墜 次 畫 累公帑。 悉還 垣 敬 之, 成。 翼 于 或輪 則 明 是 藏 經始于 亭 爲 舊 廟 者起之,朽者 倫 也 始 觀 費頗一 享禮 或 于 而 肅 有 奂 是 癸未之 左 次 皇 事 不貲 器,若 明 右 廟 帝 于 而 者 貌 御 倫 學 向

興 姑 不 加 學 進 之説質之。 可 心 之 兆 無 役 意 既 之病,首中 修 記 竣 乎 等 也 王 ? 而 過 人皆有是心 告之 世 子 而 于 道 兆 請 學 日 之 修 之宗周 術,請 : 壞 暨 諸 子 也 也,克念焉 族子 子 宗 試 亦 以 心受 周 知 世 肅 謝 公所 皇帝敬 鴟 其 不 而 輩 病 敏 以 爲

之禍 浸假 救之 墨 天下 尤不 既 故 也。 知 而 日: 即 其旨嚴矣。 終之要」, 本 出 一,自古 良 不 存之,爲伊 念 直指本心,爲敬字提宗, 以以 , ? 喜 諱 也 焉 乃後之學者 而 知 而 我 敬 言 亦 言 窮 以 而 昔孟 亦 則 而 而 也 且 所 良 又 天 人 狂 欲 然,況 誠 人 日 伊、洛之教 欲 厭 理。 盜 知 子 正 洛發蒙,爲 欲 則 煌煌 聞 授 誠 也 ; 闢 聖 人 天 後 之 于 再 則 楊、 學 心 而 之, 理 聖謨, 聖, 浸 訛 世 佛 是 訛 吾 墨,比 人 必 淫 乎 誠 以 氏 道 爲 衰 佛、 以 故 欲 既 性 姚 敬 炳 矣。 也 情 要」, 竟 曰『敬者,聖 貞 而 Ž 老之 江 久,安 空 之洪 若 主 識 爲 視 識 勝 後 説 救 佛 則 敬 申 日 天 則 者 古 之 儒 弊 禍 氏 水 星 爲 認 之日 乎 下 認 得 人無 以 進之以 幾 甚 之 世 子 猛 蝕 賊 推 得 無 爲 也 説 大 于 뾆 作 作 無 一學始 莫若 之斯 是 異旨 是 今 惟 楊 昌 賊 欲 良 日 家 而 敬 心

俾 雅 其 自 世 登 志 治 自 斯 云 之石 越 理 越 民 學 董 士 猶 廉 一役 ,嘗著《公餘 始 掇 明 者 公諱 。」宗 之也。」公聞 多惠政 「兆修 穎 周 遂 世 字 録》行 爲 次第 調 穎 也 之日 長, 時 其 世 直 一,此 良二千 語 : 隸 以 其經 其 金 授 然哉 石 壇 兆 濟所 冠 修

## 劉氏義田小記

轉 心 濟 X 正 而 取 以 范 足 病 類 愈 外之學 行 公,既 馳 于欲 昔 乎 夫 之家 孔 愈 ', 亦 門 學 遠 V/ 以 君 為爲 論 不 欲 其 無 立 子 仁,以 識 達 道 心外之事 贍 匱 日 之心,循 大行于天下矣, 族 一之術 而 博 「其 次之惠, 從 施 也。 義 事 功, 濟 其 則 于 日 衆爲 古之 徒 本 美 義 義 取 也 并 矣, 猶  $\mathbb{H}$ 其 君 0 心 天 病 子 其 而 無 未 干 若 其 盡 下 義 亦 事 而 博 文 無 病 者 功 僅

營十 宗 寡,挹 及其 有 資 耳。 義 以 義 積 也 唐 X 予之心 族貲,于 金 〈善貸 是 慕 乎 爲 貲 遲之十年二 子 有 田 藏 久 + 義 心 也 世之堂 義 - ! 不見世之爲 事 因 此 悴矣。 以 也 不 于 也 而 聚 倍 之 是 轉 謀之先 何 爲息 積 者 遂 祠 不遑,將學仁焉。 患 覺 有 以 有 千 田 ,行吾仁 無 文 異 而散 義 餘 搆 百 得 成法 十年,其于文正之田 是 方伯 而 于 族 正 而  $\mathbb{H}$ 及 置 人 撲 事 是? 之,其 權 之 之 并 注 以 中 田 滿 具 亦不 忘 彼 人 公,量節 輿之説。 猶 若 爲 而 在 廢 者 施 鐻 之不足, 生,濬 沾 宜 干 軍 力 乎? 裒前之多 ,後之人循 報 金 之者 沾 大 畝 田 必 夫仁者,己欲 以 而 矣。 其 遂有是 饒 次第 爲 不 銖 成之, 迄今不十年 又以 也。 方且 餘者以 涸 銖 利 若宗 而 吾宗之爲 告竣 濟 以 而 而 猶 其 事 益 得 日 恢 儲之, 行之, 爲 美 後之 掇之 周 暇 者 世 爲 源 宗 立 僅 哉 世 贍 而 子 經

猶 求 而 諸 立 指 人 心 也 而 己 知 欲 大 天 達 姑 地 而 爲之記,以示 萬 達 物之 人,人皆 無 非 有 來 己 是 者 也 心 其 也 于 家 吾

### 貞烈祠碑記

烈婦 備 矣。 觀 染 左穿 年。 烈, 于是具牒上 미 局 也 以 廢 ,迄今數 祠 事 時 越 一成之。 祠 門,限 而 成 基 大, 郡 有 故 兩 里 城 里 僻 念此 1 王 之東 鹺臺: 人 處 以 故 + 人 貞 貞 張 伏 委 年 土 其 女、沈 魂 兩 宇 一使者, 北 臘 巷中、未足 垣 役 烈 人節 侗 隅筆 如 而 爽 亟 者 烈 禮 其 吾 亦 請 而 行 與與 飛 婦 地 友宇 魁 制 給 足 里 割 貞 時 奇, 肅 儉 以 而 憑 中 之官 女同 侗 麗 通都 專 創 依 足裨 内 出 牲 祠。 于 有 外 里 其 之 天 舊 大 祠 垂 風 兩 即 啓 所 石 不 市 爲 繼 日 教 楹 著 貞 未 朽 之 報 感 織

> 事 兩 ,予乃 人 傳 示 得 子 載 筆 因乞言于 從之。 子 又 鐻 金 礲 石 以 供

殆 劉 生 萬 公楷聞之,親往祭之。 再 郡 死,又營 不 而 聘,不 其時 曆 依 歸 逝 城 而 時時 姑。 慧,讀 竟 劉 謹 T 乎 按,王 西 某, 葬其 死 方仲夏,尸 可。 家 ? 任 于 書 已 貧 Ш 姑, 燕。 會 貞 劉 拮 陰, 過目 劉 客 女者,三江 獨 据 貞 有 滿 于 香 居 女時 成 母 紡 燕 六載始去,貞女之卒 徹 守 生卒未詳 誦 瞽 績 數 墓 私 年 養 里。 者 輒 所 且 三十 姑 數 解 外 人。 無 縣 年 大義。 婦 别子, 矣,父 令巴 七年 父子 按,楊以 忽 蜀 微 而 遂 母: 餘 幼字 議 楊 歸 疾 姑 年

父旅 蒲 没 六鞠 無 京 沈 師 烈 罄 字字 婦者, 林 其 林 古 家 大茂 郡 蕩 至不 城 子 之萬 爲 嘗 能 繼 吏于 爲 室,年二十 安里人。 生,烈 宛 平 婦 幼 日 几 安之。 事 從 而 樗 其 林

者 于 女 閣 其 下 絶 之 稍 表 死 棺 婦 及 秋 事 ,苫簣盡 食 稍 俟 之 以 操 跪 兄 可 于 改 吾 異 祀 待 + 坐于 朝 文 行 如 柩 婦 也 而 是,宜 餘 赤 出 旌 垂 有 輒 年。 祭 柩 之, 没 以 寧 者 旁,積 長 婢 生 死 時 爾 安士人聞 累 同 誓 家 方 萬 其 日 + 僕,並 里 清 曆 口 盡 婦 四 不 淑 癸 也 死 勢 霧 絶 日 之 丑. 不 同 而 檢 其 乃 德 比 身 氣 秋 異之,來 獨 衣 司 絶 券 殮 日 飾 生 特 没 城 還之, 也 器 林 也 發 鍾 御 而 畢 之 赴 其 去 百 史 而 孝 此 也 慷 女 謂 死

弔

坐

1

即

託

制

日

既

矢 不 兩 求 而 死 思 顧 尚 計 未 論 或 寧 之。 疑 不 聞 族 必 出 詩 不 終 必 昔者 人之賦 此 以 身 以 無 不 死 遜 乃苦節 偶 爲 國之際,方、 臠, 栢 義 廢 舟 説 艱 人 即 者 也 道 貞 江 以 乎? 之大 有 漢 練 爲 游 諸 母 猶 經 有 子 不 女 臣 不 諒 屈 請 九 死 得 口 而 而

享

閨

貞

持, 之過 方、 侗 爲 視 士 ,其 學 ·, 曰 稱 其 諸 貞 慨 無 而 國 練 人 婦 焉 士 嗚 逃 君 女 以 寡 亡不 有 有 固 之 子 大 呼 捐 于 廉 口 餘烈,此二人者, 金 夫,庶 未 吾 志 軀 平 義 ! 鮮 以 乃 能 ]1] 嘗 易地 者 恥 仕 也 生 至 愧 死 之風 世 甘 不 有君臣之分也 不 金 死 視烈 則 幾 有 識 難 矣。 111 爲 其 有 皆然,均 乎 委 面 于 所 鑽 恐負 贄 ! 婦 卒, 敬 之人,而 觀 穴 屈 稱 可 書 烈 踰 感 子 往 終 之與 以 臣 之, 婦 從容 又 而 垣 日 其 愧 立 之行 起 至 何 以 卒 至 城 身 天 死 槁 也 疑 而 君 詔 矣; 養姑以 門 壤 此 不 乎? 而 展 屍 危 受聘 則 吾 乃 俱 側 義 不 世 不 鄉 敝 慟 亦 見 顧 之 視 全 有 貞 所 以

# 重修古小學記附從祀論

仍餘 先 史姚 郡 先 淙 剥 盛 楹 中 正 制 啓甲子 是,嘉 堂 落 生 前 中 公 而 遺 公鏌 隙 ,爲游 義 歷 珠, 越郡 淫 其 爲 重 隆 路,右 像 地 祠, 靖 臺 隙 師 以 一、萬以 、宗周言之前撫王公,遂下檄山 之 爲之記,讀 退 藝所 中 門 地 模 即 祀 有 落成 移之 有 亦 其 于 寓 古 楹 進 來, 詔 多 和 址 賢 左右各列 游 者 之 小 日 許 分割之居 師徒罕 建 靖 學 宋 即 藝 禮門,分二 其辭,想 天下各建社學,公遂 嘉 學,大集 所 大 也 和 遵 靖 儒 靖 時 昉 敗 聚,學舍盡 九 號房 尹 先 民 楹 亦 見 年 和 生饗 不 土 憲 門 前 且. 庚 繚 靖 子絃 而人 爲 時 古 寅 太 可 堂, 先 以 守 風 風 也 問 圮 周 生 都 爲 左 誦 洪 規 雨 垣 云 陰 之 養 毁 尹 所 御 其 其 西

> 儕 士· 歲 公,咸有 而 在 黄公欣然 極 之講學者,用 何 風 庚 馬 事 逆 四年辛未,郡諸 規已 大 公 辰 璫 暨 夫暨二三子衿,歲 鼎 同 前 忠 通 任之, 不逮西淙公時 新 計 賢 心,次第 學臺劉 之, 是,工 前 亂 後 爲 政 且 經理 首 + 公、今令君 未半一 生復具 建各堂廡 詔 七 捐 毁 載 遠甚。 公費。 俸 而 天 時 而 狀 告寢。 鍰 下 有 告 上 爲 書 聚 如 汪 諸 臺 成。 各 公、 講 舊 院 大 迨 屬 制 其 于 會 夫 時 今 禁 倡 地者 是 距 稽 後 太 Ĺ 師 吾 守 今 先 御 唐 徒 無

學立心 小學以 爲道 序、學、校之間 之古今係之。 敬 者,聖學始終之要。」善學者,終身于小 宗周 則 法 始之,大學以終之,其 也 也。 退 而 而 古人之學,先 **^** 者,蘄 有 曲 大 感 學 禮 焉 則 **>** 以 曰 惓 至 世 惓 一乎聖 道 王 于 無 序 之 所 慎 不 升 也有 人之道 爲 獨 敬 降 陳 故 故 要, 之庠 即 也 其 小

學 也。 際 日 明 生 此,名世 桑 敬 耳 地 心 口 之世 大學 亦 爲 、父兄 梓惠吾越,越之人始 知 」,「博 先病,言大學者 而 風 也 河 已 要,尤得 義 三王之祭川 道 也。 矣。 也。 大儒 凛然 0 金紫,飽妻孥耳」,其 師 抑 尹 學古之學,契聖之真, 友之所 自 祀之于小學之中 學 有 亦吾黨小子之責 ,先生學聖人之學者,其 古 小學之教 相望 者推 人心法,推之出 也 詔 變爲 而 程 先 語, 起者 與 氏 不 河 辭 聞 不 正 明 章 而 則 大道 過 爲 宗。 于 也 聲 後 訓 亦先 世 日 後 利 海 處 以 小 之 道 晚 家 世 學 去 取 挽 生 要。 言 之 越 而 之力 就 將 於 交 科 塾 幸 以 П 而 自 之 之 主 第 以 先 以 喪 今 本

汪公諱 黄公諱 其 王 一公諱 他 與 炯 洽 元 襄 兆,婺 河河 ·山 厥 事 南 東 源 X 皆 ; ; 見 馬 劉 别 公諱 周公諱 公諱 狀 如 鱗 監 燦 長 蛟 吴 和 福 江 州 建

> 公,而 相 則 沈 繼 爲 生 新設木主于饗堂、從太學制 應位 政 張 先 生舊像 生元 迪 仍 日,日 處 生孚,王 游 藝 一,袝 也 生 以 毓 西

著者 崇奉 于 則 祀 是 ,並得視大學。 先生之後者,惟 生于先生之前 小學之制, 從 已有專 吾 越 祀 古 王 祀 氏 不乏理學之 尤稱 自 自 者, 此 陽 乃小學以尹先生爲宗, 特 王 學 明 法不 典。 氏 者 先 儒祀 以 多言 生 得 有 前 爲 專 與 瞽宗者 兀 王 再 矣。 祀 百 氏 起 則 學,其 年 儒 其 有 宗 間 生 從 惟

0 而暴行與 怪 也下, 氣奄奄 全書 致講學 本 有今日 有 反爲大禁 「當是時, 乎」四 十三 人欲 禍 亂 肆 相 而 天 理 滅 説

之節 今 則 也。 而不吾信也 亦先生之力也」,全書本作「然古學 而 滔 品 亦 滔之勢,所 品 日 敬 辭 章聲利是問乎」八十字。 而 請 已 在而 從 矣。 小 學始,學 是矣,吾 夫 聖 人之道 之爲 欲 正 又何 之不 灑 告 之以 埽 以 能 應 對 聖 不降 -加 一賢 進 於 之 退 而

際 學 尚 不 文, 最 几 베 俟 白 愧 治 隱 著者凡 進 後 年 朝 遯 尹 窺《中 講 之君子 間 先 而 不 大 得 生 仕 昌 而 儒 門 庸 四 明 ,克全介石之貞; 裒 詳 之 》之旨 牆 先 倫 舉 席 卓 加 生 紀, 僅 論 ; ; 卓 几 永垂 定 俞 石 韓 乎百 先 而 先 先 先 一孝治 生, 續 生 生 生 世 補 墪 浙 法 潘 性 師 之極 焉 人素嚴 當當 也 先 發 羽 生 ! 明 翼 元 府 然 皆 世 斯 理

## 鳳山葬記

吉 + 邑 既 地 西 得得 餘 捐 遂啓 村 年 孤 館 會 宗 梁 我 則 稽 即 周 枋 先 第 先 T 之原 生 + 君 大父 先 而 九 子 慈 袝 不 都 家 殯合葬焉。 憂, 幸 下 曾 赤 蔣 聞 貧 王 夙 村 計 不克 父 遘 水 奔 閔 母 田 喪。 然蔣 殯 X 葬 側 片, 村 是 顯 先 冬 既 越 殯 君 或 1 係 日 于 子

> 嘗 已付、 欲 遶 戌 年 园 己。 山 坐 壤 而 水 聽之。 不吉, 是鬱 以 腐 親 爲 不 田 無 0 之成 抔 矣, 石 改 宗周 問 友 日 風 砌 悒,漸 土 葬 且葬 中 竟 不 氣 風 事 闢 其冬始 且 計 以 多 痛 不 未 丽 矣 不 攖 明 久 完, 勸 先 念 晦 獨 有 以 堂 能 羸 矣, 人 明 生不 孤 有 遇 頗 故 乃 爲 可 疾,前 大 罷 修 也 可 惟 切 心 令流· 長 事 此 見父, 仕 其 墓之役,因 奈何?」 抱 飢 五 久計 爲 後 役 先 葬 患 與 痛 水,稍 者 念 廢 是, 也 之慮 病 不 9 一,纍 處 謂 解 不 崇 搆 孤 歲 何 成 田 也 : 則 逮 起 禎 喟 然 誓 時 以 間 規 母 暫 土 然 七 另 抔 蔣 浪  $\equiv$ 生 制 加 太 村 年 + 既 爲 1 跡 土 封 息 吉 未 甲/ 餘 品 心 溪 而 ?

丙子,喪我淑人,又卜地,久之無所遇。

抔」,原作「坏」,據全書本改

<sup>「</sup>抔」,原作「坏」,據全書本改。

徐

琦

家言 乾 行 得 去 良 曰 此 孤 大 伊 溪 壻 都 者 相 寅 : 間 偶 不 琦 叔 里 者 門 春 力 裘 嫌 孤 而 果 裘 生再 遠 念 生 亦 曰: 能 人 村 與 引 也 子 吉 兩 1 大 往 無 任 徐 吕 之 有 鳳 爲 壤 壻 琦 地 家 言 上 開 之, 信 樂 鳳 遂 Ш 吕 之 閱 皆 也 陳 知 鳳 壙 哉 自 夫 業 地 0 Ш 以 難 視 之, 求 生 其 Ш 及 乾 可 主 乃 以 葬 平 直 到山 生 冬, 斯 探 而 訟之官 悵 擇 裘 溪 江 葬 買 出 外 解 于 與 剛 其 邱 怏 右 孤 踰 也 應 舟 我 之。 孤 姚 宿 母 巔 乎 爲 不 野 徐 拜 聘 淑 歸 于 大 指 大 己 體 孤 事 壻 者 遡 狐 理 人。 近 孤 其 又 邀 之 嶺 乾 欣 竣 其 家 頃 剛 里 遜 增 立 處 剛 孤 言 德 之, 然 有 有 所 東 謝 日 皆 至 券 土 價 進 親 歸 日 自 墓 嶽 會 姑 Ι. 城 交 壻 剛 付 孤 日 往 祠 地 還 堪 南 價 岡川 乃 果 環 稽 任 大 岢. 裘 我 比 不 家 先 愈 柩 地 時 有 者 人

詰

日

别

報

遂

訖

爾

卅

顧

輿

口

去

人 盜 先 出 亦 報 而 蔣 賣 嘗 人 壙 止 人 詞 有 其 中 村 1 之藏 一,而 地 無 土 靈 地 孤 何 天 于 頗 遂 其 大 迎 裘 佳 以 理 有 賜 事 而 冬十二 一公乃 之 至 絶 張 孤 得之,與 鳳 不 氏 土 心 感 之 乎 然。 Ш 動 ? 月 **芝**焉 訟 悟 日 + 予 相 竟 1: 孤 有 持 界 先 幸 聽 乃 是 八 久 相 計 裘 哉 日 之, 聯 氏 張 決 有 孤 啓 贖 大 改 此 大 葬 終 謂 理 我 故

界

址

越

戊

次

之門 多咎 終 之 君 時 久, 幾 矣 以 子 方蔣 慟 則 四 張 孤 遺 新 孤 欲 其 + 村 宫 惠 妄 蜕 絶 問 年 柩 既 侯 爲 動 之, 進 不 而 吉 啓 者 既 之 完 口 日 而 1 亦 但 舉 冠 好 孤 改葬 絶 倉 又 服 矣 如 言 坎 卒 無 故 時 乃 籍 慟 太 舉 蟻 時 籍 易 深 事 欲 水之患, 惟 慟 殮 絶 如 先 虞 葬 欲 是 君 水 孤 未 絶 既 得 子 先 合 孤 改 親 歷 - 因 孤 慈 法 而 謀 年 又 則 捧 識

矣。」 形 相 徨 無 者 韋 辰 來 五 退 太 初 蠱 兼 弔 前 不 九 寸 間 其 重 煖 及 日 而 者尺許 散 遂 氣 日 頂 越 其 辛 亦贊 蓋 惠 右 改 繇 和 啓玄宫。 擇 庚 垂 周 氣 葬 臂 地 乙三之一 輾 侯 曰 不下 加 今年 辰 垂 決 棺 所 環 爲 無 轉 又 封 秋 結 皆 丹 捱 成 疑 詳 抱 更 注 先 辛 八 水 右 水 鳳 其 遂 也 端 也 審 有 吉 先穿 月 庚 珠 巳 分,金 兆 以 者 0 珠 啣 啣 槨 而 朔 處 + 遂 兆 二尺七 定 氣 書 大 内 日 而 月 有 起 惠 山 也。」然 磚,秉 之 焉 旺 小 蓋 濡 棺 日 初 麓 几 後 柩穴前 侯 象 不 取 庚 潤 底 故 寸許 六 庚 以 日 上 等, 會 也 主 寅 狀 反 聚 日 以 燭 下 巳 蓍 = 中 乾 庚 山 間 手 其 而 破 時 人 決 日 日 其 表 秀 起 即 申 成 色 探 土 下 見 近 沈 神 坐 基 孤 得 竦 故 白 室, 顆 之, 穴 方 槨 戌 中 陰 故 巽 穴 而 告 如 老 尺 左 白 次 徬 積 識 之 鳳 而 氣 絶 以 之 兀

> 苦 合 穴 環 幸 孤 源 中 下 其 右 人 宗 法 者 左 穴 爲 重 ! ! 下 各 疊 周 曰 前 水 小 傷 我二 死 若 東 自 如 如 如 沙 哉 障 六 耶 西 帶 鋪 舞 此 生六 人 大 最 南 + 錦 袖 可 重 溪 久 勝 北 情 其 四 其 + 以 其 處 圖 狀 下 隔 見 年 使 死 兀 則 南 如 溪 乎 矣 庶 年 諸 而 Ш 來 説 眠 辭 不 幾 若 而 與 重 小 前 者 弓 也 事 知 在 始 溪 Ш 向 耶 見 謂 既 來 此 葬 又 遞 重 爲 大 吾 于 吾 竣 去 乎 溪 重 重 趨 日 堪 親 宗 ? 親 沙 交 鑄 自 而 輿 如 疊 織 諸 北 右 吾 此 周 則 家 迷 调 出 Ш 生 告 生 不 種 桃 澆 肖 花 其 调 猶 何 我 種 高 障

宗 來 見 列 周 戟 脉 秦 奉二 先君 頗 分 望 自 如 增 親 子 秦 臺 形 不 别 山 云。 勝 誠 號 而 不 則 秦 及 秦 信 臺 别 今先 Ш 蓋 數 號 仍 殆 君 遺 世 暗 預 子 播 拱 家 爲 埋 郡 遷之慘 于 兆 肩 玉 城 焉 鳳 樓 左 Ш 頭 魂 右 惟 是 其 魄 如 南

惠

侯

諱

元

迪,

邑諸

生

久從孤

問

學,

周

土

中

依

依

不

置

並

推

高

誼

吕

生

信

大

外

免

中

亦佳士,今已故

而

夭

剛

眷

眷

伉儷

推

恩

如

此

類

者

不

鳳

陰

面

曰「秦峰

符瑞」,宗周

又涕

不

自

陳

剛

字

小集

邑

諸

生

孤

長

女于

歸

庵

顧

而

弔

之,

因

爲

之

題

其

華

表

日

丹

朽

則

先

君

子

亦

口口

不

朽

!

日

友

人

何

幸

得

託

體

其

鄉

冀

佳

Ш

佳

水與古

人

Ш

+

餘

里

而

北,

即

禹穴也。

嗚

呼!

先

籍

鳳

凰

來

儀

啣

書之説

或本諸

此

其

鄉

本

名

鳳

林

相

傳

神

禹

會

計

至

此

保

有

寧宇

得

免

切

不

可

知

之

慮

以

垂

之千

萬

年

,而宗周

洵

可

以

死

矣。

鳳

Ш

靡

寧

通

天

之

罪

若

何

可

言

倘

先

人

從

此

!

之得名也 受 張 夫 旋 Ш 同 君 去 Ŧi. 勝 啚 諱 鳳 草 自 子 起 不 張 年 當 清 朝 與 旨 于 小 例 貞 罪 亦 以 之思 與與 孤 昌 中 暗 與 是 人 用 手 處 加 于 遂 介,舊遊 廓 璫 指 史 省 鄒 汪 太 言 園 館 群 是 額 魏 廷 維 中 乘 維 宰 于 者 忠 中 副 傅 釁 杖 璉 璉 謂 小 趙 朝 事 書 賢 去 櫆 起 院 爲 人 君 儕 高 故 汪 表 力 廓 楊 銓 怨之人骨 景 而 鶴 側 奈維 吏 文言往 糾 裹 袁 大 曹, 逸 且 汪文言往來實 先 科 君 廓 日 諸 洪 清 先 生 都 子 璉 廓 甚, 袁 君 璉 生之門, 同 賢 給 在 來 園 太平指 子 及 心 列 事 諸 者, 位 結 諸 繼 愈 許 去 魏 中 君 如 院院 君 之, 索 年 或 璫 大 子 故 日 子 之 專 左 夏 無 惴 時 薄 有 中 實主之。 (大太宰 權 光 無 左 + 惴 海 而 攬 師 也 而 斗 所 驗 亂 四 -内 小 轡 友 不 政

四 Ŧi.

破

滑

立

其賢 宰不 祥 遇 矣。 自 韋 彌 並 各 落 首 益 不 劾 古 狀 聽 理 職 疏 可 會 輔 張 降 魏 辨 用 山 葉 用 中 大 杖 級 西 向 得旨 廓 賢 旨 坐 中、夏嘉 去。 缺 主 高 袁 部 者 切 撫 事 宅, 且. 院 謝 責 己 臣 大中 萬 言 阳 應 小小人 漣 而 迫 璟 遇 黨。 祥 之去, 部 至 不 于 謂 枉 死 應 應 狀 私 院 爲 御 廓 祥 私 汪 趙 薦 逐 且 亦 袁 史 文言 座 爲 郭 御 洶 奉嚴旨 陳 高 與 主 師 尚 史 選 洶 九 友, 報 友, 林 及 先 與 郎 疇 售 汝 去。 部 素 生 陳 夏 而 糾 璫 皆 夏 知 嘉 太 院 應

史,尋 怒 獄 院 道 罪 未 奪 學之禁, 碎 解 于 超 借 王 其 是 也 之 碑 擢 事 小 追 復 奪 寀 陳 人群 仍 逮 奪 官 楊 九 毁 汪 鄒 靐 左二 還 起 天 文言至 元 京 而 鄭 下 標 堂 君 攻 養 各 等 君 處 性 子 京逼供, 官 而 子無 官 書 于 小 毀京 京 院 復 人 虚 師 楊 與 賈 理 師 日 定 左、 中 繼 張 首 首 璫 移 差 春 善 魏 宫 設 御 之 之 書

> 六人 賍 下 坐 詔 慘,六君子 通 弼 刑 及 黨 震 等 0 暴 部 狀,又立 河 六人 趙太 詔 駭 人 郎 南 重 而 獄 賄 道 顧 宰 奪 罪 爲 大 御 遂 至 殺文言 官 以 之脱 章 史 狀 以 則 追 袁 下,行、 轉 七 下 誥、 養馬 化 人 死 月 行 錦 滅 各 中 廿 及 各 其 衣 撫 受監 九 故 省 趙  $\Box$ 當 按 五. 給 日 撫、 太 日 後 犯 差 追 事 乃 宰 按 者 先 賍 官 中 分遣 以 訊 者 身 百 楊 周 提 下 餘 死 + 鎬 朝 家 霧 備 緹 人,天 Ŧi. 瑞 屬 仍 爵 騎 熊 極 追 楚 逮 交 下 廷 故

言 及宗 友。 無 識 于 去後 者 如 面 楊 六君子· 故 周 諸 以,皆有 去官 大洪 茫 君 奄 茫 子 王安門下 者 舊 天 何 左浮 千 以 壤 矣 古之 廓 給 邱 袁 呼 諫 客 躬 誼 于 搶 痛 去官 宗 來挽 焉 嘗 無 哉 周 從 遊 宗 前 惟 爲 劉 靦 周 痛 周 同 是庵 袁 哉 然 嘗 鄉 熙宇復 顧二公未 視 薦 相 稱 及之, 息, 公及 汪 口 薦 志 文 終

自古 諸 后 首 聯 刑 死 旦 君 君 賄 傾 廷 顧 故櫆論及之。 子一 子既 翩 弼 罪, ,後事白,輸粟 九 科 土,二祖十宗之靈 正 正人之門,安敗,文言亦爲人連及,擬 而事始定; 邊。 糾 用 死 而 亘 人者,皆用事爲 而 何 古以還,未 事 罪 然,予亦何 死,邏者告廷 正之,而 郭園 一, 不 鎬獨不死。 而反誣廓園以 幸耶 廓 楊、熊之獄,群小 力糾之,至以 事 至廷弼失事,諸 園 入監,以 ? 恫 亦定。 力持之,至首倡公疏 有 ,赫赫鑒之。 乎諸君子? 天王 弼 如 大官而 嗚 謀 廓 呼 賄; 乃昔之脱鎬者,皆 諸正 聖 東 叛 ! 孤身受衆 明 之冤 并誣廓園 今之借廷 立斬 鎬 人力題中書 正 人皆欲 臣 何幸,而 者 人頗 尚 罪當 西 冀皇天 也 市, 嗾 以 欲 脱 弼 以 受 以 寬 城 傳 授 不 鎬

### 劉 蕺 先生集卷十八

箴 説

學 戒 几 箴

業 已乎? 省 年,日嘗從事于 用 時 相 以 生大戒 交儆 爰不憚 警 厲 遂 諸 斯 酒 與 生, 勒 而 色 諸 未 庶 成 財 生 之有 幾 箴 氣 發 爲 言 四 憤 得, 改 數 者。 讀 過 則 將 書 遷 終 子 善 深 問 共 身 之 切 究 擾 學 觀 地 大 擾 有

Z 耳。

酒

箴

哉初筵, 傲,百爾罔 亦沉神室。 儀令色。 儀 去媒、登先 狄。 翼翼 衛武之德 獻 傲 聖修,靖恭朝 殺賊 極。 述 之禮,百 矧 竹林,五 予小子,三 爲 貪爲 玄水 拜 終席。 在 夕。 嗔,或爲 斗 御 石 爵不 豢 齋 賓 口 識 明 淫 主 匪 維 有 慝。 旨, 疚 孔嘉,令 謔 赫 厥躬, 絶 浪 日 笑 化 疎 懿

色 箴

于 斯 往古。 侮 莫 螓 毒 克己 首 匪 蛾 鴆 先 眉 莫 伐 難 威 性 如 匪 之斧。 狂 虎 如 蠱 誰 贵 謂 有 無 袵 儼 傾 席 者 城 而 鑒 思, 憑

寡,以 于所 勇埒 上蔡 不 禮 至 義 睹 于 廉恥 識 0 無。 夙 超忠武。 ,永言配祜 興 叶 舞 夜寐 非 日 神 學聖之和,男子系 尊 明爲 生, 葆兹 伍 寡之又 靈府。

## 財箴

心 貞 語 節 色 童子,不因 八,奢也 匪 鈎 店 甚 石,孰 默 玷 茫 茫 餂 不有呼蹴 寧 毋 千 可以砭? 人 儉 古, 擴 日 焰。 暮 而 原 夜,鬼 易 充之,作聖之漸 歸 憲 勗 哉 敝 徵 天 先 神 本 塹 幃 黔 所關 民 念 日 婁 夙 餓 義 夜 薄 凡 死 與 無 殮 若穿窬, 事 利 苦節 忝 小,失 亦 壯 惟 我 有 夫

#### 

止,握 朝。 厥 擴兮證 擊 如 風 心孔囂。 燎。 膂絶推 飈 浩 符斗 然之氣 性, 裂眦 上天徵咎,于 杓。 法 辟彼攻 指髮,或 Ш 在 與 强哉其矯。 静觀 日 天 消。 疾,不于其 呼 地 氣 人 喬 調 象, 有 日 喬 所 動 妖。 蹶 忿 直 而 日 標。 懥 以 妖德之乘, 趨 食 之,其 擾。 彗竟, 雹 曾 君 子至 不 叶 崇 焚 饒

#### 自 勗 箴

撫 然 客 而 有 自 目 命 我以 日 狷 似 者 狂 非 又有 狂, 目 似 我以狂者 狷 非 因

●「于」,全書本作「心」。

四五五五

實 者 禽 獣 無 之 之 間 所 踐 亦 間 不 中 者 免 亦 郭? 愿 自 有 噫 夫 于 夫 鄉 也 可 碌 不勉與。 殆 有 碌 志 浮 于 沉 道 去 而

## 獨箴

然 措 明 事 運 家 藏 物 命 太 暗 自 焉 于 爲 日 何 有 虚 广 命 至 知 聖 四 反 是 家 一静 乎 常 學 氣 大 0 爲 而 所 君 物 本 止 獨 即 心 或 性 子 體 心,惟 則 感 知 吾 不 量 體 知之, 獨 見 明 于 物 獨 或 紛 乃 知 是 知 而 而 其 知 心 朕。 動 天 大無 凛 馳 常 好 本 名 下, 七 悪 天。 乎 乃 知 日 氣 率 外, 淵 暗 立 獨 情 慶 爲 流 冰 全 焉。 維 賞 著 故 行 五. 體 玄 故 獨 焉 名 刑 ,分陰分陽。 常, 于 俱 好 維 日 本 威 日 所 闇 惡 默 知 無 殊 自 天。 不 章 知 爲 惟 身 體 本 機 睹 天 的 無 萬 大 所 而 平

> 死 死 于 知 何 生之 不 異。 無 0 所 始 夷 不 盈 彼 説,畫 聞 是 此 萬 爲 名 形 日 。 **②** 原 夜 非 夕 之常。 始。 兢 配 我得 兢 天 此 塞 私 知 道 吾 地 無 生 猥 終, 盡 與 乃 云 凝 性 生,吾 是 不 至 死,狂 爲 萬 命 反 死 法 終。 與 此 馳 歸

#### 尋 樂 説

竟 道 事 不 道 可 ? 樂道 凑 亦 先 或 泊 儒 無 日 不 可 每 足 樂 近 樂 **\$** 儒 以 故 貧 學 盡 王 也 者 心 顔 貧 尋 齋 子, 此 無 孔 先 中 可 而 顔 生所著《學樂歌 下 樂 況 樂 落, 仲 也 處 尼 直是深 乎 或 所 ? 日 樂 微 畢 樂 何

- ■「何」,全書本作「所」。
- ② 「名」,全書本作「知」。

人 知 心 自 本 是 樂, 自 將 私 欲 縛 私 欲 舊

則

 $\Box$ 

樂。」 萌 時 又曰 良 不 然 樂 覺 不 是 學 覺 不學不 便消 除,人 是樂。」又 心 依

學,天下 日 學 之學 則 樂, 無 樂 如 則 此 學。 樂。」 天 可 下之樂 爲 箭 無 雙 如 鵬。 此

無

學樂公案,滿盤托 出 一,就中 良 知二 一字是吃 緊

説 爲 即 人 處。 天理之别名。 良 知之在 人,本 良知 中 是 本 惺 無 惺 從 欲 本 所 體 謂

知

欲亦從良知受欺 後見之。 其實良知 原 不

只 口 此 欺 是 也 人心 ,吾自知之,吾自致之,此之謂 真 樂 地 子云: 飯 疏 食 飲 自 謙 水,

曲 謂 肱 也 而 枕 顔子之 之,樂 樂 亦 亦 在 然,故 其 中矣。」 日 正 有 謙 不 此 善 良 未 知

不 不 知 知之未 嘗 復 行 也 聖 人 直 是 無 所

知 耳 然 致 知 工 夫, 又 自 有 説 子 日

IE 是 義 良 而 知 富 當 且貴, 判 斷 處 于 于 我 如 此 浮 判 雲。」 斷 得 義 分 明 利 便是 弱

不

美

氏

求

見

顯

刻

致 知 I 夫

之貧 義 取 知 于是?」子常言非道之富 之日 之屢 良 至此 知 安, 得 利 I 厲 判 之,將擇 疏 賤 不 夫 知 之 良 中 斷 水 然信 再 一空斥 溺 最 愠 知 何 做 又不去,可 曲 是 方 則 真 人 用 起 良 爲 精 肱 是義 也。 不 如 日 便將 子貢之貨 君 莫甚于富貴。 面 密 知 不 分 義 子 惡 子」作 臧 目 處。 安 也。 ,所言 孔 之貧 利 衣 出 處 見道 門當時 關 那 至 惡 來,前 必 窮 便 賤 則 頭 到 斷 食 殖 去 是 人 欲 義 最 而 案 浴將擇 頭 前 富貴處 義 又 欲 教 貴 輩 之 精 去之乎 總 學者合下從堅 不不 可 日 人, 根 子 常 而 無 則 密 著 富貴之義 爲 懷 路 滅 處 定 言「天下 不 安 猶 深 齊砍 貧 ? 居 亦亦 緼 衡,全 天 處 則 處 賤 然 切 理 袍 至 便 是終 又 日 便 著 者 以「人 斷 則 以 求 是 憑 非 孰 無 是 者 明 苦 只 致 良 顔 成 身 飽 大 道 不 而

爲

是處 怡悦 分明 昔賢 爲 思 且 反 二,疏 求 此 穩 夫子 而 ,不堪 而 良 當 説 自 不可 水 明 自得之者能 得 知 破 曲 分明 以 在 語 之。 持贈君 肱 則人人此 日 : 只 疏 而 説 他 水 、是説 可 破,故懸此 日 曲 如 樂 即即 識 有 肱 人 得 雖 天理,人人此 此 無 言 飲 《學樂》 太 中 謂 欲作聖之旨,已是 樂, 高 水,冷煖自知。」 意,所 之樂道 公案示人, 1 雖 ,不若心 謂 歌 謂 之 也 樂 亦 一只 樂 口 地 豊 可 齋 要 貧 自 惟 人 有 尤 旧 也

## 人 説 一示汋兒❶

望汝以學 汋 乎 子 先生言 與 汝 道 塾 年 好 師 漸 過 修 陳 長 將 子夜 矣。 矣 不克 而 苟 集,兒 質 庸 爲 庸 人 汋侍 庸 甚。 也 人 乎? 何 吾縱 謂 克 之日 爲 塾 不 之 師 敢

> 凑泊者 詐以 爲庸人 基, 必 人始 子 矣。」「然則 者,其立心制 往 食 浸遠于惡 麟 有 以 無是 往 鳳 日 ? 而 而 渴 近 賤 騶虞,不 也,語有之:『雖 徧天下,不得 爲 正 「兒 乎?」 名者 妄 飲 也 爲 患 Ш 本。」是 也 矣。 得 庸 此 夏 于 由 奸 曰 : 行 子 葛 可多 爲 亦 此 平 庸 也 是故 雖不 庸 有 庸 而 四 道 地 人 故 道 庸 冬裘 見 人 者皆學道者之失 非 已 而 也 好 庸 免猶 聽 與? 耳 幸 ,或累 然 進 而 高 未 高 説 而 矣 也。 德修業,若築 思 願 男女 必 易 有 而 塗 在 先 日 其次, 以 言 世 鄉 欲 説 夫子 世 謂學人必 生 下 而 也 者 速 人之累 之 有 引。」「然 爲 出 居 者 淺言之,饑 誕 之思 則 學 以 基 室,莫非 躐 也 道 如 也 進 而 一,雖 也 室 有 自 則 庸 惡 知 者 之。 而 于 庸 見 貴 學 恒 飾 庸 己 如

❶「人」上,全書本有「做」字。下二篇同

謂 庸 求乎 學于 訓 于君子乎? 于厥躬, 此古之所謂庸人者 小闇大,圖近忘遠,欲敗度縱,敗禮以 也。』若夫心不存慎終之規,口不道先王 庸 未 孥之樂,蓋亦有 道 惡 德 能 人 ,不擇賢以托其身,不力行 也 「進之時義大矣哉!」遂舉以示兒。 之至 庸 而 人也,則亦不學爲庸者以致是耳。 臣,以事君未能 ; 也 深言之,飲 庸學焉,又烏 ; 日 所求乎朋 ,聖人猶 『所求乎子,以事父未能也,所 庸之未可 至 焉者矣。 食之知 病。 友,先施之未能 知其 也,所求乎弟,以 忽也如是。」❷師 故 不進于士人,且 味, 曰: 仲尼之聖也 也,而 以 室家之宜 「庸 堅其志,見 未易 實予 也, 速,戾 聞 事 之 之 進 所 言 兄 使 則 而 妻

#### 人 説

聞

所病 已矣。 法。 人治 者必淺,淺則宜 矯之以貞,庸者必隘,隘則宜矯之以寬, 必懦,懦則宜矯之以强,庸者必流,流 柯以伐柯,睨而視之,猶以爲遠。 命 矣。 他日 人,改而 而 夫庸者必 《詩》云:『伐柯伐柯,其則 [矯之,皆爲人之方也。] [ 敢問學之方?」曰 兒跪 止。 闇 矯之以 而 闇 請 子 則宜 庸質 日 沉 : ; 「爲人之序, 矯之以 也 類 : 「于己取 」, 姑 而 然則其矯之 推之,隨 爲子 故君 哲 不遠 則 試 子以 ~。」執 庸 之而 亦 其 庸 既 者 宜 庸

日

2

<sup>0</sup> 鑿爲政,心從 啚 近 」至「厥躬」,全書 而壞」。 本作 從物 如 流, 不 知 所 五

而且進於聖人乎? 庸之未可忽也如是」,全書本作「而且 庸詎可忽諸 進 於賢人乎?

忽,所 毖 試之 懲 焉 焉, 也 以 所 言 見。 知 以 不 非 也,室欲 忧 及 以 貞 近 所 自 利 也 將 而 唯 衣 日 親 天 斷 是故 以嗜 以 害 若 所 知 闇 ,試之以 以 諾 服 用 之忿 下 天 也,試 見 而 沉 何 以 窮 所 之 之 之間 家頭理 ? 欲 懦 之 下之義 幾 及 天下之理 則 際 以 地 也 見, 操 而 遠 也 忿 哲 貞 有 日 有 有 之以言 所 流 ; 也 也。 懥 則 者 言 操也 嗜 是 以 ; 見,則 也 然 强 而 亦 語 非 好 啓 闇 唯 ; 故 而 者 也 隘 見 焉 焉 焉 語 諾 睚 覺 不 懲 君 不 ; 見, 亦 ; 貞 衣 而 自 眦 一起 也 積 忿 而 懦 子 必 見 睚 起 者 則寬 」,斷義 淺 不 飲 所以 知 而 小 ; 求 眦 不 居 亦見; 見 敢 也, 不 居 所 而 流 自 日 之常 之於 之交有 者 輕 擴 敢 不 以 知 而 不 用 所 則 試 亦 所 致 敢 量 也,試 加 不 自 遠 隘 而 有 之 沉 以 見 大也 恣 敢 也 知 忿 且. 者 不 以 以 所 不 利 養 ; 荷 也 謹 所 敢 懥 自 害 大 謹 是 以 亦 淺 勇

> 之。二 以矯 則學問 操矣; 之大覺 于自 矣; 天下 語 大勇 曰 E 謹天下之言,而 矣; 强 之言 然, 在 然 之能事畢矣,此謂 懲天下之忿,而 矣; 立志 作之不止,乃成君子。』其始 則 非 則 窒 也 庸人之所事 學 其 天下 斷 道 不 天 窮 君子 之欲 能 下 天 之 下 矯 淺 之成 義 之 者 也 事也,矯之不 隘 而 理 天下一人而 有天下之淵衷矣。 者 流 而 又將 德 有天下之大量 者 懦 而 乎 有 者 闇 如 ? 天 者 有 之何? 小 Ė 下 也 天 有 已矣。 子 出之 之特 加 下之 天 勗 體 下

#### へ 説 三

他日,又問曰:「矯治之法,●譬之治病

皆

動

其

口

明

之。」 之秀 所 無 然 將 者 也 え 葛 之于 身 體 育療 中 以 具 得 目 以 亦 而 一,仍 夫 冬裘 節 于 也 異 也, 嘆 有 而 異 無 而 人 謂 己 性 此 聞 視 于 也 日 明 萬 首, 不 以 倫 汝 言 之, 幾 之 也 也 禽 男 離 而 物 爲 也 希 聽 足 和 獸 而 則 不 姑 女 之 是 何 天 非 在 何 其 日 療 操 也 喜 者 識 可 居 靈 非 下 男 以 聰 物 足,分 稟 ; 調 幾 怒哀 父子謂之仁,在 室 得 人 女,不 也 也 稱 汝 耶 言 其 乎 元 希 而 而 而 焉 所 ? 宰 之匕者 將 命 樂 見 己 E 投 微 ? 知 庶民 離 于 謂 以 也 乎。 未 乎 忠 ; 而 乎 也, 身 男 孟 發 其 爲 傾 ? 應,不 則 動 女 也 去之,君子 乎 謂 子 夫 耳 能 非 是 則 元 也 ? 之中, 希 人 日 飢 而 非 爲 君 之 亦 敬 聽 乎 體 者,天 勝 食 汝 子 視 善 以 一人 與 臣 力 之,不 渴 不 窮 謂 聽 發 爲 禽 所 乃 也 飲 也 正 之 其 存 獸 之 地 離 知 喟 而 在 ;

之順 矣。 嘗 堯、舜 精 之柄 以 肖 齗 以 首 與 謂 義 和 存之,獸即人。 而 恐 之 之信 也 不 守 口 斷 相 也 分之者 在 是 天 懼 孔、 存 辨 禽 以 也 也 之所 夫婦 之 其 還 以 也 説 也 也 能 地 日 俯 孟 君 夫 不 ; 焉 而 也, 行 以 位 也 獸 月 謂 其 仰 聞 之所 子 孰 焉 而 婦 帝,三王 焉 之 忽 之 也 達 于 是以 以 有 知 儒 本 之愚 萬 代 别 然 于 有 天 存 以 吾 皆 日 中 然 在 而 明 地 之之 時 天 師 物 獨 有 和 君子有 可 是 則 一之所 去之,人 之間 下 育 而 四 于 長 而 還 以 濂、 法 物 焉 去 七尺 時 幼 喜 戒 與 則 也、 也 洛、 以 耳 懼 之 以 存 謂 知 則 怒 存之之極 民 王,伊、 之 之,所 即 錯 之序, 哀 關 之之法, 禽 乾 焉 戒 之 然 知 獸 獸 樂 軀 行 慎 > 胞 其 閩 夫 而 還 也 者 健 也 去 忽 在 周 以 而 婦 庶 之 不賭 功 也 斯存 之 所 之 擇 則 鬼 朋 致 然 合 物 民 也 未 所 Ż 體 豎 友 中 神 坤 而

之立 影 旨 折 識 特 示 刑 亦 幸 墨、荀、楊、 功利者無論矣; 還 倫 物、察于人倫。 [微矣。 最 父子 與 有 揭 有 響 名 物 肱 尋 (聖賢 宋諸子 故 所 真 致 爲 極 支 槌 ,管、商之富 良 親 伊伊 之路,決起 君 不 孟 離 仁義 劑 後世 等級,但自反吾身中所謂 切 子 必 知之旨 臣 馬、 當 洛之識 而 起 又舉舜以 以以 用 調 又數 幾 鄭 而 學術不明,有二氏者,既 而 矣。 由仁義行,非行仁義 位 元 其有 之流 紹 希 爲 强 逃 育 死之功。 仁,考亭之居 之 白 學 絶學,一 幾 之于 而 ,蘇、張之短 還 稍知聖人之道 年,我 脉 又 爲法 者 希寫 紛 天 薄 欲 紛 虚 或失之頗 地 一,而 蝕 爲 隨 照,而 綫 無 此 明 萬 于 ; 病 相 有 物 真 日 若申、 人心 敬 長, 補 陽 傳 所謂 不 人 如 爲 窮 僻 治 明 幾 益 汩 必 如楊 明 也 斯 之方 子 理,指 久 附 希 問 良 没 欲 有 韓 濂 于 而 矣。 會 者 于 其 醫 之 棄 以 庸 溪 庶 E

> 乎? 終身 果 拜 禽 而 更 茫 無 爲 存 面 所 然 退。 潤 乎 所 汝 從 日 亦 以 還 :「敢問 事 爲之之法; 問問 否 更無所以 于 之幾 平 斯 ? 幾希 而 希 存 未 爲之之法。」于 從讀 則 之 爲 去 得 何物?」 則 書 非 也 而 人 即 將 證 非 聖 티 : -之。 何 人之人, 是 以 人 此 即 乃 答 兒 汝 子 起 再

説 示汋

讀

吾 綱 心 Ŧī. 常 粤自 聖人 萬 天 事 地 因 萬 既 而 化 判 譜 以 之以 爲 0 萬 之錯 教 物 芸生 天 前 下 約之不 萬 時 世 則 後 外 有 于

0 特其 耳 信 粤上, 斯 所 言 故 謂 日 也 全 孔 書 博學 書 門 本 者, 明 有 而 詳 蓋 以 説 將 路 之,將以 書 因 日 爲 此 以 何 得 反説約也」六十六字。 必 而 吾之 子 讀 路 心,爲 顧 然 反 後 言 求 爲 之云。 學

約 藴 公列 儒 者 有業。」豈其徒 佔 九家 之業 畢 此 世 而 不 以 守之, 也 得 能 謂 吾之心 殫 儒 曾子 者 始 其 事乎文 功,則 博 有 日 而 以 加 求 寡 儒 /勝也 「所 亦 道 要。當 學 因 故 遊 名 哉 其 耳。 必 者 ? 不 年 有 能 木 方 故 詳 能 而 讀 太 説 所 究 書 習 史 其 反

尼之 世 故 止,至 是仲尼起而 君 六經聖人之陳 如其 語 汙 》,修《春 則吾不 得已 聖 經,使天下後世 吏, 堯、舜、禹、 春秋 言,以 而 更相 儒 也。 知 而 以 秋 修明 之獨 也 極 蹂 博 》,贊《周 乃 湯、文、武 迹 躪 鳴者 之,删《詩》、《書 孔 爲 時 典、謨微言,不 横横 也 學 復 孟 有 真仲! 政 而 可 知 易 而 老 之所 贵 既 有 而 矣,以之爲天下 聃 其 既 尼若 殁矣,其間 唐 以 出 没 所 出 虞 憲 而 以 , 横 絶 矣, 》,定《禮 也 萬 三代之道 譏 ,而 迹 世 如 其 之 民 哉 綫,于 異 之 非 間 日 而 端 尊 萬 仲 × 所 暴

> 之獨 學》, 朱 定 也。 子之得已也 故 子 日 至 曲 語 之 起 之書不 五. 學 然則 賢 爲學可矣,以之爲 修 日 季 而 更 而 傳, 修 而 相 經註 綱 讀,又何 生于孔 極 儒 明之,著《集 簧 目 使 以 鼓 我, 乃象 天 博 洙 纂 邪 下 鳴 泗 我 孟 以 濂 説 微言 者 後 Ш 程 註 自達于 洛 之 出 ,莫朱子 世 六 朱之後者,舍 天下 註 之説 所 復 經 不 而 **×**′ 淫 知 道哉 ·萬 譏 絶 或 有 審 之日 若 以 暴 世 如 問 六 如 教 綫 也 則 |支離 其 經 》,補《 萬 之 孔 吾 于是朱 而 言 之道 所 世 非 孟 不 壞 而 小 朱 知 程 又

而 啼 夫人 惟 有 生 此甘食悦 蠢 蠢 耳, 此 色之性 心 熒然,喜 耳。 迨 而 夫 笑, 怒

<sup>0</sup> 豈其 儒者甚無樂乎以文勝也 其 壯 徒 事乎 不 文勝 論 其 也 老 哉」,全書本作「又 不 誨 亦 可 謂 日 業之人矣。 其少不

❷ 「則亦因」至「道故耳」,全書本作「何也」。

勇乎 言 乎 心。 過之,一 生 然 其 真 不 非 心 日 晚 即 베 此若 習 者 亦 此 指 而 命 善 ! 也 子 而 「若何 隨 之 以 之 有 言 者 也 也 而 由 非 何 吾 吾 人,則 , 前 日 不 所 爲 習 而 吾 是 旦有人指之曰:「此 而 而 則 識 有 指 從 是 心 而 心 于 而 非 言 是。」 吾 调 父 而 恍 之,多 非 爲 此 其 及 以 服 可 母者,邂 心 劃 而 然。 心 若 習 矣, 于 爲 息 則 則 聞 也,而 然 相 于 何 天下, 非 居 去 也 見 遷 乎 又若何 持 人 吾心 而 學 矣, 處 惡 善 又 而 ! 往 是。」 不 逅 悲 而 而 也, 識 指 其 而 以 行 自 于 學 夫 喜 服 而 復 之, 是 改 之 不 爲 則 可 書 知 逆旅 交 息 爲心之所 從 亦 過 見 是 益 是 爾 日 集 者 也 爲 居 所 猶 而 父母 矣, 也 : 决 善 也 而 亦 處 以 有 恨 是 不不 指之日 非 乎 也 牖 此 逆 多 相 示 人 也 베 也 非 , 指 吾 聞 之 是 復 以 益 不 見 旅 後 也 從 心 擇 最 辨 而 吾 亦 爲 之 之 爾 儼 : 而 X

> 《易》 之性 之大, 微 之, 心之名 是 子百、 然 此 以 以 提 也 禮》 乎 盡 于 踐 矣。 之地,致之家 其 明 家泛 博學 其 情 其 先之《 綱 而 心 而 辨 而 故 變, 分 實 得 得 次之《 焉 者, 以 讀 ,終之《 涉 焉,又讀 讀《 日 吾心 以 吾心之節文焉,讀《春 書之能 析 小 而 焉, 乃 先之, 之, 吾之心 學》 中 隨 之 讀 書 異端 或 篤 孟 庸 陰 在 書 以 **>** 五子 事 天下之遠,通 審 行 而 子》以 淡以 陽 立 儒 而 曲 無 畢矣,儒 問 以 得 學,誅 焉 其 有 以 究 不 者之業 體 吾 以 基 約 沿 得 其 自 讀 之。 合 心 其 其旨 矣。 藴 得 進 之, 斥之可 之 詩 者之學, 流 也 之《 之天 焉 繼 審之性 政 秋 讀《 于 慎 而 而 影而 事 大 是 思 其 也 得 地 所 焉 學 綱 論 盡 乎 以 餘 情 得 謂 萬 吾 **>** 目 語 諸 物 隱 于 吾 讀 心 讀 恍 以

爲 學,而 自 後 失之以 世 有 不 П 善 耳,且 讀 書 以 者 爲 專 濟惡 以 之具。 記 誦 辭 干

而 挾 究 爲 是 而 終 至 有 以 末 于猖 瓢 務 爲 以 志之士始 没 瓢 也 而 夫。 古 其身者矣,見者 濟 狂 而 自 不 佛 去 恣 老之徒 足以濟人也,其亦率天下而 瓢 以以 而 千 超 亂 金 益 然, 天下。 也。 從 即 不咎其挾之不善, 心 而 蓋 昌 證 嗚 亦 聖,以 呼 熾 有 其 ! 不 説 善 聞 溺 其 者 挾 見

歸

于

溺

偶 人心 夫 之堤,若又束之高 然 論 説 賢 閲 乎 江 爛 , 陵 有 不敢爲惡,猶 而 頭 子 書,爲 欲 巾 充其 以 嘗 動 博 奪 啓 爲 語 從 古今事 情 説 亂 之。 陽 江 此 臣 與 陵 明 必 事 賊 故 變爲 欲 閣 子 新 特 東 唯 子 君 奪 建 之學,至《 此 書 則 王 子 所 情 亂 無 聖 不 狂 新 藉 立 涉 天下之本,信 賢 觀 盡 瀾 建 ′,何 口 教 經 指言者爲宋 而 何 足 拔 不 則 傳 至 所 後 以 本 可 爲 亦 以 不 可 知 不 良 塞 至 尺 新 之。 寸 慎 知 建 ! 夫 有 原

> 也 子 因 有 感 而 著《 讀 書 説

#### 中 庸 首 章 説

道 心。 性 性 爲 即 維 古 紛 至 别 理 天之 有 而 之 有 紜 此 道 盈 人之所以爲 而 别 在 天 薄蝕之後,爲之探本 有 蒼蒼之天、諄 命,於穆不已,天之 無 是,道 名。 地 全 假 能 間 于 此 也 皆道也,②而 外 即 心者,性 理 鑠 性 生 此三言 也, 也 諄之命 生不已 故 修 而 者 所 表之爲 窮源 者 此 已矣,以 統 子 處 以 性 之不 非 即 以 爲 而 思子 也。 天 是 天 教 外 其 正 命云。 命, 也 立焉 率此 從大 乎人 出 萬 天 于 世

0 信」,原作 「性」,據全書本改。

盈」上,全書本 有 或問《中 庸 首 章 大旨。 生~ 日

之道統。❶

己。 分鄭 非 常 是 體 兢 故 惺 處 功 中 不 此 目 和 下, 正 發 有 可 即 慎 惺 也 日 而 直 而 所謂 之? 所 亦 莫 離 惟 , 在 所 重 此 自 本 獨 從 則 見 其 沖 不 謂 隱 獨 此 性 而 知 耳 無 本 莫顯 天命之性乎? 及 由 之所 莫 喜 以 且 漠無 之 實 目 不 須 是 加 教 見 微 怒 往 未 可 地 臾 不 惺 乎 有 以 矣; 哀樂之未 嘗 朕 也 離 而 之 交 惺 道 君子烏 隱 妙 之中,萬象森 妄參意 天下之可 處, 間 也。 也 戒 不待言者矣。 者 及夫發皆中 、莫顯 也 慎恐懼四 故 吾亦 時 君 必 得 和 一念未 中 發謂 致 見于 子 自 乎微 不 爲 爲 與之爲 吾 睹 求 復 戒慎 天下 天下之達 之中 戒 其 道 可 性 也 字, 節 然 起之中 聞 慎 間 不 于 始 已備 之大 恐 9 者即 無 恐 所 未 下 睹 矣。 而 懼 間 懼 性 發 得 中 此 獨 不 道 本 也 耳 之 兢 于 體 聞 之 而 獨 道 即 而

> 矣。 徵 之至 物,萬 教 中 吾 非 應 所 和,吾心 中 即 于光岳 以 ,得之所性 所 和 物 達 爲 謂 有 于 而 至 率 此 不 天 效靈 天 也 性 中 育 地 地 一之道 和 而 乎? 百 萬 天 致 非 物 乎 地 昌 有 則 天 無 ? 有 待 遂 俱 所 地 于 性 不 君 致 不 此 位 外 亦 子 貫 者, 中 乎 由 道 體 ? 和 無 慎 此 中 無 萬 修 自 所 獨 達 間 道之 物 有 于 以 不 之 萬 達 極 此 致

終,體之 物之大,推 命之微,而 可 言 合 亦 而 動 可 觀 極 静 爲 之 之, 教 顯 而 奥 之所 遡 微之交 不 衍 道 見 神 之 由 其 奇 所 至 而 始 一,又兼 自 極 不 來 引 天 見 下 之 其 既 舉 之 有 而 夫 已 至 罅 不 天 通 隙 妙 見 地 于 之 其 者 萬 天

貫」,全書本作「本

<sup>0</sup> 之學 以 正 脉 萬 可可 世 謂 之 取 道 日 統 虞 淵 書 洗光咸 本 作 池 路 指 以 清

<sup>「</sup>喜」上,全書本有「慎獨而見獨之妙焉」八字。

則

無

無

不

善之説信

矣

又

或

遺

氣

質

而

求

理

則

口

以

爲

善

可

以

爲

不

善之説

信

矣

又

有

義

理

之性

將

使學者任

氣

質

而

遺

義

理

論

性

不明,二之則

不是。」若既

有

氣質之性

言性

之

别

也,虞廷言心,非

分言之則不精

性

之道

無

乃

混

人、

道

而

之乎

?

此言

心

乃虞廷言心

則

日人日

道

,而《中庸》直

指

率

道

也

後

之

儒

者

謂

其

説

昉之虞

廷,信

體

慎

獨

之外

别

無

工

夫

此

所

以

爲

中

庸

学之

矣,

而

約

其

台

不

過

慎

獨

獨

之外

别

無

本

不精

無以爲至一之地;

中

庸》言性,性

而

何

岐之有

?

然性

是

則

心不

得

獨

二,天

命之所

在即

人

心

之所

在

人

心

之

所

在

人 其後龜 業 偏,不若專 至 窮 于延 看 理之説 主 喜怒哀 静立 平 Ш 門下羅、李二 人極」 而 主 固 樂未發時 嘗 日 于 : 敬 聞 此 語 涵 又 養 以 作何 先 尤 而 須 敬 生 爲 程 字 用 氣 相 慎 子 敬 未 象, 傳 獨 則 盡 兩 口 朱子 進 以 訣 字 學 益 静 傳 親 在 之 字 專 神 稍 教 以 受 致

昔周元公著《太極 圖 説 ×, 實 本《 中 庸

曰:

「有氣質之性

,有義理之性

則

性

亦

有

二與?

爲之説者,正本之人心

道

心

而

誤

焉

即

道

心

之所

在

,

此

虞

廷

未

發之旨

也

或

者

也

程子

日

論

性不

論氣

不

備

論

氣

不

精是 不 教 體 夫 教 明 屬 夫,以 之解《大》、《 勿 天 意 知 口 而 到 下 省 謬于慎獨之旨 至 或 者 助 以 源 工 法 先 異,多 察邊 朱子 夫, 惟 未 無 中 生始目 一于反 固 未 而 合于格 至他 有 可 爲 不 明善是誠身工夫。」 日 嘗 工夫,博文是約禮 從 着 事 大 本 足 : 係 身 致 一之爲 力 本 日 前 體 中 而 以 轉 力 致 纖 良知只是 處 之不 答門 信 ÷, 知 此 毫 誠 践 相 無 方 支離 之, 之也。 謂 之間 偏 另 之力。」此 可 正 是真 立 人 慎 着 有 之 矯 初學爲之少 專 而 獨 慎 説 静 力 獨 Ι. 未 可 大 大抵 之外 獨 提 一夫,故 存 知 嘗 從 仍 病 此  $\perp$ 可 致 非 是 工 不 事 却 立 夫, 諸 以 另有 謂 良 真 致 夫。 0 同 方 慎 于 疑 儒之見, 又 日 變。 用 知 心 致 知三字 盡 歸 道 是 獨 :「勿忘 日 學 近 力于 窮 知 Τ. 者,工 權 爲 是權 夫」, 獨 是 理 遂 日 路 教。 動 爲 或 獨 惟 陽 窺 誠 以

> 之地 成 間 得 本 但 窮 乎? Ē 理爲支離 反 而 手,方窺 即 른 求之吾 後之學者 是 而 動言本體 尋枝 從 將 事 進 心 持 摘 于 而 步 果 無 此 葉 思 不 一,有 終無著 復 爲 知 之大者 慮 何 向語言文字 學, 同 欲 處 紛 心 是 起之後 罷 落 又 其 根 不 何 耳,舍 本 能 學者. 爲 成 者 支離 泛 乎? 上生 著 應 淵 但 ? 學 之 淵 曲 知 葛 又 病 不 從 當 静 即 藤 何 之 深 知 此 亦 物

## 第一義説

看 道 得 性 透信 善,言必 朱 夫子《 得及,直下 稱 答 堯 梁 舜 文 便是聖賢 叔 此 書》 是 第 日 義 便 近 無 若 看 毫人 孟 于此 子 他

日

又

説

道

則

爲

桀

紂

中

間

更

分

曉

果認

得

是

明

先

生

致

良

知

私

欲

克

去

人

欲之

却

從

何

處

下

手

來

?

成

埋

没

驟

而

語

欲

之

私

上

一 直 是

看

不

透

信

不

· 及 ?

師

然性善堯舜

如

人

行

路

起

脚

夫

是

有

子

晚

年

見

道

語

也

存

留

毫人

欲之私

段

説

話

教

人

如

此

日

第

----

節

Ι.

夫,

又只

引

成

覸

顔

淵

公

明

儀

欲

之

私

做

得

病

痛

若

信信

不

及

孟

子

又

説

兩

放 心 程 而 子 言 曰 然 心 則 要 人 在 心 腔 果 子 有 裹 時 放 此 外 本 孟 耶 子 ?

本領學問 十分看透,遂將 人欲之私 便是 字,正 之以堯舜,不覺驚 發 人人具 正 無 學 私 憤 學 爲 此後 此 者須 長安道,不 與 向 者 髮 且 要 外 不仁。」 便 有, 前 點 就 只是克 此 可 更 占 自 容 學者 靈 靈 處 定 無 即 然 混 光 光 用 是 本 第 别 用 不 歇 患 去 處 克 都 法 初 來 何 之 也 爲 手 天 間 了 放 人 放 不 義 故 面 堯舜 不 動 學者 欲 到 孟 在 此 處 目 做 不 得 地 之 朱 子 討 陽 京 盡 向 求 之 求 又 放 安 得 心 不 説 爲 堯舜?

點 是 或 其 維 己 故 便 中 相 由 家 又 所 謂 即 放 以 或或 落 中 謂 默 無 體 反 也 名 日 曠 放 而 智故 觀 安 他 認 相 腔 外 而 以 所 所 不 宅 切 試 推 凑 子 家 已 心 出 吾學 思 放 謂 口 果 名 放 問 也 泊 而 來 究 維 即 雖 亦 甚 天 在 學 相 不 可 雖 到 只 或 維 放 以 微 也 屬 何 者 居 乃 夫 知 或或 有 是 以 玄 亦 至 名 處 他 也 知 而 故 既 所 虚 維 隱 天 并 何 相 以 家 凡 從 人 理 心 授 空 默 無 至 理 故 處 爲 欲 仁 有 因 自 放 日 聲 微 是 天 陽 便 然天 度 而 從 讀 與 家 不 只 天 處 理 至 臭 自 明 無 放 實 此 義 體 仁 理 家 哉 口 先 孟 歸 理 此 方有 謂 無 而 皆 認 時 或 窺 歸 言 生 子 宿 其 心 横 纔 便 以 宿 而 乎 日 **>** 天 字 物 著 不 動 只 上 流 著 是 安 : 仔 理 却 是 落 屬 不 文云 放 排 其 下 細 之 體 維 程 須 自 則 是 程 放 名 究 便 檢 備 玄 此 自 子 切 非 子 所 家

> 之路 妄 至 這 甚 下 向 極 心 土 簡 自 \_ 齋 裹 大 既 得 求 ? 云 家 無 無 求 極 蓋 之 故 亦 所 底 而 此 爲 求 只 凡 向 藴 太 心 放 求 有 常常 既 極 道 又 心 在 所 即 離 做 之  $\equiv$ 這 無 向 自 自 體 門, 字 裹, 所 家 便 家 認 見 真 是 是 贵 便 Τ. 底 欲 學 智 便 不 夫, 有 藴 人單 至 得 是 無 有 放 處 一易? 之 所 無 所 亦 提 即 不 見 極 學 只 至 口 達 便 放 者 而 天 在 是 太 只

## 静坐説

間 問 姑 问 宗 爲 晦 除 學 旨 時 應 者 只 生 事 即 終 設 是 天 接 日 方 主 地 物 擾 便 静 萬 外 擾 法 也 物 苟 不 H 有 此 著 外 教 餘 處 歸 此 刻 理 T. 根 静 夫 復 且 坐 于 最 命 静 此 難 處 口 坐 日 下 用 悟 乃 手 之 學 华 在 更論

恁學?

學者且

從

整齊嚴肅

詩》云:「相

在

爾室,尚

不

愧

是

中之

此

下

千

駟

萬

雖

鬼

法

可

治

不

會静

坐,

且

只學坐,

地

聖

域

不

會

得

時

終

身只是外

,

又

日

「神之格思,不

可

度思

朔可

其善學,善學云者,只此是求放心 與之常惺 會得 見 學 馳 入,漸 起 致 心 于 居 射 坐不 介,有 跏 惺 人 更 纖 都 屋 思 時 静 , 可 進 親 不 無 作 瞥 漏 毫 時 ? 成 也 坐, 自 立 静 感 切 别 之 數 起 短之 鍾 神 如權 間 非 萬 自 自 應 頭 又只是章 尋常 然 千 不 判 不 事 非 形 學者 口。 避 度 遇 個 變 而 事 中 是 衣 事 ; 無 之待物 萬 -之是 仍聽之于物,我 見 情 食 句 静 與 又 能 化 説 得 于 非 以 也 而 中 應。 不 似 非 外 已 既 其 然。 可 處 故 是之非, 中 見 則 得 若 感 端 得 事 斷 力, 權 條 静 應 且 倪 是 無 分 度 存 然 個 教之就 又 處,斷 大 縷 無 不 雖 有 似 而 不 酢 小, 與 得 晰 在 如 非 莫 焉 力,所 皆 我 事 此 然 段 之是,從 辨 非 取 所 讀 如 有 個 雖 而 事 裁 磨練 此 理 書之功

便嘆

夫。

從此

入門,即

從此究竟,

力」,

此

其

真

消

息

也。

故

程

子

每

昔

人所

謂「勿忘

勿

助

間

未

嘗

間

本

無

切

事

即

以

無

事

付

之,

既

無

切

事

\_\_\_,亦

無

切

心

無

心之心

正是本

則

放

下

粘

滯

則

掃

除,

只

此

時

伎

倆

不

瞑

目

不

杜

聰

不

趺

息

只在尋常日

用

中,

有

時

倦

則

讀之書

則

應

,行住

坐卧

都作

坐

一觀

食

息起

0 息下, 全書本有「不參話 頭 四

輕

重

于

心

也

其

以

情

順

在

劈

之 之病 中 犯 心 諺 展 此 成 後 勝 手 不 T. 井 著 跌 原 此 井 方 決 夫 法 云 如 無 人千萬著 沛 無 果在 是 裂 得 經 庶 如低 圖 更 疎 纔 然 又有 事 事 有 也 力 無 與 與 有 難 不 而 何 處 用 跌,長 言 拙 練 棋 長 于 疑 7 失 處 己, 蓋 學 進。 世 事 正 以 易, 著、恐 見得 所 又曰 問 務 此 無 因 法 後 是 爲 行 學者 便 著 痛 不 識 此 是非後,又 動 世 大 事 事 疎 著 練 爲 與之克治 心 」,且須 有 有 多 于 乃 遇 至 先著 「滿盤 心 ,試之以 受病 學 成 細 事 之 事 八 能 績 法,大 九 不 ; 事 不 多是見 熟 處 敗 當計 分便 如 能 有 事 去, 居 察 非 事 局 又 要 少 應, 從 恒 要 此 或 便 ; 凡 事 著 放 關 成 是 談 只 又 只 此 心 小 事 才具。 敗 手 有 受 籌 道 主 是 省 有 再 欲 有 静 病 終 事 先 胸 練 莫 不 理 如 速 著 先

## 處 人 説

之比 者。 聯合 後 道 忽 此 忠 賴 于 遺 此 御 食毛 德、 處 矣。 于 于 以 ,此身已屬 其 夫婦 肩 發 事 家 君 維 于 應 真 悪 踐 稠 事 邦 軔 然父子其本也,人 助 與 性 爲 即 長 。」蓋 人 接 土 友于兄弟、信于朋 命、真 故曰 淫 于 倫 君 而 物 合之稱 廣衆之中, 父 天 僻 有 ,尤爲化原, 居 母; 相 : 臣之義 學者 下 室,又有 學問文章 室之 爲 不 刑 五. 及其 表 能 于 倫 從 間 似 無無 裹, 遺 寡 妻子 ), 其 此 能 稍長, 屬 學者一 不 妻,至于 古來大聖賢 所 孝 弱 道 疎 人。 事 與之 友、 不 然則 于 之 闊 打 最 遂 于 在 過 前 親 經 宜 微 自 有 室家 天 ; 是僞 兑 綸 于 未 便 渺 人 惟 兄 有 下 弟 是 室 生 多 管 弟 不 有 朋 生 而 , 也 真 以 從 家 實 易 友 至 以 能 不 干 與

之, 體 皆 其 夫。」 陸 滅 遇 經 中自然作用, 未 要 象 彼 只 性 惡 緯 有 在 理 要 古 Ш 種 人 聯 不 會 知 先 時 之見 絡 體中 人情 墮 至 做 時 牛 其 于 其 體 工. 日 中 横 事 夫 彀 非 知 認 染 之身矣」, 知 歸 仁 道 志 自 矣,曰「吾求之心矣」,不知其 復 全 以 至 入 副 在 路 不 于 動 爲 矣。」 是外 身 道 精 我 即 與 爲 我 來 且. 神 矣,曰「吾求之性與 何物 無奈積習已久,如 不 物 此 都 將 切 面 反 知 用 從 後 外 口 其 在 來一 求 頭 方 物 方且 爲 外, 即 有 作 切向 軀 是,故 其 下 緣 自 面 殼 手 來 以 仍 以 外精神,盡 也 工 舊 爲 日 作 浪 是 夫 矣。 命矣 爲 我 : 舊 誉 子亡家,失 又 「我 可 口 矣, 時 營 自 學者 説 耳 欲 緣

歸

權

術

人第

欲

以

術

勝

之之明與

處之之當

皆

耳

稍

有

絲

毫

隔

絶

即

爲

斷

逆

之來

果

能

作

如

是

觀

否

出

天

地

萬

物

體

氣

象

即

盡

切

盡

虧

切

虧

自

有

五

倫

而

舉

天

下

之

人

逐

逐

將

與

之

反

須

知

既

有

#### 向 外 馳 求 説

變,仍不是工夫,學者知之。

爲

名物

象數

也。

求

之于

軀

殻

外矣;

求

不

知

其

也

又

;

于

耳目,

愈外

矣;求之于名物

象數,外

之外

矣,所謂

路

向

外

馳

求

也

所

向

是

外,

無

往

處果是何事

?

若不

知此

事

除

1

人情

事

變,

無

口

做

I

然

此

際

極

宜

理

會

字 不 悚然汗 便 今爲 做 成 學 浹 者 者 生 下 病 凡 痛 頂 人 自 門 吾 針 有 儕 試 生 即 以 以 向 之自 後 外 写耳 馳 反, 濡 求 無 目 几

察

焉

外

也

時

而

遷

善善

改

過

焉

亦

外

也

此

又

與

静

語

默

焉

外

也

時

而

存

養

焉

外

也

時

而

省

非

外,

起

居

焉

外

也

飲

食

焉

外

也

動

以

爲

我

日

吾

求

終

不

其

斯

求,愈 名物 心是 之病 的 道 是 及 認 汲 以 仕 傾 于 问 前 君子 功 然而 體 其 親 汲 激 在 見 耳 不 宦 名 ,只辨 聲 内 求 而 象 我 則 學之 本 切 聞 乎 之道 決 富 譽 無 是 數 以 日亡。」學者幸蚤辨諸 聽 之 心 裂, 雖 愈 貴 内 肥 之,不 甚 而 文章 起 吾 學 闇 在 尋 非 身家 外, 氣 者 亦 得 正 者須 求 居 我 亦 關 節 愈 然 明 也 家 則 食 而學者 天 不 可 口 文章 愈 動 消 而 目 當 發 以 息 地 可 得 耳 歸 是 亡 日 而 業 真 動 以 得 萬 所 而 身是我 宿 一, 故 章 性 故 視 自 實 則 聽 往 聞 物 而 命 讀 之, 以 謂 爲 以 亦 聞 見 曰 : 無 是我 所 望公卿 書 無 我 自 所 愈 聞 非 不 身, 何 非 向 得 非 心 則 向 「小人之道 發 唯 莫 也 可 求 性 非 在 分 我 以 也 皇 得 而 每 在 外 有 内 命 氣 弱 事 故 不 于 日 非 而 我 外,所 總之, 軀 科 此 絶 非 孜 節 可 者 見 向 日 舉 尋 不 體 得 弱 孜 外 順 ;

## 讀書説

昔賢 賢 賢 之于 則其 書 不 讀 四 前 爲 書 力 之心 書者 者, 喜 (心。)學者欲窺聖賢之心,遵吾道之正 時, 書六籍 法。 如是三五 人讀 詩 實 我, 朱夫子常 切 舍 徐 云 然除 第 亦 即千言萬 引 吾心而 取 而 書,令學者直 求 非 無 其 翼 古 却 之吾 有 由 萬 年, 提 爲 静 人 言 兩 徑 撕、 讀 求聖賢之心,一 書 必 程 坐 心 夫聖賢之心 千蹊吾道 語 書之益,有 讀 工 有 匡 候 而 學者 無 夫, 之, 進 一救之法,皆能 也 己 證本 有 步 矣,舍吾 亦無以 半 便 是 學者 可 心, 害 日 覺 處 觀。」 即 静 不待言者 古 正 誠 四書六籍聖 吾 爲 坐 似 人 陽 今當 心 爲 于 讀 心也,善 真 沿 一一得 半 不 明 静 而 門 善讀 先 在 求 坐 取 日 矣。 地 持 牛 聖 得 讀 用

世

何

口

廢

也

?

吾更惡夫業舉

讀

書

一、不免

病

道

然有志之士卒

不

聞

者

猶然,況

有

進

于

此者乎?

唯

讀

書

即覺

面

目

可

僧,言語

無

味。」

何

| 惜

不

爲

貧兒?

昔人云:「士大

似

沿門

持

鉢

一,苟持

鉢

而

慎

思

只是思

此

理

明辨只是

辨

此

謂

博

學

只

是

學此

理

審

問問

只

鉢

無

益

貧

兒

非

謂

讀

書

果

可

廢

也

先

生

又

此

理

之難

明

而

必

假

途

于學問

是

行

此

理。」

而

日

即

理也」,若

思辨, 是 有 理 非 大夫三 彼 行 是 子 能 而 爲 得 問 一,篤 其 求之 求聖 之 舍 舉 乎 則 而 也 此 日 導 乎 此 此 業 行 不 又 小亦 理 見 將 讀 賢 ? 以 只 而 不 師 心 其下 力處。 體 少 而 主 而 形 者 間 腦 骸 謂 斷 截 塊。 E 流 已矣。」中 來? 者 之道 朝《中 便 者 曲 露 喜怒哀 便有 是 學者開 從 直 不 時 惟 教人, 個 無 形 莫 勞 説 形 此 此 庸 便是變化氣 通 中 可 而 樂未發謂之中。」却 上 適 氣 而 時 **>** 著 節 書 П 自 不 只指 爲 質 下 剛 説 力 之 **>** 離 理 書 主,誰 者謂之器。 日 柔 變化 和 處 就中 ; 形 點 口 善惡 用 9 纔 下 上 見 此 質之方。 得 性 氣質, 其信 説 方 所 者, 點 工 下 截 蓋 是 果 以 一夫來, 之? 真 截 人生 提 事 立 變 剛 却 上 性 事 起 化 在 又 柔 從 下 而 而 命 上

乎?

即

世

有

不

善讀書者,

舍吾心

日

古

人詔

我

矣。

讀

書

事

:

何

以

學之、

問

之、思之、辨之

而

且

正

是

性

何

處

氣

無

可

著

是

形

而

有

此

形

而

H

如

堂

下

不

及

截

則

易

混

作

善

惡

中

中

庸

何

處

討

告子 之氣 善養 事 于 夫。 自 悪 處 柔 之徒, ,所以 浩 若 而 便落 便屬 然之 已 落 剛 只 堂 與 性 氣 在 是 自 孟 下 命 剛 惡 子 養 人 邊 如 柔 差别 個 伎 而 事。 何 善 之于善 蠢 ? 倆 惡 然之氣 矣。 若 上 日 孟 : 欲 或問 施 已 正 正 自 纔 舍、 善 레 提 是 而 北 而 孟 起 氣 終 宫 克 子 質 浩 不 黝 柔 説 之 用 然

## 習説

見 ; 故 焉 不 言 曰 習 慎 曰 焉 有 習,一 乎 或 何 習見 ? 有 有 謂 少 習 成 言 習 也 嗜 境 ? 曰 若 因 學 于 欲 有 性 問 善 因 焉 習 則 習, 之 有 并 心; 習 人 善 功 其 聞 習 起 生 有 性 在 習 而 于 居 有 而 慎 心 有 惡 焉 習 爲 所 習 習 則 習 聞 因 習 矣 惡 焉 有 者 大 猶 習 習 柵 有 性 生 語 子 習 酢 口

乎? 既 善則 習 之? 之,爲之也 其 性 以 惡 生 在慎 未 相 而 曰 長 復性 爲惡矣, 已 有 者 于善 : 近 斯 動 而 于 復 乃 知 善、未 習。」或 。 習 静、天之性 齊楚,不 不 此 其人不能 審 日 其 也 者 知 遷 相 遠 性 其 如 爲 其 且 于習 必 有 遠 于 權 如 權 亦 是 善 日 )。」蓋: 爲 得 之何?」 性 盡 不 能 也 贵 而 矣 : 悪 不 矣。 焉。 知 也 又 性 答。 E 不 則 何 去 且 者 教 故《 其 矣。 善 誰 齊 渾 亦 謂 惡 習于 無論 人尊 得 爲 之善 子 日 : 楚 爲 然 易》 無 也 乎 此 不 善 請 日 也 ? 專 至 善 性權 習于 爲 善則善 者 曰 知 乎? 即 善者 習 性 可 習 善乎 「學在 善 予告之日 ; 以 知 習矣 之 習 不 惡 也 可 習 而 其 復 也 ? 假 者 習 于 故 權 不 知 證 爲 以 復 復 惡 非 日 慎 者 惡 感 既 然 于 無 善 自 也 性 性 則 乎 習 者 則 惡 而 于 知 已 愐 ? 誰 性 知 復 學 即 物 不 慎 爲 則 口

稟焉

,是之謂

性

權

。」或者恍

然

而

無

偶

先

天

下

而

V.

以

定

大抵

不

離

獨

知

者

近

是。

乃

知

慎習之功

了,其必:

在

慎

其

獨

乎

以習之, 知之 尊, 而 則 其 知 惡 惡 性 即 初 爲 乎 解 則 酬 知 而 其 性境 ? 無 言 可 可 曰 : 後 其 知 酢 起 而 習矣 習 也 其 性 復性 起 以 居 嗜 日 也 獨 欲 語 吾 者 凡 慎 以 非 苫 也。 服 以 天 吾 枕塊,以示不 而 也 儒 此 也 中不得一二,又進 生 親 非 小必 志 不用 世, 惟 齊衰之服 曾子 其至 哀 竟三年 喪禮,苫 而 胡 也親 俗亦有寬之者; 豊古 也。」嗟乎 不可解者 其 敬 Ė 也。 誠 齋 喪 道之 有次, 許 如 遑 先 乎 「吾聞 鳥 又求 兒 寧處,即 生 乎 ! 粥之食,亦既 難 日。 于 詎 以 用 之于居 而 行 而 諸 喪 此 志 能 其 ? 朱子 苫塊之處,舉 進 禮 則 夫 最 哀 幾是? 誠 夢 子,人 之 非 而 亦 有 也 ?!本 處 寐 又申之曰:「 壞 其 飦 流 聞 之節 之間 粥 根 足以表哀矣, 也 未 俗 君子之居喪 即即 故 心 之食,千 朝 之 又 有 一、若將 之痛, ,必寢苫 日:

慎之;

爲

之酬

酢

以

習之,則

知

如是

則

即

習即

性矣,凡境

聞

即

性

聞

凡

見

即

性

見

無無

心

非

以

慎

之;

爲之

起

居

以

習之,

則

言以

慎之;爲之嗜

欲

以

習之,

何

可

廢

也

爲之

語言

之能

事

畢

然

則

習

亦

可

廢

此

之

爲

渾

然至

善善。

依

然

人

生

之

無

惡

可

習,反之吾性之初,

本

無

惡

而

去之,去之也

必

盡

則

亦

無

,反之吾

性之初,

本

無

善

可

習

也

知

其

爲

四 七七七

陳

孝

廉

理

學

之

自

致

者

于

所

見

齊

衰

>

世

不

得

敗

壞

子嘗 事 知 壽 疚; 苟 謹 疾 次 故 男女各 子 先 先 終身坐廢 居 K 者 (),偶 ),所 , 夫 親 所 Ħ. ,誠 則 母 生 生 喪。哀 往 用 取 不人 竟殁于 茂 ,至今抱厥悔遺之終天,今也不能 戰 有見 使 以 非 舉 力 往 故一 以 歸 烈 戰 侍 盡 辨 動 矣。 内 明 而 喪 兢 毁 于天下之惡,莫不始 Ŧi. 人之子 女治藥, 嫌 之 是 喪 守 乃知 室, 次, 念之失, 過 兢 + 明 忽, 子 身之 也 次。 禮 其 無 男 微 少 嫌疑 如 一,誠信 與? 而 女子 子 子 弔者 嗚 也 近 而 學 臨 或 出 懵 呼 世 居 深 如 而 之際,尤爲 遂 亦不 次 見 昔晉 按《禮 可 吾 喪 淵 此 或 且 積 之,遂 泣 年 于 未學 爲 遂 可 後 得 如 鬼 友 陳 中 畏 不 多 釀 之 履 于 劉 輒 神。 不不 壽 門 殞 哉 白之疑 解 親 爲 君 君 微 薄 至男子 静 居 之外 其 喪 之者 無 子 之職 能 子 冰 此 而 喪,有 名 服 無 可 ^ 窮 造 所 數 以 詩 行 成 致 望 禮 以 曾 如 之 喪 于 無 君 方 而

> 之訓 于 後 久 矣 庶 幾 借 蓋 日 我 未 前 知 愆 亦 念 既 爾 抱 汋 子 爾 有 其 父 慎 師

## 良知説

勉之。

敬 已矣; 善 割 知 説 日 是 意之功,格物 古本序》曰 傳 裂 善 : 來 知 知在愛敬之中 惡 矣。 陽 孟 知 無 頗 止至 明 惡 與 子 善 傷 子常言 即 知 是 教 無 氣 愛 所 善之則, :「大學之道 良 法, 惡 脉 而 知 云 知 已矣; 心 于 良 敬 良 ; 之 至 爲 知, 知 知 相 大 龍 體 致 善 善知 格物之極,止 學 似 最 有 溪 良 去 亦 訓誠 所 有 而  $\forall$ 惡 非 知 之 善 惡 實 傳 功 究 是 而 意 説 有 知 知 天 于 不 格 已 竟 而 惡 終 泉問 後 同 在 矣。」 義 物。」益 己 意 有 學 至 善惡之 知 也 矣; 之動, 然 答 分 愛 宛 善 合 知 增 則 轉 誠 只 知 而

全副

家

當

而

必

事

事

以

善

悪

兩

糾之,若

H

去其

悪

而

善

乃

至,姑

爲

下

根

人説

法,如

此

則

則惡

又從

何

處

來?

心

意

知

物

總

是至

善

中

止,又

以

良

知之知知

先

而

知

本」,豈不架

屋

止 則

不

必

更言良

知。

若曰「以

良

知

之

知

知

之良知

亦得

知在

止

中,良因止見,故言

知

即

知

本之知,唯其知

止、知先、

知本也

則

謂

知

止

之知

知止之知

即

知

先之

知

知先

之

知

在

何

處

?

且《大學》所謂

致

知

亦

只是致

其

疊床之甚乎? 且《大學》明言止于至善矣,

善無

恶,

而

又知善知惡

是知

爲心崇也,

良

良

在

何

,處?

又反

無善無惡

而

言

者

也,本

無

所謂

知善知惡

,蓋從有善有惡

而言者也,因

有善

有

惡

൬

後

知

善

知

惡

是

知

爲

意

奴

也,

謂之

良

知

所

發

則

可,

而

已

落第二義矣。

且

是以

謂

之

良

知

知

在

善惡

外,第

取

分

别

見,

外。

知

在愛敬中,

更

無

不

愛不

敬者以參之,

蕺 Ш 先生集卷十八

四

八〇

#### 劉蕺 Ш 先生集卷十九

墓 銘 上

#### 江 西 布 政 使 司左參議稷峰章公墓

銘

文外,尤以 前 呼 且 爲 ,才名辟易,呼章氏 殁, 南 予小子談平 予 先生卒老于行,與二公爲 先 洲 囑先生曰:「知 外 先 道 祖 生。 義 以 相 蚤 經 生, 成 從 術 始 縷 三傑。 族 行 縷 終弗替。 我者弟 兄 誼 足述 東 推 二公先後 偁 重 也 也,異 窮交,自 公、 海 先生 内 稷 稷 峰 成 峰 學 晚 之 公 年 蓺 進 者 公

遊

稱

役 無感 脱稿 墓 狀》時, 狀 也。 中之石,而 愴? 距 非 子 今二十 子 以 子 而 龆 雖 先 誰 餘 生 非 年 ? 其 殁 年。公仲子持《狀》來請 受學,每 先 任 且 生 八年,手澤依 猶 許 事 竊 諾 筆 以 札,必 終龆 憶 先 然,能 命予 年 生 之 作

明 歲 高 母 越 之後,子孫 十九公始,凡十二傳 處三吴、兩 徐 能 也。 世 興二百年間,科 家。 屬 按《狀》,公系出 贈 文,爲 東 孺 公父某, Ш 浙間 人。 以 几 東 世 子,其 遡 Ш 德 其 而 甲 號 鍾 顯 上曰 及公。 卜居會 愛。 季 福之 于宋 相 東 爲 Ш 望, 某 建寧 十三受業于從兄 公, 族 隨 以 某 稽 自宋 生 公 指 某 偁 駕 , ●全城 貴 而 萬 則 渡 山 歷 贈 穎異,十 人,稱東 臨安, 祖父曾 元 則 某官。 練 暨 自 我 散 添 氏

0 建寧」, 遺編作 浦城」。

病

輒

落 祖 造 孝 益 爲 東 Ш 魄 學 自 偁 避 奇 憂。 廉 久 垂二 者 得 會課 之。 東稷, 木 曰: 肆 甲 諸 斂 一十年。 午 衽 則 于柴塢 生 筆 東稷 世 ·, 補 己 中 成章,②出 必 無 嶄 郡 稱 有 自 家 何, Ш 然 庠 知予者。 T 日 ,三人稱 露 生 東偁脱穎 不 貧 西觀場 頭 次, 齒 人秦、漢、 角 Z 一,日 未, 矣。 日 莫逆,❶ 後 邁 、公獨 : 同 連 辛 韓、蘇 他 先 而 擯 卯 公尤 自 與 外 H 有 先外 當 負 祖 T 間 司 深 東 日 及 退

公膠 年 閣 蓋 詭 尋 異 帝 Ė 籍 爲 數 庠,知 甲子 己未 嘉之,破格完之。 五 督 會華亭當 學 也 遂 七矣。 趙 遊 公曲 釋 方 登 京 褐 泉 或 師 解 爲 方公舉 識 假 授 額 公 偉其文,進 拔,聲名 大 地 第一人,成戊辰進 籍更名,補 華亭舊 理 遂 順 寺 荷 天 評 蔚 北 呈請 先 督 事 起 皇 浙 順 人飛 , 驚 晉 帝 學 御 天 禮 政 特 裁 生 章 動 進 員 簡 部 肅 館 攻

> 警 心 阨 拂 歷 不 敏 精 勞形,而玉之成有 衣 歸 遇 膳 極 郎 里 事 則 立 不 出 又 奮 辦 爲 + 彼 所 江 年, 西 蒼 如 至 以 參議 此 于豪傑之士 輒 壽 者 稱 終 司 其 于 督 官 家。 儲 一所爲, 凡十 凡 公才 年 困

以馴 之,輒爲 世 何 金 舍 E ? 講 . 三十鎰 左遷,于 善 公之爲諸 楊 辨 聞 爾 解之,事竟寢。 感 爲謝 會 公爲 嘆 誣 搆 而 生也 ,公却之, 義 訪 去。 梓 也 當道 里。 ,嘗客遊 9 終 後 楊 之 更 公偶 公去,楊知 屬之邑 倍 子 以 雲間 九 以 利 會 進 華 丞, 丞 初 有 貴, ,終不受, 其故,走 所言 心 派 富 之謂 締 以 家 及 給 楊

0 逆 進,而」十 下, 遺 編 有 文文 日 奇 東 稷 諸 孝 果 不 敢 以 雁

❷ 「自得肆筆成章」,原漫漶不清,據遺編補

皆引 間 鄭 陵 水 魯 陵 日 江 相 不 之議 開 敗 挫 放 州 陵 秉 矛 、公卒不罹 盾 大 代 公初 河 軸 非 意 鄭 體 出 蠲 之議 其後,公見 方 某 自 州 賑 出 初 誰 之外 若 持 子 恚 華 罷 當白 長 授經,不 政 日 亭 雖得 而 藩 清 犯 厚 : 之門 未 論 華 議 禁連 子 鄭 假 底 其 及 切 ·亭者 州 首 人皆 或 星 于壞,公處 中 獨 以 繼 引之議 肯 變 家 江 爲 ? 不 爲 更 例 多其大節 事 白 陵 諱 鄭 凂 而 鄭 左 華亭 膏 華 匡 也 心實厭之,卒 州 寬,蘇、 遷 州 亭 肓 救 以 義之。 以 繼 耶 事 華 居 離 云 去。 ? 又 松 多 亭 如 合 侃 館 齊 公 大 類 之 江 江 侃 于

怡 穀 不 風 及 以以 公體 友 愛, 禄 養 公性孝友,蚤 養爲 7,不 其 垂 違 志 白 痛 其 無 勉 懽 間 伯 承 違 兄 言。 其 比 蚤 東 訓 喪 世 Ш 嘉 事 徐 靖 家 哀 癸甲 貧 毁 仲 孺 受受 幾 兄 人 間 絶 有 徒 叔 連 皆 孟 兄 資 大 怡 以 館 13:

> 恩怨報 急,輒 祲 天 道 有 略 姊 耶 有 輒 嘗之禮 貧 ? 苛 门以 蚤 矣。 以 呼之日 所 焉 寡 自 建 細 應之,不責 兄 姑 完 施 其 7 嗚 喜 撫 坐 老 所 之情。 : 恢諧 内 呼 其 卒享令終之福 顧 餘 誓 木 「愚公乃不愚。」以 行 孤 、公曰 蚤 金 守, 雅足法 見遄 一, 益 岸 恤其 赴 如 其 贍 幘 機 : 公者, 報 之 以 歸, 婚 垢 如 也。 有 以 稱 喪 響 衣 不 捐 完 貸 弟 可 蓋 尤 必 貲 公德 人 與 在 其 力。 有 爲 而 新宗 盡 莫 公之才 人 節 忍 明哲 究于用 饘 度深 克 測 油 侄 遺 粥 其 祠 全 油 宗 保 婦 同 共 宜 遠 涯 然 于 身之 黨 助 寡 氣 脱脱 之。 涘 其 闊 告 蒸 而 餒 而

娶齊 生于 封 孺 公初 氏 某 人,生國子 年 贈 月 名 孺 紹 日 人,生庠 生英, 更 卒 名 于 禮 某 娶王 生 年 某 字 月 氏。 某 ,娶某。 日 稷 繼 享 峰 董 年 其 氏 董 若 别 干。

某,許 娶 聘某。 陳某,聘 某 某 葬以 某 生 或 某 女 子 年月日 生 許 懷 葛 德 兆 娶 以某里。 許 (某。 龔 英 懷德生 生 某

先外祖 之。 公屢 于先 改 可 亦 祖 華,久之有甦,乃返。 他 者,徒以閨中繫耶 塢 日 之 罷 猶 日, 輒 「子終必 試試 會 外 諸 偃 公猶豫,先外 公讀 面 蹇諸: 祖 生 生 每從士 屢 知 折 也 無 我 北 粥 爲 書 日 生 晚,不 能 之誼 畫 遇。」公之北上也 聚 : 一勞苦, 一,踪 大夫力洗得白。公貴,先外 且老矣, 先外祖 爲 斷,不減長白,卒相 首 爾忘貧 役。 ? 祖 跡 深矣。」語 及 如 相失。 得心疾,棄 謬激之日 知 丈夫之謂 初 鄉人謗之,坐以 先外 賤 先外 之日 祖 姑 既罷官,先 日 據 : 且. 祖 先外 家走, 何?」遂行 不 爲 狀 乎?」公 觀人于其 每 所不 以 子 如 與 有 祖 他故 爲 有 言, 右 外 遡 能 所 實 病 成。 爲 祖 決 柴 促 愧 不

所友。」君子益以是知公也。

我 金之介, 而 子,令德永終。 徴 止,委蛇 白 銘 世 日 不 長 群公。 違 嶢 者 固 嶢 大智若 遺 窮 易 風 色 缺 斯 展 思,至 舉 禽 皎 矣, 皎易 日 惠 羅 和 蒙。 老 者 掩 恭。 冥 氏 允 鴻 猶 矣 援 千 止 君

#### 江 嘉 西 婦 寧 何 州 孺 知 人 州 兩 竹 渠 世合葬 章 公 墓 暨 誌 配 銘 俞 宜 子

怡 生序 有遠 公, 之業,所 部 情 郎 而 韻 而傳之,至今行于世, 嘉 中 Ш 雙 水 廢 非 渠 著《思魯 隆 間 公與 間 數 切 則 + 會 羶 竹 以 齋 稽 年 渠公 情 集》若 州 以 章 勢利 刺 老 氏 從 解 聯 干卷, 者 組 竹 則公殁已五 蟬 兄弟 並 比。 渠 起 鄉 公尤 科 也, 杜 故 之縉 第 門 其 擅 者 却 十 則 紳 風 六 皆 年 先 雅

卒業 乎! 恨 矣 狀 生 昔 而 也 宗周 想見公之爲 問 晚 人 不 誌 謂 古 于 死 及 章 子 而 事 之 不 É. 公。 所 朽 贄 自 以 以 出 日 言 遺 于 立 稿 其 公爲 者 子 嗣 公 乃 孫 外 其 得 冠 祖 次 叙 近 行 公 第 之

易足 篇 時 輕 者 風 濯 炳 東 尼 露 身 姑 郊 嘆 0 此 凝 事 興 其《 矗 其 借 衆 憩 悟 班 矗 浪 和 和 我 芳 彭 命 須 點 荆 蒼 長 遊 澤 茅 時 雜 落 集 脱 獨 0 于 坐 Ш 詩 以 廬 運 本 先 穎 選 ^ 飲 日 舉 篇 **>** 自 和 指 余 體 足 況 目 -物 > 也 飲 醉 群 日 雖 我 口 酒 而 翁 而 狥 動 倦 矚 同 得 篇 如 意 時 不 活 禄 休 矣, 樂 意 若 託 在 如 和 活 佳 處 心實 有 興 酒 涉 : 人 遊 清 景 又 在 不 苦 江 斜 無 流  $\Box$ 斯 有 醉 宴 止 不 和 窮 111 : 言 古 探 醒 于 脱 如 陶 知 狂 賞 道 自 旋 婉 彭 纓 日 > 止 如 澤 諸 而 有 士 宣 自 心 : 口

想 詩 琴。 雲林 永 爲 事 還 静 至 求 不 Ι. 根 不 登 詩 逮 倡 鮮 在 0 工 暄 嶺 携 徒 每 乃 ,父子 皆翩 0 又《 月彈 和 有 時 卧雲 于 朋 而 隨 日 公檢 友 以 湖 就 詫 次 舉 意 Ŧi. 人 轉 易 翩 有 岸 Ш 林 雲 依 間 指 酌 爲 更 時 蓬 押 遠 逸 其 始 如 門 然冷。 又 嘉 近 更 枕 時 騁 或 興 慮 有 音 爲 深 故 是。 事 自 **>** 相 上 獨 者 待 日 安 自 與 相 燭 默 過 酌 公自 昔 稱 倡 難 莫 川 從 獨 雲 照 晄 誦 飽 湖 矜 忻 爲 孟 和 窮 人 月 與 古 無 巔 不 天 嘉 興 然 中 競 野 上 漢 E 本 寧 方 並 須 籟 詩 移 蹴 歲 遊 放 爽 虞 影 魏 無 而 覩 翛 多 云 跅 歌 謝 趣 月 功 詩 0 嗣 Ш 心 景 近 然 跳 艇 事 群 君 静 數 有 人 體 何 須 歸 自 葛 切 卷 繫 孟 事 奏 動 塵 悟 曝 不 Ш 放 外 嘉 公 户 始 踪 屑 邱 制 離 艇 前 日 之 名 外 日 亦 興 爲 屑 中 月 以 途 贵 本

補諸生。年二十四,以春

秋

始

公弱

冠

知 洵 陶 其 石 羅 舉 居 其 情 頌 州 嘉 源 官 所 德。 詩 知 靖 所 養 縣 甲 ,落落少俯仰 酒 至 公爲 有 再 午 間 有 過 鄉試,七上 陞 解 惠 人 真 政 地 者 温 定 深 和 去 府 微 卒 簡 羅 通 一公車 居 爲 曠 源 判 大都 含 然 <u>一</u> 十 不 沙以 揖 擢 售。 魯 年 如 去。 江 狂 其 謁 人 西 之堂, 詩 晚 猶 選 寧 年 故 V. 州 爲

卒步 文泰 高 嘉 萬 也, 未。 元 + 蚤 曆 母 以 武 女, 某 考 公諱 進 王 曾 年 焉 日 舉子 夢 時 長 祖 士 乗中 ,享年若干,生一子二女。 忭 高 歷 適 以 配 業,不售 官 萬 張 唐公南 任 誠 俞宜 字性之,竹 參 曆 建 仕 任 政 辛 昌 修 人,生 高 卯 向 縣 雅 孟 縣 坐 唐 主 距 學生 好 于 嘉 廳 州 簿 生 渠 賓 諱 正 事 知 之 其 德某 客 啓 既 ; 州。 妣 年 别 所 謨 次 寤 爲 號。 王 年 適 子 公之生 交皆 氏 别 正 卒于 生公, 即 卒 號 何 德 孟 太 総 祖 辛 年

成立者 宜 氏。 夫云。 遠 嘉 用 孺 觀 之卒也, 子 于 子,卒于 方 闊 時 亦 某年 人 即即 名 從 日 庶。 İ 待 人合之。 步 而 者言, 合之,後冠復 不不 詩 詔 流 孟 故 冠 又 傳其 冠以 嘉 ,劉等三慈母力 廣娶某氏,生二子,陞、階。 圩 而 萬 冠 以 口 ; 如 始 側 卒 曆 徐 也 甫 金 改葬 葬 兹崇 太學生 于京 室 世 世 文長、 女, 氏 十龄, Z 公子 業 劉 未。 公于 袝 禎 適 葬 氏、 晚 其 授 年 董 鑄 壬 沈 而 娶薛氏 孟 以 側 西己 長 思 原 Ŧi. 金 浦 申 伯 何 也 嘉 太 何氏, 圩 蘆 白 氏 + 劉 七 施 己 霖 學 干 9 里 之上 鹽 輩 五. 家 月 謝 公穴 生 羅 羅 太 十 生 人嘖 運 · 生 嶼 生于 世 選 學 氏 其 司 一穴相 (之 右 之 有 藩 並 于 子 爲 使 生 嘖 知 陽 某 司 改 劉 嘉 親觀 庶 稱 人高 事 日 年 以 首 娶某 袝 孟 生 靖 去 女丈 卒 以 ', 卒 歸 廣 領 冠 嘉 孟 何 庚 視

犢 交訌 晨。 蹇 者 璣 彼 忘 歸 敷 年 有 難 似 仙 裔 拱 難 蹇 梓 島 東 歸 何 是祖 嗣 T 政 ,徵公遐 泛泛泛 ? 璧 運 農 羅 翼 老 優 無 白 銘 臯 翼 艱 年 懷 優 未 有 源 日 西 古之 是 以 晋 皇 鑄 葛 保 其 爾 芳 則 疇 孫 消 時 嗣 天 六 障 奕 浦 而 亦 乘 當 洲 逸 百 解 揚 之, 去 之 師 江 奕 有 以 愧 眷 盛 競 民 憂。 陽 海 右 閩 貝 高 我 霏 以 得 眷 先 久 奂 世 氛。 儀 錦 唐 勒 霏 其 琴 勞 詰 流 列 良 逾  $\equiv$ 緬 銘 意 勩 芳,亦 手 以 晨 仙 胡 兵 新 葛 公 仕 懷 華 以 澤 戎 書, 交 是 是 爲 藟 則 州 高 狂 表 征 宅。 效 已 百 쪰 簡 郡 文 冰 交 倦 連 以 有 以 倅 年 之? 肅 (典册 檗。 倡 好 季 遊 繕 不 傳 彭 秉 出 高 清  $\equiv$ 以 仇 昆 辱 澤 風 輔 再 谷 心 萑 拮 後 其 酬 慨 感 其 其 維 傳 苻 遷 中 干 据 焉 邈 心 0 行 乃 夢 次 喬 以 珠 矣 則 買 宵 百 行 懷 外 季 來

# 福建布政使司右布政馬湖來公墓誌第

謦欬間 聆其 之 之,以 彭 彭 中 既 書 有 狀 禧 適 禧 晚 不 别 無 議 頫 盡 來 也 去 子 所 是不 大 而 申 請 風 髮 論 知 又 不 會 節 未 生 前 者 無 誌 + 讀 群 略 及交公。 破 命, 四 燥 于 何 年 焉 士 其 囊 座 顧 子 而 一、公欣 不 即 何 公 而 未 落 公 獲 聞 以 懸 出 落 子 捐 嘗 晚 已 西 爲 然 大驚, 車 恨 狂 館 不 陵 爲 公役? 臨 在 簡 知 爽 見 有 按 講 里 類 公 比 公子 然 來 其 席 以 晚 間 晉 葬 自 公道 族 爲 謝 有 神 失 司 銓 即 經 之, 日, 至 情 馬 顧 恨 部 晚 再 濟 散 郎 多 君 伯 子 知 其 知 才。 朗 之 公 子 公 里 異 而 于

也。 系出 公來 微 氏 諱 宋之後 斯 行, 傳 字 至 道 宋直 之, 龍 馬 鄙 湖 閣 其 學 别 + 號

卒 憂,故公及 渭 志 静 員 贈 按 畏 歷 命 以 倚 讀 貞 屏 爲 皇帝 從公議。 不 觀 萬 馬 書 察 齋 > Ŧi: 淑 Ш 遇 獨 几 使。 公某, 曆 傳 公憂, 成 公, 不 人 於越 可 試 + 公 爲 沈 丙 再 文, 在 始自 輕 申 卷 輒 過 潭居 午 氏 而 之,而 東 望族。 考静 廢 冠 濫 服 成 静 壬子 得 宫 言 生 鄢 代 軍 翼 生 公公 誦 觀 仍 雋 觀 陵 几 處 之 王 公博 謁 不 實 請 顧 自 潭 始 典 公某 子 扈 子 與 嫌 例 選 加 治 明 獨 1 居 1 試 綜 駕 立 争 疑 點。 渭 仲 年 呃 即 凡 謂 授 居 皆 臨 廣 長 之 群 立 訐 T 干 即 淹 七 主 長 庶 西 安, 籍 之 會 總 以 未 棘 公。 父 傳 貫 河 朝 事 生 議 角 罪 囂 公 事 稱 經 因 其 而 外 者 議 刑 成 相 竣 貴 家 公 史百 通 至 補 廷 將 部 鼎 後代 凡 成 進 負 當 于 儒 公, 恒 立 邑 聞 沙 贈 七 ± 著《 家言, 0 蕭 異 是 弟 切 長 舉 其 有 沈 厥 有 廣 姿, 時 Ш 後 娶 隱 鼎 子 淑 成 獄 T 始 祖 顯 西

> 調 督 計 補 Ш 歸 陵, 永 平 0 竟 府 服 以 推 翼 不 官 行 補 請 託 部 忤 管 津 理 要 器 坐 Ш. 察 盔 典 甲 \*, 論

之急 地 海 以 道 是 進 飹 而 芝蔴 ,輓 未 爲 形 無 者 苦 高 務 于 木 口 南 時 江 海 灣 下、 以 道 轉 邊 尤 運 餉 即 收 至 淮 事 挑 萬 也 公拮 北 海 H 之 濬 世 公駐 運 海 亟 日 粟 由 定 淺 之 据 海 中 直 Ш 備 深 鼎之訏 全 倉 其 天 原 達 海 邊 與 津, 也 間 有 天 而 凡二 夫 將 事 津 皆 進 管 沿 帥 謨 請 爲 革 漕 有 南 多 百 在 復 北 便 渠 良 北 聚 几 大 今 元 策 道 宜 十 繪 爲 天 日 人 下 里,其 餉 皆 圖 梗 膠 爲 然 登 勁 自 救 猶 萊 南 可 河 種 兵 間 北 邊 故 南 恃 謂 而 種

<sup>0</sup> 若干 儒 下 日 《備 足 全 爲 忘 書 後 録 本 有 憲」三十 日 雖 曲 隱 水 德 六字。 蛙 弗 鳴 耀 所 日 字 日 源 流 敦

千,預 擢 公馳 效 以 月 者 愈 如 資 事 坨 兵 心 列 然亦 應 部 檄 島 韙 眉 整 索 援 諭 主 之, 而 終 來 飭 馬 系之以 之, 事 無 春 頭 天 而 當 用 即 即 津。 誉 口 卒 事 公者。 陳 糧 定 並 不 者 説 備 隨 公申 不 居 頗 能 得 邊 且 要 欲 縛 決 機要 課 久之,卒報 前 害 用 首 輒 也 費 請 宜 事 其 鼓 請 不 説 者 噪 漕 期 分 過 乃 屯 赴 正 舟 得 宿 + 罷 法 兵 軍 守 當 擢 水 萬 門 海 凍 陸 公監 外 秩 爲 卒 當 面 重 若 滿 亂 軍 數 自 兵 事

衆 東 留 進 賊 提 兵 殲 公鎮 數 白 兵 殺 公陽 千 據 Ŧi. 會 之白 傷 餘 鄒 千 人 Ш 無 孽 縣 東 往 謝 算 家 將 、公不 蓮 援 之, 屯 徐 攻 妖 而 鴻 遠 州 而 鴻 倡 道 顧 儒 城 密 儒 亂 近 過 疾 據 尤 懽 署 城 景 撫 滕 黠 趨 聲 所 中 州 縣 臣 桀 Ш 如 部 人 告 妖 東 相 雷 出 援 急 黨 公請 與 兵 摭 于 犄 時 諸 津 宏 賊 留 趨 角 撫 + 鼓 禦 志 滕 首 公 檄 紳 官 殺 以 張 聚 公 疏 而

> 平。 津 道 其 餘 鴻 賊 躡 至 長 孤 門 韋 勢 之。 t 人 儒 掃 賊 爲 公遜 爲 益 里 以 憤 地 勢 燕禧 甚 先 王 蹙 木 兩 死 會 讓 是 之。 伏 所 乃 守 僞 至 總 公公 不 Ш 執 自 計 是 太 兵 尸 穴 t 遣 師 復 據 官 其 械 城 我 里 子 等。 迎 險 連 功 送 燕 人 戰 師 文 戰 城 東 循 鄒 禧 鄒 T 誉 克 驟 撫 破 例 城 焚 薄 里 之, 城 衆 獻 陞 其 鴻 城 聞 斬 尚 鴻 參 俘 再 輜 儒 之, 下 欲 戰 議 闕 + 儒 重 潰 降者 欲 失 下 萬 再 于 棄 韋 仍 利 乞 捷 他 城 逃 我 備 Ш 降, 所 走 間 東 築 百 擄 師 兵

未 級 駐 頭 長 平 争 可 按 辰 以 察 越 沅 附 之, 兵 使 即 威 貴 擢 而 下 ൬ 勝 陽 以 公 長 扼 世 有 兵 田 平 我 安 事 3H 越 餉 適 酋 聽 秧 道 黄 道 之 公 其 平 乃 亂 費 魁 當 州 稍 畫 也 吏 事 水 録 楊 議 西 所 平 公日 政 遠 調 居 妖 啓 兵 近  $\mathbb{H}$ 功 + 當 諸 訴 是 冤 進 萬 苗 偏

公公曰 首 已。 還 蜀 司 事 政 間 0 啓 密 間 者靳之,公頗 以 問 公至 今上 還 授 尋 者 次 之, 以 擢 、公許 第 知 諸 戊辰 計 底定, 舊 福 而 苗 止 反 建 令其 事 震 不 起 習 側 右 不 殆, 成 則 懾 者 秧 平。 補 布 叛 賞 秧 者,公 此 以 鬱 政 而 其後 之 以 其 安, 林 屬 投 Ŧi. 敗 可 時 有 兵 秧。 喜 安安 止 有 百 矣。」遂 巡 微 日 用 金 以 載 一首卒 疾,遂 不 : 恩 官官 啓之。 仍 五. 舊 信 吾 乞骸 用 都 就 日 疾 得 招 得 公 司 擒 復 撫 靖 請 而 間 诼 事 顯 節 内 曩

當

而

楊

矣

行

秧

越癸 晨, 論 無 文 虚 卯 講 酉之某 日 家 咏 享 或或 居 道,又 年六 觴 與 築 月 梧 申 日 陶 + 柳 宗 然 衲 有 以 袁 法 自 九 疾 子 適 以 徜 卒 深 ,終不 訓 徉 于 話 族 家 其 無 人, 間 聞 生 距 有 遇 編 其 或 户 月 生 從 經 外 夕 爲 子 摹 事 花 弟 隆 史

作

而

土

公英爽開霽,率性自可,居恒不修小

擢 之念 膂 識 妖 鴻 爲 是 後 征 發 于 燕 明 未 者 功 儒 力 諸 物, 儒 水 無 時 至 0 而 遂 禧 過 未 遊 晉 西 生 新 所 者 其 尤 是爲 足 識 除 見 論 非 以 機響 擊 稱 不 家 建 司 以 略 鬱 窺 將 知 道 馬 壯 ; 大 漸 横槊躍 · 欲以 盡 居 格 偉 公所 不 年二十餘 無 烈 軍 則 略 臻 之,嘗 世 物。」 是 然 師 得 善 出 如 實 文自 爲 世 爵 事 自 志 當 無惡 風 際。 馬 此 襲 錦 致 海 又 以 信 是 讀 馳 推 門先 外 見,自 知 衣 日 死, 從 時 氏 云 公 電 惜 燕 有 衛 : ; 鋒 公 從 實 書 掣 而 子 禧 見太 無 生 Ш 鎮 征 貫 爲 公所 攘 少 公處 日 性 宗門 者 之 東 撫 故 陣 廣 善去 喜 講 之公父子 : 椎 一、公仲 見 虚 兩 . , 積 所 川 著 之 韜 良 魯 其 之旨 猶 見 撫 以 至 有《 坦 惡 知 鈐 以 征 生 太 在 並 内 以 子 之學 之 如 功 鄒 經 以 擒 虚 善 席 無 以 功 其 略 也 滕 也 史 徐 其 惡 請 平 以 達 名

學者。 有成 葬 及子女婚 珠 典 卷,行于世。 ×, « 也 奥  $\ll$ 以某 帙。 槎 在官 庵 几 嫁 西己 年月日,是爲銘 集 書 中外 ,皆詳《狀》中。 沈氏,累贈 其小品曰《宗談》六 × 問 《燕 答 封事若干首,行 ×, 語 **≫**′ Ŧi. 淑 經 人,其他家庭 家乘》等, 音詁 兆在某之陽, 種 間 一。皆以 始 各若 經 末, 懿 史 皆 證 淵 節 干 而

子負 跨 把 春 萊 提 開 如 風 無 九 釣 戈 0 者惇史裁 埃。 垓 白 戟 所 動 銘 生之旨 矯矯我公騰 雲陪 ,出聖人 英 至 禁 地 曰 憤 殲 轟 中 神 手 摧 其 如 頗 安 廟 我 魁, 雷 牧 編 禪 在 以 人争 雄 竹 公掉 龍 哉 金 來天 題 辯 素 印 ? 媒, 倏忽九天風 此 斗 推 天 才。 頭 步 貞 盍 人 大 云 嵬, 珉 歸 高 公今一 該。 懸 何 光 乎 旗 者 爲 東 夜 來 大 誰 西 力 ? 臺 姚 笑遊 纛 絶 羽 叶 一,其不 江隈 雲 2 幕 千 滄 檄 П 蓬 古 儒 府 江 紛

### 刑 部 河 南 清 吏司 郎 中日乾趙公墓誌 銘

是可 哉 後三 筮仕 家。 官,始 ! 一十年 以知公矣。 世莫能知公之爲人,公常曰:「吾幸 爲 萬 時 刑 曆 有唁公白首爲郎 終不 竟 部 昌 以 郎 負 啓間 刑 間 也。 部 郎 徙 吾 刑 懸 鄉 官 部 車。 者,故一 有 郎 己 日 Ė 又十 復 乾 云。 矣, 爲 趙 公者 刑 年,卒于 又 嗚 部 多 呼 前 乎 效

先 某公,十八傳而及公考宦橋 世 出 公諱會禎,字衷如, 宋 燕懿王之後,南 渡始家于 字先之, 公,以公貴封 慈 號 谿 日 乾 如 日

朽

<sup>0</sup> 開 一十四字。 下, 本 有 蛇 H 鴻 雁 哀 空 遺

<sup>2</sup> 大懸者誰」,全書本作「肘懸斗大來」。

誤 貲 卒 公官 于 年 傷 事 于 其 嘗 獄 出 屹 如 不 政 竟 學 」,因 整 能 鄉 率 法 爲 病 三 不 麗 曹 己 豪 福 動 日 聲 員 育 再 奔 如 目 母 卒,公坐 建 進 于 李 也 著 外 上 曉 走 新 Ŧi. 雖 于 方 參政 平 郎 公車 年 瞑 創 權 暢 13: 長 其 者 贈 輔 所 也 律 要 家 郎 補 坐 持 是 道 諸 宜 矣。 間 人, 坐 意 中 成 諸 法 左 由 姦 自 室 復 戊 生 司 而 權 理 公一 遷 漕 凡十 利 少 戌進 傳 本 要 枉 指 河 公 端 殺 爲 補 以 之 人 訊 之, 無 畫 生 静 人, 舟 爲 士: 刑 祁 以 多 所 年 立 口 币 以 異 子 部 州 神。 矜 爲 決 0 П 無 吟 歲 群 與 起 萬 郎 知 慎 之 撓 左 所 無 家 漕 李 起 曆 兒 而 州 請 驗 讞 多 曠 故 素 公既 卒 方 刑 沉 甲 稱 間 嗜 疑 晷 雄 懸 部 午 宜 所 居 鬨 尸 公公 學。 是。 獄 治 久 視 案 故 于 主 舉 而 人

會妄男子張差持梃入青宫,所當閻者

望。 借 年 計 殿 于 縱 言 時 愈 者 戚 中 妃 人 輒 王 争 是 君之 心 見 女好 然 于 大 畹 事 H 貞 其 有 仆 計 皇 説 乃 則 朝 于 有 群 鄭 皇 不 袒 執 群 寀 是 祖 寵 帝 或 下 以 安 臣 口 日 王  $\equiv$ 王 内 起 疑 泰 窮 臺 : 于 在 定 宣 知 説 削 諭 豎 縛 朝 柄 治 皇 臣 青 貞 ^ 者。 何 坐 籍 以 要 龐 之, 士 與 差 事 祖 劉 宫 皇 物 時 以 兩 典》。 保、 倡 者 宵 諸 帝 廷 清 久 株 女好 大 下 主 頗 宫 言 又 邪 于 違 元 徒 議 使 引 劉 得 人 法 项 慈 瘋 坐 青 臣 有 問 闌 乘 請 其 會 諸 定 則 成 孝 司 顛 戚 宫 益 瘋 視 交 之 上 人 王 爰 臣 無 訊 者 劍 而 畹 顛 用 禁 通 數 疑 召 書 猶 奉 間 而 甚 水 公 城 之 庭 往 事 宫 進 内 用 鰓 以 聖 火 福 力 還 説 滴 意 社 官 洵 畫 闡 爲 鰓 馴 1: E 藩 益 膽 主 甚 狀 語 公 率 刑 爲 有 至 口 疑 而 13: 其 報 落 曹 切 部 魏 或 主 乃 鄭 御 詞 主 多 窺 而 可 判 侍 璫 明 本 事 之 禁 貴 便 颺 事 觀 連

果。 以白 起 説 本 異 居 爲 部 爲 罹 郎 無 姦者 郎 補 敦 相 時 如 ~清 尋 有 王 成 公固 公矣。 時 公 故 議矣。 疏 原 引 歸 于叛 車 張 繩 官, ,特惡其 所 次第彈冠登要津 歸 未 既 追訟之言 摘 太 公者,而 迨今上 君父 平 蓋公持 始公既 嘗 逮 而 宰 方 囚 數數 邪 死 問問 以 而 王 江 龍 黨 詔 達 黨姦 公以 不 起 斷 南 . 三 興, 用 論 獄 也 頗 顧 召 挺擊 天下 類 事 諸 爲 刑 知 所 也 用,公、 調 構殺 獨 調 調 部 姦 公, 縱 事 停, 停 停 亦 冤之,而 懿 郎 舍 公以 以以 欲 之與 亦 坐 哉 ,至倡大 家 次 王 矜 引 第 君 自 遇 外 斯 居 疑 刑 用 請 艱 言 又 服 諸 劾 雨 數 公亦 部 公, 去,又 之嫌 辜 e, 劍 如 八東之 + 罷 郎 夤 ·, 卒 故 不 議 家 緣 百 足 刑 遂

決 馬 大 官舍蕭 疑 公爲 輒 人簡 然 不 動聲 素,居長 與 人 色 落落不 得 安二十年 之。 苟 子 合, 通 籍 至 率 後 當 敝 公三 大任 裘 羸

> 家子 爲 年, 爲 乃 年 前 不可 據 重 議 與公同 馮 其 不 慶 嗣 及。 從 水部 大 克 孫 者 子 朝,每 重 竟 書 遊 君之《狀》來請 既 慶將 其 之,系 有 而 用 望 日 出 葬 見公, 惜 處 以 公于某之陽 必假予言以 哉 時 銘 相 ! 穆 予誌,予 左, 如 會 清 而 公 爲 風 既 公 而 辭 重 亦 殁 以 自 也 不 之三 其 竟 顧 为因 以 年 以

以 以 郎,不負 射利。 矜名? 銘曰 一爽鳩 臣 彼 此 筆 氏。 炎炎 侃侃 如 Ш 嗚 而 而争者,君子之朋 呼 臣 勝 ! 心 者, 如 庶以 小人之勢, 砥 永 日 而 臣 來 + 亦 何 车 不 不 爲 乘 附

### 奉 政 臧 公 大 暨 夫 配 南 誥 京 封 吏 部 安 文 吴氏 選 清 合葬 吏 司 墓 郎 誌 中 銘 醒 涵

許 可 吾友 晚 于 Î 懿 長 戚 孺 中 先 · 得 二 生 負 臧 伯 世 日 人 存 倫 涵 鑒 仲 不 輕

偶 矣; 書 夫 當 逆。 舉 知 請 柵 其 醒 又 年 之。 仲 七 示 亦 以 己 誌 ! 涵 即 而 醒 年 于 捐 志 子 子 之 云 仲 時 又 個 子 涵 私 館 節 賜 嗣 氏 以 往 者 則 識 比 : 著 學 以 既 子 + 往 平 自 之 子 此 基 卒 問 待 予 過 不 成 日 H 大 無 之二 吾 辰 葬 文 苕 乃 之 所 行 何, 章 鄉 始 期 憮 稍 難 日 伯 獲 以 年 後 相 存 經 : 遷 然, 也 接 因 其 起 切 而 濟 涵 厥 南 當當 之彦 惟 季 念天之生才 劘 讀 奪之易 銓 起 配 君 志 以 父照 兹 家 其 吴 郎 並 子 節 經 墓 也 大 安 後 狀 皆 成 濟 門 0 如 或 如 行 或 顯 之《狀 而 之 尤 伯 酬 相 此 亦 器 既 節 石 捐 仲 或 不 視 呕 卒 悲 以 數 略 不 不 館 也 推 因 莫

也 上 逮 始 臧 按、公諱 爲 遷 者 長 凡 興 照 望 如 族 其 字字 世 先 明 徙 而 遠 自 近 世 無 醒 七 錫 涵 葉 自 其 相 别 公 仍 而 號

> 皆 以 選 行 服 高 公 事 大 人,歷 第 由 ,公又與 顯 翼 E 病 司 一公品 于 卒 主 萬 成 猶 科第。 年 事 曆 進 宗禎 毁 己 行 士。 其 五. 尋 瘠 西 于 戊 + 晉 伯 久 學 舉 公之考静 連 辰 之。 郎 並 有 使 應 丁 今上 中。 舉 者 天 愈 0 熹 南 鄉 憲 請 改元, 廟 己 宫 君 試 公 涵 祀 改 子 巳,給假 及 公, 鄉賢 越 惜 轉 元, 母 時 丙 歷 之。 南 辛 云 沈 以 辰 官 京 還 酉 宜 以 爲 郡 吏 廣 盛 里 部 謁 士 南 西 憂, 事 竟 選 宫 文 愈

身 賢之學。 自 此 勵 生不 敗 公少 爲 學, 諸 負 嘗 可 異 生 揭 惜 介資 可 即 夏 惜 讀 名 正 識 ; 書 噪 夫 者 此 先 以 H 時 目 生 此 閒 + 過  $\equiv$ 占 顧 行 言 公 獨 下 志 于 有 口 益 惜 志 壁 攻 于 日 ; 苦 聖 時 此 :

<sup>●「</sup>之」,原漫漶不清,據全書本補。

<sup>「</sup>按公諱照如」,原漫漶不清,據全書本補。

之後 落。 高 不負吾夙 忠 而 既 憲 公 獨 總 倡 乃 不 憲 道 心 拜 喜 東 席 也。」其 墓 事 林 益 登 交 當當 引 堂 游 立 世 嫌 附 志 執 方 貴 較 奉 弟 及 勢 然 爲 子 忠 如 禮 龍 居 憲 此 門 而 從 恒 去, 處 容 之 心 日 落 難 師

諸 難 冤 又 建 居 下 附 幹 左 毁 獄 諸 獨 僚 祠 死 停 己 稱 而 産 之日 者 都 其 日 ,公又各爲 君子之獄 公爲大行 忠 周 數百 會逆 城 群姦 介 忠 子 、公已 竟 介 此 自 學 閹 金 心 締 何 府 坐 洢 助 公子公子 魏 凡 婚 奉 惡 等 是 文 部 輒 忠 輸 奠 使 以 吴 公, 事 而 解 賢 年 其 門 哭 死 節 下 魏 槖 所 久 亂 而 ,公偶 川 無 出 忠 中 與 聞 縣 不 政 碌 奉 不 都 節 金 公 調 者 坐 碌 大 輸 門 簡 以 百 不 破 咋 贓 隨 書 興 助 佐 0 年 死 産 舌 復 無 人? 公公 鉱 所 耳 都 及 緩 滯 何 尤 黨 諸 慨 急 忠 下 其 至 契 有 合 誅 事 節 君 然 逆 行 以 已, 厚 楊 署 閹 之 子 謂 最 廉 而 不

> 之 小 無 摘 中 文 邪 路 忌公者後先 不 散 用 亦 天 竟 公会震 并 肖 岢. 容 下 Ī 遂 諸 以 發之,公論 僚 不 班 其 開 偶 是 著 行 正 岌岌 舊 得 监 也 非 然 郎 孟 德 臣 7 及 南 中 之辨 己 當 改 節 朝 勸 子, 銓 興 擬 接 而 乎 故 是 翕 以 終 風 大 進 辟 ? 若遣 秉 踵 時 也 而 然 去 計 節 之惠 始 事 若 而 今上 亟 歸 舉 類 不 者 公 某 一一一一 大 獨 戍 公。 臨 移 朝 如 公 猶 重 某 公 公 之 兩 發 御 此 附 世 閹 忤 爲 則 郎 孫 上 時 極 璫 念 揚,皆 人 私 柄 書 公 公 中 方 誅 此 稱 職 人, 時 慎 之 臣 言 正 擬 閹 子 功 猶 幸 遺 或 故 行 色 公 出 忌 所 卒 頌 方 在 北 女好 是 事 而 Ш 之 謂 公居 次 不 削 德 進 、公又 銓 立 不 .) 萋 志 爲 北 賢 第 奪 者 反 死 菲 之 覆 以 節 鈴 退 録 徧

孤 爰 公嘗 及親 建 知 宗 祠 脱 立 驂 義 解 學 綈 以 動 收 有 族 古 人 分 風 卹 至

所 進 微 年 後 族 詩 也 心 或 西己 矣。 ,亦有賢 操 生 詳 出 文若干 不 也 數 青 《狀》中 某年月 稱 萬 子, 所 百 天 其 曆 公生于 著 金 卷, 白 孝。 行 即 T 乞公一 有 日 日 基 丑. 藏 方沈 年 五. 辰 致 于 兆 萬 而 踰 經 竿牘 疑 家。 在 曆 顧 宜 壯 年 註 乃 某 己 復備 得 ,無子, 人病亟,安人刲 疏 爾 配 里。 不 卯, 》、《諸 五. 吴安人, 可 至,不 安 + 亦 其 得 爲公進 人 足 世 五. 可 日 先 自 以 系 典 公 出 知 其 子 觀 則》 生二 合 其 自 孫 股 公 恨 室 婚 非 葬 以 及 之 吾 華

先朝 堂 浸 大。 月 而 崇長 長 迨于今日, 嗚 公已 往 呼 者 醒 中 聖 成 涓 空 明 以 以 公之 或 時 初 試 來,宵 之禍 問 事 政 志 瀕 公 天 危 而 異 0 下 氣 得 時 何 又 想 類 要 所 啻 有 望 其 剪 推 孤 不 治 終, 而 轂 棟 止 平 復 賢 之 以 干 蔓 士 前 乃 依 遠 大 自 明 日 且. H

> 無 鹿 夫 竟 餘 鹿 安 慨 容 在 也 容 乎 ? 躑 ? 九 躅 系之銘 龄令 老 老 病 矣, 之 間 韓 休 負 病 矣 知 獨 子 愧 子

德。 惜 此 者,亦吾黨之責。 生 此 銘 此 世 公所自惜者 學, 道 日 : 與 陽 古 此 九 日 孔 公也 迫 百 阨 可惜, 年 以 慰諸 Ė 律 矢 往 公公 此 惟 前 勒 身, 之 公 此 其 服之 志, 粹 金 爲 然完 石 未 世 無 竟 道 惜 公

### 諫 議 誌 銘 大 夫 原 任 工 科 右 給 事 中 聚 洲 王

公

同 尚 寶 志 之《狀 寥 諫 寥 議 公 》來 吾 既 黨 請 没 晨 誌 之 星 于 七 盡 予 年 矣, 子 而 子 既 其 而 辱 嗣 不 公 子 誌 百 開 籍 以 又 且. 范

■ 「月長釀成空國之禍」,原漫漶不清,據全書本補。

誰爲公誌者?

贈 戊 家 時 陽 庶 自 車 籲 補 而 曰 而 子 吉 0 從 諸 公 厥 來 天 上 鋭 于 人,自鳳 士 戊 請 舉 矣。 奮 後 公諱 臨 生 征 皆 日 戌, 起諸 于 子 代 安 時 絅 六詔 隱 鄉 孫 配 之 元 陽 署 雖 于 劃 散 翰 黄 生 遞 寧 徙 即 童 竹 農 股 有 孺 處 傳 州 字 子 益 滇 J 畝 溪 以 功 他 人,生公,有異 及 伯舉 贈 磊 教 近 已傑 則 郡 進 寀, 而 授 落負 公憂。 諭 而 始 邑, 絅 世 是 可 然 祖 别 奇 以 已没 官 稱 爲 辛 紀 恥 珊 號 行 氣 當贈公病 丑. 其 于 贈 者 爲 也 聚 王 誼 滅 滇 孝。 微,年 公。 曰 洲 凡 成 著 不 機 當 氏之興 兒。 遂 進 傳 于 屢 自 高 先 士 鄉 家 革 + 日 上 贈 萬 獨 皇 世 公公 暹、 焉 四 選 公 有 公 至 其 帝 曆 鳳

事 不 公氣 屑 隨 骨 世 英 以 勁 就 雖 功 讀 名 書 中 因 秘 出 爲 輒 吏 感 科 慨 給 天 事 下

> 報 公 E 持 庫 倒 歸 中 不 不 日 與 敢言 0 0 又 敢 禄 日 溷 落 疏 其 輒 E 罷 爚 爲 争 几 爲 時 七 舉 披 援 疏 明 鯉 得 神 閱 兩 皇上 謂 既 鱗 世 王 争 去, 計 伸 廟 月 閣 而 Ш 不 方 無 臣 不 謂 沈 吾 陰 轉 知 轉 鯉 辭 深 寧 得聞 歸 廷 其 鄉 自 相 賢 有 借 T. 拱 機 德 朱 當 授受, 解 清 科 劒 夫 不 不 大 並 文 能 公公 議 無 右 是 0 視 當 罷 懿 非 與 相 久 0 給 非 劾 群 事 與 當 否 舉 會沈 矣。 識 有 其 事 口 邪 秉 或 朝 或 中 否 舉 貫 誣 附 無 愕 公慨 四 政 者之福 援 之, 善 朝 並 相 者 能 民 領 然。 李 行 知 罷 才 使 致 以 巡 被 然 晉 私 公 舉 皇 言 正 養 無 視 日 江 不 獨 乞 人 顛 交 相 敝 朝 而 :

<sup>0</sup> 公 謹法令, 慨 至 二專 會 借 推,三 劒 全 慎 書 名器, 作 四 公 廣 首 賜 列 環 五 事 Ŧ 以 嚴

度,徒 踰 必 至價 年 ,語多切 前 小廉 轅」, 去。 直 小 至 勤 引 其後晉 似 安 忠 石 似信 禍 江 宋 遽 以 出 竊 綸 喻 取 大 扉 前 柄 待 後 玦  $\equiv$ 他 者 几 H

之,而 災 尚 攀 不 宋 至 贓 玉 比 痛 + 異 摘 穢 得 龍 立 燾 周 書 哭者八事。❶ 年 策 趙 大用 等, 如 公又念時事之日 錢一 國是小定。 劉 小 貫、廷 江 免 世 Ш 元 即 私 人營窟 之例 卿 本、方孔 賢 左 珍、 傷 末 通 副 機 如 割 建 0 路 龐 鄒 都 天 復因災異 寇 驅 時 ,賴公摧鋒 口 其 元標、 御史詹 當 心。 邪 除 雍、王士 昭 自 他 是 非 正 取 均宜罷 建白 時 逯中 及兵部 也 顧 人 沂 疏 辱 了, 上 汪 憲 公直 柔媚 騏、黄 力抵 或 論 文 成 若 皆 斥 廖 疏 尚 道 霖、 薛 通 聲 事 幾 無骨 爕 極 書 以 正 達 震 其 敷教、于 諫 南 姜 理 應古 幾 蕭 賓 或 中 星、高 無狀 士 乎 等皆 論 大 户 列 體 昌 勝 者 部 亨 尤 口

偉,詳在國史。

數十萬言,朝士視公足左右爲榮辱。于是公益自負,一往不反,顧在省三年,積

0

絶; 年不舉。 求,怨氣通天; 耗實糧,安備緩 全虚,九 有年, 壯者老, 老者死, 人之云亡, 邦其 報代無人,人失耳目,厥 然,人失股肱,厥疾痿; 事一下, 奉天故事。 九卿不 , 椎税之使遍天下, 邊缺飽至八 全書本有「一,閣 凡此皆足以 備 員 已一 急 郊 强 百九 半 十餘萬,京營十餘 廟朝 一,臺 致 署 亂,亟 一,南北臺省寥寥,巡 疾聾瞽 + 篆外, 員 講 民間 省 一四字。 不補 日 封 請 久不 賣子 事, 而 ,人失心膂 皇上下韶罪己, 監 親,皇 灣 司、 切留 % 疼 廢 妻以 萬卒皆以 籍 知 太子 中, 諸 府 供 臣 方日久。 莫不皆 講 一,内備 言 一淪落 疾 路 空籍 讀 厭 如 狂 經 誅

九 例下, 景土 十四 書孫 又疏參 又 特參 字。 司 鑛 全書 及 同 遼 因 兩 官 東巡 本 會 廣總 推 有「又因 及 撫趙 臺員之敗 吏、 督戴耀 禮 揖 會 開 二卿,參 推 群 釁 福 冢 者 生 建 卿, 事,貴 洲 前 詞 撫 後 臣 徐學 州 皆 大 黄 亨 留 洲 汝 撫郭 中 聚頑鈍汙 及 良、 不 南 子章 全天 報。 兵 部

2

皆 及暮 大計 銓曹 百足 陳 冠 擡 恨 地 林 嗚 剥 逮 頭 可 1 計 公切骨 弗 、公故不 問 痛 家 坊 湯 呼 商 出 人 官役 問 哭,曰 夜 竟 都 競 人 追 中 賓 遂 所 屬 人 門。 之金至百 官 以 起 尹 贓 列 墨 以 肩 公益 若 一、公抗 自 楊 擅 者,託 者 公浮 : 與 應 節 輿 至 危 致 于 干 離 其 其 如是乎 虚 五. 諸 中 臣 憤 是 人 職 躁。 私 冒 日 乘, 疏 無 人快 憤 閹 李 餘 其 南 于 守 人日 思 卹 辨且 萬 能 私 切 衆 正 進 北 度 公之視厰 所 商 降 快 簪 嗾 齿 人 臺 白 陽 忠、 無 夜 以 民 署, 公刑 去。 筆 進 省 之, 門 御 謀 者 中 以 事 吴 結 亦 交章 賴 公矣。 白 自 史 部 出 遂捏 進、王 而 省 陛 于公, 造 神 鄭 方 庫 白 公 其 中 檢 下 畫 訟 廟 也 繼 校 矣。」 則 行 主 乃 公 且. 語 公 心 道 芳發之, 爲 數 李 集 連 白 厰 紹 中 等, 冤 知 日 辛 遂 上 徽 + 大 章 闕 Ŧi. 庫 公。 公, 請 條 尤 拜 參 亥 而 掛 餘 城 吅 詞 贓

聲 矣, 辨 以 閹 年 爲 意 者復參臣 獨 快,遂奉 紹 住 或 有 臣二 人 · 甲子 薦 氣 爲 徽等復 吏 于世矣。 同 柄 及 吾其汶 而 之 何 部 惡 冢 公 公者, + 其 向 逐 卿 去 邪 晉工 相 尚 年 黨之有? 黨 旨 之讐 忠 理 或 正 以 書 濟 王 孤 會 皆 削 毅 汶 越四 東 永 贓 + \_0 部 踪 己巳 公者 罹 奪。 去 乃 以 欵 光 永 君 林 Ŧī. 主 起 刑 年 没 讕 前 所 光 天 黨, 御 年 事 之變, 又二 争 公湖 書 - , 病卒 战 詞 扼 下 後 君 益 史 而 一時 臣 起 爲 乎 不 子 者 張 熹 惡 未 兩 年, 與 而 廣 \_! 小 弗 以 不 之 訥 廟 幾 疏 得 附 按 顧 X 果 問 同 今上 衆 并 御 論 逆 召 因 遂 閹 憲 察 所 行 道 黨 論 IE. 極 公,必殺 上 據 報 成 閹 錮 司 爲 繼 彈 之 公, 公 書 而 罷 諸 趙 魏 知 有 朋 統 大 冠 日 公已 自 奉 忠 臣 忠 而 事 首 位 無 其 小 公公爲 毅 師 理 而 賢 張 已 後 誅 無 人 Ŧ. 閑 竊 出 友 訥 明

門。 還 卒 姓 滇 定 有 者 輝 者 返 交,講 真 既 今日 于 名 滇 獨 未 南 金陵 言者: 州 已,公以 下 初 浮 年 匿 拜 ,公之去國 久矣。」因 友劉 性 江 Ι. 西 復 己 所 部之命, 命之學, 湖 而 巳, 謂 至 是 静之逆 中 下 士 輝 不 自 相 大 暫 縣 訪 敢 真 也 意 行 與 夫 止 腴 子 諸 遽 如 次 爽 渡 既 皆 真 田 Ш 歸 河 金 然 江 江 州 半 罄 署 陰 滇 滸 陵, 謁 陵 自 身 影 渞 人 而 遭 携 失 顧 其 爲 以 旋 引 上 勞 端文 其 也 手 自 投 避 人 錮 日 家 吾 老 黨 諸 若 力 公 歲 僑 計 禁 浙 不 將 乃 餘 知 君 寓 而 解 遂 變 子 言 能 凂 去 歸 子 蘇

還 南 東 蜀 躡 過 人 吴、會 金、 岱 而 峰 公 焦 我 自 眉 西 滯 渡 被 窮 登 錢 武 放 華 其 陵 塘, 以 旗、 絶 來, 泛 問 頂 中 東 桃 所 條 飄 海 源 至 然 禮 歷 輒 善 有 少 德 普 縱 遺 室、 之 陀 世 情 之 奇,出 嵩 大 Ш 想。 士 高 水

> 還 常 寶 歸 雞 己 諸 足、 滇 無 持 曰 君 + 是公,而 此 洱 之義 餘 自 吾 海 年 老,足矣。」 平 出 以 無 公亦 生 成 不 没 以 殮。 窮 大 可 Ш 華、 以 其 臨 水 死 至是,百 勝 没 爲 昆 矣。 概 槖 家 池 間 皆 悲夫 無 緣 餘 遠 有 餘 道 萬 記 及 錢, 義 贓 有 點 賴 爲 跡 尚 知 竟

禍 之不 渝 耳 感 名 憤 而 日 廟 公實 訿 慨 日 朗 而 君子 黨乎 得 者 : 予因 獨公并 極 高 而 「吾進 與 以 張 更 見 ? 蔓延 忠 其 或 追念公 晦 變白爲黑,正 詘 家自 疑 憲 身 之不 黨 或 于 迄于 君 周 輩. 乎? 事 小 神 子 旋 同 得 至 今日 人 廟 0 生 于 歸 與 此 子 固 之季,黨 辛 出 化 忠 四 玄黄 聞 亥 也 朝之 處 碧 人 有 介 而 之察,孫 莫 君 之際,有 輩 猶 而 傷 際, 戦 子之禍 論 知 暫 幸 猥 之。 所 慶 方 而 吾 每 被 彈 興, 税 愈 爲 太 黨 仰 不 朋 駕 雜 宰 君 至 勝 黨 人 天 小 天 之 發 丕 子 退 其

于世 死。 揭 公。 揚、 卒使公躑躅 際,語及公, 베 御 日 曹 道 蜚語悠悠 月 迨公死,而公心 史史記 更垣 不 而 小 行 于 也。 舉 輒 事復 于 汴 終其 擬 東 皆借 天下知 悲夫 議 下 西 身,流 石 而 南 乃白。 公以 不 焉 北 爲 敢 故 先朝名静 布 荒嵐 進 謝 公之品,磊磊 海 小人 ,雖吾黨猶 小 内,每 野 人,平夙 益 水之間 臣 鼎革 得 有 憑 然, 怨 之 功 以 陵 平

生,英 鄉 孺 公世云。 遂 公卒于崇禎癸酉,年 稱 毅 側室 江 有 系以 寧寓賢。 父 陸氏,生一子, 風。 銘 而公即 後之君子,亦 葬 六十有 即 于 開 江 應天 尚 寧 九。 之 有 太 府 配 以 白 論 學 趙

之? 水清 銘曰 狂 諫草 席足千古,不願芳名齊李杜 : 死 如 何 即 霜 來 埋 乎 何以 我, 天 樂 方? 永之? 彼 帝 東 鄉 知 西 0 己 南 何 徬徨 北 以 殉 Ш

# 江司郎中文源李公墓誌銘語贈資政大夫兵部尚書原任南京刑部浙

行, 臣。 馬 將 根 于是特詔起吉水李 戀家園 **氛偏豫、楚,震** 九十 本計 曰:「老臣義不忘國 公體 而 今皇帝 至 矣,再 行 與 養志之謂 矣, 一深遠 神 御 吾其 疏 康,笑談 極之十有二 及 也 請 陪 偕 終養, 何 京 司 時 往 ? 甚 馬 卹, 可 適,留 不 念無 藉 于 馬 于 一年,時 而 獲 陪 而 尊 是 乃以老 不 京 爲 命,公乃 人 司 就 凡 之綏 文源 艱 月, 馬 瀕 咎 臣 所 奉公以 靖者 思 亟 在 謂 以 故 一,流 老 年 絲 爲 可

<sup>0</sup> 不媿吾膺滂。 托於二三子之手,無寧 山 水 清 狂」至「齊李杜 梁溪有席近相望,旅魂飄飄庸何傷」。 死 」,全書 於 故 鄉。 本作 冀 一視 余 儉 N 逃亡。 之 耿 死 而

之教 以 恨 歸 兩 有 遂,獨公能以子之孝成臣之忠 而 識 不及此。」●君子謂 成 司 司 者 也。 馬 馬 日 痛 仍 宗周請 再 絶 申前 天下喪亂,忠孝道 徒 跣 遂因 請 奔 喪 不 是父是子 而 報 尚 以 論 不得 無 ',洵 則 何 虧 視 非 勢 計 含 能 太 不 音 殮 相 與 公 得 爲 至

蚤 判 何 子學博報最 遺書公咻之,司 司 何 : 不 憾 常 馬 見、爲衆正 其 乎 司 日 方司 黭者往往 磽 功名數定,守正 利 !! | 司 馬 磽 于 「始吾虞子 馬 遂 易 吾 去 人都,見長 馬得之,志 指 浙 折 黨 臺 馬弗 墮小人之窟 南 郎 盍 會 明 而 錯 顧 時, 去 司 年 而 異己 安縉 趾 也 諸 馬 益 或 行 京 今 乃 ? 計 方 堅。 即即 是 者 紳情 而 頃 按 日 百 不知 吾 以 之,公以 司 既 如 非,玄 浙 計 賈 馬 態 亦 是。 而 咻 禍 曉 外 從 群 獨 之, 調, 然, 此 遺 毁 黄 邪 吾 南 司 休 書 譽 得 謂 馬 未 亦 或 又

> 騶從, 也。 進退 以 家 鄒 或 于 素操卓然,雖 是終身不起。 世 作事 此。 餘罰 忠介聞 、公曰 父子。」 人以科名爲 爲世道汙 始公偕司 至不惜妄取以逞志 任 而 及 : 則 其 公公 而 庶 務淡 吾 喜 司 可 公恬 馬 馬 隆 司 乃 日 上 金穴, 衣 薄 馬 「不意前 口 者 不 報國 生樹 爲 舉 垂四 然安之, 能 履 起, 于 師 爲 恩 不苟 V. 日 鄉 + 孟 輒 以 終 得 年 固 年,大抵公啓之 博 輩 報 司 堅 且 而 志 身 有素 素 馬 忍 罷 母 已遲暮矣, 司 美服 謂 敗 風,乃 乎 至 奉 筋 馬 司 矣。 壞 命 骨 引 以 馬 實 惟 御, 身之 見 異 公 罪 日 謹 在 盛 坐 時 而 不

公居恒謂司馬輩曰:「古人言『行不愧

<sup>0</sup> 司 功 即在事不久,諸所擘畫,已足 馬五 在 世 十四 道 本 則 字 太 「而 公所 則 恃 謂 以 瞑 司 爲 云。 馬 國 此 家 賢 出 哉 古 太 根 本。遏 中外 之

吉 其 鬼 事 體 人。」 每 行 神 刮 知 懈 兢 戒 其 影 日 學 X 滅 之。 所 ? 到 事 磨 所 如 中 墮 寢 又 焉 爲 義 澄 屬 理 不 知 天 從 不 而 落 則 在 日 終 潭 纊 而 何 須 下 自 愧 無 有 善 何 日 天 知 時 從 物 止 贵 爲 所 身 鏡 衾 不 等 如 也 ? 道 水 吾 有 幽 耳 欣 怨 不 不 登 可 今 者 0 君 受翳 見 自 至 獨 鬯 鏡 家 乃 以 如 子 須 與 世 成 他 其 ·, 此 自 少 中 利 對 冤 晝 即 時 修之吉, 學 吾 至 良 他 有 欲 日 魂 細 朋 塗 無 非 時 老 者 知 乃 見 光 格 歷 攻 友、 加 飾 不 妄營,夜 即 刻 每 者 言 學 取 歷 信 未 檢 甚 塵 質 吉 勵 易 司 不 在 者 嘗 也。 今人直 點 工 小 垢 乎 敗 操 妻 視之,及 馬 能 目 言 ? 人 翳 孥 夢 名 持 無 方 日 盡 或言及 良 悖 之,不 喪 者 不 亦 小人 以 嘵 贵 載 説 不 之 知 及 德 清 忠 真 息 嘵 小 得 在 徐 知 [X] 肆 鬼 有 介 務 不 則 戰 欺 子 觀 本 少

> 淵 指 源 君子以 振鐸 是知公之善 文之堂 爲 教 士 也 類 景 從 率 本

德 者 官 葉 薦 持 守 必 德 尤 晉 壬 甲 有 爲 辰 ,鋭志, 化 剴 剡 辱 不 某 倦 郎 子 也 瞽 可 原 中 切 有 公少而 特 就 遇 量 宗 保 諸 皆 其 情 私 諸 各 廉 力學,學 日 移 廣 定 大 生 在 解 議 : 南 德 悔 大 其 生 劉 典 之。 有 孤 刑 公公 欲 京 ? 理 悟 交 如 州 督 以 部 冷 奉 搆 祀 其 評 學 成 論 撫 直 相 時 細 署 事 其 者 名宦 正 親 事 出 某 故 持 指 九 懲 有 竟 母 子 少 之子 于 開 使 改 試 一、公 寢 戊 夫 之, 弟 叔 所 學 慟 者 註 刑 始 侄 申 X 建 直 校 按 誤 部 徐 行 勤 以 以 詐 争 盡 明 · 吾 指 諭 遷 讓 部 于 勤 守 浙 萬 爲 産 懽 恚 終, 在 廣 上 督 或 以 江 曆 其 累 其 而 甚 官 天 德 課 官 司 子 庚 訟 敢 同 其 遭 者,公 性 博 主 無 子 服 削 以 鄉 與 未 家 不 在 事 狀 售 語 其 前 嘗 官 其 決 廣 中

法 見 也 況 疏 以 省 送 擿 法 劾 所 謝 郎 往 于 頃 公 坐 省 者 口 往 之,其 時, 不 郎 骩 類 郵 時 至是。」 法,公 是 公謂 而 省 子復 皆 往 郎 來 稱 曰 其子 勢 來, 南 公爲 父 : 張 都 卒 子 懼 甚 長者。 殺 事 擬 天 遂 督 覺 城 性 逃 撫 媚 旦 爲 其他 遂 去 何 省 省 遽 請 9 郎 吾 郎 省 折 殺 乃 所 弗 郎 衷 以 爾 此 執 情 爲 此 抗 ? 子

報 不 孫 跡 大 與 數 前 斤 治 義 其 、決大閑 數 公性 生 不 公亦 斤 捷 生, 産 然。 調 競 如 一醇實,居 自 也 不 手 無 既 亦 樹 邇 則凛 寧 罷 不 或勸 允 聲 編 鈍 喜 歸 矣。 恒 色 然 處。」 著 之 議 如 惟 不 雖 稍 書 經 論 前 可犯。 日 故 登 多本 畫 生, 貶 大 以 前 臨 典 以 都 有 誦 後 型 Ш 要榮 之平恕 取予 歸 以 讀 在 水 亦 之 之 自 南 課 足託 進 則 質 樂 興 都 其 退 至 E 行 未 也 之 子 皆 臨

世,稱不朽云。

癸丑 靖 官 考秀 資 生 大 奔 林 疾 平 以 終 又 人。 考終。 府 公 喪 塘 ; 四 郡 政 刑 次 子男 以 比 卒 妣 大 公諱 推 + 部 王 附 即 諸子 邦 夫。 官 周 公 部 晟 郎 傳 + 于崇禎辛 陳 蔚 貴 其 五. 考 中 ; 氏 廷 于 情 凡 姓婚 邑 葬 滿 ·, 晚 諫 次 配 歷 人,長即 贈 今, 世 請 几 也 邦 周 字 封 刑 廩 封 祖 以 卹 傳 世 媾 藻 氏 同 部 信 安 以 生。 妣 Ė 司 備《 至 爲 考。 浙 例 某 人 繼 鄧 馬 邑 卿 司 始 吉 享年八 得 狀 江 諸 劉 貴 氏 年 孫 馬 祖 先 又 文 水 司 学中 累 男 氏 月 側 生 邦 偕 唐 世 源 鼎 主 葬 日 封 + 華 ; 萬 出 公封 其 十有 族 始 墓在 次 事 兵部 先 Ŧi. ; 司 公生于 自 氏 别 邦 次 占 是 人,孫 至 晉 馬 唐 號 著 邦 籍 進 周 尚 司 贈 不 忠 玄 司 也 英 吉 夫 馬 拔 萬 遠 以 嘉 馬 潭 女 武 如 水 + 公 益 皆 既 數 無 松 曲 西 階 仕

則遑。 牆。 景運 聞孫,生而徵祥。 千里: 惟 經振譽,洊歷曹郎。 源,大忠孔揚。 子,使得有所觀法焉。復系之以銘 遂節其大者,書之貞珉,以示天下之爲 厥考肯堂。 嗣 以其教忠,媚兹明王。 使命持《狀》,乞言于舊治宗周。 奕奕留樞,綱紀四方。 新, 象賢彌 鬱彼林塘,閟宫有姜。 豐碑載銘 卜世卜年,再啓新疆 箕裘不替,聯武 光。 誾誾執法,白首馮唐。❶ 庶有俟于旂常。 命再命,三 以其治孝,將父 爲宗社金湯, 頡 文江之 頏。 一命循 是 人臣 宗周 横 日

「唐」下,全書本有「盈虚消息,與時偕臧」八字。

## 劉蕺山先生集卷二十

### 墓誌銘下

# 大中丞張浮峰先生暨配胡淑人合葬墓誌銘

淵 既 聞 此 君子不足以與于斯,而予豈其人哉? 迄于今,而 源 先 孫 交孔 之際,不禁其 生ト 孔 大中丞 時 時有 葬未定 氏 孔時乃修厥 始以竃中之石請銘于予。 浮峰張先生卒將八十年, 年,竊 也,方伯公方逡巡有待,以 (向往之私,有不容已于論 有 曠典,自非當世 聞 于 陽明先 生 然 師 一尚 蓋 而 予 前 其 論 友

著者。

明 學在戒懼 Щ 説,下者仍不離訓詁 學焉者往往不得其説,動求之狂慧,不免 之説教天 道,萬物我備; 謂學者曰: 生字,則先生之學于文成可 辨士,至于真切純 及門之士,固已知其不免,明示詆 增玄解,解愈玄而 踐履,而要歸于當念,卓然孔孟之旨也。乃 越復有先生云。 學先立志,不學爲聖人,非志 師 \東郭、中離數君子,佩其 蓋 旨類如 先 生固 謹 下,一洗學者訓詁支離之習,返之 「孔子之道,一以 是 獨 不不 文成高弟子也。 良知之説如是 文成常曰:「吾門不乏慧 如是爲學,非學也。」其發 篤,無 知之良愈晦,浸淫 而 己。 如 叔 師 文成在 知 貫之; 而 謙。」叔謙,先 説 也。 也;聖人之 文成以 已。」又曰: 不忘 訶, 月,目 孟 居 趨 前 子之 恒 獨 良 于 每 邪 轉 擊 在 横 知

會,以 之暇 又 成 則 省 生 獨 風 Ħ. 下 建 力 良 特 不 以 如 喁 會 其 知 此 振 迎 也 反 迨 懷 群 訂 喁 日 宗 議 龍 躬 文 與 如 彦 證 玉 旨 遂 先 鞭 成 溪 論 書 東 也 士 文 留 生 傳之至 辟 没 緒 院 郭、 踰 成 而 緒 異 宦 卓 Ш 而 年 修 之學, 念 轍 于 時 立 Ш 慧 兩 業 而 信 庵 今,不 其 前 名 卒 先 辨 焉 竣 間 世 州 文 之 生 因 洛 後 鉅 以 業 成 遞 闢 盡 村 在 使 先 先 儒 年 主 後 處 爲 H 江 生 生 楓 多 正 譜 講 湖 邪 學 西 新 之 歲 出 潭 學 之 最 席 東 説 有 月 有 時 諸 其 書 役 江 諸 盛 久 所 所 進 功 中 公 院 郡 蝕 持 于 考 聯 右 先 政 相 循 其 宗 先 與 己 于 講 事 師 牛

猝 量 知 逢 哀 及既 慕 虎 先 飲 生 患 登 有 食居 傷 文成之門 至 其 性 臂 止 甫 異 神 常 色 週 篤 時 不 信 而 渝 年 喪 其 + 考 識 師 六 郡 説 者 自 守 而 知 塾 公, 力 其 歸 行 氣 輒

> 干 平 之, 越 自 官 事 益 稱 卷。 蒞 母 我 純 高 大 嘗 允 唐 亦 粹 政 而 端 矣 恭 殁, 足 似 立 揭 所 以 ! 窺 伯 ; 祀 座 至 戒 終終 先 淳 其 有 必 瞽 隅 懼 有 生 無 身 篤 宗, 建 爲 日 所 光于 孺 私 明 誠 人 至 又 慕 門 似 惟 斯 不 吾 陪 不 君 所 上 有 愧 道 祀 衰 而 實 著 主 其 下 也 文 云 閨 語 學 意 四 成 則 門 録 求 旁 于 天 晚 及 口 雍 諸 天 咸 門 文 地 年 肅 踐 集 見 之 真 得 萬 履 其 於 士 服 物 地

H 士。 皇 分 先 右 Ι. 1,分宜 久,先 科 宜 生 考 弱 都 筮 先 少 仕 冠 生 給 參 相 生數 憾 中 舉 諱 公 事 之。 謂 書 于 中 以 元 议 其 鄉 舍 冲 來 又 視 五 心 人 時 朝 疏 世 累 術 世 請 罷 上 改 世 家 不 廟 中 公車 不 吏科 簪 Щ 光, 方 官 陰 纓 報 事 之 登 不 白 給 玄 爲 遣 宜 事 嘉 魚 同 修 於 織 在 中 潭 時 靖 越 造 居 言 天 戊 里 者 鼎 齋 子 事 疏 戌 族 遷 宫 左 論 進 自

次第 西。 幾 院 牌 天 賊 爲 禍 藉,公論爲 布 行 下 解 被 政 徐 不 兵事 授首 碧 論 便 會 第 西 測 轉 宜 參 落 閩 溪 咸 左, 乃 0 政 職 中 不 而 爲 何 命 丁 尋 流 追頌 平,而 晉 省 汪 亞 先 將 母 以 賊 中 副 廣 生危之, 八, 出 都 唐 犯 忌 先生云。 使 東 師 境 先生處之怡然。 察 恭 叙 者復 出 按 院 人憂, 日 勢披 功 戰, 察 右 賜 弗 及先 以 使 忽爲 副 顧 斬 白 猖 服 都 獲 生, 翼 也 先 金 視 賊 御 聞 海 并 生 所 史 補 大 頃 道 代者 巡 奉旨 江 戕 餘 疏 之, 計 黨 請 撫 西 右 未 出 贛 方 旗 江 考 海 口

黨 其 西己 而 베 令 數 孔 族 胡 德 之, 氏 時 先 里 生歸 封 ; 列《狀》,稱恭人佐夫子以 也 其 啓哲 惠 孺 事 二年,卒于里 而 人,以子方伯公貴 上 裔 周 也 以義 敬 蓋 内 其 方, 德 御 門, 則 之茂 下 世 年 也 其 有 嚴 六 恭 封 (家聲。 如 十有 其 儉 太 此 則 宜 接 者。 姻 悉 成

> 享 卓 乃 先 于 先 子 去, 生 Ш 府 一讀書 弘治 年 絶 以 生 生生于弘治壬戌,卒于嘉靖 左 ,恭人合焉,是爲浮峰先 故學者遂稱 不群 若 干 某 于 長 即 浮峰 年月 麟 丙 史,皆 方伯 而 寶 寅, 叔 卒 寺,文成 Ш 日 卒于 謙 世 公 斯斯 改葬 浮峰 越 似 其 若 之。 足 萬 坤 家 先 先 干 以 顧 曆乙 學。 生 而 徵 年 生于秦 爲 而 先 而 孔 登 酉。 題 生合葬墓 其 時 孔 生 其 他 浮 則 刑 時 癸亥,恭 巔 望 始方伯 詳 峰 仲 ト之不吉 于之化 日 山之陰 書 孫 : 狀 室 兹 公葬 此 始 **>** 中。 也 某 生 而 先 Ш

惟 斥。 鰲脊 有 ? 浮 蓬 銘 萊 曰 : 峰 崑 之 立 崙 浮峰 島 如 壁 洞 氣 高 天 於 傍 高不 侧, 焉 睨 息, 恍 朝 可 惚 宗 極 0 争 溟 遠 辟 何 渤 近 年 流 培 聳 沙 塿 . 豈 盡 出 兀 知 神 揮

<sup>■「</sup>崑崙一氣於焉息」,全書本作「遥遥祖自崑崙脉」

獨 平 蝕 爲 地 則 無 碑 奇 夏簡 淵 特 源 遺 紫 實 文寂 陽 者 相 其 羽 履 紫氣 翼 虚 者 還 終古 識 浮讀 靈 合 書 光 下 室 且 良 不 知

## 徵士印臺章公墓誌銘

公諸 黨 鱪 前 能 仲 采,未嘗不 館 詢 辭 子 輩 疎 于 子 黻 於公, 印 予 人 不 物 委 少 持 臺 敢 孤 公。 公《 禽子女,益習 望 無 而 進 公名 以 《 狀》 不 養于 而 子 首 爲 論 于公中 德 天下 以乞予,隧 屈 外家 席 指 H 硯 長 公者 積 公平生。 交, 表 年 者。 而 十 行 施 間 道 七 既 無 于 聆 而 之銘,予 從 謝 及公殁,而 何 鄉 其言 公 塾 子 去, 己 師 遂 儼 論 稍 過 何 假 稍 以 母 風 然

也 世家 公章 氏 會 稽 諱 偁 懷 Ш 德 里,代有令人,科 字天 成 印 臺 其 名 别 爵 號

公力佐 之如嚴 公竟 不屑章 意 公繼 者 著者,輒不 少 世,公進 去。 英 承 君 位 里 起,終老于 服禮 參公箕 黨 起 戔 焉 炳 晚 家 配 與 戔耳 貧 起家至素 朗 由 人無競,而 句 始 父。 董 以 乏者 行 秉 承  $\equiv$ 業, 裘 廷 公 夫人,生子英,少公十龄, 儉 及一 家 而 度之效,非 其 朝 而 臣 析産之日,惟 以 約 多多 而 故 與公埒 惟 大 獨 封。 傳 月 且 應 諸 己。 而 謹 父 待公舉 能 稱 詔 中實 身飭 生 以 而敗 少 耕 子 徵 取 薦 少參公宦 德 進 參公,修 且 世 每 君 徒 償 公 介然不爽涇渭 少少 行以 行 胄 讀 見 以 居 云。 火, 于 有 董 稱 監 迨 參公之所 積致 近 爲 今 治 夫人 者 敦 絶 世士大 公考静 難 需 日 彙 郡 趨 少 儒 無 于 然 參 次 庭 指, 材,被徵 不 風 沾 蓋 今 又 也 公殁, 之業 期不 日 踰 沾 遺 夫 則 推 而 世 齋 已 中 與之 以 德 子 公蚤 又 公 市 以 少 推 掖 事 孫 參 墮 顧 不 謝 恩 及 黑 而 徵 相

故 跪 如 是 貸 謀 日 負 皆 而 公終身不 必 其 請 公者、公視 不 盡 嘗於元旦 勞苦 好行 忍 日 其 欺 心 爾 「久負公德,故 其 投牒 公, 動 德 一啓門 其 亦 鮮 亟飲之 類 力不任 官 獲盜 不 敗 如 府 能 績 是,或方之陳仲弓 酒 售 者 雖 輔 論 以 自 而 即即 處 事 焚券 遣 欺 縛來謝 殷 尤 其 也 之, 盛 有 逋 而 遠 佃 命 門 間 已。 耳。」公 客 識 佃 庭 有 云 也 如 以 闃 匄 故

其所 見 海 制 愧 出 以 前 多 焉 内 鎮 鄉 致以 取 藴 物 被徵 里 公雖 公竟以 今 上 之孝弟力田 蓄 慎 虚 而 終老 者,若 足以 聲 功 寬足以 鋭 名豊 詬 石隱 儒 志 當 處 而 生 中 機。 士 終,蓋 遽 得衆,辨 「、賢良 一,守耕 人 興, 出 輒 竟格 令得筦郡 龔、 將 續 是 方 桑 罷 食 薦 時 足以 黄 IE 以 舉 公 公年 科 下 諸 爲 車 八業,聲 ·, 行 舉, ? 知 科 品 已老· 一、公實 符, 行 漢 科 無 所 廉 舉 古 世 施 矣。 表 無 得 如 足 初 展 不

> 内 吾 積 故 行 初 德 尤醇 心 如如 人多思公者。 即是善行,有意 耳 備 鳴 詳 自 載 聞 章爰發 近 臨 名 殁, 爲 何爲? 所 善,喪厥善矣。」公 謂 爲《傳 諸 子 又曰 曰 学 古 人

禮 也 某,皆邑 娶袁氏, 七 于 世 有二。 系之銘 公生于某年 所 諸 稱 生子黼 稷 生 以 峰 某 其 太學 先 月日 年 婚 生 月 嫁 生 日, 卒 以 皆 ; 于某 經 舉葬 士 繼倪 術 族 年月日 盛 于某 氏, 少 鳴 參 生 海 里。 公 子 内 享 某 者 初 年

還 名。 不 起 以 耳 士輕? ● 銘 薄 薨 日 樊英。 薨 信爾 達 後有作者,式公平生。 吁 帝 心 嗟乎 廷。 成 爾 月 旦 行 士 乎 以 積 賢 徵 爾 良 重 德 兮, 徴, 韜 公 抑 爾

●「士輕」,全書本作「人重徵」

0

特 進 州 史 總 左 處 督 柱 地 貴 或 方 少 湖 師 恒 Ш 돖 雲 兵 朱 廣 部 公 尚 五 墓 省 書 誌 軍 都 銘 務 察 院 兼 右 |||( 都 撫 御

公 盛 轄 必 論 未 而 |I|大 言 當 之 勳 盡 嘗 而 時 居 觀 事 役 X T 鄉 聲 始 巡 恒 城 者 天 前 知 撫 糜 竟 靈 心 府 猶 下 輩 總 公之 儀 震 敝 如 徼 事 恒 督 公 天 壟 何 宗 岳 掛 才 下 廉 几 者 控 朱 既 侯 周 有 + 海 靖 制 公, 賞 而 無 猶 年 大 長 西 公 由 蓋 自 至 過 者 南 起 僅 不 時 辭 今 人 奉 能 隴 當 博 所 學 事 者 有 靖 中 至 西 坐 顔 政 至 遺 或 平 至 色, 安 家 今 當 議 歷 南 公 大 居 祖 蜀 接 日 焉 卿 大 難 宗 至 右 其 而 足 縣 以 麓 全 未 難 策 左 緒 跡

自邊事告警以來,海内騷然,蜀中遂有

諜 矣 得 職 蜀 乘 遂 出 據 應 相 奢 目 過 誓 售 勝 郡 數 賊 登 調 外 也 酋 重 誅 省 遮 衆 0 縣 殺 徼 之 懈 陴 兵 慶 出 殺 道 會 0 七 立 望 變。 兵 日 留 大 直 雄 與 無 千 重 風 : 返 分 白 得 長 闖 公, 呼 主 黔 慶 佐 瓦 旆 奢 屯 人 賊 必 于 賊 得 徼 公 解 勢 治 酋 几 乘 諸 中 以 致 誉 安 出 慨 門。 者 兵 洶 要 釁 鄉 司。 死 + 氏 時 示 然 揉 爲 洶 領 勇 賊 苗 萬 爲 公先 賊 日 之 賊 無 守 天 殺 蜀 衆 界 屬 : 禦計 ൬ 斬 百 益 督 啓 王 也 賊 以 皆 計 心 分 馘 事 辛 出 日 撫 E 亚 左 奇 千 仰 道 世 西 爵 不 以 約 率 盡 薄 轄 衆 進 餘 官 居 用 攻 下 避 搜 士 奢崇明 城 皆 各官 間 慰 不 藺 難 成 + 民 城 覲 生 下 感 得 都 州 多 餘 臣 擒 出 内 就 而 泣 利 方 間 公 之 東 遂 以 賊 道 所 爲 H 世

氏 給 侍 里 清 州 過 道 報 年 前 退 以 各 与 膏 復 之,援兵 其 郎 餉 逐之,又先勅 矣。 Ė 誤 志 降 乏,不 反 腴 巢穴 月 之, 賊 相 重 石 總督 水 將 賊 地 覆 我 前 慶 成 唇 如 而 西 使世 退 兵 没 隸 八大集, 战 了,斬 都 後 及窮追 拓 ]1] 雨 賊 漸 ,至是,安、 于 永 至叙州,復合攻 之量 死 還 而 地 將 寧 其 出 大 湖、 者 所 爲 千 目 羅 擁 驍 營 衛 方 戰 過 數 凡 不 藩 餘 陜 乾 衆 將 城 益 又明 萬 郡 瞬 百 甲子,公出 衛 内 里。 西。 掠 樊 象 外, 急,賊 奢 人。 縣截 日 几 諸將 來 藺 龍 韶從之。 解 年三月, 而 每接 公因 七月, 白 歸 、公勒 讐 賊 其 乘 城、公以 解 里 乃 感 乃 勝 歸 戰 賊 蠻 請 賊 公始 潰 奮 遂人 公輒 師 路 計 兵 渡 逐 瘴 逃 以 奔。 殊 加公兵部 無何, 敗 遵 瀘 北 所 始 之鄉 外 大兵 水 得 藺 義 走 水 死 窮 四 定 殺 越 西 當 巡 之。 州 去 戰 界 安 分 倍 百 叙 傷 撫 明 陣 有

黔聲援,晉兵部尚書。

便,以 之計 從前 公既 誘 逼 攻 賞 撫 益 如 崇明之子寅首來 道 廣 征 格, 之, 大方,諜 破破 故,安氏之亂 並 無能 <u>Fi</u>. 賜尚 所 歸 省 進 時 賊 絶 規 募 軍務。 黔 以坐敗之故,與之更始,首 黔 而 爲,公遂一意討 切欺罔之習。 方,移 深 敢 其 進 别 公復 師 事大 人 安兵有抵 犄 死 止 用 屢 至 士 遂 角之路 降 公受命還 徧 撫 衂 小水寧? 壞。 于兹 將 獻 招 貴 歷 會 賊 寅 耕 招 州 赤 黔、 險 己巳, 九 勢 大兵 墾 奢 水者 最 隘 水 于是選 公督 年 鎮 節 滇、蜀三方之 復 以 氏 西。 雄 矣。 制 仍起公貴 重 定營 張 出 資 狡 其 ,令首將 大軍 貴、 慶,大治兵,分 其 屯 親 將 尋以父喪歸 公蒞 廷 寅誅 壘, 後 粒 練 拍 川、雲、 議 斷 奮 爲 駐六 兵,大懸 登等,斬 因 佯北 事 改 州 以 而 公專 師 勢 久 戰 具 總 崇 廣 乘 賊 以 進 駐 陳 明 爲

等 廷,三 名 滇 香 亂 方 樵 游 拔 背 以 務 而 Ш 近 餘 中 驛 誉 狼 數 黔 燒 牧 以 四 溪 贼 兵 腹 伏 沐 計 先 路 事 人 險 竄 四 種 不 獻 壩 其 賊 誅 不 氏 木 阻 歸 目 署 相 面 乃定。 宫室, 故 樂罷 饑 之。 土 霧 所 火 位 迭 顧 賊 示 坐 貶爵 蜀 舍 計 脅 皆 烘 攻 以 瘴 殺 安位 大 帥 木 普 屯兵 兵, 唯 五. 陰 丙 瑕 干 復 潰 漸 侯 鼓 名 子 復 巡 别 毒 隙。 洞 唯 群 蹙 大恐 良 聲 近 殄 遂 移 起 撫 將 叛 惟 削 起 柱 以 作 之, 地 不 斬 釁 于 苗 者 劉 抗 命 水 貪横 進 亂 辨 師 乞降。 崇 相 時 兇 相 外六 我 而 養 昏 、公會 誅 益 遂 警 殺 焚 首 持 安 明 蜀 師 鯤 不法 擺 朝 剪 率 其 位 百 及 將 目 密 四 金 首 水 ,公立誅 公弗 師 積 公 安 餘 難 年 以 之地 遣 ,公劾 開 禍 西 窖 兩 幼 争 討 與 度 邦 日 人 通 平 羽 納 許 力 江 水 彦 功 歸 稍 爲遠 斷 畢 之, 争 翼 欵 西 故 等 巴 首 要 大 其 節 朝 出

> 里 氏 及 復 功 有 并奉 欲 之 ,皆設亭 戰 旨 楚之清 隙 用 方 而 劾 蜀 定, 議 兵 旨 大 事 平、 障 且 仍 指 行 而 之 搆 勘 侯 水 以 偏 通 初 老 以 西 欵 鎮 定 商 坐 烏 侵 奥 終。 几 旅 也 誣 等 援 地 衛 無 酋 齮 諸 行 自 既 竊 計 监 叛 反 將 此 發之虞 而 黔 公, 噬 道 貴 吏 安 以 咸 里 陽 謂 且. 位 爲 欲 E 公 修 死 公罪 千 下 郡 曲 向 黔 六 縣 六 者 庇 衛 其 百 安 争

其 地 法 奏 氏 吏 計 疆 地 之 聞 民 日 不 輕言 公 亦 之,皆 亂 鳥 可 頗 先 日 公公 以 潤 臣 改設 廣 : 古 中 聚 惟 既 不 衍 本。 爾 或 散 喜 邊 以 一之治 西襄 等 今已 耳 徼 水 欵 遂 釁 徒 雖 西 終, 啓 異 治 悉 自 力 自 安, 異 時 也 持 爲 人 力 河 日 版 不 功 寢 不 咎 其 以 争 可 郡 啚 可 將 地 外 不 功之端。 縣 忘 深 誰 六 爲 乃 沿 戰 之 箐 諉 目 疆 寢 議 河 ? 而 制 九 域 要 徼 寇 遂 及 諸 司 萬 荒 之 一曲 將 安 世 世

其

土

各自

V

家

計

經

久

永

遠

折

衝

之,使

知

所

勸

謹

條

便

宜

九

事

不

設

郡

縣

城

郭

咸

願

得

尺

4

以

長

子

孫

即

割

新

疆

授

出

其

中

諸

將

士

皆

身

經

數

百

戰

披

草

萊

立

+

畝

早

田

六

畝

稍

益

之

使

自

贍

鹽

酪

芻

茭

頃

事

定

之後

無

慮

常

屯

萬

人,

人

賦

水

田

庄

計

河

旁

可

耕

之

地

通

溝

洫

者

不

下

Ŧ

亭、

建

倉

廩

烟

火

相

望

部

曲

相

保

塹

壘

木

臣

所

築

城

有

六

所

近

者

控

扼

邊

地

制

出

遠

者

聯

滇

蜀

通

商

賈

皆

V

邸

舍

繕

郵

譙

聯

絡

不

絶

寇

必

不

敢

卒

爲

禍

鴨

池

安

開

墾

聚

落

H

繁

經

界

既

正

敵

不

得

以

民

藉

置

軍

衛

不

易

其

俗

中

外

相

安

也

地

益

;

于

外

今自

食

其

土

省

轉

輸

之

勞

也

或

口

不

耕

地

漸

侵

軼

也

;

黔

地

險

瘠

仰

食

用

方

匱

出

太

倉

金

錢

以

勞

諸

將

不

足,

以

爵

個

轉

輕

不

若

以

地

于

或

無

損

四

也

既

;

五.

之利 雷 四,公持議 同 忘 非 本 疆 計 益 塲 誇 堅 之 開 福 疆 也 闢 土 奏 之功 上, 明 此 詔 人 詰 臣 責 數 時

那 之土 之。 丸 播 銷 也 俗 賓 立 有 目 问 奢氏 要 納 反 内 私 阻 反 地大者 者 州 及安 側 土 臣 聲 公復奏, 嚮 害 有 土 奉 宜 教 爲 之地,築城 各 非 反 獻 同 明詔 位 夫 畀分守 長 跋 他 藺 目 印 於 今安 西 死 官 略 扈之資 酋 之土,宣 編 相 安 \_\_\_\_ 南 司 之 位 無 切 氓 繼 籍其 氏 之 者 好 : 嗣 禁 殄 戍兵,足 于 反 境,皆荒 + 勢弱 叛 大 道 止 絶 慰 水 水 朝 有 逆 户 方、 公土宜 西 議 西 聖 七 疎 而 臣 者保世之策 各 必 以 威遠 族 西 定 惟 服 滇 征 酋 欲 丕 溪 遠 番 水 之定 也 還 恃 其 揚 用 振 支 之性 百 西 谷 朝 其 有 賦 兵 或 楊 紛 年 有 番 里 税 廷 威 險 氏 忠 苗 未 然 郡 宣 也 古 聞 反 争 順 彈 永 比 殊 各 慰 來 縣

> 之輩 譽 子 議 俾 此 動 用 今 官謝 所 動 漢 可 世 臣 謂 後 法 其 以 守 跡 分 西 度 黔 先 公前 水 心 爲 南 可 凡 越 接 後 西 決 爲 宿 酋 前 踵 後 之 世 而 或 俗 禍 長 條 人 壤 憲 蠱 公卒畢 本,中 家 虐 者 奏 久 授 惑 政苛 長 計 也 當 諸 真 朝 』。」累 久 或 群 得 酋 誠 論,致天 斂, 至 一之憂 議 古 長 身任 計 詔 沸 及 王 自 騰 可 者 切 不 有 倘 子 否,竟從公 除 此 馭 功 公 貪 以 不 方 之, 漢 邊之策 智 利 難 功 大, 害 喜 不 鐫 使 公 H 毁 事 參 此 咸

殁 恩信 公 降 爲 用 皆 將 功 死 公爲 乎 羅 ,矢石之下,神氣 其 一罷 未 乾 用 嘗 市 兵 象 X 巷哭。 後 妄 謀 悃 搶 乾 殺 幅 首 象 定 有 日 人 屢 始公起隴 而 識 : 「公, 後 立 愈閑 量 故 戰 戰 所 知 功。 至 天 尤 指 人 西 爲 人 善 揮 善 其 以 也 用 不 任 禦 勦 歸 亂 間 敢 邊 礦 附, 不 至 樂 大 寇 以 既 爲 爲 敗 爲

觀 當 西 内 至 占 世 臨 南 江 諸 事 洮 有 有 書 行 事,定之者朱公云 牟 甚 康 盡 契 經 民, 为 得 首 其術 隱 陽 載 者 山 歸 ,故公尤長于占候。 下, 也 授 精 遇 以 術 奇門遁 老 數之學,預 人 甲、六 與 之 談 1 壬 而

某 累 織 風 傷 稱 有 人 司 坐 暮 牘 , 造 采卓 政 平。 某 諸 應 殺 夜 公初 薦 力任 監 犯 大吏 務 然 擢 多 投 士 激 殊 棘 畢 釋褐, 命 蘇 金 風 死 變, ,公却之, 院,公不可, 舉。 撫 擢 辭 州 紀, 爲 而 之 嘯 廣 人 知 驗、公特 授 又 豪 謝 聚 不 東 府 地者 大 以 力 督 能 數 最 理 暇 走 切 清 學 千 定,公片 後 評 日 公 請 集 權 羨 疏 人 副 竟 諸 毅 貴 事 託 餘 使 論 一侵官 將 以 ()公未 然却之。 生 辟 慎 慮 瀕 <u>一</u> 十 言 甘 按 囚 行 執 刑 事 使 心 非 而  $\equiv$ 郡 經 聞 出 獄 者 于 法。」 解 晉 問 都 廷中 檄 後 林 中 中 恤 業 按 有 藩 某 貴 以 災 在

> 于京. 帑數. 廷方 竟直: 即 其 榜 餉 州 及公告侍養,十 前 不 其 其 七 竣 木 (姓名于 役 中 + 以 地 萬 師 厰 築城 程者 責 誉 Ŧi. 萬,官吏 謫 會官司 千 造 又 在 御 給 建 市, 有 清 )殿門, 右 史。 堡 奇 商 通 坐 年 林 轄。 設 , 蜀 省 人 立 瘐 恚 而 采 在 爲 第 漏 公心 公署 死 甚 人德之。 再 粤 木 道 籍 其 者 出 于 六 即 里 田 上 疑 相 蜀 年, 開 費 遷 誣 岩 下 其 望,而 荒 蜀 公他 所 干 積二十年 及 以 而 事 右 拔 水 畝 去 屯 北 寸木 趨 轄。 多 取 進 種 西底定, 歲 駕 之, 名士。 五. 抵 至 未 時 朝 ,費 達 涪 H 朝 論

<sup>0</sup> 安危,抑 官得并力中原, 云 竟委之西 下, 墨 豈 守、 其微哉 書 南 本 勦 以 有 有今 局 邇 撫 以 豈其 日。 不 老 海 可 八微哉」 然 得。 内 而 用 猶 公以 八十五 幸 當 兵 公 是 專 時 身用 字。 制 + 惜 年 西 舍 不 係天下 及 欲 進 求 使 縣 用 公

②「粤」,原作「奥」,據全書本改。

陽,練 藏。謹 餘。 皆 趙營平,允 公之晚 公才 身 繩 達 蓋 也 自 墨, 如 嘗 之 經 爲 文 尚 不 絶 誉 本 饒 論 無 可 朝 犂 公 岸 廉 量 經 然 沉 異 正 濟 如 可 毅 于 如 是 名 記 人 孝 如 臣 9 識 肅 魏 冠 然 而 冕, 費 居 者 而 忠 終 將 以 恒 則 取 愧 略 誠 是 則 之 大 事 子 如 愈 類 汾 公 知 窺 韜

**箎**,正 陰白 敏 生 壽 几 辰 神 傳 傳 州 進 都 璘 導 骨 洋里 公諱 衛 士 察 歲 德 千 院 弘 能 配 庚 累 炒炭元 異 户 治 右 文,二十舉 趙 辰 官 始 都 識 封 進 壬子舉人,任 氏 至 字 祖 者早 士 御 武 小 琛, 生 懋 史。 略 師  $\equiv$ 任 以 和 將 1 兼 萬 子, 監 次子 戊 爲 軍 别 太 曆 察 寅三月二十 偉 而 内 號 子 Z 辛 御 器。 長子 江 恒 太 酉 史。 從 其 岳。 知 師 鄉 龍 昂 少 季 縣 六 試 功 兵 讀 也 世 傳 傳 成 五. 四 部 書 世 居 京 絅 警 公 傳 壬 襲 H 尚 Ш

> 皆 憲 卒 也 宣 錦 靖 ,適太學生 官官 如 以 于 衣 以某年月 丙 公階。 衛 官 寅 生,任 水 指 祭 西 西己 揮 葬 功 子 日 南 莊 使, 祁 如 世 第四 京 氏 象 例 襲 無 後 佳 封 錦 嗣 X 享 府 長 衣 年 都 賜 次 品 衛 七十 坐 事 兆 壽 夫 指 婚婚 寧 在 宜 揮 · 有 九里 承 配 以 愈 推 襲 别 事 藺 恩 Ш 距 詳 , 功 ; 其 世 几 生 世 兆 女 兆 襲 葬

鎮 幬 席 公 不 慆 崛 卷 禹穴 要荒 千 起,參井之交。 銘 豐 里 日 胥 功大節 之義 一,深 濤。 ]1[ 人不 ,厥貢 嶽 世 儲 麟 爲 毛。 精 包茅。 閣 孤 才 名高 藪 篤 城 討 生 貮 有 於 戰 人 舍 譽 昭 臣 豪。 服 斯 聖 如 寧 武 髦。 不 虎 同 東 不 怒 0 歸 南 虓 我 覆 巨

作 職 1,指 無 逃 揮 蕭 0 曹。 我 思 2 頗 爰 牧 勒 斯 中 銘 外 建 式 歌 旄 以 鐃 九 原 可 永

爾

萬

年

惇

史孔

## 北渠章公暨配顧安人合葬墓誌銘

號。 是以 章,已 給 爲 廢 外 翁 材 Ш 饔 走 長 棄儒 里人。 祖 飱 者。 知翁 族 父某,母某氏。 會稽章氏,予母族也。 閩 乃析 術 而 叔 諸 己。 歙 家故 族最繁盛 最悉。 ,予太公行 子 翁 翁平生質 舍 或 翁 貧, 衢 耕 而居之,奉翁父子間 雖 翁 間 稍 代 隱 或 諱 世系出全城 稍 重 商 終不 也。 有 漸 仍父業,漸 貸貲, 敦 賈 顯 ,字某,北 中 憶予 徙 尚 者 而北 業 未 一, 而 孝 觀 少 以 義 練 T 貨 渠翁 翁 孤 以 壟 老 氏,爲 鄧 渠 里 以 起 最 斷 林 其 依 然 中 爲 窮 家。 也 别 僅 之 先 稱 約 偁 于

> 之。 備 胥足以 無 刲 之,禮失 是,翁得 必 告,有事 配 木刻二像奉於龕,盤 叔子天祚 不可,則 有是 股 所 嘗 顧 爲 事後先相感者與 安人殁, 晚 安人, 勸 事 而 疾 而 刲 而 必 矣。 ,何意得之翁子 爲,亦匹 素 求之野 佐諸 ,危甚,安人露禱,請 股 出 卜, 吉 食 諸 和 E 宗周感其事,爲 三年, 子起家,後 藥 虞 子 一夫匹 矣。 而 後 而 右 後 櫛起居如 既 喪 進 族 婦之至 世 行 之,疾 免 踰 其事 哉 與 傳 喪, 前 翁 翁 宗周 T 喪, + 翁志之墓 遂瘳,里人 性 近 思 守 蘭 平生,出 抑 年 哀 愚 父 寒 也 以 刻 聞 亦 而 毁骨 斯斯 母 身代, 約 木 而 而 與 殁。 不置 疑 嗟 其 安 椎 立 必 頌 心 里 先 度 作

<sup>2</sup> 0 逃 撫田 下, 擒濠」十 全 書 本 有 「兵 事 利 害 孰 爲 解 嘲 允 矣 前

暮夜徵操。公功取斯,舉世滔滔」二十四字。「曹」下,全書本有「豈惟才難,器則斗筲。三公易養

宜銘 吾未 其 次某。 始 在 安人生于某年,卒于某年,享年若干。 述 得 葬 來 范 請 備 見 也 橋 翁 墓石 一,以 之陽 翁 銘 生 庶 生 于子, 四 某 于 則 子 而 且. 年 某年,卒于某年,享年 窶, 天祚 長 思 月 以 其 以 日 某, 而 婦 舅 不 葬 娶某 既葬若 翁 工 朽 其 陳 部 其 親 氏, 岐 郎 親 有 于 陽實 次某, 迴 也 如 年, 瀾 此 有 先 嗚 而 -若干。 者 造 次 卜兆 生 諸 呼 焉 某 是 之 子

宜爾 伊 極。 維 虹 則 何? 其 載 銘 子 人孔 曰: 鏤之金 孫,其 陳 門 碩。 范 奕奕。 麗 橋 ,載刻之石。 玄扃 不 之陽,有 · 億。 千 既 年, 1 生我 懸 既 維 禮失求 者宅。 瘞 舊 者 之德 三,天 既 野, 封 望 且 也 孝 氣 舊 植 思 当 德 如

# 從祖太虚公暨配沈安人合葬墓誌銘

第相 先生 者, 限、目 其里, 每 往 生殁,而 益 市 之視昔,悲夫 習爲 豎牙頰 廛 自 獨吾從祖 而 成 予 下 屬 輒 不習交游、終歲 劉 流 趨 浮 巷 日 無 氏之聚 故 家。 者,水 月 華 無 水 他 以導之,青青子矜,群居 旦人以爲高,人至 澄 居 太虚先生一人,自 其 姓 蓋 人矣。 水 澄 錯 人文弱 族 家 澄云。 之俗爲之少變。 處 水 世 其 扃 澄 詩 恐後之視今, 間 而 户讀 也 書 當是時 儇 其 深 而 書 鮮 風 巷 相 中 此 不 聲 數 生 世 戒 子 輟 有 習 計 百 若 甚 乃 姓 不 士 足 狎 尚, 武 自 敢 大 又 于今 有 處 不踰 處 挾 出 先 望 子 夫 往 門

交也 太 虚 又居比舍,無 先生者 子 先 日 君 不 子 聚 始 首 終 談 同 藝 學 忘 或 砥

會從 先生 後,荷 壽 火,光 先 漸 妹 礪 君 名 識 年浸 子 窺 行 人 叔 道平 自 可 子 同 西 事 以 氏 以 帷 讀 高高 窗 小 爲 儀 不 中 生 始 書 子 常 ,及耄,私 聽 朽吾先生 以 映 稍 事 以 而 吚 徹 誌 稍 遺 子 及 · 晤讀 先生已 向 請 腹 先 心 低 慕 生 喜之。 君 心 書聲 者 頭 憮 先 子 耿 非 稍 卒矣。 不 然 生 殁,先 耿, 能 示 長 太 子 間 後 絶 仰 登 擬 息 小 子 視 謁 小 然 操 生 子 夜 去 先 樓 爲 則 短 責 或 撫 故 久之, 生 誌 今 章爲 耶 篝 與 而 道 里, 其 ? 而 燈 姊 哭

父以 處 願 孝 昆 以 晨 弟 析箸有 身代,居喪哀 先 昏寒 輒 垂白 生 乘 敦 間 燠之節 言,幾投 朴 無 進 篤 間 日 行 毀骨 言 斤 牒 「兄弟, 手足也 古 又 斤 文 于官矣 君 推 如 子 其 孺 禮 誼 慕 也 先 終其 及諸 疾 生 其 京奈何 則 事 身。 從 父。 籲 中 天, 其 諸 以 親 力

墓

者數 錢。 初 中 自 以 饔 故 以 緒 争 有 吾郡數年,先生不 介 朝 祠 自 、、恥干 夕相 下 心 張 奉 食,全活 飱 訓 典, 百年間 財 咸有恩 安之, 宗 其與 甚菲 年 姓 給之,有佃 傷 尤 然終 或 穆 莊 逋 人。 天 乃還 謁 間 然敦 性? 負 頗 禮 糲 世次、名第皆可 無 即 白 日 冲 其 百 舊 雲 多 食 至 首 衣 媚 然 源 處 餘 觀 0 者告急,稍 間 戊子 布 諸 祠, 骨 食 如 本 無 家 金, 衣,自 其 何 不 之思 父 競 賓,家人化之。 庭 拂 通竿牘。 嘗輯宗譜,承 他 大 士 無 大 其 先 給, 雍 拭 饑 抑 好 宗 動 生索 感 少至 睦 几 少 宴 素 行 舅 考信。 捐 動 容 筵 長 祠 如 其 與 租 有 償之,不 一老不 交 氏 見 從弟 如 圮 遂 也 其 德 與之爲 常 也 困 生 之,皆抑 西己 爲 類 身 晚 司 度, 後 改步 蕺 事 其 是。 其 先 沈 懽 年益 馬 先 禮 崖 私 持 生 待 安 行 粥 公遺 拮 司 好 殁 分 抑 親 理 其 糜 Ħ. 虔 如 而 据

之? 者,所 隱,不 之狀 之業。 方待 手 趨 嗚 此 性 而 先 絶 平 呼 立 「讀」 生 先 生 貢 ! 乃予 虚 無 稱古之君 不 屋 大學, 書 處 蚤 生 設 此 絲 倚 年 漏 心 日 小 亦 歷 竹 奮 坐 中 : 積 子 事 寒暑不 足 而 博 勵 不 所 質 行 子 尼 以 先 奕、 不 嘗 自 箕、 無 于 人 以 窺 子 妄 考 與 麯糵 H 非 例 爐 以 先 笑 發 胸 鏡 竟以 所 諸 真 不 不 生之概矣。 次 也 之好 覩 扇,垂 道 生 至 言 粹 記 高 外 學 矧 庠 白 雅 等 П 者 序老, 人 老 而 怒 食 不 何 無 信 志 談 廩 不 嗟 纖 善 編 自 其 在 至 道 命 有 乎 乎 有 介 青 而 學 詈 年 也 然 知 儀 雲 去 欺

寅, 登 氏 裔 極 始 食 先生 覃 某 廩 祖 年 恩 文 諱炯,字 月 丙 質 遥 日 授 午 公, 生先 鹺 訓 仲 導 院 傳 生。 靈 即 舉 至 父西 以 德 庚 先 是 行 申 世 年 河 出 補 某 庚 宋 邑庠 申 某 月 五. 日 母 忠 卒。 戊 王 臣

名位 仰 哉 劉 肖 駕 年 氏 承 以 釗 庠 焉 安 日 口 氏 父 之若 合葬于 公或 生 死 猶 部 德 人 ! 于吾宗 文,女二。 向 教 矣 陶 生于 後 儀 重 郎 口 得 然先 所 陳 是宜 允教, 壽 而 發 玉 藉 之人 邑諸 謂 某 傳 太 笥 同 河 于 門孝 生 先 白 學 邱 塔 先 年 世 公、 其 儀生子鋐文,女二。 風 人之澤以 次 生 亦 首 相 家 Ш 生 月 身, 義 王 儀 州 適六合知縣 無 如 陽。 切 之 日 于 儀 彦方。 輓 高 刺 或 劘 能 賓 一姱 不 娶 卒 整 史 予小 于 者 近 振 者 替 修 季 邀 于 崑 難 其 也 起 也。 而 氏。 懿 某 自先生而 崙公,皆 之。 子重念先 子 爲 爲 第 子 行 年 固 沈 先 生子 德 女一 安安 獨 恂 月 即 不 則 綰 生 不 恂 日 宗周 必 先 先 以 儁 倦 吐 莫 外 長 動 以 生 某 儁 君 又 生 與 逆 氣 爲 之 最 品 足 生 適 娶 先 里 阨 子 年 有 也 爲 以 傅 惜 月 子 品 品 中 不 贈 當 窮 相 生

足,内 悠悠澄 履之,弟友子 其所未 銘 遡 水, 厥 : 根 奕 浮 竟 臣。 奕 華 于 ,以俟後 德 蝕 時保之,其 雖 德 門。 日 記。 0 未 木 不 學, 訥 禄 近 而 孰此 肫 富 肫 之真。❷ 不 外 率 求 而 而 不

### 陳母劉氏姑婦同圩誌

劉 庠 也。 起 嫻於閩 女仲,予姊 公,有孫曰某,爲先伯考太寧公,娶某氏 而 又 生 奸者,爲太學生陳至仁之配劉氏 姑侄之親 剛 太寧公有文學行誼 蠡 臧 城 教,歸 其 獲 一西數里,青甸之原,有姑若 咸 配 也, 治 亦 陳 也 而 事。 劉 繼 執 氏 予先從曾祖 室至 婦 舅 也 道 一,於 思石公,起家素封 ,繩其先德,故 仁,其婦則予之 性 陳 勤 爲 少司 警, 姑 生子 婦 雞 馬 婦 鳴 姊 艮 同 而 生 素 女 穴 所 邑 而 于

> 之。 賢者。 焉。 甚。 子 卒,又五 矣,何孝之敢聞? 生子 也。 獨 其宗人因誄之曰「孝哀」。 鍵 婦聲。」姊哭之曰:「事我 即 前 以 思石公曰:「入門 夏,將彌月, 爲 内 **春年而生女彭,又二年生子春,又** 及笄歸 剛 出 婦 政 數歲 相 年, 納之惟 委健 其 五 年,舅 剛 夫 而吾姊 而 ,吾姊私以姪之親 婦,錢穀 子, 允,用品 議姻予 以 姑 勤 及女死 産 亦 及太舅姑 于學,凡以 是益 卒。 疾 五 米鹽 女,則 年,而 死,舅姑 五 以 其 五. 嗚 年, 之類 陳 年 年 呼 太 無 耳 氏 而 撫 吾 寧公 女子 不 上 不 而 靡 無 大。 姊 太 哀 下 籍 不 忤 聞 憐 彭 姑 則 皆 之 主 色。 明 籍 之 有 操 生 徐 教 特 盟 哀 新 哀 年 其 稱

8

<sup>■「</sup>浮華蝕德」,全書本作「尼父有云」。

❷「真」下,全書本有「舉而措之,九族一身。其所未竟,

<sup>「</sup>其所」至「後昆」,全書本作「古之君子,今也何聞」。

茁 殤 之 盛 陳 矣 氏 之 祚 非 復 向 者  $\equiv$ 世 伉 儷 蘭 芽 玉

若于 愛,字 者歸 予是 及其 己。 月 懷 爲 錢 馬 孰 誄 孝經 當當 日 私 世 母 謂 日 訓者 爲 何 以 章 其 臨 外 遺 婦 ,享年五十一。 里之人且 「孝恭」,視吾女爲 貞 **>**′< 夫子 終,床 如 婦 家 哭之哀。 清 人 初乳,及見 元。 之日 蓋 哉 間 女子 列 白 ? 後 女 修鮮 亦 其 頭 自 無幾 有 不 了寡矣。 傳 卓 姊 有 少 人 追吾 又十 歸 生于 ×, 然 膬之奉于 婉 金 食 予 也 門 女生于某年 次 不 貧 娩 先貞節氏,故 姊 年 法不 祚 某 故 稱 亂 第 鏹 姊 聽 之徽 而 之 年 情 無 如 成 從 出 哭 當 自 興 月 母 善 云。 此 · 授 誦 以 子 天 替 以 日 氏 歸 口 頗 姊 以 及 月日,卒于 卒 犒 陳 而 稱 及 也 女之生 取 其 其 侍 其 知 然 天 名 于 論 未 豆 且 大 婢 媳 死 感 曰 家 某 語 嘗 鼎 而 餘 義 也 呕 也 祖 子 司 年 不 而

> 禮 某 而 其 也 年 年 月 冬後 生 日 而 享 遷吾 戚 年 死 女之 + 而 依 殯 情 0 而 姊 也 袝 葬 之。 于 是宜 某 祔 年 銘 葬 月 日 非

古。 腐。 爲 祖 爾 嗚 賴 生 銘 夫 有 ? 呼 孰 日 懿 斯 非 : 孰 哉 人 姑 文 爲 孰 ! 也 婦 爾 無 ? 永昌 以 子 姑 而 ? 慰 婦? 爾 爾 爾 祜 能 私 不 死 而 還 憾 爾 也 託 之 百 相 爾 年 生 聚 以 而 也 千 孰 心 百

## 劉子暨配誥封淑人章氏合葬預誌

重 顧 九 而 己。 一,而 余自 原 鳴 長 1 顧 呼 夜 諸 奄奄 ! 9 彤管 將 淑 謀 ,安所 人 諸 甚 辭 可 隧 稱 我 愧 道 鴻妻 而 也 之石 即 萊 世 亦 以 婦 者 姑 爲 存 相 不 年 吾 引 朽 於 以 淑 計 兹 爲

淑人會稽章氏,予母族姪也,父巨川公

予之明 殮。 謹 氏,以 輒 日 析 母 凍 仕 羸 不 夜仍 姨 裂不 備 手 病 華 無忝 往 稍 能 結 劬 備 備 子 家 無停晷 母 年,爲 挑 輟 拜官行 視 備  $\dot{\mathbb{H}}$ 生 奕氏 嘗 雞鳴之風 淑 筐 無 燈 巾 之,日 也,以是得賢 長 淑 進 艱 篚 應 而 人 遺予,數 佐讀,往 而 人翟 苦。 士。 孤 當當 亦 年 萬 門 學 生 長 病 曆 復 七 沍. 繡 冠 淑 十九贅子 時 子 「女有福 T 寒,挑 歲 刺 而育于舅氏 耿 人 吾 偶 承 往 惟 年 酉 而 榻 親 女聲。 先 予 母 後 即 乃 下 子 耿 孤 操 相 大 謝 網 帷 子 燈 除 I 子 對 補郡庠 井 父 髪 至 而 攻 世 0 去。 越 懷 乃 時 者三年, 日 舉 吾母 重 惟 巾 寢 漏 家 矣。  $\equiv$ 啓 也 以 先手 筮 未 子 盡 且 日 奉吾 自 舅 其 淑 業 擇婦 仕 具 即 貧 旋 淑 至是 來 此 氏 力 人 以 而 支 淑 子 視 領 而 母 我 + 人 佐 而 母 來, 歸 抱 含 鄉 問 惟 已 舅 聘 **\$** 指 鞠 母

> 之狀 撫 其 世 人 御 人 將 黽 間 裋 因 終身安之。 孤 勉 嫁 褐 極 而 甥 操 以 二姑,娶 人 坐 娶 作,略 相 世 廢 子。 一甥 所 家 婦 不 不 而予 食者 堪 從 自 以 叔 識 及 乃食貧 前 子 婦,娶一再從 孫甥、 爲官人婦 後 病 稍 日 + 孫 起 甚 年 甥 也。 又 婦 拙 且 淑 叔 與 皆 又 于 婦 以 淑 淑 H 逢

年,起 I 歸。 削 部 順 部 奪 天 主 左 府 隨 事 越 乙亥,廷 右 崇禎 侍 天啓辛酉 尚 府 連擢光 通政,會逆 郎謁 尹 寶 戊辰 任 推 淑 告 禄 閣 人 僅 因 熹 丞、 今上 員 再 璫 數 寄 廟 隨 魏 月,偕一 尚 奉 改元, 津 改 任 忠賢 寶卿 召 城、上書刺時宰誤 元, 踰 赴 子 子 亂 復官 京。 年 太 謁 自 政 僕 偕予 告歸 行 辨,遂 丙子 少 卿 謁 起 起 告 子 坐 禮 淑

● 「七」,全書本作「四」。

字章 乎 氏 次 汋 恭 與 萬 未 或 以以 者殤 子 曆 幾 狀 舉二 黻 戊 同 官 繼 始 卒 奉 寅 庚 孫, 殤 京兆遇 以 官 日 女 時 後 九 子 京 削 四 日 几 月 丙 官 兆 子 籍 茂林、 適 子 + 儀曹 今皇太 進 長 歸 八  $\dot{+}$ 秦 七 適 閱 祖 淑 鄧 則 , 封 日 陳 月 月 林 人。 軾 淑 子 申 岡川 安 + 册 人 時 淑 皆 人 次 中 寢 Ŧi. 立 士 年 享 適 繼 H 疾 乃 恩 年 生 Ŧ. 官 申 于 竟 補 Ŧi. 毓 僕 二子,長 時 家 汋 止 官 蓍 少 + 浸 于 娶 距 生 九 劇 進 唐 是 牛

告 吾母 如 始 所 是 歸 子 癯 知 耶 嗚 淑 母 ? 呼 日 子 事 淑 : 子 從 性 事 人 吾 大 子 容 躬 多 宜 夫 悔 于 進 恚 之, 承 恨, 子 淑 起 日 時 依 能 居 : 人 輒 遺 若 子 重 改 自 凡 淑 左 過 有 創 爲 巾 人 右 矣。」 久之。 追 詬 櫛 人 手。 感 子, 語 L 吾 焉 箸 及 淑 事 致 母: 大 皆 晚 母 淑 H 人 父 服 年 喜 忤 口 人

> 之不 之, 則 問 鬼 淑 人 朝 櫛 徹 病 曰 日 ൬ 乃 : 乃 神 人 : 淑 論 謁 視 不 衙 予之有 必 子 子 免 頗 能 間 顧 能 人 事 洶 署 子 勉予 于 滯 耳 信 意 洶 如 幾倖 如 從 祠 日 京 家 如 ் 佛 是 殁之前 自 愧 是 欲 堂 夫 忠 其 師 氏 人 終 若 于 乎?」予 殺 死 義 無 言 皆 然 奉 無 子 也。 淑 。一子 及 子 無 則 病 號 後 吾 有 職 日 視 人 守 偷 子 理 母 亂 子 泣 多 典 痰,喘 東 夕 又因之感奮 京 之有 日 生, 家 乃 矣。 也 因之 語 簪 持 欲 林 兆 : 政 日 子 經 六 遯 珥 翛 甚 愧 何 晚 都 子 感 方 呪 七 以 然 苦, 獨 于 年 至 生 數 自 坐 城 奉 奮 餘 君 而 臣 是? 淑 老 被 危 逆 屢 + 子 湯 日 年 晨 曰 逝 職 若 病 絶 璫 韋 如 年 : 藥 起 淑 「彼婦 朝 之 不 子 多 死 若 淑 彼 問 火 必 唐 動 廢 日 淑 婦 聞 光 以 挽 船 旋

人者,殆有 得 于生死之説 與 0

得之。 家政 誌, 子,稱《合葬 以 婢妾先,至老不衰,斯可 施 生 云。 天下之諛墓者,予聞 也,予哭之曰:「失吾良友。」因題 孝莊 無 有成如是。」予曰:「有是 上 而 數 謔 下,必均 淑人 美哉淑 稍附 昔 」,是爲孝 語 + 鄉 性 年, 雖 舉止端 淑 號 預 前 剛明,處 以 克 人以自況, 君子有以哀 誌 輩 有 出 莊 鈕 》,後有 禮、又以 重,雖處 人 石 淑 其 心 米鹽,斤斤節嗇,而 溪公自 風 人 行 稱 君子 求 誌。 而 事 其暇,躬 閨閣無惰容。 婦德矣。 劉子 夫!」因 悦之,因并 述 動 客 者,亦 墓 稟質 聞 其 誌 紡績 之 其 及其 能 冠 誠 其 而 旐 以 不 于 以 相 爲 志 死 筦 自 病 此 劉 與 嘆 恩 日

不名 不行,返 銘 子 日 晚 此 其天先。 纍 念,見志 然 而 起者,爲誰氏 不日 也 不 月,不紀歲 之纤

> 丹泉 年。 淑人兮,非言之傳。 先 萎 時 非 與 俯 促,後 仰 死 非 氣 延 翛 然 清 噫 風 嘻 明 月 我 偕 石

且有學佛所 乃今淑人所得於生死之際 每見佛 清許恭簡公遊 若淑人」至「之說與」, 氏談生死,不甚契,輒以挽淑人,而淑 不能者,終媿 黽 黽 問 學 全書本作「余年二十六,從德 於 余之恍恍 如是,真有學 今, 頗 有 而 意於 生,惚 儒所不能者 朝 人不顧。 聞 之說 而 死

## 劉蕺山先生集卷二十一

#### 墓表 行狀

#### 丁長孺先生墓表

之賢 也,自 後之君子乎 則 君子 何 其 也 不爲 負 而 記 别 世 白 猶致審于君子 世 于 俗 沙 有 小 小人 之 ? 先 真君子,必 人 疑 生 白 而 無 必 傳 沙 小 疑 甚 羅 蓋 人嫉之,還 小人之際以定其 此 有 私 其 毅 在文毅 感于 能 心訝之。 公 自别 日 斯 以 : 且 也 于小人者 爲 然 以 倫 小人, 後 文 而 必 品, 文 毅 況 爲

> 沙 鼎 有物 摭 嗚 不遑一席 毅 其 呼 鑊 焉 白 而 平 有 ,爲丁 -于中,必 餘 辱 生 所 年 已矣。 知 有 不 大者,表之墓曰 煖, 于 頗 長 避 欲 深,後死之責,非 孺 君 斯斯 宗周 子 朝 之榜 其 吐之君 夫 顧 椎 爲 世 孜 魯,愧 人 有 日 孜 則 父 弱 東 切切 而 亦今之文毅 冠 林 無 子 後 策 能爲 饑 名,終 快 而 吾 溺當世 誰 役如 雖 浙 其 刀 得 也 白 身 鋸 請

等 契之。 涇 沉 敝 益 所 州 、慨然 陽先 長 屣, 口 , 廩于庠, 高 興 明 互 長 不 生講 人。 夢 孺 又學于其 然一 屑 有 先 寐 矯 也 即從 生 紫陽 生,丁氏,諱 勵 先 本之忠 而 哲 澄 少 顧 慷 絶學 鄉 泰 清之思,于富 有 先生授《尚 慨 許 異姿, 孝 爲 負 于 恭 惻 矩 奇 元 簡 東 怛 獲。 氣 薦 公, 林 弱 書 遇 别 冠 自 嘗 及 貴 院 事 號 録 從 見 此 利 直 慎 諸 趨 先 己 達 世 無 前 所 請 生 生 視 道 操 錫 益 高 陸 深 如 顧 無 湖 H

争,

又發三疏

皆

反

覆

君

子小

人

消長

治

亂

而

攻先

生者

益

急。

神

廟

並

留

中不

報

經

世

之文。

其

黨

轉

攻

先

生

先

生

再

疏

以

狀

發

其

邪

謀

害

IE

凡

數

千

言

識

者

以

爲

2

平

爲

反

噬

者

所許

,其黨和之,

舉

朝

鼎

沸

度

以

辛

亥

 $\equiv$ 

月之官。

時

口

經

歷

不

赴

調

者久之,積

十二年。

去。

還

朝

了; 丁

内

艱

己亥,以

封

事

中

多

責

備

婁江,婁江

時

貞

皇帝儲位未

定,有三王並

七、

坐

視

而

不

可

救

藥者

年

以癸巳

調選

授

中

書

舍

人。

封

萬

言

極

陳

時

弊

可

寒

心

者

曆

酉

京

闡

成

丙

戌

進

士。

1

外

馮

具

品

可

成

遂

擅

經

生

業。

北

遊

無

能

解

之者。

先生乃

起

而

抗

疏

臚

諸

姦

罪

,尋召爲禮部主客司主事 京察甫竣,太宰 惡之,尋請 皆關 庚戌,起廣 京 封之議,先 察鐫 天下 甫 艱 太 又踰 可 家 學 匝月,上 浩 大計 先 孫 東泉 使 嘆 居 舉 年 生, 生 富 事 萬 平。 怫 以 也 元 挾 寶 起 先 大 疏 然 寧 中 不謹 0 廢 刻《 派 闕 生 閹 卒未 罷 少 久之,臺 籍諸 乃 起 下 程 卿,而 削 大 謝 相 朱 語 口 幾,詔 籍。 創 病 歸 臣,至 喃 道 多 門 去 先 省交訟,起 激 詢 命 喃 是役 户 削 生 及 駡 壯 2 先生 録 , 先 家 先 三病。 時 》以 也,一 揮 亦 居 生 事 生 獨 手 見 不 新 不 故答 病 以 刑 網道 志 報。 官 而 會 勝 中 察 部 别 諸 小 忿 輒 典 以 檢 學清 T 人 天 前 扼 正 謬 校,尋 格 啓 巳 復 Z 易 腕 人 語 京 流 改 卯

起

用

晉

尚

士

論

不

盡

復

馳

遂

元

漸

0 争 情、端 下, 學脉 全 書 五 本 者 有 九字。 具 剖 真 心 覈 名 實 重 大 平

先

牛

時

朱

簣

數

日

坐

門

户

字。 或 皆感悦, 人以講 去下, 時 事 學 H 全 既 爲 非 去, 諱 本 詆 有 至以 有 東 泣 林日 在主客 下者。 六經亂天下 門 户 Ξ 其 月 後 籍 耳 語 富 朝 入省闡策問」七 平 士 所 諸 賢 主 者 正 四 入之。 人 裔 相繼 X 貢 去

至 明 者 于是 深 建 多 遠 極 冤 也 知 死 反 先 詔 政 生昔之矢 獄 由 舊 獨 先 而 生 口 先 先 而 生之言 期 争 獲 其 免。 往 爲 往 世 今上 奇 道 中 聖 慮

公舟 乎 返。 梁 部 都 先 少 晚 雖 日 人 ? 先生 溪 生 可 卿 年 雅 强 甚 側 後 同 志 項 免 , 先生不 當 吾 及 志 孔 未易 者乎?」 先 世 也,先 笑日 老 熹 生 邀 諸 生 道 時 矣,不 在 廟 西 之 君 奪 應。 焉 用 湖 初 而 在 生 子 官 也 沈怏 贵 風 邂 禮 無 沈 日 能 歸 大 1 儀 有 逅 曹 一、一、此 不 請 鳥 已之錮 涉 魏 方 怏 白 介 也 起 謝 程 先 嫌 孔 通 然 去 首 彈 以 生 不 要 時 福 尺 曹郎 膝 冠者 大 恥 往 謂 給 清 津 素 或 爲 交 拜 諫 當 人 定 謂 艤 再 屈 惟 給 趨 日 還 或 便 交。 邀 小 稍 所 諫 朝 朝 飛 可 先 前 舠 且 通 1 先 援 生 先 棹 復 于 欵 调 會 向 待 儀 終 故 生 而 生 高 相 慕 伸 要 以 江

老林臯。予常以爲空谷音,不虚也。

碎 實 無 生 以 每 來 溪 , 毋瓦 以 殁 語 惓 梁 忘 時 識 骯 惓 溪, 先 前言。」 及 集 君 生 髒 者 商 全。」公臨 同 輒 自 父。 取 志 恨 訂 嗚 其家 謪 禍 讀 之。 學 咽 晚 秘 書 輒 術 流 庭 年 書 談 終, 初,先 是 涕 加 相 歸 道 及神、光、 非 欲 裁 砥 執 ,有終焉 即 礪 先 抑 生 借 陶 小 如 生 考 然 先 劍 築 此 手 少 樂 熹 生 而 北 之志 日 參公, 無 也 授 日 山 從 受之際 而 之 勉之, 慮 寧 齎 乃 間 華 心 志 壁 先 往 瀬

忤。 舟 眷 時 年,奉陸 母 時 夫 ,先生事之惟謹 彌 先生 待 篤 事 人 以 繼 殁, 以 又 事二 舉火。 祖 終。 推 而 母 少 事 吴 親 舅應 參 和 外 曲 公有 ,既殁,力 公意 有 祖 奎 婉 禮 母 側 非 備 意,忘 陸 室 卹 陸 至 如 嚴 請 及 所 雖貴 **無** 母 其 祖 出 于當道 存,林 母 前 非 子 而 之族 吴 而 渭 勞 旌之。 出 卧 矢栢 陽 不 蔣 也 之 + 色

其推恩九族與故人子弟,無所不厚也。●

0

乃人 謀 日 生 殆 或 易 少 追 積 立 主 而 不 事 勵 城 至 召 爲 ,殮令君 薪 曉 盡 簿,家人 人 縣署 善後計 利于闔 人情 西 縣,撫令尸 中民訛言殺令者屠城,自辰至酉, 中 歲 廉 諭 有 思義等,設 可 門, 甲 節 居民,使各安堵,而 素憾令君者,因 避 相 子 所 洶 如 皇 刼令君 又擒殺數 與 也 9 元 城,先生處之兀然不 禮 洶 居 迫 灑 旦 郡 慟哭。 殊 請 且. 血 咸 馮 庫獄,不屈,死之,并殺 賊 邑 夕數 誓 賞 吾 避 頌 推 吴野 人,餘黨走遁,事 衆 殺 , 先生叱 先 謝 官 常當擒 舉 而出 賊 驚,謂先生袒令君 倡 生之功。❸ 來署 足, 樵等二十 爲報讐之説。 切 誦 且. 丞若 造 飛 賊首吴野 言令賢,無 縣 如 曰 請 書告 全 一義 事 少動。 l 尉 于 益 城 以 先 八 甫定。 當 何 頹 是 生 人 鼠 不 相 道 ? 自 爲 報 先 協 署 垣 共 斬

> 先生曰: 其 有力之手, 葉朗生之釁 貧 不悔,人 師 中,且擇 也 等,譁 關係 善逋賦,以鄉 齋立 於先生素引肺 以 丁賣妻鬻子女以供 較 下, 人宿 先生 言 著 司成家居,倡均繇之議 云。 後 而 者口 尤難之。 儒生而嫁之; 輒 全 一慮之, 是殆難以口舌争也。 衛左右」三百 降心相 攘臂起,不顧 而剔螟 書 而復其蒸嘗; 明 其餘 塞,吴中役 本 經郎 則 紳家悉免繇,而富民復事 有 從,終 其 岭之篡; 腑 謀 「尤嗜 黨尚 文焕謬争 視桑梓 之 因 追呼, 斂明 身德報 石 蠢 世 十八字。 薦材官顧 法自 義 援 間 伏 若 繼 經城 利 有斃 劉 有 也, 大爲梓里譁 贖 先生 渴 此 害不啻 之,致反爲文焕所賣 因先自計 清 切 恒 名臣 大咸 少 而 命等楚 惠公曾孫 遇 恩 變。 父坐 思義,并其家丁 使 長 怨。 所 蔣 預 於長安旅邸, 興 洞源 不平 侍郎 地 爲 其 田占 瀕 者。 如 跪寄, 備。 後,苕溪 謀之先 太 女於群 里 切 仇 賜 爲 1役,與 湖 身。 中及 也 坐 鄉 爲 朱 於 以 紳 獨 元 而 許

2 計一下, 處危 全書本有「時 疑之地 日 夕 訛 焦勞, 言煩興, 凡 兩 閱 先 生 月 一合門 而 以 不 長興完

節,以百口白之,聲淚俱下,聞者感動」二十七字。「功」下,全書本有「然先生從此病矣,尤痛念令君死

3

或 諸 廉 大 吏 其 枉 所 嚴 而 重。 解之,亦不令人 有投以 暮 夜 知 金者 也 峻 拒

身既 衆口 其 中。 自信 其 後之爲君子者,尚 干卷,藏 六十六。所著有《西 未 辛亥之疏,摘 諸 而 三者皆不能 判 論 見道之真,其必爲君子,又何疑焉? 君 廢 婁江 加 西己 謡涿之日,使世道終賴 廢 ,實本之所學如是。2 子 與 先 臧 矣,復 生通籍四十年,前後服 起 争 于家。 先生抉之最 氏, 也,于先 視 無疑于天下, 爲 關 及 起 前 其 世 娶吴氏,皆 其 而 矛,而 道汙 生 同 生爲舉主 有感于斯。 論 Ш 鄉友 蚤,獨扶君子之正 卒、 天 日 隆 下 世 記》及奏 小 人,又 事,則 而先生斷 有 黨論 系、 人嫉讐之特 昌言 以不墜,則學焉 賢 則 官不滿 子女 友人劉宗 德。 以 以 初起,玄黄 以 勁 疏、 爲 爲 爲 氣 詳 斷 嗚 雜 叛 賣 懟 《狀 呼! 卒年 氣 有 稿 友 師 君。 甚 載 時 周 若 以 干

0

談 日 不得中行而思其次,則 士」,遂相與定交。 人,必曰『意 天下事,神 初 ,予于先 氣 采 意 師 溢 氣 然間 許 先 發, 恭 日 輒 簡 生聞 與 狂簡 座 嘆 師 中 服 之戄 語 ,夫惟狂 及先生之爲 謂 見 然。 先 非 生 當 抵 世

去而 恒喜 所感召且徧天下也」一百七十八字。 後二公敗,向之居間者多謝去,惟先生交情 千金,先生獨 也 而 金銀氣、多 江 北,並 接引 下, 敗 命 者忘倦。 酒論文,識 全書本有 後學 東林 大榜 無 從 遇 客 黄 每 其 鑒 有志操者,多 染 也 李 爲 白 門門 精 指。 學 遊 尚 交 絶之, 絶 者談 遊 書 嘗 中 三才撫 吟 生 不 經賞拔 古 乘 臨川 癡 方鼓 忠孝 以 便 絶 貴 淮, 射 詩 處, 舞之, 奇 介 無不 利, 以 徐侍 寬。 節, 無 自 居 夢 脱穎 趨 況 至 閒 至聲氣之 御 如 到 其 擊 縉 日 去,或 向 徽 節 或 芳 州。 沾 居 欲 至

耶」三十三字。自古記之。使先生而懟,則賈太傅、屈正平二君子非自古記之。使先生而懟,則賈太傅、屈正平二君子非了是」下,全書本有「朋友與君臣孰重? 順逆不兩全,

0

能卓然有立,所由與浮沉當世者異矣。」

# 禄大夫太子太保謚文介淇澳孫公墓表資政大夫禮部尚書兼翰林院學士加贈光

趨 望 孫 用 私 異數也 贈公太子太保,祭葬如 見,而公竟不起。 臣 而 間 即 于 爲之小人者獨 公一人。 之,以致君堯舜,坐奏昇平之業? 慨,謂今天下安得古之大臣以道 無 廷, 今上 關 家 由 水陸,疾浸劇,抵國門,上亟 起 易名文介, 識者以 親 建 御 毘 太 試 當世 極之八年,念前此置 陵孫公。 才品 平之業也,始大破資 害公,致公前後 士大夫,方推 上驚悼良久,下所司 拔拔 其 新 屬 銜 尤。 公已 爲 ,仍任子一人,皆 稱情云。 」嬰疾 未 轂 厭 困 公 相 事 格 復 折 無 聞 趣 不 則 君 瀕 虚 議 予嘗 公陛 進 得 用 心 者 命 死 日 卹 儀 其 群 而 力 夙

> 晚際聖 相繼 矣。 公死,而 出 予請尚論公大臣 一死,吾黨不禁人亡之慟。 ,乃公卒不及 明 若後先 殷 懷 並 夢 大用以 命之文公震孟、林公釺亦 1, 之道 雖害公者 死,天乎? 嗚 不 呼! 得 不 人 聽公 耶

争册 至 永 窺 或 禮廢弛,公首疏 之以禮部侍郎 事,皆職 錮者 四 何者乘之,致 期。 + 立、争並 公起家 當是 半天下 一年癸丑 在編 時 詞 摩,不 封、 也。 |林, 歴: 視篆也 東 闘 福 争出 ,始奉旨 治 朝 府 既 具論 積 亂 挾 編 一,值神廟 而 閣 者數事,遂及福 處 母 修、 廷 無 愛 危 1 臣 中 論 虚 疑, 以 吉明 屢 端拱 允、 其 日 有寵于上,諸 以 大 一十年 春。 庶 而 之 者 久,諸 子 坐 或 貴妃 廷 王 落 方 少 之 公 臣 詹 典

● 「夫惟狂簡」至「異矣」,全書本作「狂簡亦何病於世?

公與 于 调 激 或 得 慷 公 附 奉 以 數 猶 日 九 日 是 計 家 以 方 旨 大 慨 卿 省 和 日 争 内 貴 之 信 前 待 以 何 廷 切 夜 留留 今 此 降 曠 出 曰 妃 代 語 公 責 旨 臣 巧 命 示天 H 禮 千 旨 危 日 令王 疏 誉 不 所 反 煩 時 臣 言 是 持 古 一今日 更 下 争 封 以 汗 聒 又 E 出 責 期 久 佐 相 不 ·, 不 王 爲 自 連 前 度 也。」 不 決 之, 人 公 後 ? 政 頃 請 福 請 是 不 · 得 殿 可 至 死 年, 之, 府 聲 王 減 東 某 何 廷 以 疏 口 得 疑 莊 所 惶 母 莊 朗 宫 且 戚 王 死 得 難 與 八 田 0 恐, 子 舉 田 朗 責 出 九 畹 所 繼 不之國 諸 取 上 則 九 朝 地 以 徹 閣 持 政 之 私 \_0 大 + 盈 聞 舉 卿 患 行 府 大 土 還 臣 未 几 人 且 之, 之。 亦 輒 朝 相 内 下 以 ? 有 旅 田 萬  $\Box$ 揖 伏 謂 而 不 大 顧 偵 公公 必 藉 會 頃 諸 大 政 公 闕 報 而 行 感 公者 口 典 自 皆 府 政 立 主 奮 動 辭 搜 動 如 古 感 府 當 氣 率 無 輒 然 煩 乃 而 括

嘗 公 人 嚴 去, 争 功 事 責 公 數 期 少 公平反, 王. 于 、公念: 窺伺 憚 執 有 選 忠 0 耳 是 + 告 屢 人愈 婚 \_\_\_\_ 公遇 公, 中 其 人 誠 年 成 不 時 忤 者 皆關 他 官 多 又 貫 椒 可 公于 其 釋 直 上 推 事 非 若慈聖 數 是 房 頌 天 節 意 其 事 召 公 庚 役 例 必 公 之 年 壤 是 聲 聖孝聖慈之大者 出出 正 戌 役 爲 索 核 久之多得 也 功者。 愛, 得 震 滯 有妄 科 與 太 仰 干 曲 内 舊 行 賴 内 者 奠 塲 東 庭 供 后 突 邀 章 其 廷 神 數 男子 之弊 或 朝 金 廟 徙 公 帝 而 志 廟 + 杜 類 俞 錢, 號 本 薪 鑒 呵 謝 焉 故 始 人。 旨 張 僥 于 之, 群 亟 自 至 終 王 日 倖 而 差 亦 泰 : 小 正 楚 持 公公 貴 英 天 中 代 忌 闖 何 Ш 熒 之, 子 風 妃 獄 駕 斷 藩 官 者 青 以 動 聊 惑 以 帖 遷 采 久 廢 以 宫 得  $\Box$ 持 遂 逭 不 而 冤 主 下 肅 坐 噤 梃 禮 之? 柱 長 典 日 苟 難 然 立 禮 女 賴 而 諸 居 擊 臣 非 独 割

平 繼 盈 -,皆報 爲 廷 禮 議 部 卒 可 尚 按 書 在 法 而 部 持 鼎 踰 之。 湖 年 再 又 請 泣 請 告 矣。 從 去 祀 去 豫 八 章、 年, 延

擬 難 弑 朝 裁 世 寇 傷 公以 臣 垂 大 謚 以 免 與 交 君 攻 子 ,義之次 政 《春秋 之心 可灼, 弑 章 謝 弑 爲 之漸 弑君之實。」并及貴 府 先 恭」, 父, ,不食死。 未 劾 是 皇 方 正 可 從 先 上,義 已有 例貶。 僅 也 然 灼 厥 哲 許 票 帝 坐 則 辜,甫 聽 進 世子進 乃宴然傲 弑 從 П 從哲 疾 之上 紅 引 籍 ~春 君 李選 大 哲 之事 調 丸 疾 漸 人 不 宜 也 秋》 藥 先 理 朝 以 侍 能 妃 何 有 ; 欲 是可 于父,父卒 去,從 然,支吾 不 即 先 不 帝 以 如 合 鴻 蚤 少假借 事 遺 處 連 辨 門 抗 臚 移 王 詔 忍 焉 弑 哲 服 疏 席 丞 乾 Œ 紛 亦 君 李 封 也 劾 之,崩。 藁 爲 清 ? 之名, 引疾 辨, 世 后 從 口 直 以 伏 宫, 哲 神 灼 弑 縱 至 待 劍 書 子 去。 者, 廷 有 益 自 逆 無 滿 自 許 略 廟 口

> 哲,亦 秦藩 翕 時 奪 顯 御 從 然 據 歸 封 哲 史大 當 爵 語 公, 官 直 非 加 夫 獨 筆 而 峻 例忤旨,又請告去。 鄒 二三宵人不懌 書 戍 切 信 忠 可 得旨 灼 史,爲後世 介首袒公, 朝 九 野 卿 快 科 也。 戒。 以 之。 道 爲 議 頃之,以 即 當 于 議 公建 是 不 上 公論 殺 争 從 白 詔

典》, 者若 梃 大 明 附 年 錮 去 積 會 以 年 侍 擊,楊公論 爲 矣。 公論 干人。 頒 郎 群 自 大起 遂修門 逆 布 至 值 神 小 閹 紅 天下,坐公等皆 是小人 所 廟 京察, 詔 魏 越 以 丸,合之刑 不 移 户之怨,抵 忠賢 獄 · 容 1 來,士大夫以 宫爲三 卯、公議 竟 副 益 用 相 院 以 嫉 沿 事 楊 居 公如 大 部 有 誣 公漣 聲 功定策糾公, 門户 罔 案 侍 戍 IE. 勢 學 些。 特 郎 人 灼 得 而 術 一不道 之説 王 無 修《 下 天下 寧 持 公去 公之家 遺 夏 清  $\equiv$ 死且 類。 群 極 議 之 公既 公得 朝 坐 戍 永 争 要 V 小 明

公義 知公, 恨 特 不允。 戊 銓 布 死 行。 再 無 之欣 方争言國 出 辰 統 疑 事 餘 召 臧 滿 疏 改元 諸 而 亦不 天祐 生 照 不俟駕,途次謁 。 當 朝 ,赫然正 然 則私 以 文忠 罷 不 璫孽閃 如 臣 署,多尼公出 H 羽 皇 事 能 發憤爲公上 ,而公解戍復原 ,人多惜之。 ,始以原官協 官 謂 强 書 再 圖 前 報 誤 公曰:「少委蛇,相矣。」公曰 起公,公已若將終身矣。 當 何 狎至,聖天子齋宮引咎之日 始,誅逆璫 「其年 燥尼公,八年 主。 枚 或 或 不 家 卜及公。 遂 日 秋, 告,奉温 大事 悲 者 疏 從 晚 夫 理詹 既 今上 楊 及其 獨 且 官 ?」争益 ! 公 相 葉文忠當 如 詞 而 事 以 綸,公捧 地 黨 始 其 廷 林 一日,上不 公竟以 召公,三辭 藩 公爲 下 與, 倪 時 臣 力。 邸 ? 交薦 璫 元 乃 繼 或 侍 璐 而 晚 討 及公 孽 詔 遂 熹 公。 泣 郎 雅 能 賊 年 南 猶 卹 廟 戒

> 已 日 事,決大疑,動 苟 立 同,故· 宏遠 不 兩 公狀 朝 可 矣。② 功 人莫得 貌 世, 存 不 社 臨 踰中 爲 嫉 而 稷, 革 或 惡 用 , 人, 家 即 既 之。 謂 樹 不 嚴 子 而 典 相 然 性 比 即 禮 天 獨 部 于 下 之 日 鯁 賢 君 極 立 介 者 其 士 朝,斷 用 聲 亦 元 孤 是 未 行 施 日 古 夾 大 嘗 岸

主」下, 際此 志也」三十六字。 時 艱,小人益 書 本 有 見 事, 公 即 懷 忠 日 大 地 用 之 公, 悃 公 而 不 識 能 以

2

知 迫,此景亦復 之所至, 賁 五 日 六十八字。 矣」下,全書 止 宗,久之有得,時 往不計 不 以 日 廢 五 因 臨 事 儒 以 池。 自 利害、立朝 衣破綻,終不可以袈裟 止 課, 躬 觸 本有「始公喜讀 晚乃 不能奪 顔 現 其 默 一切 覺心光迸 然自 之日 坐,二 齋 凡以 屏 時 謂 去,尚 時 玩 終 行其 開 以 體 易,三文藝, 佛 歸 身 驗 所學 斷 求之反躬 晃 氏 補 殉國 而 滅,未 也。」遂 晃四 書。嘗 有 有 至 守道 照 如 是本 焉。 從 此 四 一意宗 静 至 書史, 路,歸 守官,見 上人 故遇 涉 事 其 乃 急

于出處 重,身家念 吾 ,不可則止者與 輩 若 最 將 分明。」嗚 輕 道 理 何 不 事 讓 不 呼 濟 與 ! ? 聖 公真 賢, 又 日 凛 自 : 凛 然 吾 以 君 道 平 父 事 生 念

有坊 君。 介不 户 111 更 西己 士第三人,始 讀 先 號 封 表 取 生 夫 公諱 書,不妄交與 石 生卒世系皆詳《狀》中。 世 女 齋 ,士大夫以 人李氏 慎 也,故淵 以 咸 行,字 自 人詞 稱 況。 爲苦節 無 聞 此益、 謝 林,以文章負盛 子, 源 生有 斯 有自。 子其兄之子,即 高之。 别 切竿牘, 異 至 號淇 姿。 居 舉萬 家 卒年七十二。 澳, 母 處 非 名 曆乙未 唐 鄉 晚 其 曲 氏 好 比 義 獨 石, 部 荆 動 扃 進

周 請 追 日 感 ,據《狀》爲之表諸隧 同 始予官儀 子 心 之誼 讀《文抄》, 曹,當備公屬 良 用 而 耿 道 知 耿 以以 公之學出 遂 員,引予知 示 因 永 比部 久 人 于 君 劉 己, 之

> 之學 言顧 幾 龍德 章佛 記二 與 庸 而 傾獨 愛梔》、《愛畫》、《病龥》、《里居》、《 一時 有 知 而 以 消 公屢 行 老 而 知公于出處顯 讀《一易》、《二易》、《三易》、《四易 義》 無 尚論公世與?」● ,子臣 稟 正 息,於乎 中,志天民之所 絶 百 于 所 章編 通 正 弟 不 博。 盡 友 而 折 之矣 探 知 衷 歸 晦 繼 河洛之源,心 公反 群 之慥慥 生 讀 儒 志。 死之際,無 木 約之功依乎《 及讀 克 思 之 後 繼 抄 千 地 公奏議 ¥, 絶 曳 百 存 是謂 學。 不 而 年, 尾》 憂 知 患 中 ×, 稟 以 公 庶 讀

孔子述《春秋》,而亂臣賊子懼」二十三字。「與」下,全書本有「又曰:紅丸一討,大義凛然,是故

#### 亞 中 少 大夫江 卿 養 冲 西 姜 布 公墓 政 使 表 司 右 參 政 常

長,所 置 死 事 年 是,意者持論 或 之者百 乃今天下未嘗乏才也 啖名者之所務 風 用之,上之人從 節 事 來, 理 于 後之人尊事 學、行誼 吾友有 今天下所 急非 文章之標準也 轉 累卵 方,而 相 所習之故 祖 轉增 姜養冲者, 竟 有 述, 急 風 無 而 而 餘,而 節、文章于不 者 先 積 乏才 顛 亂天下之嚆 生, 倒 爲 前 與 割 事 之效 驅 疎 試 之嘆,豈 乎其 功 亦 固 竟 除 之 闊 所 止 所 宗 坐 間 禁錮 需 用 口 而 知 稱 是 周 龍 問問 以 取 者 或 先 理 矢 非 因 不 之術 之, 備 幹 學、 以 不 生 得 所 異 也。 而 緩 濟 足 學 狼 大 追 爲 用 而 行 數 久矣。 才 耶 養 用 感 非 摧 籍 此 誼 ? +皆 以 如 往 所 致 抑 而 而

耶 即 ? 可 以 乃 大 先 生 用 古 而 有 不 不 可 然者 褻 用 猶 然 啖 名 者 流

爲令。 焉 手。 與候 稽 糧 爲 題 可 地 日 先 旋 二年, 月 生獨 免役錢 准 方 及 稽考, 遞 地 出 領 爲 方 又徐、左二衛之有 坐 所 人 先 而 軍 遠近積 至舳 官 考 留 生 次 至 派 司 化 至是 成 第。 筮 領 軍交兑 倉 心 倉 爲 稱 相 軍 運 艫往來,権課 徐 仕 糧,不載考成 空籍 自 乾 便 通 民 官 逋,不得 先是,有 州 爲 没 軍 此 行 利 軍 無 户 實 得 平 徐 而 弊 行 停 曹主 以 至 按 準 倉 計 衛 糧 刻,而 是 厲 軍 期 藉 預 以 官 故 概 便名 夙 軍 及 征 事 先生 放 儲 與 與以 切 蠧 纖 那 事 解 也, 胥 因 該 部 色也 報 借 僅 遠 微 吏不 有 使者 衛 甫 清 特 寬 罷 年 放 支放 解 壓 官 弱 政 與 逋 先是, 至 得 收 放 且. 扣 軍 亦 糧 申 前 役 冠 加 措 皆 永 染 仍 糧 俸 軍 必 已 耳 歲 著 稽 月 無 糧 其 至 聽 削

役 女 者 利 反 用 者得 浮 病 于 其 效于 前 以 發 行 姦 錢 其 異 擿 穀 私 時 伏 者 收 先 如 税 往 生 此 往 聽 示 老 書 左 吏不 右 縦 使不 横 如 爲 則 爲 市 先 行

之, 然 以 經 主 以 試 緣 會 行 + 之 學 以 底 定 諸 朴 昭 兼 進 儼 日 博 優 厚 于 代 尤 生 者 既 優 然 各 ,各以 成 士 者 加 口 絀 而 即 典 E 積 舉 意 材 先 教 以 故 而 X 史 分 所 士行,既公覈之 也 按 生 乃 深 彀 學 之法 其 聽 又拔 一之賢 察 知 大 造 首 學 必 諸 之,資 啓 副 , 合之學博 肅 耳. 擯 日 使 其 生 者。 秦 時 憲 相質難 各 理 置之以 視學三 尤 中 引 範 以 學 占 仍 書 其 彰 立 餼 分立 院 儁 有 里舉矣,又 兀 收收 秦。 廩 軌 定 會 示 者 司 日 進 物。 或 懲 從 麗 性 肅 古 五 之所舉者 諸 先 容 堂 澤 會 一三會 文 以 風 生之文 生 有 之益 詞 規 函 以 使 采 念 以 五 五 條 日 就 秦 處 凛 夤

> 者備 張公紘 以 計 生  $\equiv$ 再 一秦名賢 陶 牖 效 詔 于 淑 至 啓之如家 録 風 功 而 先 遠 紀 異 下,各若 實 生 者 時 自蘇 卓 前 如 人子弟。 醇 異 此 此 儒 子 而 所 爲 名 卿 人 未 世 天 凡 而 有 又 背 下 下 也。 于 所 冠 項 以 近 書 相 于 則 院 自 示 望 先 是 鼓 中 靖 生 壬 咸 立 舞 難 之 辰 歸 激 祠 死 大 用 先 勸 節 祀

皆 議 于是 苟能 不 兼 擁 有 吾職 不 傳 給 司 支, 0 得 方神 身 其 議 而 掌 或 專制 後 意 視 行 加 概 何 溢 奉 即 廟 民 編 無 事 例 額 矣。 之 家 功,令去汰 先 私 9 家 得 數 以 起 乃 應 生 視 專 仍 倍 中貴 江 不 制 事 日 立 而 西 敢 莫 循 中 問 不 驛 人 郵 去 可 環 貴 民 傳 傳 視 關 奢 事 誰 人 木 客 榷 主 亦 前 當 以 簿 何 極 省 往 傳 何 事 他 立 矣 來? 直 者 弊 者 先 寢 事 給 也 不 或 銜 生 以 加 居 有 釐 遂 所 編 官 供 命 水 ? 司 者 之 者 勅 陸 至 應 :

先 則 州 王 餘 火 以 公,又祀 有 先 生 公、 縣 登 給 掊 免 而 自 生之用三效于 在 夫 蒙山 候 派 地 克 額 嘗 此罷 江 馬 江 歲 進 方 外 有 右 户 賢 季 右 陳 歲 禁,一 需 視學篆,舉 官 二年,江 7 查 督 省 即 公, 索 歸 縣 學名 考。 乘 金 有 矣 專 時 歲 傳 錢 簿 禁, 祠 右 津 供 懸 貴 臣 以 書 祀 人 七 以 夫 人戴之如 祀 人 黄 萬 期 健 千 候 馬 厲 公仲 其 計 會間 供 齋曾 餘 吏 工 鄉之賢 應 金 不 食 昭 遂 者 并 公、 慈母 次次 之 啻 如 夫 而 用 夫 孺 者 稽 此 出 下 及 節 馬 \_\_\_ 嚴 若 東 南 各 省 自 遲 馬 折 師 而 徐 塘 府 所 湯 有 乾 而 必

先 竈 廟 舍 諸 生 之 始 扼 術 正 不 初 人定 先 腕 視 以 益 朝 生通 籠 交, 與諸 或 絡 家 籍 遂慨 天 大計 君子 爲 下, 郎 然 諸 風 未 以 即 言 義 定, 世 與 事 相 道 柄 海 者 期。 自 内 人 紛 相 任 名 在徐 紜 繼 賢 斥 及 會 I. 倉, 落 神 口 煬

> 入參. 即 但 内 東 興 降 郎 府 至 廉 宫 几 疏 安 是 四 林 廣 不 是 吏 署 躬 列 并 端 縣 知 真 能 以 陳 起 , 先生率 西 節 几 而 請 學 中 先 臬 典 容 江 公 事 補 儉 嫉先 宥 問問 有 于 史。 賢 右 生 愈,尋以 則 廷 羞 聞 齎 年 自 每 生 杜 娓 疏 臣之言 諸 惡 俸 徐 謂 歸 者韙之。 許 疏 留 薦直 娓 同 還 辭 性 田 復 御 語 數 恭 中 志 部 讓 命 + 史 以 簡 疏 千 儲官 臣 是 左右之, 之 五 宋 應 王 薦 先 言 鄒 非 延 學 年 燾 介 鄒 詔 生 公元 得 不 忠 政 甫 忠 陳言 疏 而 時 會 罪 讜 見譏 無 救 刺 下 介 風 李 /標、日 者 顧 等 各 取 己, 期 端 普 遂 請 于 于 若 舉 達 既 竟 江 文 册 謫 而 公坤 有 高 而 召 于 主 奉 方 先 刺 立 而 道 談 對 盟 海 牛 新 政 以 儲

懷 古 ,尤得之天性 人 樹 先 生自 立 自 少奉宗伯 期 故 孜 孜 人品 公 問 家 學 日 教 粹 其 既 樂 而 通 物 善 望 慕 亦 義 益 之 隆 以

不 于 用 諸 以 高 難 隆 平 用 論 此 進 起 而 終 康 不 易 列 先 請 謂 皆關 盡究 退 正 不 生 終養,前 日 之操 直 諱 亦 暮 當 之路, 其 以 係 且 世 其 大 或 又 柄 之 後 用 身 家 念 用 無 用 棲 階 治 又 宗 難 而 遲 如 衆賢 忽 世 伯 而 先 子 此 大 公 識 生 舍 機 而 則 及 者 泊 者 使 進, 先 母 謂 如 復 生 賀 其 將 先 也 + 之 言 夫 躋 生 餘 用 既 次 前 人 年 世 第 年 而 後 守

慕 平 夏, 賊 戚 周 本 而 矣 己 先 故 人 寧 之急 終身 闔 生 既 人 先 鎮 生 往 人 城 用 無 則 操 居 鎮 者 世 所 拒 至 先 家 靳 履 城 之 先 我 捐 生 嚴 孝 略 師 生 于 訪 宗 屬 潔 友, 督學 諸 此 其 先 伯 ,不以 也 生 亦 兩 公 生 得 秦 之死 聞 足 遭 所 之 周 中 變 窺 大 素 旋 遺 即 故 義 介 先 營 所 産 適 驅 者 皆 生學 自苟 之半 壘 哱 藴 車 蓄 優 毁 間 承 行 而 者 恩 以 恤 以 瘠 而 往 待 蓋 贍 獨 反 而 至 班 宗 喜 寧 有 旌 事 會 哀

> 之, 用 先 風 誠 嗚 生之 得 是 呼 盡 其 詆 若 學 成 吾黨 理 人 是 博 巾 布之 學、行 豊 幗 鼠 日 口 竄 有 啖名、 此 以 誼 者 位 古 聲 文 風 先 何 曰 音 罷 節 生 至 笑 亂天下, 去 所 貌 流 文 爲 寇 爲 章 幹 之警 哉 時 亦 也 濟 人 已 才 今 心 過 舉 而 也 震 矣 世 世 日 悚 者 猶 即 望

參 几 + 推 牛 卿 鄉 讀 官 中 政 推 明 書 舍 時 長 而 者 不再 先生 故名。 ,夜夢文星 論 先 志 年 配 既 再 登 生 以 濂 過 于 謫 諱 已 萬 爲 皆 蚤 淑 籍 士 舉 未 即 曆 長 留 昌 萬 人 厭 世 以 物 庚 而 中 字字 曆 名 云 制 室 望 辰 丰 熹 戊 義 越 進 仲文。 益 臣 神 光 卒 廟 午 擅 士 景 歸 秀 廟 日 于 名。 初 舉人,次志 素 朗 賀 登 天啓 歷 宗 晚 公女也。 遂 夫 極 濯 年 爲 伯 以 錫 人 辛 濯 + 郎 將 公 太 舉 贈 至 如 酉 九 督 録 常 先 典 仙 子 年 寺 舉 學 用 生 副 如 蜀 先 原 小 使

太子 諸 靖 沂 癸丑 墓 太保 ,使後之人知所矜式焉 進 士 皆 世家 第三人,歷 世 其 丹 家 陽。 學。 官 宗周 宗 南 伯 京禮 姑志 公 諱 部 其 尚 寶 大 者 以 表 加 嘉

### 勅封侍御磐石金公墓表

子 心,每 奉 紀 薰 豈 非 而 綱 所不 國 夫 豪 成 陶 其 樞 乎 傑 乎 其 身獨 古之君子修之于 至 逮。 席 ? 士 政 著 自 優 不嚴 得 古 才 後 方期艱 蔡,天樞 爲之? 與 ||今人 世 進 其 天 父 而治· 退 樞周 之不 能 兄 難 或 也,況 崛 亦 師 蓋 共 家,獻、 是 旋 不 起 相 所謂 友之際, 濟,仰佐聖明, 子 可 一堂之上 大業,一 及以 又 棄 否之際 之于天子之廷, 父兄之教 重之以師友之 也 此 多 前 舉而 0 曠 莫逆 子 未 時 于 比 不 屬 嘗 聲 時 教 于 速 有 不 王 施 叨

> 生世 毁甚。 罷。 先 測 先生之訃至矣。 中 生墓道之石屬表于予。 天 左 天樞 椒 召 樞 人 久之,將 對 起 故從 當外 之 而 役 調 申 治 奉 天樞 子 救 命云。 因 先 子 以 數 生之靈 徒跳 甚 捄 流請 言 力。 記終養。 于是天 歸 官 返 由 觸 以 葬 而封 是 聖 樞 不逮含殮 于 怒 緘書,以 兩 椒。 禍 先 百 口

之。」又 保 也。」蓋 是哉 門, 學。」語 臨 以 人。」 教 風 如式 流 北 ! 于 子 涕 睇曰 先 又曰 則 家 進 不 先生之言 珙 爲予 及 何以 之 生之學, 啓 球。聞 私,予 日:「 其後 言先生屬 「《詩》有之:『夙夜 表 既明且 先 先生之風,亦足以 所 醇 爲之咨 人,至 上 生? 乎 以 不 哲, 醇。 纊 本 負 倉卒不 猶 諸 之際 嗟 以 天 憶 允矣其 身 保 心 子 勉 者 其 天 折, 亂 匪懈,以 (身。」 下 樞 如 之以言 티 : 不 爲 將 此 如 興矣。 兒 臣 負 發 臨 勉 鵠 都 師 大 有 所 事

門 式 與 呼 樞 矣。 子 天 進 高 既 生 炭狀 一皆縷 有 不 以 1 1 課 樞 爲 平. 雍 祖 又 先 五. 先 雍 教 讀 光 東 業 生 是 先 啻 生諱 中 生 官 遠 辰 父子兄弟 如 其 宜 縷 生 其 風 如 天樞 雖 及先 門 也 公以儒 御 豎 可 其 身 約 雨 九 中 人 不 述 之 古 親 以 殿 晦 名 先 得 方 遇 生 前 豐 褆 逸 之也 字承 光 世世 冥 生 術 晉 曼 昆 碑 民 躬、 辰 以 大端 不 起 垂 封 公 以 季 是爲 之遺 韋 家 輟 翰 昭 老 儉 故 學 即 明。 而 布 示 猶 先 行 以 簡 再傳 金 日 本之孝弟 又 終, 千 手 之《 訓 生 配 文 大,先 而 施 氏 稱 古 持 某 章 家、 仲 至存吾 猶 之 中 封 于 狀 子 氏 編, 相 **\$** 及 倫 有 興 生遂 公。 惠 **\***, 友,人 享 過 得 有 中 政 而 以 得 公, 授 年 其 先 之 率諸 者 慮 由 蓋 悉 和 其 天 生 稍 他 矜 者 嗚 然 之 自 鄉 先

表 日 遡 潛 德 于 東 袁 以 箕以 裘, 五世 詳

所 光 而 學。 蔚 庶 起 紹 幾 家 中 臺 夙 聲 夜, 蹇 于 儒 永 蹇 術 有譽于 諤 諤 遞 相 先 不 師 覺 負 友 天子 再 傳 不 而 負 益

#### 累 封 太 恭 人 加 贈 淑 人 劉 母 貞 節 周 氏 墓

者 吾 道 非 親 痛 欲 憶 母 多 之文 ? 母 遷 每 謝 癸亥同 周 步 南 去 也 去, 子 相 太 大 論 于 别 非 司 與 夫 特表之墓 已而 心道故,忘其 官尚 嗟 子。 馬 去 六七年,又 後 人 非 平 塵 以 行矣,遂持 竟去。 璽時 子 同 ! 有 稱 舉 讀之 道 成 非 同 大去非 南宫三十 視 志 子 將 得 復 非 又 發, 太夫 聚 子 痛 同 每 去 誰 所 首 聞 氣 念 非 痛 爲 年 人《狀》 京 遭 也 太 艱 少 去 去 師 子 又 夫 出 而 非 非 人年高 處 有同者 孤 老 道 之 而請 爲 去 之分 母 而 育于 母 就 益 德 似 墓

偕 儒 忍 土 痿 稍 載 測 子 擇 而 天 也 Ŧī. 生 古 介,宛 竟 下 又 龄令 者 登 婿 中 來 孟 病 死 撫 稱 齎 書 以 殤 京 也 得 悸 子 劉 歐之 未 轉 幾 棺 日 隆 志 二子 0 贈 師 母 定 常 病 而 葬 太 而 亡 床 慶 以 所 未 公。 貞 風 身 或 中 魚 夫 泣 戊 扼 人 褥 殁 拜 節 扶 舉 取 依 焉 腹 于 人 腕  $\equiv$ 日 辰 而 , 吾 姑 留 即 命 太 櫬 贈 女 二子,長 者 當 + 且 進 己。 去 夫 歸 歸 紅 公櫬 生 數 以 世 士 顧 年 非 死 人 若 自 而 矣。 之 疾 0 且 初, 周 也 非 涉 干 世 此 端 故 卒 號, 者 攀 皆 時 力 氏 吾 江 稱 年 身,以待二子。」 慧 太 太 于 + 不 號 誦 所 遡 畫 頗 華 遘 夫 女 夫 邸 而 輟 以 几 佛 難 欲 河 夜 江 疾 父 中 人 贈 人 龄? 濟 號 有 不 先 且 鬚 日 之 念 輒 凌 時 公 交 所 生 劇 鹿 日 眉 稱 皈 之 奮 君 風 太 拿 自 睫 炅,次 發 野 也 讀 未 依 復 夫 他 濤 自 裒 此 明 聞 Ľ 女 人 諸 浄 盡 病 舟 稍 不 而 然 有

考滿 夫人爲 者 卿 猶 者 去 父 對 師 曆 是,吾亦 書 垂 而 時 H 晉 改官· 清 嚴實, 非 病 忍 中 誠 哀 不 戊子舉于鄉 亦已 無 自 贈 華 之。 傲 忍 廢 聞 貤 負 티 : 公如 爲 之, 割 之色喜 之,含 見其大概,今而 耳 何 太 亦 會 封 爾 令積 裾 比 目 積 僕 慰 貞 父志 憂。」二子 如 其 在 無 官 少 吾 皇 臣 笑 官 至 太 子 去 至 他 一帝 卿 志 誼 可 猶 今官 而 夫 頭 Ħ. 非 誉 同 登 爾 耳 也 何 時 逝 晉 人曰: 推 一,卒底 角 則 益 知 \_\_\_ ? 極 父 贈 飭二子 漸 贈 遲 奮 所 其 坐 去 後 乃 公如 且 露 公所 至 去 後 稱 非 太 者 于  $\equiv$ 幸 起 辛 非 久之, 長 室 夫 慷 跪 成。 去 則 其 際 官 日  $\dot{\mathbb{H}}$ 生 剔 命, 人 慨 非 受 君 次 (官,太 覃 至 披 成 如 歷 可 發 教 自 第 長 又 网 恩 異 簡 其 尚 中 進 幸 明 以 以 滕 曹 授 君 數 璽 編 當 有 報 夫 進 光 縣 上 能 以 以 派 也 人 京 遭 世 禄 **\$** 今 太 地 而 爾 萬 如 如 父

紀 天 償 翼 下 者 地 生賢 二子有 泣 鬼 嗚 于 神 呼 成 死 ! 多 以 世 矣 繼 以 志 婦 爲 撫 人 純 不 棺 耳 貞。 愧 其 相 慟 其 言 夫 皎皎 他 有 婦 然 如 成矣, 德 握 志 券 多 氣 感 而 又 口

者 閑 椎 方 守泉公晚 可, 意 太 憾 太 女 紅 之惟 歸 其 夫 布 夫人持之不 日 給 贈 自 及榮榮撫 人 太公即 (教孝 : 往 饔 公 謹 身任 前 收 舉子 此 飱 身 卒 如 頗 撫 夫子 世時 之, 且 是。 操 食 以 之, 得 而 孤 佐 貧 井 成 之日 有 志 僅 而衷 繼 贈 贈 臼 立 佚 也 子 則 以 公 取 公遊 0 于 志, 盡 方 束 昆 婚 所 其 既 其 禮,不 修 出 季 析 上 太夫人身任 學,昆 嫁 親 寡 教 從 其 欲 之餘 春 族 弟 其 貧 簪 還 官 師 遺 子 如 教 季 益 珥 者,示 所 贈 女之 是。 諸 베 慈 私 讓 綺 其 公 含 繒 析 如 母 産 伯 以 無 承 日 殮 啖 道 産 不 以 依 所 饘 以 翁 皆 祖

者錢 者 是。 時從 大。」又 碣 守 去非 者 嘗 孺 粥 在 食 紀 病 餘 盧公 後 資 妊 讀 無 人,進太恭 得其 又 竟 公檟 爲時 方之孟 屏 醫者、 麗 而 晚貴,視二子 書 得 坐是以 何 〈喜周 復 孤 益 後 識 (片言 羨 如 名卿,宜 長 奉詔 采 偵, 非 字 喪 金 人急 耶 母、 懿 無 癯 而 是,坐 人, 輒 而 旌 冰 行 具 稍 其 不 歐 知 能 宗 解 其 加 載 逮 矣。 禄 者 大 拓 母 其端 衺, 教 辨 門 贈 之 趣之去 而 漸 率走向 黨 間 灑 廳 勤 古 郡 淑 去。 日 日 卒年七十 厚 中 事 泣 目 人 當 養 乘。 人。 諸 貞 基 而 益 儉 大 其 即 視 無 爨 慈榮 終 系 太夫人 如 義 好 先 端 嗚 所 火 日 愧顯 種 之 施 是。 子 是 呼 軒 士 不 或 壽 種 不 訶 所 輊 能舉者 八爲之 吾 督 以 \_, 勉 揚 倦 才 兩 節 交客 學 卒 事 後 附 具 其 嗇 視 而 封 識 質 經 之 未 親 飲 必 子 太 使 啓 太 如

靖 精 人,重 笄 矣,若母 璉 共 未試 以 者 司 誠 流 古 開 馬 亦 通 吾 或 爰啓 有 母 瑞 承 不 鬼 言 讀 考 神 淵 後 厥 書 殉 然 軼 可 瑞 雪涕 死 兄 避 堅 善 維 非 持 日 貸 何 難 之 其 母 ? 斯 死 志 孰 所 息 而 如 解 畀。 璞 生 志 斯 本 斯 之 義 肉 母 雙穗 剖 所 ? 今已 我 良 瑚 乃

# 光禄寺少卿周寧宇先生行狀

之爲 遂 率 先 其 濡 隨 有 生 時 於 所至 朋 節 道 明 大抵 迥 黨之禍 興 義 化 然 爲 一百餘 日 爲 自 猶 表見 久, 矜 理 樹 聲 君 學、文章,彬 争自 于 前 年, 子 名,聲 風 至 終不依附當 ,惜之。 奮 氣 神 之外 勵 名 廟之世,士大 盛 進之爲 獨 彬 雖 而 吾 盛 標 世 屢 鄉 矣。 榜 功 ,獨完大 進 周 名, 隨 屢 然 夫 嬣 退 宇 考 退 涵

> 者 道 于 尚 渾 取 樸 衷于斯 之天, 可 謂 蓋 代 典 型 後 之 論 世

先 宜 生。 齋 德 忘 之 伯 公, 朝 先 德,而古愚公尤尚 寢 生 生 世 人 轅 母 公娶沈 再 古 先 王 生 出 先 食 亦 也 徙 生 愚 沈 宜 生生未 會 宋 生 夢 而 生仁 菴 稽 諱 相 屢 氏,生二 岐 日 宜 應 公,二菴 應 從 益 嶷 投 人 故 齋 彌 童 中, 公後 懷,以 戍 夢 弱 伯 公, 子 月 義 籍 一子,長 字 考 不 豸入室,祥 試 而 則 好 生 也 慎 自 好弄 正 ,不售,而 是 施 朴 沈 先 德 江 甫 1 始遷 日 素公, 宜 生 公遂 人稱 右 先 長 寧 岐 人 考 徙 宇 勵 生 光 山 殞 祖 子之。 也。 居 家貧 朴 爲 他 迴 於蓐 公, 其 志 眭 素 長 繞 讀 日 别 德轅公, 次 者 世 無 生 Ó 育 必 號 先 即 有 古 而 貴 也 或 王 牛 先 隱 愚 干

❶ 「眭」,遺編作「睦」。

乎? 謁 陶 士。 隆 先 爲 簡 資 生 順 前 士: 生 林 從 慶 選 生 館 牘 京 餘 氏 天 日 不 度 ),授直 庚 璠 之遊 應 矣。 : 時 師 師 補 讀 奉 以 曰 及 先 少京 0 午 旨 : 名 博 子 以 拘 書 生 北 落 有 隸 歸 儒 士 其 嘗 然。」 舉 無 而 年三 魄 兆 地 衛 元 娶, 年 弟 開 子 讀 成 庭 順 邢 李 尉 日 氏 子 受 辱之, 盡 十 二 絳 即 書 公見 天 海 者 久 未 兩 知 員 業 八,得給 席 得 試 乎 鄉 石 期 父 縣 以 焉 ? 未 其 都 先 輩 以 試 强 乃 而 軍 會予 所 生氣 下 文, 下 不 之 陶 有 事 餘 日 學。 竟 帷 明 名噪 勝 改業 室 殂 呕 少 坐 :「然。」「應 外 以 窟 貌,異 年 忿 京 先 也 加 主 邢 又 室 辛 公卿 繼 兆 生 稱 一父章 與 公 棄 時 始 未, 娶 學 之, 賞 一轉 府 閩 聘 得 其 年 陳 益 漕 間 中 舉 中 呼 家 南 占 已 里 立 氏 進 進 名 先 中 進 北 先 洲 籍 舉 治 而

先生起家赤貧,十年顛沛,淬礪冰霜,

梨、 受訊 持 以 避 績 元 生 不 下 X ·貸, 一 偉 調 氏 以 得 車 員 留 民 真 耶 然。 邑 者多所恩 元 南 心 以 ? 定。 柿 洲 小 氏 切苞 吏治 事 供 有巡方 先 即 巡 至 則 應 生 苴 方 日 縣 所 慨 不 宥 指 一竿牘 得之, 移 庭 使者 至 然 堪 授 節 與 慕 , 所 , 輒 不 去 蚤 駐元 民 古 持 悟 得至門。 相 日 己 興 循 而 與 日 饋 氏,候 利 立 吏 尺 心 延 志 除 進 之 重 問 贵 獨 害 不 几 績 先 代日 居 如 欲 菓 以 0 群 生, 9 家 我 繩 廉 矣 無 久,先 年 遂 蚤 豪 潔 所 棗 離 右 撓 自 既 舉 政 即

爲 城 民 如 築城之役。 歲 元 真 遣 定, 氏 防 不 秋 隸 戍 郡 真定 以 卒自 簿 下 書 居 衝 別郡 期 京師 繁 會 特 至者若干 擾 右 甚 民 輔 先 鄰 其 生 人 邊 最 徼 著 意 則 歲 者 無 爲

■「所」字,原缺,據遺編補。

五四五

命 守某 生以 得 錢 事 事 有 謡 濟 始 以 成 良 召 亦 肵 多 楛 當當 情 身 設 其 通 邑 戍 萬 任 保甲 持 類 歲 特 之 中 水 大 戍 卒 會 雉 事 生 梁 利 之尤 卒 此 品 起 諸 其 而 金 争難 貰 徐 巍 日 教 、辜,當 尚 土 法 足, 父 金 錢 尚 然 多 力。 爲 錢 書 清 民 老 璽 之, 人 民 E 先 磚 會 有 甲 莫 多 有 之。 與 以 貞 事 種 官 生手 先 度 承 子 於三 若 屬 謀 採 不 全 明 稻 大 生請 不 平 怙勢横 文 有 城 宗 得已 。 計 踵 田 廉 石 慚 效 自 日 兄弟 輔 武 北 真 爲 祧 而 如 身任 誰 里 久, 監 吏 姑 灰 定 行 先 水 僅 方  $\equiv$ 定。 鄉 而 士 其 之。 秋 任 也 生 取 其 聽 其 水 派 里 人 萬 瓜 敷 辜 防 縣 役, 又 衡 之。 田 一,先 久之, 役 爲 井 邑 分 者 政 祗 亟 疏 賦 實 量 盜 風 即 患 文 生懲 請 欣 寬 及 先 襲 滹 自 度 者 恬 盜 不 具 城 然 于 防 數 爲 猛 先 沱 生 而 效 之 受 之 訊 與 乃 先 秋 T. 太 故 相 牛 河 而

> 以 日 生 大 生 生 不 上 一爲 大 恚 貪 爲 獨 法 呼 贄 第 南 不 知 當當 于 宫 署 中 日 縣 坐 是 舉 貴 : 名 大 不 傲 向 主 馮 貪 計 耳 周 並 之争言 保 又嘗 \_! 憾 知 遂 爲 乃 之 縣 誣 顧 其 移 調 切 問 貪 以 築 父 湖 書 骨 真 贓 城 母 廣 刺 私 定守,守 宗陽 不 塋 先 其 而 便 過 奪 地 生 江 者 吏 情 樹 亦 陵 部堂 在 日 大 咸 相 位 楔 聲 於 以 一,堂 亦亦 先 應 先 先 委

崇府 發, 賦 應 時 家 有 如 役 之。 供 縉 朝 雨 崇陽 審 以 繇 廷 紳 品 遂 均。 役 理 先 有 招 逐 而 一苦不 之報 生 清 飲 畝 巖 解 小 徧 丈 逐 投 邑 民 歷 至矣。 天 堪 户 也 先 蔓 如 窮 下 生 毒 出 鄉 則 積 户 亦 害 體 赤 湯 逃 頃 弊 田 不 先 亡 火 起 之令, 之,上官 相 日 言 生 然 科 轉徙,邑 沿 中 第 歸 勢 人 行 有 閶 亟 至 家 無 隴 E 司 左 著 乃大 終 夜 漏 畝 造 多 民 册 病 半 者 署 文 揮 爲 困 具 而 盡 汗 勢 而

成 竟。 憲 者 田 田 召 而 亟 册 時 主 先 索 先生又 庭 生 者 日 中 夜 乃 郎 先 行。 以 著《 吏皆散 給之, 萬 生 計 便 持 崇 民 陽 篆 目 去,先生 又存册于官 弗 之人至 不 苦論 與 交睫 手 日 》,言 今呼 者 自 : 浹 持 言 其 公 以 旬 事 爲 田 可 0 册 涕 爲 永 印 未

户

也

後

人縣

誌云

周

公爲 公已 也。 謹 九 治 白 卿 年 餘 齋 圃 坐 公亦 捐 年 先 科 太 庚辰 成 錮 與 都 生 宰, 道 例 館 傭 率 大計 安之,忘其子之在 難 御 先生 號 百 奴 而 陳 破 史艾穆特 憐 雜 口 仁 宜 既 訟 才 及 仍 作 齋 人 歸 得 所 冤 以 公 躬 素 田 遂 中 諸 遐 執 知 以 疏 丞 權 宦 龄 奉旨 先 爨 承 薦 疏 槖 在 倖 懽 生 以 先 錮 蕭 堂,貧 下 起 喜 侍 者 生, 獨 籍 然 石 先 甚 晨 百 時 病 也 生 方 昏 無 復 即 察 陸 時 原 備 越二 典 或 莊 以 慎 列 官 至 訪 簡 時 養 德 不

> 竟伏辜。 居 論 連 補 調 擢 直 坐不 家 隸 Ш 居 西 曲 法, 潞 唐 七 而 年 有 其 安 知 兵 私 司 縣 多 備 人 不 在 愈 不 敢 事 數 朝 問 月 者 先 故 百 陞 太 足 生按 河 宰 擠 間 王 先 治之,王 府 或 生,復 口 光 知 里

涉 漕 生 大 利 以 行 事 爲 生 民 嘗 用 未 也 惠 于 不 威 兩 舟 或 地方 之。 講 然 名 以法懲 世 便 時 壬 所在 朝 求 之防。 聞 之。 虞覆 寅 再 或 既 而 士 而 起 先 有 楚 溺, 其 荆 設 生至 起 義 藩 行骨役 州 知 年 在 塚 賑 先 湖 先 搆 司 荆 中 得 民 生 廣 理 或 拱 生 亂 所 南 倉 荆 其 酌 坐 者 繕 王 手 積 要  $\equiv$ 備 殺 一憾,及 爲 南 就 城 年, 鍰 領 道 内 賑 巡 幫 善 縛 金 或 運 擢 或或 撫 于 則 先 以 建 僉 支 光 趙 荆 民 著《 先 疏 萬 生 收之 閘 某 邪 禄 地 生 沙 生 皆 去 計 風 1: 臨 少 吏 獨 復 市 (法,官 任 也 卿 憲 長 治 百 悉 憚 河 疏 録 江 推 將 世 便 無 請 先

群 竟 濟 坐 先 再 調 以 然 之 起 察 少 生 爲 大 益 宵 年 計 略 無 需 公 再 中 自 道 雖 侃 次 所 傷 辱 理 巡 侃 遭 愈 搆 者 也 干 撫 發 中 彰 史 不 抒 , 先 廢 大 遂 按 究 當 奉 君 生 抗 時 思 於 嚴 事 日 得 用 時 疏 轉 者 旨 : 不忘 自 嗾 方 識 歸 當 理 吾 南 懸 者 當 以 枉 老 北 恨 先 霸 展 世 狀 矣,不 交 之。 生 州 平 章 及 兵 雅 故 生 能 再 負 備 復 事 而 廢 經 事 待 論

宰 數 氏 推 如 追 一,嘗 及 北 如 通 轂 誦 此 先 地 先 瀕 人 夢 移 間 間 趙 生 年 牛 書 白 相 先 夢 築 時 亦 坐 先 聞 白、 生 而 城 絶 事 黨 生 問 先 林 功 孔 吴 口 生老 欲 居 亦 不 中 禍 朝 项 後,終 爲 落 道 内 姜 士 遣 矣, 先 平 落 仲 戍 傳 地 生 生 杜 間 文 之, 日 戒 始 進 門 事 闊 及 嚴 危 皆 答 却 吾 即 坐 階 書 傾 掃 夢 浙 真定 海 唁 慕 白 先 不 内 T 編 生 起 争 長 知 以 人 其 多 姓 欲 不 冢 孺 己

> 忽 先 戊 之言相表 物 章 子 盈 中 聞 期 辰 箱 所 弗 非 暇 長 得 空 語 著 盡 語 則 至 中 諸 與 洩 録 覃 前 身 裹 車 子 辭。 信 天 思 所 馬 日 巧 著 聲 日 經 : 手 先生 述 填 也 夕,夢 歷 疾 犯 吾 然, 0 處 造 書 積 將 戄 明年 物忌 至 而 歸 神 然 其 數 先 矣。」 字 人 -冬,先 悟 深 生 不 百 囑 處 自 及 遂 遂 卷 蹈 曰 今當 往 屬 逝 生 絶 前 往 皆 子 筆 纊 年 還 與 道 焉 九十 。 家 之 著 圖 非 其 造 時 述 文 胸

耳 切 望 承 可 其 目 切 無 而 百 世 室 先 玩 以 知 用 折 好 爲 生 于 康 殘 不 中 濟 正 廣 世 書 挫。 更 人。 生 額 無 者 木 數 豐 民 所 卷 折 自 至 爲 其 頤 庸 深 而 少 臨 處 己 已 神 自 歷 利 任 心 登 采 艱 害、 積 動 居 其 蚤 苦, 英 忍 慮 堂 遇 年 恒 毅 敝 意 事 動 抱 凝 雙 變 衣 變, 氣 拙 口 塵 一爲 菲 豪 眸 質 自 奮 滿 舉,不 温 守 天 炯 然 座 日 炯 若 于 肩

娶陶 惺 先 待 陶 午 也。 也。 者 始 斂 矯 日 邑 生 義 崇烈, 庠 六月 生 已 先 輕 也。」遂貤 也 跡 墓在 例 朝 矣,非 氏 生子 子三人,女二人,皆 從 生以 生,娶秦 警 韜 貢生,後先生數月卒,娶劉 廷許之,因 里 及縣 初 惰 藏 邑 破 ,熙乾, 幼 居 五. 塘 庠 娶趙 時 其 失怙 令考滿 日, 上 封 自 生,一 里之某 命 氏,生子 時 深 疏 慎 有《 氏,生子 無以 邑 卒于崇禎己巳十 若 造 |贈仁 德。 · 撫 于 王 歸 庠 《狀》。 將 蚤 自 頒 宗,并乞覃恩 Ш 生。 慰九原。 不 卒。 綸 得 及仁 熙 齋亦 及, 祖清、 命 有 咸、 一宜人 陳宜 陳宜 至 次 先 先 一齋即 人 是啓 光禄 顧 祖 正 生 所 非 人先先生卒, 專 祖獻。 生日 人 或 茂。 生我 生 少卿, 氏,子 不 世 用 壙 所出 宇 封 爲 ,太學生 及 以以 且 心 : 月 者 嘉 女一 典 人後之 知 次 無 于 先生 + 尚 育 靖 族 異 于 愰 者 後 内 適 數 長 所 有 庚 姑 我

合葬,則庚午之十二月某日也。

叔之流 宗周 甚。 足 稿 禮 詮 未 家 見先生進 盡 模 之誼 恭 次 讀之,益爲之斂衽。 謹狀 先生萬 淵 ,而誌之、而傳之,以垂不朽, 如 而 IE. 請《狀 此。 辱 或 乎 近 道之力,歲異 輩 莫 世 先 宗周 既 一,尚 測 儒 **》**焉 生愛最 襄 涯 者 束髮侍先生,以 厥 涘, 俟 不 事 宗 足道 立言大君子 久, 窺其 周 乃 顧予猶自愧管窺,不 而月不同 誼 不 手 也。 所 敏 不 撰 得,殆堯 得 以以 先生行 近復得 辭 ,晚年德 迄于兹,每 外 詳 則 敬 王 核 世 夫、 其 爲 父 道 其 盛 之 通 幸 潰 茂 所 造

先 考語 暨 先妣 贈 誥 通 贈 議 淑 大 夫 人 貞 順 節 天 章 府 太淑 府 尹 人 秦 行 狀 府

不肖生不及見先君子,長而僅獲所

五四九

紀 作 慈 未 忍 聞 致 太 彰 啼 焉 重 爲 恭 聲 詢 藉 以 生 音 千 未 茹 以 如 平 容 有 請 秋 痛 左 始 行 當 誌 遺 之 末 履 極 于 也 恨 大 以 總 謹 荏 即 人 故 歸 更端 先 苒 在 益 惚 生 歲 先 不 惚 次 慈 華 詳 如 序 膝 無 滋 黄 下 端 以 懼 向 及 潛 緒 小 有 亦 兒 先 德 短 口

時 補 娶 守 苗 慶 戊 兵 九 年 陳 直 部 會 申 裔 几 稽 生茅 府 + 先 + 氏 右 始 病 君 縣 侍 七 考秦臺 ,生三子 家 卒 先舉 月 儒 山 郎 位 是 Ш 初 公 學 怡 陰 世 一府 爲 概 生。 軒 長 者 家 萬 日 君 女, 茅 公鐸。 日 Ш 即 劉 曆 H. 戊 既卒 Ш 縣 陰 府 氏 時 辰 T 幕 生 君 水 H. 怡 兼 諱 公文質 之明 娶 澄 越 八 軒 峰 坡 我 里 月 Z 府 生 公焞 年 太 字 H. 君 守直公 恭人。 先 正 年十 + 生 五 汝 兼 月 三日 于 傳 世 峻 而 嘉 峰 爲 出 濟 子 卯 又 靖 公 贈 漢 行

宗 又十 賞 業。 宗 東宫 異 留 瓌 嗚 右 中 德 廢 得  $\pm$ 辰 之, 呼 周 侍 : 秀 通 籍 貤 授 周 憲 郎 日 有 覃 生 甫 連 席 政 大 禮 起 贈 ! 孺 録 官 弱 龆 夫 擢 七 府 官 恩,宗周 間 部 果 子 名 行 家 辭 不 年, 又二 君 太 而 臼 儀 儀 佳 乃 門之 上 人。 好 面 修 能 寺 曹 遂 僕 制 兒 府。 今上 得 弄 試 十三 職 文,年 郎,復 卿 寺 奉 清 也 濫 大 禍 先 已 立 郎 復用 嚴 少 吏 改元。 然 太 是,辛 竽, 身 就 年 行 父 尚 卿。 司 守某 十二 旨 逢 用 不宜 辛 人 何 忍言 延 出 主 削 皇子生 登 慶 司 H. **\$** 天啓辛 乙丑 師 H. 語 公偶 試 事。 籍 極 典, 速 行 宗 君 哉 九 教 多 童 恩 成。 并 警 之 之, 宗 又二 至 月 顧 子 周 恩 晉 。 奪 是 拔 眊 蓋 西 府 舉 授 神 晉 贈 府 周 錫 年 府 授 也? 君 異 進 **令** 以 君 贈 宗 即 府 廟 則 以 - 癸亥 官 數 君 士 楊 舉 楮 生 家 府 君 周 又一 則 册 也 即 子 訝 八 起 君 承 自 例 立 筀 而 甲

竟

請

倖

歲

君

覆

每

疾

丙

省

府

期之。 之 告 子 得 ,從天啓入棘 書 君 士 讀 科名士 人 則 公之靈 年 出 癸酉皆 弗 家 棘 白 以 不 而 日 名 外 居 不 售 闡 : 脱 頃 加 未 不 籍 命 大父 能 之, 也 穎 ,十不爽 殆 點 劉 收 爲 籍 輒 及 忽 。」及宗 貤 以 去 聽《鹿 君 命 隻 眩 <u>-</u> 巡 1 起 起, 封 日 南 字 憒 闡 見 耶 按 藝 陳 抑 月 皆 又 洲 得 ? 而 御 林 小 安 計 又 鳴》而 周 若 日 廢 先 覃 敵 史識 文 矣 人 何 乃宗 儁 既 中 有 生 法,見 恩 自 理 憂 又 也 第 乃 者 神 而 夙 異 愧 豐 拔 0 卒。 嗣 起 ? 愈,一 周 爲 助 獨 負 數 又 美 既 疏 後 未 大敵 御 讀 殊 人 宗 人 失之府 事 府 不 略 免 史臨 府 遇 ,若非 倫 嘗及 拭 周 能 君 皆 舉 喪 君遺書 盡 勇 而 少 鑑 目 體 棘 人 日 0 人或 塲 每 以 而 官 多 君 素 試 迄 偶 每 獲僥 冠 操 試 進 考, 病 羸 此 數 然 府 射 軍 觚 于 賀 膠 通 庚 干 者 粹 府 苟 處 讀 無 高 至 府

庠

而

哭之哀 猶二 矣,豈 恃,則恃于 人,大父感之不 子之身 大 簡 等,及 孝, 君 羅 書 期 君 而 、戮,致 一之也 素 羅 春 氏 喪 者 能 家 喪 又 褊 文 不 如 秋 府試 庭 操 見其父子兄弟皆 兒 如 陳 日 急 喪先 應舉 僅 懿公家,久 間 筆 祖 上 安 取諸寄 願 : 乃今者 作 自 風 累 遭 母 人 取 者。」 + 妣 再娶, 此 試 此 茅 尚 喪, 府 以 時 先 力加 牘 幾 安 而 君 爲 年 以 時 府 輒 即 ? 公之 之,歸謂 人, 法。」 以 以 甫 宗 有 嗚 君 告 日 矯 變。 所 竟 義 + 科舉 及茅 周 不 泫 呼 治 有 罷 未 靈 夫終。 不 大 五. 于 不 禮 然 痛 接 德 也 盡 可 父 之試 六, 安 其 肖 教 大父 或 哉 日 者 我 器 奪 争于 聞 不不 人 哀 事 太 府 洵 憑 日 殁 而 日 縣 毁 方 似 恭 底 府 明 府 君 於 然 喜之。 其子 寸 主 遺 吾 或 踰 於 己 府 既 君 哉 君 相 門 腹 和 比 嘗 亂 制 拔 君 失 成 性 自 !

之。 鳴 所 矜 佹 起 林 恒 君 水 内 敬 有 嚴 不 呼 . 閉 御 未 而 坊 處 如 朽 藉 嘗 之宗周 所 好 表 衣 亦 賓 户 是父乃 手 交 禮 府 冠 讀 無 友 天 而 而 授 君 置 如 里 不 書, 實 府 竟 無 提 史,皆有 之靈,以 此 中 冠 治嗇于 君 有是子」, 而 鍾 故 Ħ 抱 長 不 之靈 又 府 不 不 必必 府 履。 者 失之,倘 君 年,未試 書 習 君 亦 之德 常常 自太 爲 處 褆 里 浮 時 于 則 度, 身後之榮。 于 中 躬 薄 女兒 是 宗周 恭 内 世 以 岸 無 人 之 不 于 人轉 孝弟 有 皆 或 飭 態 朽 用 育 見 不 憑 即 愛 矣 于 肖 相 燭 動 意 宜 禮 于 而 乎 而 乳 之戮 接 乃 履 惟 而 有 弔 褻 法 敬 也 媪 人 必 之 今 後 恐 爲 焉 其 謹 永 者 也 人 凂 居 府 士 即

氏 生 以 鍾 學 愛之, 行 先 太 慈章 恭 爲 人 海 因 生 太 内 命 有 恭 + 名 懿 人系出 人 質 爲 師 淑,且 自 稱 會 少 稽 南 閒 1 洲 道 静 日 先 墟 寡 他 里 言 生 文 笑, 日 母 必 先 楊 穎

宗 安人又懟先生之擇婿也,曰 是 男以 則 至先 貴 捐 里 昧 嫁 難 婿 澄 爾 兒 時 勉 周 既 兒 色, 館 中 日 如 里 \_ 欲 即 之 遊 是可 稱 報 郎 ,大父之室磬洗 人 生 猶 舍、太恭 死 府 有 日 爲 未 所 無 風 膠 在 地 後 奈 擇 : 君 何姑之問?」 庠矣。 Ļ 不 事 下 妊 矣。」先大 亟 年 配 奈無 ·嘖 爾 也 人 上 一賞之, 方 死 人年二十七,手 大 而 債 夫 吅 以 舞 則 難 未 父及曾 太恭 無 稱 姑 帝 待。 象 誓 其 晚。 後 賢 氏 問 閽 父 矣。 而 人 以 ? 婦 何? 是誰 0 意 既 人 因 嫺 死 因 大 者 會 且 肅 遂 彌 納 先 于 天 殉 父 操 家兒, 先 哭 雝 決。 采, 月 生 道 文, 先 先 母 文 積 生 宗 且 抱 以 「僅恃此 素愛女, 有 生 祭 + 而 客 教 生 酹 咸 相 比 知 日 楊 周 年 偶 授 府 慰之 女子, 有 歸 得 假 安 生 而 擕 君 吾 베 府 其 藐 太 府 雞 嫁 人 吾擇 所 丽 阚 日 族 日 楊 當 恭 生 君 鳴 女 有 作 而 . 水

侍

先生之壽

又

病

先

生

歸

明

年

春

旋

病

目

經

年

而

手足之情 昌,先生 ,韓見却 之間 足足 韓氏, 之壽 ? 之, 病 歸 躬 堂 癯 愈 目 出 母 疾 操 不 水 因 一從之任 未 大父 昌 則 太 廖,復 家 紡 無 宗 澄 足 嘗 又 趣 從 得 隋 又 恭 矣。 煩 周 績 孿 之居 明 明 返 先 不 先 盡 人 挾 孤 中 年 太太 篝 太 年 年 生 生 侍 婦 習 時 尚 兩 寡  $\dot{+}$ 恭 燈 舍 職 先 冬持 楊 往 萃 歸 恭人慮宗 寒暑以 拮 叔 而 人于 時 相 又 歲 生 臺 人 安 氏 來 据 酷 他 向 之 一公遷 已 仲 侍 病 人 投 韓 時 家 也 器 , 暑 壽 侍 復 舅 爲 太 已 Ш 氏 太 往 之教不 宗周 母 日 者復寡, 劉 成。 三上 官 行 未 息 曰 베 志 0 : 嘗 不待,惜 去任 成 氏 足矣。 太恭 又屢 也。 明 年二十 壽 依 名 不 一遣壽 勉之,無 一色喜· 衰 年 識 ,宗周隨之歸, 戀 人 太恭 攖 辛丑 所 膝下, 昌 奚其待 遽 哉 而 始 道 疾 謂 日 也, 不 人哭 遊 又 以 千 知 不 負 宗 ,宗周試 而 傷 膠庠,是 不 意 啻 顧 爾 里 先 周 又 立 ? 之日 疾 之, 欲 若 也,一 生 父之志。」 孟 而 有 孤 宗 而 不 年已 上計 轉 之 氏 險 解 奄 南宫 宗 起 :

常。

迨宗

周

勝

句

讀

恭

人

顧

刻

苦

自

勵,

殁

介,伯

仲

舅

敦

莊

遂

聽

太

恭

人

大

家

不

絶。

踰

年

恭

人

課

讀

機

杼

太

恭

人竟

坐

是

體

日

來,起

居

不

遑。

頃

父去

而

依

所

親

太

恭

解

以

舅

氏

在

孤

慮

誰

爲

托

命者

萃臺

一公司

教

壽

周

之失學

也

一,特遣

徒

步

九

+

里

, 至

即

周

聞

是

言

而

深

痛

如

之者

日

此

未

亡

日

而

殉

死

者

于.

地

子

可

以

禄

而

會女兄

嫁

于

音

自

傷

者

每

諭

宗

唐

奄

成

疾。

庚子冬

偕,太

恭

人促之

得

儁

放

榜

之明

方

頌

太

恭

X

教,

而

推

本

于

太

恭

遷云。

然

太

恭

人

孺

子

養外家,

日

秋,隨

薦

于

鄉

時

周

竟

以

是

讀

書

有

太

恭

人

無

絲

毫

姑

十

六

矣。

Ŧi.

年

中

恭 音 之甘 者 周 貞 御 有 累 也 迎 可 繼 不 鹿 至矣 今日 婦婦 一,旬 服 人 官 節 史 大 而 欲 以宗 豎 鳴 之門 見 恚 馬 霍 臼 脆 父至外 生 無 坊 日復去,太恭 八情宗 「?」人 一時大父 也 卿 從 然 也 日 而 依 周 大父每 于 ? 聘按 歸 則謂 官 而 加 里 先是 家, 盡 宗周 爾 簡 又稱 天 周 贈 浙 儀 中 年 浙 幸 親 之 宗 恭 曹 東 且 嘆 Ė ,采其 棄禮 爲 太 年 大 顔之日 不 人。 郎 觀 周 晨 暮 日 暮 人 舉 且 父 恭 能 察 : 日 香 徬徨 便 贈 子 ,恐自此 長 居 且 事 人 使 禮 爲子 天之所 服 吾 贵 安 純 攖 上 「宇宙 Ш 王 太 人, 非 謁 不 累 之朝 孝 病 莊 公時 大父 也 恭 無 能 日 汝 見 云 及 日 以 舉 始矣。」宗 人 母 癸亥, 完貞」。 歲 太恭 撫 久 熙特 始宗 報 得宗 處 子 奉詔 數 吾、 歲 孤 太 服 時 之 遣 兩 癸卯 周 恭 以 下 安 必 不 宗 旌 周 反 叔 而 周 宗 辛 所 得 遺 樂 太 宴 捷 以 表 以 吉 父

宗 恒 乎 黨 明 事 德 爾福 志 不 太 剛 爲 急 廢 氣 謁 周 禍 督 宇 自 Ü 深 恭 骨 ; 乎 當 痛 家食二十 更 因 責 無 操 輕 祚 ? 惟 作 坐。 方 衣 云。 途 母 E 多 類 能 女紅外 浮 之不長。」宗周 日 謝 不 之無 書論 母 遂奉旨 以 太恭 動,多 會黨 此。 克 遠, 自 罪 則 則 賄 立,不然鮮 終 年。 政 罪 致 時 有 聞 終 宗周 人 X 奉太 削 事 動 也 過 輒 時 舊 不 出出 議 太 指 奪 敗 扃 日 飦 懌 勅 奉之 閒 起 恭 日 恭 事 故 户 宗周 叢、 粥 而 日 得 静 上 斥權璫 立 宗 人教,以 静 有 罷 在 一及太 兢 : 正 而 材 朝 又 又常 周 坐, 不 兢 改之。 無 日 爾 得 恚 投 仍 敗者。」其 思得 恭 不 終日 多言 薄 劾 胡 女 天子薄 日 日 稱 日 敢 至 德 歸 : 出 宗 太 爲 當 又見宗 忘 于此 不 之純,居 此 恭 多 明 爾 嗚 周 以 移 其 未 言 他 須 母 隨 報 及 呼 時 天 幾 罪 以 違 周 之 衆 有 敗 懼 所 大

傳》行于世。

得其 太恭 見其 耶? 恭 欬之 滂母者,世 也。 距 子,稍戾聖賢中道。 坤道之隤然,而 而 動 人《栢舟》而 汝今得與李、杜 言 其 人 化 而 止 宗周 八喜愠 子坐鈎 己。 聲未嘗 生 人 雍容 一動 ,有忿争者得太恭人一言即 子而名益彰,以 昔范 卒于 爲 嘉 無 自少及長,奉膝下有年,見 不形,每事有不可于心,惟終日 笑不 ,一中規矩,步趨 滂 所 靖 聞 下,不 萬 黨之戮,知 不閑于内,則其 以鈎 稱 辛亥正月初二 廳 曆 至矧,怒不至詈, 剛方之操凛不可犯,方之古 賢 除 辛 齊 知于 母,猶 黨 名 丑. 假令太恭人逮今日,會 坐 視宗周今日 處 三月二十八日 其 孟 雖 外家子弟往 戮, 母 智必出 不 死 而 何 免 其 吾 處心積慮 日卯時。 裳襞 如 以 母謂 亦 滂 ? 聲 其 無 罷 母 不 名 又何 太恭 憾。」 天 之 彼 去。 往 未 動 上 其卒 動 性 所 純 不 日 時, 矣。 若 謂 其 如 乎 然 不 太 韾

# 劉蕺山先生集卷二十二

傳 贊 祭文

### 大司成芝臺陳公傳

薦,起 忤逆璫 丁母 公,諱 再 補經筵,晉諭 登天啓壬戌進士第三人,授翰林編修。 憂,服闋, 天啓、崇禎 原官。 仁錫,字明 忠賢,削 尋晉 起 間,有經 德 籍 補 卿 春 歸。 原 謁 坊 别 官, 中 告,越二年,即家起 今上 號 濟名臣 允, 充經筵日 芝臺 御 改 日 極 , 吴 之 或 大司 子 講。 用 司 長 廷 成 臣 以 洲 陳

> 甲戌 葬。 南 京 國子 年 而鄉 五十六。 祭 人仍祀公學宫,録賢 酒 甫 天子 拜 命,以 念講 疾 幄 也 卒 舊 是爲 勞, 崇禎 賜 祭

首讀 説 要,久之得數十萬 貴顯,正 苦治舉子業,蚤有傷聲。年十九,薦于鄉 者言《易》,公復負笈從錢先生,受《易》學, 己聞毘陵錢啓新先生倡道 君父耳。」公唯唯。 明年下第。 公生有異姿,自少辨 卷,行于 微言大義 孔、孟書,曰:「吾向 公著述甚 患知 世。 父崇德 不 遇早 君 富 在 子以 ,其大者凡若干種 是。」因 - , 學殖 言 君謂 乃大肆 博,屈 是 于是 窺 不 公曰:「兒不患不 日 者所治,帖括之 公夙 有《四 固 東南、尤喜 力于古人之學, 其宿老,益 積 一; 他 所 抱之大云。 疑 書 日 決 ,各若干 無 語 一務攻 與學 其指 以 録 報

之。 忠賢 之故, 以 書署 紀 以 職 生 正 遂 沃之資乎 美哉 今而 之供 博 也 見 在 留 一編纂 聞 專 中 心 公既 謀 無 而 日 觀 習知 或 不 經 廣 熟籌 不 治經 辨 !」于是 濟 盡 ,益取史家言 吏道之污,抑又甚焉 命 詢 吏治 忠 洞 忠 時 之學。 歸 賢 天下 民 時 進 如 學 邪, 傳 朝 以 砭 艱, 事 賢 觀 有 者紙 廷 有 事 石 軍 審 火, 日 遠 聞,乃 弊 始公父爲崇德 念東南物 治 功 Ė ,于是爲《賦 非、公進講 奸 貴。 通 商 讀《資 忽 冒 井 坐中 爲 鑑 進 箴 爵 井,及公既 権古今理 言 既 論 而 飽 上公,給世 晉 治 校 諫 力 旁治 其 之下, 經 **>** 己 通 因 深 黨聞 役》 時公固 筵, 竭 切 核 令、公讀 鑑 史家言 綱 亂 遇 掌 興亡 惓 其 會 而 而 目 日 書。 券 故 啓 惡 惓 經 惟 魏 會

> 第 顧 爲 塵 以 以 撰、欲并殺文起。 以 公當視草,辭 日 死 可 吾 進 儲 成 報 張 耳 Z 朋 類 乃心不忘當世 所 夜之覽,以 君父乎?」會今上 成 , 券不 才 黨謀 也,佐祭酒 用,而公著《通鑑 ,衣冠之禍 司 地, 編,于是 何 報 |業? 可 而 復,坐公削 草。」 不可,或 公 顧 是 有 不 德業 則 ,復考經 公錫 頗 公去, 已, 《經 忠賢 時 知 乎? **>** 怵 進 濟 輒 疇 公,進 臨 乃 以 籍 或 惟闔 書,上 飲 濟之説 御 别 申 禍 子 學 編 泣 天 詞 用之。 公日 屬 飭 生,諭 業 門 曰 連 祖宗 已從 所 平? 日 待 : 兼 文 每 私 重 死 : 文 公之 藩 吾 總 積 顧 之 朗 而已。 分法 邸 終 條 起 死 逆 功 日 而 焰 貫 翰 番 無 即 次 尋

0 也 大天,豈 以生 失足成千古恨。 下 天 患無義皇 全書 地爲心,孰生之? 本 有 i's 其 而 地? 他善 公所著論 發 所 易生之。 師 慮者,不周旋三聖步趨 蘊 日 類 天 如 地 以 日: 物 舉 爲 心

告還 大于 德 刻 莊 置 敗 平 法 法 艷 補 相 衣 守 之, 沿 則 王 記 公 日 某 顧 竟 獲 是。 道之 日 革 里。 者 色起 也。」 載之空言, 編, 以 補 讀 免 于 而 忽 及 公 不 義 西 是 不 間 公前 然 紀 于 畫 重 起 公遂 復 行 Ш 有 炳 高 語 會 心 是 閣 切 輾 猶 氏《 ^ 而 後 神 先 皇 中 權 又 至 利 如 衍 而 病 然 以 敗 輶 大學 亦 以 公, 朝 則 公 倣 忽 治 世 其 義 官 日 若 軒 後 餘 旁 遂 一一一詳 所 祖 漏 民 合 諭 禍 類 所 累 衍 己 公一 孽 竊 宗之 扼 氏 也 生 刻 捧 不 至 朝 義 自 殫 猶 如 之意 腕 測 **>**9 節 間 若 于 無 竭 生著  $\approx$ 創 杜 時 成 于 曠 周 有 取 古 矣,猶 守 好 不 未 時 當 邊 憲 官 閣 藩 時 ^ 爲 之, 得 鴻 幾 而 世 陲 布 述之文, 何 皇 臣 非 務 略 之 模 之 役 錦 要 要 得 皇 力 明 已讀 之 所 于 答 于今, 故 害 竣 地 疾 人則 明 以 衍 要 衣 聞 諏 續 成 莫 天 世 義 文 建 請 自 昭 錦 者

> 及待 聖 平 無 責 故 寬 閣 雖 天子 不 幹 劉 . 于 時 權 難言之矣。 天 注 濟 瑾 課 ,豈非運 自 而 意未 意公一人,旦 經營禍 責 功 重 下 汪 成 事 故 直 臨 嘗不 會之阨 尚 不 亂之日久, 敵, 則 不 流 可 能 E 在 久 寇 爲 故 不 使 0 當 公 晚 交 事 不 惟 然 也 且 自 江 任 得 欺 言 乎 相 敗 將 呕 不 图 積 路 即 思 者 9 出 而 與 海 乃 得 將 刻 公已 而 閽 餘 内 者 幃 兵 于 敗 年 識 人 先 幄 中 者 衂 持 不 隔 不 卒不 臣 外 掣 議 識 絶 之 又 肘 以 而

隱 如 走 乃 應 吾 母額、 進請 舉 此。 西 獨 Ш 始 非 會 是年 拜 于 公既 之。」壬 神 顯 母 皇 竟 陵, 久困 日 光 一帝 上第 徘 戌 所 公 廟 兒 徊 之 録 車 相 將 灑 役 士 後 繼 念 淚 北 公 既 賓 進 而 母 而 除 哭二 上 廢 吴 天 去,其至 母 春 草 ,公泫 夫 喪, 官 莽 陵 老 之義?」 IE. 即 性 乃 然 不 權 天 策 圖 日 植 奄 蹇 終 欲

限 夢 訓 任 社 乎?]公感 惜公之未及大用 啓今上中 無 起 肆 上 園 于 又 大 公勸進忠賢 諸 虐 口 命 樂之致云 年,稍讀公《 君子。 爲 補崇 生 讀 彪 拒,凛然 危 者, 孜 書 虎 興之祚, 于髮絲, 其 矻 其 德君蚤 縱 子 愈 中。 大 義 横之 無 尚 日 揭 要歸 無 虚 幡 寄 : 公之自命 也。 可 時 世,不竟 夢 天下已 日 然 爲 朝 代綱 公欲 或 之經 初 公束 起 功 致 籍 事 稿 在 伏 常 至 ×, 術 無 所施, 當 弗 而 謁 世 居然遠 髮 此 經 亦足想見 君 還之君父,卒 是 起 道 啚 稱 以 世 臣 某 時 九 潔 天 輒 大 而 之義 矣, 千 等 身 奉 下 謀 朝 識 晚 歲 坐 自 爲 其 其 之文 築 者 而 矣。 宗 廢 先 遺 終 卒 己 稱 便 無

耄 年 大太翁 衰 初 病 ,崇德君 、公承 每 嘆 懽 蚤 世 昕 夕 「吾兒不亡。」及二人相 而 代 太 崇 翁 德 太太 君 母 終子 皆 尚 職 在 者

0

其篤 公于錢 筆 含斂 不 稱 以 筵 繼 最 所 隨 通 後 謝 示 于氣 後 賜 儒 又 公英敏 不 世 淵 先 鏹 一、公哀 推 人,于是有 逮 乎其 及八年 誼 其于出 生 以 廬 博達, 又 没, 輒 及 近 毁 于 如 姻 道 墓所 處 此 餘俸,置 友。 《病 如 志 製 去就 0 則 喪 者 氣 得 中 及 崇 主 偉  $\equiv$ 間,介然中立,不 之學《易》居 病 莊 德 然, 念録 年。 私 亟 田 君 濟之以 祀之終其身, 若干畝贍 也 猶 嘗 》,是爲 勉 出 母 多。 裁 前 學 殁, 公絶 成 後 \*,遂 族 故 激 經 痛

予 人,心 朝 輒 子 以公千秋之役見委,予以 相 生也 許 也。 陋 不 比 及交公, 公殁,而 然 公 子 蚤 不 濟 知 文 公爲 生 辭 偶 正 顧 越

恃 節 其 行 篤 誼 亦本公志 氣 足千 誼 又 如 也 古, 而 鳴 余乃表之以 全書 本作 乃所以爲 夫 經 公於 濟, 經濟之大也」。 學 若 問 文章 所 風

崇德 知公也 闡 令。 又代 綴公傳,補 所 年,公倩吴子 其他 録 君 爲請者再 士 諱 一來治 卒葬、世 允堅,萬 楊太 誼 守 吾 史所 系 會稽有聲,予又因 質又來 不 曆 "皆别! 得 未備 Z 辭 未進士 俟 遂 見。 而 本 吾 史 令君 經 會 , 仕終崇德 臣 世 邑 兼 之志 周 會稽以 爲 採焉。 公禮 以 君

際。 文閣 者 所 光 誼 有 五 談 過 斂 談 相 相 + 其後 學最 外史氏 經濟 焉 鍔 年 牖 理 與狎 學 培養以 下 , 矻矻鉛 業卒 説 諸君子 次之樹 公雖 晚 主 進 日 齊盟,共效澄清 者 卞 。 已 來 : 不 以 槧間 熹 次 顯 倖 風 裒然壇 爲 第 廟 免 朝 裁,下亦 門 談經 初 嗚 坐鈎黨,或 實愛其 而 户 呼 坫 海 之禍 畢 濟 内正 前 聚 之志 不 業, 死 于 宋之衰 諸 失爲 公獨 朝 人, 以 廢或死, 有 君子 莫 惟公 其 自 慷 誠 爲 窺 意 慨 間 皇 正 而 與 或 其 波 及 高 祖 氣

> 何 而 負 迁 矣, 于 清 即 時 陳 乎 同 父 不 能 開 南 渡 之運 公亦

#### 徴君辛復元傳

崇禎· 學 學。 子千 語 稱 祠 廢 知 徴 學 其 **%** 而 偶 里駒 時徵 非 中 去 君 徵 至 會族 及程 也 而 常 云。 廷臣 君 也,而 君 人。 辛子,諱 治 人 朱行實, 徴 交薦學行,以貢 遂 年 生。 誣 焚香 君 九 局 搆 生 歲 六 或謂 促轅 繇 全,字復 端 而 矣, 心 人 役 坐, 小學, 岐嶷,丰 慕 其父 下終乎?」遂 則 事, 之, 紀録言行,其 從 元 小亭 破 人 通 以 塾 其 京 度 Ш 聖 師 公曰: 孝 家 玉 師 西 讀 人 微 經 立 待 絳 連聽 爲 書 **₹** 識 詔 州 (立志 太 之 君 必 故 故 , 竟 論 而 遂 者 口

■「以」,原作「已」,據全書本改。

所 出 公某 説 進 皆 如 折 録 自 居 屏 此 服 此 即 因 聞 徵 絶 章 于 棄 知 向 以 顧 去科 顧 君益深 著《孝經 人 而 是門人 之笑者 也。 猶 酒 道 契 異 之,叩 天 舉之習 必 未 笑、游、歌、咏、燕 未幾,小亭公卒,以「七戒」 自期負 自 知 日 名 ,至是偵 闕 敬 所 益 齋, ·其學, 疑 始 人。 進 玩玩 **%** 自 作《主 意 稱 其敦 大驚 心 年 年二十 聖學,時 天齋子。 高 + 敬 篤 以以 明, 九 會 箴 嚴  $\equiv$ 爲 及 人聞 悟 讀 苦狀 以 諸 程 門 郡 河 ^ 自 洛 朱 吉 讀 守 人 而 勗 名 復 之 始 皆 張 事 笑 書

宮之 辭 井 不 督 學 然 以 明 舉 南公居益校 年 明 遂 二十 年 倫堂、從學 令冠 應 巡 七,始 因 撫 多 策 吴公悌 士 士 師 就 以 餼 至絳 曹 室 明 廩之學官 體 薦 公茂 于 特 張 于 適 朝 用 孺 **補** 延之就 不報。 之説 請 檄 行 也 冠 赴 試 則 禮 其 秋 又 條 而終 于 闡 年 明 學 對

> 清,于 安,五 載 仍 者 任 擁 于 登 自 多 年 垣 H 壇 録 軺 明 也 則請之當道 篲 曲 此 云 : 過 其門 一。 前 鼓篋 , 徵君之學 倫 辛 車 太平則謁 會于洪洞,六大會平 再會于 歸 驅 堂,皆從 子 所至,必 之風 一,答問 中 踰 人之賢者配饗 年 年 少 安 執 表 如 過 而 贄 益 當 邑,三會于 王文忠,尤 徴 章之, 謁 響 知 安 馮 有 道 君 其 學, 邑 所 少 師 則 同 里 ,執 而 請 承 墟 益 充 志 于 中 於 其 以 陽二十 雲 其 先 以 先 平 贄 祠 風 河 名教 詣 集 生 陽 後 曹 寄 守令而 動 爲 津 名賢 景 真 遠 薛 先 則 舊 是非 几 几 嘗 子 行 近 謁 生 典 郡 會 胡 先 所 之 薛 稱 所 湮 會 爲 邑 于 不 思 生 至 足 未 文 廢 己 + 于 之

若 以 水首 告 弱 天 建 壯 啓 義 繆 中 旗 聞 魏 / 攖難 者 璫 裂 擅 及婦 眦 政 屠 女王 流 戮 寇 氏 忠 渡 等 良 河 皆 則 貢 不 爲 1 屈 盧 文

卒,哀 書以 行 門芹》、《 四 載 不 베 十六 也。 變, 道 賑 死 獻 毁 徵 爲 而 其惓 矣。 經 既 如 君 求 世 而 其 繪 居 存 惓 石 不 啚 考,三年 オ、 恒 不 烈 果 畫 上 ·忘當世 有 編 嘆 **\*** 飭 之直 感 以 吏 書 于 不 哀 治 指, 當 類 人 擬 之。 世 如 内室 因 資 效 是 之故 此。 格 龍 却 上 比 聞 門 歲 不 步 時 母 嘗 除 故 凶 而 徵 得 陶 科 著 事 希 安 發 君 饑 ·, 上 人 前 衡 帑 目 年 殣

徵 皆 辟 下 于 繼 繼 詔 君 雍 朝 咸 吴 折 公後 命 痛 節 廉 先 至京 聽 是, 廷 憤 下 訪 者環 之。 臣各舉賢 先 所 著 X 巡 屬 薦 鹽 橋 會 治 于 人 李公日 流 風 平. 才, 朝 一大司 良 寇 謀 動 得 皆 孔 一人,以 野 辇 徵 宣、 成 不 熾 **>** 下 君 報 倪 巡 擬 震 公元 接 備 按祝公徽 上 及 時 及督 以 聞 守令,選遂 鳳 薦 璐 前 殊 陽 學袁 紳 令講 禮 皇 先 上 陵 方 生 貢 學 公 又

> 以 失義 十 敢 以 中 旋 辛 其年 爲 當 給 九 止 全忠 之, 假 得 而 得己,法 還 九月卒于 人 而 孝 非守令器 里 慶矣。」 侍 特 御 達 根 其 路 不 天 後 里 遂 公 也 離 性 内 門, 奉 振 道 尚 閣 特旨 則崇 飛 今 而 賀 友古 首 即 民 公 禎 以 召 不 用 逢 徵 丙 用 人,所謂 失望者 爲 聖 子云 守 君 而 上 令, 名 徵 書 ··, 全 應 年 臣 君 窮 日 詔 足 即 亦 川

説 是 生。 心 去 先 此 去 成 是 推 持 時 》及《養心録》頗 則 笪 絳 服 因 敬 無 疾 解 公之志 0 革 祀 之 所 守笪公繼 物。」 門 之 誠 語 佩 矣。 養 不 銀 以 復 及 心 叩 帶 謂 書 行 所 私 所 祀 良 貯 其 著 院 學, 于 徵 擬 庫 妻 世 書 爲 門 君 即 曰 爲 張 一,其 徴 數 人 亦 徵 他 君 日 私 他 足 君 日 建 來 謚 種 語 以 講 鳩 講 時 吾 日 録 表 學 而 工 院 無 文 始 復 貨, 地 會 若 時 敬 終 四 物 也 書 先 至 遷 止

文 學沈 本 人傳

越 帙 詩 徵 爲之傳 君 既 殁 因 之 慨 Ŧi. 然許之。 年 庚 辰 其 門 人 賈 黽 來

于此 蛇 不 任 不 説 泗 無 足 流 真 且. . 得 广,使 爲 風 歷 儒 讀 由 據 微 聘之風 其 其 而見之矣夫 吾 復 劉 及徐考其 師 得 復 乃其學則已 (所著書 典 道 子 出 傳, 真 竟 知 日 建 聞 型 其 有 蚤 以 而 龍 用 天 日遠,士大夫溺 子 印 數 平日立志之卓,制行之醇 自見,意者大直若 微 壇宇,則 門之風 德 往 聖 種 君 由 升 王 年 矩 ,未嘗不 二、賜 方急 堂爾矣。 赴 道之大 遂 而 其于 不 召,得接徵君於邸 于用 興 毅 足 總慕 起者乎 然 出 全 讓 于自私自 世,不 嗚 以 處 久 也 詘 其 呼 世 去就 矣。 道 惜 道 而 徵 利 良 援 吾今 僅 自 固 爲 之 君 洙 非 已 委 周 爲 止 己

子性 器之,晚益 遇 解 能 輒 爲 沈子言未終而 1 告人。 人 紛 不 侃 沈 葬内子,犯人祖瑩,沈子來解,予有難 中 堪 事 急 前 坦 予蚤 正 息争多 解 可 侃 子 直 乎? 難 陳説,或 也 卒亦 得 有達官貴 一歲得 輒 與與 夫沈子雖 竊 加 而 亮其 多方周 人交,語必由衷,遇意 自 附 嚴 言而 交沈 去,予因 沈 面 後 于 重,引以 子 折 無 每 補 人所不及者。 決; 子, 木 Ė 卹 人短長,當之者始若不 他 見沈子 過 諸生中, 謝 相 往往陰 自訟 也 與 之列, 爲 世矣。 處 人期 益 頗 其在隣里親族, 日 必 友。 落落 曰:「吾不 雖 己 内 行 「沈子 悲 然 隱 愧。 其 久 所 夫! 日 然 德 居 而 不 不 竟以 -爲 久 而 心 恒 渝 可 色, 肩 敢 實 沈 子 不

負

而

方

以

也,故 讀 書 終身 子 絶 所 不 不 爲 妄 揖 嚴 見 與 重 人 沈子 有 事 司 者 其 識 于 此 者 聲 也 利之 以 是 途 稱 岸 其 有 如

愛備 以 謹 復 亦 嗣 子勉之矣。 攻 稱 鄉 頭 而 之, 苦 撫 月. 爲 汪 沈 薦 並 鄉 子居仲 父烈, 至。 報 沈 如 子 後 撫 晚 數 子 罷 其 己 姓 試 官 其 年 昆 諱 伯 王 出 意亦 所 多 積 萍 痼 吾雖 有 季 父 祖 兄 爲 遺 鵲 學 鄉 疾 司 並 誠 龍 汪 豁 謝 起 有 令, 尤難 不 老, 長 ,字本人 津 沈 女 出 如 者 聲 出 利 于文學,而 多 先 子 當先 如 云。 也 也,先 之。 顧 湯 惠 配 生 年 己 兆 一世家 校 藥 父 爾 既 謝 政 出 少 歲 錦 故 卒 必 補 遲 著 居 以 繼 庚 事 無 躬 暮 壎 鞭 諸 兆 夢 郡 汪 嘉 鄉 辰 親 子 。」及 錦 篪 而 生 錦 尤 靖 城 其 吾 爲 舉 輒 志 輩 和 隨 13: 以 戊 西 早 鳴 撤 四 不 之定 越 卧 下 午 之 汪 淳 孤 衰。 子 棘 帷 告 友 起 極 德 舉 霞

> 衆 急 措 不 饑 志 永 無 配 經 如 子 ·已,鄉 其 操 子。 章 紀 鄉鄉 置 鄉 投 沈子 志 粥 之 氏 明 親 懷 竟 人 也 既卒, 厰 年 政 也 皆 獨 爲 人感之,多 以 而 事 饑 率 子 勞 相 而 沈 宜 向 益 具 舅 其 兆 得 感 沈子 子 子 纖 其 書 萃 鄉 錦 而 疾 益 稍 之。 臺 悉皆 之 勸 上 徵 遂 稍 出 爲 既 公爲 官 人 發 進 述 其 望 革 時 具, 行 廉 爲 期 岸 猶 私 禱 酷 漢 賑 錦 知 嗣 遠 會 捆 略 云。 長 暑 沈 里 皆 子。 惓 近 不 次 女, 中 中 子 子 惓 就粥 從 貲 年五 沈沈 第 賢 言 大 子 喟 而 全 井 以 者 沈 遂 思 粥 子 活 然 遊 十六 井 佐 所 子 往 歸 敝 委 者 , 有 竟 之 以 事 來 緩 至 以 其 :

言 世 者 吾 行 士: 必 贊 風 不 于信 得 曰 H : 薄 而 果 仲 見 高 之矣 尼 此 者 論 外 馳 士, 無 得 騁 聞 首 見 詞 焉 行 其 章 次 嗚 下 斯 次孝 呼 之 口 奔 矣 走 後 勢 焉 次

利, 有 道 卒受其 餘 如空谷音 至 慕 名 有 焉 1: 名 敝 噪 而 況 公 當 士 進 卿 是 亦 而 時 行 争 語 同 艷 士行 求 慕 市 賈, 之 扃 以 以 户 吾 爲 讀 自 乃于 榮 書 誇 沈子 其 使 詡 世 于

# 外大父章南洲先生傳

志。 者 公風 約 生 塘 易》,公器之,已又學 易》名 生 也 章 節 父信 氏。 年 九 先 先 更 其 生 + 歲 著,即 生英 齋 諱 家、後皆 四五 章 前 公 于 穎 母 偉 樂 , 字 會 世 從 林 夙 善 稽 登 叔 廟 成 卒,則 E 爲 好 間 進 魯, 長 虞 望 于九里徐公,二 義 士 以 族 孝 别 而 刻 御 第 里 號 漸 廉 苦 史 而 中 爲 南 被二公之教 狷 讀 四 先 稱 洲 名 齋 書 生 劾 長 宦 謝 奸 以 者 家 會 一公以 公 相 承 稽 世 而 受 嵩 謝 父 先 隱 道

> 章氏 先生 公累 所 者 懿 知名士後先登第 謝 時 名于 志 益 則 社 連 公也 去 知 四 好,以處 挺 ,乃大肆 得 ,時,發 + 具言  $\equiv$ 名 ,尋登上第 上公車 座 挺 疑 傑。 嘆 自 1: 義 舉, 少 其 7 服 無 士終。 爲 力 必 與 先 故 不 不 制 于 傑 輒 大 顧 生 族 授 第 因 義 經 願 益 然 報 先 去者,德先生不忘,類 獨 兄 追 交先 術 有 罷 以 奉 生 終 少 數 塵 日 年 指 先 云 琢 身聯爲 參 奇 視 久之,遂以 生。 過 何 生 南 古致,而 ,以郡 公禮 踰艾矣,乃 爲 珠 、公躍 先生, 先 玉 每 祭 石交。 生 邀 愈憲 諸 酒。 銖 然 徐 再 多 先 生 《易》學 視 拜請 出 獨 諸 去 生 試 復 餘 公 軒 解, 聯 焕 而 于 如 所 再 冕 解 教 懿 從 號 文 講 顯 之 交 拜

之謙 吾其已矣,將在及門 其 始先 繇 生困 日 諸 大蹇,朋 生 既 久, 二三子乎?」 來。」 日 則 以 喟 蓍 然 1 已 嘆 遇 而 E 門 蹇

及門 之設 趙 教 争 科 顯 中 延 顯 大 以 率 師 人 先 作 舉 士 成 延 者 州 ; 駕 于 日 無 及 之,其 郭 生 及 部 先 多 無 並 鄉 之 科 益 論 多 其 蒙 若 進 吾 不 際 以 所 進 郎 生 也 鄉 識 出 老 吉 争 者 成 而 族 縣 顯 之 華 要 風 不 量 先 延 而 其 就 數 以 行 祖 令 士 識 亭徐 羅 歸 雷 人 生 先 再 + 别 教 烶 顯 無 後 光 于 材 迅 之 生 無 遊 始 駕 並 年 几 不 文貞、 族 彀 鼎 厲 器 門 者 不 京 已 間 方 以 而 顯 争 孫 率 以 若 而 稱 進 師 及 教 州 又 延 先 順 吾 如 比 程 南 孫 發 京 刺 而 于 使 先 馮 生 則 天 部 鄉 鋐 之, 洲 教 族 必 元 顯 景 X 師 生者 朱 遂 以 周 郎 以 先 于 高 鼓 春 隆 命 ^ 應 則 宋 顯 族 儼 孝 生 張 郡 易 舞 中 者 以 以 之 然 中 某 若 所 廉 云 沈 乃 抑 進 邑, 大 忘 士 以 至 爲 陶 顯 以 舉 參顯 翰 士 校 已, 之, 倦 皆 郡 當 卿 允 無 先 縣 ; 名 舉 楊 下 貮 争 令 邑 宜 已 故 至 生 世 制 不

> 泉 爲 于 經 + 霖 陶 生 再 手 年 經學 公 名 身, 出 植 人 宗 餘 以 邑宰 + 矣。 周 獨 憲 舉 伯 而 而 世 光 其 成 延 争 副 仲 而 以 先 其 他 禄 者 再 教 顯 延 子 不 司 家 聞 延 其 後 教 也 肖宗 生之道不 張 爲 成 之, 者 先 陶 壻 其 汝 漢 顯 氏 郭 又 及 及 子 遣 周 懋 亦 數 門 陶陶 生。 弟 年 其 朱 弱 以 受先 + 者,不 幾 終蹇矣 子 敬 允 冠 御 頃 而 人。 九 來 循 舉 史 嘉 生 之, 陶 小學,人 + 下 以 顯 以 進 乃 望 千 還 鹺 通 士 猶 經 先 龄 已 餘 家 政 運 以 爲 生 則 申 以 舉 人, 副 顯 諸 爲 年 南 雖 先 少 于 使 傳 伏 孫 生 已 張 不 師 宫 顯 先 發 授 牛 所 汝 第 瑶

舉 自 日 + 而 也 此 舉 連 始 熟 但 先 捷 矣 習 不 生 宜 之, 然艱 得 教 遲。」 取 陶 如 于 科 鋐,三 司 一暮則 第。」 第 成 如 盡 得 年 日 寄 出 厝 而 其 光 有 吾 光 枕 禄 成 非 禄 中 子 秘 唯 曰 日 師 唯 授之 也 奇 鋐

報 爲 出 生 周 日 生 位 行 方 九 事 初 當 埒 隨 萬 塲 + 子 望 大 切奇 叔 猶 以 任 魁 里 來 龄 病 理 以 兒 仲子 試 行 天 稱 中 太 不 少 必 ? 下 卷 往 觴 剛 及 久 年 有粤 ္ပံ 有 呈 終 周 遂 矣。」 往 登 先 成。」 得 光 辭 喜 類 西 生 科 不 朱 仲 之行 是 日 未 能 禄 第 宗 睇 通 子 : 數 爲 幾 視 大 周 政 顯 起 其 不 之 甥 舟 還 死 0 幸 數 必 舉 俯 泊 而 朱 11 舉 于 仰 江 其 子 得 自 通 狀 矣, 鄉 干 少 宗 負 則 政 他 宗宗 也 愛 子 誡 知 周 私 以 日 先 捷 何 周 先 恚 人 名

尊 夜 經 小 貴 畢 不 飲 人,尊 盧 先 敢 不 輒 俯 休 生 會 性 而 客 貴 射 甚 豪 視 飲 覆 則 人 爽 飲 在 又 推 惟 嗜 座 整 食 輒 高 者 席 案 酒 醉 談 次第 如 , 鼎 古 醉 每 初 昔 肴 後 竄 晨 以 狼 輒 稱 起 匿 進 籍 駡 經 去。 爲 委 座 然 史 諸 地 及 益 此 不 生 主 外 達 顧 授

> 問 先 E 館 則 楚 深 進 世 而 起 復 請 聲 矣, 倨 貴 生 至 于 考 隸 人 者?! 學 乎 謝 物 撻 諸 卒 人 兩 問 達 ? 之。 賢 處 生 皆 郭 日 内 而 師 否 館 課 信 先 自 -生 庭 語 相 復 申 而 之, 生 課 此 不 願 小 家,皆長 已 顧 少 不 日 待 及 聽 先 師 師 其 : 勸 故 先 私 應,先 先 生 邸 壻 起 誡 聽 生 師 終 生 未 日 而 者 揖 有 禮 道 教 出 : 嘗 聽 生 日 悚 E 差 然 益 孺 震 偶 然 坐。 也 世 隆 子 而 交 涉 翌 自 志 怒,命長 安 諸 遊 足 自 日 倦 或 他 得 先 生 ~ 蚤 勢 今 所 善 生 躬 益 利 歸 不 酒 夜 雖 教 捧 跪 H 不 夏 不 如 H 夜 夜

奕 其 自 使予 發 謂 望之如神 先生偉 揚 賁 得 蹈 志 育, 厲 幹修 楊 莫 人, 忠愍事 能 往 儀 而 當 而 剛 丰 之。 前 業 正之氣得之天 不 峻 能令千夫辟 先 足 整 生 多 常 也 面 自 浮 先 授 赭 稱 易 生 彩 日 既 雖 奕 :

博 券納 友人朱: 交,終 必 哉 子 周 腆 且 朱 老,而 解 義 太嚴。」然人有 有 塞 孫 君 酒 自 先生終不言德 也 給 志 急 先 思 ? 物 縛 鬭 道 不 還其 身不 駡 亦 生 族子 先 在 欲 路 故 悔 遇 狠 足 座 求 并 費 罪 111 無 、券而 生 以 其子落魄 替 益 益 嘗 援 其 乃 ,命之歸 賴 某某 具 配 甚 憤 去 先 第 助先生麥舟 者 遇 片 解之。 道 道 嫉 以 常自 長,輒 、罹于 俗 有 生 也。 舊誼 必 義。」又 流 自 德 幾 日 若 京 俗 廣 笑 晚 : 遣 族弟某與 其子 于 師 避 因 頌 變云 成,皆 吾 己者, 往 年家居 日 曰 先 先生 十金 拜 不 往 日 : 曰 生 敢 謝 啻 發之 陷 氣 乘 藉 吾 而 幡 口 先 即 越 危 里有 先 伯 平 足 危 去 飯 不 生 數 酒 以 法 出 生 生 何 以 以 及避 比 + 不忘 夙 後 乃 贈 與人 一嫉 遊 援 配 射 又 隣 年 金, 喜 書 之 既 手 利 得 惡 道

惰 周 比 道 齷 談 立 ~ 易 齪 贊 而 日 不 善 》數 足道,如周 人 師道之重 + 多 年 淵 先 生 源 光 宇世· 蚤 所 禄 傳 漸 人矣。 陶 謝 多多 司 公之學, 成名 成二 語 日 士 一君子, 擁 泉 師

先

生律

己,

動

循

禮

法,

雖造

次不

設

人。 青天白 家。 生所挾 隱伏 容, 而 解 卒于萬曆 教之不容已如 吾 : 以 》,存河南 女,長爲雲,次 平生 二子 而 宗周 師 故 此 心 道 以 日 一學行 常 所 事 皆先 事 于 置 乙巳,享 師 至 事,不 磊 先 郭 先 小影 表一 人 得 落 生 氏,故 生 是 先 望 之謝 如 ,志不忘所 ·, 曰 世者 也。」先生 年 生 即 足 孫 而 晴 爲 不傳, 九 卒, 敬 怖 : 行 空 徐二 非 一吾 + = 0 之。 漢。 也 也 而 胸 90 而 偶 平生以之則 孫 教 然 配 師 年 次 女 先 詩 然已。 輩 也 楊 不 居 疾 洞 八 爲 文雜 生所 敢 復 氏 多 革 + 然 宗 世 周 謂宗 益 稿 生 無 著 又 命 其 戚 太恭 <sup>(2)</sup> 先 藏 以 日 纖 工 子 干 周 知 繪 毫

皆 矣 先生,不啻先生之于謝公也。」 道 自 夫。 卓 先 生 然 之門 周 樹 光 立 禄 則 其 嘗 先 出 謂 生 處 宗周 造 有 就 無 曰: 人 爲 才 世 鳴呼 之功 重 吾平 輕 生 乃 而 得 今亡 在 之 世 出

# 章端齋暨配先姊合傳

哉 其 賢 子 骨 事 弟 行 狀 肉之痛 而 體 吾 乃復爲 恍 姊之嫁于章也, 夭,久之,姊復夭,因 衡 惚 君 胸 亦大略 著傳 之《 臆間 狀 曰 莫 爾  $\Rightarrow$ 而 能 矣。 其 讀 夫曰 吐 之, 且 也 一合爲 閱 端 日 : 「 齋 時 小 既 日 處土 傳 有 復 以 得 是 誌 有

者 士 既 也 殁 處 士 處 而 士 其 諱 生 宗 養仁,字完素, 而 人 端 之賢者私 方, 性 至 贈 孝。 而 端 之,以 方弱 齋 者 當 冠 易 則 喪 名 處

常若 兄某 士 弟妹 故孝 猶 得 峰 經 其 善難,作惡易。 懿 則 痛 繼,得無以 一人兩傷 綸 泣 其 行 翁感之,卒娶 也 不 少 w 母 又隨 讀 必 懽 亦 每 謝 而 而 御 不及然。 卷,詳 處士 書 稱 廢 能 請 綵 哀 事 入都 日 不 宜 舜,弟必 讀 且 父母兄弟心, 服 毁 兒長,致有他 輒 加考釋 既 甚慧,會賓 飭弟 書。 其父母 殊 取 人多 下 喪母,其父 嘗 後 弟若妹皆 甚, 法, 然既 不歸,以 妹曰: 手 妻陶 日之内,三省乎身。」故 稱閔。 ,以示幼弟 難 竟 至 如 署當户 之。 長 所 其 峰 將不 年 慮乎? 有 以 兄, 幼 賓 是 翁 面 汝 則 苫 蔬 檢 出 失 峰 處土 歲 處 向 輩 異 得列于人。」賓 庭 次 食 身克己, 歲 妹 翁 ·慕古· 士奉之 子, 識之。」于 母 無 飲 中手 若此,兒以 處 稍長,管 客 欲 讀之,志 間 而 水 無 弗繼 都 曰:「爲 人 大人不 書《孝 異 惟 終 下, 所 時 母, 傳 是 所 時 其

五六九

予 齋 喪 爲 聞 望 必 蓋 姊 雖 宜 倫 目 亦 扉 里 居 0 然 浣 之 鄉 外 婦 于 未 無 坐 夫 于 慚 如 恒 至 其 婦 中 嘗 壽 大 毁 執 不 避 其 歸 服 有 數 坐 學 理 父 浸 漸 如 去。 欲 之。 數 方 所 不 以 年 肅 卧 初 先 聞 年 問 爲 經 潔 南 爲 不 若 病 行 然 鄉 生 以 者 家 洲 几 翌 絶 信 解 動 每 瘵 止 \_\_\_\_ 大 里 眇 故 居 席 翁 H 曰 嫉之 不 律 皆 庭 瘵 信 族某 小 隣 聞 以 或 聞 : 處 處 準 數數 有 處 丈 服 有 里 示 見 召 如 有 士  $\pm$ 繩 吾 者 夫 尺 士 如 詬 絶 人 所 年 者 宴 多 讐 貌 度 賴 族 其 此 者 有 而 相 詬 不 昵 或 方 甚 此 伯 有 遇 詬 卓 即 塾 者 嘻 而 起, 輒 迁 解 寢 子 乃 也 道 聲 裸 偶 然 師 啞 遇 理 日 之, 之,卒 處 得完一段 年 仁 者 賦 繩 至 之 吾 至 也 : 爲 輒 士 其 弗 人之 質 之, 狀 性 不 于 姊 易 竟 掩 夫 + 悔 家 调 途 顧 尫 尤 名 其 以 可 其 處 婦 過 概 四 也 羸 莊 端 1: 天 人 閨 使 外 望 去 反

> 壽 以 畏 顧 始 日 天 乎? 執 感 行 假 友 子 子 事 履 方 之 少 之。 先 不 懷 猶 年 者 不 生 更 充 事 能 撫 深 其 既 今追 當 矣。 見 至 别 此 人 昔 稱 處 嗚 曾、 稱 士三十 呼 不 使 處 関 ! 覺 處 士 口 執 流 士 孰 年 幾 方 涕 而 謂 也 子 先 泫 在 處 子 老 然, 生 士 矣 其 果 子 將 哉 不 所 自 以 亦

既 傍 未亡 既 道 方 順 而 云。 未 免 體 抱 而 日 而 父贈 喪, 人 頎 母 姊 廬 弟宗 嘗 晚 也 然 子 貞 中 輕 處 執 倩 皆 公某, 範 痛 姊 周 1 出 饋 長 雅 劉 方 以 即 不 以 外 養 氏 週 爲 母 病 暇 家 爲 外 外家 歲, 姊 户 淑 未 瘵 常 問 父 之 0 盡 久 燕 爲 姊 而 賓 殁 其 性 章 擇 爾 予 之不 峰 惟 美 也 氏 慧 壻 在 翁 也 宗 母 朗 姊 于 衽 起 甚 之 始 因 族, 改 人 蚤 訓 稱 鞠 則 之益 子 誄 誄 得 新 起 Ι. 育 姊 母 之 繡 處 婦 甚 之 年 修 貞 坐 日 士 劬 刺 甫 稱 相 節 貞

妻,且 報 于情 于病 于處 年,病 落 聲 子皆沉 知 六 爲 萬 夫 漸 頃 一十三,遺 貞 年 禮 處 之, 有 姊 未 範 癸 士 吾 士之日久矣。 成 難 而 嘗 孤 不 瘵 而同穴之意 又 而 生于 地下 遠 前 H 痛 所 调 姊 愧 病 以 子 終 于義,有 欲 處 廳 乃 拮 稍 終,時年三十八。 而 爲 不 萬 絶,即 端 女 除 支離 長,則 以 据 劉 得 曆 齋 昔敬姜晝哭其夫, 而 能 米鹽 氏 于 若 丙 生 姊 子 傷 又不 床 其 爲 女。 子,少端 後 奉 于 不 心死 擁 褥者將 敬 益 家人 次次 處 賓 姑 知 衰 乙亥,卒于戊戌。 士 欲 姜續者 表 勤 第 峰 人 之 終 之德 亦 見 遂 以 翁 襁 間 而 喪 諸 + 齋 無 貞 與 稱 時 指 褓 有 心 如 始 年, 也 辭 不 範,有 分 賓 未 中 毁之, 歲, 禮 至 色,以 延 孤 痛 君 能 Ċ 庖 峰 則 寡 哭泣 師 絶者 子以 姊 此 翁 而 爲 人 時 以 教 事 死 端 始 以 者 又 家 爲 心 子 之, 者。 也 女 干 爲 至 + 數 浸 之 齋 以 近 死 且 母

氏 子 俞 適 守守 氏 何 終 光 節于今, 姊 捷 孫 托 女 邑 也 庠 , 未 有 後 生。 姑 字。 姊 氏 + 子 風 年 而 匡 遺 匡 孤 邑 庠生 孫安民 死

婦

朱

聘

撫

干

#### 世父學可 公傳

E 敝 者 己。 行義 甚,伶仃 미 裔 福 公, 僅 祚 廬 何 爲 宗 子于! 不能 流 以翁之德 寥寥也 亦 Ŧi. 先 周 于 七人。 以 是不 少司 近 蔽 子 綫 行 輯宗 孫 風 一,荷 義 能 馬 雨 其世 即 聞 可 延 翁 譜 無 艮 託 宗 門 感 操 八 所 嫡 志 見 黨 傳 祚 于天人之故。 券 先 園 先 日 期 而 而 生 薄 應 林 世 而 與予 功 俟 麒 稱 有 田 如 父子 之親 述 不 靖 日 及 麒 可 輒 能 節 涉 間 夷 之考 輩 給 翁 又 予先所 考 式 稱 宜 嘆 者 飦 無 微 孫 其 慕 日 必 粥 論 苗 學 枝 有 其

壤 于 族 戍 自 而 此 豊 姱 世 出 注 修篤 日 以 天 傳 遂 道 爲 于 孝子 安 行, 彼 有 有 耶 即 定 天 不 ? 翁 不 道 其 愧 之 定耶? 後 其 仲 翁大 發 兄 兄 子 至食 節, 嘗 支 抑 千 讓 報後 上 乳 1 其 黔 兄 而 人若 衣 中 成名, 分, 冠 脱 聚 霄 挹 父

公加 曾孫 忽暮 辭 淡 陰 顧 君 配 人 救 然 傅 蒯 寂 水 夜 耀 公諱 我 氏 澄 無 也 婦婦 節 寢 方 里 !」公趨 云。 撫 日 生六子 室 盛 壯,字汝男 人。 公祖 二非 婦 孤 公生有 壞 年 啓 偶 始 鄉 二女。 日 婦 而 公 有 遷 里 西 掖 覆 館 無 他意,處 介 稱 祖 橋 其下, 出之。 於 遽 節 學 之。 日 祖 公 僻 歸 文質 考皆 可 森, 于 巷 考日 創 其 請 時 覆巢之下,心 聲 隣 甚 蚤 公, 别 逮 月 世 色 世 列 號 有 于 色 大 有 貨 而 泉 日 婦 呼 隱 正 配 利 日 世 公 皎 殊 德 府 處 涉 王 爲 庶, 色, 神 之 君 劉 安 而 其 Ш 兀

> 數月 學可。 之祐 人之道 夜 燕 有 榻 惶 心 居 展 自 怖 禽氏, 不 而 出出 ! 公日 鳴 稍 己。 獨 而 自 出 衷 仗 學之。 此公意欣 君 推之大庭 檢身益 曲 福 如是者數十 得 人 「某固 至 非 護 大 曉 其 嚴,日 默 持 然若 不 無 後身? 願 坐 耳 學古 年 室, 遠 有 履 得 公 于 婦 要 人耳 願 許 未有 左右 也, 非僻之習 乃 在 君 謝 益 世 不 知者 簡 日 對 欺 因 世 向 編 慕 一受天 此 自 户 古 自 暮 經 古 號 而

私 爲 方出 以 患 踰 有 財 難 恨 日 進 戚 子 遊 至 母 乃 容。 家貧 相 在 屬 恤 無常父、皆公之教。 飲 飲 篤 外, 纊, 不 之終 歲爲 而 于 哀 忽 避 甘 事 身。 毁 之, 湯 人塾師 親 日 終 火,迄今 꼿 喪 及 遇 心 日 諸 猶 動 母 , 資 乃 弟 病 趨 以 再 瘳。 館 妹 劇 公之學其 無 歸 世 穀 友 嘗 父 財 以 合 及 愛 刲 不 養、未 食 喪 病革矣。 如 能爲禮 股 父、公 孺 可 人無 和 子, 嘗 粥

于

異

光,而 志,卜 舉,業有聞,及 氏 TE 躬 天 而 道 享年七旬, 呫 行 · 其後 生二 距 日 嗶 者 也 涉 其 自 如 當 翁之裔未嘗 女 生 侈 此 有 則 繁 雖 聞 卒 再舉 子。 嘉 多 未 于 焉 靖 而 1 萬 子即 T 不 實寡 其 不積而 吾 未 曆 售,輒 道 知 丙 八 者矣。 應 之有 公之學 辰 月 麒 大也,此 棄去,以 八 初 9 聞 公蚤 頗 月二十八 八 與 行 能 也 否 繩 業 子 且 處 公 所 日 科 西己 亦 謚 清 能

顧

日

孔 爲 天 而 坐 而 知 德 未 猶 至 學 論 嘗 于 乃 未 族子宗周 孝 瀆 可 在 1 學 弟 問 其 禮 也 屋 爲 道 耳。 漏 ,皆道之所不 之有 曰 : 求仁之本 不 公有感于 愧 刲 聞 始 股 則 ,而《中 而 知 是,始全 載, 學 乎 傷 亦 此 生,逮 而 難言哉。 庸 者 公安之,正 有意于學, 雖 | | 婦 謂 上 于 昔 達 日

謂

爲 愍 嫁 女孫 夫,不得爲 先生孫 也 更 日 日 易 僕 孝愍,言 節,有古社 歸,義重于夫,恩輕于父矣。 日 吾 數,鄉 周 鄉 不 也 故 氏 汪 從 光 不愧 氏 嫁 人 婦 禄 稷 多 婦 于 而 少 爲 臣 化 汪 也,不 從 卿 先生孫 之者。 風 子? 而 周 死 得 寧 即 義 宇 爲 曰 : 吾 也 君 而 汪 先 鄉 先生又有 氏 禮 生 子哀之, 諸 爲 周 婦, · 婦 懿 義 氏 立 行,未 乃 之爲 朝 絶 謂 \$ 其 私 忠

儒 之汪某,富 汪 子,女即 · 先 素,非 先生長子日 生 孝愍氏 若耦。」會中 滋 不 人兒 懌 也 也 太學君惺、蚤故 先 初, , 冓 E 太學君擇壻 生 而 有 有 先 主之者,竟諾 難 生亦 色, 謝 日 遺 而 世 得 女 其 吾 蕭 而 家 歸 Ш

相 當 母 厲 殮 夕 母 時 爾 姑 姑 頭 姑 吾 殺 聲 縊縊 額 家者曰 質 不 爲 汝 詬 日 趙 雖 死 也 者 逐之, 解 厲 誶 又 舅 知 明, 抱 不 顧 死 追 閱 竟 不 所 而 繼 不 先 歸 傷 氏 隨 且氏  $\equiv$ 無 己。 曳 母 義 以 悶 忍 生 汪 而 時 爨 短 「死之夕,汪 月 能 而 也 矣。 聞 絶 某 褐 廉 而 下 其 固 輒 葬之中 氏 斷 不 因 苦 殺 起 椎 走 夫 遣 念之矣。 斯 乃 此豈 如 舅 髻 其 屍 挾 恤 方 之。 還母 闔 獄 猶 厮 汪 狀, 婦 烈 乃 其 館 户 也 野 覬 養 某 可 子 H 姑 某 自 如 家 輒 還 于 習 宦 時 與久居 益 天下豈有 中, 争 里 予 有 盡 外 是 怏 以 門 爲 喜 而 持 嘗 獸 快, 也 者 舅 顔 時 開 女 嘻 雨 其 械 愕 進 行 數 抵 色 釁 移 嘻 怒 不 者乎? 泣 亟 熙 弟 來 焉 然 如 年 喜 其 乏 侮 走 也 是 亂 怒 無父之 乾 熙 生 婦 母 艷 父 氏 還 慰 乾 擊 有 則 忽 則 日 家 粧 子 之 然 方 計 其 訟 其 視 時 助 相 .

> 之志。 醜 不 節 或 可 哉 無 無 愈 外 史氏 孫 不可 可 辱 因 者 以 親 以 日 作 不白 熙 爲孝愍傳,俟採 予讀 名 乾感 也,即 以 書 偷 之 至 生 下及 汪 中 事 氏 殺 , 遂 可 之 風 已 無 者 之 刺 高 婦, 擇 父 然 莊 以 先 公 而 而 氏 牛 V.

愍 誓 肆 九 秉 際,何獨 固 法 孝愍之志 僅 國 由 不 以 亦 衛 特 此 從 奚 不然? 竟 爲 而 底 先 終者節 叙 者 于 是 生 亡其國 其 壞 孫 撊 當是 ? 有 也 然 烈 蓋 裨 制 方 時,假令宣姜諸 不 世 人主 且 亦永 更遠 教, 之惡,而 唐季 爲 哉 綱 視 汪 由 氏 栢 此 然則 婦 舟 而 玄之 孽 不 **>** 明 孝 有

#### 章貞女傳

于 他 著 子 母 姓 族 人 章 或 會 朝 稽 以 望 來 族 貞 也 臣 志 風 士 氣 代 岸 不 直 乏 别

禮 樓 生 祀,幸矣。」遂字之。 成 也 城 忌 先 氏 淑 又 베 詩 誰 螟 後者 为 舉 得 也 報 公方官京 ,足未嘗輕 柔 人 必 氏子 岭 × 子 貞 撫 即 婉 慟 可 以 子 也 ^ 也 有 孤宗周 簪 日 易 女焉 0 其 族兄 也 然 日 英士 笄 至性,母殁,哀毁骨  $\approx$ 工 且 孫 家 猶 邸 司 女 而 置 兼 于 以 求 釁 先方伯 爲 流 稱 時 ,女子二人,貞女其長 尤 城 其 户 通 其 配 繡 秦 作 族 公公日 父日 É 外 其 釋 亦 事 于 刺 子 晉 典 往 瑞 新 也。 皎 乃 聞 貞 公女,有 乎 所 太學 往 建 暇 然 王 于 樓 ? 女, 持 瑞 者 以 朝 氏 吾 初,太學 長 公 則 大 日 生 德 樓公有子, 之子 未 女孫 而 遽 學 立 太學 賢 : 絶 操 方 異 閑 敢 出 此 書 既 行 婚 著 哉 揚 顯 得 于 古 君之考 其 君 史, 免喪,遇 而 王 言 其 閨 嬖 奉 也。 如 子 訝 0 氏 蚤 稍 絶 門 文 爲 族 母 人 于 先 日 日 世。 所 瑞 之 生 成 覽 劉 今 文 壻 司 太 :

> 吾父膝 髮,家人驚問故,第 女微 悲 號 數 以 者 請 蛉 也 河,時 「,貞 者 悼 死 而 婚 誓 聞 自 逝 至 女 時 下終其身,於 己 時 所 燕 人孰 且 以 疑 即 巳 太 以 歸 謂 不 以 Ė 學 無 貞 家 心 乘 爲 巳之某 君 死 女待 瑞 面 竊 人 己 方 者 父爲 樓 自 曰 也 日 : 己己 謁 願 公故 年 傷。 月 畢 選 「吾毀 恨 某 吾 矣 而 日 都 + 適 日 死, 臨 而 遂 下 引 矣。 有 也 革 覬 容 請 如 命 佩 議 託 坐起 其 自 世 疾 刀 王 姻 也 故 襲 廢 不 不 所 自 于 得 謝 起, 可 持 幸 且 謂 妹 截 之。 來 依 其 弗 佛 請 氏 蝘 疾

之學,人 雀之訟 天 誰 嗚 爲天者 也。 呼 皆指 處 ? 女 日 夷 何 以 狄 陶 爲 爲 患 石 而 死 難 梁 死 所 爲 先生 暴, 乎 蹈 ? 險 與 又 者 以 子 未 爲 講 嘗 而 先 居 有 死 生 易 鼠 所

● 「揚」,全書本作「振」。

之審 狀 害, 從 而 與 意 無 思 議 皆 歸 子 以 之? 甚 者 來 己 夫 女 寧 未 里 而 請 矣。 子 家 奇, 廢 得 決 其 中 荷 曲 險 能 義 之, 也 大 易之數,貞于道,不 而 易 無 且 全 英 女子 誓死。 有 乃行 絶 英 偷 爲 貞 服 于父子間 士 蓋 感 婚 士 生, 女 守 張 方 爲 亦 而 義 嘗 險 所 志 氏 證 爲 有志于學 女子 動有完 也 徼 謀之于予, 爲之傳。 處 女, ; 生女子 完姻禮 倖 爲 其 岢豊 既 之 死 尤難 地, 至 聘 而 所 即 只 地當 于 貞 平 謂 禮 何苦 云。 貞 子 此 也 Ē 于 居 日 與 女。 無 是易 出 而 遇 與 易 義 以 而 方 則 以 此 其 夫 絶 其 俟 兩 此 貞 以 如 應 耳 死 廢 妹 婚 其 全 女 六 命 以 ·, 不 禮 女 尺 無 辨 之 遇 者 既 事 竟

#### 共 姑 傳

禮 釁 泣 沈 息 飽 婦 出 日 女 非 年 姑 聲 媚  $\dot{+}$ 下 稍 開 而 也 兀 其 者 聞 朝 釁 九 頃 稍 姑 私 共 也 母 而 之, 户 處 外 歸 姑 姑 感 鎬 悍 又 婦、沈 外 之惕然分 盂 章立 者 動 甫 生六歲 由 鎬 視 錮 亦不 飯 是 人 且 姑 雖 E 坐 鎬 婦 門, 出 私 禮 父 妯 日 外 夕 而 椎 而 姑 其 焉 兼 理 時章門方汰 娌 虐 婦 也 即 髻 陳 外 及 麻 峰 盂 之, 故 呼 安 失 而 婦 沈 枲 府 往 加 飯 姑 鎬 服 人卒,育 復 如 猶 君之 組 恭 乃 來 練 母 前 前 不 穴 隣 紃 婦 錮 順 懽 禮 狀 而 女, 媪 之 姑 則 而 有 也 復 其 吾家 職 于 見 加 别 女 姑 行 而 而 婦 久之解 之, 以 室 奴 大母茅 沈 同 日 益 口 爲常 畜之, 中微 侍 還 牢 無 無 不 聽 周之 虐 之 御 不 嘅 其 鎬

宗周 甚詳 皆 姑浮 道 恚。 先 有 田 脱 無 竟 成 又 舌 + 歲歲 平 力 側 章 簪 以 可 出 平 焉 生 少 出 晚 爲 門 姑 日 畝 珥 流 湛 日 時 姑之幽 時 年 而 者 婦 佐 蕩 而 呼 聽 問 不言 姑 及宗周 遂 益 字, 破 己。 之, 天擊我 鎬 遺 從 撫 猶 鎬 會 不 窘 其 親故,皆 晚 祖 鎬 思 而今言之, 爲 之 起 家 沈 人 姑羞之,亦不 朝 竟 年 姨 以 不 夫 如 既 矣。」一 而 且. 而 憂 偶 陳 禮 婦 嗚 長 所 死 姑 不 盡之, 悴 問 及之, 道 教 矣,自 有 死, 始 呼 ,侍姑幾二十年, 生。 凡 先 以 延 也 節 操 揮 何 且. 家聲。 姑 死 亦 家 所生者二 涕 聞 爲 方一二 以 怪 不 禮 此 姑 姑 死 政 而 之, 子 至 鎬 夫 也 鎬 婦 猶 取 罷 一終逐 婦 所 ! 黽 出 間 手 或 諸 每 所 聞 大 鎬 勉 人 憂釁狀 伏 吾 遺 遺 女 反 而 女子 且. 見 略 不 内 力 死 絶 三子 紅 臘 則 姑 飦 以 日 悛 嗇 矣 粥 輒 不 陳 爲 或 祀 始

宗周 著 于 姨 詩 俾 姑 陳 . 無 平 婦 鎬 云 即 、鮑女宗之流 訧 生 追 族 兮。」我 感 陳 何 也 其 安人之妹、孝 異 事 詩 孝 因 姑之 人 廉 之咏《绿 私 死, 謂 孰 益 乎 廉 姨 謂 姑 1 章孝泉公之妻, 衣 操 曰 古 今 共, 求 **\*** 方 之圖 人不 嚴, 而 我 傳 史、蓋 思 以 相 之。

古

及?

祖

而

姜

#### 張 守 齋 像

所 失 則 古之矜而廉 自 其 潛 占, 炎 行 炎。 方 故 日 所 而 「守」之云 也 嗚 至 嚴 與 望 呼 制 風 先 禮 郡 乎 生 則 邑 謙 1 ! 奉 不 學 庶 爲 幾 知 博 師 秉志不回 其 表 베 人, 偉 而 視其 王 厥 公 用

節

行

### 黄白安侍御像贊

音容 載 日八年所矣,故云。 作 夫一死,與 則 而 伊伊 惜 ± 廌 ,嚴然皋變自 公者猶 金 誰 凛 玉 噫 後死 精 IE 嘻 日月 色 神 存 ! ? 于 乎 曷 鳳 侍御遺像,得之官司理,時距蒙難 争 少試。 蘭 擬。 麟 齎 先久矣。● 臺 儀 公志 一,抗直 初試 止, 奉公 以 峩 虞 聲 爾? 廷,讓 冠 不愧 而 年, 絳 如 袍 茫茫 男子 矢。 以 九 往 觸 官 千 之 及 而 邪

### 王聚洲年友像贊

慷 錚 慨 錚 自 鳴 願出 喜, 呼 吾 人于 恥 友! 浮 禁庭 沉 以 于 爲 聲 以 館 利。 閣之英 爲 公輔之器 故上 也,而 一書掛 也 神 雅 武 而 志

> 放比 之冠 屐。 靈均 終栖 去 或 栖 而 收 而 品 黨 皇皇,奚 則 錮之藉,爲 矯 矯北海之匹與! 喪家之足惜。 Ŧi. 湖 長, 曳 公且 五. 嶽

### 陳中湛總憲像贊

得步 者,云胡 岳 退 峙 而 公武,而公其已矣。 以 聞公之風 進 膴 而 以 膴。 奉公之教 興 我瞻 也 訢 斯像,三 訢 也 戔 何 戔 凛 慕 嘆平生,不有作 秋 用 愧 之殷 稜之肅 相 與 之 肅, 淺 日 標 ,

#### 祭趙儕鶴先生

嗚呼! 莫高匪山,厥宗岱、華。先生

● 「先久」,全書本作「光允」。

鄙

吝

日

田

銀

臺

晉。

昌

言不足,手

鬢

叩

先

生

音

蘭

芬

玉

潤

退

而

惘

然,

消

吾

晚

獲

同

朝

惓

惓

後

進

登

先

生

座

光

風

吹

以 生 之, 卓犖 以 峰 之, 北 巔 木 海 澄 高 羈 風 襟 跨 標 還 浩 東 就 瀚 莫 準 山 浚 繩。 韻 偉 匪 致 哉 111 子長 先 蚤 生 其 踐 之才, 流 銓司, 河 曠 希文 世 漢 孜 人

之志 孜品 英。 悠 開 期 怡 連 群 歲 慶 出 先 世道 寒冰 秉 然 寮 曆 鋭 小 ? 寀,禍 所 概 就 意太 卓哉 君 銓 る。 雪。 睨 0 道 子 誰 洞 平。 知 滿 先生 酷 競 視 胡 觀 滄 其 朝 ? 身家 險 不 消 桑 激揚 極 如 長, 憗 幾 П 旋 -夷。 遺 思 始 更, 開 進 深 蕭 嗟予鯫 哲 終 黨釁, 退,仕 維 再 屈 蕭 執 人, 否 指 逢 白 戟 節 泰。 髪 愈 路 癸 明 生,慕交英俊。 席 待 增 己。 卷 以 盡 爲 萬 六計 嘆 清 風 或 里 邱 息。 天 晚 飈 黄 樹 是澄 網 首 年 庶 沙 幾 悠 新 何 辭

> 矣 懨 書 ! 懨 以 訊 在 我 疢 來 或 趨 雲 士 覲 遇 Ш 我 萬 生死 里 此 官 遥 心,致君 相 聞 殉 旅 襯 魂 堯舜。 夢 先 徒 生 己

#### 祭 孫 淇 澳 先

天子 平 咨 道 已 生 日 見 時 臣 殷,竟 于 治 失 竟 委頓不 ,不啻儀 而 慇懃 色, 天 典 御 嗚 無 爾 下 極 君 呼 禮 若 問 無 溘 能 也 矣 九 摧 形 故,震悼靡 有 焉, 就 年, 席 傅 君 未 孤 道矣,猶 以先 虚 棟 巖之下,特 臣 副 求 有 或 九 然。 相 其 賢 有 挽之或阨之, 生 遇, 重 望 若 君 寧。 之品之學, 噫 扶 延 一者。 渴 而 自古 嘻 病 佇 同 無 起 金 抵 之 已乃物 朝之士 蒲 難之。 臣 甌 或 懷。 者 何 輪 門 徒 次 而 天 也 1, 且 色及 僅 之 計 咸 遷 蓋 而 將 聞 未 行 先 夢 我 爲 延 有 先 其 有 欲 之 陛 寐 聖 嗟 生

宗 我 耶 聖 斧 時 綱 悵 及 從 謂 奸 天 年 也 ? 周 常 乎 也 ? 萍 先 鉞 因 昌 生 明 而 言 待 ? 久 榮 乃 踪 生 昭 而 敬 而 而 辱 落 復 先 死 鑒 後 偉 于 然先 片愛 先 先 陳 膽 同 哀 議 生 佹 孤 帝 塵 生 生 心,林 前 ,傳之信史, 遇 忠, 而 里, 君 生之道 己 示 聚 奠, 復登 扶 而 憂 不 朽之功 身 訟 先 能 植 佹 或 附 我 臯 生 後 朝 朝 無 者, 奪 之忱 相 雖 以 顧 之典, 端 之 引 右, 之, 未 矣 望 生 已在 已在 目 直 紼 九 行于 于 孰 芻 其 撫 與 無 悉從 心 重 撫 非 宗社 典禮 今追 里 亦 趙 日 摧 爲 揆路 冀 蘭 先 少 迂 盾 不 之 異 臭 先 臨 生 之書 昔, 瞑 矣。 迴 懸 動 數 前 于 生 席 岐 餘 之 E 容 當 之 膓 庇 乃 同 Ŧ 魏 晚 乎 亦 也 年 嚴 顧 者 古 斷 群 闕 所 口 而

#### 祭魏廓園給諫

駢首 品, 的 煌 賊 邪 嚴 是 此 梁 戮 木 子 尊 事 溪 百其 大 先後 或 力 以 冰 <u>一</u> 十 明, 勝 謹 親 茫 同 與 寒 日 身。 爰及 茫 詔 IE 心 以 聞 以 玉 而 道之 年 宇 獄 披猖。 揆。 潔。 此 正 用 申 宋 卓 來 僞 宙 株 學 事 補 學 將行,小 飛 儒 學 哉 萬 連, 世 壁 君 禁。 衮 我公, 有 道 守 立 矢 後 濂 古 積 職 禁, 學 之視今, 千 愈 洛 孔 斯 以 屍 學 之貞, 仞 降 關 人 亟 文。 僞 此 度 如 遂 禁 0 所 閩 事 越 黨 阜。 忤 轟 如 伊 病 闡 視昔 信 師 人 導 有 轟 權 何 朝 爲 距 倫 鳴 碑 道 岷 烈 ? 奸 以 發 是 邪 IF. 之卓 呼 烈。 猶 江 及友人。 非 放 學 難 以 我 東 哀 韋 甚 洙 紛 淫 中 公 林 蚤 哉 忠 亂 王 之 以 游 煌 伐 諫 射 臣 1 泗

之愈 徒 生。 誅 賊 江 鵠 云 河 大乎是。 諸 揚 千 命 行 以 學 秋 挫 是 臨 進 地 何 之誼 學 致 風 以 之 罪 日 嗚 命 非 退 ? 愈 定有 月麗 慟 學 遂 以 呼 厲。 志 講 我 仰 榮 請 空。 之 公,矢死 叩 前 以 如 折 世 則 帝 盟 辱 此 諸 有 所 明 閽 聖 而 升 腐 生離 以 已 降 行 靡 心 生 是 之乃 悔 者, 道 賢 不 道 以 無 逮 聖之學, 死 非 待 臣 至。 死 污 道 罪 罪 惟 隆。 當 别 友 抑 此

#### 祭周海門先生

身 或 而 即 不 乎 覿 是 聞 ? 嗚 面 前 呼 鐘 而 有 鼓 失 不 目 之。 之 知 而 士 陳 求 不 有 其 謂 覩 曠 之 爲 幸 辰 世 聲。 星之麗 人之賢 遇 相 其 感, 士之 不 不 矣,示我 謂 于 肖 啻 之瞽 道 何 堂 也 能 以 有 一, 反 耳 明 以 而

> 門 況 鐘 懿 時 嫡 于 年 年 É 鼓 哉 其 相 陽 學 坦 之士,于 而 関関 之 先 易 承 明之學,篤 嗚 士 溪之門 吾 之説 在 生 大 呼 越 焉 序 夫 讀其書,宗旨 陽 吾 望 又 凡 其 于 明 而 斯 越 道 相 有 于 猶 信 吾 子 道 最 而 耳 與 道 不 趨者乎 越 以 之 而 著 知 目者皆 維 謹 也 最 良 不 者 有 求 持 守之, 著 知 傳 爲 可 述,宗 左 者 之説啓 則 龍 于 謂 得 右, 爲 亦 溪 世 由 辰 而 傳有 先 聾 底 先 星 禰 聞 蓋 天下 生。 瞽 于 生 之 而 H. 千 之夫 編 無 麗 見,而 祖 又 先 有 天、 白 生 及 餘 而

蔡 泥 地 未 日 相 燥 冀天 進 際 失。 也 始 而 聖 先 假之緣 及先 明 晚 及 生 稍 盛 年 表 生之門, 講 有 懸 章 知 良 斯 車 宗 知之學, 會 文,首 周 頗 而 欲 不 遭 先 進 澡 學 起 生 雪 往 而 禁, 先 敭 身 奉 來 生 交 先 歷 心 吾 爲 生于 遊 仕 越 ,爲受教 土 子,子 途,雲 盡 紳 謝

之啓天下後世 先 瞽 呼 不 知 姑 生 爲 名 亦 先生之學 徧 生之于道 自 昧 生 者 臨 捐 宿 廢 天下, 將 何 者 矣 爲 略 也。 館 風 如 退 世 不置我 耶 者 後 灑 之時 盡 而 而 有 而終不能 ? 涕 ? 死 ·E 呼 世之不爲 古 奉 猶 覿 者 寐 門牆 當 予能 其 如 知 面 于 正 耶 1地,則 志 者 斯 是 先 先 宗 而 野 ? 而 平 道 其 無泫 得之于宗周 生 外 生之啓予 失 周 覺之。 聾瞽者 之道 先 生仰 絶 明 而 尚 也 其 趨 然于 白 先 續之候 生 所 朝 止之私 之 嗚 如 生 而 關 之 蓋 自 先生乎 耶 呼 宗 可 坦 忽 日 于世道之不 學 前 亦 ? 尊 ,此予所 易 周 己 禁 寡 也 者 不遑走哭, 逝 業 冀 其 又 非 矣, 以 哉? 哉 ,從之者 矣。 先 即 不 己 良 來,諸 先 聾 生 少 猶 爲 知 先 瞽 有 幸 留 壟 先 生 有 賴 鳴

#### 張二無副院

少而 先生 冕 爲 俯 斯 識 紀 如 時,獨 者 綱 東 仰 民 鍾 ? 于 土 南 古 故 學羲、文之《易》, 嗚 芥 先 學 ]11 今,罕 此 席,幸 呼 且 繫之先生之身! 生雖 者領 嶽之間氣, + 1 以 而 世運 世 儷 孰 子 雅 袖 亦 有 身之存 以 其 志 之維 不 以一身之出 道 而 人。 林 能 契之 舉 生有 壑 晚 新 終 何 殁 世 而 廢先 視 雅 意 關 亦 異姿, 夙 通 嗚 夫 珠 望 出 河 何 呼 斯 參 生之 玉 處 之如 處 洛之神 子 道之亨屯。 傷 彙 如 1 存殁交感 契道真。 既 征 儒 哉 敝 斯 威 罪 之 屣,軒 而 • 鳳 世 慶, 放 祥 遂 惟 與

<sup>●「</sup>少而」至「之神」,全書本作「早登文介之堂以 8

瘁 擣 踐 稽 先 不 痛 窮 前 亦亦 矣 望 兹 念 生 拜 Ш Ш 使 夙 頹 此 亦 靈 索 鏡 恃 訂 爾 以 而 而 處 水 輀 木 生 病 愈 之 肺 請 之 而 壞 何 請 殷 腑 既 離 間 事 在 ? 辰 之可 返, 群 後 逡 ? 于 巡 先 于 載 發 申。 奕 平昔, ? 陽 去 斯 生 宛 奕 九 位 芻 時 行 委之 哀哉 先 之阨 以 也, 過 從游之侣 生 席 遥 鴻 仙 一,其 不 既 陳 文 鄉 及 人亡 重 温 疾 惄 子 敬 顧 安 奄 臨 敢 焉 吾 我 而 淪 得 風 如 不 于 或 道

#### 祭丁長孺

計 若 口 友 生 得 聞 何 可 嗚 以其 豈 言 呼 匍 不 匐 痛 子 來 日者兄 弟 哉 書 奔 今永 來 欲 召 弟 與兄 病 之 見 而 革 初 弟 兄 辭矣。 猶 與 不 切 相 兄 果 切 與 遇 至 平生之 念 永 我二三 蓋 訣 未 在 而 誼 幾 許 不

其志 逆。 黨 知 己 劾 必 論 不 來,不致 上 友 書 髒 敬 私 一、惓惓 人,其 當 去。 旦時 禍 病 出 于弟乎發之。 于 庵 幾 初起,兄首以 鄭 之 既 且 日 士 先 不 知 居 出 重 初起 事 别 會黨 大 死 垂 師 敢 我 以 恒 處 乎 不 轉 之 去 夫 死 仰 有 輒 世道 其 進 勝 移 論復 門。 也, 兄 間 時 視 將 念日 如 身 退, 其 死 ,弟與兄先後起官 繾 兄謂 直道 此 之憂、 + 爲 推 起, 愛 乃 時 弟 綣 而 惟 者。 : 年,弟 小 轂 慕 輒 弟 因 深 見 門人 兄之指。 兩 人之歸 吾愧 游  $\equiv$ 之 初 得 生 有 情 當是 人復 錮 揚 誠 當 向 友 廓 民 已 更 陳 長 無 退 學 踪 于 其 生 之計 時 何 相 子 者 而 孺 而 虚 蒙 跡 兄 禍 繼 如 是承 見 日 弟 皆 多矣。」 廟 隱 日 鄙 凡 者 削 弟 鱪 心 日 兄 于合 堂 乃 酷 兄 籍 絶 ? 神 + 辱 出 之 相 以 劉 有 賜 氣 吾 餘 堅 遽 溪 上 與 猶 所 日 視 師 而 而 而 也 投 定 之 黨 莫 得 憶 兄 兄 年 見 兄 絾 兄 不 骯

從 兄 無 真 也 罹 不 不 難 測 與 言 弟俱 己 死者,惜乎 泣 下 假 令弟 兄死 終 而 罹 弟莫之 不 測

也有爲 衷 次第 其禍 死,而 其 亦 日 其吾道之窮乎? 之憂,竟不能 秋 月 倀 上 知兄必有 酒 之不 下 云 倀 死于讒 嗚 生平 邁 · 遣 呼 如 孰是? 我 噫 免 窮 -肝膽 寥幾 而殺 嘻 而 以 心 人 介之使進 一日試 ! 鑒我 莫之救 悠悠。 終 人? 于 兄既 徒 兄也學古 歸 彼蒼者天,實生吾 賊,獨弟尚 激 也 于 其 切于二三友朋 清 之几筵,用 死 也。 會 死, 生 弟 前 時 以 人之道 天乎? 也 有 , 卒江湖 二三友生遂 報 不 殤子 偷 知 偶 陳永訣之 之戚 日之生, 己 人 抱 黨。 憔 則 而 間 乎 悴 當 其 己。 聊 已 ? 恐 千 以 世 出

#### 祭張慎甫

書, 倀 酣 如 綱 弊也,以 章 《易》, 書》, ? 鼓 典 0 不 凡所折衷,布帛 三代以 振 如 嗚 籍 春 猗 師 呼 簧。 邪 與 文滅質,道 嚴 淵 秋 先生,英姿卓 説披猖。 道 後 源 不有哲 **>** 戴 尊 紹 士或 一代以 **禮** 朋 述, 稻 人,尊 乃淪亡。 尚 前, 直 士生其間,家置 來 梁。 言 因 遐 溯 立 士多 略 方。 神 經翼 儒 非 致 敦 潢。❶ 術 聖 尚 聖不 詳 毅 爰 聖, 漸 遠 行 剛 及《 龐 言 讀 進 擁 曷 方 而 湮 詩 非 之 臯 挽 及其 後 喙 學 川 談 倀 沉 辭

<sup>■「</sup>淵源紹述,直溯神潢」,全書本作「夙稱名家,藻麗擅

❷ 「粱」,原作「梁」,據文意改。

言採 當。 先生 光。 死 呼 默 矣 平生大業,盡 允 長 品 不 成、紫陽 者 夜 講 可 誦 蹈 「紫,曷」 矣! 功存世 茫 悠悠 古云 江 不 斯 實 壯而 爲 茫 忘 馭相羊。 離 踐 寐 朝 以以 足短 人誰 詎 闇 不試,蓬蓽 天 表 羹 道,吾黨 聞,又云 真 得 云訓 壤 爲 修 牆 在 酹 積 我 玉 長 坊。 無 編 孰 既 先 ? 詁, 實資 死 九 觴。 摩,入室升堂。 質 爲 久,豁 生, 小子,庶 聞 行 經 ? 深 矧 韓 金相。 知,先 卒 年 其 藏 如 靈 賢 張 業 八 0 今日 羽 其 者 然 炳 ? +, 裁簡狂 翼 鑒 以 生 4 流 非 士命 伯 斯 芳。 燭 我 徒 可 日 雙目 瞻 道 仲 方。 言之,實 望 干 之 喪 文 嗚 覿 日 飄 秋,區 千 耀 間 已 几 再 呼 彼 體 人之 然 筵, 載 芒。 廢, 乘 後 窺 老 鳴 承 康

#### 祭 王 生 金 如

學 以 夫 得 凡,比聞 勢 則 而 下 也,乃得之于金如,私 足 朋 利 問 嗚 相 也。 呼 友 相 恤 當是 溺 之間。 切 已得 德 始 劘 求 義 時 深,而 金 友 所 則 絶 子 自此 如 道 師 相 不 甫 于 以 承,予 及 講 勸 往還 弱 今日 學 爲 流 過 冠 求 論 俗 心 無 失 姑 而 甚喜。 友于天 道 抑 則 間 逡 及 之 語 何 每每 巡 吾 相 風 寥 規 謝 下 相 至 寥 絶 金 者 如 而 于 見 負 乎 不 亦 患 必 志 聞 不 ? 匪 而

難

口

以

處

不

于

蓋

風

方可」, 蓬 華 深 藏」, 全書 本作「仿佛」。 作 白白 孔

賢 者」, 本作「腐草」。

<sup>」,</sup>全書本作「棟梁」。

我 全書本作「恍爾莫往莫來」。

之識 是乎? 之説 遂肯 養。 質之金 知 隨 子 改 有 韜之以 世 相 不 金如自此進矣。」竟以同人意見相左,不竟 進 金 容 處 輒 信 鄙 者,古所 中道 及 而 傾 也 如 如者矣。天假之年,我知其必 因 益 即 以 夷 如平日 倒 省察克治之説,予心喜 是者,凡以成其 是 静,有天下之真 不必印之于古,有天下之才而 謝 遺大投艱,無事不辦 堅 子 乃予所尤憾于金如者,金 而 之肝 子 以 稱豪傑之士,非耶? 相 而 베 止 窺 猶 金 切 託 一乎? 天假之年,我 所志,宜 金 記 膽 如 劘 爲 如 有 同 自 益 同 其 社 非 摯, 每 志 鞭自策,亦 超 之席,金 亦 爲 肝 流 者 世 有 金 膽 幾二 俗 一之識 有 未 前 如之學 輩 而 所 副焉者 如 + 不 所 而 何 規 不少恕也。 過人之才、 必 敢 偶 知金 如 意 年 而 目 而 益,予必 有用 望其萬 出 舉 世 之日 有 其 金 止 一之以 立 如 不必 己 天 止 晚 誠 必 如 即 下 于 有 于 而

> 其 所取舍,政如人飲水,冷煖 以 益,金如近之。 如矣。若二三諸君子之辱交于 説 迄于今,此 日不講于世也。嗚呼! 而要之,百 而 罷 子 事遂 身之贖,皆 即 予于是益 欲 成空谷。 效 語 知 有 自知? 今亡矣夫。 于 嗚 朋友之道 同 金 呼 情 金如者,其 如 固不能一 不 古 子負 不 口 稱 金 口

# 劉蕺山先生集卷二十三

雜

三統考

也。 氏 成 星官之書。 生 司 靡 輔 于寅 地 得 黄帝受河圖 相,以左右民,亦莫大乎時。 天之道莫大乎時。 而紀云,傳稱天開 其後 ,故稱三皇氏 顓頊受之,命 三苗亂 一,仰觀 德,二官咸 日月星辰之象,始 ,則三統之義所自祖 王 南 于子,地闢于丑, 者繼 IE 重 天立極 司天,北正 廢 上古三皇 \* 帝堯 一裁

> 農以 道主因 夏 應,以及王者 秀之候,羽 之期,雷風冰雪雨 之法加密焉。 春,月必建 後世因之。 曆法大明。 時,成歲。」所正春 授人時。」「歲三百六旬 氏作,乃命重、黎之後,復典天官、《書》曰 「乃命羲、和,欽若昊天,曆象日月星辰,敬 時之善,所爲「考諸前王而 時 「其四 種 植、 毛 寅,已 舜攝 由此 時之書則有《夏小正》,視唐虞 耕 因 鱗 若日星昏旦之次,分至 斂作息之宜, 時 羸 以觀言 位 開 夏秋 暘水旱之節,百穀草 行政、慶賞 察 蠕 百 動 王 冬四 璿 則 有 蟄 統 六日 唐 璣 矣。 興、陟降 仲 虞之世,歲必首 王 靡 刑威之準,三 不謬,百世 一衡以 以閏 之序犁然,而 不 夏受禪,其 畢具,此 齊七政 鳴 月定 雊之 啓 木 以 閉 稊 四

□「廢」下,遺編有「閏餘乖次,孟陬殄滅,攝提失方」十

殷 廢 俟 利 改 天 世 曆 順 王 授 命 聖 則 乎 厥 可 明 用 正 胤 時 天 朔 時 職 人 革 知 改 以以 之法 侯往 矣。 而 也 而 俶 殷 義 不 應 擾 新 正 未始 而 惑 取 乎 是 天 易》之《 改 征之,蓋 人。」 紀, 王之大 以 殷 者 IE 殷 不肇修 季 也 朔 周 而 克 革 秋 也 以 0 大 法 夏, 夏 **>** 月 征 夏正 至 象 正 日 則 朔 則 誅 仲 始 曰 : 繼 改 得 之遺 . : 亂 辰 康 湯、武 大 夏 天 弗 之 忧 君子 亂之後 下 世 正 其 集 而 革 于 以 周 羲 其 在 必 命, 者 治 敬 克 後 遞 和

次,而 之次, 以 綱 紀之次, 遞 爲 統 夏 歲首者 建 月 而 也 IE. 十二 月 而 行 建 會 行 月 天 寅 辰 行 之, 會 陽 以 之, 會 殷 氣 則 斗 之, 而 始 正 建 則 杓 以 建 于子,子者孳 寅 建 則 運 初 丑. 也 丑. 建 乎 昏 也 子 中 周 爲 必 ; 也 央 候 正 取 日 ; 建 爲 躔 日 如 子 也,言 辰 四 娵 躔 H 方 天 之 訾 玄 躔 之 之 萬 月 枵 星 地

> 朔 畢 紐 物 泰 應 物 于 稱 于 于 左 寅 辰 達 滋 資 重泉 0 后 大 善 見 未 Ħ. 右 時 吕 也 陽 始 爲 出 于 民 然 也 天 以 下 孟 必 地 也 生于 天 故 故 至 財 天以 其 春 ; 也 之心 數之始 得 哉 得 才 成 長 ; 陽 日 寅 而 始 天 人 天 坤 進 于 生 天 履 歲 者 統 統 備 地 寅 元 故 于 物 地 泰, 功 也 之道 ; 寅 丑. 按 律 爲 王 人三 律 著于 萬 盛 丑. 心 者 邵 應 者 應 物 丑. 又 德 黄 子 義 統者,子一 者 以 輔 太 資 引 地 日 陽, ~ 在 鐘 取 簇 紐 生 也 皇 上 相 天 木 諸 辰 言 地 大哉 也 開 天 極 地 此 故 協 言 數 此 爲 地 經 于 夏 萬 天 得 之始, 之宜 功 風 乾 世 子 陽 以 物 時 交 萬 地 乃 元 改 於 而 始 至 物 以 所 地 統 至 IF. 此 以 律 萬 闢 以 爲 牛 厄 元 ;

<sup>0</sup> 也 下 遺 編 有 故 孔 子 日 吾 得 夏 時 焉, 此 之謂 也.

子

爲天

正

林

鐘

未

之

衝

H.

爲

地

IE.

太

簇

寅

IE

云

蓋

漢

以

律

起

以

+

律

協

+

日

與

、義」。

是爲三

統

其

于

三正

也

一,黄

鐘

義

故

太簇爲

人統

律長

八寸、「立

人之道

。」十一月, 運 世之數 統 今以 日 得 地 + = 推 乾之初 之天 統 周 月 統 者, 準 地 得 九 天 + -人 天 施 從 陽 也 地 會 出 氣 之序 化, 漢 伏 而 于 劉 人事 知 地 歆 得 夏 之 統 紀 辰 統 得

會

也

曆

養 陽 著 故 物 寅 統 與 ()人奉 化 。」六月,坤之初六,陰氣受任 爲 剛 林 鐘 柔 其 爲 萬 九 前 正 萬 理 地 寸, 物 成之,仁以養之,義 月 物 統 生 乾 萌 寅、木也、爲仁、其 ,律長六寸,「立 易》 長,楙之于未,令 之九三,萬 動 日 鍾 于 「立天之道 太 物 陰 棣 地 以 故 通,族 聲 之 種 于 行之,令事 黄 太陽 道 商 到 鐘 日 也 疆 陰 爲 出 日 柔 與 天 于

> 周 辰, 地 者,冬至得 然之應 H. 統 曆 畢 應十二 統首 于 謂 也 辰, 殷 得 月 曆統 + 又 人 甲 而 功 日 申 首 推 月 自寅 也。」 得 本 甲子 「夏得 于三 甲 、成 天 辰 朔 施 天 正 于 也 爲 之義 統 復 申 曆 也,故 周 于 謂 元 子 得 如 也 嗣 人統, 此 地 云 世 然 殷 化 亦 而 謂 自 得 王.

甲 得 殷 律 奉 先 以 秋 曰 王 明 冬之時,十二月之次 王 : 于 曆 嗣 夏 不 之? 能改 時 方 王 三王正 志 惟 奉 一。」始 也。 》謂 明, 元 嗣 乎夏,夏不能 祀, 舜 以 王 惟 殷 免喪, 始,所改者 攝 西己 祇 伊 + 以 位 祀,十 見 有 + 尹 朝 帝。」謂 之 厥 以 見 祖 月 月 祠 正 正 群 有 改 Z 爲 月 則 平 朔 臣 以 殷 受終 告 歲 Η. 周 月 唐 而 也 冬 以 即 首 朔 不 虞 已,若夫春 至 伊 建 1,故《 于文祖 位 能改乎殷 而 伊 尹 越 H. 也。 也。 之月 尹 漢 以 紼 伊 祀 祀 書 冕 訓 太 何 夏 服 于

月二 菽 載 斯 詩 日 在  $\overline{\mathcal{H}}$ 几 日 是 IF. 全 IF. 洪 績 宇 螽 紀 是 誣 、箕子之明 月 E 而 範 星 日 動 即 也 經 配 惟 七月 惟 月 九 加 又 股 也 辰 祀 剥 七 + 也 四 月 以 夏 日 如 上 流 月 月 有 棗 建 在 六月 五. 蔡沈《傳 Ŧi. 小 流 帝 火,八 壬 周 子 日 紀, 户 正》 爲 + 而 六月 火, 也 曆 年 之 辰 以 莎 建子之月 月 攸斁之乎? + 之法 春,大 月 數」,《範 + 鷄 九 月 旁 日 穫 則 月 食鬱及藥,七 爲 日 振 月授衣。」 萑 死 歲 稻。 非 蟋 + 也 會 月 羽 葦 即 魄 攝 蟀 則 爲 于 建 爲 祀 月 七 七月在 出 曾 日 蓋 寅 孟 歲 此 見 月 不合 故 神 我 又 故《 謂 月 之月 十三年 津。」《 首 春 祖 鳴 禹 日 月烹葵 牀 • = 以 Z 酒 豩 野 鵙 書 之 所 ^ 下。 武 丑. 以 風》之 武 泰 五 春 義 叙 日 王 春 則 八 日 誓 成》 日 矣。 矣 月 之 介 及 月 又 月 則 夏 IE. 長

> 之日 子 云 甲 E 日 也 從 茶 眉 夏小正》之遺意焉 後 武 周 耳。 子 薪 己 壽 昧 王 栗烈,三之日 樗 未 朔 而 執是 爽 冬至 始 也 七 日 律 食 故 月 而 發 曆 得 我 合」, 食 而 志 稱 丙 周 農 瓜 可 日 月 午 **>** IE 夫。」 以 則 于 焉 還 月 四 通《 以 耜, , 益 月 辛 初 H 師 其 周 則 春 斷 癸亥 發 卯 四之 正 以 皆 日 戊午 秋 壺 朔 師 建 見 夏 》之説 至 以 日 子 月 九 時 會 明 之 殷 之 牧 曲 舉 月 于 也 日 H 矣。 + 野 趾」者 爲 必 菽 孟 壬 觱 之附 用 宛 甘 津 辰 夜 發 月 夏 然 陳 戊 明 癸 IF. 則 有 采

以 以 月 舒 王 春 夏 IE. 日 建子之月 月 王 時 孟 ?,行夏  $\sim$ 正 子 冠 春 月 周 日 秋 也 月。 時 也 》受命 也。 春 謂 建 而 秋》 子 建 按《左 胡 改 非 子 安 天子 正 春 非 或 朔 氏 春 之事 則 易 傳 傳 魯 仲 \* 服 日 史 日 也 尼 色, 故 首 董 仲 謂 書 易 周 尼 春 仲 IF.

之實 正月 春 正 陰 也 霜 霜 春 秋 義 故 冬十有一 録,明矣。 之春正月 IE 百 陷 》何 則 書 不 和 通之,如 月 也。 昭公四 月「無 殺, 重 所 冬十 舛 四 乎 也 殺 居乎? + = ? 至 草 民 以 月,而 了明矣。 而 定 至 有 命 桓公十 但魯史編年 冰 于 爲 而 年 以 于《 李 年 也 李 仲 改 春 臣 元 然 月 梅 時 言 9 仲 梅 春 尼易之, IF. 子 乎? 王 則《 年 仲尼作《 事 實」,言冬有 僖 四年 陽 尼手 秋 且 朔 正 改正 冬十 也 春秋 公三十三年 氣 華 月 春王 所 行 經 紀 而 初 而 ,「大 一朔,罪 月 記 以》之春 是 夏 且 事 春秋》即 仲 協 筆 實 時 以 時 每 矯 正 削 至 尼 隕 雨 也 志 愆 誣 **令**, 夏 易 月「無冰」,志 則 霜 雹 仲 ; 歲 則 正 陽,終冬隕 時蒙時 十二月 上 之,是紊 成 殺 天子 僭也,《春 言 春 必 因 托 月 一以 天 菽 公元 托 魯 即 始 始 也 之事 陽 始 史 夏 解 于 實 爲 年 隕 夏 春 時 亂 凍 于 抑

《傳》 枵,以 不正 始 時 月 無 至襄 閨 以 周 西 故二十八 天官失職,莫考異同。 Ŧi. 久矣,定、哀之春秋, 冬蛙 月,則三失閏 來,王 災祥莫考而定 流 穀 冰、災也、梓 月,不告朔 正 三則歲 公二十七年十二月乙亥朔,日 建 不 "《傳》曰:「火伏 曰:「辰 已誣 司 有 登, 子之序定災祥 迹 曆 時災。」至哀 功不 年 過也。」火 熄矣,天王不頒朔,諸侯不 見 乎 春 在 猶 成,歲 人 慎 無 申, 之故 主 朝 矣。 夫 日 冰 棄 于 閏 司 功 八 非隱、 公十 也 廟 民 而 欲 則二十七年之冬也 曆 失 乎哉? 月 歲 不 後蟄 于是魯文公元年失 命 品 ,告朔之廢自公始 過 則 成 在 猶 然則 有二年冬十 也 品 也,再失閏 四 桓之春秋 星 則 西 者 以 時 紀, 流 百 魯曆 況 畢 則 周 不 I 周 亦 E 而 而 Œ 無 有食之, 之不 今火 紀 淫 奚 人 愆 矣, 視朔 所 矣。」 甩 其 在 有 于玄 春 必 猶 時 終 几 正 秋 以

謂 時 必 下以 也。 之衰 他 行 以 故 正 自 也 IF. 베 將 也 將 日 之, 者 始 天 見 神 庶 舉《 IE 時 告 王 董 首 四 亂 尼 也 績 以 撥 之 仲 其 明 時 書 有 顔 乃 夏 春 亂 屬 所 所 正 舒 元 感 隳 子 時 秋》之: 王 反 履 辭 爲 年, 先 爲 次 爲 日 而 見行 道 Œ 四 云 王 比 作《 邦 欽 也 時 王 一元者 事 · 王 其意 臻 法 爾 首 事之實 昊 , 之變 繼 春 。」使 見 斯 絶 天 天 而 次 秋 日 世 諸 曰 筆 撥 立 也 以 春 **%**0 大 仲 上 行 非 于 于 行 極 , 亂 紀 尼 承 春 春 唐 事 也,言萬 獲 繼 之 夏 二百 反 品 得 天 者 麟 秋 書 統 之時 首 Œ 虞 园 之所 邦 天之所 云 春 泯 得 之 四 一改周 之 以 家之任, 者  $\pm$ 絶 二,行 十二 道 物之所 夏 天 盛 爲, 正 乃 朔之 時 道 炳 互. 爲 月 盡 夏 終 年 舉 故 而 而 如

事 仲 不師 尼 既 古,克周之後,以 殁, 又 百 年 餘 而 孟冬之月爲 戰 或 迨 于 歲

> 之始, 乎孔 世 改 盡 況 之,高 日 周 也 月 秦漢之際 周 首 日 道之大 之矣。 冬 Ē 者 于 爲 典 : 得 常 至 朔 子言之 春 周 殷乎? 按《 火 繼 祖始 雖 改 ,行夏 因 德, E 爲 治 史記 源 年 白 漢 嗚 於 蓋 曆 月 世 出 秦 世 始, 人 呼, 殷 興 也。 元 時 者 況 以 秦 于天,天不 代 可 百 禮 盛 其 冬十 朝 于 始 周 復 知 太 有 暴 紀 殷 哉 道 孔 賀 所 皇 得 德 也 初 秦 年 子 月 皆 同 因 推 天 損 年 元 且 從 書 於 之作《春 爲 自 五. 統 益 而 年冬十 繼 變, 孝 然, 所 夏 元 德 歲 + 亂 董 可 定太 年 禮 武 首 不 終 月 道 知 子 而 世 冬十 勝 用 始 朔 者 亦 所 況 推 也 秋 而 初 方今 之 諸 月 其 不 損 非 于 明 曆,爲 户, 乎 運 儒 漢 甲 變。」又 其 周 道 益 之 以 ? 議 子 異。」 或 冬十 水 乃 興 以 乎 日 可 朔 始 綴 知 德 知 善 ? 大 爲

### 題張幼青弔忠母

侯諸 漓言 其 獨 璫 讀 官 偵 夫 且. 也,三代之所 大 工. 後 之,称 率 有 爲 卒 抱 杖 念 部 諸 布 憑 頭 殺 君 過 之 幼青諸生耳 人所不 幼 詩及《申 鼠 武 友 咋 天 子 而 青 嘘 一部時, 竄, (陵,年家子張幼青以舊所著《 生具呈 下, 所 弔 舌 難 竟 泣 作 之者,亦已 敢 以 坐 數行,若重起二先生白 非 理 則 時 言 直 兇焰大張,向 是 至 上官 復 舊 士氣 道 何 如 爲 道 勢 向 令周季侯冤狀》示 是 與天下事 益 而 路 響家所 時 請 已 行 1 寥寥空谷矣。 燎 不 文 以百 盡 也。」悲 敢 毛,方大索 人 夫亦 持, 偶 之同 即 弄 乃 語 海 柔 得 日 保季侯,上 夫 聲 内 能 免 翰 學 而 借 慷 [骨者。 于 生 黨 予,予 及 斯 慨 弔 幼 土 劍 方 活 禍 青 季 大 者 逆 淋 萬 民

> 聊 中 孔 云 何 以祭,識者知 文恭公爲諸 幸 以 啻 耳。 進 古 存二先生也。 徑庭? 宇宙 不 而 吾是以 足爲 窺 内 其 生 事,吾 其 大 幼 將 知 時 不 者 青重,好 來 幼青果不可及也。 凡。 聞 豎 幼青亦云。 分 楊 品 内事。」 立 視幼 椒 品 一, 事者 Ш 殘 青今日, 先 未 墨 願 生之 爲付之梓人, 可 數 幼 量 行 青 出 其 吾 更 一之笥 廓 先 識 操 鄉 正 力 眼 張 文

#### 題勤王紀略

遊 事 政,卒就吏訊 之義,力雖 公志益無可展,嫉公者因 者,有 江 湖 辛酉之役,天 間 徐 無 故嘗受知于公者也 不任 夢云。 ,遣戍去。 天下壯 玉 何 無 夢 公 而 中以 之。 慷 破家 其 慨 時 危法,權 會 殉 任 與公周 俠 時 或 事 日 以 仗 已壞 旋 璫 勤王 布 募 兵 爲 兵 衣

況 報 嘗 策 期 益 力 乘 袁 公亦 之呼 無 援 既 吾 勤 往 朋 賓 公固 得 第恐 一件情 士之常, 多 以大義 夢 領 浙  $\pm$ 友乎 客 無 旋 復 健 紀略 往 其 即 當 夢。 遠 以 卒 自 嘗 徒 不 以 謀 報 拜 持 六 此 矣。 讒 按 而 公事 步 相 不盡 無 爲 知 干 之,卒爲 去。 北 大 公 濟 走 友 償 夢居 己。 人,行 上 進 嗟 慨 所 人 公于九 坐 榆 用于公,僅 客 自 無 然 嗟 無 有 累 募 關 是役 恒 想見 古 何, 譁 談 ! 稍 士, 次 委 公地 慕要 謁 嘆 死一 者 無 邗 以 或 逮 也 縮 其爲 之。 甲 舅 夢 歸 得 詔 竟 調 離、 土 朒 生之 Z 大 結 濟 風 獄 爲 度 之 以 不 人,而 纏 即 吏 不 募 聶 義 于 榆 任。 遇 片言定 者 君 日 死, 然 袁 行 政 禍 兵 多 歸 之爲 臣 公解 之 中 書之。 間 且 或 人以 復授予 則 無 而 一借 且然 者 不 局 肯 視 士 隙 庚 無 之。 測 綮 之 猶 是 孟 夢 聲 可 而 癸

## 題楊椒山先生佚稿

以 之缺。 刎 彝 爲,稍異 蓋 篇 譜 四 序 通 交耳 前 報 項 相 影既 ,近始爲天台陳 也。 則 感,一 應 以 嘉 有 先 生 見 而 盡 禾 先 提 于 以 生 一。鳴 志, 贈 陳 行 生 前 牢 窺 時 在 養 子 于 文 H. 此諸 之役 先 知 詔 呼 虚 則 世 集 書 生之微。 己 獄 公者其 梁 之《譜 亦不 若 木 之誼 公之下 而 時 朋 叔 干 其 贈 緘 友 搜 卷 佚 過 提 子 **\***: 云。 滿 如 石者。❶ 夫養 録 舉 不 牢 椒 及 紙 此 付 傳 其 日 Ш 比 獄 淋 梓, 虚 子 況 者 職 先 吾 部 中 漓 與 因 尚 君 分 應 地 而 以 生 手 先生 臣之際 至 之 莊 得 養 先 補 佚 下 著 所 不 生 必 誦 全 若 虚 稿 當 有 難 集 秉 年 公 傾 數

● 「諸公」二字,原漫漶不清,據全書本補

知

其

人,并借以

請

事

焉

者

則

梁

友

也

子

雖

未

識

面

觀

此

將

以

示

天

下

學

士大夫之求

辱

與

(予交,

大

問

序

于

子

而

子

生之言

亦

口

以

憬

然

矣。

則

梁

者之弗喪,

則

亦

何

以

得此

于

賢

天之所以 也,而 道之分明, 物,不 者乎? 所 害之際,以 在 惡 忠義光天 其所好, 爲 心 好好 欲 臣 有 推 者 獨 虚 與我者 所 古 爲 甚 其 歸 耳 士: 忠 木叔 説 之 于 欲 可 可 誦 在 壤 也 賢 乃 先 死 如 爲 觀 有 之日 其然 拳 典, 猶 社 以 弊 不 致 無 義 老 尚 得 鞅 格 有 倉 也 然移民 王 有 有 如 倉 今世 掌 其 道 善 乎 子 餘 鬭 也,當事 井 人樂苟 而 ? 爲 嘗 先 婚婚 于 力 而 迁 小者也,質之三代 田 乎? 移粟之陋習,而 心 此 感朱 也,不 講 嫁 聲 則 議 封 者 者 坐 生 直 不 請 建之不 社 子 一民之饑 鰓 能 説 作 之謀 倉 手足是念, 以 而 社 給 鰓 者 止 責 後 倉 是 諸子,其諸子之成 補 齊 日 之 事 可 世 法 垂 救 渴 吾 之 復, 率 以 規 「今天下三空四 絶 爲 ,苟幸目前之小 後世 儕。 法 鮮 何怪 而 限 日 而 己 爲 也。」 能 擁 爲 年 夕之便,孰 荒 饑 譬 且. 行 耕 肥 民 畜艾謀,空 政 渴 其 之父 視以 之。

者。」

此

亦

人皆有之本心

甚

于

生

者。

死

亦

我

所

惡

所

其

素,卜

其所養,又推之見

先生之言心也

必

試之

死

生

利

知

本

矣。

孟

夫子

Ė:

生亦

我

此

而

先生偏

有

以

完之。

宜其

之前

俗之

弟

爲

悌

在

朋

友

爲

信,蓋

事

日

古今,稱

本

朝

有

數

人

乎

吾

乃

知

先

生

之

心

如

萬

斛

源

泉

隨

地

湧

出

無

處

不

遍

滿

在

子

爲

孝

Ŧi. 九 Ŧi.

自

殖

必

立

者

母

衰

然

乎

康

盡

爲

創

生

日

餘

之法

者

?

夫

有

月 善 盤 厫 導 之民 前 者 權 事 以 當 得 或 而 口 無 息 之次 各得 請 捐 輿 者 日 爲 事 請 幸 以 以 得 即 之 厲 者 或 子 再 多 某 漸 弛 首 金 可 捐 貸 往 慨 爲 聽 持數 甲 以 征 而 錢 捐 乎?」予 賑 賑 歲 然 以 魚 之首 某 司 不 進 隨 百 若 甲 議 鱉者 · 得 典 此 日 持 時 而 豐 金 干, 有 戌 子 賑 守 嗛 糧 請常 事 爲 吾 隨 之十年之久, 因 遠 心 欣 計 者 嗛 黨 斂 以 吾 賑 以同 約 謬 者 至 近 發, 然 去 而 遂 越 無 平 皆 縣 計 乃 輿 大 贊 狼 縣 弛 志 尚 于: 以 幾 粒 人 其 起 情 厥 戾 其 水 不 罹 今日 若 若 剩 也 米 情 事 者 輻 而 担 謀 災 敢 干 干 有 又不 西 洶 又 凑 私 之民 而 强 以 爲 諸 年 人 餘 南 無 洶 貯 賑 而 隨 其 某 權 爲 郡 君 糧 得 本 進 法 需 事 有 轉 處 不 請 帶 子 逐 中 子 之資 漸 之 母 置 甚 某 下 乃 會 或 于 年 義 相 赦 瀕 有 歲 當 是 倉 于 萬 而 交 友 倉 進 勸 不 反 江

> 義,將 連 岌 恐 義 患者乎? 錢一勺之助 是諸君子之明 口 西 一,而 岌 較較 也 觀 銘 ),合千节 矣, 》之指 之乃者家賜 上 膜 慰 亂 日 · 萬 之外皆胡 今者倉以 父 自 不 早 人 與 母 吾 遠 德 乾 以 江 之懷 儕 與 且. 水 爲 人 海 垂之世 給 溢 義 義 越 人 等 也 凡 名, 之勞,不 人 無 誰 地 知 是 量 方 以 與 知 世 有 救 或 合 也 解 乎 而 利 得 千 其 吾 相 此 無 今天 而 少 兄 萬 蓝 什 者 窮 弟 人 不 恃 白 而 其 之 以 下 即 知 恤 乎 以 干 顛 爲 胥 其 有 ? 無

#### 賑 嵊 緣 起

盡 今,死 民 矣。 菜 色, 季 亡 春 流散、 有 時 有 不 白 諸 忍言 之狀, 君 馬 子 Ш 者 房 相 日 之會 顧 異 蓋 嘆 而 自 息,若 月 偶 去 不 秋 及 同 鄰 不 身罹 登 嵊 勢 , 災 痛 岌 岌 于 其 而

衆 諸 己。 之有 制 君 所 涓 故 幸 社 于 莫 飽 官祭如 前 ·費 爲 事 有 壞 子 濟 中 是 友 滴 捐 此 存者 Ė 遠 倡 既 耳 力者任 而 之 帑 而 隨 必 計 設 索之枯 議 金 輟 民 所 近 計 金 博 敝 洗, 其 口 手無 傳 會 雖 如 沾 常平,常 求活 爲 願 且 以千 召 然 之, 語 之, 奈何 微 子 亟 衆 粥 力 魚 商 息,亦 顧 大 爲 士苟存 以 稍 而 揶 于二三措大之手 之肆 金 一錢,而 ? 轉 將堯 子 商 平不 之。 稍 終 揄 行 糴 食 日 之 難 聞 無 相 小 也 舜 餓 : 祁 庶 之,王 得 嗚 心于愛物 已,請 其 康 勸 販 其 欲 者。」予 幾 而 呼 嵊 事 世 之道 而 請 以 猶 米 培 議 卒 方 ! 民 如 平 生 以 病 身任 侍 借 舉 集 死 乎 昔 思 糴 付 吾 矣。 爾 口 一,于人 猶 販 者 事 御 而 分 吉 之 以 年 博 儕 四之一 有 價 垂 至 世 天 半 請 慨 虚 士 大 西 或 平. 盡 日 借 菽 業 必 聽 邑 樂 然 大 江 願 日 矣。 之 諸 有 之 之 夫 爲 販 鄉 官 而 而

悉,不 吾黨 歸 揚 大 亦 不 然。」 大實爲 之 德 愈 可 諸 今 意 得 下 大 再 以 日 大 矣 而 具。 相 夫 士 報 斯 又 與 又 紳 成 舉,將 顧 議 踴 倡 事 子 授 安 躍 ,至今一方之民 吾 思 餐 知 行事 爲之嚆 往 儕 前 斯 者 ,其條例署之金 徽之不 相 其 天 與 爲 矢 樂之役 仰 救 也 可 承之,不 荒 歌 繼 之 聞 樂只 郡 乎 策 者 ? 如 過 邑 愈 日 頗 則 推 苦

#### 蒙求句解引

蕩 亡子有旋反之喜,豈不 伺 井 而 之樂,而 其亡之未遠 安之,且 漸去其家,既 有 亡子者,日 招之使返者, 爲 終焉之計 而 招之,主人 而 與 益習 里 中 大幸? 矣。 掉 其 敗 臂 所 無 類 客之 勿 遊 辛苦之勞, 此 旦 顧 有 風 性習之説 相 也 習 示 土 設 以 人 爲 鄉 情 而 流 巾

足以 言 德,有 古 談 雅 趨 子久矣,語之以 爲巴人之聲、 餘 小 鮮 也 《蒙求 而 未 其 子 ~,猶 或 稱 則 而 有 通其夜 遠 意 之? 俚 ^ 不 始也,因倣古人小學之意 知 大聲 數數 以蒙 呕 易 陳 未 中 知 其 者。 呼 之家 遠 **>** 語 初 事 之 將 而 師 亡子之義 疾 其 不 非 也 氣,而 族兄遵 繋蒙 出 遂 不 學究之語 教授里中, 呼 塾 初也。 雅 啻《 道 之 知 無 不 雖 非俗 以 偶 也 立發其鄉 肺 所 而 得 然,彼父兄者業已 簫 晦氏 佐句 焉。 腑 用 不信,告之以 人于蒙者之耳,如一一 君 韶》之可聽也 Ш 之間 或 吾招 耳,安取于《蒙求》者 一古朴 子 念流俗之敗 下 談 讀 然間 一二父兄視之,以 偶 言 則之,以 出 所不 乎? 井之思,未 泉, 微 演爲爲 以 有 與之會心 速,其 中 行 語今之人, 涓 聖 有 誼 而 果 涓 賢 身爲 彼 詩 自 建 蚤 得 行 (之格 言 可 其 歌 後 鼓 而 之。 猶 知 心 + 生 謝 或 育 清 而

> 吾里 也 庶有 無 窮之意 僧子 也 弟 而 并爲弁其首云 追亡者,此 又遵 晦 氏 嘉 惠

#### 大宗世業引

其贍族 之人思 世 禄 子。 自 貲, 積十 不 予一人事 公, 競,乃 一烝當 不孝 先世及先太淑人紡績之餘,終亦 于朝,以 亦得 不 予先 之半。 肖 不可言 以 ,敗吾家 始 餘 稱大宗。 世吾、 也。 本 世 退 年告竣。 有今日, 自 小 而 子 宗 大 家 支 猶 營累 也。 少 并 也 子 而 可 則 而 進 書 則 其 言 子 世 而 嗚 必 有 之册 先 復 呼 也 烝嘗 降, 世 而 志 世 敗 荷 吾 援 之計 未 贍 頗 祖宗之祐 業。 以 吾 宗 吾 嫡 竟之箕裘,皆 八 窺 周 族 近 示 相 遠大 口 以 祖 向 後 并 有 傳 者 敗 不 及贍 敗 贈 時 皆 中 忝 能 之者 所志 吾 以 司 後 先 敵 遺 族 年 竊 馬 至

# 何若,而幸有成事者僅如此而已乎,

稽

縣

荒

政

引

如 君 富 平. 載 下 遂 有 夫 Ħ. 而 不 其 非 之 是 爲 子 口 壽 如  $\mathbf{H}$ 三王 ·欲壽 民 情 宗 以 情 政 必必 者 古之天下 即 日 矣 豐 勞 者 周 也 而 有 厚 肉 此 民 稱 衣 居 亦 善治天下 三王 水 之 而 而 之? 足 恒 勸 師 井 通 早 而 刑 食 私 相 其 天 田 而 生 IXI 不 家 慨 則 意 之意 下之情 思之 獨 荒 故 之 水 生 者 其 雖 而 用 而 日 今之 聖 因 何 已 而 含 平 也 夫 不 之而 井 矣。 人 所 以 情 康 不 惟 傷 世 養 《易》之象 不 病 口 而  $\equiv$ ; 如 之, 已。 諸 載 而 語 可 得 王 人 安 所 行 ? 魄 不 日 則 知 情莫不 得 謂 謂 窮 于 者 : 今之 人 天 視 將 使 人 井 今 人各 下 民 古 數 必 日 也, 欲 情 之 天 誠 井 富 太

喜 蓋 漿 豎 時 傷 會其 以 賑 其 竭 當 轉 施 如 命 皆 争出 應以 載 家 吾 其 事 鄉 人 雖 蹶 槥 徙 更爲之設 里 貳 人 人 之 者 道 好 從 者 收 日 吾 儕 父子 有 胥 衆 姑 姑 行 屬 事 預 之, 士 鄉 其 賑 士 日 獨 其 三老, 分 未 爲 庚 大 私 ; 半 大 相 而 疫 巡 相 徙 爲 已 德 辛 暮 夫 禾 法 夫 所 告 取 薪 而 君 慰 几 也 間 而 日 日 全 也 補 其 感 藉 病 郊, 子 畫 連 期 議 賑 綱 則 活 手 值 助 者。 者 之 上 地 遭 遠 會 紀 儲 又 數 日 今年 以以 以 亦 恥 官 扶 而 大 粟、議 粥 至 焉 之。 踵 錢 有 不 焉 久 品 持 德 祲 爲 窮 庚 日 終。 春 施 之 下 無 之, 意 嗟 計 粥 辰 Ш 朝 饑 而 其 丐 萬 里 通 不 來 僻 議 者 口 上 蓋 人 無 萬 餓 應。 應以 商 民 户 而 相 而 期 官 之 不 切 自 計 且 議 嗷 食 給 養 矜 聞 又或 傭 餓 會 歲 粥 死 以 者 嗷 法 平 朝 奮 焉 之益 首 者 夫 當 是 殍 諱 夕 糶 壺 又 賈 用 死 期 又 委 賴 元 mi

書

情之必 謀其 即 機宜 于下 乃者 遂 父 時 泣 欣 時 養 古 夕 乙 母 時 以以 痛 有 有 其 上 乎 曰 摭 日 人 當 兄 定 其 起 家 王 鄉 而 君 迄于 消 迄 倫 思 「哀哉 諸 事。 事 弟 色, 政 往 己 然而 吾以 子 萌 于 焉 諸 痛之情 矣, 大夫亦遂曰 之選,相 妻 事 之德 兹 相 杜 有 子 大 而 書 不容 民養民已矣,非 與 蘖,大者斧 七 非 成 會 夫,自 無 不 一之成 月 扶 能 風 何,有 稽 仍 吾 能 已也, 與 晦 擕 也 嗚 以 周 儕 聚 册 同 監 有 吾 呼 ! 而 侯 閔 何 而 鄭 秋告登,一二孑遺 心 司 望 養 ! 斷 尤 第 以示 閔 人 自 相 共 鄭 俠 工太平。 也 以敏 患 如 有 性 贵 告 濟 細 公 不 能 我郡 無 之 今 偶 能 者 也 而 君 才練 如 日 以官養 以 善 日 然 啚 111 下 則又 子 主 也 勞 人,侯固 于 乎 也 哉 涵 而 以 識 伯 無 ? 來之。 是, 舉、 感 爲 也 受 與 亞 語 動 不 侯 其 欣 鄉 其 侯 成 旅 極 中 M 不

> 之簡 日 : 此 爾 鄉 後 事 之 師 也 0 宗 周 遂 受 而

### 易經古文抄義引

《易》。 《易》。 微 部, 書 第 以 知《易》道者談及古文如是,予因心識之, 語 語 輩 講 也 舊 去, 也 勗 與 非 予小 義 本亦 然亦稍 子 謹 不 今文 後 子 先 年 中 封 復 先 生 彈 生 + 子。 歸 識 迥 理 射 每 四 生 小 先 藏之笥 能記 異 前 脱 子 子 不 五. 舊 生 子, 語 遺 略 時 小 所 存 孫 憶 力,則 章 子 少 中。 遺 能 而 行 從外 \_\_. 句 時 先 唯 書 知 讀 生 焉。 唯 日 以 子 獨 止 先祖 竟 之, 而 久,既 亦 因 己 攄 得《古文易 已,不 不敢 長 及長,予 意 念 所 又不 南 逝 硃 見 ^ 洲 而 易》 并 從 書 識 識 聞 時 先 附 于 人 爲 道 其 取 爲 生 前 之 問 前 竊 畫 精 硃 科 何 受 何

淵 學 大抵 之下 贊 脱 棄 萬 從之也,而 《易》,雖 次,爲 文 仰 不 京 必 自 自《易 图 師 更 稿 口 視 去。 念 取 一, 敢 加 本 1 校 聞 日 間 蓋 羲 居 而 先 詳 訂 正 ,念及父師 越 謂 存 四家之旨 輒 外 五. 稱 者 生昔 始。」 定 月 易》、 姑從 六十年 使 子 舉《 邸 遂 疑 述之、隨爲之援筆 焉。 而 婿 小 能 何 義 年 易 歲 頗 爲文《易》、 成 子 王 其 讀 敢 若 所 亦 炭以 與 帙, 時 生 犂 先 理 如 之 有 復 乃《易》道 友 竊 口 之可 然,猶 每 毓 **遺**,不 人 知 對。 題 授者 忘 閱 人 蓍, 遺 日 之 能 其 論 通 封 書 也 大 日 未能 爲 而 勝 所 古 太 讀 者 識 哉 憶 門 之大, 周 遺 衰 立 先 愴 極 今年 陋 古易 先 輒 以 竟 《易 書, 之説 絶 種 廢 而 祝 人 低 至于手 存古文之 舍今文 遺 種 潦 記 春 則 × 叙 抄 遂 所 П 生 倒, 之, 夫 開 義 爲 其 覺 罷 不 遺 不 子 而 美 敢 抄 古 舊 則 孔 位 語 能 官 請

著 卒。 不 授《易》時 不 傳。 無 向 學行 挾 存 勝 之河 年已 高 心 古 以 南 爲 出 七 新 十八矣,後 尚 士 鄉 俟暇 林 郭 祭酒 氏 日 改 壽 不 其《 至 復 正 九 云 擕 易

十二

而

先

生

歸

遂

解

有

#### 王堇父廟制書跋

者 蓋 朝 太常 曹 則 以 太 常 役 韙 予 也 時 補 所商 洪 太 已告竣久矣。 之,卒爲禮 答 友 言之,會有 常 人 其 桂 問 揚挖 所 渚 也 王 之堇父,將 堇 不 先 王父《廟 逮 古今甚核 今上 生 以 官 議 可 成 所 登 不 爲一 所 持。 事 以 制 極 佞 以 阻  $\forall$ 代 猶 處 比 而 者 會 告 書,蓋 追 獻 鴻 臚 不 廷 于 亦 皇 猷 陳 維 佞 臣 我 竟 扼 者 四 承 集 不 令明 后 寢 疑,尤 甚 腕 乏 祧 佞 而 郎 正 廟 未 此 欲 官 議 足 儀 果 舉 書 踵

時,而 智助 明不 至于 孝思 佞之口 明良 能 朱 待 有 來 之言終不可廢,他 自古嘆之。 言之,而 日 寸莛之叩,不佞且 得 百 德 感 漢 舉 焉 之于不佞,君 懋 年者耶? 此 勷 世 作 而 愈引 不幸又以 ,史册 ,當時已有 之日 出 合, 而 行 時 逮 語 獨 之, 不能用,至今以爲 待 臨 愈 獻皇之稱宗 稽 世 愧  $\overline{Z}_{:}$ 書 伸,一 御 其 廟 子 岩 之, 考王給 齷 古 之 人 禮 之 升祔,給 不 託 嚴 詆 臣 日 定 初 而 以爲 時 無 有 朋 禮官輩失之,豈 其謬者 卓 堇父以 樂 制 興 虚 廷 諫 能 舉 友間胥 然 之難 積 美談 善 人 懷 臣 爲 而 之建白,得 有 事 百 訪 繼 將 廟,始于 役也, 行 不朽,視昔人有 ,特肅皇帝 中 年 故 光 缺 善 落 順 之者, 失之,冀 乃堇 乃 王 典。 前 之不 述 有 Œ 治遂首 興。」亦 予因 千. 人 君 之其 今上 二那 推 所 臣 父 暇 無 其 竟 謂 載 子 尊 垂 堇 是 臣 崇 自 父 友 畢 聖 昌 謂 以 重 必 憲 不

> 亦 餘 以 幸 誌 矣。 予之素志 故 紙 在 笥 云 漫 書 數 語 于後遺 堇 父

## 芳齋公三世家乘跋

賜 守之弗 樂。」 心法。 我 焉。 里 風 也 美,至「居安思危」四字,尤足以 之克孝克 一,行 蒙業 劉 亦 ,其忍忘之耶? 浸 宗周 我 鳴 氏 則 以 失,亦 凛凛 祖 而 呼 我 、裹糧 偷矣。 宗 友,素菴之善繼善 述 安者,之久而 子孫,一 我祖 乎 遭 芳齋 居 可 盤 家 以 則 語 盂 三世事狀,不 不 弗可 永 絲 荷 夫維 造, 曰:「生于憂患,死 几杖之嚴,後 保 戈,出 家聲 詳 父子兄弟 忘之也,至于今,宗 栗, 有 矣。 前 述, 萬 何 于 日之憂危,而 死 莫 若 覺 無 見 可 非 之人 間 肅 恙 謂 遂 祖 生, 祖 間 然斂 宗 安 世 宗之 以 歸 于 苟 昆 相 濟 而 安 能 惜 其 容 延 萬 傳 季

孝 修 哉 後 未 尚 西襄 墓道 之豎 思 方 有 有 如 頻頗 復 異 今日之豫 祖 此 也。 日 于 足補 訓 更于三世 , 允光 斯。 之衰微 具 兹崇禎之戊 昔 在, 大,亦 按 世 人之遺。 安危 後之 司 德 墓 馬 前 惟 云。 公固 君 倚 各 有 子 辰,公孫 伏 今日 時 列 有 有 之機 翁 石 繩  $\equiv$ 年 之豫大, 几 世 武 亦 已八十矣 而 玉宇翁 墓表 之思 表 誠 題 可 而 然 重 其 畏 即

## 芳齋三世祀典跋

遂 不 祀 惟 齋 之不 安, 能 其 有 宗 私 劉 不 再 子,而 自 衷于禮 之也,故 氏 傳 處 親 而 郡 而 宗子 素 城 所 疎 并 菴 者,以 者 由 芳 亦 則 來 齋 勢 遂 二府 芳齋 矣。 而 失 也 私 9 其宗子之職 君 之,遂 爲 族屬之降 而 以 鼻 使 後 祖 無 不復 私 有 之矣。 也,其 傳 乎 知 芳 享 而

> 特立 子 之。 周 口 疎 ൬ 不 之間 以以 滋 不之强 戚 歲 肖 祭 此乎 時 居 百百 田 Ė ,示芳齋 ? 恒 世 將 塚,三大支或分或 有 如 劉 若 感 氏二 日 有 于 日者 專享 此, 百 喪 ,宗子主祭之法 因勸 年薄惡之習 前 祭從 大 芳齋宗子之後 合, 先祖 以 姑 稍 府 聽 則宗 稍 其 君 也 挽 便 祔

#### 素菴忌祭跋

芳 周 于 祖 日 而 、及于 之謂 情 齋 近 下 閱 斯 于 ,皆不廢忌 忌 劉 故 也。 有祭,志 窮 曾 氏 相 于禮 祖 沈 亦大宗也 子 及 龍 以 祭, 哀 ; 事 于 江 窮 也 蓋 先 其 高 于 亦大宗子之禮 父母, 生家 祖 禮 君 而 傳世 子 轉 法 祭法 有終身之喪,忌 自 無 窮 既 父 可 于 遠 母 自 推 情 廢忌 然 其 矣。 而 及 始 然宗 與 久 祖 于 窮

芳齋 之日 子于 素菴 也。 素菴 之; 涣 祫 也,夫大宗 矣。 Ħ. 之情 芳 也 齋 而今也,合之, 宗誼之涣也,莫甚 乎 猶 惟 此又傷之也。 遂安芳齋之不忌,固 即 ? 使 素 世 稱 前 則 菴 高 大小 合享,以 也 日之忌祭改 曰 : 之子 舉 祖 而 宗子 兩 己 易 忌 孫 得 在 世 甚 補 祭 無 者 自 孫皆得 所 議 盛 從 弗 已, 乎 桃,不 今日 而 于素菴所分。 舉 祧 前 替。 爲 不特在 請 也 之缺 時 主 與于祭, 小宗子 俟 祧 0 昔 祭, 祭者 諸 素菴 然 憾 也 今日 素菴 則 由 之禮 而 各 以 亦 世 素 何 矣, 言 今 禮 議 房 伸 菴 居 世 也 忌 意 君 然 分 合 及 祧 于

#### 明德淵源録跋

亭翁 劉 翁 氏 秉家 祀 典 軍 政 頗 政 立 皆 紀綱 有 爲經 始 自 久計 先宗 見 長 前 敬

> 惟馨。」 其事 念昔 復不 歲足 孝思. 志 避 周 此 世 色,付之 베 愈 豐 將 家之淵 惓 竭 以 憲 恤 以 殁。 竊 禰 則 蹶 公 加 惓 之嫌 故 毖 取 怨德 祭 從 供烝嘗 序 剞 雖 良 祀 題 之。 舊 既 之, 庶以 源 中 經宗 劂 用 章 殁 燕 之 如 以 收 憮 1,而若 享 久之,始 ,用是宗周 + 日 此 以 繩 是 族 周 而 然。 ^ 之, 餘 時 貽後 示 合 輩 明 已 書 族 年,今宗 涣 軍 日 稍 德 暇 日 人。 世 前 産之日 人,使無 其 以 爲 淵 可 : 日 祭 經營 不 義 不 源 垂之世守矣。 通 取 首 黍 腆 敢 産 則 長 録 舊 載 稷 之産 忘前 不 尊 有凌替者 翀 忘先緒 **%** 猶 體之愛。 本, 家 敷 祖 非 宇 未 是 告成 馨 乘 敬 日之緒 更爲 翁 公 及 宗 録 益 具 慰 嘗 明 事 也 追 宗 亦 引 潤 德 見 翁 用 而

及宗 誥 請 去。 被 士 封 甲 異 也 周 下 一,起宗 之資 命 帝、 報 乎 從 得 凡 者皆 闋 既 是 至 爾 唐 恩 應 哲 以 京 此 自 榮 而 年 選 周 謁 朝 皇 正 當 宗 先 與 儀 秋 世 京 先 儀 選 官 八 帝 拜 曹 周 録 宗 디 曹 朝 慈 行 是宗 需 册 京 相 改 請 者 官 郎 官 并 周 人,詢 次 光 繼 告 立 朝 誥 而 被 例 大 周 録 貞 禄 坐 官 御 需 而 貤 得 釋 恩 皇 派 廢 極 之當事 是 贈 次者 于 而 褐 以 數 命 帝 晉 時 我 録 八 宗 是 矣, 赴 之 于 爲 肾給 尚 年 先 登 周 官 用 驗 萬 最 者 東 又一 寶 不 君 極 之 先 先 封 曆 異 宫 赴官 少 覃 朝 日 日 譜 期 之 司 者 則 異 卿 恩 : 遺 覃 特 辛 即 以 異 也 數 凡 補 逸 應 恩 内 連 爲 丑. 會 數 比 也 官 之 宗 貞 新 題 補 逮 艱 殿 何

考,官 普 銀 非 恩 清 考,有尺 尚 遘。 服 子 贈 兆 覃 恩 僕 命 官 之 我 恩 臺 又 朝 璽 官誥,于 少, 天 邀 終 者三 伊 先 曠 如 錫 此 無 儀 非 給 被 周 未 宗 夕 蕩 大父母 寸之績 曹者 滿 異 日 及三世 還 任 種 以 命 周 閲 于 是晉 考不 矣。 數 舊 請 種 褫 去 天 不 月,官 也。 + 語 或 異數 奪。 臣 道 告 肖, 浮 貤 贈 一之身、 而 閱 品 子 有 尤 且. 沉 及宗周 封 我 方 後 不二 月 官 亦 京 爲 起宗日 實 稱 知 先 推 候 如 兆 特 行 官 惟 異 未 + 考妣 恩 此 命 之, 年 雖 者 恩 人 勳 數 周 任 我 年 干 外 自 間 阨 得 祖 旋 爲 今 之 之 派 云 僕 所 或 以 于 會 載, 兩 考積 者 中 奪 職 品品 京 皇 生 或 小 畢 生 册 載 幾 帝 或 旋 兆 在 慶 勳 倘 世 前 而 间 V. 而 餘 德 覃 階 登 制 子 告 必 而 又 并 而 几 俟 東 累 載, 恩 極 待 不 不 臣 且. 給 旋 河 又 邀 遇 宫 慶, 及 必 滿 覃 之 官 加 追 京 又 起 新 覃

蕺

Ш

先生

集卷

<del>-</del>+

孜,以 其 愧 其 謀 惠 乃 所 獲 而 Ì. 能 數 敢 矣。 表 伸 以 我 有 身 不 乎 11 徵 見 祖 于 行 幾 燕 自 哉 庶 即 矣。 身後 考 數 道 于 翼 勉 其 之 起 無 子 冗 焉 夫以 揚 靈 全 顯 如 0 徼倖 員 忝 名于後 不 揚 而 摻 我 所 下 弱 及 生 之 券 躐 僚 生之義 祖 植 此 之, 無當 然。 級 考 如 世 E 全 有 宗 ^ 蚤 至 捧 而 詩 以 焉 周 而 有 則 爲 燕 誦 顯 > 歸 宗 翼 今 清 日 居 温 父 之, 周 是恃 日 孝 : 時 恒 綸 母 信 雖 所 經 碌 日 貽 可 不肖, 棄 碌 宗 有 厥 非 心 爲 日 滋 信 孜 周 孫 徼 顧 靡

#### 書管石峰卷

禄 趣 超 石 非 然 峰 荷 遠 先 而 引 生 已 急 不 世 急 流 急 勇 觀 退 于 其 榮 意 與 進 其 秋 不 江 胸 規 公 中 書 規 雅 有 于 利 概 邱

> 之,予 勉 矣。 順 禄 軸 雜 啚 口 而 之。 不及 寶爲 讀 詩 書 想 亦 試 之 藏 數 見 將 非 問問 卷 于 時 慨 大 於 泉 秋江 先生 先 訓 而 行 然 德 石 生 樂 想 · 宜 相 隅 膏 家 出 所 見 傳 肓 父 人 哉 何 樂 其 其 阨 通 子 爲 聽 後 何 爲 于 津 間 遐 其 X 事 人。 子 問 哉 遘 子 ? 炬 家 從 弓 其 而 無 孫 其 僅 非 冶 得 長 日 抽 先 玄 此 築 焉 之, 物 繹 生 孫 書 華 不 而 德 表 年 數 所 行 光 非 隅 可 踰 章 通 至 矣 **慰** 作 受 利 成 惟 耳 并

### 贈朱綿之進學解

之 郡 綿 之嗒焉 倅 以 下 進 子 取 不 亦不 見 不 敏 商 輕 與 失作 啓 近 綿 例 仕 之 語 許 進 共 意 輸 學 階 粟 自 有 親 爲 得 H 暱 明 也 多 每 經 慫 朋 高 恿 日 聚 可 間 謁

之教 越數 千言 既 好 必 學古之道,有卓然不惑 私 事 日 之學 綿 乎 謂 各 且 ? 之也 日, 子 遂矣,予 商 ,意未嘗 必無宿 勿再 所 日: 始 綿 而 疑 計 以 印门 之 「今日<sup>×</sup> 綿之其可與進 子 諾。」 榮 矣。」予 不 Œ 以 日 言 利 在 大 前 : E 之會 綿 諄 聞 解 事 敬受教。」 得之忻 而 之也 是背 諄 之曰: 日: 綿之忻然在 于 ,綿之當 于 内 義 于學矣。 馳 「已矣。 子 外 然。 綿之默 利之辨 也 明 輕重之辨 方 不至矣。」或 日 居今之世 有 曷 默 座,諸 朔 奉吾子 亦 意 而 覆 友 從 于 者 己。 聖 數 友 所

羶 酪 然 必 也 厭 菽 足 之不 藉 粟 彼 而 予聞之,君子之于學,如饑渴之于飲 飲 **\$** 後 充 菽 己 如 食 腹 始 西豊 粟 者 西豊 漿 亦 知 漿 矣, 既 前 向 人 知 而 者 而 弗 稊 猶 稊 9 而 稗 御 未 稗 之不 旨 有 醴 羶 且 濟 漿 酪 飽 如 于 在 之果 焉 菽 饑 列 渴 粟 弗 至 而 也 于 與 食 弗 如

> 綿之既 其 近 菽 不 曾 于榮 耳。 舉, 法 也 前 人 口 而 後 焉。 趣 日 克 粟 點 П 又 在 則 棄弗 異 暇 用 不 綿之既 、醴漿之爲美,而 而 躋 利矣,請 我 战 漆 反 軌 智足以 日 諸 不 心 知 頰 雕 不 飫 者? 取 偶 ,所爲嗒焉 可以名言者 顔 味 間 如 開 且 知 書之以示 終 耶 冉 從 稊 己 飽 及此,而 綿之勉之矣。 斯 其 聽 ? 蓋 見 稗 而 不 道 誰 其 大 進 子 已, 之大、 進道 羶 枵 不 信 意 焉。 是 終 同 將 之 酪 致 第 腹 庶 及 以 棄 志 之難 ? 患其 可 以 性 幾 如 毋 知 而 以 夷 語 死 飲 使 此 其 分 綿 弗 夫 考 濟 雖 應 如 猶 不 之尊 食 後之進學者 道 有 之之 學 顧 其 然 能 此 者 己 必 者 成 亦 自 時 進 所 必 津 幾 況 之 若 記 有 矣 必 世 之急 學, 于人 有 津 觀 有 又 乎 期 有 是 獨 有 其 ? E 谁 ? 知 終 于 加 領

### 書王生伯含扇頭

其脉也;又試之夢寐之交,以卜其安也。 之蔽,以矯其偏也,又試之意見之似,以清 試之流俗之衝,以防其溺也;進試之氣質 之:「志立而學半。」蓋言其難 中請益,予則 斯可與言立志矣。問:「所志何事?」曰: 閱此數關,更有何事?」請以商之素中。 伯含雅有志于學。 何以 益伯含? 日, 偕其雁行素 也。必也首 雖 語 有

# 劉蕺山先生集卷二十四

**淮 南 賦**有序

賦

詩

朝暮 父子 狐 狷 匡 良。 一時 鼠 特之資,鍾 之門間。 縱横 君 ,其大節辨辭 淮 先生官大學 南 臣 誄 振 之教。 衣冠 清 亡友也。 時沈四明、錢給舍等朋邪亂政, 恥 明之氣 與 受出 筮 於塗炭; 同 仕 朝 亡友劉静之氏,稟 遂 京 處之幾,而躬 ,苦心慕古,矢 謝 學,量 病。 桑榆 會先生大父年 移 崅 辟 逼 行 慰慰 雍 誣 志 篤 图

之憂, 傳 令白 亞 河洛 曰: 歸 嘗著《離騷》若干卷,藏於家。 分門户云。 固 以清議自 高,念孫不置, 頂 古今《易 屠蟠之先 不容,謾 忘年友也, 呶呶者切齒先生輩 也 踵 先 「吾平生鮮不 風 日 0 之未 而 徒使憔悴 生 懷 》説 節 終身。 無光。 先生學宗朱子,亟慕本朝二先生爲人云。 任,不容於宵小,遂被讒 病亟,令介弟扶掖坐起,坐 謂 瑜 而惟 行 ,推演象數,玩 幾 報。 清 因決意歸 瑾 誼 先生欲講 流 出 沈、錢去、餘氛未浄。 而 静之氏者, 行 隱 抑 淵 於正者。 可 奮 吟、托 不 寧去。 亦 源 濁 塵 違親 心高明 羅 學 埃 求 死 離 河圖、洛書之藴,因哀聚 庶幾優游素業,玩 會讒邪 問, 之 處 幾罹 免 峰、鄒 而倚之,非 中。 遯不繋尾, 云。 騷 跡 江 不 稍 以 郭 耐 湖 啓手足以 倚,復令正之, 之交搆 網。 忝 見 會東林顧 先生於顧 有道 慨 而 吏目之 志 紫陽 正 自 方 懸 也。」恨 5, 先生 是海 之 見 正 廊 先生 先生 幾 流 黨 申 之 之 廟 全 鳴 内

操; 矣。 君 家 嗚 實, 朝 呼 爲之賦 往,不愧 命及門而 居凡 呼, 子惜之。 1 何朝 學古好 敬質 静之氏 爍 者 八 野 將 哉 年 孤 公評,擬 之殊 來; 修 ! 嗚 卒,年三十有七。 友 乃 英 呼! Ш 清 召 年 無 焉 千 陰劉宗周 標 起 忝 登 秋 上 爲 第 所 文中、 振 誄以 私 有 兵 生之義。 俗, 謚 托, 服 部 哀 日 貞 彌 也 職 官 意 貞 死,名以 耀 大用 堅 方 在 修先生。 古 考, 司 允孚既 不二之 斯 未試 主 有 乎 前 事 之 著 後

兮,清 啁 我 越 流 夷 曠 浮, 啾 來 0 行 世 亦 淮之南 流 悼 有 役兮,宿 而 賈 在 大江 處 相 眸。 傅 濁 兮淮 感 一洸洸 之痛 世 兮,有美人兮同 草 緬懷古之人兮,汨 而 Ė 角 兮,信宿扁 哭流 不 樓 抽 滓 兮,若 孤 涕 孤 城倚兮落 兮, 鴻 舟 著 飛 擊 儔 去兮, 帽 祖 羅 慷 與 迥 楫 沉 慨 暉 披 風 之 悲 怨鳥 而 愁。 裘 中 塵 鴖 歌

> 兮,麟 操。 兮, 以 朋 柱 慨容容之多福 以 夢彼蒼蒼兮,夫孰能 天之罔酬。 兮,惕震 長轡於魯、鄒 遊。 維 先幾兮,謝 蟬 騫 缺 脱 何回、 孤 泣 折 爰委贄於明王兮,托 兮, 隣 鶴 鳳 兮,嘆流轉於神 以 於 振 誳 既人道之反復兮,亦陰陽 蹠之仁戾兮,易彭、殤之短修 躬 冥 芳 奇 兮, 憂。 篤忠孝於君親 鴻 洲 蘭 服 訝 於丹 蕙 而 辨 履 白 遡 先 逾 其 九 邱 淵 璧之招 遒 摧 州 薰 地 源 兮, 6 蕕 而 張 於 暎 蘋 8 兮,履信義 跼 荆 羅 尤。 閩 冰 怨復 藻 蹐 棘 網 壺 神聖不 以薦 洛 兮, 叢 秉介 之 於 怨兮我 兮, 抽 之 戴 藪 寒 作 皇 石 於 雜 澤 駕 玉

<sup>「</sup>雜操」,全書本作「愆疇」。

<sup>「</sup>夫孰能辨其薰蕕」,全書本作「上下千秋」。

<sup>●「</sup>叢抽」,全書本作「栽收」。

<sup>「</sup> 嘆流轉於」,全書本作「泛泛」。

夫子之謚,允矣貞修。 身後之名其不没兮,⑤靖彼彭澤,康 世 矣 嘆,稚子低頭 風 思兮,悵往來之綢繆。 飛 子 庭 莫收。❷ 何 群 乎 爲 怒 以 於蜉蝣,庶使我 草荒稠。 求 ? 整 生之擾擾兮,孰如子之得 而 翮兮, 兮,今徒 颼飂。● 曷 乃瞻 行 不 復 自 觀 几筵, 忽離 行 我 化 腸 酒澆墳 使 兮 不見,於今已 心瘳兮,無藴結以罹 於無 歸 群 我 載 日 休 以 托 哭載 後千百年兮,尚考信 而 聽廣陵之濤波兮,陰 土,③劍掛 生之始 分 念。 魂 九 投。 夢 醻 迴兮,淚交頭 昔 以 兮?● 週。 望 肝 悠 IE 梁塵委積 天末 松楸 腸 悠 而 此 北 涕 黔婁。 無說。 堂浩 等 而 淚 將 身 E 而 相 雙 與

#### 知命賦

學,因述賦以 謝 時。 有取於其志云。 客 歲 不 惋抑 佞 卯, 罪戾 無 自 初 聊 間 餘 勉 度 生,奄 五 輒 言雖 旬。 有 慨 焉 春 不文,識者 於先 回 日 疾, 懸 師 弧 積 知 命之 扃 有 亦 歲 或

以 條 和 風 以 地 感大化之循環兮,陟 天兮, 沕 穆兮, 迓淑氣 敷萬 彙 而 昭 於 章 勾 時 芒。 序 惠 於 風 青 律 涣 中 陽 陰 太 崖 簇 暢

●「波濤」至「颼飂」,全書本作「杳渺兮和山陰之淒愀」。

了交頤而莫收」,全書本作「汪洋以交流」。

「酒澆墳土」、全書本作「獨東玉人」。

「無生之始」,全書本作「生死之籌」。

「無蘊結以罹憂」,全書本作「且以爾魂幽兮」。

無就兮,孰是死而不朽兮」。「念群生」至「不没兮」,全書本作「伊何人兮,得正而

之一 兮,滋 之積 當 告 伸 兮,豢神 靉 剡 靄 褰 陳 恍 予 撫 乍 而 生之 兮 帷 去 暘 靆 眉 膻 詞 予 惚 良 垂 朝 兮 斚 以 以 雪 Ш 垂 而 辰 而 靈 , 天 之 綵 從 兮, 嬰 舒 兮 初 不 破 而 而 龍 根 東 霓 SI 君 度 自 改 疾 增 林 祥 豎之缱 於 於 又 錫 微 皇 曳 兮, 於 持 化 疢 臯 躑 悵 沚 溷 爾 Ш 泉 旌 兮 瑶 兮, 兮, 兮, 忽 躅 之 之陽 仙 沼 騁 之 以 動 轟 御 島 兮, 寂 綣 羲 人 以 曾 難 時 擁 百 石 雷 車 寞兮, 分 兮 馭 世 里 駕 老 龄 翹 不 孤 溜 玄 於 其 停 齷 來 日 之 言 衾 缶 挾盧 首 知 以 先 時 軌 龊 何 融 鳥 中 以 代 出 日 于 漎 起 蟄 輕 暮 而 融 壽 兮 子 道 徬 謝 曲 扁 遊 漎 春 陰 兮, 芒 不 以 玄 緘 徨 夫 何 房 以 以 興 芒 移 我 麗 鶴 亦 素 敢 星 載 用 予 徜 有 於 蓋 沕 懽 景 於 此 載 家 霜 乍 美 嘆 祖 乃 徉 清 沕 兮, 兮, 薄 餶 鬒 靈 人 苦 輾 樊 腥 雨 狂 奈 然 剡 靄 霧 浙 籠 俎 以 忽 意 髮 雲 而 蕺

之光 兮, 之 酡 風 以 吸 鸞 兮, 歌 友 薇 逋 秀 扶 枚 西 上下 兮,和 闌 伊 藿 仙 就 咸 桑 窈 生 兮,步言旋 望 以 鈞 挾 之 之 窕 兮 服 俎 池 王 天響作。 弧 -兮,流 怨 攀 兮, 舞 肴 梅 兮, 侍 驤 以 母 芍 矢 七 莫 核 萼。 若 罷 爲 玉 而 藥 以 左 御 發》 怨兮 從 朝 木 醴 女 致 丹 於 厲 而 孔 奇 興 問 發 横 以 兮, 兮, 以 舞 雲 蘭 詞 少 武 翠 盡 服 子 兮, 武 予 超 靚 留 翟 芳。 兮, 和 兮 而 炊 以 歌 規 陵 軔 乘 麗 載 洞 獻 朝 神 右 軒 驪 指 血 以 兮 於 啓 攬 燕 陰 兮, 玉 酬 悲 鸞 霞 楚 哀哀 駒 大 桃 東 欵 陶 軫 燕 兮, 排 交 凰 以 以 椿 薦 海 源 令之 之 欵之丹 莫 兮 朱 錯 爲 閶 佩 非 拍 綺 千 差 兮, 兮, 闐 哀 顔 咀 置 長 粻 舞 絲 歲 席 柳 兮 池 闐 引 採 夕予 渥 瓊 劍 非 而 華兮, 以 於 誠 鳥 嚶 兮, 赭 首 英 蒼 之 覲 商 竹 束 雲 飛 夜 嚶 陽 之 以 刻 龍 陸 至 鳴 脩 房 啼 分 之 微 獨 帝 训 邓 摘 於 和 離 容 蜿

之 終 兮 閃 物 洵 慘 投 遇 阻 放 禹 於 而 岳 往 遯 於 光 我 實 老 前 待 蒼 之 於 桐 1 洚 事 網 爰息駕 質 爲 坑 於 争 烹 愈 年 怪 生 席 不 流 以 恢 兮,子 分 之 以 權 分 以 世 儒 江 利 爲 而 推 恢 耀 不 都 之 輿 致 兮, 胼 繼 滔 П 求 於周 以 垂 兮, 幸 胝 重 實 冥 滔 頤 疎 强 何 · 胥 玄 大 華 兮, 若 兮, 讀 兮, 昔 侯 其 憑 流 忠 道 聽 何 之協 斧 ^ 黨 策 陶 不 湯 易》 抑 於 日 日. 人 而 霹 天 錮 謂 唐 髡 返 忽 事 世 脊 乃 九 抉 文 帝 靂 諸 明 於 人 氏 滑 兮, 飈 之 主 京 眸。 脊 破 並 兮, 之 涪 君 良 以 之 風 稽 多 之 斧 以 罹 哀 之 煌 震 之 神 之 水 亦 而 多 神 聽 舛 紛 以 患 吾 駢 疊 煌 兮, 聖 怒 不 嘲 野 湛 蹇 楚 也 安 糾 於 道 兮, 首 兮, 號 兮, 作 孟 死 熹 湛 也 狂 周 出出 之 兮, 兮, 兮, 兮, 於 投 董 聊 幸 之 以 申 何 人 屢 荒 蒼 蓍 禍 意 賈 歌 烈 儆 以 無 生 相 終 迨 木 邱 昊 造 寫 缺 尤 亦 生 廢 鳳 孝 光 尹 7 而

子 悲 秦 兮,遂 之 憤 予 鉤 以 兮, 蒼 雄 鯢 首 於 庭 子 轡 遺 之 以 梧 泰 童 歌 出出 流 心 而 而 發 、蔡之 兮 短 響 純 於 鏡 之 倏 址 之 湘 岳 夜 夙 乘 西 渺 修 兮, 之 嘏 燕 百 忽 兮, 流 駕 不 白 次 桴 代 0 渺 總 然 我 浩 平 覆 之嘆 於 虹 解 求 兮,一 唐 兮 以 馬 轉 我 Ш 以 擁 社 貫 雍 吾 靈 馳 如 與 石 分 111 几 欃 子 於 咄 邱 民 市 藥 於 騁 隅 新 鹿 沉 槍 乃 維 妃 日 金 之 帶 以 指 兮 兮, 於 以 其 以 鞭 胡 閱 皇 下 蹈 藴 臺 蓬 何 掌 飄 南 揮 何 都 風 堯 爲 魯 之 洒 衡 隆 物 兮, 瀛 似 飄 州 斥 雷 舜 鬱 連 哀 駿 而 涕 岳 以 兮, 兮 兮, 其 之 八 宋 弗 於 行 而 想 馬 嵳 傷 泗 出 故 極 壯 帝 東 從 叱 歷 皇 極 漢 躍 中 没 於 以 墟 覽 分 咤 海 麗 發 龍 迂 亦 王 雲 土 出出 北 兮, 兮, 兮, 兮, 乎 易 之 之 泉 藉 步 燼 薰 掃 州 封 荒 轅 壽 遺 之 壞 於 水 於 及 風 駕 封 鮙 辭 兮, 夏 之 鲎 周 化 凱 蜀山 禪 天 按 鯨 晄 孤 嫲 帝

之靡 匪 心 壽 斧。 蟠 兮, 遘陽九之奇數。 遡 於 陰 骸 徑 湖 亥。 動 而 忽 之 子 陽 以 悵 遭 夭 以 不 歸 兮,將息駕於畏壘。 懈 於 息。 兮,吾 滓 生 麗 玉 時 日 蛇 互 尸 來 快 欲 彭 兮, 之 乎 汝 冉 步。 解 兮, 遠 侮 以 以 殤 冉 兮, 渺 總六合之外 閤 春 懷 集 將 抱微 訪六 兮, 噫嘻 負 仰 其 闢 渺 未 而 歸 故 視 稽 何 兮, 無 君父之生 改。 兮, 洞 尚 年 彰 朝之文采。 樂 所 造 之兮,托 四 死 同 華 君 於 誇 哉 止 時 物 兀 生 既雲蒸 於尼 子 往 儲 中 内 兮, 環 蓬 兮, 浮紫. 於 之 古。 精 兮, 州 成 以 垢 日 天 望 蜉 孰 父。 行 於 而 兮, 爲 於 暮。 超 地 氣 而 崦 涉 素。 偕 蝣 知 遵 紀 於嚴 龍 無 擴 嵫 三江 其 罪 良 五. 亂 於 海 榻 兮, 彼聖賢 變兮, 始 其 以 朋 景 敢 故 朝 日 兮,謝 以 壑兮,三 爲宇兮, 不 千 前 辭 靈 而 過 露 以 我 無 尼 贵 修 於 復 根 凌 建 矯 兮, 極 以 天 Ш 齊 棋 泥 勵 通 形 Ŧi. 業 皭

> 方兮。 委命 不 兮。 邪 得 作 含真 大 志, 元 化 道 争 葆 亡兮。 狓 順 素 猖 行 ,中煌煌兮。 兮。 藏 功 兮。 利 厝 日 火 修 騖 積 身 伯玉 薪 以 世 態 俟, 知 將 狂 非 罹 用 兮。 殃 乃 庶 兮。 臧 讒

## 皇祖〇念祖以砥修也

支牀 淪 胥 以 慘 亡 靡 慘 愛 菅 有 匪 屨 愴 生 可 几筵,祖 靡 以 憂 履 匪 霜 考 死 皇 纍 皇 喪 纍 心 雞 骨 可 以

共 如 是 饑 祗。 皇 藐 祖 子 躬 日 慎 不 咨 閲 無 答 遑 疚, 我 無 孺 恤 我 子。 私 貽 如 疵 夙 子 興 如 夜 遺 寐 如 松

風 峻 用 忽自 皇祖 惂 德 南  $\Box$ 北 咨 譬 彼 動 答 曀 日 我 陰 子 孺 智 子。 當 鮮 日 汝 不 而 杜 爲 蝕 門 僻 以 譬 作 彼 慝

不 而 矜 团 達釐 磯 皇 祖 維 日 淵 咨 毋耘人之田,而忘其饑 · 答我 維 岳 維德之 孺 子。 基。 子 心 毋 匪 失 石 尋丈, 曾 是

先民 石 以 是 扶 謬,子方徘徊。 有言,惟果 羸 皇 祖 子 日 有 答 答我 藥 確 石,不 是 資 取道 孺 0 子。 可 不遠,有覺者誰 以 子 起 有 死 粱 灰。 肉 不 非 ? 藥 可

作聖。 泯 神定。 皇 不 祖 於戲 顯 日 咨 爾 神,及 答 不顯,立天之命 我 爾 孺 視 子。 聽 敬之 神 敬之,克 以 知 幾 念

存? 豫而 皇 我聞 祖 貞, 厥 日 爾聲,不見其人。 答 ,答我 德 日 新 孺 子。 神 之往 維 子 矣,何 有 神 有 儼 何 而

惟 將 潛 爾 影 是 帝 祖 監。 ❸ 臨 日 咨, 咨我 孔 威,及兹 知 孺子。 爾 一,不 毫 纖。 爾 知 心 爾百千。 載 之 疚 興 載 惟 寢 出出

皇祖曰哀哉,肆皇天不禄,降爾荼毒。

弗 大 命 恤 其 近 (孚,於 止 先 食 祀 有 隕 福 殰 惕 孝子 用 憂 慈孫 懼 黽 俾 勉 爾 令淑 彌 爾

皇祖九章,七章章十句,二章章十二句

性

如綫斯

續

# 酬别長安友人呈于參政張副院

傳 壯 杜 門 驪 心 唱 吾自老,驚看 重 弱 憶 ,落日浮雲滿 柳 + 千 年 章 病 瑣 東 岐 鳳 帝州 樓, 路子何求? 髮 誰 春 先天下憂。 風 送 客 卻 不 教 勝 交谷 消 愁 盡

- ■「惟果確是資」,全書本作「操心是要歸」。
- ❷「爾心」至「毫纖」,全書本作「我年逾耄,亦孔之填。
- ❸ 「將爾影是監」,全書本作「無影不憐」。

## 河干别諸父昆弟

肄。 敬 裔。 不停,執 蕪 天 把袂 酌 潞 涯 學 酒 手 河 仕 苦 别 三五 濁 一淹滯。 愧 昆 如 相 朝 一行,骨, 季。 醪 視。 簪 去 9 此 肉 去 學農 路 奉 勗哉臨岐心, 多真意。 孤 已 諸 足家 帆 可 父 繋。 行 知, 世 守 相 田 春 拙 浮 袁 將 風 百 雲 性 嘆 水 爾 去 荒 之 月 所 在

**過 張 灣**張從壽寧得名,新有李尚書宅。

簫 何 夾 岸 鼓 處是,不堪新説李家邨 枝 張 日 紛紛 家 枝 渡 楊 柳 口 得 垂 灣 意 歸 如 春 織, 來 烟 休 猶 緑 論 帶 水 貧。 五. 朱 侯 門 色。 П 望 首 不 張 畫 極 灣 船

## 陽穀道中辭春六首

客路辭春春可憐,客心愁對草如烟。

憑將景物留春色,每一路楊花燕子前。

簪 及早 病 客 寧 傷 非 春 計 歸 · 不趁東風嘆 便 休,6 滄浪 白 曲 頭 棹 扁 舟

抽

· 「此路」至「所肄」,全書本作「不恤長者言,後生猶意

◎ 「愧朝簪」,全書本作「吾不成」。

●「浮雲」至「相視」,全書本作「流浪歲月擲,忠孝媿門

「歸來」、全書本作「罷官」。

⑤ 「景物」,全書本作「雙鬢」。

「病客」,全書本作「老去」。

「抽簪及早寧非計」、全書本作「從來擬得

「野水」至「閒身」,全書本作「憔悴江河惜問津,布帆「抽簪及早寧非計」,全書本作「從來擬得休官計」。

無恙繋孤臣」。

可憐陽穀城西柳,不是青青帝里春。

故 鄉 留 放 得青 浪 浮 梅 生 熟,烟 未 有 涯 雨 0 邨 邨 薄 刈 言 麥麻 春 盡 且 還 家

可 令歲 春 月 人 隨 桃 流 源 水 許 . 避 秦, 任鶯 武 陵 花綣主人。 舟子是前 身。 2

黄 石 不 青 知 峰 何 人 處 望 是? 初 如 沐, 教人指 半春 點穀城 前 作 山

#### 旅懷

家 姊 或 弟 水 恨 憐 遥 春 ,悠悠萍水嘆仳離 多 深 飛 淮 病,客子 無 海 柳 闊 不 垂 千 江 堤 湖 Ш 問 暮 撲 路 合 簸 迷。 楚 征 雲 衫 何 低 落 事 燕 天 兩 泥 涯 牽

## 湖上贈别丁長孺

萍 天 宿 草 目 水 秀 占 空 春 7、欲將 星 埋 潮 聚 金 夜 簡 夜 雙劍 共 恨 泊 歷 臨 倚 冰 孤 巑 安, 霜指 梅 岏 猶 客 歲 帶 思 寒。 玉 連 人 朝 南 看 酒 望 禁 相 寬。 逢 峰

#### 山居即事

春 到 落 病 花 軀 風  $\equiv$ 細 月 細 裌 衣 曉 寒, 披 仙 高 藥 卧 露 袁 漫 安 漫。 帶 雪 窮 探

「放浪」,全書本作「狂半」。

0

- ②「武陵舟子是前身」,全書本作「乾坤投爾乞閒身」。
- 「可令」,全書本作「不知」。
- 「青峰入望初如沐」,全書本作「北來山色初如黛」。

輸陋巷,息肩應指白雲端。❷ 吾道只今幽勝憑黎杖,自數行藏付鶡冠。● 吾道只今

自慰時有亡女之痛。

西 彭 家 牕 殤 餘 苦蕺 月 生 避 是 幾 世 幻 堪 曾 度 塵 誇 徘 轉 甑 管 憐 徊 掌 濯影 幼 兒 安, 憶 女 寒。 明 糲 雙 珠 同 穿木 餐 悔 夢 4 榻 蘭 多 3 膝 情 如 最 己 盤 識 愛

#### 答弱弟書

孔門 西 周 逢 夢 方 四 鼓 + 徑 都 瑟,不聞 行 餘 付浮雲過 吟 生 獨 半, 倚 曾 病 欄 杏壇 點 返 6 更 林 彈 臯 春 冠 晚 魚 節 鴈 東 難 報 周 平 出 自 安。 昔 處

# 和楊龜山先生此日不再得吟示學者有序

矣。 蹉跎 而 太息者久之。 日 和之。 得 日 不 而 歲 此 可 再得吟》者,予以 客 日 言 華 歲 名 不再 是味 動 ,門人有索予《 忽週 相 京 得 將 也,蓋 遂命門人歌先生之詩, 師 星 去 ,古人豈欺 以 鳥, 來 陳 爲 病 搔 白 而 龜 謝 和 首 沙 往 Ш 筆 楊 先 我 而 者 復 墨 龜 哉? 追 生先之矣, 已 出 ,未果也 Щ 往日, 不 先生 予豊 喟 可 無 追 此 然

- 風 窮探」至「鶡 流異 代冠 冠 全 書 本 作 山山 家 消 息 無 人 問 王
- 掌憶明 息肩應指白 珠悔 雲端 夢 蘭」, 全書 全書本作 本 作 「客 百百 有明珠 年 何 物 解弄丸」。 E 眉 攢

幾 轉 憐 度維 兒 女糲 徊 濯 影 同 餐」, 寒」,全書本作 全 書 本 作 清 却 影 教兒女事含酸」。 華胥濯肺肝」。

6 「三徑行吟獨倚欄」,全書本作「春去憑欄十二干」。

時 亂 寧 其 和 翼 之,於是 僅 人 已夏 乎? 復 私 命門 白沙 四 乃千 油 然 人歌之,予再歌 哉 既 秋 而 望 ? 興 舊 將 案,拈 漂灑 有 然 爲 有 起 者 先生之詩以 以 重 亦 新 自 若 得 是矣。 龜 也 Ш

1

月

傷。

道

喪

復

千

載

吾與

點

也

狂

秀, 剛 時, 糠 級, 光。 訣 莊 中 爲 奏 。 ③ 朱 慮 猿 節 矧伊 勤 萬 生不 農 生而 物 顔 狙 短 以斤斧戕。 哲 法 心 夫 懸 鬭 浪 不 人 持 蟪 丈 追 雨 射 彼 警 可 登 春 关子, 往 蛄 耕 四 蒼。❶ 拊 芳。 長 塲 心 哲 值 隴 方。 髀 所 中 麵 死 人道立陰 千 花 決 亦 行 懷哉 用 與 復 婦 此 金 有 月 夜 行 何 乾 慎 狐 朱 須 玩 握 起 少 衣 不 採 狸 獨 臾 徬 搏 與 朝 且. 與 臧 陽 桑 章。 藏 徨。 翟 命 黍 夕 壯 食 ? 9 拱 食 膂 豈 刺 獨 六 宵 日 神 發 雨 璧 昃 聖 稟 籍 虎 力 無 書 暘 硎 肆 奮 悮 塵 造 各 無 恤 婉 不 非 試 犬 卞 真 再 方 戀 粃 絶 光 物 流 有

> 羊。 航 法 教 致 乘 中 尼父援空空, 儆 虚 . 啓 逞 荒 龜 雄 與 Ш 强 亡。 氏 4 後 顔 少 龂 先 生 壯 齗 秩 誣 不 洙 天 坐 努 泗 常 忘。 力 間 老 乾 閩 遂 大 **\$** 惕 洛 徒 指 西 悲 葦 方 1

寄 懷 李 懋 明 兼 呈 王 止 敬 李故 以 御 史 按 浙 請

内 察并落職 者 也

歸

,今年内察外

推

而

王

亦

以

御

史

出

僉

浙

臬,

横 金 作 去 翰 年 何 李 桓 公 桓 初 罷 淮 官 陽 不 今 薄 年 都 復 尉 起 權 行 省 出 垣

<sup>0</sup> 節 物 懸 彼 蒼」,全書本作 及時稽 蒼蒼

<sup>2</sup> 稟造 物 秀」, 全書本作 類 固 靈 萬物

膂力悮 方剛 全書 本作 坐 一
候
膂 力剛

遂令」至「雄 强」, 全書 本 作 遂 流 夷狄法,竊命中夏

王公解 心 從 般,●一日快 心 中 地 愈閒 懷報 外 寬 安,奉 羨 3 或 才難 浙 猶 鞍。 職 相 辛 怏 無 胡 與怡 酸 頗言 歸 狀 公 掛 鳥 不 然樂考槃,君 東西 世 冠。 臺 投 路 端。 磻 南 多 青螺白 溪 北 巑 竿。 城 敢 岏 狐 辭 鷺 恩 時 艱, 社 自 秋 浩 乎 言 鼠 漫 浩 感 恣 臣 會 漫, 逢 天 慨 故 般

題 百 福 衣爲冲倩叔兒

出聲 衆 喤 喤 法 孩 合 且 成 啼 嬰 ,爲兒説 兒 衣 法知 法 不 良 解 知 長 嬰 兒 則 機 學

爲

裘與箕

吴興道中

吴楚東南勝,憑虚攬洞庭。邨邨桑柘

萍。 罨 沃 畫溪 岸 白 岸 年 荻 看 蘆 意 青。 氣 都 子 付 夜 畫 傳 溪 孤 汀。 唱 丁長孺家 清 流 逐 長 斷

#### 酬崑崙叔勸駕

桃源 東山 墨 一榜歸 鳴聲 路 何 久 卧 似 已默,不 看 兼 報人間 兒 葭 輩 招 聞 隱 别 北  $\equiv$ 篇 獻 有 極 天。 足 新 清 猶 班 饑 全。 誤 叔 如 嘗 壯 病 守楚, 相 年。 兀 逢 如 未 若 止合 幾 禪 問 坐

「恣般般」、全書本作「力不殫」。

「敢辭艱」,全書本作「惟所摶」。

「時乎感慨心愈閒」,全書本作「公心不禁灰如寒」。

● 「相逢」至「有天」,全書本作「相逢莫問瀟湘路,幾度

蟠桃笑洞天」。

序

事 者 真 明 郡 鍾 稱吏 窺 見 夷 里 官 雪 飄 則 云 猶 事 近 山 也 之。 隱 飄 霽, 人 自 蜒 Ш 子 悵 有 道 蜿 於 有 家 得 時 然迴 輒 減 亭, 或 上, 而 如 蕺 凌雲之氣 命 元微 子 既 郡 龍 1 Ш 即郡 車。 駕 君子 何愧 而 佳 大夫泰符公以 爲 Ш 之,暇 登蕺,上其巔,倚 訪 採 予每 北 大 氣 識 1 逸 也。 蕺 郭 夫 蔥 其 少之遺 時 心鬱。昔 所 從圭 勝 爲 望 不 昔華 風 處, 重 賦 終。 郡 日 一寶 建 **^** 即 大 風 採 人 踪 歆隱 晴 間 夫 乃公固 流 呼 王 杳 蕺 亭而 望見 好 官 時 小 逸 儒 居,走 > 詫 以 不 或 蓬 舍 少 雅 嘯 懷 得 可 花 萊 勝 倚 故 治

上山採 留山阿, 被 截下山日午 蹉。

雲蘿 欲 叩 陂 獨 鍾 É П 去道 門 右 首 雲 E Ш 。 ③ 不 窩 舞 白 我 軍 婆娑, 不 見羊 0 雲漫 0 遺 间。 俯 鍾 跡今苔 漫多, 與 臨 山 九 北 何。 萬 鳴 秋 郭 井 琴 莎 雲 鶴 止 如 先 0 聲 中 唳 星 生 留 相 摇 仙 羅 寤 清 蓬 吏 林 和 也 池 蒿 脱 柯 悠然懷 歌 浴 是 爲 佩 载 駕 處 我 孤 珂 鵞 少 洗 亭 Ш 古山 經 耳 窈 旌 高 停 過 兮 干 之 標 驂 清

# 大柳客店見高存之題壁慨然和之

清 言 馬 首 唱 盤 西 Ш 風 去 衣 滿 月 塵, 在 松梢 喜 露 來 在 茅 筠 店 見 伊人。

爲

誰

洗

耳

清

雲蘿」,全書本作

一爲

我

洗

耳

穩

高

卧

<sup>●「</sup>孤亭高標白雲窩」,全書本作「碧落無塵新亭磨」。

<sup>「</sup>悠然」至「苔莎」,全書本作「足躡山蕺跨山坡」。

<sup>「</sup>衣滿」,全書本作「撲面」。

#### 金陵懷古

夾道 閶 賦 闔 離 黍 長 萬 大江 楊 年 ,衹今弓劍倍堪思。❸ 横 開 樹 小水引 據 帝造,衣冠六代返民 壯 南 晴 垂 春 0 太液池。 北 控 中 彝。2 原 往 采 事 石 烟 無 奇 浮 煩

#### 經梁武墓

下 馬 獨 空 尋 山 梁武 落 照 碣 日 斷 陰 晴, 文無復記 古木荒 臺 荒 城 流 水鳴。

#### 咏 姬 僕

高 公 我 死 聞 殉 義 封 僕 疆 有 僕 高 永 義 亦 事 與 在 封 河 疆 西 重 禍 洶 爲 洶 臣

> 東方破 滕陽之命 挈家 死忠僕 職。 滕陽 貌且 骸 經,凄凉官舍奴子俱。 三日許,手執笏板 辭,李子守務堪 姬公僕,節概稜 甫 畢 室。 與 贵 越 令甫 無 魏 死 門人,横 鄒 先後誅。 賊 豎 義,綱 嶧。 黄 兵未 峙。 堂 下 車 别 妖 揮 稜若符契。● 來 常 賊 至官輒 術 君 駕 , 涕 身 萬 縣 慟 黨 不 尊 衣朱。 古同 堂 哭 呼千 記 相 魏豎 守務 索 巡 擁 前 顧 逃,紛紛 縣 城 幰 多 者 百 之名 遂 再 符。 視。 城 姓名附 縮 鄒 群 白 以 拜 己 城 蓮 頸 滕 何 不數 闔 所 於滕 縳 虚 如 印完, 賊 獨 門 慷 **\$** 至 見絶 傳 彰 丞尉 乃 慨 不 賊 空 倡 復 義 收 誅 從 城 雉 亂 命 有 廟

<sup>) 「</sup>横據壯南垂」,全書本作「飛據秣陵奇」。

②「閶闔」至「民彝」,全書本作「王氣萬年開日月,文章

<sup>) 「</sup>篏概稜稜若」,全書本作「死義之事如」。) 「衹今弓劍倍堪思」,全書本作「天王久矣狩攘夷」。

恥 之日 身 烈 雖 輿 擬 知 高 其 水,堂堂 城 皂? 荷 磔 形 E 勁 少,功 臺 愚。 生 裂 容 草 卿 道 不 勝 名 筐免, 傍 食 如 正 名重, 我 遼 福堂享 盡 取 高 築 人 猶 0 氣 陽 今一 是 侯 官 之 芳。 京 封 垂 熊李竄 平 捷 與 禄 與 忠 觀 疆 壽 風 日 書 民 王 分 大禄 義 小 霜 考。 扶 只 視 膏 生 人 小。 吏 起 奏 彼 血 憂, 分 白 要 雖 大 高 都 完 换 願 年 \$ 板 古 見 各 有 参軍 堂 印 得 終 節 蕩 青 爾 近 爲 彦。 太 到 功 識 義 來 史名, 其 巍、李侍 平 今 無 此 死 忠臣 官爵 高 主 留留 錦 僕 算 安 千古, 心 贵 衣 得 此 多 非 能 數 世 能 凌 疾 縋 死 郎 身 靦 閣 風 空 爵 城 及 廉 何 若

何

似

未

#### 歸 興 滁 州 道 中 首

顔

活

坐

幾 陣 寒 鴉 待 臘 殘, 石 尤 風 健 旅 行 艱 0 0

> 穿雲去,❸ 欲 隨 舒 春 雪 信 色 早,烟 不 看 問問 秦 南 望 嵐 Ш 如 馬 與 醉 帶 北 碧 松 Ш 峰 聲 環 度 2 楚 歸 便 當 梅 乘 柳 興

1 處 爽 還 1 Щ 無 端 妻 ? Ш 堪 歸 約 舊 并 興 時 食 擬 風 事 先 陶 月 真 寄 教 潛 成 緗 穉 避 計 縑。 子 世 日 解 嫌。 清 抽 華 簪 今古乾 俸 4 亦 廉 年 坤

#### 官 梅

點 Ш 梅 翠 蕊參 帶 星 差放 移 0 6 乍 晴 慰 光 鄉 轉 心 陸 近 離 頻 江 留 春 客 隨 夢 浪

- 0 殘 石 尤 風 健 旅 行 全 書 本 作 還 東 風 竟 日 路行
- 2 峰 全 一書本 作 「古滁」。
- 穿 雲 全 書 本 作 歸 Ш

8

- 抽 簪 」,全書 本作 學 撝 謙」。
- 參 差 放 全書 本作 珠 璣 錯

悲。隴頭人已斷,好寄一枝誰。

初訪雲門用正韻

風 御 松 雨 筆 頂 待 夜 高 五. (,●獨 雲 秦 棲 望 深 孤 誰 令終古 處 鶴 穩 指 問 溪 瑶 桃 證 京,六 源 流 無 到 時 生。 武 照 寺 陵 野 名 ? 花 存 明。 燈 半 影 有 長 空 僧 明 題

## 同洪溟上人天衢弟登秦望

天 老 鳴 門 僧 琴 上 飛 雨 猶 欲 帶 靐 到 溪 Щ 望 流 光 採 雲 迥 紫 霞 芝仙 翠 信 絶 手推。 客定 開 壁 干 分 頻 尋 明 來。 鳥 洗 0 道 出 不 П 小 知 蓬 身在 杖 萊 錫

#### 贈王聚洲年友

逢 數 東 點 屈 下 子 兄 望 天 `, |-還 門 涯 在 誰 浪 居 · 萍 破 跡 何 産 去 似 水 匆 故 交 西 匆 鄉 情 歸 中 命 變 若 服 不 影 同 任 韜 投 光 若向 傭 託 冥 瀟 晨 鴻 湘 星

#### 贈吴元水舊寅

疑 牛 下 巖 真 連 廊 人 滄 未 自 海 可 天 湄 問 際 邱 有 邂 壑 氣 逅 懽 如 逢 相 虹 故 知 垂 積 恍 精 陰 然 光 破 隔 誇 微 世 斗

- ■「燈影長明」,全書本作「一點琉璃」。
- ❷ 「定頻」,全書本作「何怪」。

曜 時 天 地 開 久不 光 儀 作 0 珍 群 重 龍 泉 IF. ·與 翶 翔 雲 施 貴 及

#### 壽健甫兄七十

賁。 諼。 疎, 湲。 載 絶 袁 下, 轅 清 急 佩 清白當 奕奕清 以 大 蹭蹬 猶 我公正 吾家 氣宛 尤避 難 芷 思價 此 憶 襲 呼 衡 世 世 通 芳 在 共 同 譽 電舉, 人 轅犢 出 籍 明 途 蓀 援。 原。 遵。 根。 騫。 處 德, 久 時 完 終 雙 後 忠 示 聲 當 時 遞 相 壁誰 輸 鬢 我 先 孝 其 子 光 日 期 傳 遡 逸 如 書 推 義 尚 紹 諸 歸 風 與 紳言。 季昆。 駕 淵 霜 疎穉 所 波 祖 子 肅 倫 繁。 奔。 源 姓 穆 在 夷 烈 珍 墨 貞 相 多 遺 千 如 鴈 居 誕 抽 守 澤 重 不 戒 愧 里 奉 行 啓 恒 簪 失 與 守 中 始 指 雖 流 璵 近 失 司 心 與 孟 俗 田 晏 足 南 稍 潺 馬

> 璠 詩 温 加 千 4 神 3 載長 勗 老 氣 哉 成 如 氤 忠 日 朝 孝 氲 云謝 暾 6 思 先德 尚 届 兹 有 留 典 縣 根 型 弧 存 痕 日 玉 公年 願 色 舉 清 南 視 昔 Ш Ħ.

## 還 山 小 咏四首

北 剩 有 望 天 丹 晚 心 年 垂 懸 斷 落 出 鴻 拜 日 鴈 徵書, 南 仍 隨 征 澤 流 來 己 水 往 虚 付 匆 東 匆 安 渠。 只 得 歲 烽 Ш 中 烟

- 「天地開光儀」,全書本作「大手霹靂隨」
- 「雲施」、全書本作「惕躍」。
- 「玉色清且温」,全書本作「俯仰乾與坤」。
- 引。 「願舉」至「氤氲」,全書本作「願言舉一觴,悠游賁衡

6 4

高卧穩? 夢回塵慮盡删除。●

深 時 上 艱 深 書 自 裹 何 忍 日 信 日 卻 濟 終 癡 昃猶 和 心 感 氏,前 别 傳 懷 帝 哺 主 眷 鄉 未 席 與天 遑 人疑待 不 堪 長 歸 洛 0 路 陽。 懸 九 知 迴 紫禁 太 腸 息

莫惜 開 自 放 註 誤 江 埋 風 一游 湖 輪 雲 去  $\equiv$ 才首自易中 代 輔 8 理,空 主 感 聖何 中 興, 聞 難 丞 補 濟 檻 衮 濟 殿 仲 旌 仁 Ш 賢 名。 爲 集 祝 九 臣 睘 卿 愚 扉

祇 成 逢 堪 何 迎 用 容 是 水 身後 我 宿 處 風 輩 少 餐緊客舟,●計 郎 能 異 吏, 無青史憂? 時 猶 題 品 得 免 由 清 他 程前 作 流 馬 日 牛。 到 番 滄 擾 高 州 閣 擾

#### 長 安

頻驚客夢又長安,霜落瑶天病骨寒。

頭 京 肅 兆 似 肅 雪 無 風 簪 ,6青衫憔悴 稜 筆 虚 辇 不 F 信 南 行 到 陽 行 河 有 狐 干。 豸 鼠 冠 問 朝 贏 端 得 湘 止 纍 慚

#### 即事用前韻四首

投 儘 試 勝 識 把 乞恩 周 風 劑,本來 身 波 痛 看 初 幻 得 無妄 質 理 豎 贵 莫 方 皆 教 書 無 乘 除 舟 正 自 楫 氣 謂 濟 虚 良 亨 醫 渠 端 肱 的 折 與 餘 毛 君

咄咄深源屢罷書,一腔心事棹歌餘。

- ▶ 「回塵慮盡删」,全書本作「魂長傍曉鍾」。
- ≥ 「太息」至「天長」,全書本作「遘此時艱何日了,邀立
- 「放江湖」,全書本作「薄芻蕘」。
- 「水宿風餐」,全書本作「風水相將」。

4 3

❺ 「湘纍頭似雪」,全書本作「抱頭如楚縲」。

行 天 孤 臣 藏 涯 應得 淚,百轉江 對 酒 呼 爾, 明 只言老病 月 流意未除。 澤 畔行 亦 吟 非 問 虚 古 渠。❶ 清 時 饒 小 有 決

已看 天將 仍無用,辜負君恩自廢除。 圖 斗 老去空悲 鳳 柄 迴春 杳,功名先辨鼎 旦,地 三上書,自 與 河 4 流 言 虚。 出 工 舊 瑟 + 渠 未 年 工 世 餘 道 壑

吾自 狂狷 春白 老 非 灌園 古人不作見遺書,萬 ,空山蛛網罣簷 中道,肯信鬚眉是子 空朽腐,鴟 夷 除 馬 事 革等溝 茫茫 虚。 感 渠。 行矣歸休 慨 莫言 餘

#### 無題

蘭芳猶. 敢 云 薄 駑 自 鈍 命 惜 捐 何 能 中 媒 道 報 百 轉 主 鳩 恩, 拙 憶 成 可 青 言望美 相 Ш 親 了 卻 多情 人。 舊 閒 却 佩 身。 顧 擬

滄江伴,笑與風前採白蘋

#### 白鷴

還山 起來初 非關 去,秦望峰頭好結菴 日 何 處 伏枕, 閒情 暖 春 清 將 聲 書 破 曉 會得 知 嵐 爲 早 風 霜 抽 柔 衣 簪 土 縞 向 帶 仙踪若便 南 兩 毿 逸 毿 翮

## 挽周寧宇先生二首有序

原往矣,竟不及以辭哭先生平生之誼,深始得一哭几筵。未幾,執紼送先生。九先生既殁之明年,宗周以請告還里,

- ■「澤畔行吟」,全書本作「日暮投村」。
- ❷「萬事茫茫」,全書本作「幾見今人」。

挽 神 用 交耳 歌 缺 臨 然。 風 兹者 展 誦 兀 坐 冀 Ш 泉路 樓 追 可 通 悼 不 庶幾 已 再 因 永 述

每 空 容 歌 懸 呼 久,老大 元 北 亮 斗 别 衡 推 句 門 前 風 晚 輩 隔 塵 年 暮 袛 深 悵 烟 自 契 望 0 憐 道 東 歸 州 Ш 來 傳 憶 惟 舊 見 論 緣 隴 心 頭 小 暇 阡 友 日

驂 名 獨 箕 德 與 群 尾 朝 首 陽 參 賢 去,寒芒夜夜 高 少 留 塚 晚翠,終令兩 楊、 機響 差 尹 峩 風 照 猷 林 碩 家 [1] 果 浙 食 摇 起 多。 風 頹 3 得 波 幾 此 何 日 楓 身 Ш

#### 送 祁 世 培北上二首

天路不足儗 采,德輝 清 時 周 起 几 ,乃志在 威 荒 鳳 負 乃 明 此 在 王 儀 丹 0 世 穴 一姿,竦 止必 藏 擇梧 身猶 羽 毛 陰,鳴 彷 紛 徨。 五.

> 必 於 朝 陽 遂爲 虞周 瑞, 躋 世 以 平 康

佩之以 羨 吾,欣賞知焉 他家 晦 璵。 遠 昧 行,夷 塵 諒 土 如。 爲 間 險 天下寶,永使時 什襲不足珍,清 非 有 所 物 虞。 遺 瓊 會當 琚 艱 勤 光 紓 拂 照 6 朝 拭 乘 還 車 故 莫

#### 雲 門 雜 咏

溟、闍 翁 諸 君 韻 盤 然 同 吕 輩 桓 信 者 在 夫 累 焉, 遊 日 及友 雲門 得 人 雜 時, 李 咏 道 衲 八 首 之、 子 六 郭 和 如 爾 陸 放 章 洪

碩 隔 果 暮 摇風 烟 得 全書本 幾 何 作 全書本作 「耗 愆」。

若

箇顛

毛

望

百

皤

- 楊尹」,全書 本作 南野
- 乃志在 明王」,全書 本作 所思在 求風
- 6 永使時艱経」,全書本作「山澤此焉虚」。

秦 宜 書 Ш-袁 啚 去 真 人 碌 第 望 碌 也 塵 迎 是 寰 如 陶 行 大 辇 菴 逢 夢 與 仙 耶 酣 邵 島 水 菴 出 恍 回 居 成 波 勝 織 事 似 郡 即 麵 看 城 品 别 南 業 人 0

暗 四 重 人 出之日。 何 來 隨 在 古 蕉 落 寺 ? 日 鹿 荏苒七載,重見洪 傳 依 换 容我 青 忠 依 孝,惹 林 生 山 杪 還 長 暉 1 待 得 (溟,不 , 令威。 白 新 老 雲 辭 僧 勝 感 飛 和 相 昔 慨 去 遊 見 雲門 當 歸 把 時 征 正 化 市 緹 衣 虎 鶴 騎

宗門 然草 今重 殘 碑 -結廣 復 永 堪 千 福 古 護 繼 隻 皆 名 鉢 風 履 復舊 霜 Ш 西 幾 跡 刹 歸 番 云。 代 是 老 滄 狂 故 樹 海 鄉 又 新 數 成 分 尋 時 松 桑 遺 六 檜 如 事 新 辛 秧。 意 創 勤 雲 倀 六 若 門, 倀 寺 笛 罶

有 永 樓 和 遺 隨 帖 座 地 停 Ш 主 雲 僧 乘 散 伴 風 王 無 П 閣 氏 待 新 薄 朋 碑 遊 染 來 如 翰 团 眼 開 小 前 崔 興 看 嵬 竹 廢

> 門 都 新 相 碑 似 其 莫 墨 妙 遣 殆 空 不 減 林 右 放 軍 酒 藏 帖 盃 時 王 一季重 比 部 豎 有

雲

苦 鼻,老僧阻之,不果。 冰 齎 壺 糧 無 洞 君 老 靈 脚 莫 藥 迥 誤 登 將 隔 臨 顔 當 人 駐 不 間 途 似 六 築 擬 初, 月 舍 有 廬 事 哀 秦 誠 辭 峰 時 待 疎 欲 篆 登 跨 秦 懸 書。 七 望 知 年 并 破 天 進 餘 上 釜 峩

風 人 Ш 横 流 家 好 供 小 寂 寞 病 渡 狼籍 叟,❷ 任 看 鷗 公 新 且 没 舊 蔬 傳 釣 餉 目 名 竿, 午 送 姓 盤 危 帶 千 磯 微 溪 立 官。 并 鷺 作 竹 酸 林 溪 未許 出 寒 處

迴 人 家 風 殘 幾 轉 照 度 上 秦 馬 倚 峰 蹄 邨 送 捫 邨 碧 驟 烟 苔 樹 雨 曉 雲 凉 番 踪 栽 牛 縹 背 緲 來 探 悵 幽 悠 處 更 哉 指 處

<sup>■「</sup>幽居勝事」,全書本作「生涯佳處」。

❷ 「未許風流供病叟」,全書本作「未笑風流供措大」。

相 丹 從 山 化 穴 Ш 指 鳳 示形 羽 勝 麟 至李氏 毛 載 先墓 網 而 口 返 遂 時 宿 信 道之家 夫 解 堪 輿 家 言

偶 餘 論 清 過 心 朱 興 吾 最 愛 黨 鳥 0 巖 媚 推 洞 狂 口 居 尊 迷 簡 荆 闌 津 作 握 坐 不 扉 進 手 可 紫 春 依 主 魚 風 X 留 肥 待 霞 别 咏 道 佩 剡 之。 歸 芰 溪 荷 林 歸 衣 静 棹

## 再上雲門仍次前韻得八首

不 樵 百 調 徑 盡 去 仍 溪 翻 朝 然 Ш 故 暮 供 野 往 今已 病 鹿 興 減 何 1 維 幾 酣 茅 摩 多 菴 營 可 再 窟 訪 前  $\equiv$ 老 雲 日 春 雲 門 門 此 蠶 道 歸 H 自 赴 寄 風 小 南 聲 隨 學

草 欲 印 砌 = 流 重 更 螢 來 寂 驚 Ш 暗 月 福 度 半 地 舍 松 親 暉 占 窠 Ŧī. 老 啜 彩 鶴 罷 飛 故 甘 遲 泉 坐 歸 又 久 袒 不 禪 衣 知 心

之

一會,信

宿

而

來云。

零露重,頓教人世洗炎威。

來自何 移 正 峰 家 疑 去,不 臨 丹 Ш 年 井 水 甚 越 情 終 偉 絶 坐 觀 緣 埋 并 龍 奈老 玉 州 池 憶 直 六 狂 故 問 月 追 鄉 掛 盤 尋 松 扶 里 古 桑 始 中 蹟 放 有 盤 已 欣 秧 古 倀 然 樹 倀 峩 便 不 欲 鼻 知 2

傳 松 疑 消 風 情 息 吹 未 日 老 夢 日 觸 秦 盡 懸 衲 崖 Ш 將 破 面 茶 潭 不 又 蘿 撒 舉 口 月 手 杯 送 難 坐 秋 移 間 來 寸 公 步 案 分 開 是 明 崔 此 萬 嵬 事 叡

雲門 廬 只 隨 Ш 面 笻 此 座 事 節 下 身 端 新 辦 在 拈 求 Ш 世 法, 信 中 緣 地 己 老 都 是 初 子 傍 廬 梵 生 此 鐘 來 中 時 誤 疎 六 無 如 讀 剩 會 從 書 諸 亦 今 衲 無 莫 家 講 餘 問 計 起

<sup>) 「</sup>剡溪歸棹餘清興」,全書本作「杖頭忽斷溪雲去」

❷ 「追尋古蹟已」,全書本作「仙踪仿佛意」。

最 定 撈 端 脚 月 當 漸 瀟 的 猶 嚴 瀟 看 水 夜 瓊 煩 底 玉 喻 自 徹 數 燭 笑 千 轉 空 望 竿, 加 門 梅 盤 度 徒 隱 惜 宰 寄 有 官 战 瀟 西 然 根 牕 酸 半 點 榻 摩 誰 寒。 尼 能

行 風 野 多 光 人 還 礙 何 雨 . 色 自 事 霏 認 掩 打 當當 破 歸 微 虚 碧 去, 門 空 潤 荆 Ш 證 苔, 棘 鳥 爲 不 溪 П 誰 啼 0 橋 栽 排 清 ? 案 興 莫教 來 坐 悠 滿 衣 哉。 絮 地

先· 員 執 説 相 著 破 形 我 兩 ,勞勞 容 邊 來 都 幾 似 是 度 此 纔 吅 病 地覓 點 禪 此 悟 皈 扉 兒 餘 面 擊 法 目 竹 肥 竟 拈 何 花 不 歸 老 信 衲 道 略 衣 州 卷

# 題廣孝别室得鳬字

澤畔行吟起宿鳧,◎旅情嘹唳帶僧孤

劉

蕺

Ш

先

生集卷

二十

四

前 暗 不 荒 辭 朝 事 筠 累 止 作 月 杖 留 許 方 西 新 丈, 來 巢 度 先 那 落 惜 蘆 燕 浮 將 生 雛 渦 轆 繁 轤 華 莫 小 問 徑

#### 壽章鴈峰舅

登 白 形 Ш 容 衣 老 屐 堪 五 取 得 送 月 南 酒 披 次 裘 風 追 何 似 江 陪 方 荔 興 青 矍 不 薰 鑠 鳥 又 朝 江 停 看 臯 雲。 抱 有 甕 客 百 勤 傍 年 清 重 此 許 日

#### 避暑廣福菴二首

空山宜避暑,盡日老僧閒。時與微風

- ●「衣絮行多礙」,全書本作「儱侗修禪觀」。
- ❷ 「澤畔行吟起宿鳧」,全書本作「總角垂肩狎似鳧」。

六三

關。 會,偏 萬 來 慮澄然後, 修 竹 間 孤雲自往還 清 齋 留 福 地 小 品 格 禪

泉。 發,自覺道 五花天外落,深鎖石橋邊。 紛寂 無二見,往還不住緣。 心 便。 趺 坐懸 危蹬,行 偶 歌 乘 答 秋 細 興

#### 遊天衣寺

薇 到 飛 漸 紙疑諸祖 錫有 覺 溪聲杳,山 僧歸。 後 此 寶 地説傳衣 深 蓋 古 臨 木稀 丹闕 蓮 爛 花 柯 傍 無 紫 客

# 和灌雲叔懷古用正韻

新了意义了。 鑑湖之濱有賀監故址,叔顧之,有詩

步前輩,而索和於予。

長憶風流賀季真,承明乞得晚閒身。

#### 上雲門

今何世?

是處深山學避秦。❶

不

才

同

見

放,新驚

高

唱

孰

爲

鄰

烽

烟滿

地

遺

芬

猶

拾

鑑

湖

曲

勝

事

空

傳

明

主

恩。

老去

老伴分 亦已矣,茅菴應住白雲窩。 不 盡 名 平 生 家 Ш 計,烟 事 恣 俯 業 仰,空 在 水 林阿, 閒 情 餘 付 親 晚 病 舍 1 魔。 倚 雲 嵳 門幾 從此 峩。 度過 吾行 樵 漁

#### 志感用轆轤體。

絳帳傳經憶馬融,千秋大道孰爲東?

❶ 「烽烟」至「是處」,全書本作「鷗盟若借千秋去,何似」。

茅菴應住白雲窩」,全書本作「定隨雲定省雲何」。

夢 氏 看 餘 固 流 歌 П 有澹味軒 水 幾 哀 徒 動 度 嚴 地 子 抱 陵 久讀 遺 青 道 編 雲 書其 學 逸 老 中。 鄭 去 翮 傭 長 倦 又予上壽昌 摩 咀 馬 澹 融 味 思外 平 經 春 過 祖 生 嚴 也。 黄 事 陵 業 鵠 外

#### 過鳳林

供 漫 何 憑 行 來 脚 千 靈 雲 滿 物 古弔,佳 底 干 峰 事 霄 頭 傷 上 水 心 名 滿 日又西。 重 忽 溪 借 傍 後 清 輝 人 天 題 振 杳 羽 靄 匆 低 路 匆 封 逆 陳 泥 旅 跡

#### 謝恩口占

蕭 止 因 蕭 清 報 望 禁外, 丹 闕 主 陳 憂 情 逾 淚 切 心 滿 却 耿 祛 愧 耿 孤 王 夢 臣 時 魂 九 計 餘 轉 死 罪 自 疎 憐 何 白 去 如 或 髮 ?

# 身如葉,畢罷朝參返故廬。❷

春日示王紫眉時寓蕭寺,爲舊日居停

芳草 前 姓氏 度是,年年 呼 王 流 光 4 孫 歸 馬,莫問 度 路 春色在 並 榮枯, 居 白 元都。 諸 衣 轉 蒼 始 狗 轆 信 宦 轤 行 情 藏 笑却 孤 逐 歲 劉 且 徂 郎 容

#### 自嘲

枉 尺 直 幾 番 尋 寧 逐 隊 有 數 是 時 纓 冠 老 被 去 仍 總 教 徒 清 然。 禁 傳。 上 方 3

- 「清禁外」,全書本作「頂踵在」。
- ○「畢罷朝參返故廬」,全書本作「留滯君恩策蹇驢
- ●「清禁傳」,全書本作「犢鼻牽」。

過 未 效 兩 月,五 朱 君借 更朝罷 宣 室空陪 突飛烟 賈 誼 前 贏 得 俸 錢

除 夕時壻紫眉、姪君玉、子汋同守歲。

顔。 地 道 家緣 忽忽何 在 廢 聊 興 爾 太息 間。 爾 尊酒話 顛 毛 夕争千古, 亦 宵閒。❶ 已 斑。 新 身 懸 愁 换 行 止 舊

癸 未 元 旦時寓接待寺。

禪 匝 無 誉。 林 官 峰 尚 椒 合 任 火 盤 寂 宵 東 柏 · 答 聽 風 酒 漏 自 粗 開 往 添勝,都付餘 2 細 此 逻, 柳 日 陣 曉 偏 雲閑 宜 來 書 春 生汗 掩 夢 時 關 城 破 漫 外 家 間 宣 路 府 Ш 屏 兵

# 次韻酬劉湛陸翰撰三首

敕。❸ 閉, 輪 終 鈍 熄。 材 君子有攸往 中道 胡 轅 願言後 爲 贵 適千 曠 徒 乃職。 飾 來 里? 周 是 聊從老馬識 先民有典型 道 用 强 矢 弩 鮮 如直。 無 覆 末 敗 力。 4 危 輿 儒 途 衛 終 虞駑 跡 自 日 以 匡

人, 極。 凋, 庶以葆元德。 君子尚 但 濯 嫌少 濯 袁 消 嫵媚 中 息。 梅 矯 妬 稍 彼 矯 逢 桃 雪 天 李 中 運 色。 · 植。 周 春 孤 凡 賞 風 物 賴 意 貴 伊 何 後

寂寞寰中人,去住乖通塞。 君爲威鳳

- 「話宵閒」,全書本作「擁爐寒」
- ○「宵聽」,全書本作「衣傳」。
- 「危途自匡」,全書本作「九折幾幾」。

先民有典型」,全書本作「正心與誠意」。

憶。❶ 疎,東 沈 翔 我 所愧還 臯 將 良 晤 有 冥 難再尋 餘 鴻 Ш 式 適。 去, 行 生不 各言 往 年 行 辨 發 惜 期 黍 京 千秋 分 稷。 國。 手 愴 矢 謀 惻 生 死 亦 長 靡 相 己 有

#### 答陳生章侯

情。 行。 好, 還 所 便當 薑 劉伶與李白 貴 以 桂 薦 聖 百 古 嚶 中 T 吾 鳴。 清。 舉 性 ,千載留芳名 苦 冷然 願 亦 子 觴 成 不 欣 見 獨 可 然 孔 貞。 醒 來 思 無 再 甘 獨 苦 托 觴 醒 徵 高 不 無 常 陽 成 周

# 春暮和紫眉通城感懷

空 懷 建 無 策 限 同 春 愁 表 帶 客 莫問 濃 留 殘 行 書 是 數 萬 卷 鍾 出 塵 南 封 或

> 鶯 清 花 齋 隨 坐 夢 明 盡 月 瑶 孤 琴 城 風 涕 淚爲 誰 憑 君 且 博

# 别祝開美兼示紫眉汋兒

姿,襟 命。 手, 方,勉之誠與 盛 正 語 ? 誤 轉 2 千 各言勵 期 大道 發 人如 以 里 此 互 林 或 争勝 不擇人 話 臯 坑 初 敬 昕 興。 穽。 心, 士 夕 有 弗復 干 百 進 歷 矮 世 修 落 志 夫 秋 疑 貴 視 或 事 風 良 孔 及 所 烟 觀 可 孟 聖。 竟 時 訂 塲 中 笑 行 時 巧 何 行 況 拙 危 啼 止 負 來 行 則 安 雖 惜 氣 超 得 殊 云 分 谕 世 取 斯

- ●「愴惻長相」,全書本作「别後費追」。
- · 「時危氣逾盛」,全書本作「魚鳥亦掩映」

# 過錫山同張奠夫訪第二泉用濂溪先生萍

#### 鄉詩韻

祠堂在 山亭: 江湖悲 道 心 上,留 牛 Ш 麓 掬 寂寞,半天 斗 塵 横 得 開 宗 斜 鏡, 劍 風 氣 幾 猿 仙 許 寒, 鶴 掌 般。 可平 孤 第 撑 來 安。 露 顧、高 泉 在 品品 盤 諸 匆 讓 匆 先 儒 生皆 指 滿 酸 點 地 有

# 哭殉難十公用前韻

君子精 辱與予交,而 十哭》詩以弔 和 神結 奠 夫詩後,歸途 撰 子 處 殉 獨 非 節 何 諸 以 徒 君 生爲 子。 無 死 賴 也 而 就 ? 已 中 又次第著 者 ·想見 俯 仰 而 諸 身 皆

世

,彌增嘆喟

#### 太常磊齋吴公海寧

人。 公由 矣。」予得之復 投 破 子也,而公視予亦 後先赴召,相 舉,聞予姓名而 曰: 「吾 友人稍道舊夢以爲不祥,曰: ,問其姓名, 碎 及壬戌既第,予 吏 風 公登第之前 垣 示 飄絮,身世浮 擢 可 以 太 見 訝 曰 負劉公。」遂死之。 常 訝 於 夢 然。 劉宗周 日親。 然。 京 而 師。 時 遘 沉 既 隱者誦 越廿年餘,公與予 爲儀曹郎,  $\equiv$ 别 雨 也,公不省 予既見放,公致 予心 月 之 打 萍」之 十九 明 「劉某竟隱 文 識 一山山 年 磊 之變 甲 齋君 知 爲 句 申 見 貢 何 河

多少般」。

<sup>●「</sup>指點」至「許般」,全書本作「聊識看山意,指點玄喜

世 錯 事 繡 稽 山 何 河 人 文信,不見 後死骨先寒? 空 擲, 東 注 金 Ш 身世 起 二十年 謝 打通 安。 來夢 寄 盤 語 裏酸。 悠 終 嫌 悠

#### 司 農 鴻寶倪公山陰

沉

醉

客

0

男兒事業儘多

般

起者。 之變,公即以巳刻死。 帨於袖 公官大司 公所著 中,曰「時至即 農、知 有《兒易》,予嘗受而 或 行」。 事 自此 不 ·可爲, 及三 遂有 繼 月 時 讀 十九 公而 懷

韋 知 迴 編 瀾 何 事 紫 臺閣 年 ? 待 海 文章 皆 假 蒙難 通 争 星 漢,照 、堅貞 先 斗 殉 寒,風 爾許 乘明 節 死 般。③ 期 珠 逾 與俗異 安。 只 走 讀 盤 醎 書 酸。 所 擬 學 絶

#### 憲 副 几 明 施公姚江

公過 越,當 惠 教白 馬 Ш

懷 舊 紀 難 處 敢 綱 淮 忘 南 常 臨風 嫠 重 婦 别 節 嗟嘆 緯 竹 自 時 齋 有千般。₫ 平 寒, 生學 危 轉 再 問 憶 拜 安。 菜 班 房 根 荆 白 盤 話 馬 屢 身擔 巖 酸。 前

風

或

寄 語 悠 悠 沉 醉 客一, 全 書本作 「分付後來 知

期 與俗異醎」,全書本作「標不比俗 儒

下手較輕安。 絶 至 「許 般」, 忠臣第一垂青史,五十工夫兒也般]。 全書 本作「莫向 當 場 看 早 暮 先 從

懷舊」至「千般」, 全書 本作 「池畔 草 永 存規 矩 奉

4

# 御史大夫懋明李公吉水

學。 命 子監國南京,二王皆分封淮、泗間 曰:「不可, 辭。 既起總憲 公在 籍 同 於國 嘗 死社 開 同 稷 難之前,密 而 書 己。 院 臨 與 疏請 終 諸 先帝 作 皇 生 絶 太 講

木難 市 欲 賡 存 支處 趙氏 歌 肅 肅 留 遺 丰 孤 正 何 裁 氣 句 處? 亞 猶 鹿 相 慚 巖 寒,匡 溝 枉 風 瀆 泣 景 般。 公孫 紹 扶 新 九 安。 淚 鼎 滿 和 盤 口 鹽 憐 酸。 燕

## 宫諭湛陸劉公中州

外孫、若僕從,無一免者。以時而言,鴻公之殉國也,自妻子而外,若壻、若

矣乎! 實第一,以事而言,公第一。嗚呼,聖

推人物,誠敬 止 周 憐朋 情 孔 陰 友 思 雨 聯 蕭蕭 在 聲氣 淵源 九原 道 憂國 路 似 誰問 寒, 爾般。 傷 此 時 心安。 П 共 把 鬱 袂 盤 異 時 3 口 伊洛 酸 族

### 閣學質公范公河間

半從井。 醇。 先帝之特簡,有神鑒焉。 公固吾黨之 翹 楚 也, 至 晚 遇 年 變, 氣 質益 以 夜

白

日

無光止水寒,臣

心逾苦骨逾

酸。

❶ 「一木」至「猶漸」,全書本作「洛蜀推前輩,至死猶譏」。

③ 「憂國傷時共鬱」,全書本作「方矩圓規中辟」。 ② 「陰雨蕭蕭道路」,全書本作「良玉温温金礪」。

神遊 都 時 有 建 當 心 祠祀之,亦以公固嘗官南司 陰 處 歸 羊祜 雨憂方切,●勉 德,❷招 碑前 魂 淚 無 萬 厲 濟雲雷屯且盤 般。 馬 逐 云。 偏 安。 公無 子, 南 時 都 議 應 致 於 主 是 南

### 職方元升成公北地

立 方,纔任數月即 再 殞。 廷杖、論戍。 公令滋陽,以忤 先帝 遇 變,持斬設奠梓宫前 晚 . 時 年 相下韶獄,再訊 深 悔 悟,起公職

日 鼎 楊忠愍,百煉 六 湖 師 此 〇壬午冬,邊警告迫,輿論起公。 攀 不 飽 人楊椒山 借 歷 莫逮,魂依泉路體 風 郎官箸, 也。」只此 霜 成 心骨寒,餘生返 鋼 彷 一語見先帝之處 劍 彿 般。 應 方安。5 加 司馬指張 宜興相公昌言於朝 司 或 宜興頗過矣。 馬 事辛 盤 時 大司 人 酸。4 哭拜 蚤 馬 識 公

得敘功擢用。〇久傳張司馬爲賊所殺,今已固椒山鄉人,又後先同官。〇久傳張司馬爲賊所殺,今已

### 車駕伯玉金公順天

學焉。 而 太夫人聞之,亦投 起官,差視皇城。 公弱冠登朝, 即 河死。 以言 遇變即 事 公嘗數過予 投 謫 玉 ,謫十餘 河 問 13: 年

蚤騰汗血駒千里,驟折羊腸路幾盤。國難燕市論交指歲寒,青青松柏望中酸。

- 「時當陰雨憂方切」,全書本作「獨支本末過方大」。
- )「致主有心」,全書本作「協夢有良」。
- ③ 「南都」至「萬般」,全書本作「平生固自推慷慨,進步
- 「餘生返國事辛酸」,全書本作「更無家計可偷安」。
- 餘恫哭聲酸」。「哭拜」至「方安」,全書本作「道路蒙塵衰色慘,鬼神

6

同歸死,❷留與傍人話兩般。 王陵有母傷心甘誓死,親闈無計問宵安。 王陵有母

### 司寇肖形孟公交河

傾陽處,廊廟山林豈一般。

壺父子英風在,今古同情只一般。⑤用。 仕以教忠先教孝,生非求飽復求安。卞雲中鳴鳳先歸漢,榜下驚鴻起漸磐。◎盤通雲中鳴鳳先歸漢,榜下驚鴻起漸磐。◎盤通

#### 潛忠布衣許公

日聞先帝之變,投繯數數,竟死之。里人潛忠,吴人也。以布衣教授里中,一

中朝遇變驚塗炭,幽 衣冠猶乞活,幾時 江,桐 名琰,字玉仲。 沈桐江 韋布家風姓 江擕 子著《潛 以見示,愴然不已。公許氏, 氏 簪笏上長安。 忠 寒, 谷何心賦 傳》以 里 中 表之。 考槃。 世 守一 葵忱 舟過吴 6 經 日昔 若個 酸

- 侍綵問加安」。 「國難」至「宵安」,全書本作「湖鼎從龍攀莫逮,瑶池
- 「王陵有母」,全書本作「臣忠子孝」。
- ▶ 「清癯猶自帶儒」,全書本作「如匏呐呐口流
- 驚鴻起漸磐」。 「雲中」至「漸磐」、全書本作「白雲攬鳳遥歸漢、彩筆
- 「卞壺」至「一般」、全書本作「名高卞氏推今古、廊廟
- ⑥「中朝」至「考槃」,全書本作「繇來臣誼普天下,同此
- 「葵忱」至「一般」,全書本作「先生一死真無謂,贏得

# **示秦壻嗣瞻**殉難日作三首

數子見商,故答詩云云。偶。得正而斃矣,庶幾全所受。時嗣瞻遺書以山,只争死先後。若云袁夏甫,時地皆非山,只争死先後。若云袁夏甫,時地皆非

#### 示为兒

子職未伸,君恩未報。當死而死,死有

餘悼。

#### 絶命辭

死, 留 我 此 平 旬日死,少存 生 事。 慷 慨 匡 與從容, 濟 意。 決此 何 難 朝 亦

《儒藏》精華編惠蒙善助,共襄斯文,謹列如左,用伸謝忱。

本焕法師

智海企業集團董事長 馮建新先生

NE·TIGER 時裝有限公司董事長 張志峰先生

張貞書女士

壹佰萬元

壹佰萬元

壹佰萬元

北京大學《儒藏》編纂與研究中心

本册責任編委 沙志利 吴冰妮本册審稿人 丁如明 高海波

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQyNzIzOTcuemlw",
"filename_decoded": "14272397.zip",
"filesize": 259891393,
"md5": "da748678a352cdcf502c42c8ba050d48",
"header_md5": "61d1f65ac1a9e3b60fccccf734ed96da",
"sha1": "bb0600c3481a1477df46034b9ec1da88694f1a2f",
"sha256": "89ac0753d8eebadfdd647290c10b001ad28f3a81215d4a857fcab7e88ce2f7a3",
"crc32": 269848900,
"zip_password": "",
"uncompressed_size": 290385441,
"pdg_dir_name": "",
"pdg_main_pages_found": 690,
"pdg_main_pages_max": 1316,
"total_pages": 698,
"total_pixels": 4280178016,
"pdf_generation_missing_pages": false
```